

# প্রথম প্রতিশ্রুতি

আশাপূর্ণা দেবী

মিত্র ও ঘোষ পাব্লিশার্স  
প্রাইভেট লিমিটেড  
গ্যামাচরণ দে স্ট্রীট, কলিকাতা ১২

প্রথম সংস্করণ— ১৯৬৫

অক্ষয় ও ঘোষ পাবলিশার্স প্রাঃ লিঃ, ১০ স্ত  
এস. এন. রায় কর্তৃক প্রকাশিত ও নি  
কলিকাতা ৬ হইতে অশোব



## উৎসর্গ

‘নভুত লোকে বসে একদা যাবা বেখে গেছেন প্রতিশ্রুতির  
স্বাক্ষর, সেই ববণীয় ও শ্রবণীয়াদেব উদ্দেশে—



এই লোথকার অন্যান্য বহ

স্ববর্ণলতা	পলাতক সৈনিক	জালিকাটা বোদ
বকুলকথা	যে যাব দর্পণে	একাল সেকাল অন্ধকাল
সমুদ্র নীল আকাশ নীল	পাখি খাঁচা খাঁচার পাখি	জন্ম জন্মকে সংখ্য
অগ্নিপবাক্ষা	কখনো দিন কখনো বাত	ছায়ামুগ
মেঘ পাহাড়	চাব দেয়ালের বাইবে	জল আব সংখ্যন
যোগবিয়োগ	ওবা বড় হয়ে গেল	একটি সন্ধ্যা একটি সন্ধ্যা
নপথ্যনায়িকা	বেল লাইন	নয়ছয়
গল্প-পঞ্চাশৎ	যাব যা দাম	জুহুর্বা
শ্রেষ্ঠগল্প	বিজয়ী বসন্ত	যুগে যুগে প্রেম
স্বপ্নশব্দী	বণ্ডেব তাস	অনিবাচিত গল্প
নবজন্ম	দবেব জানালা	পৃৎপাত্র
উত্তরণ	মাযাজাল	সবস ণন
শশীবাবুব সংসার	সাগব শুকাযে যায়	সোনালী সন্ধ্যা
উডোপাখী	জনতাব মুখ	দেংলন
পছীমহল	প্রথম গল্প	প্রেম ও প্রায়োজন
উত্তবলিপি	দিনান্তব বং	সাজবদল
নবনীড	দুষে মিলে এক	বহুবঙ্গ
মুখব বাত্রি	সোনাব হবিন	জীবনস্বাদ
আলোব সাক্ষর	নদী দিকহাবা	কেশবর্তী কহু
বাণীশহবেব কানাগলি	শুক্তি সাগব	লঘু ত্রিপদী
কাঁচ পুঁতি হাবে	অবিনশ্বব	এক আকাশ অনেক ভাবা
	শালিব নাচে টেউ	

—ছোটদের—

ছোট্টাফুর্দাব কাশীষাত্রা	কনকদীপ
হাক্-হলিডে	ছোটদের ভালো ভালো গল্প
এক সমুদ্রুব অনেক টেউ	ভাগিয়া যুদ্ধু রেবেছিল
বলবার মতন নয়	গল্প হলো শুন
ছোটদের শ্রেষ্ঠ গল্প	বন্ধিন মলাট
শোনো শোনো গল্প শোনো	শুধু হাসিব ণন
গল্প ভালো আবার বলো	সেই সব গল্প



বহির্বিষয়ের ভাঙাগড়ার কাহিনী নিয়ে বচিত হয় বিগত কালের ইতিহাস। শালো আর অন্ধকাবের পৃষ্ঠপটে উচ্চকি ৩ সেই ধনিমুখব ইতিহাস পববর্তীকালের জন্ম সঙ্কিত বাখে প্রেবণা, উন্নাঙ্গনা, বোমাঞ্চ। কিন্তু স্তিমিত অন্তঃপুবেব অন্তবাবোও কি চলে না ভাঙাগড়াব কাজ ? যেখান থেকে বং বদল হয় সমাজেব, যুগেব, সমাজমাত্মবেব মানসিকতাব। চোখ কেলেলে দেখা যায় সেখানেও অনেক সঙ্কয়। তবু বাচিত ইতিহাসগুলি চিবদ্দিন্দ্র এষ্ট অন্তঃপুবেব ভাঙাগড়াব প্রতি উদাসীন অন্তঃপুর চিরদিনই অবহেলিত। বা পাশেব সেই অবজ্ঞাত অন্তঃপুবেব নিভা ৩ প্রথম যাবা বহন কবে এনেছেন প্রাণশ্রুতিব স্বাক্ষব, এ গল্প সেই অনামী মেয়েদের একজনের কাহিনী।

তুচ্ছ দৈনন্দিনেব পৃষ্ঠপটে আনা এই ছবি যদি বহন কবে বাখতে পেবে থাকে বিগত কালের সামান্ততম একটি টুকবোকে, সেইটুকুই হবে আমার শ্রমব সার্থকতা।

লেখিকা

মূল চৰিত্ৰ

সত্যবতী

ৰামকালী—	সত্যবতীৰ বাৰা	ভুবনেশ্বৰী—	সত্যবতীৰ মা
জয়কালী—	" ঠাকুদা	দীনতামিনী -	" ঠাকুমা
কৃষ্ণ -	" জ্যাঠামশাই	কাশীধৰী ,	' পিসঠাকুমা'
জটা—	" পিসিব ছেলে	মোক্ষদা } —	
নবকুমাৰ—	" স্বামী	শিবজায়া { —	" জ্যাতিঠাকুমা
নীলাম্বৰী বা ডুৰো—	' গন্থব	নন্দবাণী } —	
সংবন—	বড়ছেলে	নিভাননী } —	" মামী
সবল—	ছোটছেলে	সুকুমাৰী } —	
ফেলু বা ডুৰো—	' গন্থব	এলোকেশী—	সত্যবতীৰ শাস্ত্ৰী
বাসুদেৱী -	গন্থব বড়ছেলে	পুণ্ডা—	সত্যবতীৰ সময়সীমা পিসি
নেতু—	' ছোটছেলে	ৰেঁদি—	" বালাবান্ধৰী
ভৰতেশ্বৰ—	নবকুমাৰেৰ গৰ্ভক	সুৰ্বৰ্ণ—	" মেয়ে
নতাই—	স্ক	সেজপিসি—	জটাৰ মা
গম্ভীৰ বা ডুৰো—	পাটমহলেৰ জমিদাৰ	শণীতাবা—	কৃষ্ণৰ বোন
শ্ৰীমাকান্ত—	ঐ জমিদাৰ পুত্ৰ	অভয়া—	" স্বা
ৰাধহৰি ঘোষাল	} — ঐ প্ৰতিবেশী	সারদা—	ৰাধুৰ বো
দয়াল মুখুৰো		পটলী—	বাসুৰ দ্বিতীয় স্ত্ৰী
নগেন—	কাটোয়াৰ যুবক	শৰুবা (কাটোয়াৰ বো)—	কাশীধৰীৰ নাতবো
নিছাবত্ৰ—	ৰামকালীৰ ভক্তিভাজন পণ্ডিত	বেহলা—	শ্ৰীমাকান্তেৰ স্ত্ৰী
গোবিন্দ গুপ্ত—	" আশ্ৰয়দাতা	ভাবিনী -	নিতাইয়েৰ স্ত্ৰী
পটলী ঘোষাল	} — " প্ৰতিবেশী	মুক্তকেশী—	এলোকেশীৰ সহয়েৰ মেয়ে
সিপিন লাতিডী		সোদামিনী -	এলোকেশীৰ ভাৰ্য্যা
মুকুন্দ মুখুৰো—	সোদামিনীৰ স্বামী	সুগাম—	শৰুবাৰ মেয়ে
তুটু—	গোৱালা		
বঘু—	তুটুৰ নাতি		
বিষ্ণু—	ওৰা	সাবিপিসি, ৰাধুৰ মা, নাপিত-বো,	
গোপেন—	ৰাখাল	দলগিৰী, ক্যান্স ঠাকুৰ ইত্যাদি ।	

প্রথম প্রতিক্রান্ত





সত্যবতীৰ গল্প আমাব লেখা নয। এ গল্প বকুলেৰ খাতা থেকে নেওষা। বকুল বলেছিল, “একে গল্প বলতে চাও গল্প, সত্যি বলতে চাও সত্যি।”

বকুলকে আমি ছেলেবেলা থেকে দেখছি। এখনও দেখছি। ববাববই বলি, “বকুল, তোমাকে নিয়ে গল্প লেখা যায়।” বকুল হাসে। অবিশ্বাস আৰ কৌতুকেৰ হাসি। না, বকুল নিজে কোনদিন ভাবে না—তাকে নিয়েও গল্প লেখা যায়। নিজেৰ সম্বন্ধে কোন মূল্যবোধ নেই বকুলেৰ, কোন চেতনাই নেই।

বকুলও যে সঁচাই পৃথিবীৰ একজন এ কথা যেন মানতেই পারে ন বকুল। সে শুধু জানে, সে কিছুই নয়, কেউই নয়। অতি সাধারণেৰ একজন, একেবাৰে সাধাৰণ।—ষাদেৰ নিয়ে গল্প লিখতে গেলে কিছুই লেখবাৰ থাকে না।

বকুলেৰ এ দাবণ গড়ে ওঠাৰ মূলে হয়তো ওৰ জীবনেৰ বনেদেৰ তুচ্ছতা হয়তো এখন অনেক পেৰেও শৈশবেৰ সেই অনেক কিছু না পাওয়াৰ ক্ষোভ আৰুও বয়ে গেছে তাৰ মনে। সেই ক্ষোভই স্তিমিত কবে বেখেছে তাৰ মনকে কুণ্ঠিত কবে বেখেছে তাৰ সন্তাকে।

বকুল স্বৰ্ণলতাৰ অনেকগুলো ছেলেমেয়েৰ মধ্য একজন। স্বৰ্ণলতা শৈশবদিকেৰ মেয়ে।

স্বৰ্ণলতাৰ সংসাৰে বকুলেৰ ভূমিকা ছিল অপবাৰীৰ।

অজান কোন এক অপবাৰীৰ সম্বন্ধে সন্দেহ হয় থাকতে হলে বকুলকে, এ যেন বিধি নির্দেশিত বিধান।

বকুলেৰ শৈশব মন গঠিত হয়ছিল তাই অধুণ এৰ আলোছায়াৰ পৰিমণ্ডলে যাৰ কতকাংশ শুধু ভয় সন্দেহ আতঙ্ক ঘণা, আৰ কতকাংশ জ্যোত্স্নয় বহুশুৰুৰ উজ্জ্বল চেতনায় উদ্ভাসিত। তবু মানুহক ভাল না বেসে পাৰ না বকুল। মাছুৰেৰ ভালবাসে বলেই তো—

কিছু থাকে। এটা গুণে বকুলেৰ গল্প নয। বকুল বলেছে, ‘আমাব গল্প যেন লিখতেই হয় তো সে আজ নয। পৰে। জীবনেৰ দীৰ্ঘপথ পাৰ হয়ে এ য় বুলতে শিখেছে বকুল, পিতামহী প্ৰপিতামহীৰ ঋণশোধ না কবে নিজেৰ কথা বলতে নেই।

নিভৃত গ্রামের ছায়াঙ্ককার পুষ্করিণীই ভরা বর্ষায় উপচে উঠে নদীতে গিয়ে মিশে স্রোত হয়ে ছোটে। সেই ধারাই ছুটে ছুটে একদিন সমুদ্রে গিয়ে পড়ে। সেই ছায়াঙ্ককারের প্রথম ধারাকে স্বীকৃতি দিতে হবে বৈকি।

আজকের বাংলাদেশের অজস্র বকুল-পারুলদের পিছনে রয়েছে অনেক বছরের সংগ্রামের ইতিহাস। বকুল-পারুলদের মা দিদিমা পিতামহী আর প্রপিতামহীদের সংগ্রামের ইতিহাস। তারা সংখ্যায় অজস্র ছিল না, তারা অনেকের মধ্যে মাত্র এক-একজন। তারা একলা এগিয়েছে। এগিয়েছে খানা ডোবা ডিঙিয়ে, পাথর ভেঙে, কাঁটাঝোপ উপড়ে। পথ কাটতে কাটতে হয়তো দিশেহারা হয়েছে, বাসে পড়েছে নিজেরই কাটা-পথের পথ জুড়ে। আবার এসেছে আর একজন, তার আবদ্ধ কর্মভার তুলে নিয়েছে নিজের গাতে। এমন করেই তো তৈরী হল বাস্তব। যেখান দিয়ে বকুল-পারুলরা এগিয়ে চলেছে। বকুলমা ও খাটছে বৈকি। না খাটলে চলবে কেন? শুধু তো পায়ে চলাব পথ হলেই কাজ শেষ হল না।

রথ চলার পথ চাই যে।

সে পথ কে কাটবে কে জানে? সে বথ কাবা চালাবে কে জানে?

বারা চালাবে তারা হয়তো অলস কৌতুহলে অতীত ইতিহাসের পাতা উলটে দেখতে দেখতে সত্যবতীকে দেখে হেসে উঠবে।

নাকে নোলক, আব পায়ে মল পরা আট বছরের সত্যবতীকে।

বকুল ও একসময় হাসত।

এখন হাসে না। অনেকটা পথ পার হয়ে এসে বকুল পথের মর্মকথা বুঝতে শিখেছে। তাই যে সত্যবতীকে বকুল কোনোদিন চোখেও দেখে নি, তাকে দেখতে পেয়েছে স্বপ্নে আর কল্পনায়, মমতায় আর শ্রদ্ধায়।

তাই তো বকুলের খাতায় সত্যবতীর এমন স্পষ্ট চেহারা জাঁকা রয়েছে।

নাকে নোলক, কানে 'সার' মার্কাড়ি, পায়ে কাঁঝর মল, বুদ্ধাবনী-ছাপের আটহাতি শাড়ি পরা আট বছরের সত্যবতী। বিয়ে হয়ে গেছে বছরখানেক আগে—এখনও ঘরবসত হয় নি। অপ্রতিহত প্রতাপে পাড়াহুঁকু ছেলেমেয়ের দলনেত্রী হয়ে যথেষ্ট খেলে বেড়ায়। সত্যবতীর মা ঠাকুমা জ্যেষ্ঠা পিসি এঁটে উঠতে পারে না ওকে।

পারে না হয়তো সত্যবতীর যথেষ্টাচারের ওপর ওর বাপের কিছু প্রশ্রয় আছে বলে।

সত্যবতীর বাপ রামকালী চাটুয্যে, চাটুয্যে বামুনের ঘরের ছেলে হলেও ব্রাহ্মণ-জনোচিত পেশা তাঁর নয়। অল্প শাস্ত্রপালা বেদ-বেদান্ত বাদ দিয়ে তিনি বেছে নিয়েছেন আয়ুর্বেদ। ব্রাহ্মণের ছেলে হয়েও কবিরাজি করেন রামকালী। তাই গ্রামে তাঁর নাম ‘নাড়িটেপা বামুন’। তাঁর বাড়ির নাম ‘নাড়িটেপার বাড়ি’।

রামকালীর প্রথম জীবনটা তাঁর অল্প সব ভাই আর অল্পাল্প জ্ঞাতীগোত্রের চাইতে তিম্ব। কিছুটা হয়তো বিচিত্রও। নইলে ওই আধাবয়সী লোকটার ওইটুকু মেয়ে কেন? সত্যবতী তো রামকালীর প্রথম সস্তান। সে যুগের হিসেবে বিয়ের বয়স একেবারে পার করে ফেলে তবে বিয়ে করেছিলেন রামকালী। সত্যবতী সেই পার-হয়ে-যাওয়া বয়সের ফল।

শোনা যায় নিতান্ত কিশোর বয়সে বাপের ওপর অভিমান করে বাড়ি থেকে পালিয়েছিলেন রামকালী। কারণটা যদিও খুব একটা ঘোরালো নয়, কিন্তু কিশোর রামকালীর মনে বোধ করি সেটাই বেশ জোরালো ছাপ মেরেছিল।

কি একটা অস্ববিধের পড়ে রামকালীর বাবা জয়কালী একদিনের জন্তে সঙ্গ উপবীতধারী পুত্র রামকালীর উপর ভার দিয়েছিলেন গৃহদেবতা জনার্দনের পূজা-আরতির। মহোৎসাহে সে ভার নিয়েছিল রামকালী। তার আরতির ঘণ্টাধ্বনিতে সেদিন বাড়িসুদ্ধ লোক ‘ত্রাহ জনার্দন’ ডাক ছেড়েছিল। কিন্তু উৎসাহেব চোখেট ভয়ঙ্কর একটা ভুল ঘটে গেল। মারাত্মক ভুল।

রামকালীর ঠাকুমা ঠাকুরঘর মার্জনা করতে এসে টের পেলেন সে ভুল। টের পেয়ে ঝাড়া মাথার উপর কদমছাঁট চুল সজারুর কাঁটার মত খাড়া হয়ে উঠল তাঁব; ছুটে গিয়ে ভাইপোর অর্থাৎ রামকালীর বাবা জয়কালীর কাছে প্রায় আছড়ে পড়লেন।

“সর্বনাশ হয়েছে জয়!”

জয়কালী চমকে উঠলেন, “কি হয়েছে পিসি?”

“ছেলেপুলেকে দিয়ে ঠাকুরসেবা করালে যা হয় তাই হয়েছে। সেবা-অপরাধ ঘটেছে। রেমো জনার্দনকে ফল-বাতাসা দিয়েছে, জল দেয় নি।”

চড়াং করে সমস্ত শরীরের রক্ত মাথায় গিয়ে উঠল জয়কালীর। “ঘ্যা” করে একটা আর্তনাদ-ধ্বনি তুললেন তিনি।

পিসী একটা হতাশ নিশ্বাস ফেলে সেই সুরেই সুর মিলিয়ে বললেন, “হ্যাঁ ! জানি না এখন কার কি অদৃষ্টে আছে ! ফুল তুলসীর ভুল নয়, একেবারে তেঁতার ফুল !”

সহসা জয়কালী পায়ের খড়মটা খুলে হাতে নিয়ে চিৎকার করে উঠলেন, ‘রেমো ! বেমা !’

চিৎকারে রামকালী প্রথমটায় বিশেষ আশঙ্কিত হয় নি, কারণ পুত্র-বর্জিতদের প্রতি স্নেহ-সস্তাষণও জয়কালীর এর চাইতে খুব বেশী নিম্নগ্রামের নয়। অতএব সে বেলের আঠার হাতটা মাথায় মুছতে মুছতে পিড়সকাশে এসে পড়াল।

কিন্তু এ কী ! জয়কালীর হাতে খড়ম !

রামকালীর চোখের সামনে কতকগুলো হলুদ রঙের ফুল ভিড় করে পড়াল।

“ভগবানকে স্মরণ কর্ রেমো”, জয়কালী ভাষণ মুখে বললেন, “তোমার কপালে মৃত্যু আছে।”

রামকালীর চোখের সামনে থেকে হলুদ রঙের ফুলগুলোও লুপ্ত হয়ে গেল, রইল শুধু নিরঙ্ক অন্ধকার। সেই অন্ধকার হাতড়ে একবার খুঁজতে চেষ্টা করল রামকালী কোন্ অপরাধে বিধাতা আজ তার কপালে মৃত্যুদণ্ড লিখেছেন ! খুঁজে পেল না, খোঁজবার সামর্থ্যও রইল না। সেই অন্ধকারটা ক্রমশঃ রামকালীর চৈতন্যের উপর ঝাঁপিয়ে পড়ল।

“ক্রনাদিনের ঘরে আজ পূজা করেছিলি তুই না ?”

রামকালী নীরব।

পূজার ঘরেই তা হলে কোনো অপরাধ সংঘটিত হয়েছে। কিন্তু কই ? কি ? যথারীতি হাত-পা ধুয়ে তার পৈতেয় পাওয়া চেলির জোড়টা পরেই তো ঘরে ঢুকেছিল রামকালী। তারপর ? আসন। তারপর ? আচমন। তারপর ? আরতি। তারপর—চাই করে মাথায় একটা ধাক্কা লাগল।

“জল দিয়েছিলি ভোগের সময় ?”

এই প্রশ্নটি পুত্রকে করছেন জয়কালী খড়মের মাধ্যমে।

দিশেহারা রামকালী আরও দু-দশটা ধাক্কার ভয়ে বলে বসল—“হ্যাঁ, দিয়েছি তো।”

“দিয়েছিলি ? জল দিয়েছিলি ?” জয়কালীর পিসা যশোদা একেবারে

নামের বিপরীত ভঙ্গীতে বলে উঠলেন, “দিয়েছিলি তো সে জল গেল কোথায় বে হতভাগা ? গেলাস একেবারে শুকনো ?”

প্রশ্নকর্তী ঠাকুমা ।

বুকের গুরু-গুরু ভাবটা কিঞ্চৎ হাল্কা মনে হল, রামকালী ক্ষীণস্বরে বলে বসল, “ঠাকুর খেয়ে নিয়েছে বোধ হয় ।”

“কা ? কী বললি ?” আর একবার ঠক করে একটা শব্দ, আর চোখে অন্ধকার হয়ে যাওয়ার আরও গভীরতম অন্তর্ভুক্তি ।

“লক্ষ্মীচাঁড়া, শুয়ার, বন্দবাবা ! ঠাকুর জল খেয়ে নিয়েছে ? শুধু ভূত হও ন তুমি, শয়তানও হয়েছে । ভয় নেই প্রাণে তোমাব ? ঠাকুরের নামে মিছে কথা ?”

অর্থাৎ মিথ্যা কথাটা যত না অপরাধ হোক, ঠাকুরের নামের সঙ্গে জড়িত হয়ে ভাষণ অপরাধে পরিণত হয়েছে । রামকালী ভয়ের বশে আবারও মিছে কথা বলে বসে, “হ্যাঁ, সত্যি বলছি । ঠাকুরের নামে দিব্যি । দিয়েছিলাম জল ।”

“বটে রে হারামজাদা ! বামুনের ঘরে চাঁড়াল ! ঠাকুরের নামে দিব্যি ? জল দিয়েচিস তুই ? ঠাকুর জল খেয়ে ফেলেছে ? ঠাকুর জল খায় ?”

মাথার মধ্যে জ্বলছে ।

রামকালী মাথার জালায় শস্থির হয়ে সমস্ত ভয়-ডর ভুলে বলে বসল, “খায় না জানা তো দাও কেন ?”

“ও, আবার মুখে মুখে চোপা !” জয়কালী আর একবার শেষবেশ খড়মটার সন্যাসহার করলেন । করে বললেন, “যা দূর হ, বামুনের ঘরের গরু ! দূর হয়ে য আমার স্নানুখ থেকে !”

এই ।

এর বেশী আর কিছুই করেন নি জয়কালী । আর এরকম ব্যবহার তো তিনি সর্বদাই সকলের সঙ্গে করে থাকেন । কিন্তু কিসে যে কি হয় !

রামকালীর চোখের সামনে থেকে যেন একটা পদা খসে গেল ।

চিরদিন জেনে আসছে জনাদন বেশ একটু দয়ালু ব্যক্তি, কারণ কারণে-অকারণে উঠতে-বসতে বাড়ির সকলেই বলে, ‘জনাদন, দয়া করো’ । কিন্তু কোথায় সে দয়ার কণিকামাত্র !

রামকালী যে মনে মনে প্রাণ ফাটিয়ে চিৎকার করে প্রার্থনা করল. “ঠাকুর.

এই অবিবাহিতদের সামনে একবার নিজমুর্তি প্রকাশ কবো, একবার অলক্ষ্য থেকে দৈববাণী কবো, ওরে জয়কালী, বৃথা ওকে উৎপীড়ন করছিস। জল আমি সত্যই খেয়ে ফেলেছি। একমুঠো বাতাসা খেয়ে ফেলে বড্ড তেষ্ঠ পেয়ে গিয়েছিল।”

নাঃ, দৈববাণীর ছায়ামাত্র নেই।

সেই মুহূর্তে আবিষ্কার কবল বামকালী, ঠাকুর মিথো, দেবতা মিথো, পূজোপার্ট প্রার্থনা—সবই মিথো, অমোঘ সত্য শুধু খডম।

পৈতৈব সন্ন্যাস তারও একজোড়া খডম হয়েছে। তার উপযুক্ত ব্যবহার কবে করতে পাববে বামকালী কে জানে।

অথচ এই দণ্ডে সমস্ত পৃথিবীর উপবই সে ব্যবহারটা কবতে ইচ্ছে করছে।

“পৃথিবীতে আব থাকব না আমি।”

প্রথমে সংকল্প করল বামকালী।

তার পব ক্রমশঃ পৃথিবীটা ছেড়ে চলে যাবার কোনো উপায় আবিষ্কার করতে না পেরে মনেব সঙ্কে রকা করল।

পৃথিবীটা আপাততঃ হাতে থাক, ওটা তো যখন ইচ্ছেই ছাড় যাবে। ছাড়বার মত আরও একটা জিনিস রয়েছে, পৃথিবীবই প্রতীক ঘেটা।

বাড়ি।

বাড়িই ছাড়বে বামকালী।

জন্মে আর কখনও জনার্দনের পূজা যাতে না কবতে হয়।

তখন ‘নার্ভিটেপার বাড়ি’ নাম হয় নি, আদি ও অক্ষুত্রম ‘চাটুযে। বাড়ি’ই ছিল সকলের শ্রদ্ধা-সমীহেরও আবার ছিল। কা’জই শেখ নিতুদিন গামে সাজ পড়ে রইল, চাটুযোদের ছেলে হারিয়ে যাওয়া নিয়ে।

গ্রামে সমস্ত পুরে জাল ফেলা হল। গ্রামের সকল দেবদেবীর কাছে মানসিক মানা হল। বামকালীর মা রোজ নিয়ম করে ছেলের নামে দাঁটে প্রলীপ ভাসাতে লাগল, জয়কালী নিয়ম করে জনার্দনের ঘবে তুলসী চড়াতে লাগলেন, কিছুই হল না।

ক্রমশঃ সকলে যখন প্রায় ভুলে গেল চাটুযোদের বামকালী বলে একটা ছেলে ছিল, তখন গ্রামের কোনো একটি যুবক একদিন ঘোষণা করল, ‘বামকালী আছে। সে মুকুন্দদাবাদে গিয়েছিল, সেখানে নিজের চোখে দেখে এসেছে

রামকালী নবাব-বাড়ির কবরেজ গোবিন্দ গুপ্তর বাড়িতে বয়েছে, তাব সাকবেদি কবে কববেদ্বি শিখছে।

শুনে ফাল ফাল করে তাকিয়ে রইলেন জয়কালী। ছেলের বেঁচে থাকাব খবর, আর ছেলের জাত যাওয়াব খবর, যুগপৎ উন্টোপান্টো দুটো খববে তিনি ভুলে গেলেন, আনন্দে চৈতৈহকাব কবতে হবে কি শোক হাহাকাব কবতে হবে!

ছেলে গুণিগাডিব জাত পাচ্ছে, বগ্নিগাডিব আশ্রয় গ্রহণ কবেছে, এ তে মৃত্যু-সংবাদেবট সামিল।

অপচ বামকালী এযাবৎ মবে নি, একথা জেনে প্রাণেব মনো কী যেন টেলে টেলে উঠছে। কী সে? আনন্দ? আবেগ? অছুতাপেব যন্ত্রণা-মুক্তিব স্তথ?

গ্রামেব সকলেব সঙ্গে পবামর্শ কবতে লাগলেন জয়কালী। অবশেষে বায় বেবোলো, জয়কালীব তাজেব একবাব যাওয়া দবকাব। সবেজমিনে তদন্ত কবে দেখে আশ্চর্য প্রকৃত অবস্থাটা কি! তা ছাড়া সেই লোক প্রকৃতই বামকালী কি না—তাই বা কে জানে! যে দেখেছে সে তে নিকট-আত্মীয় নয়, চোখেব ভ্রম হতে কতক্ষণ?

কিন্তু পবামর্শ শুনে জয়কালী আকাশ থেকে পড়লেন, “আমি যাব? আমি কি কবে যাব? জনার্দনেব সেবা ফেলে আমার কি নড়বাব জো আছে?”

বামকালীব মা, জয়কালীব দ্বিতীয় পক্ষ দীনতাবিণী শুনে কেঁদে ভাসাল। মুখে এসেছিল, বলে, ‘জনাদনই তোমাব এত বড় হল?’

বলতে পারল না সাহস করে, শুধু চোখেব জল ফেলতে লাগল।

অবশেষে অনেক পবিকল্পনান্তে স্থিবি হল, জয়কালীব এক ভাগ্নে যাবে, বয়স্ক ভাগ্নে। তাব সঙ্গে জয়কালীব প্রথম পক্ষেব বড ছেলে, কৃষ্ণকালী যাবে।

কিন্তু এহ গড়গ্রাম থেকে মুকুত্বাদে যাওয়া তো সোজা নয়। গরব গাতি কবে গঞ্জয় গিয়ে খোঁজ নিতে হবে কবে নৌকা যাবে মুকুত্বাদে। তাবপব তাবাব চাল চিড়ে বেবে নিয়ে গরব গাড়িতে তিন ক্রোশ বাস্তা ভেঙে নৌকাব কিনাবে গিয়ে ধনী পাড়া।

পবচও কম নয়।

জয়কালী ভাবলেন, খবেচব খাতায় বসানো সংখ্যা আবাব জমাব খাতায় বসাতে গেলে ঝঞ্জাট বড় কম নয়। এত ঝঞ্জাটেব দবকাবই বা কি ছিল?

রাগ হল সেই ফাজিল হোক্‌বাটার ওপর; যে এসে খবর দিয়েছে। যে এত ঝগড়া বাবানোর নায়ক।

বামকালী তো খরচ হয়েই গিয়েছিল! ওই ফাজিলটা এসে খবর না দিলে আর—

কিছু দরকার ছিল রামকালীর মার দিক থেকে, তাই সব ঝগড়াটুপুইয়ে ভাঙে কে আব ছেলে কে পাঠালেন জয়কালী। আর কদিন পরে তারা এসে জানাল, খবর ঠিক। রামকালী নিঃসন্তান গোবিন্দ বন্দির পুত্র হয়ে রাজার হালে আছে, এর পর নাকি পাটনা যাবে। এদের কাছে বলেছে একেবারে রাজবন্দি হয়ে টাকার মোট নিয়ে দেশে যাবে, তার আগে নয়।

শুন যাদের বেশী ঈর্ষা হল, তারা বলল, “এমন কুলাঙ্গার ছেলের মুগদর্শন করতে নেই। তা ছাড়া ও তো জাতিচ্যুত।”

যাদের একটি কম ঈর্ষা হল, তারা বলল, “তবু বলতে হবে উছোঁগী পুরুষ! আর জাতিচ্যুতই বা হতে কোন? কুঞ্জ তো বলছে নাকি জেন এসেছে গোবিন্দ গুপ্ত রামকালী চাটখোব জেঞ্জ কোন এক বামুনবাড়িতে ভারতের বাবস্থা করে বেখেছে।”

হামে আপনার শিচুদ্দিন এই নিয়ে খুব আলোচনা চলল। এং যখন এসব আলোচনা কমিয়ে গিয়ে ক্রমশঃ আপনার সবাই রামকালীর নাম ভুলতে বসল, তখন একদিন রামকালী শশবাবের গাজির হল টাকার বস্তা নিয়ে।

গোবিন্দ গুপ্ত পবামর্শ দিয়েছেন, “তোমার আব রাজবন্দি হয়ে কাজ নেই বাপু, বরং এখন ভেতরে ভেতরে ঘুণ দরতে বসেছে, নবাবের নবাবী হতে শিকের উসেছে। আমরা এই দীর্ঘকালের সঞ্চিত অর্থবাশি নিয়ে দেশে পালিয়ে গিয়ে নিজে নবাবী করে গে। আমরা দ্বী-পুত্র উভয়ে কাশাবাসে মনঃস্থির করেছি।”

অগত্যা চলে এসেছে রামকালী।

গুঞ্জর ঘাট থেকে নিজের পালকি করে।

গোবিন্দ গুপ্তের পালকিটাও পেয়েছে রামকালী, মৌদায় চাপিয়ে নিয়ে এসেছে।

কিছু তপন জয়কালী মারা গেছেন এই এক মন্ত আপসোস।

বাবাকে একবার দেখাতে পারল না রামকালী, সেই তাড়িয়ে দেওয়া ছেলেট মাছুম হয়ে ফিরল।



## ॥ দুই ॥

গল্পে মেলায় যেমন শোক দল বেঁধে 'পাঁচপেয়ে গ' দেখতে ছোট, তেমনি কবে দেশের সমস্ত লোক আসতে লাগল বামকালীকে দেখতে। বামকালী মনে মনে নিরন্তর হলেও সকলকে যথোচিত মাণ্ড কবল এবং বয়োভেদে সকলকে একভেদে করে বৃত্তি ও নগদ টাকা দিয়ে প্রণাম করল।

দূরে দূরে সবাই বলাবলি করতে লাগল, "ঊঃ, কী উঁচু নজবটাই হয়ে এসেছে!" অনেকে নিজেব নিজেব চিবাঁদিন বাড়ি বসে থাকা ছেলেগুলোর দিকে তাকিয়ে তাকিয়ে নিশাস ফেলল।

তবু বিচ্ছাদিন একটি জাত-মেলা জাত-মেলা হয়ে থাকতে হয়েছিল বৈকি বামকালীকে। বাববাড়িতে শুভ গেত, বাড়িব ছোট ছেলেগুলো দৈবাৎ কেউ বামকালীকে ছুঁয়ে ফেললে তাকে কাপড় ছাড়াই হত। কিছু বামকালীই একদিন গ্রামকতাকে ডেকে সাগিশ মানল।

এটা কেন হবে ?

একটি দিনেব জন্ম সে বৈজব অন্ন গণণ করে নি, এক দিনেব জন্ম কোন অনাচাব কবে নি। শুধু শুধু পতিত হয়ে থাকতে হবে কেন তাকে ?

গ্রামকতাব মাথা চুলকে হে হে কবতে লাগলেন, স্পষ্ট কিছু কবতে পারলেন না। কারণ হেঁচাটা নাকি রাজবাগি গোবিন্দ গুপ্তর সমস্ত বিত্তে তার সমস্ত টাকা হাতিয়ে নিয়ে এসেছে।

তাছাড়া হেঁচার গাতটাও দবাঙ

শোনা যাচ্ছে শিগগিবই পুসারিণা প্রতিসা বববে।

কতাদেব হে হে কবার অবসবে বামকালী নিজেব বক্তবা বাক্ত করল, "দখন আমার খকব গুদ ডেকে কথা কয়। আমি তার একছ-কাপং আশবাদও তো পেয়েছি। সে বিত্তে আমাব জন্মভমিব, আমাব পাড়াপড়ার, আমার জ্বাতি-গোত্রের কাণ্ডে লাগুক এই আমি চাই। তবে যদি আপনার ত না চান, ত হলে আমার আমাকে গ্রামের বাস উক্টয়ে চলে যেতে হবে।"

এবার গ্রামকতারা হাঁ হাঁ কবে উঠলেন। সতাই তো, কথাটা তো উড়িয়ে দেবার নয় ? সকলেরই একদিন না একদিন 'নিদেনকাল' আছে।

ওদের 'হা-হাঁ'র অবসরে বামকালী বললে, "এই যে একটি পাংব কাটা কাব ইচ্ছে হয়েছে, সেই উপলক্ষ্যে একদিন 'গাম-ভোজন' দেব আশা করে বসে আছে, সে আশা তা হ'লে পূরণ হবে না।"

এঁরা আবার দ্বিধাশূন্য হয়ে 'সে কি? সে কি?' করে উঠলেন।

আর ইতাবসরে ফেলু বাঁড়ুযো এক চাল চেলে বসলেন। কি এক সংস্কৃত শ্লোক আউডে বনলেন হেসে হেসে, "জানো তো, উপযুক্ত বয়সে বিবাহ-সংস্কার না হলে কল্যাণে যেমন অবক্ষণ ঘটে, পুরুষও তেমনি পতিত হয়।"

রামকালী মাথা নীচু করে বললে, "বয়স প্রায় ত্রিশ পাব হতে চলল, এ বয়সে কে আমাকে কল্যাণে করবে?"

ফেলু বাঁড়ুয়া বীরদর্প বলে উঠলেন, "আমি করব। এতে আমার ভায়েরা আমাকে জাতে প্রেরণ তো দেলুন।"

ফেলু বাঁড়ুয়াকে জাতে সেলা।

জাতের ঘনি মাথা!

'ঠা-ঠা'ব স্রোত বইতে লাগল সভায়।

আর ফেলুর চালাকি দেখে মনে মনে সবাই নিজেদের গালে মুখে চড়াতে লাগল। মেয়ে আর শাব ধবে নেই।

এরই কিছুদিন পরে ফেলু বাঁড়ুযোব ম' বছরের মেয়ে 'ভুনি', বা ভুবনেশ্বরীর সঙ্গে বিয়ে হয়ে গেল রামকালীর।

বছরদিন এত ঘটার বিয়ে হয় নি গ্রামে।

কারণ রামকালী একটি নিজে পাচ-পাচশ টাকা লুকিয়ে ওর মা দীনতারিণীর হাতে গুঁজে দিয়েছিল ঘটা করতে।

এই নেহায়ামিটা যথেষ্ট নিন্দনীয় সন্দেহ নেই, কিন্তু ঘটার 'মাছমোগা'গুলো অনিন্দনীয় ছিল।

অতএব রামকালী পুনশ্চ সমাজে প্রতিষ্ঠিত হয়ে গেল। অহুমতি পেলে শাড়ির মধ্যে গিয়ে খাবার শোবার।

যাক, তাব পরও তো কাটল কতকাল।

সেই 'ভুনি' স্ত্রী হল, সব-সস্ত হল, পনেরো-সোলো বছরের 'ভরা-নদী' হল। তার পর তো সত্যবর্তী।

বুড়ো বয়সেব প্রথম সন্তান বলেই হয়তো বাপের কাছে কিছু প্রশ্রয় আছে সত্যবর্তীর!

## ॥ তিন ॥

দীনতারিণী নিরামিষ পরে রান্না করছিলেন, সতাবতী দাওয়ার নীচের 'ছাঁচতলা'য় এসে দাঁড়াল। উঁচু পোতার ঘর। দাওয়ার কিনারাটা সত্যদেবীর নাকের কাছাকাছি, পায়ে বৃড়া আঙুলের ওপর সমস্ত দেহভারট' দিয়ে ডিঙি মেয়ে গলা বাড়িয়ে সতাবতী তার স্বভাবসিদ্ধ মাজাগলায় ডাক দিল, "অ ঠাকুরমা, ঠাকুরমা!"

নিরামিষ হেঁসেলের দাওয়ায় ওঠবার অধিকার সত্যসত্যের কেন, শাড়ি ব কারোরই নেই, কেবলমাত্র খার নিরামিষে অধিকারী তাদেরই আছে। মেটে দাওয়ার একপেশে কোণা থেকে খাঁজ কেটে সিঁড়ি শানানো হয়েছে, আব সে সিঁড়ি থেকে পায়ে পায়ে এগিয়ে যাওয়া পথ হয়েছে একবারে 'ঘাট' বরাবর। দীনতারিণী, দীনতারিণীর সেজজ শিবজায়া, দীনতারিণীর দুই নন্দ কানীধরী আর মোক্ষদা মাত্র এঁবাই এই পথে পলকপের অধিকারিণী। ঘড়া নিয়ে ঘাটে যান এবং স্নান সেবে ঘড়া ভরে ভিত্তে কাপড়ে পায়ে পায়ে এসে একবারে ওট সিঁড়ি কট দিয়ে স্বর্গে উঠে পড়েন। ওই রান্নাঘরের দেওয়ালেই তাদের কাগাকাপড় শুকায়, কারণ রাতে তো আর এঘরে রান্নার পাট নেই। ঘর নিকোনের কাজেও কিছু আর অছাংরা কেউ এসে ঢুকবে না। সে কাজ মোক্ষদার এঁটোসকড়ির ব্যাপারে মোক্ষদা বোধ করি স্বয়ং ভগবানকেও সম্পূর্ণ বিশ্বাস করতে পারেন না। কাজেই সে কাজ নিজের হাতে রাখেন। তা ছাড়া মোক্ষদাই বয়সে সব চেয়ে ছোট, অগাছরা সকলেই তাঁর গুরুজন, অতএব সকলের খাওয়ার শেষে তাঁরই 'ডিউটি'।

রান্নার দায়িত্ব দীনতারিণীর, মোক্ষদার ওপর সে রান্নার বিশুদ্ধতা রক্ষার দায়িত্ব। বাকী দু'জন 'যোগাড়ে'। তা' অবিশ্রি যোগাড়ের কাজটাও কম না। প্রয়োজনটা চারজনের হলেও মায়াজনটা অন্ততঃ দশজনের মত হয়।

কিন্তু ওসব কথা থাক।

আসলে ছেলেপুলের এ উসোনে পা দেবারও হুকুম নেই, কিন্তু সতাবতী'কে কেউ এঁটে উঠতে পারে না! ও যখন-তখন এই দাওয়ার নিচে থেকে নাক বাড়িয়ে হাঁক পাড়ে, "অ ঠাকুরমা" অথবা "অ পিসঠাকুরমা!"

দীনতারিণী ওর গলা পেয়েই নিজের গলাটা বাড়িয়ে দরজা দিয়ে উঁকি

মেরে বলেন, “এই মলো যা, এ ছুঁড়ি কি দস্তি গো! আবার এসেছিস? বেরে বেরে, ছোট মাকুরমি দেখতে পেলে আর রক্ষে রাখবে না!”

সত্যবতী ছোট উটে বলে, “ছোটঠাকুবমাব কথা বাদ দাও। তুমি শোন না একটু।”

সত্যবতী দানতারিণীর ‘উপায়ী’ ছেলেব মেয়ে, তা’ছাড়া সত্যর বিয়ে হয়ে গেছে, তাই এই খব ‘ছব ছাইট’ ওর কপালে জেটে না। তাই ওর আবদারের অগতাই দানতারিণী একটু ডিঙি মেরে দাওয়ায় এসে দাঁড়ালেন। ইশাবায় বললেন, “কি চাই?”

সত্যবতী পিঠের দিকে গোটানো হাতটা ঘুরিয়ে একখান ছোট মাপের বচি মানপাত মলে ববে চূপি চূপি বলে, “একটা জিনিস দাও না!”

“এই মরছে, এখন আবার জিনিস কি রে? এখন কি কিছু রান্না হয়েছ? আবার হলেও তোর সেজঠাকুবমাব ‘গোপালে’ব ভোগেব আগ্ আগ্ দিয়েছি, টের পেলে কুকক্ষেত্র কববে না?”

“আগ্ চাই নি, আগ্ চাই নি, ভালমন্দ রোঁবে নিজেরাই খেয়ো বাবা, আমাকে একমুঠে পাস্থাভাত দাও দিকি।”

“পাস্থাভাত?”

দানতারিণী আকাশ থেকে পড়লেন। আর সঙ্গে সঙ্গে যেন পাতাল ফুঁড়ে উঠলেন মোক্ষলা। পরনে সপসপে ভিজে থান, কাঁখে ভরন্তু কলসী।

এইট বোব বরি মোক্ষদার তৃতীয় দফা স্বান।

যে কোন কারণেই হোক, চালি বুতে কি শাক বুতে ঘাটে গেলেই মোক্ষলা একবার মন ম সােবেনেন। দাওয়াব পৈসে দিয়ে কখন যে উটে এসেছেন, মাকুরমা নাটন ববে চেপে পড়ে নি, চোখ পড়লো একেবারে সশরীরিণীর উপর।

দানতারিণী প্রতিভের একশেষ, সত্যবতী বিরক্ত।

“আব মোক্ষদা?”

স্ত্রীম হাতেনাত চোব ববে পেপা ডিটেকটিভের মতই উল্লসিত।

“আবার তুই এসেলে।” খনখনে গলায় প্রগ্ন করেন মোক্ষলা।

সত্যবতী ঠিকই আমতা আমতা করে বলে, “বাঃ রে, আমি কি তোমাদের দাওয়ায় উঠছি?”

“দাওয়ায় উঠিস নি, বলি সকড়ি রাস্তা মাড়িয়ে এসে সেই পায়ে ওই উঠোনে তো পা দিয়েছিস। তুলসী গাছে জল দিতে উঠোনে নামতে হবে না আমাদের?”

সত্যবতী গৌজ গৌজ করে বলে, “নামবার সময় তো দশঘড়া জল না ঢেলে নামো না, তবে আবার অত কি?”

“মুখে মুখে চোপা করিসনে সত্য, অবোস ভাল কর,” মোক্ষদা খড়াটা কনকুম করে রান্নাঘরের চৌকাসের ওপরে বসিয়ে আঁচল নিংড়ে নিংড়ে পায়েব কাদা ধুতে ধুতে বলেন, “বাপের সোহাগে সোহাগে যে একবারে বিস্কী পদ পেয়ে বসে আছিস, বলি শ্বশুরঘর করতে হবে না? পরের বাড়ি যেতে হবে না? আর ক’দিন বিস্কীনাচ নেচে বেড়াবি? মেরে কেটে আবার দুটো-চারটে বছর, তা’পর গলায় রসুড়ি দিয়ে টেনে নিয়ে যাবে না? তখন করবি কি?”

প্রতি কথায় এই ‘পরের ঘরে’ যাওয়ার বিভীষিকা দেখিয়ে দেখিয়ে জ্বল করার চেষ্টাটা ত-চক্ষব বিষ সত্যবতীর। বরং তাকে ওরা ধরে দু’ফা মারুক, সহ্য হবে। কিন্তু ওই পরের ঘরের খোঁটা সয় না। অথচ ওইটাই যেন এদের প্রধান ব্রহ্মাস্ত্র। সত্যবতী তাই বিরক্তভাবে বলে, “করবো আবার কি!”

“কি আর করবি? উঠতে বসতে শাউড়ার সোনা খাবি। ওই পটলা ঘোষালের ভাইপো-বৌটার মতন সোনা খেতে খেতে গালে কালসিটে পড়ে যাবে।”

সত্যবতী বয়েস-ছাড়া ভঙ্গীতে ঝঙ্কার দিয়ে বলে ওঠে, “ছিষ্ট সংসারের লোক তো আর পটলকাকার ভেজের মতন দজ্জাল নয়!”

“ওমা ওমা, শোন কথা মেয়ের” মোক্ষদা হস্তেপের রং নিটোল টাইট হাত দু’খানা নেড়ে বললেন, “তা বলি বৈকি। দো’র দোষ হলো না, দোষ হলো শাউড়ীর! অবোধা চোপাবাজ বোঁকে কি কববে শুনি? টাটে বসিয়ে ফুল-লন্দন দিয়ে পূজা করবে?”

“আহা, পূজা করা ছাড়া আর কথা নেই যেন! একটু ভাল চোখে চাইতে পারে না! দুটো মিষ্ট কথা বলতে পারে না!”

“ও মাগো!” মোক্ষদা খনখনে গলায় হেসে উঠে বলেন, “ভেতবে ভেতবে মেয়ে পাকার ধাড়ি হয়েছেন। দেখবো লো দেখবো, তোর শাউড়ী কি মনুঢালো

কথা কইবে। কত সোনার চক্ষে দেখবে!...সে যাক, বলি পান্ডাভাতের কথা কি বলছিলি?”

এতক্ষণ চুপ ছিলেন, এবারে দীনতারিণী হাসেন।

হেসে ফেলে বলেন, “ও আমার কাছে এসেছে পান্ডাভাত চাইতে।”

“পান্ডাভাত চাইতে এসেছে!” মোক্ষদা সহসা যেন ফেটে পড়েন, “আমাদের হেঁসেলে পান্ডা চাইছে, আর তুমি সেই শুনে গা পাতলা করে হাসছ নতুন মেজবৌ? আর কত আহ্লাদ দেবে নাভনীকে? পরকাল যে ঝরঝরে হয়ে যাচ্ছে! বলি শ্বশুরবাড়ি গিয়ে যদি বিধবার হেঁসেল থেকে দুটো পান্ডা চেয়ে বসে, তারা বলবে কি? একথা ভাববে না যে, আমরা বুঝি গপ্ গপ্ করে বাসিহাঁড়ির ভাতগুলো গিলি! বেলো বলবে কি না?”

“তাই কখনো কেউ বলে ছোট্টাকুরঝি!” দীনতারিণী কথাটা হাল্কা করতে একটু কষ্টহাসি হেসে বলেন, “ছেলে-বুন্ধি অজ্ঞানে কি না বলে!”

“ছেলে-বুন্ধি! ও মা লো! সোয়ামীর ঘর করতে পাঠালে ও এখন ছেলের মা হতে পারে, বুঝলে নতুন মেজবৌ!” মোক্ষদা কাঁধ থেকে গামছাখানা নিয়ে জোরে জোরে ঝাড়তে ঝাড়তে বলে, “মেয়ের বাকি-বুলি শোন না তো কান দিয়ে? সোহাগেই অন্ধ! এই তোকে সাবধান করে দিচ্ছি সত্য, ধবনকার পাঁচজনের সামনে এমন বৈফাস কথা বলে বসবি না! পাড়াপড়নী উছুনমুখীরা তো মজা দেখতেই তাচ্ছ, এমন কথাটা শুনলে ঠিক লবে আমরা বাসি হাঁড়িতে খাই!”

ঠাৎ চি-চি করে হেসে ওঠে সত্যবতী, হেসে বলে, “লোকে বললেই বা! বললে কি তোমার গায়ে ফোঁস পড়বে!”

মোক্ষদা নেহাৎ মেয়েটাকে ছুঁতে পারবেন না, তাই নিজের গালেই একটা চড় মেরে বলেন, “শুনলে? শুনলে নতুন মেজবৌ, তোমার নাভনীর আসপদার কথা? বলে কি না ‘লোকে বললেই বা বা’! ডাক্ শান্তরের কথা, ‘যাকে বললো ছি, তার রইলো কি?’ আর বলে কি না—”

সেরেছে।

দীনতারিণী ভাবেন মোক্ষদা একবার মুখ ধরলে তো আর রক্ষে নেই। দুর্দাস্ত স্বাস্থ্য মোক্ষদার, ছুরুট্ ক্বিদে-তেষ্টা, সেই ক্বিদে-তেষ্টা চেপে রেখে তিন পহর বেলায় জল খায়, বেলা গড়িয়ে অপরাহ্ন বেলায় ভাত, সকালের দিকে

শবীরের মধ্যে ওর খাঁ খাঁ ঝাঁ ঝাঁ করতে থাকে। তাই কথার চোটে খরহরি করে ছাড়ে সবাইকে।

প্রসঙ্গটা তাই তাড়াতাড়ি পরিবর্তন করেন দীনতারিণী, “হ্যাঁ লা সত্য, সকাল-বেলা জলপান খাস নি? অসময়ে এখন পান্ডাভাতের খোঁজ?”

“আহা কী বুন্ধির ছিরি!” সত্য কেঁজে ওসে, “আমি যেন খাবো! কেঁচো আব পান্ডাভাত দিয়ে টোপ ফেলবো!”

“কী করবি?” দীনতারিণীর আগেই মোক্ষদা দুই চোখ কপালে তোলেন, “কী করবি?”

“টোপ ফেলবো, টোপ! মাছের টোপ! পেয়েছ শুনতে? নেড়ু আমায় কঞ্চি চোঁচে খুব ভালো একটা ছিপ করে দিয়েছে, খিড়কির পুকুরে মাছ বরবো!”

“সত্য!” মোক্ষদা যেন ছিটপিটিয়ে ওঠেন, “ছিপ ফেলে মাছ ধরবি তুই? খুব নয় বাপসোহাগী আছিস, তাই বলে কি সাপের পাচপা দেখেছিস? মেয়ে-মানুষ ছিপ ফেলে মাছ ধরবি?”

সত্য ঝাঁকড়া চলে মাথা ঝাঁকিয়ে বলে, “আহা! ছোট্টাকুমার কী বাকিার ছিরি! মেয়েমানুষ মাছ ধরে না? রাঙা খুড়িমারা বরে না? ও বাড়ির পিসিরা ধরে না?”

“আ মরণ মুখপোড়া মেয়ে! ওরা ছিপ ফেলে মাছ ধরে? ওরা তো গামছা ছাঁকা দিয়ে চুনোপুঁটি তোলে!”

“তাত্তে কি!” সত্য হাতের মানপাতাখানা দাওয়ার গায়ে আছড়াতে আছড়াতে বলে, “গামছা দিয়ে ধরলে দোষ হয় না, ছিপ দিয়ে ধরলেই দোষ! চুনোপুঁটি বরলে দোষ হয় না, বড় মাছ ধবলেই দোষ! তোমাদের এসব দোষের শাস্তর কে লিখেছে গা?”

“সত্য!” দীনতারিণী কড়া স্বরে বলেন, “একফোটা মেয়ে অত বাকিা কেন লা? ঠিক বলেছে ছোট্টাকুরাঝ, পরব ঘরে গিয়ে হাড়ির হাল হবে এর পর!”

“বাবা বাবা! দুটা পান্ডা চাইতে এসে কী খোয়ার! যাচ্ছি আঁম আঁশ হেঁসেলের ওদের কাছে। যাঃো কি? সেখানে তো আঁশর বড় জেঠি! গুলি ভাটার মতন চাউনি! খেঁদদের বাড়ি থেকে নিলেই হত তার চেয়ে।”

“কি বললি! খেঁদীদের বাড়ি থেকে ভাত? কায়েত-বাড়ির ভাত নিয়ে খাটবি তুই?”

“খেঁটেছি নাকি? বাবা: বাবা: ফি হাত তোমাদের খালি দোষ আর দোষ! আচ্ছা, যাচ্ছি আমি ও হেঁসেলেই। কিন্তু যখন ইয়াবড় মাছ ধরবো, তখন দেখো!”

বলে সত্য আছড়ানোর চোট চিরে চিরে যাওয়া মানপাতাটা হাত থেকে ছুঁড়ে ফেলে দিবে চলে যায় দাওয়ার কোণ-বরাবর ধরে ও মহলে।

সেখানে বিরাট এক কর্মযজ্ঞেব কাণ্ড চলেছে অহরহ। দিনে ছুঁবেলায় ছশো আড়াইশো পাত পড়ে।

সেখানেও এমনিই ঊচু পোতার রান্নাঘর, তবে দাওয়ায় উঠতে তেমন বাধা নেই। বেপরোয়া উঠে গেল সত্য। আর এদিক ওদিক তাকিয়ে দাওয়ার কোণ থেকে একগানা খালি নারকলের মালা কুড়িয়ে নিয়ে রন্ধনশালার দরজার সামনে এসে দাঁড়িয়ে সাহসে ভর করে ডাকলো, “বড় জেঠি!”

## ॥ চার ॥

সারাদিন গুমোটের পর হঠাৎ একচিলতে ঝাণ্ডা হাওয়া উঠল। গা জুড়িয়ে এল, কিন্তু প্রাণে ভাগছে আতঙ্ক। সময়টা খারাপ, চৈত্রের শেষ। ঈশান-কোণে মেল ভয়েছে, তার কালো ছায়া আপথানা আকাশকে যেন ঘোমটা পরিয়ে দিল। যেন একটা তরঙ্গ দৈত্য হঠাৎ পৃথিবীর ওপর ঝাঁপিয়ে পড়বার আগের মুহূর্তে পায়তাতা কষছে।

মাঠে ঘাটে পথে পুকুরের যে যেখানে বাইরে ছিল, তারা ঘন ঘন আকাশের দিকে তাকাতে তাকাতে হাতের কাণ্ড চটপট সারতে শুরু করল।

আর বাতাসে বাতাসে তরঙ্গ তুলে গ্রামের এ প্রান্ত থেকে ও প্রান্ত অবধি ছড়িয়ে পড়ল একগানা একটা সাহুনাসিক স্বরের ধুয়ো। সে স্বর



পে ধাপ চড়ছে, মাঝে মাঝে খাদে নামছে। তার ভাষাটা এই “বুদী  
-য়। স্বন্দরী আঁ-য়! মুলা আঁ-য়! লক্ষ্মী আঁ-য়!”

ঝড়ব আশঙ্কায় গৃহপালিত অবোলা জীবগুলিকে গোচারণ ভূমি থেকে  
গাংগে দেববার আস্থান জানানো হচ্ছে।

সত্যতী জানে না ঝড়ব আগের মুহূর্তে কিংবা সন্ধ্যাব আগে গকগুলোকে  
পন ডাক দেওয়া হয়, তখন নাকিস্বরে ডাকা হয় কেন! ও জানে এই  
সময়। অশিশি যাবা ডাকে, তারা নিজেরাই বা আট বছরের সত্যবতীব  
টুতে বেশী কি জানে? তাবাও জ্ঞানাবধি দেখে আসছে গককে সাঁক-সন্ধ্যায়  
বে দি়িয়ে আনবার সময় আকাশ-বাতাস কাঁপিয়ে যে আস্থানটা জানানো  
হ, সেটার স্বর সাহুনাসিক। কে জানে কোন কালে কোন বেরপ্রাপ্ত গক  
কতের ভাষা শিখে ফেলে, মানুষের কাছ তার পছন্দ-অপছন্দ নমুনাটা  
নিয়েছে কিনা। বলেছে কিনা “এই সাহুনাসিক স্বরটাই আমার  
চকর”

আপাততঃ দেখা যাচ্ছে ওই অবোলা জীবগুলি এই এ-প্রান্ত ও-প্রান্ত ধুয়োতে  
ডাকিত হয়ে দ্রুতগতিতে গোগালমুখী হচ্ছে। তারাও গলা তুলে আকাশটাকে  
দেখ নিচ্ছে একবার একবার।

সত্যতী একটা সংবাদ বহন করে দ্রুতগতিতে বাঁড়ুয়ো-পাড়া থেকে বাড়ির  
দিকে আসছিল, তবু আশেপাশে ধুয়ো শুনে অভ্যাসবশে গলাব স্বর চড়িয়ে হাঁক  
পাড়ল, “শ্যামলী আঁ-য়! ধবলী আঁ-য়!”

আমবাগানের ওদিক দিয়ে রামকালী ফিরছিলেন রায়পাড়া থেকে পায়ে  
হটে।

পালকিটি দার দিয়ে আসতে হয়েছে রায়পাড়ায়।

গ্রাম-বন্ধ রায়মহাশয়ের অবস্থা খাবাপ, খবর পেয়ে নাড়ী দেখতে গিয়েছিলেন  
আমবালা। নাড়ীর অবস্থা দেখে গঙ্গাযাত্রার ব্যবস্থা দিলেন, আর ব্যবস্থা দিয়েই  
ডিলেন বিপাকে।

রায়মহাশয়ের ছেলেরা দুজনেই গত হয়েছে, আছে তিন নাতি কিন্তু  
পাদের এমন সঙ্গতি নেই যে পালকিভাড়া দিয়ে আর চারটে বেহারাকে  
জরি জলপানি দিয়ে ঠাকুদার গঙ্গাযাত্রা করাবে? অথচ অমন নিঃস্বা-  
দাচারী প্রাচীন মানুষটা ঘরে পড়ে মরবে? এটাই বা চোখে দেখে সহ  
রা যায় কি করে? আর গেলে ত্রিবেণীর গঙ্গাই উত্তম। ‘গঙ্গাযাত্রা’র দোষণ

তুনেই রায়মশাইয়ের নাতির। যেই মুখ চাওয়া-চাওয়ি করল, সঙ্গে সঙ্গেই বলতে হল রামকালীকে, “পালকির জন্তে চিন্তা ক’রো না, আমার পালকিতেই যাবেন রায়-কাকা।”

নাতির। অক্ষুটে একবার বলল, “আপনাকে রোগী দেখতে দূরে দূরে যেতে হ’ল, পালকিটা দিলে—”

রামকালী গম্ভীর হাশ্বে বললেন, “তবে নয় ঠাকুরদাকে কাঁবে করেই নিয়ে যাও! তিন নাতি রস্নেচ উপযুক্ত!”

বয়োজ্যেষ্ঠের পরিহাসবাক্যে হেসে ফেলবে এমন বেয়াদপির কথা অবশ্য ভাবাই যায় না, কাজেকাজেই তিমজনে ঘাড় চুলকোতে লাগল। আর ওরই মনে যে বড়, সে সাহসে ভর করে বলল, “ভাবছিলাম গো-গাড়ি করে—”

“ভাবাটা খুব উচিত হয় নি বাপু!” রামকালী বললেন, “গো-গাড়ি ঢড়িয়ে নিয়ে গেলে ওই বিরেনব্বই বছরের জীর্ণ খাঁচাখানা কি আর প্রাণপাখি-সম্মত গন্ধা পর্যন্ত পৌঁছবে? পাখি খাঁচাছাড়া হয়ে উড়ে যাবে। আমিও ওর সম্মান-তুল্যা বাপু, তোমাদের সঙ্কোচ করবার কিছু নেই। তাছাড়া চটপট ব্যবস্থার সরকার, কখন কি হয় বলা যায় না।”

রায়মশাইয়ের ঘোলাটে চোখ দুটো থেকে দু’ফোটা জল গড়িয়ে পড়ল। তিনি শিরাবহুল শার্ণ ডান হাতখানা আশীর্বাদের ভঙ্গীতে তুলে বলালেন, “জয়ন্ত।”

বাইরে এসে রামকালী পালকিবেহারা কটাকে নির্দেশ দিলেন, “পালকি! আর মিথো বয়ে নিয়ে যাবি কেন, ওটা এখানেই থাক, তোরা বাড়ি গিয়ে ধেয়েদেয়ে নে গে। শেষরাতে উঠে চলে আসবি। আর দেখ, বাড়ি থেকে কালকের সারাদিনের মতন জলপান নিয়ে আসবি, বুঝলি? আর শোন, তোরা এখন এখানে কিছু কাজ কর্মের প্রয়োজন আছে কিনা দেখ। আমি বাড়ি ফিরছি।”

জোর পায়েই ফিরছিলেন রামকালী, কারণ বেরিয়েই দেখেছিলেন ঊশান কোণে মেঘ। পালকি চড়ে রুগী দেখতে যান বলে যে রামকালী হাঁটতে অনভ্যস্ত তা নয়। প্রতিদিন ব্রাহ্মমূর্ত্তে উঠে, প্রাতঃকৃত্য সেরে ক্রোশ-দুই হেঁটে আসা তার নিত্যকর্মের প্রথম কর্ম। তবে হ্যাঁ, রোগীর বাড়ি যাওয়ার কথা আলাদা, সেখানে মান-মর্যাদার প্রশ্ন।

পথ সংক্ষেপের জন্ত বাগানের পথ ধরেছিলেন, কিন্তু আমবাগানের কাচ-

দরাবর আসতেই ঝরাপাতা আর ধুলোর ঝড় উঠল। রামকালী তাড়াতাড়ি বাগানের মাঝামাঝি থেকে বেরিয়ে কিনারায় এলেন, আর আসতে না আসতেই গম্বুক দাঁড়িয়ে পড়লেন। গলা কার ?

সত্যর না ?

হ্যাঁ, সত্যরই তো মনে হচ্ছে।

যদিও ঝড়ের সোঁ সোঁ শব্দের বিপরীতে শব্দটা হওয়ায় বুঝতে সামান্য সময় সেগেছিল, কিন্তু সে সামান্যই। তা ছাড়া গরু দুটোর নামও পরিচিত। শ্রামলী ধবলী রামকালীর বাড়িরই গরু। গরু অধিশি চাটুযোদের একগোছাল আছে, কিন্তু এই গরু দুটি বিশেষ স্নলক্ষণযুক্ত বলে রামকালীর বড়ই প্রিয়! সময় পেলেই রামকালী নিজে হাতে ওদের মুখে ঘাস ধরে দেন, গায়ে হাত বুলোন। বাড়ির কুমারী মেয়েরা শ্রামলী ধবলীকে নিয়েই “গোকাল ব্রত” করে, মোক্ষদা তাদের কাছ থেকে সংগৃহীত গোময় দ্বারাই সম্যক বিস্কৃত্য রক্ষা করে চলেন।

কান খাড়া করে ধ্বনির মূল উৎসের দিকটা অনুমান করে নিলেন রামকালী, তারপর দ্রুতপায়ে এগিয়ে গিয়ে ধরে ফেললেন কণ্ঠ্যকে। সত্যবতী তখন ধুলোর আচোট থেকে চোখ রক্ষা করতে আঁচলের কোণটা হুঁহাতে মুখের সামনে তুলে ধরে ছুটছিল।

“যাচ্ছিস কোথায় ?”

জলদগম্ভীর স্বরে হাঁক দিলেন রামকালী।

সত্যবতী চমকে মুখের ঢাকা খুলে থ।

যদিও সকলেই সত্যবতীকে ‘বাপ-সোহাগী’ আখ্যা দেয় এবং সত্যিই সত্যবতী রামকালীর বিশেষ আদরিণী,—তা ছাড়া পয়মস্ত মেয়ে বলে রামকালী মনে মনে বেশ একটু সমীহও করেন তাকে, তাই বলে সামনাসামনি যে কোন আদর-আদিক্ষেতার পাট আছে তা নয়। কাজেই বাবার গলা শুনেই সত্যবতীর ‘হয়ে গেছে’।

রামকালী আর একবার প্রশ্ন করেন, “এমন সময়ে একা গিয়েছিলি কোথায় ?”

সত্যবতী ক্ষীণ কণ্ঠে বলে, “সেজুপিসীর বাড়ি।”

সত্যবতী যাকে সেজুপিসী আখ্যা দিল তিনি হচ্ছেন রামকালীর খুড়তুতো বোন, এ গ্রামেই খুড়রবাড়ি। এ গ্রামেই বাস।

রামকালী ভুক কঁচকে বলেন, “অত দূরে আবার একা একা যাবার দরকার কি? সঙ্গে কেউ নেই কেন?”

এইজগ্রেই সত্যবতীর ‘বাপসোহাগী’ আখ্যা।

চড় নয়, চাপড় নয়, নিদেন একটা কানমলাও নয়। শুধু একটু কৈশিক তলব।

সত্যবতী এবার সাহস পেয়ে বলে, “না একা কেন, পুণ্ড্রিপিঙ্গি আর নেই ছিল। তাবপর আমি তোমাকে ডাকতে ছুটতে ছুটতে আসছি।”

আমাকে ডাকতে ছুটতে ছুটতে আসছিস?” রামকালী ভুক কঁচকে বলে, “কেন? আমায় কি দরকার?”

সত্যবতী এবার পূর্ণ সাহসে ভর করে সোৎসাহে বলে, “জটানার শো মর-মর। নাড়ি ছেড়ে গেছে। তাই সেজপিসী কেঁদে বললে, ‘যা সত্য, একটা মেজদাকে ডেকে নিয়ে আয়, যেখানে পাস। তা আমি রায়পাড়া গিয়ে শুনলাম: তুমি এই মান্তর চলে এসেছ।’

“আবার রায়পাড়া গিচ্ছিল। নাঃ বিপদ কবলে দেখছি? জটার বোঝে আবার হঠাৎ কি হল যে নাড়ী ছেড়ে যাচ্ছে?”

“যাচ্ছে কি বাব,” সত্য আরও উৎসাহ সহকারে বলে, “গেছে। সেজপিসি চোঁচাচ্ছে, বুক চাপড়াচ্ছে আর বালিশ বিছানা সরিয়ে নিচ্ছে।”

“আঃ, কি যে বলে। চল দেখি গে।” রামকালী বলেন, “ঝড় উঠে পড়বে এখনি বিষ্ট আসবে, কি মুশকিল! হয়েছিল কি?”

“কিছু নয়। সেজপিসী বললে, বাম্বাবাম্বা সেরে যেই খেতে বসেছে জটানার বো, আর অমনি জটানার পান চেয়েছে! জটানার বো বলেছে, ‘পান ফুরিয়ে গেছে। ব্যস, বাবু মথারাজের রাগ হয়ে গেছে। দিয়েছেন ঠাই ঠাই করে পিঠের ওপালাখি। আর অমনি জটা-বোঠান কঁাসিতে মুখ ধুবড়ে—’ হঠাৎ থক থক করে হেসে ওঠে সত্যবতী।

“হাসছিস যে!”

ধমকে উঠলেন রামকালী। বিরক্ত হলেন। কী অসভ্য হচ্ছে মেয়েট! হাসির কি সময় অসময় নেই? বললেন, “মানুষ মরছে দেখে হাসতে হয়? এই শিকা-দীকা হচ্ছে?”

সত্যবতী নিতান্তই হেসে ফেলেছিল, এখন বাপের ধমকে সামলে নিতে মুখটা ব্লান করবার চেষ্টা করে বলে, “সেজপিসী বলাছিল, যেই না বাবু

থাওয়া অর্মান কুমড়ো গড়াগড়ি হয়ে দাওয়া থেকে উঠানে পড়ে গেল।” কষ্টে হাসি চেপে ফের বলে সত্যবতী, “জটাদার বৌ অনেক ভাত খায় না বাবা! তাই অত মোটা!”

“আঃ!” বলে বিরক্তি প্রকাশ করে তাড়াতাড়ি এগোতে থাকেন রামকালী।

সত্যবতীও হাঁটায় কিছু কম দড় নয়। বাপের সঙ্গে সমানই এগোতে থাকে।

রামকালী জটার বোয়ের জগ্গ সহানুভূতিতে যতটা না হোক, জটার বাবতার মনে মনে অত্যন্ত বিরক্তি বোধ করেন। হতভাগা বামুনের ঘরের গরু, পেটে ‘ক’ অক্ষরের আচড় নেই, গাজা-গুলি সবতেই ওস্তাদ। আবার বংশছাড়া নিজে হয়েছে, বৌ-বেঙামো! ‘জটা’ ‘ফটা’র বাপ তো অমন ছিল না! বরং রামকালীর গুণবতী বোনই লোকটাকে সারাজীবন জালিয়ে পুড়িয়ে খেয়েছেন!

কে জানে কী ভাবে স্টেকের লেগেছে, সত্যিই যদি মরে-টরে যায়, দম্বুরমত ক্যাসাদে পড়তে হবে।

সত্যবতীর কথা ভুলে গিয়ে আরও জোরে পা চালান রামকালী। সত্যবতী এবার দৌড়তে শুরু করে। হেরে যাবে না সে।

চোখ কপালে উঠে স্থির হয়ে গেছে, মুখে ফেনা ভেঙে সে ফেনা শুকিয়ে উঠেছে। হাত পা ঠাণ্ডা পাথর।

সন্দেহ আর নেই, সমস্ত লক্ষণই স্পষ্ট। তুলসীতলায় শুইয়ে দেওয়া হয়েছে ইতিমধ্যেই। অবশ্য কষ্ট করে আর ঘর থেকে বয়ে আনতে হয় নি, লাথি খেয়ে গড়িয়ে তো উঠানেই পড়েছিল তুলসীতলার কাছবরাবর। দণ্ডখানেকের মধ্যেই বেতারবার্তায় সারা পাড়ায় সংবাদ রটে গেছে এবং পাড়া কৌটিয়ে মহিলাবৃন্দ এসে জড়া হয়েছেন, আসন্ন ঝড়ের আশঙ্কা তুচ্ছ করে।

ব্যাপারটা তো কম রংদার নয়, দৈনন্দিন বৈচিত্র্যশূণ্য জীবননাট্যের মধ্যে এমন একটা জোরালো দৃশ্য দর্শনের সৌভাগ্য জীবনে কবার আসে?

প্রথমে সমস্ত জনতার মধ্যে উঠল একটা চাপা উত্তেজনার আলোড়ন, “জটা নাকি বৌটাকে একেবারে শেষ করে ফেলেছে!” তার পর ‘হায় হায়’। জটা সম্পর্কে মন্তব্যগুলিও এখন আর জটার মার কান বাঁচিয়ে হচ্ছে

না। কারণ স্পষ্ট কথা বলে নেবার মত এ-হেন সুযোগই বা কার জীবনে কবার আসে ?

“সত্যি শেষ হয়ে গেছে ? ছি ছি ছি, কী খুনে দস্তি ছেলে গো !”...“ধন্নি সন্তান পেটে ধরেছিল মাগী ! আচ্ছা জটাটাই বা এত গোয়ার হল কোথা থেকে ? ওদের বাপ তো ভালমানুষ ছিল।”...“হল কোথেকে ? তুমি আর জালিও না ঠাকুরঝি, বলি গর্তবারিগীটি কেমন ? এ হচ্ছে খোলের গুণ।”...“আচ্ছা হাবাগোবা নিশাট ভালমানুষ বোটা, মা-বাপের বাছা, বেচোরে প্রাণটা গেল।” এমনি নানাবিধ আলোচনা চলতে থাকে। একটা মেয়েমানুষের ভগ্নে এর চাইতে আর কত বেশী দরদ আশা করা যায় ?

প্রতিবেশিনীদের আক্ষেপোক্তিগুলো নীরবে হজম করতে বাধ্য হচ্ছিলেন জটার মা, কারণ আজ তিনি বড় বেকায়দায় পড়ে গেছেন। তাই সমস্ত মস্তব্বা চাপা পড়ে যায় এমন হুরে মড়াকান্নাটা জুড়ে দেন তিনি, বুক চাপড়ে চাপড়ে মর্মভেদী হৃদয়বিদারক ভাবায় ইনিয়ে লিনিয়ে।

বাড়ির কাছাকাছি আসতে না আসতেই শুনেই পেলেন রামকালী খুড়তুতো ছোটবোনের সেই পাঁজরভাঙা শোকগাথা, “ওরে আমার ঘরের লক্ষী ঘর ছেড়ে আজ কোথায় গেল রে ! ওরে সোনার পিত্তিমেকে বিসর্জন দিয়ে আমি কোন্ প্রাণে ফের সংসার করব রে ! ওরে জটা, তোর যে নগরে না উঠতেই বাজাবে আঙুন লাগল রে !”

সত্যবতী বলে উঠল, “যা, সর্বনাশ হয়ে গেল !”

ক্রত পদক্ষেপটা হঠাৎ স্তিমিত হল, ভুকটা একবার কুঁচকোলেন রামকালী যাক, তা হলে হয়েই গেছে ! তবে আর তিনি গিয়ে কি করবেন ? এখন জট হতভাগাব রূপে কত দুর্গতি আছে কে জানে।

হঠাৎ ভদ্রানক রকমের একটা চীৎকার উঠল, বোধ কবি ফিনিশিং টাচ্ “ওরে বাবা রে, আমার কী সর্বনাশ হল রে ! কী রাঙের রাঙা নৌ এনেছিলাম রে !”

রামকালী পায়ে পায়ে এগোতে এগোতে সহসা দরজার কাছাকাছি এসেই হুরে দাঁড়িয়ে বললেন, “যাক, সত্যিই শেষ হয়ে গেছে তা হলে ! সত্য্য ভুই বাড়ি যা।”

সত্যবতী কাঠ !

“বাড়ি! একলা?”

“কেন একলা কেন, নেড়ু আর পুণ্য এসেছিল বললি না?”

সত্যবতী ভয়ে ভয়ে বলে, “এসেছিল তো, আর কি এখন যাবে তারা?”

“যাবে না? যাবে না মানে! ওদের দাড় যাবে। দেখ কোথায় আছে। আমাদের তো আবার এদের এদিক দেখতে হবে।”

কৈফিয়ত দিয়ে কথা রামকালী কদাচ কাউকে বলেন না, কিন্তু সত্যর কাছে সামান্য একটু সহজ রামকালী।

সত্যবতী গুটি গুটি এগিয়ে একবার পিসীব উর্সোনের ভিতর গিয়ে দাঁড়ায়, এদিক ওদিক তাকিয়ে নেড়ু-পুণ্য কারও দেখা না পেয়ে ফিরে এসে ম্লান মুখে বলে, “ওদের কাউকে দেখতে পাচ্ছি না।”

“কেন, গেল কোথায় সব?”

“কি জানি!” সত্য আস্তে আস্তে সাহসে ভর করে প্রাণের কথাটা বলে ফেলে, বাবা, তুমি তো মরা বাঁচাতে পার?”

“মরা বাঁচাতে? দূর পাগলী!”

সত্য স্ত্রিয়মাণ ভাবে বলে, “তবে যে লোকে বলে।”

“লোকে বলে? কি বলে?” অজ্ঞমনস্ক ভাবে মেয়ের কথার জবাব দিয়ে রামকালী এদিক ওদিক তাকাতে থাকেন যদি একটা বেটাছেলের মুখ চোখে পড়ে। এসে যখন পড়েছেন তিনি, দায়িত্ব এড়িয়ে চলে যেতে তো পারেন না। টাটকের তেমন বাঁশঝাড় না থাক, রামকালীর বাগান থেকেই বাঁশ কেটে আনতে কুম দেবেন। কিন্তু কই? কে কোথায়? বাড়ির ভিতর থেকে হুঁর উঠছে জানা রকম, বাইরেটা শূন্য স্তব্ধ।

ভালর মধ্যে আকাশটা হঠাৎ মেঘ উড়ে গিয়ে দিবি পরিষ্কার হয়ে উঠেছে, বার বোকা যাচ্ছে সন্ধ্যার এখনো দেরি আছে।

হঠাৎ সত্যবতী একটা অসমসাহসিক কাণ্ড করে বসে, বাপের একখানা হাত হাতে চেপে ধরে রুদ্ধকণ্ঠে বলে ওঠে, “বলে যে কবরেজে মশাই মরা বাঁচাতে পারেন! দাঁও না বাবা একটুখানি ওষুধ জটাঙ্গার বোঁকে!”

রামকালী এই অবোধ বিশ্বাসের সামনে খতমত খেয়ে সহসা কেমন অসহায় মনুভব করেন। তাই ধমকে ওঠার পরিবর্তে মাথা নেড়ে বলেন, “ভুল বলে মা! কছই পারি নে। মিথ্যে অহঙ্কারে কতকগুলো শেকড়-বাকড় নিয়ে নাড়ি আর লাক ঠকাই।”

সত্যবতী এ কথার স্বর ধরতে পারল না, পারার কথাও নয়, বুঝল এ হচ্ছে বাবার রাগের কথা। কিন্তু আপাতত সে মরীয়া। যা থাকে কপালে, বাবার হাতে যদি ঠেড়ানি খাওয়া থাকে তাই থাকে সত্য, কিন্তু সত্যবতীর চেষ্টায় জটাদেব বোটা যদি বাঁচে। তাই চোখ-কান বুজে সে বাবার গায়ের চাদরের খুঁটটা টেনে বলে ফেলে, “তোমার পায়ে পড়ি বাবা, জন্মের শোধ একটু ওষুধ দাও না। আহা, বিনি চিকিচ্ছেয় মারা যাবে জটাদার বোঁ!”

মরার পর যে আর চিকিচ্ছে চলল না, এ কথা আর মেয়ের কাছে ব্যাখ্যা করতে পারলেন না রামকালী। শুধু একটা নিশ্বাস কেলে ফের ঘুরে দাঁড়িয়ে বললেন, “চল দেখি।”

জমজমাট নাটকের মধ্যখানে যেন হঠাৎ আসরের চাদোয়া ছিঁড়ে পড়ল। কবরেজ মশাইয়ের গলা-খাঁকারি না?

হ্যাঁ, তাই বটে। বিশালকায় স্বকান্তি পুরুষ দরজার সামনে দাঁড়িয়ে। সঙ্গে সঙ্গে সত্যার শানানো গলা বেজে উঠেছে, “বাবা বলছেন, ভিড় ছাড়তে হবে।”

পাড়ার মহিলারা মাথায় কাপড় টেনে চূপ করে গেলেন। শুধু জটা-জননী ডুকরে উঠলেন, “ও মেজদা গো, আমার জটা আজ লক্ষ্মীছাড়া হল গো!”

“খাম্।” যেন একটা বাঘ হুক্কার দিল, “তোমার জটা আবার লক্ষ্মীছাড়া না ছিল কবে? একেবারে শেষ করে ফেলেছে তো?”

ভিড় সরে গেছে, কবরেজ মশাই ভাগ্নে-বোঁয়ের কাছে গিয়েও যতটা সম্ভব হোঁওয়া বাঁচিয়ে হেঁট হয়ে ছুঁ আঙুলে নাড়িটা টিপে ধরেন, আর মুহূর্তকাল পরেই চমকে ওঠেন।

যাক্, সব র'-তামাশা ফক্কিকার।

শুধু নাটকের একটা দৃশ্যই জখম নয়, আগাগোড়া নাটকটাই খতম। ‘বহ্নারস্বে লঘুক্ৰিয়া’র এগেন উদাহরণ আর কখনও কেউ দেখেছে না শুনেছে? জটার বোঁয়ের এই আচরণটা যেন ধাষ্ট্যমোর চরম, কুমার অযোগ্য। ছি ছি, মেয়েমানুষের প্রাণ বলে কি এমনই কাঠ-পন্নমায়ু হতে হয় গো? তবে এ মেয়েমানুষের কপালে যে অশেষ দুঃখ তোলা আছে, তাতে আর কারও মতভেদ থাকে না। মরে গিয়ে তুলসীভলায় শুয়ে আবার চারদু পরে ঘরে



উঠে শোয়, ঢক ঢক করে একবাটি গরম দুধ গেলে, এমন মেয়েমানুষের খবর এর আগে এঁরা অস্তুত কেউ পান নি।

“ছি ছি, কী ঘেমা! পুরুষের প্রাণ হলে আর ওই স্বর্ণসিঁদুটুকু জিভে ঠেকিয়েই চোখ খুলতে হত না।”...“কিন্তু যাই বল জটার বৌ খুব খেল দেখালো বটে!”...“এইবার শাশুড়ী মাগীর হাতে যা খোয়ার হলে টের পাচ্ছি, মাগীর যা অপমানিত্ব হয়েছে আজ!”...“কিন্তু যাই বলো, তুলসীতলা থেকে অমন ভট করে ঘরে তোলাটা ঠিক হয় নি, একটা অঙ্গ-প্রাচিন্তির-টাচিন্তির করা কোর্তব্য ছিল।”...“কে জানে বাবা, সত্যি বৈচে ছিল না কোন অপদেবতায় ভর করল! আমার তো কেমন সন্দ হচ্ছে!”...“খাম সেজবৌ, শাকুসক্কায় একা ঘাটে-পথে যাই, ভাবলে গা ছম্ ছম্ করবে। কিন্তু চাউনিটা একটু কেমন কেমনই লাগল।”...“না না, ওসব কিছু না, কবরেজ মশাই তো বললেনই, আচমকা ধাক্কা খেয়ে ভির্মি গেছল।”

“নে বাবা চল চল, ছিষ্ট-সংসারের কাজ পড়ে, নাহক পাঁচ দণ্ড সময় বৃথা নষ্ট হল।”...“জটার মার আদিখোতাটা দেখলি? যেন বৌ মরে বুক একেবারে ফেটে যাচ্ছিল!”...“দেখেছি। দেখতে আর বাকী কিছুই নেই। বুক যদি ফেটেছে বৌ জীইয়ে ওঠায়! বড় আশায় ছাই পড়ল। ভাবছিল তো বেটা তার ‘ভাগিয়মান’ হল। আবার এখনি তার বে দিয়ে, দানসামগ্রী গয়নাপত্তর ঘরে তুলবে!”

বাক্যের শ্রোত আর খামে না।

ঘাটে পথে, আপন আপন বাড়ির চৌহদ্দির মধ্যে বাক্যের বন্দাবন বসে যায়। এত বড় একটা ঘটনাকে এত সহজে জুড়িয়ে ফেলতে ইচ্ছে কারুরই হচ্ছে না; জটার মাকে ‘পেড়ে ফেলবার’ এত বড় স্মরণ স্মরণগটাও মাঠে মারা গেল। জটার বৌয়ের উপর কিছুতেই আর প্রসন্ন হতে পারছেন না কেউ, বৌটা যেন সবাইকে বড় রকমের একটা ঠকিয়েছে। জাতি ঋড়শাশুড়ী খবর পেয়েই আঁচলের তলায় লুকিয়ে আলতাপাতা আর সিঁদুরগোলা এনেছিলেন, যাতে প্রথম সিঁদুর দেওয়ার বাহাজুরিটা তাঁরই হয়। সেগুলো এখন ঘাটে ভাসিয়ে এলেন। যতই হোক, মড়ার জন্তে আনা তো! তা রাগটা তাঁরই বেশী হচ্ছে জটার বউয়ের ওপর!

না, নাম কেউ জানে না, জানবার চেষ্টাও করে না—‘জটার বৌ’ এই তার একমাত্র পরিচয়, এরপর শেষ পরিচয় হবে, ‘অম্বকের মা’। তবে আর নামে

দরকার কী? নামে দরকার নেই, কিন্তু তার কথায় সকলেরই দরকার আছে। সেই দরকারী কথাগুলোর মধ্যে হঠাৎ জ্ঞাতি খুড়শাশুড়ী বলে উঠলেন, “আমাদের বাপেব নাড়ির দেশ হলে ও বৌকে আর ঘরে উঠতে হত না, ওই গোয়াল কি টেক্‌শেলে জীবন কাটাতে হত।”

তু’একজন মুখ-চাপ্রয়াচাওয়ি করলেন, ‘জীবন নিয়ে বিচারটা কেন?’

খুড়শাশুড়ী ফের রায় দেন, “একে তো তুলসীতলায় বার করা, তা’পর আবার কত বড় অনাচার ভাবো, মামাশ্বশুরের ছোঁয়াচ খাওয়া। কবরের জমশাই যখন নির্ভরসায় নাড়ি টিপে ধরলেন, তখনই তো আমি ‘হাঁ’। অবিশ্বি উনি ভেবে-ছিলেন মরেই গেছে। আর মরে গেলে সংকারের আগে দেহ শুদ্ধ তো একটা করতেই হত। কিন্তু এ যে একেবারে জলজ্যান্ত জীইয়ে উঠল। প্রাচিতির না করলে কি করে চলবে?”

বহু গবেষণান্তে স্থির হল মামাশ্বশুর-স্পর্শের পাতকস্বরূপ একটা প্রায়শ্চিত্ত জটার বৌকে করতেই হবে, তা ছাড়া মরে বাঁচার পাতকে আর একটা। নইলে জটার মাকে ‘পতিত’ থাকতে হবে।

বেচারি অপরাধিনী তো অচৈতন্য। জটার মাও জটাকে খুঁজে বেড়াচ্ছেন, কাজেই একতরফা ডিক্রী হয়ে যায়।

কিন্তু সত্যবর্তী এসবের কিছুই জানে না। ও এক অদ্ভুত গোরবের আনন্দের ছলছল করতে করতে পাবার সঙ্গে সঙ্গে নাড়ি ফেরে।

উঃ, রাগ করে বাবা কি উল্টো কথা বলছিলেন! বলছিলেন কিনা “চিকিচ্ছে-টিকিচ্ছে কিছু জানি না”—সাদে কি আর সত্য অত দুঃসাহস করে বাবাকে হাতে ধবে বলেছিল, একটু ওষুধ দিতে, তাই না বেচারী বৌটা বাঁচল। আহা সত্য যখন গুশুরনাড়ি যাবে, তখন যদি সত্যার বর ( মুখে অলক্ষ্যে একটু হাসিফুটে ওঠে ) অমনি মেরে সত্যকে মেরে ফেলে বেশ হয়। বাবা খবর পুয়ে গিয়ে একটি মাত্র স্বর্গসিঁতার মধু দিয়ে মেড়ে খাইয়ে দেবেন, আর একটু পরেই সত্য চোখ খুলে সবাইকে দেখে ভাড়াভাড়ি মাথায় ঘোমটা টেনে ফেলবে।

উঃ, কী মজাই হবে তা হলে!

দেশ হৃদ পোকের তাক্ লেগে যাবে সত্যার বাবা রামকালী কবরের জের গুণের মহিমায়। বাপ রে বাপ, সোজা বাবা তার! গায়ের আর কোন্ মেয়েটার এমন বাপ আছে?

হাসির কথা ভাবতে ভাবতে হঠাৎ সশব্দে হেসে ফেলা সত্যার বরাবরের রোগ।

রামকালী চমকে প্রশ্ন করলেন, “কী হল ? হাসলি যে ?”

সত্য কষ্টে সামলে নিয়ে ঢোক গিলে বলল, “এমনি।”

“তোর ওই ‘এমনি’ হাসিটা একটু কমা দিকি,” প্রায় সহাস্তেই বলেন রামকালী, “নইলে এর পর স্বস্তরবাড়ি গিয়ে ওই জটাব বৌয়ের দশা হবে তোরা!”

মনটা বড় প্রসন্ন রয়েছে, এই সামনে রাত, না-হুকু কতগুলো বন্ধুটি-ঝামলায় পড়তে হত, জটার বৌ তার হাত থেকে বাঁচিয়েছে। বাপের মনের প্রসন্নতার কারণটা অহুমান করতে না পারলেও, প্রসন্নতাটুকু অহুধান করতে পারে সত্যাবতী এবং তারই সাহসে প্রায় উচ্ছ্বসিত ভাবে বলে, “ওই জগ্নেই হাসলাম। আমি মরে গেলে তুমি বেশ গিয়ে বাঁচিয়ে দেবে।”

“হঁ, বটে!” বলেন স্বল্পভাষী রামকালী।

রামকালী নিঃশব্দে হনহন করে ঋনিকটা অগ্রসর হয়ে যান এবং সত্যাবতী বাপের সঙ্গে তাল রাখতে প্রায় ছুটতে থাকে।

হঠাৎ একসময় পেয়ে রামকালী বলেন, “মরে গেলে স্বয়ং ভগবান এসেও কিছ করতে পারেন না, বুঝলি ? জটার বৌ মরে নি।”

“মরে নি!” সত্য একটু আনমনা হয়ে যায়, “মরাটা তা হলে আর কোন্ রকম ?” হঠাৎ চিন্তার গতি বদলায়, সত্য সোৎসুক বলে, “কিছ বাবা, তুমি গিয়ে নাড়ি দেখে স্বর্ণসিঁদুর না কি না খাওয়ালে ওই রকম মরা-মরা হয়েই তো থাকত জটাদার বৌ! আর সবাই মিলে বাঁশ বেঁধে নিয়ে গিয়ে পাকুড়তলার ঋশানে পুড়িয়ে দিয়ে আসত!”

রামকালী একটু চমকালেন।

আশ্চর্য। এতটুকু মেয়ে, এত তলিয়ে ভাবে কি করে ? আহা মেয়েমাহুস, তাই সবই বৃথা। এ মগজটা যদি নেড়ুটার হত ! তা হল না—আট বছরের হাতী এখনও ‘অ আ ই’তে দাগা বুলোচ্ছে। নেড়ু রামকালীর দাদা কুঞ্জব শেষ কুড়োস্তি। তেরোটা ছেলেমেয়ে মাহুস কবার পর চৌদ্দটার বেলায় রাশ এক-বারে শিথিল হয়ে গেছে কুঞ্জ আর তার পরিবারের। ছেলেটা বামুনের গরু হবে আর কি।

কিছ মেয়ে-সন্তানের বোধ করি এত বেশী তলিয়ে ভাবতে শেখাও ভাল

নয়, তাই রামকালী ঈশ্বর ধমকের সুরে বলেন, “থাম থাম, মেলা বকিস নি, পা চালিয়ে চল। গহীন অন্ধকার হয়ে গেছে দেখছিস!”

“অন্ধকার? হঁ!” সত্যবতী স-তাচ্ছিল্যে বলে, অন্ধকারকে আমি ভয় করি নাকি? এর চাইতে আরও অনেক অনেক অন্ধকারে বাগানে গিয়ে পেঁচার চোখ শুনি না!”

“অন্ধকারে কী করিস?”

চমকে ওঠেন রামকালী।

সত্য খতমত খেয়ে বলে, “ইয়ে আমি একলা নয়, নেড়ু আর পুণিাপিসীও থাকে। পেঁচার চোখ শুনি।”

হঠাৎ রামকালী হা-হা করে হেসে ওঠেন।

অনেকক্ষণ ধরে দরাজ গলায়। এই মেয়েকে আবার ধমকাবেন কি, শাসন করবেন কি!

নির্জন পথে অন্ধকারের গায়ে সেই গম্ভীর গলায় দরাজ হাসি যেন সুরে সুরে ধ্বনিত হতে থাকে।

বাঁড়ুয়াদের চণ্ডীমণ্ডপ থেকে উৎকর্ণ হয়ে ওঠেন দু-একটি গ্রাম্য প্রৌঢ়।

“বন্ধি চাটুঘোর গলা না?”

“ই্যা, তাই তো মনে হচ্ছে।”

“একলা অমন অন্ধকারে হাসি কেন?”

“একলা কি আর! নিশ্চয় খিনী মেয়েটা সঙ্গে আছে। নইলে আর—”

“ওই এক মেয়ে তৈরি করছেন রামকালী। ও মেয়ে নিয়ে কপালে দুঃখ আছে।”

“আর তুঃখ! টাকার ছালা ঘরে, ওর আবার দুঃখ! শুনিছ নাকি বর্ধমানের রাজার কাছ থেকে লোক এসেছিল কাল, রাজার সভা-কবরেজ হবার জন্তে সাবতে।”

“তাঁই নাকি? কই শুনি নি তো? তা হলে গায়ের মায়া কাটাল এবার চাটুঘো!”

“না না, শুনিছ যাবে না।”

“বটে! তবু ভাল। তোমায় বললে কে?”

“কুঞ্জর বড় ছেলেটা বলছিল।”

“হঁ ভালই, এ বয়সে আবার বিদেশে গিয়ে রাজদরবারে চাকরি। তবে

রামকালীর মতিগতি বড় বেয়াড়া, অত বড় দিক্কা মেয়েকে এতটা বাড় বাড়তে দেওয়া উচিত হয় না, পাড়ার ছেলেগুলো হচ্ছে ওর খেলুড়ি।”

“হ্যাঁ, গাছে চড়তে, দাতার কাটতে, মাছ ধরতে নেটাছেলের দশগুণ ওপবে যায়।”

“এটা একটা গৌরবের কথা নয় খুড়ো। যতই হোক মেয়েছেলে, তায় আবার একটা মাগ্গিমান ঘরের বোঁ হয়েছে। তাবা টের পেলে ও বোঁকে ঘরে নিতে বোঁকে বসবে না।”

“একটা কলক রটিয়ে দিতেই বা কতক্ষণ?”

বদি চাটুঘোব ও তার বিস্কী মেয়ের আলোচনায় চণ্ডীমণ্ডপ ভারাক্রান্ত হয়ে ওঠে। যাকে সামনে সমাহ করতে বাধ্য হতে হয়, তাকে আড়ালে নিন্দে করতে না পেলে বাঁচবে কেমন করে মানুষ!

এইসব সমালোচনার প্রধানা পাত্রী তখন বাবার পিছন পিছন ছুটেছে আর মনে মনে আকুল প্রার্থনা করছে, ‘হেই ভগবান, আমার পা-টা বাবার মতন লম্বা করে দাও না গো, তা হলে বাবার মতন হাঁটি, হেরে যাই না!’

হেরে যেতে একান্ত আপত্তি সত্যবতীর।

কোন ক্ষেত্রে কোথাও হার মানবে না এই পণ।

“এই পুণিয়া, ছড়া বাঁধতে পারিস?”

চিলেকোঠার ছাদের ওপর সত্যবতীর ‘খেলাঘর’। প্রধান খেলুড়ি রামকালীব জ্ঞাতিখুড়োর মেয়ে পুণ্যবতী। সত্য তাকে পাঁচজনের সামনে সত্যতা করে ‘পুণ্যিপিসী’ বললেও, নিজের এলাকায় পুণ্যিই বলে।

“বাবুই পাখীর বাসা আনতে পারিস?” অথবা “কাঁচপোকা ধরতে পারিস?” কিংবা “দাতারে তিনবার বড় দীঘি পারাপার হতে পারিস?” এ ধরনের পরীক্ষা-মূলক প্রশ্ন প্রায়ই করে সত্য, কিন্তু ছড়া বাঁধতে পারিস কিনা, এহেন প্রশ্ন একেবারে আনকোরা নতুন!

পুণ্যি বিমূঢ়ভাবে বলে, “ছড়া! কিসের ছড়া?”

“জটাদার নামে ছড়া, বুলি? ছড়া বেঁধে গাঁ-সুন্ধু সব ছেলেমেয়েকে শিখিয়ে দেব, জটাদাকে দেখলেই তারা হাততালি দিয়ে ছড়া কাটবে।”

“হি হি হি!”

জটাদারের দুর্দশার চিত্র কল্পনা করে দুজনে দুলে দুলে হাসতে থাকে।

অতঃপর পুণ্যবতী একটি পান্টা প্রণ করবে, “খুব তো বললি, বলি মেয়েমানুষকে আবার ছড়া বাঁধতে আছে নাকি ?”

“বাঁধতে নেই ?” সহসা অগ্নিমূর্তি ধরে বসে সত্য, “কে বলেছে তোকে নেই ? মেয়েমানুষ মেয়েমানুষ ! মেয়েমানুষ যেন মায়ের পেটে জন্মায় না, বানের জলে ভেসে আসে ! অত যদি মেয়েমানুষ-মেয়েমানুষ করবি তো আমার সঙ্গে খেলতে আসিস নে।”

পুণ্যি মূচকি হেসে বলে, “আহা, মশাই রে ! আর তোর বর যখন বলবে ?”

“কি বলবে ?”

“ওই মেয়েমানুষ !”

“ইস, বলবে বৈকি ! দেখিয়ে দেব না !, আমি ওই জটানার বোয়ের মত হব ভেবেছিস ? কক্ষনো না ! দেখ না, ছড়া বেঁধে জটানাকে কী উৎপাত করি !”

পুণ্যি ঈষৎ সমীহভাবে বলে, “কিন্তু কি করে বাঁধবি ?”

“কি করে আবার ! কথক ঠাকুর যেমন আখর দেন তেমনি করে । একটু-খানি তো বেঁধেছি, শুনবি ?”

“বেঁধেছিস ! অ্যা ! বল না ভাই, বল না !”

সত্য আত্মস্থভাবে চেখে চেখে তেঁতুল খাওয়ার ভঙ্গীতে বলে—

“জটানাদা, পা গোদা

যেন ভোদা হাতী,

বৌ-ঠেঁড়ানো দাদার পিঠে

ব্যাঙে মারুক লাথি।”

“ওরে সত্য ?” পুণ্যি সহসা ডুকরে ওঠে সত্যকে জড়িয়ে ধরে, “তুই কী রে ! এরপর তো তুই পয়ার পাঁধতে শিখবি রে ?”

সেটাও যেন সত্যর কাছে কিছু নয় এমন ভাবে বলে, “সে যখন শিখবে তখন শিখবে, এখন এটা যে-যেখানে আছে সবাইকে শিখোতে হবে, বুঝলি ? আর জটানাকে দেখলেই—হি হি হি হি !”

## ॥ পাঁচ ॥

রোদে পিঠটা চিন্‌চিন্‌ করছে অনেকক্ষণ থেকে, হঠাৎ যেন হু-হু করে জলে উঠল। ওঃ, বকুলগাছের ছায়াটা দাওয়া থেকে সরে গেছে। বেলা তা হলে কম হয় নি! বিপদে পড়লেন মোক্ষদা, দু হাত জোড়া, অথচ পিঠের কাপড়টা সরে গিয়ে সরাসরি রোদটা পিঠের চামড়ায় লাগছে। নিজে দেখতে পাচ্ছেন না মোক্ষদা, আর কেউ কাছে থাকলে দেখতে পেত মোক্ষদার হস্তেল-রঙা পিঠটার কতকাংশ ফোঁকাপড়ার মত লাল হয়ে উঠেছে।

নাঃ, তসর খানখানা! না পরে ভিজ়ে খানখানা পরে আমতেল মাখতে বসলেই হত। ভিজ়ে কাপড়ে যেন দেহের দাহ অনেকটা নিবারণ হয়। কানাউচু ভারী ভারী পাথরের খোর' হুখানা খানিকটা টেনে নিয়ে সরে গিয়ে দাওয়ার খুঁটির ছায়াটুকুতে পৃষ্ঠরক্ষা করতে গেলেন মোক্ষদা।

সমুদ্রে তৃণখণ্ড। তাছাড়া রোদ এখন দৌড়ছে, এখুনি খুঁটির ছায়া সরবে।

হঠাৎ মোক্ষদা একটা সত্য আবিষ্কার করে বসলেন। সারা বছরটাই রোদে পুড়ে পুড়ে মরেন তিনি। এই তো কচি আমের আমতেল, এর পরই বাথড়া বাঁধা আমের গুড়-আম, মসলা-আম তার পরেই পড়ে যাবে আমসম্বর মরহুম। আর সে মরহুমকে সামলে তোলা তো সোজা নয়। আমসম্বর পালা চুকতে চুকতেই অবশ্য বর্ষা নামে, সেই দু-তিনটে মাসই শুধু রোদে পোড়ার ছুটি, বর্ষা শেষ হতেই দুর্গোৎসবের সুর ওঠে। দুর্গোৎসবের আগে সারা ভাঁড়ারটাতেই তো ঝাড়া বাছা রোদে দেওয়ার ধুম চলে, তারপর পড়ে তিলের নাড়ুর ধুম।

বাগ চাটুঘোর বাড়ির দুর্গোৎসবের তিলের নাড়ু একটা বিখ্যাত ব্যাপার, হাতে বাগিয়ে ধরে কামড় দিতে পারা যায় না এত বড় নাড়ু। পকায় আনন্দনাড়ু মুড়কির মোয়া সবই কবরজ বাড়ির বিখ্যাত, কিন্তু সে সব তো তবু পাঁচহাতের ব্যাপার, নিতান্ত প্রতিমার ভোগের উপযুক্ত সেরকতক জিনিস গন্ধাজলে ভোগের ঘরে তৈরী হলেও বিরাট অংশটায় অনেকে হাত লাগায়। কিন্তু তিলের নাড়ুটি সম্পূর্ণ মোক্ষদার ডিপার্টমেন্ট। কারণ তিলের নাড়ুর অমন হাত নাকি—শুধু এ গ্রামে কেন—এ তল্লাটে নেই। তা সেই নাম কি আর অমনি হয়েছে, আগাগোড়া নিজের হাতে রাখেন বলেই না এদিক ওদিক হতে পায় না। বস্তা বস্তা তিল তো এসে হাজির হল, তার

পর? সেই তিল ঝাড়া-বাছা, নিখুঁত করে ধুয়ে নিপাট করে রোদে শুকিয়ে  
ঝুনো করা, ঢেঁকিতে কোটা, প্রকাণ্ড পেতলের সরা চড়িয়ে গুড় জাল দিয়ে দিয়ে  
নিটুট নিশ্চুদ্রির ধামায় সেই তিলচূর মেখে মেখে তাড়াতাড়ি গরম থাকতে  
থাকতে নাড়ু পাকিয়ে ফেলা, এর কোনটা নিজের হাতে না করলে চলে?  
একবার বুঝি তিলটা কুটেছিল সেজবোতে আর বড়বোমাতে, সেবার তো  
নাড়ু 'দিয়ে' মজ্জল। আগাগোড়া খোসায় ভর্তি। রঙও হল তেমনি  
কেলে-কিষ্ট। রামকালী নাড়ু দেখে হেসেছিলেন, প্রশ্ন করেছিলেন, 'এ নাড়ু  
কার তৈরী?'

সেই থেকে সাবধান হয়ে গেছেন মোক্ষদ। ঢেঁকির গড়ের কাছে কাউকে  
একটু বসানো ছাড়া আর সব একা করেন।

দুর্গাপূজার রোদে পোড়া তো শুধুই তিলের নাড়ু নয়, বাড়ি বাড়ি  
নেমস্তরুর কথা বলতে যাওয়া, গুরুপুরুতের বাড়ি সিধে দিতে যাওয়া, সে  
সবও তো মোক্ষদার ডিউটির মধ্যেই। কারণ তিনি বিউড়ি মেয়ে। কাশীখরীও  
কতকটা করেছেন আগে আগে, কিন্তু ইদানীং তিনি রোগে কেমন জ্ববুখবু  
হয়ে গেছেন। মাঠঘাট ভেঙে রোদে রোদে ঘুরে কাজ উদ্ধার করার সামর্থ্য  
নেই। মোক্ষদাই সব করেন, আর দিনে অস্তত বার চোদ্দ-পনেরো স্নান  
করেন।

কেন কে জানে, আজ রোদের কথাটাই বার বার মনে পড়ছে মোক্ষদার।  
মনে হল পূজার ঝঞ্জাট কাটতে না-কাটতেই তো বাড়ির মরহুম। বছরে  
বারো-চোদ্দ মণ বড়ি লাগে। আঁশ-নিরামিষ ছুদিকের প্রয়োজনের দায়টা  
পোতানো হয় এই দিকেই, কারণ বড়িও তো আম-কাহ্নুদ্রির মতই শুদ্ধাচারের  
বস্তু। আর শুদ্ধাচারের ব্যাপার কাকে দিয়ে নিশ্চিত হবেন মোক্ষদা নিজেকে  
ছাড়া?

বড়ি দিতে দিতে মোক্ষদার হস্তের রঙ কালসিটে মেরে যায়। তবে জিনিস  
যা হয় দেখে তাকে লাগবার মত। ডাকসাইটে হাত। সাবধানীও খুব মোক্ষদা,  
কাউকে ছুঁতেই দেন না সাধাপক্ষে, বড় বড় তিজেলে ভরে সরাচাপা দিয়ে  
'সান্ডা'য় তুলে রাখেন, সময়মত বার করে দেন। কত তার স্বাদ। কুমড়ো বড়ি,  
খাস্তা বড়ি, পোস্ত বড়ি, তিলের বড়ি, জিরের বড়ি, ঝালমণ্ডার বড়ি, টকে-মুক্তয়  
দ্বিভে মটর খেসারির বড়ি—ব্যবহার অনেক।

ওরই মধ্যে নূলের বড়িটা আবার আলাদা রাখতে হয়, মাঘ মাসে পাছে



ভুলে থাকে হয়ে যায়। মাঘ মাসে মূলো থাকে আর গোমাংস থাকে তে  
তফাৎ কিছু নেই।...খুঁটির রোদ্‌দটা সরে গেছে, পিঠটা আবার চিনচিন করছে।  
মনটাও যেন চিনচিন করছে।

বড়িপর্ব সারা হতেই আসে কুল, আসে তেঁতুল।

কবে তবে রোদে পোড়ার ছুটি ?

সারা বছর ধরে এই রোদে পোড়ার দায়িত্ব মোক্ষদাকে দিয়েছে কে, এ কথা  
কে বলবে ? তবে মোক্ষদা জানেন এটা তাঁরই দায়িত্ব।

আমতেল মাথা একটা সময়সাপেক্ষ কাজ। চটকে চটকে তেলে-আমে  
মিশাতে হবে তো ? হয়েছে এতক্ষণে, এবার রাইসরষের মিহিগুঁড়ো ছড়িয়ে  
দিয়ে ক্রমাগত রোদ্‌দ থাকানো।

কোমরটা টান করে উঠে পড়লেন মোক্ষদা, পিতের জ্বালা-করা জায়গাটা নড়া-  
চড়া পেয়ে আর একবার হ-হ করে উঠল। কিন্তু কী আশ্চর্য, সরষে গুঁড়োশার  
জগে রান্নাঘরে এসে ঢুকতেই মনটা 'হ-হ' করে উঠল কেন ?

ঘরে ঢুকেই হঠাৎ কেমন বোকার মত দাঁড়িয়ে পড়লেন মোক্ষদা। ঘরটা  
আজ এত বড় দেখাচ্ছে কেন ? কই এমন তো কোন দিন দেখায় না ! বরং  
ভাত বাড়ার সময় পরস্পরের গা বাঁচিয়ে ব্যবধান রেখে ঠাই করতে তো জায়গার  
অকুলানই লাগে।

ঘরের মধ্যে তো রোদ্‌দ নেই, তবু এই ছায়াশীতল প্রকাণ্ড লম্বা ঘরখানা যেন  
ওই রোদে থা থা প্রকাণ্ড উঠোনটার মতই কাঁ কাঁ থা থা করছে। আর সেই  
থা থা করা ঘরের এক প্রান্তে বড় বড় দুটো উলুন তাদের মাজাঘসা  
নিকোনো চুকোনো চেহারা নিয়ে স্তব্ধ হয়ে বসে আছে বহু অকথিত শূণ্যতার  
প্রতীকের মত।

উলুন দুটোকে আজ আগুনের দাহ সহ করতে হবে না। ওরা হয়তো  
এই নিরালা ঘরে স্তব্ধ হয়ে বসে নিজেদের শূণ্যতার পরিমাণ করবার অবকাশ  
পালে।

আজ ওদের ছুটি। আজ এদের একাদশী।

মোক্ষদার ছুটি নেই কেন ?

ঘরের নর্দমার কাছবরাবর একটা জলভর্তি ঘড়া বসানো থাকে—নেহাৎ  
সময়-অসময়ের জগে। মোক্ষদাই শেষবারের স্নানের পর এনে রেখে দেন।

তেল-তেল হাতটা ঘড়া কাৎ করে ধুয়ে নিয়ে মোক্ষদা হঠাৎ আছড়া আছড়া জল নিয়ে সজোরে ছুঁড়ে ছুঁড়ে মারতে লাগলেন, পিঠের রোদে চিন্চিনে জায়গাটার জলুনি একটু ঠাণ্ডা হোক। দূর ছাই, হাত ধুয়ে পুকুরে গেলেই হত, তবু একবার গা-মাথা ভিজিয়ে আসা যেত। গায়ের চামড়াটা খানিক ভিজলেও যেন ভেতরের তেপ্টাটা খানিক কমে।

একাদশীর দিন ‘তেপ্টা’ কথাটা মনে আনাও পাপ। এ কি আর জানেন না মোক্ষদা? তাই আবার তাঁর মত বয়স-ভাঁটিয়ে-যাওয়া শক্তপোক মজবুত বিধবার কিস্তি ‘মনে করব না’ বললেও মনে যদি এসে যায়, সে পাপকে তাড়ানো যায় কোন্ অস্ত্রে?

রোদ লাগলে বোশেখ-জষ্টর ছুপুরে তেপ্টাটা জানান দেয় বেশী, কিন্তু উপায় কি? আজকেই যে যত রাজ্যের বাড়তি কাজ করবার পরম দিন। আজকের মতন এমন অথও অবসর আর ক’দিন জোটে?

রাইসরয়ের সন্ধানে কুলুঙ্গীতে তুলে রাখা রঙিন ফুলকাটা ছোট ছোট ছোবা হাঁড়ির একটা পাড়লেন মোক্ষদা। সব হাঁড়িতে একেবারে সফৎসরের মশলা ঝেড়ে বেছে তুলে রাখা হয়, আর নিত্য প্রয়োজনে দুটি দুটি বার করে কাচা গ্যাকড়াব কোণে কোণে পুঁটুলি বেঁধে রাখা হয়। শুধু এরকম অ-নিত্য প্রয়োজনেই মূল ভাঁড়ারে হাত পড়ে।

একটা পাথরবাটিতে আন্দাজমত সরষে ঢেলে নিয়ে শিল পেতে বসতে যাচ্ছিলেন মোক্ষদা, হঠাৎ দরজার কাছে শিবজায়ার গলা বেজে উঠল, “কালে কালে কি হল গো, এ যে কলির চারপো পুরল দেখছি! আমাদের দ্বন্দ্বী অবতার মেয়ের আসপদ্দার কথাটা শুনেছ ছোট্টাকুরঝি?”

দ্বন্দ্বী অবতার মেয়ের আসপদ্দার ইতিহাস শোনার আগেই ভাজের আসপদ্দায় রে-রে করে ওঠেন মোক্ষদা, “উঠোনের পায়ে তুমি দাওয়ায় উঠলে সেজন্যে? আর ওঠখানেই আমার আচাঁবের খোরা! বলি তোমরা স্বদ্ধ যদি এরকম যখন হও—”

শিবজায়া ঈশৎ রষ্টভাবে বললেন, “তোমার এক কথা ছোট্টাকুরঝি, উঠোনের পায়ে দাওয়ায় উঠে আসব আমি অমনি অমনি! এই দেখ পায়ে গোবর লেগে। হাতে করে একনাদ এনে পৈঠের নীচেয় কেলে সেই গোবর ছুঁপায়ে মাড়িয়ে তবেই না উঠেছি!”

নিতান্তপক্ষে পুকুরে নেমে পা ধুয়ে আসা যদি অসম্ভব হয়, তা হলে অল্পকল্প হিসেবে এই ব্যবস্থা দিয়ে রেখেছেন মোক্ষদা। তবু সেজবোয়ের আশ্বাসবাণীতে তেমন নিশ্চিন্ত হলেন না। সন্দিক্ত স্বরে বললেন, “বলি গোবরটা নিজেদের তো? নাকি আর কারুদের ঘরের এঁটোকাঁটা খাওয়া গকর?”

“শোন কথা—” জেরা থামানোর চেষ্টায় বলে ওঠেন শিবজায়া, “আমাদের উঠোনে আবার অপরের গকর গোবর আসবে কোথ্ থেকে?”

কিছু থামাতে চাইলেই কি সব জিনিস থামে! মোক্ষদার জেরাও ধামল না। তিনি একটু কটুহাশ্বে বলে উঠলেন, “ও মা লো! আমাদের উঠোনে অন্যের গকর গোবর আসবে কোথ্ থেকে? তোমার কথা শুনে মাঝে মাঝে মনে হয় সেজবো, তুমি যেন এইমাস্তর মায়ের পেট থেকে পড়লে!”

শিবজায়া ননদকে খুব ভয় করলেও, তবু ছোট ননদ। তাই বিরক্ত স্বরে বলে ফেলেন, “নাও বাবা, তোমার কাছে আসাই দেখছি ঝকমারি! গোবিন্দবাড়ি থেকে ফিরতে পথে আমাদের কীর্তিমান মেয়ের কীর্তির কথা শুনে হাঁ হয়ে গেলাম তাই, থাক গে—”

মোক্ষদা এতক্ষণে একটু নরম হন। প্রায় সন্ধির স্বরেই বলেন, “কেন, কী আবার করল কে? সত্য বুঝি?”

“তবে আবার কে!” শিবজায়া ঠন্দাসীক্ত ত্যাগ করে মহোৎসাহে পুরনো স্বর ধরেন, “সত্য ছাড়া আর কার এত বুকের পাটা হবে? হারামজাদী নাকি জটার নামে ছড়া বেধে পাড়ার গুটীস্বদ্ধ ছেলেমেয়েকে শিখিয়ে দিয়েছে, আর গাঁস্বদ্ধ ছেলেপিলে জটাকে কি জটার মাকে দেখলেই ঝোপেঝাড়ের আড়াল থেকে শুনিয়ে শুনিয়ে তাই আওড়াচ্ছে। জটার মা তো রেগে গাল দিয়ে শাপশাপাস্ত করে একাকার!”

শেষ পর্যন্ত সবটুকু শোনবার জন্তে বৈধ ধরে চূপ করে তাকিয়েছিলেন মোক্ষদা, এবার ভুরু কুঁচকে তীক্ষ্ণস্বরে বলে ওঠেন, “ছড়া বেধেছে, মানে কি?”

“মানে কি, তাই কি ছাই আমিই আগে বুঝতে পেরেছিলাম? মেয়ে-মামুষ যে আবার ছড়া বাঁধে বাপের জন্মেও শুনি নি। তা’পর পথে আসতে আসতে দেখি একপাল ছোঁড়া হি-হি করে হাসতে হাসতে বলছে, ‘জটা

মোট পা গোদা—” ভেঙুচি কেটে আরও সব কত কি পয়ার ছন্দ বলতে বলতে যাচ্ছে !”

মোক্ষদা আরও ভুরু কঁচকে বলেন, “ছড়া বেঁধেছে সত্য ?”

“তবে আর বলছি কি !”

“ওই মেয়ে হতেই এ বংশের মুখে চুনকালি পড়বে—” মোক্ষদা এবার শিলটা পাততে পাততে বলেন, “রামকালী চন্দর এখন বুঝছেন না, এর পর টের পাবেন, যখন ঋতুরঘর থেকে ফেরত দিয়ে যাবে। ভেঙুচি-কাটা ছড়া বোধ হয় জটা বোঁ ঠেঁঙিয়েছিল বলে !”

“তবে না তো কি ? বলি পরিবারকে আবার না মারে কোন্ মন্দ ? চলানি বোঁ অমনি তিলকে তাল করে দীতকপাটি লাগিয়ে পাড়ায় লোক-জানাজানি করে ছাড়লেন। জটার মা বলছে, ছোঁড়াগুলোর জ্বালায় নাকি জটা বেচারী ঘরের বার হতে পারছে না, কি গেরো বল দেখি !”

মোক্ষদা ঘস ঘস করে শিলে সরমে রগড়াতে রড়গাতে বলেন, “হাতের কাজটা মিটিয়ে নিয়ে যাচ্ছি আমি বৌমার কাছে। ভাল করে সময় দিয়ে আসছি। মায়ের আসকারা না থাকলে মেয়ে কখনও এত বড় বেয়াড়া হয় ? পাড়ার ছোঁড়াদের সঙ্গেই বা রাতদিন এত মন্দরা কিসের ? একটা কলঙ্ক রটে গেলে তখন রামকালীর মুখটা থাকবে কোথায় ? পয়সাওলা বলে তো আর সমাজ রেয়াৎ করবে না !”

শিবজয়ার কাজ কিছুটা সিদ্ধ হল।

বড় জায়ের নাতনীর বিরুদ্ধে ছোট নন্দকে কিছুটা তাভাতে পেরেছেন শেষবেশ বলেন, “তুমি যাই আছ ছোট্টাকুরঝি, তাই এখনও সংসারে একটা হক্ কথা হয়, নইলে আমরা তো ভয়ে কাঁটা।”

“ভয় আবার কিসের ?”

মোক্ষদা দুম্ করে শিলটা তুলে ফেলে বলেন, “ভয় আবার কিসের ! ভয় করব ভৃতকে, ভয় করব ভগবানকে। মাহুকে ভয় করতে যাব কেন ? বিধবা পিসিকে ভাত দিয়ে পুষছে বলে যে হক্ কথা স্নতে হবে না রামকালীকে, এ তুমি ভেবো না সেজবোঁ। সে যাক, জটার বোঁর প্রাচিস্তিরে কিছ্ ব্যবস্থা হয়েছে ?”

“ওমা, তুমি শোন নি সে কথা ? প্রাচিস্তির তো করবে না !”

“করবে না ?”

“না। রামকালী নাকি ভটচাষকে শাসিয়েছে, প্রাচিস্তিরের বিধান দিলে তাকে গা-ছাড়া করবে।”

“তার মানে ?” আকাশ থেকে পড়লেন মোক্ষদা।

“মানে বোর! অহমিকা আর কি! আমি গায়ের মাথা, আমি যা খুশি তাই করব।”

“তুঁ।”

মোক্ষদা সরম-গুঁড়ো-ছড়ানো আচারের খোঁরা দুটো ছুম ছুম করে ঘরে তুলে, ঘবের কপাটটা টেনে শেকল তুলে দিয়ে বলেন, “যাচ্ছি, দেখছি পয়সাব বাড় কত বেড়েছে রামকালীর! সত্য আছে বাড়ি?”

“বাড়ি! দুপুরবেলা বাড়ি থাকবারই মেয়ে বটে সে। কোথায় আগানে-বাগানে ঘুরে বেড়াচ্ছে। বে’ওলা মেয়ের এত বৃকের পাটা, এতখানি বয়সে দেখি নি কখনও।”

তসরখানা গুছিয়ে পরে উঠোন পার হয়ে খর খর পায়ে বেড়ার দরজা খুলে পথে পড়লেন মোক্ষদা। ফিরে তো স্নান করতেই হবে, একবার কেন—কতবাব, কিন্তু এসবের একটা হেস্তুনেস্ত দরকার।

ভগতের কোথাও কোন অনাচার ঘটবে, এ মোক্ষদা বরদাস্ত করতে পারবেন না।

কিন্তু ও কী!

একটু এগোতেই থমকে দাঁড়াতে হল।

বজ্রাহতের মতই থমকানি।

দেখলেন একখানা তেপেড়ে শাড়িতে গাছকোমর বেঁবে, একরাশ কক্ষ চুল উড়িয়ে, একহাঁটু ধুলো মেখে একদল ছেলেমেয়ের সঙ্গে আমবাগানের মাঝখান দিয়ে চলেছে সত্য হি-হি করতে করতে আর সম্বরে কি যেন একটা ছড়ার মতই আওড়াতে আওড়াতে।

দাঁতে দাঁত চেপে আরও একটু এগিয়ে গেলেন মোক্ষদা, দলের পিছন দিকে একটা গাছের আড়ালে দাঁড়িয়ে সবটা শুনতে চেষ্টা করলেন। হি-হি হাসির চোটে সব কি শোনাই যায় ছাই! তবু বালক-কণ্ঠের শানানো স্বর, আর বার বার উচ্চারণ করছে, কাজেই ক্রমশঃ সবটাই কর্ণগোচর থেকে মর্মগোচর হয়ে যায়।

শুনতে পেলেন খাঁজে খাঁজে হাসি ছড়ানো সেই ছড়া—

“জটাদাদা পা গোদা  
যেন ভৌদা হাতী,  
বৌ-ঠেঙানো দাদার পিঠে  
ব্যাঙে মারে লাথি ।  
জটা জটা পেট মোটা—  
ভাত মারবার ধাড়ী,  
দেখব মজা কেমন সাজা  
যাও না খুশুরবাড়ি ।”

বলতে বলতে চলে গেল ওরা ।

মোকদ্দা স্তম্ভিত হয়ে দাঁড়িয়ে রইলেন ।

না, ভাইপোর মেয়ের কবিত্বশক্তির পরিচয়ে অভিভূত হয়ে নয়, স্তম্ভিত হলেন এ মেয়ের ভবিষ্যৎ ভেবে । একে তিনি শাসন করতে এসেছেন ! এর পরে আর একে শাসন করে শায়েস্তা করবার সাধ তাঁর নেই ; শুধু এইটে মনে মনে অস্থ-ধাবন করলেন—একে নিয়ে চিরকাল জ্বলে-পুড়ে মরতে হবে তাঁদেরই, কারণ খুশুরবাড়ি থেকে তো মারতে মারতে খেদিয়ে দেবেই !

কাগজের চিলতেয় মোড়া গোটাকতক ওষুধের বড়ি আঁচলের গিঁট থেকে খুলতে খুলতে সত্য তার শানানো গলাটাকে কিঞ্চিৎ নামিয়ে বলল, “এই নাও বৌ,, কি যেন বটিকা ! বাবা বলে দিলেন সকাল সন্ধ্যা একটা করে বটিকা পানের রস দিয়ে খেতে, গায়ে বল পাবে ।”

আর গায়ে বল !

মনের বল তো সমুদ্রের তলায় ! ভয়ে বুক কেঁপে থর-থর । জটার বৌ কাতর করণ কণ্ঠে ফিসফিস করে বলে, “হেই ঠাকুরঝি, তোমার পায়ে ধরি, ওষুধ তুমি নিয়ে যাও । ওষুধ খাচ্ছি দেখলে ঠাকুরণ আর আমাদের আন্ত রাখবেন না ।”

সত্য গিন্নীর মত গালে হাত দিয়ে বলে, “ওমা, শোনেন বিস্তান্ত ! দেহ দুকল হয়েচে, মিনি-মাগ্নায় ওষুধ পাচ্ছি, খেলে শাউড়ী তোমায় মেরে ফেলবে ? তুমি যে তাচ্ছব করলে গা !”

“দোহাই গো ঠাকুরঝি, একটু আশ্বস্ত—” প্রায় কাঁদো কাঁদো মুখে বলে

জটার বো, “তোমার দুটি পায়ে পড়ছি, ঠাকরনের কানে গেলে পুকুরে ডুবে মরা ছাড়া আর গতি থাকবে না আমার।”

সত্য এবার একটু গুচ্ছিয়ে বসে, নসে অবাক গলায় আস্তে আস্তে বলে, “কী গুনলে গো?”

“এই যে মেরে ফেশার কথা বললে। জানো তো ভাই সমস্ত? মামাঠাকুর ওষুধ পাঠিয়ে দিয়েছেন, আর সেই ওষুধ আমি খাচ্ছি। ওরে বাপরে! এই দেখ ঠাকুরঝি আমাব বুকের ভেতর কেমনতর টেঁকিব পাড় পড়ছে।”

জটার বোয়ের ওট শাখের তাভা খাওয়া শরিশেব চোখের মত চোখ আব ঘুঁটের ছাইয়ের মত পাশুটে-বগু মুখের দিকে তাকিয়ে দেখতে দেখতে হঠাৎ কেমন চিন্তাশীল দেখায় সত্যাতীকে। কিছুক্ষণ চূপ করে থেকে ওষুধগুলো ফেব আঁচলে বাঁধতে বাঁধতে বলে, “আচ্ছা, তা হলে ফেবত নে যাই।”

ফেবত!

মামাঠাকুরের কাছে!

আর এন ভয়ে বুকের বক্ত হিম হয়ে আসে জটার বোয়ের। আর এবার আর কাঁদো কাঁদো নয়, ভ্যাক করে কেঁদেই ফেলে। “ও সত্য ঠাকুরঝি, তোমাব পা-ধোওয়া জল খাই, তোমাব কেনা গোলাম হয়ে থাকি, ও বড়ি মামাঠাকুরকে ফেরত দিতে যেও না।”

ফেরত দিতে যেও না!

হঠাৎ সত্য তার নিজের স্বভাবসিদ্ধ হাসি হেসে ওটে, “এই সেরেছে! ব্যায়রামে পড়ে দেখছি তোমার ভীমরতি ধরেছে বো! শাউড়ীর ভয়ে ওষুধ খাবেও না আশার ফেরতও দেবে না, তবে বড়িগুলো কি আমি খেয়ে নেব? দাও, তা হলে একখোঁরা পানের রস করে দাও, সবগুলো একসঙ্গে গুলে গিলে ফেলি।”

জটার বো এবার মনেব কথা খুলে বলে। শাউড়ীব অসাক্ষাতে ওষুধ খাবার সাহস তার নেই, বলে কয়ে সাক্ষাতে খাবার তো আরোই নেই, অতএব—

অতএব পুকুরের জলে।

“পুকুরে?”

সত্যর চোখে আগুন জ্বলে ওটে। “বাবার দেওয়া বড়ি স্বয়ং ধ্বংস্ববী, তা জান? এ বড়ির অপমান করলে, ধ্বংস্বরীর অপমান তা জান?”

“তবে আমি কী করি?”

ফুঁপিয়ে ফুঁপিয়ে কাঁদতে থাকে জটার বোঁ।

সত্য ওর অবস্থা দেখে কাতর না হয়ে পারে না, একটু ভেবেচিন্তে বলে, “তা হলে নয় এক কাজ করি, পিসীকেই দিয়ে যাই, বলি বাবা পাঠিয়ে দিয়েছেন। বাবা অবিশ্বি বলেছিলেন পিসীকে দিস নি, তা হলে খেতে দেবে না, ফেলে দেবে। তুতিয়েপাতিয়ে কাকুতি-মিহুতি করে বলে যাই।”

উঠে দাঁড়ায় সতী, আর সন্ধে সন্ধে ওর কাপড়ের একটা খুঁট ধরে হুঁড়ে প্রায় ওর পায়ে পড়ে জটার বোঁ, “ও ঠাকুরঝি, তার চাইতে তুমি আমার গলায় পা দিয়ে মেরে রেখে যাও, আঁশবটি দে’ কেটে রেখে যাও আমায়।”

সত্য আবার বসে পড়ে।

একটা নিশ্বাস ফেলে বলে, “আচ্ছা বোঁ, তোমাদের এত ভয় কিসের বলতে পার?”

## ॥ ছয় ॥

হুম্ হুম্ হুম্!

শুধু হাঁটু পর্যন্ত আটকাটা পাগুলোই নয়, জ্বিভে মুখেও ধুলো বেটে যাচ্ছে বেহারাগুলোর। জ্যৈষ্ঠের ছপুর আর ছরন্ত মেঠো রাস্তা। খানিক খানিক পথ তো একেবারে ধু-ধু প্রান্তর, গাছ নেই ছায়া নেই। পথ সংক্ষেপের জন্ত মাঝে মাঝে মাঠ ভাঙতে হচ্ছে বলেই লোকগুলো যেন আরো একেবারে জেরবার হয়ে যাচ্ছে। চারটে লোক পালা করে কাঁধ বদলে বদলে ছুটছে, তবু থেকে থেকে ঝিমিয়ে যাচ্ছে।

কিন্তু রামকালীরও তো আর এখন পাল্কি-বেহারাগুলোর ওপর দবদধেধাবার উপায় নেই। আজ চার দিন গাঁ ছাড়া, “তো ধর মো ধর” না হলেও হাতে কটা রুগী ছিল, কে জানে কেমন আছে সে কটা।

গিয়েছিলেন জীরেটের জমিদারবাড়িতে রুগী দেখতে। শুধু তো এক আধখানা গায়ে নয়, দশখানা গা অবধি নামডাক্ বস্তি চাটুঘোর।



রাজার আদরে রেখেছিল ওরা, আর পায়ে ধরে সাবছিল আরও দুটো দিন থেকে যাবার জন্তে। রাজী হন নি বামকালী। বলে এসেছেন, “প্রয়োজন নেই, যে ওষুধ দিয়ে গেলাম এতেই কলী তিন দিনে উঠে বসবে। তবে পথ্যাপথ্যের যা ব্যবস্থা দিয়ে যাচ্ছি সেটি নিষ্ঠার সঙ্গে পালন করা চাই।”

কবিরাজ মশাই পথে খাবেন বলে ওরা একঝুড়ি “কলমের আম” গুঁর পাল্কির মধ্যে তুলে দিয়েছে, আপত্তি শোনে নি। পা ছড়াতে অনববত ঝুড়িটা পায়ে ঠেকছে আর বিরক্তি বোধ করছেন রামকালী। এই এক আপদ! পথে তিনি কিছু খান না, একথা ওবা মানতে চাইল না। স্বয়ং জমিদার মশাই দাঁড়িয়ে তুলিয়ে দিলেন। তবু মুখ কাটা ডান গোটাচারেক পাল্কিতে তুলতে দেন নি রামকালী, বলেছিলেন, “ব্যায়বাগুলো তা হলে আপনার বাগানেব ওই ফলটল-গুলোই বয়ে নিয়ে যাক রায়মশাই, আমি পদভ্জেই যাই।”

সম্পূর্ণ তৈরী আম, ঠৈজ্যেঠের দুপুরের ঝলসানি হাওয়ায় একেবারে শেষ তৈরি হয়ে উঠে, থেকে থেকে মিষ্ট স্ব্বাস ছড়াচ্ছিল। রামকালী বিরক্ত হচ্ছিলেন, আর বেহারাগুলো যেন অস্তুর দিয়ে সেই স্ব্বাসটুকুই লেহন করছিল। আর ভাবছিল ডান-চারটে পাল্কির বাঁকে বাঁকে নিলেই বা ক্ষতি কি ছিল? তবু তো “কেঠের জীবের”র ভোগে লাগত!

অন্যমনস্ক হয়ে বোধ হয় একটু ঝিমিয়ে এসেছিল তারা। হঠাৎ চমকে উঠল কর্তার হাঁকে।

পাল্কি থেকে মুখ বাড়িয়ে রামকালী হাঁকছেন, “ওরে বাবা সকল, ঘুমিয়ে পড়িস নে, একটু পা চালা।”

কথাটা শেষ করেই হঠাৎ সুর-ক্ষেত্ৰা ধরলেন কবরেজ। “এই দাঁড়া দাঁড়া, আস্তে কর, পেছনে হঠাৎ যেন আব একটা পাল্কির শব্দ পাচ্ছি।”

চার বেহারার আটখানা পা থমকে দাঁড়াল।

হ্যাঁ, শব্দ একটা আসছে বটে পিছন থেকে। হঠাৎই আসছে। হুম্ হুম্ আওয়াজটা ক্রমশই স্পষ্ট হচ্ছে।

প্রবান বেহারা গদাই ভূঁইমালী পাল্কির বাঁক থেকে ঘাড় সবিয়ে পিছন সড়কের দিকে তাকিয়ে উৎফুল্ল কণ্ঠে বলে ওঠে, “আজ্ঞে কর্তামশাই, নিয়াস বলেছেন বটে! পাল্কিই একটা আসছে, মনে নিচ্ছে কোন বিষয় বর আসছে।”

বিয়ের বর!

রামকালী পাল্কি থেকে গলাটা আরও একটু বাড়িয়ে এবং সে গলার স্বরটাকে অনেকখানি বাড়িয়ে বলেন, “বিয়ের সব এ খবরটা আশার চট করে কে দিয়ে গেল তোকে?”

গদাই ভঁইমালী মাথা চুলকে বলে “পাল্কির কপাটে হনুদ ছোপানো ছাকড়া খুলছে, দশতে পাচ্ছি কর্তা, বায়রাগুলোর পরনে লালছোপ খেঁটে!”

খেঁটেটা হচ্ছে ধুতির সঙ্ক্ষিপ্ত সংস্করণ। আবও অনেক শ্রমস্বীকারীদের মত পাল্কি-বেহারাদেরও পুরো ধুতি পরা চলে না। জোটেই বা কই? ছালার মত মোটা সাতফাঁতি খেঁটেই তাদের ক্ষতিয় পোশাক। লালের বাড়ি কাছে-কর্মে বিয়ে-শৈশবে লাল রঙে ছোপানো গুই ধুতি মাঝে মাঝে তাদের জোটে। এতে ছবিদেট খুঁসে। মাস তিন-চার ‘স্মার’ না কেটে চালানো যায়।

লাল হনুদ রঙটাই শুধু নয়, ক্রমশ মালুমগুলোও স্পষ্ট হচ্ছে। গদাই আরও একটা উৎসব আদিক্রম করে, “পশ্চাতে গো-গাড়িও আসছে কর্তা, বলদের গলার ঘণ্টা শুনতে পাচ্ছি। এ আর বরযাত্রি না হয়ে যায় না। ইদিকেই কোথাও বে। উই পাশের গার সড়ক দিয়ে বেরিয়েছে।”

“পাল্কি নামা!”

গম্ভীর কণ্ঠে হুকুম করেন রামকালী।

দেখা দরকার প্রকৃত ঘটনা গদাইয়ের আন্দাজ অনুযায়ীই কিনা। আর এও জানা দরকার যদি সত্যিই তাই হয়, কে এমন দুর্বিনীত আছে তাঁর গ্রামে, যে বক্তি মেয়ের বিয়ে দিতে বসেছে, অথচ রামকালীকে জানায় নি! আর এ গ্রামের যদি নাও হয়, খোঁজ নেওয়াও চাই, গ্রামের ওপর দিয়ে বর-যাত্রী নিয়ে যাচ্ছে কোথায়!

রামকালীর মনে ঘাট থাক, বেহারাগুলো একটুখানির জগেও বাঁচল। একটা পান্ডু গাছতলায় পাল্কি নামিয়ে, খানিক তানাতে গিয়ে কাঁধের গামছা ঘুরিয়ে পাতাস খেতে লাগল।

কর্তামশায়ের চোপের সামনে তো আর বাতাস খাওয়া চলে না।

কিছুক্ষণ পরেই দুর্বিনীত পাল্কি অদূরবর্তী, এবং ক্রমশঃ নিকটবর্তী হল।

রামকালী বেরিয়ে পড়ে কাঁধের মটকার চাদরখানা গুছিয়ে কাঁধে ফেলে রাজোচিত ভঙ্গীতে দাঁড়িয়ে উদ্ভঙ্গগম্ভীর কণ্ঠে হাঁক দিলেন, “কে যায়?”

পাল্কি খামল। না খেমে এগিয়ে যাবার সাধ্য কার আছে, এই কণ্ঠকে উপেক্ষা করে ?

পাল্কি খামল।

বর আর বরকর্তা এতে সমাসীন। বরকর্তার সঙ্গে সঙ্গে কিশোর সরটিও সভয়ে একটু মুখ বাঁচাল।

ওই দর্শকায় গৌরবাস্তি পুঙ্খ মাটিতে নেমে দাঁড়িয়ে, অতএব কে পাল্কি চড়ে বসে থাকতে পারে তাঁর সামনে ?

সে পাল্কি থেকেও নামলেন বরকর্তা।

করজোড়ে বললেন, “আপনি আজ্ঞে ?”

রামকালীব কিঙ্ক তখন হুঃ কুঁচকেছে, তীক্ষ্ণ দৃষ্টির শরসঙ্কান চলছে পাল্কির মধ্যে। অভ্যাসবশতই দুই হাত তুলে প্রতি-নমস্কারের ভঙ্গিতে বললেন, “আমি রামকালী চাটুষ্যে !”

“রামকালী চাটুষ্যে !”

ভদ্রসন্তান বিস্মল হয়ে—না আহ্বগত, না প্রশ্নসূচক, কেমন যেন আল্পা ভাবে উচ্চারণ করলেন, “কবরেজ !”

“হ্যাঁ! ছেলেটির কপালে চন্দন দেখলাম মনে হল, বিবাহ নাকি !”

সে ভদ্রলোক রামকালীর চাইতে বয়সে ছোট না হলেও বিনয়ে কীটামুকীটের মত ছোট হয়ে পায়ের ধুলো নিয়ে বললেন, “আজ্ঞে হ্যাঁ। ওঃ, কী পরম ভাগ্যা আমার যে এই শুভযাত্রায় আপনার দর্শন পেলাম।”

রামকালীর দৃষ্টির সেই শরসঙ্কান বন্ধ হল না, তবু মৃদু হেসে বললেন, “চেনেন আমায় ?

“আহা হা! আপনাকে চেনে না এ তল্লাটে এমন অভাগা কে আছে ? তসে নাকি চাক্ষুষ দর্শনের সৌভাগ্য ইতিপূর্বে হয় নি। রাজু, বেবিয়ে এসে পায়ের ধুলো নাও।”

“থাক থাক, বিয়ের বর !” রামকালী স্বভাবসিদ্ধ গম্ভীর গলায় প্রশ্ন করলেন, “আপনার পুত্র ?”

“আজ্ঞে না ভ্রাতুপুত্র। পুত্র আমার কনিষ্ঠ সহোদরের। সে আছে পেছনে গো-যানে। আরও সব আত্মকুটুম্ব আসছেন তো !”

“হুঁ। কন্ঠাটি কোথাকার ?”

“আজ্ঞে এই যে ‘পাটমহলের’। পাটমহলের লক্ষ্মীকান্ত বাঁড়ুয়ার পৌত্রী—”

“লক্ষ্মীকান্ত ঝাঁড়ুয়ার পৌত্রী?” রামকালী যেন সহসা সচেতন হলেন, “তাই নাকি? আপনারা কোথাকার? আপনার ঠাকুরের নাম?”

“আমরা বলাগড়ের। ঠাকুরের নাম ঈশ্বর গঙ্গাধর মুখোপাধ্যায়, পিতামহের নাম ঈশ্বর গুণধর মুখোপাধ্যায়, আমার নাম—”

“থাক, আপনার নামে প্রয়োজন নেই। তা হলে আপনারা মুখুটি কুলীন? তা হাবভাব এমন যজ্ঞমেনে ভট্টাচার্যের মতন কেন? কিন্তু সে যাক, দুটো কথা আছে আপনার সঙ্গে। বর নিয়ে বেরিয়েছেন কখন?”

‘যজ্ঞমেনে ভট্টাচার্য’ শব্দটায় ঈশ্বর গঙ্গাধর মুখোপাধ্যায়ের জ্যেষ্ঠা গম্ভীর ভাবে বলেন, “আত্মীয়িক শ্রীকৃষ্ণের পর।”

“সে তো বুলাম, কিন্তু সেটা কত বেলায়?”

“এই এক প্রহরটাক আগে হবে।”

“হঁ! পাত্রে কপালের ওই চন্দনরেখা কি সেই তখনকারই নাকি?”

চন্দনরেখা!

এ আবার কেমন প্রশ্ন!

পাত্রে জ্যেষ্ঠা নানাবিধ প্রশ্নের সম্মুখীন হবার জন্য প্রস্তুত হচ্ছিলেন, কিন্তু পাত্রে কপালের চন্দনরেখার কালনির্ণয়ের মত এমন অদ্ভুত প্রশ্নের জন্ম নিশ্চয়ই প্রস্তুত ছিলেন না। তাই অবোধের মত বলেন, “কি বলছেন?”

“বলছি, ছেলের কপালে এই যে চন্দন পরানো হয়েছে, ওটা কি সেই যাত্রাকালেই?”

“আজ্ঞে হ্যাঁ, তা তো নিশ্চয়ই!” পাত্রে জ্যেষ্ঠা সোৎসাহে বলেন, “যাত্রাকালে মেয়েরা যেমন পরিষে দেয় তেমনি দেওয়া হয়েছে, আমাদের বাড়ির মেয়েদের বুললেন কিনা এসব ব্যাপারে খুব নামডাক আছে। পাড়া থেকে ডাকতে আসে পিঁড়ি আলপনা দিতে, শ্রী গড়তে, বর কনে সাজাতে—”

রামকালী ওই পাল্কির দিকে তাকাতে তাকাতে আবার কেমন অল্পমনা হয়ে পড়েছিলেন, ইত্যবসরে পশ্চাত্বর্তী গোরুর গাড়ি দুখানা এসে পড়েছে। পাল্কি নামানো এবং অপর এক পাল্কির আরোহীর সঙ্গে বাক্যবিনিময়ের ব্যাপার দেখে ঈশ্বর গঙ্গাধর মুখোপাধ্যায় গিয়ে বরের বাপও নেমে এসে পিঁড়িয়েছেন।

অনুমনা রামকালী একটা দীর্ঘনিশ্বাস ফেলে গাঢ় স্বরে বলেন, “আমি আপনাকে একটি অহুরোধ করছি মুখ্যে মশাই, আপনি যাত্রা স্থগিত করুন।”

যাত্রা স্থগিত করুন।

বিবাহযাত্রা! হাঁ করে তাকিয়ে থাকেন বরের জেঠা আর বরের বাপ! লোকটা পাগল না শয়তান! না কনের বাড়ির সঙ্গে গভীরতম কোন শত্রুতা আছে?

ওদিকে ঘাম ছুটে যাচ্ছে বেহারাদের, রোদুরটা অসহনীয় হয়ে উঠেছে। দু পাল্কির বেহারারা অদূরে দাঁড়িয়ে পরস্পর বাক্যবিনিময় করে ব্যাপারটা অস্বাভাবন করার চেষ্টা করতে ঘন ঘন এদিক তাকাচ্ছে কখন পাল্কি তোলার ডাক পড়ে।

ব্যাপারটা যে একটা কিছু হচ্ছে এ অনুমান করে ইত্যাবসরে গরুর গাড়ি থেকে এক ব্যক্তি লাফিয়ে নেমে পড়েছেন, যিনি হচ্ছেন বরের পিসে; গাড়ির ছইয়ের মধ্যে গলদঘর্ম হয়ে আসতে আসতে এমনিতেই মেজাজ তাঁর চড়ে উঠেছিল, নেমেই যাত্রা স্থগিতের কথা শুনে তেলেবেগুনে জ্বলে উঠে বললেন, “কে মশাই আপনি? ভাঙ্‌চি দেবার আর জায়গা খুঁজে পান নি? যাত্রা করে বর বেরিয়েছে, পথের মাঝখানে দাঁড় করিয়ে ভাঙ্‌চি দিচ্ছেন?”

মুখ্যে ভ্রাতৃদ্বয় ভগ্নীপতির এ হেন দুর্বিনয়ে বিচলিত হয়ে তাড়াতাড়ি বলে ওঠেন, “আঃ গাঙ্গুলী মশাই, কাকে কি বলছেন? ইনি কে তা জানেন?”

“জানতে চাইনে মুখ্যো, থামো তুমি। যে ব্যক্তি এ হেন অর্বাচীনের স্ত্রায় কথা কয়—”

“চোপ্‌রাও!” হঠাৎ যেন ঘুমন্ত বাঘ জেগে উঠে গর্জে উঠল, “চোপ্‌রাও বামুনের ঘরের কুমাও!”

“মুখ্যো!” চৈচিয়ে উঠল বাঘের পর খেক্‌শিয়াল, “দাঁড়িয়ে অপমানিত হবার জন্মে তোমার ছেলের বিয়ের বরযাত্রের আসি নি। ইটি বোধ হয় তোমার কোন বড় কুটুম? তা এঁকে নিয়েই বিয়ে দেওয়াও গে, আমি চললাম।”

“আহাহা, করেন কি গাঙ্গুলী মশাই! ইনি হচ্ছেন আমাদের সাতথানী গায়ের মাথা, কবিরাজ চাটুয্যে মশাই। অবশ্যই অনিবার্য কোন কারণে ইনি যাত্রা স্থগিতের আদেশ—”

“কবরেজ চাটুয্যো! অ্যা!”

গাঙ্গুলীর কাছার কাপড় আলগা হয়ে পড়ে, তিনি সহসা আধবিঘ্নটাক জিত বার করে, সে জিত দাঁতে কেটে, দু হাতে দু কান মলে, বয়সের মর্যাদা ভুলে প্রণাম করে বসেন।

বামকালী প্রণামরতের প্রতি দৃকপাত মাত্র না করে সমান সৈন্যের সঙ্গে বলেন, “ঈ্যা, অনিবার্য কারণেই বলছি মুখ্যো মশাই, যাত্রা স্থগিত রাখুন! নইলে অকারণ আপনাদের পুত্রের বিবাহযাত্রা স্থগিত রাখতে দলব, এমন অর্বাচীন সত্যিই আমি নই।”

বড় মুখ্যো দু হাত কচলে বলেন, “আজ্ঞে তা আর বলতে! মানে ইয়ে লক্ষ্মীকান্তাবুর বংশে কোন দোষ—”

“আঃ মুখ্যো মশাই, অল্পগ্রহ করে আমাকে অত ইতর ভাববেন না। আমি বলছি পুত্রের বিয়ে দিতে গিয়ে আপনি বিপদে পড়বেন। আপনার পুত্র অসুস্থ।”

পুত্র অসুস্থ! এ আবার কি প্যাচের কথা!

এ যে ঠিক সমুদ্রের দিক থেকে পাথর ছুটে আসা! এ পাথরের আশঙ্কা তো ছিল না!

কস্তাপক্ষে কোন গোলমাল আছে, এবং ঈনি অবশ্যই কস্তাপক্ষের কোন ‘বিশেষ হিতৈষী’, এইটাই ভাবছিলেন মুখ্যোরা। যেটা স্বাভাবিক। তা নয়, পথের মাঝখানে আটকে এ কী উল্টো চাপ!

“পুত্র অসুস্থ! বলেন কি কবিরাজ মশাই? এ যে একটা অসম্ভব কথা বলছেন। অমন সস্ত্র সহজ পুত্র আমার। উপবাসে ও মধ্যাহ্নকালের উত্তাপে বোধ করি ঈষৎ স্তব্ধ দেখাচ্ছে।” ছোট মুখ্যো কাতরভাবে বলেন।

“না, স্তব্ধ দেখাচ্ছে না।” রামকালী জলদগস্তীর স্বরে বলেন, “বয়স বিপরীত। রীতিমত রসস্ত্রই দেখাচ্ছে, লক্ষ্য করলেই টের পাবেন। আমি গোড়াতেই লক্ষ্য করেছিলাম, এবং আপনাকে নিবৃত্ত করার সংকল্প নিয়েই আটকেছি। ছেলের চোথারায় আমি শিরঃশূলী-সান্নিপাতিকের লক্ষণ দেখতে পাচ্ছি। বিবাহসভায় নিয়ে গিয়ে সঙ্কটে পড়বেন। বাড়ি ফিরে যান, কস্তার বাড়িতে সংবাদ দিন।”

বরের পিসে পূর্ব বিনয় ভুলে আবার সহসা ক্রোধ ওঠেন। “ভ্যালা ঝামেলা করলে তো দেখছি। আজ বিবাহ, রাজির প্রথম প্রহরে লগ্ন, এখন

ছেলেকে বাড়ি ফিরিয়ে নিয়ে যাব, আর কণ্ঠাপক্ষকে সংবাদ দেব পাত্র অস্থস্থ ? এ কি ছেলের হাতের মোয়া নাকি ? বুঝতে পাচ্ছি আপনি কণ্ঠাপক্ষের একজন মন্ত হিতৈষী !”

বামকালীর গৌর মুখ রোদের তাতে এমনিতেই লাল টকটকে হয়ে উঠেছিল, এদার আগুনের মত গনগনে দেখাল।

তবু উত্তেজিত হলেন না।

স-তাচ্ছিল্যে গাঙ্গুলীর প্রতি একটা কটাফপাত কবে বললেন, “ঠাঁ, ঠিক বলেছেন, বিশেষ হিতৈষী। লক্ষ্মীকান্ত বাঁড়ুয্যে মশাই আমার মাতুলের সতীর্থ, পিতৃতুল্য। তাঁর পৌত্রীটি যে পিবহরাত্রেই বিধবা হয় এটা আমার অভিপ্রেত হতে পারে না।”

নির্মল নিমেষ আকাশ থেকে যেন বজ্রপাত ঘটল।

এ কী সবনশে অলক্ষণের কথা!

এ কী অভিশাপ, না অপ্রকৃতিস্থ মস্তিষ্কের প্রলাপ ? মুখুয়োর। গলার পৈতে হাতে জড়িয়ে ‘ঠাঁ ঠাঁ’ করে উঠলেন।

বামকালী নিবাত নিরুদ্ভঙ্গ দীপশিখা,—কঠিনহৃদয় বিচারক অপরাধীর প্রতি মৃত্যুদণ্ডদেশ দিয়েও যেমন স্থির থাকে, তেমনি অচল অটল স্থির হয়ে দাঁড়িয়ে রইলেন।

অভিশাপ দেওয়া হল না, পৈতে হাত থেকে ছেড়ে মুখুয়োর। কেঁদে উঠলেন, “এ কী বলছেন কবরেক্ত মশাই ?”

“কি করব বলুন, আমি মুখের উপর স্পষ্ট বলতে চাই নি, আপনারাই বললেন। শুধুন, যদি গিত চান, এখনও পুত্রকে তার জননীর কাছে নিয়ে যান। স্পষ্ট দেখতে পাচ্ছি স্বয়ং ‘কাল’ ওর শিয়রে দাঁড়িয়ে। আর বেশী বাক্যব্যয়ে সময়ের অপচয় করবেন না, তা ছাড়া আপনারা উচাটন হলে পুত্র বিহবল হবে।”

কিন্তু মুখুয়োর।ও তে। রক্তমাংসের মানুষ ওদের বিশ্বাস-অবিশ্বাস দিয়ে তৈরি মন। যে ছেলে পান্থিকির মধ্যে দিবি। বসে বয়েছে, মাঝে মাঝে মুখ বাড়িয়ে দেখেও নিচ্ছে কী হচ্ছে এখানে, যার কপালে এখনও চন্দনের রেখা জলজল করছে, আর গলার মালা থেকে স্নগন্ধ বিকীরণ করছে, সামান্য একটা মাহুয়ের কথায় বিশ্বাস করে বসবেন যে সে ছেলের শিয়রে শমন দাঁড়িয়ে ! আর সেই কথায় বিশ্বাস করে একটা নিরীহ তদ্বলোককে মরণাস্তক সর্বনাশের গহ্বরে নিক্ষেপ করে মুচিব মত

‘যাত্রা-করা’ বর নিয়ে কিরে যাবেন। বাঁড়ুযোদের হবে কি? কণ্ঠা ভ্রষ্টলগ্না হওয়া মৃত্যুর চাইতে কি কিছু কম?

না, এ অসম্ভব! নিশ্চয় এ কোন চক্রান্ত!

হয় এই চাটুয্যোর সঙ্গে লক্ষ্মীকান্ত বাঁড়ুয্যোব ঘোরতর কোন শত্রুতা আছে, নচেৎ এই লোকটা আদৌ কবরেজ চাটুয্যোই নয়! কোন ক্ষাপাটে বামুন! তবু এই ব্যক্তিত্বের প্রভাবের সামনে কেমন যেন সব গুলিয়ে যাচ্ছে। আর সন্তানেব সম্পর্কে ‘অত বড় অভিশাপ-সদৃশ বাণী’

ছোট মুখ্যো একবার অদূরবর্তী পাল্কির দিকে তাকিয়ে কঙ্কখাস-বক্ষে বলেন, “আমি তো রোগের কোন লক্ষণ দেখছি না কবরেজ মশাই।”

রামকালী একটু বিষাদবাজক হাসি হাসেন, “তা দেখতে পেলে তো আমার সঙ্গে আপনার কোন প্রভেদই থাকত না মুখ্যো মশাই। আস্থন, এদিকে সরে আস্থন। দেখছেন তাকিয়ে ছেলের ললাটে ওই চন্দনরেখা? সত্ত্ব চন্দনের মত আর্দ্র। অথচ বলছেন এক প্রহরকাল আগে চন্দন পরানো হয়েছে! তাহলে সে চন্দন এতক্ষণে শুকিয়ে খড়ি হয়ে যাবার কথা। হয় নি। কারণ চোরা সান্নি-পাতিকে সবশরীর রসস্থ হয়ে উঠেছে—”

“এই কথা!” হঠাৎ পাত্রের জেঠা হেসে ওঠেন, “কবিরাজ মশাই, খুব সম্ভব পথশ্রমে আপনি কিছু অধিক ক্লান্ত, তাই লক্ষণ নিগয়ে ভুল করেছেন। গ্রীষ্মকালে দর্ম-নির্গমের দরুন চন্দন শুকিয়ে ওঠবার অবকাশ পায় নি, এই তো কথা। ওহে বেয়ায়ার, চল চল। পাল্কি ওঠাও। শুভযাত্রায় এ কী বিপত্তি!”

লক্ষণ নির্ণয়ে ভুল করেছেন রামকালী! রামকালীর নিজেরই মাথার শিরা কেটে যাবে নাকি!

একবার নিজের পাল্কির দিকে অগ্রসর হতে উত্তত হলেন রামকালী, কিন্তু আবার কি ভেবে খমকে দাঁড়িয়ে আরও ভারী গলায় বললেন, “শুস্থন মুখ্যো মশাই, রামকালী চাটুয্যোর লক্ষণ নির্ণয়ে ভুল হয়েছে, এ কথা যদি অল্প কোন ক্ষেত্রে উচ্চারণ করতেন, সে ঔদ্ধত্যের সমুচিত উত্তর পেতেন। কিন্তু এখন আপনার সর্বট সময়, ওদিকে বাঁড়ুয্যোরাও বিপন্ন, তাই মার্জনা পেয়ে গেলেন। লক্ষ্মীকান্ত বাঁড়ুয্যোর বাড়ি এখনই সংবাদ দেওয়া প্রয়োজন, এবং সে কাজ আমাকেই করতে হবে। প্রয়োজন হলে পাল্কি ছেড়ে দিয়ে ছোড়া নিতে হবে। তবে আপনাকে শেষ সাবধানে কথা জানিয়ে যাচ্ছি, ছেলেটির মাথার



শিরা ছিঁড়ে ভিতরে রক্তক্ষরণ শুরু হয়েছে, চোখের শিরার রং এবং রগের শিরার ক্ষীতির দিকে লক্ষ্য করলে আপনিও ধরতে পারবেন। মনে হচ্ছে খানিক বাদেই পিকার শুরু হবে। জানানো আমার কর্তব্য বলেই জানিয়ে দিলাম। বলেছিলেন না লক্ষণনির্ণয়ে ভুল? ঈশ্বরের কাছে প্রার্থনা করছি, রামকালী কবরেজের বিচারে যেন ভুলই হয়ে থাকে। রোদের নামকে ‘কালঘাম’ ভাবার ভ্রান্তিই তার হয়েছে, এই যেন হয়। আর কি বলব! আচ্ছা নমস্কার।...ওরে গদাই, তোল্ পাল্কি। পা চালিয়ে একবার বসিরের ওখানে চল্ দিকি, ঘোড়াটাকে নিতে হবে।’

পাল্কি চলতে শুরু করেছে হঠাৎ ছুটে এলেন ছোট মুখযো, প্রায় ডুক্রে বেঁদে চীৎকার করে উঠলেন, “কবরেজ মশাই, এত বড় সর্বনাশের কথা বললেন যদি তো একটু ওষুধ দিলেন না?”

রামকালী গম্ভীর বিষণ্ণ ভাবে হাতটা একটু নেড়ে সে হাত কপালে ঠেকিয়ে বললেন, “দেবার হলে আপনাকে বলতে হত না, আমি নিজেই দিতাম। কিন্তু এখন আর স্বয়ং ধনস্তুরীর বাবারও সাধা নেই।”

ও পাল্কিতে তখন বড় মুখযো উঠে পড়ে বিরক্তভাব বলে ওঠেন, “ভূর্গা ভূর্গা, যত সব বিষয়। যাত্রাকালে কার মুখ দেখে বেরোনো হয়েছিল! কোথা থেকে এক উৎপাত জুটে—এই রাজু, অমন ঢুলছিস কেন? গরমে কষ্ট হচ্ছে?”

রাজু রক্তবর্ণ দুটি চোখ মেলে বলে, “না জেসামশাই, শুধু বড় শীত করছে।”

## ॥ সাত ॥

আঁচল ডুবিয়ে নাড়া দিয়ে দিয়ে তলার জল ওপরে আর ওপরের জল তলায় কর-ছিল ওরা তপ্ত জল শেতল করতে। বেলা পড়ে এসেছে, তবু পুকুরের জল টগ-বাগিয়ে ফুটছে এ জলে নেমে ঝাঁপাই বুড়লে গা ঠাণ্ডা হবার বদলে দাহই হয়, তবু জলের আকর্ষণ বড় আকর্ষণ, তাই বেলা পড়তেই জলে পড়া চাই পাড়ার নবী কলের।

চাটুয্যো-পুকুরের জল 'তোলা মাটি ঝোল' করছিল পুণ্ডি টে'পি পু'টি খেদি প্রমুখ নদীনার। সত্য কেন এখনো এসে হাজির হয় নি তাই ভাবছে ওরা আর অল্পপস্থিত সত্যার সম্ভাষ বিধানের জগ্গেই বোধ করি জল শেতল করার অভিযানটা এত জোব কদমে চালাচ্ছে। সত্য এদের প্রাণপুতুল।

সত্য কি শুধুই তাদের দলনেত্রী ?

ভগবান জানেন কোন গুণে সত্য সকলের হৃদয়নেত্রীও। 'সত্য'-বিহীন খেলা গুণের শিবহীন দক্ষযজ্ঞেরই সামিল। পুকুরে ঝাঁপাই ঝোড়ার ব্যাপারে সত্যই রোজ অগ্রণী, তাই ওর' বার বার ফুটন্ত জলকে তলা-ওপর করতে করতে এ গুকে প্রল্ল করছিল, "সত্যার কি হল রে?" "ঘরে তো দেখলাম না?" "বলেছিল তো ঠিক সময় দেখা হবে।" "বাগানে কোথাও আছে নাকি এখনো?" "দূর, একা একা কি আর বাগানে ঘুরবে? বে'ওলা মেয়ে, ভয় নেই পরাণে?" "ভয়! সত্যার আবার ভয়! দেখিস ও খসুরবাড়ী গিয়ে শাউড়ী পিস্শাউড়ীকেও ভয় করবে না!" "তা আশ্চর্য্য নেই, ও যা মেয়ে!"

সত্য যে তার সমস্ত সখী-সন্ধিনীদের প্রাণের দেবতা, তার প্রধান কারণ বোধ হয় সত্যার এই নিভীকতা। নিভের মধ্যে যে গুণ নেই, যে সাহস নেই, সে গুণ সে সাহস অস্ত্রের মধ্যে দেখতে পেলো মোহিত হওয়া মাছদের স্বভাবধর্ম। নিভীকতা ব্যতীতও আরও কত গুণ আছে সত্যার। খেলাপুলোর ব্যাপারে সত্যার উদ্ভাবনী শক্তির জুড়ি নেই, বল আর কৌশল দুই-ই তার অস্ত্রের চাইতে একশ' গুণ। মোটামোটা একটা গাছের কাটা গুঁড়িকে দড়ি বেঁধে একা টেনে আনা সত্যাবতীর পক্ষে আদৌ অসম্ভব নয়, আবার সেই গাছের গুঁড়িকে গড়িয়ে পুকুরের জলে ফেলে ডিঙি বানানোও সত্যার কৌশলেই সম্ভব।

এর ওপর আবার 'পয়ার' বাঁধা!

পয়ার বাঁধার পর থেকে পাড়ার সমস্ত ছোট ছেলে-মেয়েই তো সত্যার পায়ে বাঁধা পড়েছে।

সেই সত্যার জন্তু জল শেতল করছে ওরা এ আর বেশী কথা কি। কিন্তু সত্যার এত দেরি কেন? এদিকে যে এদের মেয়াদ ফুরিয়ে আসছে। ঠাকুমা-পিসীরা একবার চৈতন্ত পেয়ে খোঁজ করলেই তো 'হয়ে' গেল।

নেহাৎ নাকি ঠিক এই সময়টুকুই অতিভাবিকালনের কিঞ্চিৎ দিবানিত্রার সময়, তাই এদের এই অবাধ স্বাধীনতা। হ্যাঁ; এই পড়ন্ত বেলাতেই গিন্নীরা

একটু গড়িয়ে পড়েন। সারা বছর তো নয়, ( মেয়েমানুষের দিবানিদ্রাব মত অনলক্ষণে ব্যাপার আর কি আছে সংসারে ? ) নেহাৎ এই আমার সময়টা।

আমের যে একটা 'নেশা' আছে।

গিন্নীবা বলেন, 'আমেব মদ'।

আম খাও বা না খাও, এ সময়ে শরীর টিস্ টিস্ কবন্যেই। অবশ্য না খাওয়াব প্রশ্ন ওঠেই না। আম-কাঁটাল আঁবাব কে না খায় ? হক ভট্টাচার্যের মার মত কে আর আম-হেন বস্তুকে জগন্নাথের নামে উৎসর্গ কবতে পাবে ? হক ভট্টাচার্যের মা সেবাব শ্রীক্ষেত্রব গিয়ে এই কাণ্ড কবে এসেছেন, 'ক্ষেত্রব কবাব' পব জগন্নাথকে ফল দিতে হয় বলে আম ফলটি দিয়ে এসেছেন মনেব আক্ষেপে সেগার হক ভট্টাচার্য আমবাগান বেচে দিতে চেয়েছিলেন, বলেছিলেন, "মার ভোগেই যদি না লাগল তে, আমবাগানে আমার দরকার ?" তা ভট্টাচার্যের মা ছেলেকে হাতে ধরে বুঝিয়ে সাণ্ড কবেছিলেন, বলেছিলেন, "বাবা, আজন্মকাল তে' খেয়ে এলাম তবু খাওয়াব লালস ঘোচে না, তাই বলি যে দব্বিতে এত আসক্তি, সেই দব্বিই জগন্নাথকে উচ্ছুগ্য করব। তাই বলে তুই বাগান নষ্ট করলি ? ছেলেপুলে খাবে না ?"

ছেলেপুলে বুড়া যুবো আমের ভক্ত সবাই। আমের মরশুমে দিনে এককুড়ি দেড়কুড়ি আম খাওয়া তো কিছুই না।

অদৃশ্য সব আম সবাই খায় না।

অর্থাৎ পায় না।

সংসারবের সদগুণের শ্রেণী হিসেবেই আমেব শ্রেণী হিসেব কবে ভাগ হয়। বর্তমানের নৈবেদ্যে লাগে "জোর কলম" গোলাপখাস, ক্ষীবসাপাতি, নবাব 'চন্দ্র, বাঙ্গাল' ভোগ, চাউণ্ড, কজলী ইত্যাদি, গিন্নীন্দেব ভগ্নে সবানো থাকে পেয়ারাকুলি, বেলস্বাসী, কাশীর ছিনি, সিঁহুবেমেঘ।

আর নৌ কি ছেলেপুলের ভাগে জোটে 'বাশি'ব আম। তা বাশি বাশি 'ব' পেলে যাদের আশ মিটবে না তাদের জগ্নে বাশিব বরাদ্দ ছাড়; আর কি বরাদ্দ হতে পারে ? বাড়ির ঝুড়ি ঝুড়িতেই কি ওদের আশা মেটে ? দু বেলাই জলখাবারের ঝুড়ি ঝুড়ি তো পায়, কারণ গিন্নীবা প্রকৃতির এই দাক্ষিণ্যের সময় মুড়ি ভাজা পর্বটি থেকে কিঞ্চিৎ রেহাই নেন। কিন্তু হলে কি হলে, বাড়ি থেকে 'মধুকুলকুলি' আমার পাঠাড শেষ কবেই ওরা তক্ষুনি ছোটে হয়শো বা "বৌ পালানে" কি "বান্দর ভ্যাবাচাকা" আমেব বাগানে। বাঘা

তেতুলের বাবা জাতীয় সেই আমগুলি পার করার সহায় হচ্ছে মুঠো মুঠো ছুন। অবিশ্রি তুচ্ছ হলেও বস্তুটা সংগ্রহ করতে বালকবাহিনীকে বিশেষ বেগ পেতে হয়, কারণ ওর আশ্রয়স্থল যে একেবারে রান্না-ভাঁড়ার। যেন নাকি সম্পূর্ণ গিন্নীদের এলাকা। আর যে গিন্নীরা হচ্ছেন একেবারে সহানুভূতিহীনতার প্রতীক। ছেলে-পুলদের সব কিছুতেই তো তাঁরা খজ্ঞাহস্ত। ছুন একটু চাইতে গেলেই প্রথমটা একেবারে তেড়ে মারতে আসবেন জানা কথা! তবে নাকি ছেলেগুলোর খুব ভাগ্যের জোর যে, প্রায় সব সময়ই ওরা ওনারেব অস্পৃশ্য। কাঙ্ছেই মারতে আসলেও মারতে পাবেন না। তার পর বহুবির কাঙ্কৃতি-মিনতির পর যদি বা দেবেন তে, সে একেবারে সোনার ওজনে। দেবেন আর সঙ্গে সঙ্গে বলবেন, “যাচ্ছিস তে আবার টক্ বিন আমগুলো গিলতে? ঘবে এত খায় তবু আশ মেটে না গা! কী রাক্কেস পেট গো, কী লক্ষ্মীছাড়া দিশে! মরবি মরবি, রক্ত-আমাশা হয়ে মরবি। সবগুলো একসঙ্গে ‘মনসা তলা’য় যাবি। যত সব পাপ-গুলো একত্বর জুটেছে।”

গালমন্দ-বিহীন লবণ?

সে ওরা করনাও করতে পারে না।

তবে সত্য আগে আগে চরণ মুদির দোকান থেকে বেশ খানিকটা সংগ্রহ করে আনতে পারত, কিন্তু ইদানীং অখাং বড় হয়ে ইস্তক মুদির দোকানে ভিক্ষে করতে যেতে ওর লজ্জা করে। বড় জোর দূরে দাঁড়িয়ে থেকে নিতান্ত একটা শিশুকে লেলিয়ে দেয়।

কবরেরেজর মেয়ে বলে সমাজে সত্যর কিছুটা প্রতিষ্ঠা আছে।

সে প্রতিষ্ঠার মধ্যদাটাও তো রাখতে হয়?

আজ দুপুরে আমবাগান-পবে সত্য ছিল, তার পর কখন একসময়ে যেন বার্দা চলে গিয়েছিল।

বোঁদি একটু করনা-প্রবণ, তাই সে বলে, “সত্যর খসুরবাড়ি থেকে কেউ আস নি তো?”

“দূর! খসুরবাড়ি থেকে আবার শুধু শুধু কেউ আসবে কেন? আর আসেও যদি, সত্যর সঙ্গে কি? যে আমবে সে তো চণীমগুণে বসবে।”

সহসা পুঁটি চেঁচিয়ে ওঠে, “আসছে, আসছে!”

“আসছে! বাবা, ধড়ে পেরাণ পাই।”

“এত দেরি কেন রে সত্য? আমরা সেই কখন থেকে জল সাগা করছি।”

সত্য বিনাবাক্যে গস্তীর ভাবে ঘাটের পৈঠের ভাঙাচোরা বাঁচিয়ে জলে নামে।

“কি রে সত্য, মুখে কথা নেই যে? বাবা, আজ এত পায়াল-ভারী কেন রে তোর?”

সত্য একমুখ জল নিয়ে কুলকুচো করে ঠোট বাঁকিয়ে বলে, “পায়াল-ভারী -আবার কি! মনিষ্টির রীত-চরিত্তির দেখে ঘেমা ধরে গেছে।”

“ওমা, কেন রে? কাক দেখে? কার কথা বলছিস?”

সত্য জ্বলন্ত স্বরে বলে, “বলছি আমাদের জটাদার বোয়ের কথা! গলায় দড়ি! গলায় দড়ি! মেয়েজাতের কলঙ্ক!”

সত্যর বয়েস ন বছর, অতএব সত্যর পক্ষে এ ধরনের বাক্যবিশ্বাস অসম্ভব, এমন কথা ভাবনার হেতু নেই। শুধু সত্য কেন—নেহাৎ শ্রাকাহাবা মেয়ে ছাড়া, সে আমল আট-ন বছরের মেয়েরা এ ধরনের বাক্যবিশ্বাসে পোক্তই হত! না হবে কেন? চার বছর বয়স থেকেই যে তাকে পরের বাড়ি যাওয়ার তালিম দেওয়া হত, আর বয়স্কদের মহলেই বিচরণের ক্ষেত্র নির্বাচন করা হত। সে ক্ষেত্রে ‘শিশু’ বলে কোন কথাই বাদ দেওয়া হত না তাদের সামনে।

কাজেই সত্য যদি কারো উপর খাপ্পা হয়ে তাকে ‘মেয়েজাতের কলঙ্ক’ বলে অভিহিত করে থাকে, আশ্চর্য হবার কিছু নেই।

পুণ্য তাড়াতাড়ি প্রশ্ন করে ওঠে, “কেন রে, কি হয়েছে?”

“যম জানে।” বলে প্রথমটা ধানিকক্ষণ যমের উপর ভার কেলে রেখে, অতঃপর সত্য মুখ খোলে, “জন্মে আর ওর মুখ দেখছি না! ছি ছি! গেছলাম! বলি আহা, সোয়ামী শাউড়ীর ভয়ে রোগের ওষুটুকু পর্যন্ত খেতে পায় না, যাই একবার দেখে আসি কেমন আছে। সেজপিসৌ তারকেখর গেছে শুনেছি, মনটা তাতেই আরও খোলসা ছিল। ওমা, গিয়ে ঘেমা মরে যাই, কী দুঃপিবিস্তি, কী দুঃপিবিস্তি!”

এরা শঙ্কিত দৃষ্টি মেলে তাকিয়ে থাকে, না-জানি কোন্ তরফর কাহিনী উদ্ঘাটন করে বসে সত্য।

শুধু পুণ্ডি ভয়ে ভয়ে বলে, “কি দেখলি রে?”

“কি দেখলাম? বললে পেতায় করবি? দেখি কিনা ঘরে জটাঙ্গা বসে, আর বৌ কিনা তাকে পান সেজে দিচ্ছে, আর হাসি-মস্করা করছে।”

জটাঙ্গা?

খেদি পুঁটি টেঁপি সকলে একযোগে বলে ওঠে, “ও হরি! এতেই তোব এত রাগ! শাউড়ী বাড়ি নেই, তাতেব বুকের পাটাটা বেড়েছে আর কি।”

“বুকের পাটা বেড়েছে বলে পান সেজে খাওয়াবে? হাসি-মস্করা করবে?” সত্য যেন ফুলতে থাকে।

পুণ্ডি আরও ভয়ে ভয়ে বলে, “তা পরপুরুষ তো আর নয়? নিজেব সোয়ামী—”

“নিজের সোয়ামী।” সত্য ঝটপট বার-দুই কুলকুচো করে বলে, “খ্যাংরা মারো অমন সোয়ামীর মুখে! যে সোয়ামী লাথি মেরে যমের দক্ষিণ দোবে পাঠায় তার সঙ্গে আবার হাসি-গল্প? গলায় দিতে দড়ি জোটে না? আবাব আমায় কি বলেছে জানিস? ‘আমার সোয়ামি আমায় মেরেছে, তোমায় তো মারতে যায় নি ঠাকুরকি? তোমার এত গায়ে জ্বালা কেন যে ছড়া বেঁধে গালমন্দ করতে আস?’ এর পর আবার আমি ওর মুখ দেখব?”

আঁচলটাকে গা থেকে খুলে জোরে জোরে জলের ওপর আছড়াতে থাকে সত্য।

সখীবাহিনী কিঞ্চিৎ বিপদে পড়ে।

ওরা অভিব্যক্ত আসামিনীকে খুব একটা দোষ দিতে পারে না, কাবণ স্বামী একদা একদিন বেদম মেরেছে বলে যে জন্মে আর সে স্বামীকে পান সেজে খাওয়ানো চলবে না, এতটা কঠোর কমাহীন মনোভাব তাদের পক্ষে আনুভব করা শক্ত। অথচ সত্যর কথার প্রতিবাদ চলে না, সত্যর কথায় সমর্থন না করলে চলে না।

কিন্তু ও কি! ও কি! ও কিসের শব্দ!

হঠাৎ বৃষ্টি ওদের বিপদে রক্ষা করলেন মধুবন্দন। পুকুরপাড়ের রাস্তায় তালগাছের সারির ওদিকে যেন অশঙ্করধ্বনি ধ্বনিত হল।

ঘোড়ার কুরের শব্দ না?

ঘোড়ায় চড়ে কে আসে ?

পুণ্ড্র তড়বড় করে ঘাটে উঠে এগিয়ে দেখে পড়ি তো মরি করে ছুটে আসে,  
“এই সত্য, মেজদা !”

মেজদা !

অর্থাৎ রামকালী !

সত্য অবিস্থাসের হাসি হেসে মুখ ভেঙিয়ে বলে ওঠে, “স্বপ্ন দেখছিস নাকি ?  
বাবা না জীরেটে গেছে ?”

“আহা, তা সেথেনে তো আর বাস করতে যায় নি ? আসবে না ?”

ইত্যবসরে ক্ষুরধ্বনি একবার কিছুটা নিকটবর্তী হয়েই ক্রমশঃ দূরবর্তী হয়ে  
যায় ।

সত্য গলা বাড়িয়ে একবার দেখতে চেষ্টা করে, তারপর নির্লিপ্তভাবে বলে,  
“যেমন তোমার বুদ্ধি ! বাবা বুঝি ঘোড়ায় চড়ে জিরেটে গেছল ? নাকি পাল্কিটা  
মাঝরাস্তায় ঘোড়া হয়ে গেল !”

পাল্কি ! তাও তো বটে ! পুণ্ড্র দ্বিধায়ুক্ত স্বরে বলে, “আমি কিন্তু সন্ত  
দেখলাম মেজদা আর মেজদার ঘোড়াটা । বাড়ির দিকেই তো গেল ।”

তা গেল বটে । তবে কি হঠাৎ জীরেটের সেই রুগীর ‘নেয়-দেয়’ অবস্থা ঘটেছে !  
তাই হঠাৎই কোন মোক্ষম ওষুধের দরকার পড়েছে ? যার জন্তে পাল্কি রেখে  
ঘোড়ায় চড়ে ছুটে আসতে হয়েছে চিকিৎসক রামকালীকে ?

খেঁদি বলে, “যাই হোক বাপু সত্য, তুই বাড়ি যা । কবরেজ জ্যাঠা ভিন্ন এ  
গেরামে ঘোড়াতেই বা চড়বে কে ?”

এ কথাও খাটি ।

ঘোড়া আর আছেই বা কার ? এ অঞ্চলে কালেকশ্বিনে বর্ধমান রাজ্যের কোন  
কর্মচারী কি কোম্পানির কোন লোক ঘোড়ার পিঠে চড়ে আসে, নইলে ঘোড়া  
কে কোথায় পাচ্ছে ?

ঘাট থেকে উঠে পড়ে সত্য-বাহিনী ।

এখন প্রথমটা সকলেরই সত্য-ভবনে অভিবান । কারণ ঘোড়া-রহস্য ভেদ না  
করে কে স্থির থাকতে পারবে ?

ভিক্তে কাপড়ে জল স্পৃশপিয়ে আর মলের গোছা বাড়িয়ে ওরা রওনা হল,  
কিন্তু এ কী তাজব ! এ যে একেবারে রূপকথার গল্পর মত !

সত্যদের বাড়ির কাছাকাছি পৌঁছতে না পৌঁছতে হাঁ হয়ে দেখে ওরা রামকালী ফের ফিরে যাচ্ছেন ঘোড়া হাঁকিয়ে, শুধু এবারে বাড়তির মধ্যে তাঁর পিছনে পিঠ আঁকড়ে আর একজন বসে।

সে জনটি হচ্ছে, সত্যর বড়দা।

রামকালী চাটুয্যের দৈমাত্র ভাই কুঞ্জবেহারীর বড় ছেলে রাসবেহারী।

পুণ্যির কথাই সত্যি বটে। অঝোরোহী ব্যক্তি রামকালীই। কিন্তু এ নিয়ে এখন আর বাহাদুরি ফলায় না পুণ্যি, শুধু হাঁ করে অনেকক্ষণ ঘোড়ার পায়ের লাপটে ঠিকরে ওঠা ধুলোর ঝড়ের দিকে তাকিয়ে থেকে নিশ্বাস কেলে বলে, “ব্যাপার কি বল তো?”

“আমিও তো তাই ইন্তাম করছি।” সত্য অবাক ভাবে বলে, “ওষুধ নিতে আসবে যদি বাবা, তো বড়দাকে পিঠে বেঁধে নিয়ে যাবে কেন?”

“সেই তো কথা!”

প্রচণ্ড গরম, ভবু সপ্‌সপে ভিজ়ে কাপড়ের ওপর হাওয়ার ডানা বুলিয়ে যাওয়ার দরুন গা-টা কেমন সিরসির করে এল। সত্য এবার ‘হাঁ-করা’ ভাব করে বিচক্ষণের সুরে বলে, “নে নে চল, দোরে দাঁড়িয়ে গুলতুনি করে আর কি হবে? বাড়ি গেলেই টের পাব, কি হয়েছে! তোরা যা, ভিজ়ে কাপড় ছেড়ে আয়। আমি দেখি গিয়ে কি হয়েছে!”

কি হয়েছে!

যা হয়েছে তা একেবারে সত্যর হিসেবের বাইরে। শুধু সত্যর কেন সকলেরই হিসেবের বাইরে। ঘোড়ায় চড়ে ঝড়ের বেগে এসে সমগ্র সংসারটার উপর যেন প্রকাণ্ড একখানা পাথর ছুঁড়ে মেরে ফের ফিরে গেছেন রামকালী। সেই পাথরের আঘাত সহজে কেউ সামলাতে পারছে না।

সত্য ভেতরবাড়ির উঠানে ঢুকে দেখল, উঠানের মাঝখানে বসানো মরাই দুটোর মাঝখানে যে সফ্র জমিটুকু, সেইখানে দাঁড়িয়ে আছে বড়জৈঠা, ঠিক যেন কার্টের পুতুলটি, আর দাওয়ার পৈঠের গালে হাত দিয়ে কার্ট হয়ে বসে তার ঠাকুমা। এবং দাওয়ার ওপর জটলা বেঁধে বাড়ির আর সবাই। শুধু বা পিস-ঠাকুমাই অল্পপস্থিত।



অবশ্য সেটাই স্বাভাবিক, কারণ তিনি এই যবনাচারী দাওয়ায় কখনো পাঠে কান না। এ দাওয়ায় রাস্তা-বেডানে ছেলেপুলে ওঠে, কর্তাদের খড়ম ওঠে।

পিস্তাকুমা না থাক, আর সনাই তো জটলা করছে। কেন করছে? অথচ কারো মুখে বাকিয়া নেই কেন? ফিস ফিস কথা, ঘোমটাব ভেতর হাত-মুখ নাড়া-নাড়ি। সত্য ঠাকুমার যতটা সম্ভব গা বাঁচিয়ে গা ধোঁষে বসে পড়ে সান্দ্রবানে ইশারায় প্রশ্ন করে, “কি হয়েছে গো ঠাকুমা?”

দীনতারিণী নীরব।

অতঃপর সত্য সরব।

“ও ঠাকুমা, বাবা অমন করে ছুটে এসেই আবার কোথায় গেল?”

দীনতারিণী মৌন।

“কী গেরো! কথার উত্তর দিচ্ছ না কেন গো? ও ঠাকুমা, বাবা জীরেট থেকে অমন হাঁপাতে হাঁপাতে ঘোড়া ছুটিয়ে এলই বা কেন, আবার ছুটলই বা কেন? অ ঠাকুমা, বলি তোমাদের সব বাকিয়া হরে গেল কেন?”

এবারও দীনতারিণীর চোঁট নড়ে না, তবে চোঁট নাড়েন তাঁর সেজ্জ শিবজায়ী। শুধু চোঁট নয়, সহসা পা মুখ সব নড়িয়ে তিনি বলে ওঠেন, “বাকিয়া হরে যাবার মতন কাণ্ড ঘটলে আর হরবে না? তোর বাবা' যা' অভাবনী কাণ্ড করে গেল?”

“বাবা বাবা, খুলেই বল না ম্পষ্ট করে। বাবা জীরেট থেকে ঘোড়া ছুটিয়ে এসেই তক্ষুনি আবার কোথায় গেল?”

“অ, তবে তো দেখেইছি। তবে আর গ্রাকা সাজ্জিস কেন? রাহুকেনে গেল তোর বাবা বে দিতে।”

“বে দিতে! ধোং!” সত্য পবিশ্চিতব মযাদ্দা ভুলে হি হি করে হেসে গড়িয়ে পড়ে, “আহা, আমায় যেন গ্রাকা পেয়েছে সেজ্জাকুমা তাই পাগল নোঝাচ্ছে। বড়দার বুঝি বে দিতে বাকি আছে? বলে ছেলের বাবাই হয়ে গেল বড়দা!”

“গেল তায় কি?” এবার হঠাৎ দীনতারিণী মৌন ভঙ্গ করে নাতনীকে ধমক ওঠেন, “বজ্জ তো দেখছি ট্যাকটে'কে কথা হয়েছে তোর? ছেলের বাবা হলে আর বে করতে নেই? মহাভারত অশুদ্ধ হয়ে যায়?”

সত্য উত্তর দেবার আগে শিবজায়ী সাংসারিক মাংসজ্ঞায় ভুলে কস করে

বড়জায়ের মুখের ওপর বলে বসেন, “মহাভারত অশুদ্ধর কথা হচ্ছে না দিদি, তবে এও বলি রামকালী যে একেবারে কাউকে চোখে কানে দেখতে দিলে না, চিলের মত ছেঁ মেবে নে গেল ছেলটাকে, বালস-পোয়াতি বোঁটা, যাত্রাকালে সোয়ামিকে একবার দূর থেকে চোখের দেখাটুকু পর্যন্ত দেখতে পেল না, এটা কি ভাল হল ?”

কখন যে ইতিমধ্যে মোক্ষদা এসে দাঁড়িয়েছেন এপাশের বেড়ার দরজা দিয়ে, এবং আলোচনার শেষাংশটুকু শুনে নিয়েছেন, সে আর কেউ টের পায় নি। মোক্ষদার খান ধুতি গুটিয়ে হাঁটুর ওপব তোলা, কাঁবে গামছা অর্থাৎ স্নানে যাচ্ছেন মোক্ষদা। অবিশ্রি স্নানে যাচ্ছেন বলেই যে এই ‘ভেতর বাড়ির’ অর্থাৎ শয়ন-বাড়ির উঠানে তিনি পা দিতেন তা নয়, তবে আজকের কথা স্বতন্ত্র। আজকের উত্তেজনায় অত মরণ-বীচন জ্ঞান রাখলে চলে না, আজ নয় ঘাটে দু-দশটা ডুব দিয়ে ফের দীঘিতে ডুব দিতে যাবেন, তবে এদের মজলিশে যোগ দেওয়াটা দরকার।

মোক্ষদা সেজভাজের কথাটুকু শুনেতে পেয়েছেন, এবং তাতেই সমগ্র নাটকটি অস্থাবন করে ফেলেছেন। তাই তিনি তিন আঙুলে হেঁটে খানিকটা এগিয়ে এসে গলা বাড়িয়ে বলে ওঠেন, “কী বললে সেজবো, কী বললে? আর একবার বল তো শুনি?”

শিবজায়া অবশ্য আরও একবার বললেন না, শুধু মাথার কাপড়টা অল্প টেনে মুখটা একটু ফেরালেন।

মোক্ষদা একটু বিষ-হাসি হেসে বলেন, “বলতে অবিশ্রি আর হবে না, কানে প্রবেশ করেছে সবই। তবে ভাবছি সেজবো তুমি হঠাৎ এমন শুচাষি হয়ে উঠলে কবে থেকে? যাত্রাকালে রাস্তার আমাদের পরিবারের সঙ্গে চোখাচোখি হয় নি এই আক্ষেপে মরে যাচ্ছ তুমি? কলি আর কত পুণ হবে? চারকাল হয়ে তো কলি এখন উপচোছে। শুভকাজে যাত্রাকালে লোকে ঠাকুর-দেবতার পট দেখে বেরোয়, গুরুজনের চরণ দর্শন করে বেরোয় এই তো জানি, জেনে এসেছি এতকাল। পরিবারের বদন দর্শন না করে বেরোলে জাত যায়, এটা তুমিই প্রথম শোনালে সেজবো।”

শিবজায়া ননদকে ভয় করলেও এতজনের মাঝখানে হেরে যেতে রাজী হন না, তাই বলে ওঠেন, “রাস্তার কথা আমি বলি নি হোঁটাকুরকি, বড় নাত-বোয়ের কথা বলছি। আবাসী জানল না শুনল না আচমকা মাথান্ন

পাহাড় পড়ল, আপনাব সোয়ামী একা আপনাব থাকতে থাকতে একবার শেষ দেখাও দেখতে পেলে না ; সেই কথা হচ্ছে।”

মোক্ষদা সহসা খলখলিয়ে টেসে ওঠেন, “অ সেজবো, আর কেন ঘরে বসে আছ ? যাত্রার পালা বাঁধ না। সত্য পয়র বেঁধেছে—তুমিই বা দাকি থাক কেন ? যা তোমাদের মতিগতি বদখছি, এ আর গেরস্ত-সরের যুগিয়া নয়। বুড়-মাগী তুমি, চারকাল গিয়ে এককালে ঠেকেছে, লজ্জা এল না ও কথা মুখে আনতে। সোয়ামী কি মণ্ডা মিঠাই, যে একলা আন্তটা না খেতে পেলে পেট ভরবে না, ভাগ হয়ে গেলে প্রাণ কেটে যাবে ? ছি ছি ! একটা ভদ্রলোকের কত বড় বিপদ থেকে উদ্ধার করতে ছুটল রামকালী, আর তার কাজের কিনা ব্যাখ্যানা বসেছে।”

বড়দের এই বাক্যুদের মাঝখানে সত্য হাঁ করে তাকিয়েছিল, মোক্ষদার কথা শেষ হতেই হঠাৎ ঠাকুয়ার কোলের গোড়া থেকে উঠে সরে এসে বলে বসে, “সেজ ঠাকুমা তো ঠিকই বলেছে পিসঠাকুমা। নিযাস বাবার অন্ডাই হয়েছে।”

বাবার অন্ডায় ! সন্দেহযুক্ত নয়, একেবারে ‘নিযাস’ !

উঠোনে কি বাজ পড়ল !

কলিকাল শেষ হয়ে কি প্রলয় এল ?

## ॥ আট ॥

দুঃসংবাদের সঙ্গে সঙ্গেই অন্দরে কার্নার রোল উঠল। এ কী হরিষে বিষাদ ! এ কী বিনামেষে বজ্রাঘাত ! এমন চুর্ঘটনা আর কবে কার সংসারে ঘটেছে ? এত বড় সর্বনাশের কল্পনা দুঃস্বপ্নও কে কবে করেছে ?

এই তো এই মাত্র মেয়ে কলাতলায় শিলে দাঁড়িয়ে স্নান করে ‘আইবুড়ে মুচি’ ভেঙে, গায়ে-হলুদের দকন কোরা লালপাড় শাড়িটুকু পরে চুল বাঁধতে বসেছে, পাড়ার শিলী মহিলার কাঁক ‘কনের’ কেশ-রচনায় কে কত নৈপুণ্য দেখাতে পারেন তারই আলোচনায় অন্দরের দালান মুখর করে তুলেছেন, হঠাৎ বাইরের মহল থেকে আঙুনে হল্কার মত এই সংবাদ এসে ছড়িয়ে পড়ল।

পন্নিপামে ? দাবানল !

অতি বড় অস্থিভঙ্গ হলেও এ যে বিশ্বাস না করে উপায় নেই। কারণ সংবাদ এনেছেন আব কেউ নয়, স্বয়ং রামকালী। ধীর সম্পর্কে বিন্দুমাত্রও সন্দেহ পোষণ করা অসম্ভব। নচেৎ মিথ্যা দুঃসংবাদ রটনা করে বিয়ে ভাঙল করে দিয়ে মজা দেখবে এমন আত্মীয়েরও অভাব নেই। কিন্তু ইনি হচ্ছেন রামকালী!

কাজেই সংবাদ মিথ্যা হতে পারে, এমন আশার কণিকামাত্রও নেই। নাঃ, কোন আশাই নেই। তা ছাড়া কব্জি নিজেব চোখে দেখে এসেছেন পাত্রের শিয়রে শমন।

অতএব কোরা শাড়ি জড়ানো বছর আঠেকের সেই হতভম্ব মেয়েটাকে ঘিরে প্রবল দাপটে কান্নার যা রোল উঠেছে তাতে ভয়ে মেয়েটার নাড়ি ছেড়ে যাবার যোগাড় হচ্ছে।

বিয়ের দিন যাত্রা-করা-বব মৃত্যুরোগ নিয়ে যাত্রা ভঙ্গ করে বাড়ি ফিরে গেলে এবং বিয়ের লগ্ন ভ্রষ্ট হলে এমন কি সর্বনাশ সংঘটিত হতে পারে, সেটা স্বেচ্ছার বুদ্ধিব অগম্য, অনিষ্ট যদি কিছু হয় সে নয় তার ঠাকুরদার হবে, তার কি?

কিন্তু তার কি, সে কথা সে কিছু না বুঝলেও মহিলার দল তাকে ধরে নাড়া দিয়ে দিয়েই তারস্বরে চেঁচিয়ে চলেছেন, “ওরে পটলী, তোর কপালে এমন ছাই পোর ছিল, একথা তো কেউ কখনও চিন্তে করি নি রে। ওরে লগ্ন-ভ্রষ্ট মেয়ে গলায় নিয়ে আমবা কী করব বে। ওরে এর চাইতে তোকই কেন শমনে ধরল না রে, সে যে এর থেকে ছিল ভাল।” গুঁরা লুটোপুটি করতে থাকেন, আর পটলী কাঠ হয়ে বসে থাকে। বসে বসে শুধু এইটুকু বিচার করতে পারে সে যে এত সব কাণ্ডকারখানা কিছুই হত না, যদি পটলীই রাতারাতি ওলাউঠে হয়ে মরত!

ওদিকে চণ্ডীমণ্ডপে লক্ষ্মীকান্ত বাঁড়ুয্যে মাথায় হাত দিয়ে পাথরের পুতুলের মত বসে আছেন, আর সেই পুতুলের মস্তিষ্কের কোষে কোষে ধ্বনিত হচ্ছে, ‘এ কী করলে ভগবান! এ কী করলে ভগবান!’

রামকালী চলে যাওয়ার পর থেকে লক্ষ্মীকান্ত আর একটিও কথা বলেনি, অপর কেউ তাঁকে সোধোদন করতে সাহস পায় নি। ওদিকে বড় ছেলে শ্রামকান্তও বিস্তৃত মুখে ঘাটের ধারে শিবভাগ্য গিয়ে বসে আছে চূপচাপ,

বাপের দিকে যাবার সাহস তার নেই। তার জামাই হচ্ছে বটে কিন্তু বয়সটা আর তার কি? এখনও তো তিরিশের নিচে। বাপকে সে যমের মত ভয় করে।

পটলীর মা বেহলাও মুখ লুকিয়েছে ভাঁড়ার ঘরের কোণে। নিজেকেই তার সব চেয়ে অপরাধিনী মনে হচ্ছে। নিশ্চয়ই মহাপাপিষ্ঠা সে, নইলে তার মেয়েব বিয়ের ব্যাপারেই এত বড় দুর্লক্ষণ দুখটনা! সকলেই ফিসফাস বলাবলি করছে মেয়ে নাকি তার আস্ত রাক্ষুসী, তাই বাসায় না উঠতেই সোয়ামীটার মাথা কড়মড়িয়ে চিবিয়ে খেল। থাকুক এখন বেহলা চিরজন্ম ওই দ'পড়া সর্বনাশী মেয়েকে গলায় গ়েখে। জাত ধর্ম কুল সবই গেল, বইল শুধু আমরণ যম-যন্ত্রণা।...

হ্যাঁ, বিয়ের রাত্রে বর-বিভাট কি আর হয় না? ছাঁদনাতলা থেকেও বর উঠে যেতে দেখেছে অনেকে, কিন্তু সে সব অল্প কারণে। হয়তো 'পণে'র টাকা ঠিক সময়ে হাজির করতে না পারাব জন্মে বচসার ফলে, নয়তো বা কোন হিতৈষীর দ্বারা কোন পক্ষের 'কুলে'র চাটতির কথা প্রকাশ হয়ে পড়ায়, অথবা কন্যাপক্ষেব কনেকে বদলে ফেলে কালা কুশ্রী কনে গছিয়ে দেবার চেষ্টার ফলে, বচসা থেকে হাতাগতি মারামারি হতে হতে বরপক্ষ রেগে-টেগে বর উঠিয়ে নিয়ে যায়। কিন্তু তখনি তার পারাপাবও হয়ে যায়।

কারণ লগ্নভট হয়ে গেলেই মেয়ে চিরকালের মত আধাবিধবা হয়ে বাপের ঘরে বসে থাকবে, এই আক্ষেপে পাড়ার কেউ না কেউ করুণাপববশ হয়ে কোয়ার বেঁধে লেগে গিয়ে রাতারাতি অল্প পাত্তর যোগাড় করে আনেন। অতএব ভদ্রলোকের জাত মান রক্ষা পায়।

কিন্তু এ ষে একেবারে বিপরীত কাজ! এ যে সত্ত্ব রাক্ষুসী কন্যা!

এ হেন পতিঘাতিনী মেয়ের জন্মে আপনার ছেলেকে ধরে দেবে এমন মহাহুভব ত্রিভুগতে কে আছে?

না, বেহলার এই মেয়ের জন্মে রাতারাতি পাত্তসংগ্রহ হওয়ার আশা দুরাশা। রামকালী কবরেজ অবশ্য একটু নাকি আশ্বাস দিয়ে গেছেন "চেষ্টা দেখছি" বলে, কিন্তু বোঝাই তো যাচ্ছে সেটা সম্পূর্ণ স্তোকবাক্য! এত বড় দুঃসংবাদটা বাড়ি বয়ে এসে দিয়ে গেলেন, মুখটা একটু হেঁট হল তো, তাই একটা অলীক স্তোক দিয়ে পালিয়ে গেলেন।

বেহলা বোকা হতে পারে, কিন্তু একটু বুদ্ধি ধরে।

- হায় মা ভগবতী, পটলী যে এত বড় অপরা মেয়ে এ কথা তো কোনদিন বুঝতে দাও নি? ফুলের মত দেখতে মেয়ে, বাড়ির প্রথমা সন্তান, সকলের আদরের আদরিণী আগানে-বাগানে হেসে খেলে বেড়িয়েছে এতদিন, ইদানীং সম্প্রতি ডাংগরটি হয়েছে বলেই যা বাড়ির মধ্যে আটক ছিল। তা যেমন সুন্দরীতেমনি হাশুবদনী, কে বলতে পেরেছে এ মেয়ে সর্বনাশী রাক্ষসী?

শুভরঠাকুর তো বলেন পটলীর নাকি দেবগণ, তবে? দেবগণ কল্পে রাক্ষস-গণের কপাল পেল কি করে? আর শুধুই কি আজ? ও মেয়ে যদি ঘরে থাকে সংসার তো ছারেখারে যাবে।

মানদার পিসী তো স্পষ্টই বললেন সে কথা, “কে নেবে মা ও মেয়েকে? কার বাসনা হবে সংসারটা ছারে-গোল্লায় দিই? ও চিরটা কাল এই...দ’পড়া হয়ে পড়ে থাকবে আর ঠাকুরদার সংসারটা চিবিয়ে চিবিয়ে খাবে, এই আর কি!”

বেহলা ডুকরে কেঁদে ওঠে।

কাঁদতে কাঁদতে বলে, “হে মা ওলাই বিবি, হে মা শেতলা, পটলীকে তোমরা নাও, ওর যেন এ ভিটেতে তেরান্তির না পোহায়।”

মাটিতে হুমড়ি খেয়ে পড়ে কাঁদতে থাকে বেহলা!

কাঁদছে সবাই।

বাড়ির গিন্নী থেকে শুরু করে বিচুলিকাটুনি বাগদী মাগীটা পর্যন্ত। পরের দুঃখে কাঁদবার এত বড় সুযোগ জীবনে ক’বার আসে?

কাঁদছে না শুধু পটলী, যে হচ্ছে এই বিবাহবিভ্রাট নাটকের প্রধানা নায়িকা। সে শুধু অনেকক্ষণ কাঁস হয়ে বসে থেকে সবে এইমাত্র ভাবতে শুরু করেছে বিয়েটাই যদি না হয়, তা হলে এখনও পটলীকে উপুসী রেখেছে কেন এরা? কেন কেউ একবারও বলছে না, “ওরে তোরা তবে এখন পটলীকে দুটো মতিচূর কি দেদোমণ্ডা দিয়ে জল খেতে দে।” পটলীর বুক থেকে পেট অবধি যেন মাঠের ধুলোর মতো শুকনো লাগছে।

কিন্তু পটলীর মুখে বৃকে ধুলো বেটে যাচ্ছে, এ তুচ্ছ খবরটুকু ভাবতে বসবার সময় কার আছে? বরং পটলীর ওপর রাগে তৃণায় রি ঝি করছে সবাই।

শ্রামকান্ত বার দুই-তিন পুকুরপাড়ের দিক থেকে এসে উঁকি মেরে বাবাকে দেখে গেছে এবং যতবারই দেখেছে বাবা তামাক খাচ্ছেন না, বাবার হাতে হুকো নেই, ততবারই তার প্রাণটা ফেটে চোঁচির হয়ে যাচ্ছে, কিন্তু সাহস করে তামাক সেজে এনে সামনে ধরে দেবে এত বৃকের বল নেই, অপেক্ষা শুধু যদি পাড়ার কোন বিজ্ঞ ব্যক্তি এসে পড়েন। হয়তো তেমন কেউ এলে লক্ষ্মীকান্তের মৌনভঙ্গ হবে।

নিজের যত বড় বিপত্তিই হোক, মানীর মান অবশুই রাখবেন লক্ষ্মীকান্ত।

কিন্তু পাড়ার ভদ্রলোকদের আর আসতে বাকী আছে কার? তাঁরা তো সবাই একে একে এসে গেছেন।

বেলা পড়ে এল।

অর্থাৎ সর্বনাশের সময় ঘনিয়ে এল।

এ হেন সময় শ্রামকান্তের প্রার্থনা পূর্ণ হল। এলেন রাখহরি ঘোষাল। রীতিমত বয়স্ক ব্যক্তি, অপেক্ষাকৃত দূরের পাল্লায় থাকেন, তাই এতক্ষণে এসে উঠতে পারেন নি। তিনি এসে নীরবে খড়ম খুলে ফরাসে উঠে বসলেন, টাঁক থেকে শামুকের খোলের নশুড়ানি বার করে ছ'টিপ নিলেন, তারপর ধীরে-স্থিরে বললেন, “ব্যাপার তো সবই সুনলাম লক্ষ্মীকান্ত, কিন্তু তুমি এভাবে মচ্ছিভঙ্গ হয়ে বসে থাকলে তো চলবে না।”

লক্ষ্মীকান্ত বাঁড়ুষ্য বয়সের সম্মান রাখতে জানলেও ঘোষাল-ব্রাহ্মণের পায়ের ধুলো তো আর নেনেন না, তাই মাথাটা একটু নিচু ভাব করে ক্রান্ত স্বরেনেপথ্যের দিকে গলা বাড়িয়ে বলেন, “ওরে কে আছিস, ঘোষাল মশাইকে তামাক দিয়ে যা।”

“থাক থাক, ব্যস্ত হতে হবে না।” রাখহরি ঘোষাল বলেন, “সন্ধ্যা তো আগতপ্রায়, এখন কি করবে স্থির করলে?”

“স্থির আর আমি কি করব ঘোষাল মশাই,” লক্ষ্মীকান্ত হতাশভাবে বলেন, “স্বয়ং যজ্ঞধরই যে যজ্ঞ পণ্ড করতে বসলেন—”

“তা বলে তো ভেঙে পড়লে চলবে না লক্ষ্মীকান্ত, কোমর বাঁধতে হবে। কস্তাকে নির্দিষ্ট লগ্নে পাজন্বা করতেই হবে। লগ্ন কখন?”

“মধ্যরাত্তির পর।”

“উত্তম কথা। সব কিছু পাচ্ছ তুমি। আমি বলি কি তুমি আমার সঙ্গে করার দয়ালের ওখানে চল—”

“দয়াল? দয়াল মুখ্যো?”

“হ্যাঁ, দেখ যদি হাতেপায়ে ধরে রাজী করাতে পারো। এমনিতেই তো কালবিলম্ব হয়ে গেছে।”

লক্ষ্মীকান্ত বিস্মিত দৃষ্ট মেলে বলেন, “মুখ্যো মশায়ের কাছে কার আশায় যাব ঠিক বুঝতে পারছি না তো ঘোষাল মশাই?”

“কার আশায় আবার লক্ষ্মীকান্ত, তুমি নেহাৎ শিশু সাজছ দেখছি। মুখ্যোর আশাতেই যাবে। নইলে রাতারাতি আর তোমার স্ব-ঘর পাত্র পাচ্ছ কোথায়?”

লক্ষ্মীকান্ত কাতর মুখে বললেন, “মুখ্যো মশায়ের সঙ্গে পটলীর বিয়ে? পটলীকে আপনি দেখেছেন ঘোষাল মশাই?”

“দেখেছি বৈকি,” রাখহরি একটু রসিকহাসি হাসেন, “নাতনীকে তোমার দেখলে, ওর নাম গিয়ে মূনিরও মন টলে, ‘ঘরে’ মিললে আমিই এই বয়সে টৌপার মাথায় দিতে চাইতাম। মুখ্যোও তোমার গিয়ে বয়েস হলে কি হয়, রসিক ব্যক্তি। এই সেদিনও পথে পটলীকে দেখে বলছিল—”

রাখহরি একটু খামেন।

লক্ষ্মীকান্ত কিঞ্চিৎ বিরক্তভাবে বলেন, “কি বলছিলেন?”

“আহা দুঃ কিছ নয়, তামাশা করে বলছিল ‘বাঁড়ুঘোর নাতনীটিকে দেখলে ইচ্ছে হয় আমার তৃতীয় পক্ষটিকে ত্যাগ করে কেলে কের ছাঁদনাতলায় গিয়ে দাঁড়ই।”

লক্ষ্মীকান্ত এবার দোরতর বিরক্তির স্বরে বলেন, “এ ‘প্রসঙ্গ ত্যাগ করুন ঘোষাল মশাই।”

“দটে? ও!” রাখহরি সঙ্গে সঙ্গে উঠে দাঁড়ান, “বুঝতে পারি নি। কলি পূর্ণ হতে এখনও কিছু বিলম্ব আছে ভেবেছিলাম। যাক শিক্ষা হয়ে গেল। আর যাই করি কারুর হিত করবার চেষ্টা করব না।”

লক্ষ্মীকান্ত এবার ত্রস্ত কাতরতায় বলে ওঠেন, “আপনি অযথা কুপিত হবেন না ঘোষাল মশাই, আমার অবস্থাটা বিবেচনা করুন। মুখ্যো মশাই আমার চাইতেও প্রায় চার-পাঁচ বৎসরের বয়োধিক, তা ছাড়া হাঁপানিোগগ্রস্ত।”



“ঈপানিটা যমরোগ নয় লক্ষ্মীকান্ত,” রাখহরি সতেজে বলেন, “আয়ুর্বেদ-মতে ওটা হচ্ছে জীওজ ব্যাধি। তাছাড়া বয়সের কথা যা বলছ ওটা কোন কথাই নয়, পুকসের আবার বয়েস! বরং মুখযোর আর দুটি পত্নীর ভাগা-প্রভাবে তোমার ঐ অলক্ষণা পৌত্রীটির বৈধব্য-যোগ খণ্ডন হয়েও যেতে পারে ”

“বিন্দু ঘোষাল মশাই—”

“থাক, ‘বিন্দু’তে আর কাজ কি লক্ষ্মীকান্ত? তবে- এটা জেনো, নিজেকে সমাজের শিরোমণি ভেবে যতই তুমি নির্ভয় থাক, এর পর অর্থাৎ তোমার ওই পৌত্রীকে নির্দিষ্ট লগ্নে পাত্ৰস্ত করতে না পারলে, সদ্ভ্রাতৃক্ষণরা তোমার গৃহে জল-গ্ৰহণ কববেন কিনা সন্দেহ। এই তৎসময়ে অপোগণ্ড একটা ছুঁড়ির বুড়োবর-যুবো বরের ভাবনা তুমি ভাবতে বসছ, কুলমর্যাদা! ধর্মসংস্কার জাতি-মান এসব বিন্মৃত হচ্ছে, এ একটা তাজ্জন বটে।”

“ঘোষাল মশাই আপনি আমায় মার্জনা ককন, বরং পটলীকে নিয়ে আমি কাশীবাসী হব—”

“তা হবে বৈকি,” রাখহরি একটু সিমহাসি হেসে বলেন, “বে-মালিক হুন্দরী যুবতীর পক্ষে কাশীর মত উপযুক্ত স্থান আর কোথায় আছে? নাতনী হতে কাশীবাস্যের সংস্থানটাও তোমার হয়ে যাবে লক্ষ্মীকান্ত।”

“ঘোষাল মশাই!” লক্ষ্মীকান্ত বিভ্রাৎবেগে উঠে দাড়িয়ে বলেন, “আপনি আমার গুরুজনতুল্য তাই এযাত্রা রক্ষা পেয়ে গেলেন। নচেৎ—”

“নচেৎ কি করতে লক্ষ্মীকান্ত,” বিক্রপহাশ্বে মুখ কুঁচকে রাখহরি বলে ওঠেন, “নচেৎ কি মারতে নাকি?”

‘শোপ নেবার দিন এসেছে, শোধ নেবেন বৈকি ঘোষাল। ঘোষাল বামুনদের প্রতি লক্ষ্মীকান্ত বাঁড়ুযোর অন্তঃসলিলা তাচ্ছিল্য ভাবটা তো আর অবিন্মিত নেই রাখহরির! যতই বিনিয়ের ভাল দেখাক বাঁড়ুযো, ওর চোখের দৃষ্টিতেই সেই উচ্চনীচ ভেদাভেদটা ধরা পড়ে যায়। আজ সেই প্রতিশোধ নেবার সময় এসেছে, ছাড়বেন কেন রাখহরি?’

“ঘোষাল মশাই, আমাকে রেহাই দিন,” দুই হাত জোড় করে লক্ষ্মীকান্ত বলেন, “ভগবান যদি আমার জাতি ধর্ম রক্ষা করতে ইচ্ছুক থাকেন, লগ্নের আগেই উপ-যুক্ত পাত্ৰ পেয়ে যান, নচেৎ মনে করব—”

“লগ্নের আগেই উপযুক্ত পাত্ৰ।” রাখহরি আর একবার বিক্রপ হাশ্বে

মুখ বাকিয়ে বলেন, “পাত্রটিকে বোধ হয় স্বয়ং তিনি বৈকুণ্ঠ থেকে পাঠিয়ে দেবেন?”

লক্ষ্মীকান্ত কী একটা উত্তর দিতে উত্তত হচ্ছিলেন, সহসা শ্রামকান্ত নিজের স্বভাববিরুদ্ধ উল্লেখনায় ছুটে এসে বলে, “বাবা, কবরেজ চাটুয্যে মশাই আসছেন। ঘোড়ায় চেপে পিছনে কাকে যেন নিয়ে।”

“অ্যা! নারায়ণ!”

লক্ষ্মীকান্ত উঠে দাঁড়াতে গিয়ে বসে পড়েন।

## । নয় ।

আসন্ন-সাজানো বরাসনে বসবার সময় আর ছিল না, হড়মুড়িয়ে একেবারে কল-তলায় খেউরী করিয়ে স্নান করিয়ে নিয়ে সোজা নিয়ে যেতে হবে সম্প্রদানের পিঁড়িতে। সেই পিঁড়িতেই ধান দুর্বে আর আংটি দিয়ে ‘পাকা দেখা’ অহুষ্ঠানের প্রথাটা পালন করে নিতে হবে।

অবিশ্রি সারাদিনে অন্ততঃ বার পাঁচ-ছয় চর্বচোস্ত্র করে খেয়েছে রান্ন, কিন্তু কি আর করা যাবে! এরকম আকস্মিক ব্যাপারে ত্রুওসব মানার উপায় কোথায়? বলে, কত মেয়েরই বিয়ে হয়ে যাচ্ছে ‘ওষ্ঠ্ হুঁড়ি তোর বিয়ে’ করে। এই তো লক্ষ্মীকান্তরই এক জাতি ভাইপোর মেয়ের বিয়ে হল সেবার ঘুমন্ত মেয়েটাকে মাঝরাতে টেনে তুলে। গ্রামের আর কান্ড খাড়িতে বর এসেছিল বিয়ে করতে, তার পর যা হয়! কোথা থেকে ষ্টেন উঠে পড়ল কস্ত্রপঙ্কের কুলের খোঁটা, তা থেকে বচসা অপমান, পাত্র উঠিয়ে নিয়ে যাওয়া।

যাক্ সে কথা, মূল কথা হচ্ছে, আকস্মিকের ক্ষেত্রে চর্বচোস্ত্র খেয়েও বিয়ের পিঁড়িতে বসা যায়।

কথা হচ্ছে—এখন রান্নকে নিয়ে।

রান্নর অবস্থাটা কি?

সে কি এখন খুব একটা অন্তর্ঘর্ষে পীড়িত হচ্ছে?

তীব্র একটা ব্যথা, ভয়ঙ্কর একটা অস্বস্তি, প্রবল একটা মানসিক

বিদ্রোহের আলোড়ন কি রাস্তাকে ছিন্নভিন্ন করছিল ? বলা নেই কওয়া নেই হঠাৎ এই চিলের মত ছৌ মেুরে উড়িয়ে ঘোড়া ছুটিয়ে এনে আরও একটা সাতপাকের বন্ধনে বন্দী করে কেলবার চক্রান্তে কাকার ওপর কি রাগে ক্ষিপ্ত হয়ে উঠছিল রাস্ত ?

না, রাস্তর মুখ দেখে তা মনে হচ্ছে না।

বলির পাঠার অবস্থা ঘটলেও ভয়ে বলির পাঠার মত কাঁপছিলও না রাস্ত, শুধু কেমন একটা ভাবশূণ্য ফ্যালফেলে মুখে নিজের নির্দেশিত ভূমিকা পালন করে চলছিল সে।

ঠ্যা, এই আকস্মিকতার আঘাতে বেচারী রাস্তর শুধু মুখটাই নয়, মনটাও কেমন ভাবশূণ্য ফ্যালফেলে হয়ে গিয়েছে। সেখানে স্বথ-দুঃখ ভাল-মন্দ দ্বিবাৎসর কোন কিছুই সাড় নেই।

সে-মনে ধাক্কা লাগল স্ত্রী-আচারের সময়। সে ধাক্কায় ধানিকটা সাড় ফিরল।

সে সাড়ে মনের মধ্যে একটা ভয়ানক কষ্ট বোধ করতে থাকল রাস্ত।

সাত এয়াতে মিলে যখন মাথায় কবে শ্রী, কুলো, বরণডালা, আইহাঁড়ি, চিতের কাঠি, ধুতরো ফলের প্রদীপ সাজানো খালা ইত্যাদি নিয়ে বরকনেকে প্রদক্ষিণ করছিল, ধাক্কাটা লাগল ঠিক তখন।

এয়াদের অবশ্য একগলা করে ঘোমটা, কিন্তু তার মধ্যেও ‘আদল’ বলে একটা কথা আছে। যে বোঁটির মাথায় বরণডালা, তার আদলটা ঠিক সারদার মতন, যদিও দিনের বেলা হঠাৎ সারদার মুখটা দেখলে রাস্ত ঠিক চিনতে পারবে কিনা সন্দেহ, তবু আদলটা চেনে। ওই রকম বেগুনী রঙের জমকালো একখানা চেলিও যেন সারদাকে মাঝে মাঝে পরতে দেখেছে রাস্ত। পাড়ার কারুর বিয়ে-টিয়েতে, কি সিংহবাহিনীর অঞ্জলি দেবার সময়।

দেখেছে অবিশ্রি নিভাস্ত দূর থেকে, আর ভাল করে তাকাবার সাহসও হয় নি। কারণ রাতদুপুরের আগে, সমস্ত বাড়ি নিশুতি না হওয়া পর্যন্ত কাছাকাছি আসবার উপায় কোথা ? আর তখন তো সারদা সাজসজ্জা গহনাগাঁটির ভারমুক্ত। তা ছাড়া সারদা ঘরে ঢুকেই ঘরের কোণের প্রদীপটা দেয় নিভিয়ে। বলে, “কে কমনে থেকে দেখে ফেলে যদি !”

অবিশ্রি দেখবার পথ বন্ধতে কিছুই নেই। রামকালী চাটুয্যের বাড়ির

দরজা-কপাট তো আর পাড়ার পাঁচজনদের মত আমকাঠের নয় যে, কাটা-ফুটো থাকবে, মজবুত কাঁটলকাঠের লোহার পাতমারা দরজা। দরজার কড়া-ছেকল-গুলোই বোধ করি ওজন দু-পাঁচ সের। আর জানলা? সে তো জানলা নয়, গবাক্ষ। মাহুঘের মাথা ছাড়ানো উচুতে ছোট ছোট খুপরি জানলা, সেখানে আর কে চোখ ফেলবে? তবু সাবধানের মার নেই।

গ্রীষ্মকালে অবশ্য পুরুষরা এ রকম চাপা ঘরে শুতে পারেন না, তাঁদের জগ্রে চণ্ডীমণ্ডপে কিংবা ছাতে শেতলপাটি বিছিয়ে রাখা হয় ভিজ্জে গামছা দিয়ে মুছে মুছে। সেখানে তাকিয়া যায়, হাতপাখা যায়, গাডুগামছা যায়, 'বয়ে' নিয়ে যায় রাখাল ছেলেট' কি নুনিষটা। কর্তাদের অস্থবিধে নেই।

প্রাণ যায় বাড়ির মহিলাদের, আর নববিবাহিত যুবকদের। তারা প্রাণ ধরে বারবাড়িতে শুতে যেতে পারে না, অথচ ভেতরবাড়ির ঘরের ভিতরের গুমোটও প্রাণান্তকর।

তবে সারদার মত বো হলে আলাদা। সারদা এই গ্রীষ্মকালে সারারাত্তির পাখা ভিজিয়ে বাতাস করে রাখকে।

প্রাণের ভেতরটা হঠাৎ কেমন মোচড় দিয়ে উঠল রাখর। গতকাল রাতেও সারদা সেই পতিসেবার ব্যতিক্রম করে নি। রাখ মায়া করে বার বার সাবণ করছিল বলে, কচি ছেলেটার গরমের ছুতো করে নেড়েছে সারদা। আর সব চেয়ে মারাত্মক কথা, যেটা মনে করে হঠাৎ বুকটা এমন মুচড়ে মুচড়ে উঠছে রাখর, মাত্র কাল রাত্তিরেই সারদা তাকে ভয়ানক একটা সত্যবদ্ব করিয়ে নিয়েছিল।

বাতাস দিতে বারণ করার কথায় চুপি চুপি হেসে বলেছিল সারদা, "এত তো মায়া, এ মায়ার পরিচয় প্রকাশ করতে পারবে চেরকাল!"

রাখ ঠিক বুঝতে পারে নি, একটু অশাক হাসি হেসে বলেছিল, "চিরকাল কি গরম থাকবে?"

"আহা তা বলছি নে। বলছি—", রাখর বুকের একেবারে কাছে সরে এসে সারদা বলেছিল, "সতীনজ্ঞালার কথা বলছি। তখন কি আর মায়া করবে? বলবে কি 'আহা ওর সতীনে বড় ভয়'!"

রাখ যতটা নিশ্চয় সন্তব্ব হেসে উঠেছিল, হেসে উঠে বলেছিল, "হঠাৎ দিবা-স্বপ্ন দেখছ নাকি! সতীনজ্ঞালা আবার কে দিলে তোমায়?"

"দেয় নি, দিতে কতক্ষণ?"

“অনেকক্ষণ! আমার এমন দু-চারটে বৌ ভাল লাগে না। দরকারও নেই।”

সারদা তবু জেরা ছাড়ে নি, “আর আমি বুড়ো হয়ে গেলে? তখন তো দরকার হবে।”

রাস্তা ভারি কৌতুক অল্পভব করেছিল, আবার হেসে ফেলে বলেছিল, “এ যে দেখি ‘হাওয়ার সঙ্গে মনাস্তব’। তুমি বুড়ো হয়ে যাবে, আর আমি বুঝি জোয়ান থাকব?”

“আহা, পুরুষ ছেলে কি আর অত সহজে বুড়ো হয়? তা ছাড়া ঠাকুরের জ্যেষ্ঠ ছেলে, দেখতে সোন্দর। এত পয়সাওলা মানুষ তোমরা, কত ভাল ভাল সম্বন্ধ আসবে তোমার, তখন কি আর আমার কথা—”

হঠাৎ আবেগে কেঁদে ফেলেছিল সারদা।

অগত্যই নিপিড় করে কাছে টেনে নিয়ে নৌকে আদব সোহাগ করে ভোলাতে হয়েছে রাস্তকে। বলতে হয়েছে, “সাধে কি আর বলছি, হাওয়ার সঙ্গে মনাস্তব। কোথায় সতীন তার ঠিক নেই, কাঁদতে বসলো। ওসব ভয় করো না।”

আরও অনেক বাক্য বিনিময়ের পর পতিব্রতা সারদা স্বামীকে আশ্বাস দিয়েছিল, “তা বলে তোমাকে আমি এমন সত্যবন্দা করে রাখছি নে যে আমি মরে গেলেও ক্ষেত্র ‘বে’ করতে পারবে না। আমি মলে তুমি একটা কেন একশটা ‘বে’ করো, কিন্তু আমি বেঁচে থাকতে নয়।”

“নয়, নয়, নয়! হল তো?” তিন-সত্যি করেছিল রাস্ত।

মাত্র গতরাতে।

আর আজ সেই রাস্ত এই টোপের চেলি পরে কলাতলায় দাঁড়িয়ে আছে, এই মাস্তব যে গিন্নী মাহুঘটা বরণ করছিল, সে বলে উঠেছে, “কড়ি দিয়ে কিনলাম দড়ি দিয়ে বাঁধলাম, হাতে দিলাম মাকু, একবার ‘ভ্যা’ কব তো বাপু।”

একটা মাহুঘকে কতবার কেনা যায়?

বাধু জিনিসটাকে আবার কি ভাবে বাঁধা যায়?

হাস্ত ভগবান, রাস্তকে এমন বিড়ঘনায় কেলে কি হুথ হল তোমার?

আহা, রাস্ত যদি ঠিক আজকেই গায়ে না থাকত। রুগী দিদিমাকে

দেখতে এমন তো মাঝে মাঝে গা ছেড়ে ভিন্গায়ে যায় রাস্ত। আজই যদি তাই হত! যদি দিদিমা বুড়ী টেঁসে গিয়ে ওখানেই আজ আটকে ফেলত রাস্তকে!

যদি ঠিক এই সময় জ্ঞাতীগোস্তর কেউ মরে গিয়ে অশৌচ ঘটিয়ে রাখত রাস্তদের! যদি রাস্তরও এদের সেই বরটার মতন আচমকা একটা শক্ত অস্থক করে বসত!

তোমন কোন কিছু ঘটলে তো আর বিয়ে হতে পারত না!

কণ্ঠাদায়গ্রস্ত বিপন্ন ভদ্রলোকের বিপদের কথা মনের কোণেও আসে না রাস্তর, মরুক চুলোয় যাক ওরা, রাস্তর এ কী বিপদ হল!

এ যদি কাকা রামকালী না হয়ে বাবা কুঞ্জবেহারী হত! বাবা যদি বলত, “ভদ্রলোকের বিপদ উপস্থিত রাস্ত, বিধা-দ্বন্দ্বের সময় আর নেই, চল ওঠ।” তা হলেও হয়ত না রাস্ত খানিক মাথা চুলকোতে বসত।

কিন্তু এ হচ্ছে যার নাম মেজকাকা, যার হুকুমের ওপর আর কথা চলে না।

অনেক ‘যদি’র শেষে অবশেষে হতাশচিত্ত রাস্ত এ কথাও ভাবল, “আর কিছুও না হোক, যদি গতরাত্রে রাস্ত ঐশ্বর্যের কারণে ‘বারবাড়িতে’ স্ততে যেত! তা হলে তো ওই সত্যবন্ধীর দ্বায়ে পড়তে হত না তাকে!

এর পর কি আর জন্মে কোন দিন কোন ব্যাপারে রাস্তকে বিশ্বাস করতে পারবে সারদা? বিশ্বাস করতে পারবে এক্ষেত্রে রাস্ত বেচারীও সারদার মতই নিরুপায়? কোন হাত ছিল না তার? নাঃ, বিশ্বাস করবে না সারদা, বলবে, “বোঝা গেছে বোঝা গেছে! বেটাছেলেদের আবার মন-মায়া! বেটাছেলের আবার তিন-সত্তা!”

কিন্তু কথাই কি আর কখনো কইবে সারদা? হয়তো জীবনে আর কখনো কইবে না রাস্তর সঙ্গে, নয়তো দুঃখে অভিমানে মনের ঘেঁষায়—চঠাৎ রাস্তর মন-শক্কে বিশালকার “চাটুঘোপুকুরের” কাকচক্কু জলটার দৃশ্য ভেসে ওঠে।

মনের ঘেঁষায় আজ রাস্তরই সারদা কিছু একটা করে বসছে না স্তো?

বুকের ভেতরটা কে যেন খুঁচিয়ে খুঁচিয়ে চিরে চিরে ছন দিচ্ছে। রাস্ত বুঝি আর চূপ করে থাকতে পারবে না, বুঝি হাউমাউ ~~কাক~~ চৈচিয়ে উঠবে।

না, চৈচিয়ে ওঠে নি রাস্ত, তবে মুখের চেহারা দেখে কাকচক্কুর কে

একজন বলে উঠল, “বাবাজীর কি শরীর অসুস্থ বোধ হচ্ছে ?”

আবার বিয়ের বরের শরীর অসুস্থ !

লক্ষ্মীকান্ত একবার এই হিঠৈমৌ-সাজা দুমুখটার দিকে ভুক কুঁচকে তাকালেন, তারপর গম্ভীর কণ্ঠে আদেশ দিলেন, “ওরে কে আছিস, আর একখানা হাতপাখা নিয়ে আয় দিকি, নতুন নাভজামাইয়ের মাথার দিকে বাতাসটা একটু জোরে দে।”

জোর জোর বাতাসে মুখের চেহারাটা রাসুর সত্যি একটু ভাল দেখাল। আর না দেখালেই বা কি, ততক্ষণে তো বিয়ে সাজ হয়ে গেছে, বরকনেকে “লক্ষ্মীর ঘরে” প্রণাম করিয়ে বাসরে বসাতে নিয়ে যাচ্ছে সবাই ধরে ধরে, পায়ের গোড়ায় ঘটি ঘটি জল ঢালতে ঢালতে।

সেখানে আবারও তো সেই সেবাবরের মতন উপদ্রব হবে ? সারদার বাপের বাড়ির সেই সব মেয়েমানুষদের বাক্যি আর বাচালতা মনে করলে রাসুর এখনো হৃৎকম্প হয়।

আবার তেমনি ভয়ঙ্কর একটা অবস্থার মুখোমুখি গিয়ে দাঁড়াতে হচ্ছে এখন রাসুকে !

সম্পূর্ণ অসহায়, সম্পূর্ণ নিরস্ত্র।

হঠাৎ রাসু দার্শনিকের মত নিজের ব্যক্তিগত দুঃখজালা ভুলে একটা বিরাট দর্শনের সত্য আবিষ্কার করে বসে।

মানুষ কি অদ্ভুত নিবোধ জীব !

এই কুশ্রী কদম্বতাকে ইচ্ছে করে জীবনে বার বার সেখে নিয়ে আসে। বার বার নিজেকে কানাকড়িতে বিকোয়।

পরদিন সকালে এখানে ‘বৌছত্র’ আঁকা হচ্ছিল।

ইচ্ছে-শব্দের বিয়ের মত নিখুঁত করে বাহার করে না হোক, নিয়মপালাটা তো বজায় রাখতে হবে ?

স্বাভাবিক বড় উঠোনটায় যেমন তেমন করে একটু আলপনা ঠেকাতেও এক সের পাচ পো চাল না ভিজ্বলে চলবে না।

তা সেই পাচ পো চালই ভিজিয়ে দিয়েছিলেন রামকালীর খুড়ী নন্দরাণী। রামকালীর নিজের খুড়ী নয়, জেঠতুতো খুড়ী। সংসারের যত কিছু নিয়ম লক্ষণ

নিতকিতের কাজের ভার নন্দরাণীর আর কুঞ্জর বোয়ের উপর। কারণ ওরাই হুজন হচ্ছে একেবারে ‘অখণ্ডপোয়াতি’। কুঞ্জর বোয়ের তো সাতটি ছেলেমেয়েই যেটের কোলে খোসমেজাজে বাহাল তবিল্লতে টিকে আছে।

নন্দরাণীর অবশ্য মাত্র দু-তিনটিই।

সে যাক, বিয়ের ব্যাপারে নিয়মপালার কাজের সব কিছুই যখন নন্দরাণীর দখলে—তখন এক্ষেত্রেই বা তার ব্যতিক্রম হবে কেন? কাজেই রাসুর এই বিয়েটাকে মনে মনে যতই অসমর্থন করুন নন্দরাণী, পুরো পাঁচ পো আতপ চালট ভিজিয়ে দিয়েছিলেন তিনি উঠোনে ‘বৌছত্তর’ আঁকতে। দুধেআলতার প্রকাণ্ড পাথর বসিয়ে তাকে কেন্দ্র করে আব ঘিরে ঘিরে দ্রুতহস্তে ফুললাতা শাঁখ পদ্ম এঁকে চলেছিলেন নন্দরাণী, সান্ন হতে কিছু-কিঞ্চিৎ দেরি আছে এখনও, সহসা রাখাল ছোঁড়া ঘর্মান্ত কলেবরে ছুটতে ছুটতে এসে উঠোনের দরজায় দাঁড়িয়ে আকর্ণবিস্কৃত হাত্তে জানান দিল, “বরকনে এয়েলো গো! আমি উই-ই দীঘির পাড় থেকে দেখতে পেয়েই ছুটে ছুটে বলাস্তে এছ।”

“তা তো এলো—” নন্দরাণী বিপন্নমুখে এদিক ওদিক তাকিয়ে ঈবং উচ্চকণ্ঠে বলে ওঠেন, “দিদি, বরকনে এসে পড়ল শুনছি—”

বরকনে! এসে পড়ল!

দীনভারিণী কুটনো ফেলে ছুটে এলেন, “এখুনি এসে পড়ল? রামকালীর কি এতেও তাড়াহুড়া?”

“বারবেলা পড়বার আগেই বোধ করি নিয়ে এসেছেন রামকালী।”

যদিচ ভাস্বরপো, তথাপি ধনে-মানে এবং সর্বোপরি বয়সে বড়। কাজেই নন্দরাণী রামকালী সম্পর্কে ‘ছেন’ দিয়েই বাক্যবিজ্ঞাস করেন। এখনো করলেন।

দীনভারিণী ‘বারবেলা’ শব্দটায় মনকে স্থির করে নিয়ে বললেন, “তা হবে। তা তোমাদের ‘নেমকম্বর’ সব প্রস্তুত?”

নন্দরাণী আরও ব্যস্ত হাতে হাতের কাজ সারতে সারতে বলেন, “প্রস্তুত তো একরকম সবই, কিন্তু দুপটা যে ওখলাতে হবে। সেটা আবার এখন কে করবে?”

দুধ! তাই তো!

ওখলানোর দরকার বটে।



বৌ এসে সত্ত্ব উথলে পড়া দুধ দেখলে, সংসার নাকি ধন-ধাণ্ডে উথলে ওঠে।

দীনতারিণী উদ্বিগ্ন মুখে প্রশ্ন করলেন, “বড় বৌমা কোথায় গেলেন?”

“বড় বৌমা? সে তো রান্নাশালে। তাড়াছড়ো করে একঘর রেঁধে রাখতে হবে তো? বৌ এসে দৃষ্টি দেবে।”

বড় বৌমা অর্থ রাস্তার মা। তাকে তাই বলে তো নন্দরাণী।

কারণ নন্দরাণী বয়সে রাস্তার মার সমবয়সী হলেও মাগে বড়, সম্পর্কে খুড়-শাশুড়ী, কাজেই ‘বৌমা’!

যাই হোক, কুঞ্জর বৌ রান্নাশালে।

অতএব দুধ ওখলাতে আর কাউকে দরকার। ওদিকে বর-কনে আগতপ্রায়।

দীনতারিণী মনশ্চক্ষে চারিদিক তাকিয়ে নেন, আর কে আছে? অঞ্চপোয়াতি সোয়ামীর প্রথম পক্ষ।

দ্বিতীয় তৃতীয় পক্ষ দিয়ে তো আর পুণ্যকর্ম হবে না?

কে আছে?

ওমা, ভাববার কি আছে?

সারদাই তো আছে।

তাকেই ডাক দেওয়া হোক তবে। একা ঘরের কোণে বসে রয়েছে মনমরা হয়ে, কাজকর্মে ডাকলে তবু মনটা অগ্নমনস্ক হবে, তা ছাড়া নতুন লোকনির্বাচনের সময়ই বা কোথা?

সত্য উঠোন পার হচ্ছিল তাঁরবেগে, দীনতারিণী তাকেই ডাক দিলেন, “এই সত্য ধিক্কী অবতার! যা দিকিন, বড় নাভদৌমাকে ডেকে আন দিকিন, শীগগির, বরকনে এসে পড়ল পেরায়, দুধ ওখলাতে হবে।”

“বৌকে? বড়দার বৌকে ডেকে দেব?” সত্য ছুই হাত উল্টে বলে, “বৌ কি আর বৌতে আছে? ভোর থেকে মাটিতে পড়ে কেঁদে কেঁদে মরছে!”

“কেঁদে কেঁদে মরছে?” দীনতারিণী বিরক্ত কণ্ঠে বলে ওঠেন, “একেনারে ‘মরছেন’ কেন, এত মরবার কি হল? ওমা, শুভদিনে ইঁকি অলক্ষণে কাণ্ড! যা, শীগগির ডেকে আন।”

সত্য এদিক ওদিক তাকিয়ে বলে, “কে বাবা ডাকতে যায়! তুমি তো বললে কাঁদবার কি হয়েছে? বলি নিজের যদি হত? সতীন আসছে কাঁদবে

না, আহ্লাদে উর্কবাহ হয়ে নাচবে মানুষ! হুঁঃ! কই, কোথায় কি আছে তোমাদের? আমিই দিচ্ছি দুধ জাল দিয়ে।”

“তুই? তুই দিবি দুধ জাল?”

“কেন, দিলেই বা?” সত্য সোৎসায়ে বলে, “পিস্টাকুমা যে সেবার খুস্তির দিদিব দিয়েতে বলল, সত্যার বছর ঘুরে গেছে, এখন এয়োডালায় হাত দিতে পারে!”

বছর ঘুরে অর্থাৎ বিয়ের বছর ঘুরে।

সেটা আর স্পষ্টা স্পষ্ট উচ্চারণ করল না সত্য।

দীনতারিণী সন্দ্বিধ সুরে বলেন, “বছর ঘুরলেই বুঝি হল? ঘরবসত না হলে—”

“জানি নে বাবা। রাখো তোমাদের সন্দ! আমি এই হাত দিলাম।”

বলেই সত্য দাওয়ার পাশে দুখানা ইট পাতা উল্লুনের উপর জালে বসানো ছোট্ট সরা চাপা মাটির হাড়িটার নিচে ফুঁ দিতে শুরু করে।

ঘুঁটের আগুন জ্বলছে ধিকি ধিকি, ফুঁ পেড়ে দু-চারখান' নারকেল পাতা ঠেলে দিলেই জলে উঠবে দাঁউ দাঁউ করে। তা গোছালো মেয়ে নন্দরাণী, নারকেল-পাতার গোছাও এনে রেখেছেন পাশে।

সত্যর সকল কাজই উদ্দাম।

তার ফুঁয়ের দাপটে বরকনে আসার আগেই দুধ ওখলাতে শুরু করল। উথলে ধোঁয়া ছড়িয়ে ভেসে গেল গড়িয়ে পড়ে।

দীনতারিণী হাঁ হাঁ করে উঠলেন, “ওরে একটু রয়ে-বসে, নতুন বৌ ঢোকা হান্তর যেন দেখতে পায়।”

কথা শেষ হবার আগে বাইরের উঠানে শাঁখ বেজে উঠল।

অর্থাৎ শুভাগমন ঘটেছে নতুন বোয়ের।

মোকদ্দা শাঁখ হাতে দাঁড়িয়ে ছিলেন বাইরে। আজ পূর্ণিমা, বিধবাদের ঘরে স্নানার ব্যবস্থা নেই, কোন এক সময় আমকাঁঠাল কল মিটি খেলেই হবে। কাজেই আজ ছুটি মোকদ্দাদের।

ছুটিই যদি, তবে ছোট্টাছুটি না করবেন কেন মোকদ্দা? ~~কি~~ তো করতেই হবে জল খাবার আগে?

তাই মোকদ্দাই অগ্রণী হয়ে বারবাড়ির উঠানে দাঁড়িয়ে আছেন। আছেন শাঁখ হাতে নিয়ে।

শুভকর্মে বিধবারা সমস্ত কর্মে অনধিকারী হলেও, এই একটি কর্মে তাদের অধিকার আছে, সমাজ অথবা সমাজপতির। বোধ করি এটুকু আর কেড়ে নেন নি, ক্ষ্যামা-ঘেমা করে ছেড়ে দিয়েছেন। শাক আর উলু।

অতএব সেই অধিকারটুকুর সম্যক সদ্ব্যবহার করতে থাকেন মোক্ষদ বাস্তব দ্বিতীয় অভিযানান্তে প্রত্যাবর্তন উপলক্ষ্যে।

দীনতারিণী উদগ্রীব হয়ে এগিয়ে যেতে যেতে চমকে উঠে বলেন, “অমন করে ফুঁ দিচ্ছিস যে সত্য? পোড়ালি বুঝি?”

সত্য তাড়াতাড়ি সত্য গোপন করে ফেলে বলে, “পোড়ানো কেন, হুঁ!”

“তবে হাতে ফুঁ পাড়ছিস কেন?”

“এমনি।”

“শাক এবার উছনে ফুঁ পাড়, ঢোকান সময় যেন আর একবার দুপটা ফেঁপে ওঠে, তা উঠেছে, বৌ পয়মস্ত হবে। সেবার বরং—”

কথা শেষ হবার আগেই রামকালীর গভীর কণ্ঠনিদান ধ্বনিত হল, “তোমাদের ওই সব বরণ-টরণ তাড়াতাড়ি সেরে ফেলো ছোটপিসী, বারবেলা পড়তে আর বেশী দেরি নেই।”

মুহূর্হু শঙ্খনিদানে রামকালীর কণ্ঠনিদানও শ্রান হয়ে গেল।

বরকনে ঢুকল ভিতর বাড়ির উঠোনে। পিছনে পিছনে পাড়া ঝেঁটিয়ে অবগুষ্ঠনবতীর দল।

বিয়েটা যেভাবে আর যে অবস্থাতেই ঘটে থাকুক বোভাতের যজ্ঞ একটা করভেই হবে। আমোদ-আহ্লাদের প্রয়োজনে নয়, ‘সমাজ-জানিত’ করবার প্রয়োজনে। ধামকা একদিন “ছট” করে লক্ষ্মীকান্ত বাঁড়ুয়োর পৌত্রী একেই চাটুযোবাড়ির অন্দরে সামিল হল, কাকে-পক্ষীতে টের পেল না, এটা তো আর কাজের কথা নয়। তার প্রবেশটা যে বৈধ, এ ধবরটুকুর একটা পাকা দলিল তো থাকে চাই।

দলিল আর কি। লিখিত পড়িত তো কিছু নয়, সই-সাবুদও নয়, মাহুবের স্বরণ-সাক্ষ্যই দলিল। তা সেই স্বরণ-সাক্ষ্য আদায় করতে হলে গ্রাম-সমাজকে একদিন গলবস্ত্রে ডেকে এনে উত্তম ফলার খাইয়ে দেওয়া ছাড়া অন্য উপায় কি?

তা ছাড়া বাঁড়ুঘোদের মেয়ে যে চাটুঘো পরিবারভুক্ত হল, তার স্বীকৃতিটাও তো দিত হ'বে? 'বৌভাতে'র যজ্ঞতে নতুন বৌয়ের হাত দিয়ে ভাত পরিবেশন করিয়ে জ্ঞাতিকুটুম্বের কাছ থেকে সেই স্বীকৃতি নেওয়া।

অতএব বিয়েতে যজ্ঞের আয়োজন না করলেই নয়। আগে থেকে বিলি-বন্দেজ নেই, ছট্কারি করে বিয়ে, তাই ভোজের আয়োজনেও ছড়াছড়ি লেগে গেছে। অল্পগত জনের অভাব নেই রামকালীর, দিকে দিকে লোক ছুটিয়ে দিয়েছেন। জনাইতে মনোহবার বায়না গেছে, বর্ধমান মিহিদানার। তুঁটু গয়লাকে তার দেওয়া হয়েছে দৈ-এর, আর ভীমে জেলেকে ডেকে পাঠিয়েছেন মাছের ব্যবস্থা করতে। কোন্ পুকুরে জাল ফেলবে, ক-মণ তোলা হবে, এই সব নির্দেশ দিচ্ছিলেন রামকালী, সহসা সেই আসরে এসে উপস্থিত হলেন মোক্ষদা।

এ তল্লাটে রামকালীকে ভয় করে না এমন কেউ নেই, বাদে মোক্ষদা। রামকালীর মুখের উপর হক কথা শুনিye দেবার ক্ষকতা একা মোক্ষদা রাখেন। নইলে দীনতারিণী পর্যন্ত তো ছেলেকে সমীহ করে চলেন।

অবিশ্বি ভাবা যেতে পারে রামকালীকে হক কথা শুনিye দেবার স্বযোগটা আসে কখন? যে মাঝুটা কর্তব্যপালনে প্রায় ক্রটিগীন তাকে হু' কথা শুনিye দেবার কথা উঠেছে কি করে?

কিন্তু ওঠে।

মোক্ষদা ওঠান। কারণ মোক্ষদার বিচার নিজের দৃষ্টভঙ্গী দিয়ে। রামকালীর মতে যেটা নিশ্চিত কর্তব্য, প্রায়শই মোক্ষদার মতে সেটা অনর্থক বাড়াবাড়ি।

তবে অধিকাংশ ক্ষেত্রেই 'হক কথা'র কারণ হয়ে দাঁড়ায় সত্যবতী। হবে না-ই বা কেন? রামকালী যদি এমন মেয়ে গড়ে তোলেন যেমন মেয়ে ভূ-ভারতে নেই, তাহলে আর কথা শোনানোর মোক্ষদার দোষ কি? স্বীকৃতি ছাড়া ওই মেয়েটাকে তাই যখন তখন তার বাপের সামনে হাজির করে ন তুতো ন ভবিষ্যতি করতেই হয় মোক্ষদাকে।

আজও তাই রামকালীর দরবারে একা আসেন নি মোক্ষদা, এনেছেন সত্যবতীকে সঙ্গে করে। সত্যবতীও এসেছে বিনা প্রতিবাদে। অবশ্য প্রতিবাদে লাভ নেই বলেই হয়তো এই অপ্রতিবাদ। অথবা হয়তো এটা তার নির্ভীকতা।

ভীমে জেলের উপস্থিতির কালটুকু অবশ্য নিঃশব্দে দাঁড়িয়েছিলেন মোক্ষদা। কথার শেষে ভীম রামকালীকে 'দণ্ডবৎ হয়ে প্রেণাম' করে চলে যাবার পরক্ষণেই মোক্ষদা যেন কাঁপিয়ে পড়লেন।

“এই নাও রামকালী, তোমার গুণের অবতার কত্তোর হাতের চিকিচ্ছে করো এবার। আর চেরটাকালই করতে হবে তোমাকে, এ মেয়েকে তো আর খণ্ডর-ঘর থেকে নেবে না।” একটু দম নিলেন মোক্ষদা।

মোক্ষদার দম নেবার অবকাশে রামকালী মূহু হেসে বলেন, “কি? কি হল আবার?”

“হয়ই তো আছে সমস্তক্ষণ,” মোক্ষদা দুই হাত নেড়ে বলেন, “উর্দাতে বসতেই তো হচ্ছে। কাটছে ছিঁড়ছে ছড়ছে। এই আজ দেখ মেয়ের হাতের অবস্থা। পুড়িয়ে বুড়িয়ে এতখানি এক ফোঁকা। আবার বলে কি ‘বলতে হবে না বাবাকে, এমনি সেরে যাবে’। দেখো তুমি, নিজের চক্ষে।”

ইত্যবসরে রামকালী মেয়ের হাতখানা তুলে ধরে শিহরিত হয়েছেন।

“কী ব্যাপার? এ কি করে হল?”

“কি করে হয়েছে, শুধোও, ওকেই শুধোও। মেয়ের গুণের কথা এত বলি, কথা কানে করো না তো? তবে তোমাকে এই বলে রাখছি রামকালী, এই মেয়ে হতেই তোমার ললাটে দুঃখ আছে।”

কথাটা নতুন নয়, বহু ব্যবহৃত। কাজেই রামকালী যে বিশেষ বিচলিত হন এমন নয়। তবে বাইরে গুরুজনকে সমীহ করবার শিক্ষা রামকালীর আছে, তাই বিচলিত ভাবটা দেখান।

“নাঃ, মেয়েটাকে নিয়ে—! আবার কি করলি? এত বড় ফোঁকা পড়ল কিসে?”

“দুখ ওখলানো হচ্ছিল গো। কালকে যখন রেসো বো নিয়ে এসে ঢুকল, উনি গেলেন পাতা জ্বলে দুখ ওখলাতে! আর এও বলি, এত বড় বুড়ো ধিন্দী মেয়ে, এটুকু করতে হাতই বা পোড়ালি কি বলে?”

রামকালী মেয়ের হাতের অবস্থাটা নিরীক্ষণ করে ঈষৎ গম্ভীর হয়ে মেয়ের উদ্দেশ্যেই বলেন, “আগুনের কাজ তুমি করতে গেলে কেন? বাড়িতে আর লোক ছিল না?”

সত্য ষাড় নিচু করে বলে, “বেশী জালা করছে না বাবা।”

“জ্বালা করার কথা হচ্ছে না, করলেও সে জ্বালা নিবারণের ওষুধ অনেক আছে। জিজ্ঞেস করছি তুমি আগুনে হাত দিতে গেলে কেন?”

সত্য এবার ঘাড় তোলে। তুলে সহসা নিজস্ব ভঙ্গীতে তড়বড় করে বলে ওঠে, “আমি কি আর সাথে আগুনে হাত দিয়েছি বাবা, বড়বোঁয়ের মুখ চেয়েই দিয়েছি। আহা বেচারী, একেই তো সতীনকাঁটার জ্বালা, তার ওপর আবার দুখ ওখলাবার হুকুম। মানুষের প্রাণ তো!”

সত্যর এই পরিষ্কার উত্তর প্রদানে একা রামকালীই নয়, মোক্ষদাও তাচ্ছব বনে যান। এ কী সর্বেনেশে মেয়ে গো! ওই হোমরাচোমরা বাপের মুখের ওপর এই চোটপাট উত্তর! গালে হাত দিয়ে নিবাক হয়ে যান মোক্ষদা। কথা বলেন রামকালীই। দুই জু কুঁচকে কাঁঝালো গলায় বলেন, “সতীনকাঁটার জ্বালাটা কি জ্বিনিস?”

“কি জ্বিনিস সে কথা তুমি তোমার মেয়ের কাছেই এবার শোধো রামকালী।” মোক্ষদা সত্যবতীর আগেই তীক্ষ্ণ বিজ্রপের স্বরে বলেন, “আমরা এতখানি বয়সে যা কথা না শিখেছি, এই পুঁটকে ছুঁড়ী তা শিখেছে। কথার ধুকড়ি!”

সত্য এই সখ উল্টোপাল্টা কথাগুলো ছুঁ চক্কর বিষ দেখে। কেন রে বাপু, যখন যা হুবিধে তখন তাই বলবে কেন? এই একুনি সত্যকে বলা হলো ‘বুড়ো দিকী’, আবার এখন বলা হচ্ছে ‘পুঁটকে ছুঁড়ী! সবই যেন ইচ্ছে-খুশি।

রামকালী পিসীর দিকে একনজরে তাকিয়ে নিয়ে জলদগ্ধতীর স্বরে কণ্ঠকে পুনঃপ্রণ করেন, “কই আমার কথার জবাব দিলে না? বললে না সতীনকাঁটা কি জ্বিনিস, আর তার জ্বালাটাই বা কী বস্তু?”

কী বস্তু সে কথা কি ছাই সত্য জানে? তবে বস্তুটা যে খুব একটা মূর্খবিদারি হুঃখজনক, সেটা বোধ করি জন্মাবার আগে থেকেই জানে। তাই মুখটা যথা-সম্ভব করুণ করে তুলে বলে, “সতীন মানেই তো কাঁটা বাবা। আর কাঁটা থাকলেই তার জ্বালা আছে। বড়বোঁ-এর প্রাণে তো এখন তুমি সেই জ্বালা ধরিয়ে দিলে—”

“ধামো!” হঠাৎ ধমকে উঠলেন রামকালী। বিচলিত হয়েছেন তিনি, বাস্তবিকই বিচলিত হয়েছেন এতদূরকণে। বিচলিত হয়েছেন মেয়ের তবিস্কৃত ভেবে নয়, সহসা মেয়ের অন্তরের মলিনতার পরিচয় পেয়ে।

এ কী ?

এ রকম তো ধারণা ছিল না তাঁর, ছিল না হিসাবের মধ্যে। এটা হল কোন ফাঁকে ? সত্যবতীর বহুবিধ নিন্দাবাদ তাঁর কানে এসে ঢোকে, সে সব তিনি কখনোই বড় একটা গ্রাছ-করেন না। করেন না শুধু মেয়ের স্বভাব-প্রকৃতিতে একটা নির্মল তেজের প্রকাশ লক্ষ্য করে। সত্যর হৃদয়ে হিংসা-দ্বেষের ছায়ামাত্র নেই, এইটাই জমা ছিল হিসাবের খাতায়, এহেন নীচ হিংস্রটে কথাবার্তা শিখে ফেলল সে কখন ? কিন্তু বাড়তে দেওয়া ঠিক নয়, শাসনের দরকার।

তাই আরো বাধা গর্জনে বলে ওঠেন, “কেন, সতীন কিসে এত ভয়ঙ্করী হল ? সে এসে ধরে মারছে তোমাদের বড়বোঁকে ?”

বাবার বাধা-হুমকিতে সত্যবতীর চোখে জল উপচে এসে পড়ছিল, কিন্তু সহজে হার মানে না সে। আর কাঁদার দৈন্তটা প্রকাশ হয়ে পড়বার ভয়ে কণ্ঠে ষাড় নিচু করে ধরা গলায় বলে, “হাতে না মারুক তাতে মারছে তো ? বড়বোঁ একলা একেশ্বরী ছিল, নতুন বোঁ হঠাৎ উড়ে এসে জুড়ে বসল—”

“আ, ছি ছি ছি !”

রামকালী শিউরে স্তব্ধ হয়ে গেলেন। মুখ দেখে মনে হল, সত্যবতী যেন সহসা তাঁর যত্নে আঁকা একখানি ছবিকে মুচড়ে দুমড়ে ছিঁড়ে কেলে দিয়েছে।

এই ফাঁকে মোক্ষলা আবার একহাত নেন, “ওই শোনো ! শোনো মেয়ের কথার ভঙ্গিমে ! সাধে বলি কথার ভঙ্গিয়া ! বুড়ো মাসীদের মতন কথা, আর ছেলেপেলের মতন দস্তিচালি। হরঘড়ি অবাক করে দিচ্ছে কথার জালায়।”

রামকালী পিসীর আক্ষেপে কান না দিয়ে তিক্তবিরক্ত স্বরে বললেন, “এমন ইতর কথাবার্তা কোথা থেকে শিখেছ ? ছি ছি ছি ! লজ্জায় মাথা কাটা যাচ্ছে আমার। উড়ে এসে জুড়ে বসা মানে কি ? এক বাড়িতে দুটি বোন থাকে না ? সতীনকে ‘কাঁটা’ না ভেবে বোন বলে ভাষা যায় না ?”

বাবা এত ঘেরা দেওয়ার পর অবশ্য সত্যবতীর সমস্ত প্রচেষ্টাই ব্যর্থ হয়। একসঙ্গে অগুনতি কাঁটা বর বর করে ঝড়ে পড়ে চোখ থেকে গলে, গাল থেকে মাটিতে। পড়তেই থাকে, হাত তুলে মোছে না সত্য।

রামকালী চাটুষ্যে আর একবার বিচলিত হন। সত্যবতীর চোখে জল। এটা যেন একটা অদৃষ্টপূর্ব দৃশ্য মনে হচ্ছে। মনে হল যেম্মাটা বোধ করি একটু বেশী দেওয়া হয়ে গেছে।

ঔষধে মাত্রাধিক্য, রামকালীর পক্ষে শোচনীয় অপরাধ। মনে পড়ল, মেয়েটার হাতের ফোঁসকাটাও কম জ্বালাদায়ক নয়। এখনি প্রতিকার করা দরকার। তাই ঈষৎ নরম গলায় বলেন, “এরকম নীচ কথা আর বলো না, বুঝলে? মনেও এনো না। সংসারে যেমন ভাই বোন নন্দ দেওর জা ভাস্কর সব থাকে, তেমন সতীও থাকে, বুঝলে? কই দেখি হাতটা!”

হাতটা বাড়িয়ে দিয়ে সত্যবতী নিজের উদ্বেল হৃদয়ভারুক সামলাতে চেষ্টা করে দাঁতে ঠোঁট চেপে।

মোক্ষদা বোঝেন মেঘ উড়ে গেল। হয়ে গেল রামকালীর মেয়ে শাসন করা। ছি ছি ছি! আর দাঁড়াতে ইচ্ছে হল না, বললেন, “যাক গে, শান্তি শাসন হয়ে গেছে তো? এবার মেয়েকে সোহাগ করো বসে বসে। তুমিই দেখালে বটে বাবা!”

রত্নমঞ্চ থেকে বিদায় নেন মোক্ষদা।

রামকালী আশু প্রতিকার হিসাবে একটি প্রলেপ মেয়ের কোঁকা ঘায়ে লাগাতে লাগাতে সহসা আবার বলেন, “আজকের কথা মনে থাকবে তো? আর কোন দিন এ রকম কথা বলো না, বুঝলে? মানুষ তো বনের জানোয়ার নয় যে খালি হিংসেহিংসি কামড়াকামড়ি করবে? সকলের সঙ্গে মিলেমিশে সবাইকে ভালবেসে পৃথিবীতে থাকতে হয়।”

বাবার গলায় আপসের স্বর।

অতঃপর কেবু একটু সাহস সঞ্চয় হয় সত্যবতীর। তা ছাড়া প্রাণটা তো কেটে যাচ্ছে বাণীর খিকারে। কিন্তু তারই বা দোষ কোথায় বুঝে উঠতে পারে না সত্যবতী। সবাইকে ভালবেসে থাকাই যদি এত ধম্মা হয়, তা হলে ‘সেজুতি’ বস্ত্রটি করতে হয় কেন?

মনের চিন্তা মুখে প্রকাশ হয়ে পড়ে সত্যর, “ভাই যদি, তা হলে সেজুতি বস্ত্র করতে হয় কেন বাবা? পিস্টাকুরমা তো এ বছর থেকে আমাকে কেহকে আর পুণ্যিকে ধরিয়েছে!”

রামকালী এবার বিরক্তির বদলে বিস্মিত হন। ‘সেজুতি বস্ত্র’ সম্পর্কে অবস্ত্র তিনি সম্যক অবহিত নন, কিন্তু হাই হোক, কোনও একটি ব্রত যে



মানবতা-বোধ-বিরোধী হওয়া সম্ভব, সেটা ঠিক ধারণা করতে পারেন না। তাই প্রলেপের হাতটা ঘরের কোণে রক্ষিত মাটির জালার জলে ধুতে ধুতে বলেন, “ব্রতের সঙ্গে কি?”

“কি নয় তাই বলো না কেন বাবা?” চোখের জল শুকোবার আগেই সত্যর গলার স্থর শুকনো খটখটে হয়ে ওঠে, “সৈজ্জুতি বস্ত্র যত মস্তুর সব সতীনকাটা উদ্ধারের জন্য নয়?”

বামকালী একটুক্ষণ চূপ করে থাকেন।

কোথায় যেন একটু আশার আলো দেখতে পাচ্ছেন। হুঁ, এই রকমই একটা কিছু গোলমালে ব্যাপার ঢুকে গিয়েছে মেয়ের মাথায়। নচেৎ সত্যর মুখে অমন কথা।

হাতে অনেক কাজ।

তবু বামকালী বিবেচনা করলেন, সত্ৰপদেশের দ্বারা কণ্ঠার হৃদয়-কানন হতে ‘সতীন-কণ্টকে’র মূলোৎপাটন করা কর্তব্য; তাই ভুক কুঁচকেই বললেন, “তাই নাকি? সে মস্তুরটা কি?”

“মস্তুর কি একটা বাবা?” সত্যবতী মহোৎসাহে বলে, “গাঙ্গা গাঙ্গা মস্তুর। সত কি ছাই মনেই আছে! ভেবে ভেবে বলছি রোসো। প্রথমে তো আলপনা আঁকা। ফুল-লতার নকশা কেটে তার ধারে কোণে হাতা-বেড়ি হাঁড়িকুঁড়ি এতক ঘর-সংসারের প্রত্যেকটি জিনিস এঁকে নেওয়া। তা’পব একোটা একোটা ধরে ধরে মস্তুর পড়তে হয়। হাতায় হাত দিলাম, বললাম—

‘হাতা, হাতা, হাতা,  
খা সতীনের মাথা।’

ধোরায় হাত দিয়ে—

‘ধোরা ধোরা ধোরা,  
সতীনের মাকে ধরে নিয়ে যাক  
তিন মিনসে গোরা।’

তা’পর—

‘বেড়ি বেড়ি বেড়ি  
সতীন মাগী চেড়ী।’  
‘বটি বটি বটি

সতীনের ছেরান্দর কুটনো কুটি।’

‘হাঁড়ি হাঁড়ি হাঁড়ি,  
আমি যেন হই জন্ম-এয়োত্তী,  
সতীন করে রাঁড়ী’।”

“চূপ চূপ।”

রামকালী জলদগম্ভীর স্বরে বলেন, “এই সব তোমাদের মস্তুর?”

এই সব যে ব্রতের মস্তুর হওয়ার উপযুক্ত নয়, সেই সত্যটা যেন সত্যর বোধের জগতে সহসা এই মুহূর্তে একটা চকিত আলোক ফেলে যায়; সে উৎসাহের বদলে মূহুরে বলে, “আরও তো কত আছে—”

“আরও আছে? বটে! আচ্ছা বলো তো শুনি আরও কি কি আছে। দেখি কি ভাবে তোমাদের মাথাগুলো চিবানো হচ্ছে! জানো আরও?”

“হ্যাঁ।” সত্য বড় করে ঘাড় কাত করে বলে, “আর হচ্ছে—

‘টেকি টেকি টেকি,

সতীন মরে নিচেয় আমি উপর থেকে দেখি!’

তা’পর গে—

‘অশ্বখ্ কেটে বসত করি,

সতীন কেটে আলতা পরি।

ময়না ময়না ময়না,

সতীন যেন হয় না।’

তা’পর একমুঠো দুকো ঘাস নিয়ে বলতে হয়, ‘ঘাস মুঠি ঘাস মুঠি, সতীন হোক কানা কুঠি।’ গয়না এঁকেও ছুঁয়ে ছুঁয়ে মস্তুর আছে—

‘বাজু বন্দ পৈছে ঝাড়ু,

সতীনের মুখে সাত ঝাড়ু।’

পান এঁকে বলতে হয়—

‘ছাঁচি পান এলাচি গুয়ো—

আমি সোহাগী, সতীন দুয়ো—”

“আচ্ছা থাক হয়েছে। আর বলতে হবে না।”

রামকালী হাত নেড়ে নিবৃত্ত করেন, “এসব গালমন্দকে তোমরা পূজার মস্তুর বল?”

“আমরা বলি কি গো বাবা?” সত্যবতী তার পণ্ডিত বাপের এহেন অজ্ঞতার আকাশ থেকে পড়ে চোখ গোল গোল করে বলে, “জগৎ হুঁকু সবাই বলে স্র। সতীন যদি বোনের মত হবে, তবে এত মস্তুরের স্রজন হবে

কেন? বোনের খোয়ারের জগ্নে কি কেউ বস্ত করে? আসল কথা বেটাছেলেরা তো আর সতীনের মর্ম বোঝে না, তাই—” একটা ঢোক গিলে নেয় সত্য, কারণ বেটাছেলে সম্পর্কে পরবর্তী যে বাক্যটি জিভের আগায় এসে যাচ্ছিল, সেটা বাবার প্রতি প্রয়োগ করা সমীচীন কিনা বুঝতে না পেরে দ্বিবা এল।

রামকালী গম্ভীর মুখে বলেন, “তা হোক, এ ব্রত তোমরা আর ক’রো না।”

কবো না।

ব্রত করো না।

মাথায় বজ্রপাত হল সত্যর।

এ কী আদেশ! এখন উপায়?

একদিকে পিতৃআজ্ঞে, অপর দিকে ‘ব্রতোপত্তিত’। ব্রতোপত্তিত হলে তো জলজ্যান্ত নরক; পিতৃআজ্ঞে পালন না করার পাতকটা ঠিক কতদূর গর্হিত না জানা থাকলেও, সেই পাতকের পাতকীকেও যে নরকের কাছাকাছি পৌঁছতে হবে এ বিষয়ে সত্য নিঃসন্দেহ।

অনেকক্ষণ দুঃজনেই শুক।

তার পর আন্তে আন্তে কথাটা তোলে সত্য, “ধরা বস্ত উজ্জাপন না করে ছেড়ে দিলে যে নরকগামিন হতে হবে বাবা!”

“না, হবে না। এসব ব্রত কবলেই নরকগামী হতে হয়।”

“পিস্টাকুরমাকে তা হলে তাই বলব?”

“কি বলবে?”

“এই ইয়ে—সেদ্ধুতি করতে তুমি মানা করেছ?”

“আচ্ছা থাক, এখন তাড়াতাড়ি তোমার কিছু বলবার দরকার নেই। যা বলবার আমিই বলব এখন। তুমি যাও এখন। হাতটা সাবধান। কোথাও ঘষটে কেলো না।”

সত্যবতীর অবস্থাটা দাঁড়ায় অনেকটা ন ঘরো, ন তরো।

বাবার হুকুম চলে যাওয়ার, অথচ মনের মধ্যে প্রব্লেস সমুদ্র। সে সমুদ্রের ঢেউ আর কার পায়ের কাছে আছড়ে পড়লে সুরাহা হবে—বাবা ছাড়া?

“বাবা!”

“কি আবার?”

“বন্তটা যদি অগ্নাই, সতীন যদি ভাল বস্ত, তা হলে বড়বোঁয়ের অত কষ্ট হচ্ছে কেন?”

“বড়বোঁ? - রাসুর বোঁ? কষ্ট হচ্ছে? সে তোমাকে বলেছে তার কষ্ট হচ্ছে?”

রামকালীর কণ্ঠে ফের ধমকের স্বর ছায়া ফেলে।

কিন্তু সত্যবতী দমে না।

যিকারি দমে বটে সত্য কিন্তু ধমকে নয়। তাই বাক্তনীতে সতেজতা এনে মোক্ষদার ভাষায় ‘কথার ভাঙ্গাঘি’র মতই তঁড়বড় করে বলে, “বলতে যাবে কেন বাবা? সবই কি আর মুখ ফুটে বলতে হয়? চেহারা দেখে বোঝা যায় না? কেঁদে কেঁদে চোখ-মুখ বসে গেছে, অমন যে সোনার বল, যেন কালি মেডে দিয়েছে। পশু থেকে মুখে একবিন্দু জল দেয় নি। নোকনজ্জায় বলছে বটে ‘পেটবাধা করছে তাতেই খিদে নেই, তাতেই কাঁদছি’, কিন্তু বুঝতে সবাই পারছে। কে আর ঘাসের ভাত খায় বল? মড়ার ওপর খাঁড়ার ঘা, তার ওপর আবার আজ নতুন নো’র হাতের স্ততো খোলা! কেউ বলছে বড়বোঁকে অল্প ঘরে দিয়ে ওই ঘরেই নেমকর্ম হবে, কেউ বলছে ‘আহা থাক’। বড়বোঁ নাকি ও-বাড়ির সাপি পিসীকে বলেছে, ‘অত ধন্দয় কাজ নেই, চাটুঘো পুকুরে অনেক জায়গা আছে তাতেই আমার ঠাই হবে’।”

সর্বনাশ!

প্রমাদ গনেন রামকালী।

মেয়েমানুষের অসাধ্য কাজ নেই।

কে বলতে পারে মেয়েটা সত্যিই ওরকম কোন দুর্মতি করে বসবে কিনা। এও তো মহাজাল! কোথায় ভদ্রলোকের জাত-মান উদ্ধারের কথা ভেবে আনন্দ করনি, তা নয় এট সব প্যাচ!...কেন, ত্রিভুবনে আর কারো সতীন হয় না?

হয়েছে আর কি, ওইসব অথগ্বে ব্রতপার্বণ করিয়ে শিশুকাল থেকে মেয়ে-গুলোর পরকাল ঝরঝরে করে রাখা হয়েছে কিনা!

মেয়েমানুষ জাতই কুয়ের গোড়া।

‘ঘরের লক্ষ্মী’ বলে সৌজ্ঞ্য দেখালে কি হবে, এক-একটি মহা অলক্ষ্মী!

নইলে রেসোর এই বোঁমা, কিবা বয়স, তার কিনা এত বড় কথা! জলে ডুবে মরবার সংকল্প! ছি ছি!

“এই কথা বলেছেন বড় বোমা ?”

অন্ধকার-মুখে বলেন রামকালী ।

“সাবি পিসী তো বলছিল ।”

বাবার মুখ দেখে এবার একটু ভয়-ভয় করে সত্যর । কিন্তু ভয় করলে তো চলবে না । তারও যে কর্তব্য রয়েছে—বাবাকে চৈতন্য করাবার ।

এত বোধবুদ্ধি বাবার, অথচ সোয়ামী আর একটা বিয়ে করে আনল মেয়ে-মাহুমের প্রাণ কেটে যায় কিনা সে জ্ঞান নেই ! আব যদি না ফাটবে, তা হলে কৈকেয়ী কেন তিন যুগে হয় হয়েও বামকে বনবাসে পাঠিয়েছিলেন ? কথক ঠাকুরের কথাতেই তো শুনেছে সত্য ।

রাজার রাণী তিনি, তাব মনে এত বিষ ।

আর বড়বোঁ বেচারী নিরীহ ভালমাহুম, শুধু মনের ঘেঞ্জায় নিজে মরতে চেয়েছে ।

সত্যর প্রাণে এত দাগা লাগাব আরও একটা কারণ, বড়বোঁকে দুটো সাস্তুনার কথা দলবার মুখ তার নেই । নেই তার কারণ, এই মর্মান্তিক হৃদয়বিলাক নাটকের নায়ক হচ্ছেন স্বয়ং সত্যবতীরই বাবা । ইশারায় ইঙ্গিতে ঘরে-পল্লী সকলেই তো রামকালীকেই দুষছে ।

দুষবার কথাও । ছেলের মায়ের যে গৌরব আলাদা । বড়বোঁ যদি ছেফে-মা না হত তা হলেও কথা ছিল । কেঁদে কেঁদে যদি ওর বুকের দুখ শুকিয়ে যা.., ছেলে বাঁচবে কিসে ?

এদিকে রামকালী ভাবছেন বোঁটাকে শায়ন্তা করার উপায় কি ? গ্রামস্থলু লোক নেমন্তন্ন করেছেন, রাত পোহালেই যজ্ঞি, ও যদি সত্যিই কিছু একটা অঘটন ঘটিয়ে দসে ! অনেক ভেবে গলাটা ঝেড়ে বললেন, “ওসব হচ্ছে ছেলে-বুদ্ধির কথা । তুমি আমার হয়ে বোঁমাকে গিয়ে বল গে, ওসব ছেলেমাহুমী বুদ্ধি ছেড়ে দিতে । বলো গে, ‘বাবা বললেন, মন ভাল করব ভাবলেই মনে ভাল করা যায় । বলো গে, উঠুন কাজকর্ম করুন, ভাল করে খান-দান, মনের গলদ কেটে যাবে ।”

সত্য আর একবার বাবার অজ্ঞতায় কাতর হয় । তবে শুধু কাতর হয়ে চূপ করেও থাকে না । একটু তাচ্ছিল্যের হাসি হেসে বলে, “তা যদি কেটে যেত, তা হলে তো মাটির প্রিণ্ডিবীটা সগগো হত বাবা । কপীর চেহারা

দেখে তুমি ওপর থেকে বলে দিতে পারো তার শরীরের মধ্যে কোথায় কি হচ্ছে, আর মানুষের মুখ দেখে বুঝতে পারো না তার প্রাণের ভেতরটায় কি হচ্ছে ? নিজের চোখে প্রত্যক্ষ একবার দেখবে চল তা হলে !”

সহসা কেন কে জানে রামকালীর গায়ে কি বকম কাঁটা দিয়ে উঠল। চূপ করে গেলেন তিনি। তার অনেকক্ষণ পর হাত নেড়ে মেয়েকে ইশারা করলেন চলে যেতে।

এর পর আর চলে না যাওয়া-ছাড়া উপায় কি ? সত্য মাথা হেঁট করে আন্তে আন্তে ঘর থেকে চলে যায়।

কিন্তু এবারের ডাকের পালা রামকালীরই, “আচ্ছা শোনো।”

সত্যবতী ঘাড় কিরিয়ে তাকায়।

“শোনো, বোঁমাকে তোমার কিছু বলবার দরকার নেই, তুমি শুধু, মানে ইয়ে, তোমাকে ঝালি একটা কাজ দিচ্ছি—”

রামকালী ইতস্তত করছেন !

সত্যবতী স্ববাক হয়ে যায়।

না, আর যাই হোক বাবাকে কখনো এমন ইতস্তত করতে দেখে না পিস্তা !

তাতে কিন্তু এ হেন পরিস্থিতিতেই বা কবে পড়েছেন রামকালী ?

সত্যিই কি সত্যবতী তাঁর চৈতন্য করিয়ে দিল নাকি ? তাই রামকালী এমন বিব্রত বিচলিত ?

“বাবা কি করতে বলাছিলেন ?”

“ও হ্যাঁ, বলছিলাম যে তুমি তোমাদের বড়বোঁ-এর একটু কাছে কাছে থাকো গে, যাতে তিনি ওই পুকুরের দিকেটিকে যেতে না পারেন।”

সত্যবতী মুহূর্তকাল স্তব্ধ থাকে। বোধ করি বাপের আদেশের তাৎপর্যটা অল্পধাবন করতে চেষ্টা করে। তার পর খুব সম্ভব অল্পধাবন করেই নম্র গলায় বলে, “বুঝেছি, বোঁকে চোখে চোখে রেখে পাহারা দিতে বলছি।”

পাহারা !

রামকালী যেন মরমে মরে যান।

তাঁর আদেশের ব্যাখ্যা এই।

বিব্রত ঘোঁষে বলেন রামকালী, “পাহারা মানে কি ? কাছে কাছে থাকবে, খেলাধুলো করবে, যাতে তাঁর মনটা ভাল থাকে—”

সত্যবতী সনিঃশ্বাসে বলে, “ওই হল, একই কথা! কথায় বলে, ‘যার নাম ভাজা চাল তার নাম মুড়ি, যার মাথায় পাকা চুল তারেই বলে বুড়ী’। কিন্তু বাবা, পাহারা নয় দিলাম, ক’দিন ক’রাত দেব বলো? কেউ যদি আত্মঘাতী হব বলে প্রতিজ্ঞা করে, কারুব সাধি আছে আটকাতে? শুধুই তো চাটুয্যোপুকুবেব ভল নয়, ধুতরো ফল আছে, কুঁচ ফল আছে, কলকে ফুলের বিচি আছে—”

“চূপ চূপ!”

বামকালী আতপ্ত নিঃশ্বাসের দাহ ছড়িয়ে বলে ওঠেন, “চূপ করো। তোমার সেজঠাকুমা দেখছি ঠিকই বলেন। এত কথা শিখলে কোথা থেকে তুমি? যাও তোমাকে কিছু করতে হবে না, যাও!”

## ॥ দশ ॥

‘যাও’ বলে মানুষকে তাড়ানো যায়, চিন্তাকে তাড়ানো যায় না। তাড়ানো যায় ন’ মানসিক স্বন্দকে। সত্যবতীকে ‘যাও’ বলে ঘর থেকে সরিয়ে দিলেন বামকালী, কিন্তু মন থেকে সরাতে পারছেন না সহসা উদ্বেলিত-হয়ে-ওঠা এই চিন্তাটাকে, তাড়াতে পারছেন না এই স্বন্দটাকে।

তা হলে কি ঠিক করি নি?

তবে কি ভুল করলাম?

চিন্তার এই স্বন্দ বামকালীকেই তাড়িয়ে নিয়ে বেড়াচ্ছে, ঘর থেকে চণ্ডী-মগুপে, চণ্ডীমগুপ থেকে বারবাড়ির উঠোনে, সেখান থেকে বাগান বরাবর। কি জানি কেন একেবারে চাটুয্যোপুকুরের ধাবে ধারে পায়চারি করতে থাকেন বামকালী।

দীর্ঘায়ত শরীর সামনের দিকে ঈষৎ ঝোঁকা, দুই হাত পিঠের দিকে জোড় করা, চলনে মন্থরতা। বামকালীর এ ভঙ্গীটা লোকের প্রায় অপবিচিত। দৈবাৎ কখনো কোনো জটিল রোগেব রোগীব মরণ-বাঁচন অবস্থায় চিন্তিত বামকালী এইভাবে পায়চারি করেন। আয়ুর্বেদ শাস্ত্রের পুঁথি নেড়ে ঔষধ নির্বাচন করেন না বামকালী, এইভাবে বেড়িয়ে বেড়িয়েই মনে মনে করেন।

হয়তো বা পুঁথির পৃষ্ঠাগুলো মুখস্থ বলেই সেগুলো আর না নাড়ালেও চলে। শুধু ভেবে দেখলেই চলে।

কিন্তু সে তো দৈবাৎ।

ঔষধ নির্বাচনের জ্ঞান চিন্তার বেশী সময় নিতে হয় না কবরেজ চাটুয্যেকে, বোগীর চেহারা দেখলেই মুহূর্তে রোগ এবং তার নিরাকরণ ব্যবস্থা দুইই তাঁর অনুভূতিব বাতায়নে এসে দাঁড়ায়। তাই চিন্তিত মূর্তিটা তাঁর কদাচিৎ দেখতে পাওয়া যায়। ঋজু দীর্ঘ দেহ—শালগাছের মত সতেজ, চুই হাত বৃক্কের উপব আড়াআড়ি কবে রাখা, প্রশস্ত কপাল, ষড়্জানাসা, আর দৃঢ়নিবন্ধ ওষ্ঠাধরের ঈষৎ বন্ধিম রেখায় আত্মপ্রত্যয়ের সুষ্পষ্ট ছাপ। এই চেহারাই রামকালী'ব পরিচিত চেহারা। কিন্তু আজ তার ব্যতিক্রম ঘটেছে, আজ রামকালীর মুখের বেধায় আত্মজিজ্ঞাসাব তীক্ষ্ণতা।

তবে কি ভুল করলাম ?

তবে কি ঠিক করি নি ? তবে কি আরও বিবেচনা করা উচিত ছিল ? কিন্তু সময় ছিল কোথা ?

বার বার ভাবতে চেষ্টা করছেন রামকালী, তবে কি বুদ্ধিব্রংশ হয়েছেন ? তাই একটা অবোধ শিশুর এলোমেলো কথা'র উপব এতটা মূল্য আ'বোপ করে এতখানি বিচলিত হচ্ছেন ? কি আছে এত বিচলিত হবার ? সত্যিই তো, ত্রিভুবনে সতীন কি কারো হয় না ? অসংখ্যই তো হচ্ছে। বরং নিঃসপত্নী স্বামীস্ব'ধ কটা মেয়ের ভাগ্যে জোটে, সেটাই আত্মুল গুনে বলতে হয়। কিন্তু এ চিন্তা দাঁড়াচ্ছে না। চেষ্টা করে আনা যুক্তি ভেসে যাচ্ছে হৃদয়-তরঙ্গের ওঠাপড়ায়। কিছুতেই উড়িয়ে দিতে পারছেন না একফোটা একটা মেয়ে'ব কথাগুলোকে।

বহুবিধ গুণের সমাবেশ উজ্জ্বল বর্ণাঢ্য চরিত্র রামকালীর, পুরুষের আদর্শস্থল তবু সে চবিত্তের গা'ধনিতে একটু বুমি খুঁত আছে। মানুষকে মানুষের মর্যাদা দেবার শিক্ষা আছে তাঁর, শিক্ষা আছে বয়োজ্যেষ্ঠকে সন্মান সমীহ করবার, কিন্তু সমগ্র 'মেয়েমানুষ' জাতটার প্রতি নেই তেমন সজ্ঞমবোধ, নেই সম্যক মূল্যবোধ।

যে জাতটার ভূমিকা হচ্ছে শুধু ভাত-সেদ্ধ করবার, ছেলে ঠেঙাবার, পাড়া বেড়াবার, পরচর্চা করবার, কোন্দল করে অকথ্য অশ্রাব্য গালিগালাজ করবার, দুঃখে কেঁদে মাটি ভেজাবার আর শোকে উন্মাদ হয়ে বুক চাপড়াবার, তাদের



প্রতি প্রচ্ছন্ন একটা অবজ্ঞা ছাড়া আর কিছু আসে না রামকালীর। অবশ্য আচাবে-  
আচরণে ধরা পড়ে না, ধরা পড়ে না হয়তো নিজের কাছে—তবু অবজ্ঞাটা মিথ্যা  
নয়। কিন্তু সম্প্রতি ক্ষুদ্রে একটা মেয়ে যেন মাঝে মাঝে তাঁকে ভাবিয়ে তুলছে,  
চমকে দিচ্ছে, পিচলিত করছে, ‘মেয়েমানুষ’ সম্পর্কে আর একটু বিবেচনাশীল হওয়া  
উচিত কিনা এ প্রশ্নের সৃষ্টি করছে।

আকাশে সন্ধ্যা নামে নি, কিন্তু তাল-নারকেলের সারি-ধেবা পুকুরের  
কোলে কোলে সন্ধ্যার ছায়া। এই প্রায়াক্ষর পথটুকুতে পায়চারি  
কবতে করতে সহসা রামকালীর চোখের দৃষ্টি ঈগলের মত তীক্ষ্ণ হয়ে  
ওঠে। কে? ঘাটের পৈঠের একেবাবে শেষ ধাপে অমন করে এসে ও কে?  
কই এতক্ষণ তো ছিল না, কখন এল? কোন্ পথ দিয়েই বা এল?  
আব কেনই বা এল এমন ভরা-ভরা সন্ধ্যায় একা? এ সময়ে ঘাটে পথে  
এমন একা মেয়েরা কদাচিৎ আসে, অবশ্য মোক্ষদা বাদে। কিন্তু দূর  
থেকে কে তা তিক বুঝতে না পারলেও মোক্ষদা যে নয়, সেটা বুঝতে পারলেন  
রামকালী।

তবে কে?

অভূতপূর্ব একটা ভয়ের অল্পভূতিতে বৃক্বে ভেতরটা কেমন সিরসির করে  
উঠল। রামকালীর পক্ষে এ অল্পভূতি নিতান্তই নতুন।

অন্ধকার দ্রুত গাঢ় হয়ে আসছে, দৃষ্টিকে তীক্ষ্ণতর কবেও ফল হচ্ছে না  
অথচ এর চেয়ে কাছাকাছি গিয়ে ভাল করে নিরীক্ষণ করবার মত অসঙ্গত  
কাজও রামকালীর পক্ষে সম্ভব নয়। কিন্তু একেবারে অগ্রাহ্য কবাই বা চলে  
কি করে? সন্দেহ যে খননভূত হচ্ছে। এ আর কেউ নয়, নির্ঘাত  
রাস্তর বোঁ।

কিন্তু সত্য কি করল? সত্যবর্তী? পাহারা দেওয়ার নিদেশটা পালন করল  
কই?

দ্বিবি্য বড়সড় একটা কলসী ওর সঙ্গে রয়েছে মনে হচ্ছে।

যারা সাতার জানে, তাঁদের পক্ষে জলে ডুবে মরবে কলসীটা নাকি  
সহায়-সহায়ক। আর ছেলেমানুষ একটা মেয়ে যদি ওই কলসীটা গলায়  
বেঁধে—

চিন্তাবারা ওই একটা দুশ্চিন্তার শিলা পাথরকে ঘিরেই পাক খেতে  
থাকে। কিছুতেই মনে আসে না অসময়ে জলের প্রয়োজনেও কলসী নিয়ে

পুকুরে আসতে পারে লোক ।

তবে এটা ঠিক, জল ভরবাব তাগিদ কিছু দেখা যাচ্ছে না ও ভঙ্গীতে । কলসীর কানাটা ধাব চূপসংপ বসে থাকাকে কি তাগিদ বলে ?

নাঃ, জলের ঢালা অল্প কেউ নয়, এ নির্ঘাত রাস্তার বৌ । মরবার সংকল্প নিয়ে ভবসঙ্কায় এক পুকুরে এসেছে, তবু চট কবে বুঝি সব শেষ কবে দিতে পাবে না, শেফালীর মত পৃথিবীর রূপ রস শব্দ স্পর্শের দিকে তাকিয়ে নিতে চাইছে ।

শুধুই কতাই ?

তাকিয়ে নিঃ নিঃখাস ফেলে ভাবছে না কি, কাব জন্মে তাকে এই শোভা-সম্পদ, এই সুখভোগ থেকে বঞ্চিত হতে হল ?

হঠাৎ চোখ দুটে জ্বালা কবে এল রামকালীর ।

এই জ্বল কবাকে রামকালী চেনেন না । এ অমুভূতি সম্পূর্ণ নতুন, সম্পূর্ণ আকস্মিক ।

কিন্তু দাঁড়িয়ে দাঁড়িয়ে দেখলে তো চলবে না, এখনি একটা বিহিত করতে হবে । নিবৃত্ত করতে হবে মেয়েটাকে । অথচ উপায় বা কি ? রামকালী তো আর মেয়ে ঘাটে নেমে হাত ধরে তুলে আনতে পারেন না ! পারেন না ওকে সত্বপদেশ দিয়ে এই সবনাশা সংকল্প থেকে ফেরাতে ! ডাকবেনই বা কি বলে ? কোন্ নামে ? রামকালী যে শ্বশুর ।

অথচ এখান থেকে সরে গিয়ে কোনও মেয়েমানুষকে ডেকে নিয়ে আসবার চিন্তাটাও মনে সাগ দিচ্ছে না । যদি ইত্যবসরে—

আরে, আরে, স্থিরচিত্রটা চঞ্চল হয়ে উঠল যে !

কলসাটা জলে ডুবিয়ে জল কাটছে যে মেয়েটা । ঈগল-দৃষ্টি ছুরির ফলার মত তাক্স হয়ে ওঠে, নিজেব অজ্ঞাতসারেই মেয়ে-ঘাটেরদিকে এগিয়ে যান রামকালী, এমন সংকট-মূহুর্তে ছায় অছায় উঁচত অল্পচিত নিয়ম অনিয়ম মানা চলে না । আর একটু ইতস্তত করলেই বুঝি ঘটে যাবে সেই সাংঘাতিক কাণ্ডটা !

ক্রতপদে একবারে ঘাটের কাছে গিয়ে দাঁড়ালেন রামকালী, প্রায় আর্তনাদের মত চীৎকার করে উঠলেন, “কে ওখানে ? সন্ধ্যাবেলা জলের ধারে কে ?”

রামকালী আতঙ্কিত দৃষ্টিতে তাকিয়ে দেখছিলেন তাঁর চীৎকারের ফলটা

কি দাঁড়াল! ওই যে সাদা কাপড়ের অংশটুকু দেখা যাচ্ছিল এতক্ষণ, সেটা কি এই আকস্মিক ডাকের আঘাতে সহসা নিশ্চিহ্ন হয়ে গেল? যেটুকু দিনা ছিল সেটুকু আর রইল না? 'ওই তো বসে রয়েছে জলের মধ্যে পায়ের পাতা' ডুবে, জীবন আর মৃত্যুর মধ্যে ব্যবধান শুধু একটি লচমার, একটি ডুবের। তার পরই তো ওর সব দুঃখের অবসান, সব জ্বালাব শাস্তি। ওইখানেই তো এব হাতে রয়েছে সব ভয় জয় করবার শক্তি, তবে আব রামকালী'ব শাসনকে ভয় করতে যাবে কোন্‌ ছুঃখে?

সাদা কাপড়টা দেখা যাচ্ছে এখনও, একটু যেন নড়ছে বদ্বন্দ্যাস বক্ষে অপেক্ষা করতে থাকেন রামকালী। অথচ এই বিমূঢ়ের ভূমিকা অভিনয় করা ছাড়া ঠিক এই মুহূর্তে আর কি করার আছে রামকালীর? যতক্ষণ না সত্যি মরণের প্রলম্ব আসছে, ততক্ষণ বাঁচানোর ভূমিকা আসবে কি কবে? জলে পড়ার আগে জল থেকে তুলতে যাওয়ার উপায় কোথা?

যতই ভয় পেয়ে থাকুন রামকালী, এমন কাণ্ডজ্ঞান হাবান নি যে শুধু ঘাটের ধারে বসে থাকা মেয়েটাকে হাত ধরে হিড়হিড় করে টেনে নিয়ে আসবেন, মেয়েটা মরতে যাচ্ছে ভেবে।

কি করবেন তবে? সাদা রংটা এখনও নিশ্চিহ্ন হয়ে যায় নি, এখনও কিছু করা যাবে।

সহসা আত্মস্থ হয়ে উঠলেন রামকালী, সহসাই যেন কিরে পেলেন নিজে'কে। কী আশ্চর্য! কেন বৃথা আতঙ্কিত হচ্ছেন তিনি? এখনি তেমন হাঁক পাড়লেই তো অঞ্চলের দশ-বিশটা লোক ছুটে আসবে। তখন আর চিন্তাটা কি? নিজের ওপর আস্থা হারাচ্ছিলেন কেন?

অতএব হাঁক পাড়লেন।

তেমনি ধারাই হাঁক বটে। 'মৃত্যুপথবর্তিনী'ও যাতে ভয়ে গুরগুরিয়ে ওঠে। জলদগম্ভীর স্বরে অভ্যস্ত আদেশের ভঙ্গীতেই হাঁক পাড়লেন রামকালী, "যে হও জল থেকে উঠে এসো। আমি বলছি উঠে এসো। ভরাসন্ধ্যায় জলের ধারে থাকবার দরকার নেই।" 'আমি'টার ওপর বিশেষ একটু জোর দিলেন।

না, হিসাবের ভুল হয় নি রামকালীর।

কাজ হল। এই ভরাট ভারী আদেশের স্বরে কাজ হল। কলসীটা ভরে নিয়ে তাড়াতাড়ি উঠে এল মেয়েটা একগলা ঘোমটা টেনে। সাদা

বংটা'ব গতিবিধি লক্ষ্য কবে বুঝতে পারলেন বামকালী, ঘাটের সিঁড়ি দিয়ে উঠে আসছে ও।

আব একবার চিন্তা কবলেন বামকালী, পাশ কাটিয়ে চলে যাবেন? না কি 'নবু' কি মেয়েটা ক একটা সদুপদেশ দিয়ে দেবেন?

সাদাবরণতঃ গুস্তব বৌ সম্পর্কে কথা কওযাব কথা ভাবাই যায় না, কিন্তু চিকিৎসক হিসেবে বামকালী'ব কিছুটা ছাডপত্র আছে। বাড়িব বৌ'র বিব গ্রন্থবিন্দিত্ত্ব + ব'ল মোক্ষদা' বি. দীনতাবিণী বামকালীকে খবর দিয ডেকে নিয়ে যান এ' তাদের মাধ্যমে হলেও পরবাক্ষে অনেক সময় বোগিণীকে উদ্দেশ্য কবে কথা বলতে হয় বামকালীকে। যথা ঠাণ্ডা না লাগানো বা দুপথ্য ন কব'ব' নাদেশ। তেমন বাড়াবাড়ি না হলে অবশ্য বোগী 'দেখা'ব প্রশ্ন ওসে ন, লক্ষণ শুনেই ওষধ নিবাচন ক'ব' দেন। কিন্তু বাড়াবাড়িব ক্ষত্রে সল'ত হয় নৈকি। অশ্য যথাসাধ্য দূবত্ব ও সন্ধ্যম বজায় বেখেই সলেন। পুত্রবধু অথবা ভ্রাতৃবধু সম্পর্কীয়দের 'আপনি' ভিন্ন তুমি বলেন না কখনও বামকালী।

বিবি একেবার লঙ্ঘন কবলেন না বামকালী, তবু কিছুটা কবলেন। পাশ কাটিয়ে চলে না গিয়ে একটা গলাখীকাব দিয়ে বলে উঠলেন, "এ সময় এবকম একা ঘাটে কেন? আব এ রকম আসবেন না। আঁগি নিষেব করছি।" আব একবার 'আমি'টার উপব জোব দিলেন বামকালী।

সম্মুখবর্তিনী অবশ্য কাঠপুতুলিকা'ব' বামকালী'ব সামনে দিয়ে হেঁটে চলে যাবে, এমন ক্ষমতা অবশ্য থাক'বাব কথাও নয়।

বামকালী কথা শেষ কবলেন, "বাড়িতে শুত কাজ হচ্ছে, মন ভাল কবতে হয়। এমন তো' হয়েই থাকে।"

ক্রত পদক্ষেপে এবার চলে গেলেন বামকালী।

বামকালী চলে গেলেও কাটের পুতুলখানা আবও কিছুক্ষণ কাঠপাথরের মত দাডিয়ে থাকে, কী ঘটনা ঘটে গেল যেন বুঝতেই পাবে না। কি হল? এটা কি স'ব' সম্ভব হল?

'এমন তো' হয়েই থাকে' মানে কি?

উনি কি তা' হলে সব জেনেছেন? জেনেও ক্ষমা করে গেলেন? মাথা ঠাণ্ডা রেখে সদুপদেশ দিয়ে গেলেন মন ভাল কবতে? সত্যিই কি

তবে উনি দেবতা? দেবতা ভেবেও বুকের কাঁপুনি আর কমতে চায় না শঙ্করীর।

হাঁ, শঙ্করী।

রাহুর বৌ সারদা নয়, কাশীশ্বরীর বিধবা নাতবৌ শঙ্করী। চিরদিন পিত্রালয়-বাসিনী কাশীশ্বরীর একটা মেয়েসন্তান, তাও মরেছিল অকালে। মা-মরা দৌত্তুরটাকে বুকে করে এক বছরেরটি থেকে আঠারো বছরের কবে তুলে সাধ করে সুন্দরী মেয়ে দেখে দিয়ে দিয়েছিলেন কাশীশ্বরী, কিন্তু এমন বাক্সী বৌ যে বছর ঘুবল না, দ্বিরাগমন হল না। তা বাপের বাড়িতেই ছিল এযাবৎ, কিন্তু এমনি মন্দকপাল শঙ্করীর যে, মা-বাপকেও খেয়ে বসল। ছিল কাকা, সে এই সেদিন ভাইঝিকে ঘাড়ে করে বয়ে দিয়ে গেছে চাটুযোদের এই সদাব্রতের সংসারে। না দিয়েই বা করবে কি? শুধুই তো ভাতকপড় যোগানো নয়, নজর রাখা কে? শ্বশুরকূলে থাকলে তবু সহজেই দাবে থাকবে। আর কপাল যার মন্দ, তার পক্ষে শ্বশুরবাড়ির উটোন কাঁট দিয়েও একবেলা একমুঠো ভাত খেয়ে পড়ে থাকা মান্তের। বাপ-কাকার ভাত হল অপমান্তির ভাত।

এইসব বুঝিয়ে-সুঝিয়ে কাকা সেই যে ছেড়ে দিয়ে গেছে, বাস! বছর কাবার হতে চলল উদ্দিশ নেই। অথচ এখানে শঙ্করীর উঠতে বসতে খোঁটা খেতে হচ্ছে 'চালচলনেব' অভবাতায়। উনিশ বছরের আঙুনের খাপরা এতখানি বয়স অবধি বাপের ঘরে কাটিয়েছে, তাকে বিশ্বাসই বা কি? বিধবার আচার-আচরণই তো শেখে নি ভাল করে। নইলে বামূনের বিধবা এটুকু জানে না যে রাতে চালভাজার সঙ্গে শশা খেতে হলে আলাদা পাত্রে নিতে হয়, এক পাত্রে রাখলে ফলার হয়। এমন কি কামড়ে কামড়েও তো খেতে নেই, আলগোছে টুকরো করে মুখের মধ্যে ছুঁড়ে দিয়ে তবে চালভাজার সঙ্গে খাওয়া চলে। তা নয়, সুন্দরী দিবিা করে একদিন শশা কেটে চালভাজার পাশে নিয়ে খেতে বসেছেন। যা-ই ভাগিাস মোক্ষদার চোখে পড়ে গেল, তাই না জ্ঞাত-ধর্ম রক্ষা!

কিন্তু সেই একটাই নয়, পদে পদে অনাচার ধরা পড়ে শঙ্করীর, আর প্রতিপদে উপর মহলে সন্দেহ ঘনীভূত হয়—এ মেয়ের রীত-চরিত্তির ভাল কি না।

তা রামকালীর এত তথ্য জানবার কথা নয়। কবে কোন্ দিন কোন্

অনাথা অনীরা চাটুষোদেব সংসারে ভর্তি হচ্ছে, সে কথা মনে রাখায় অবকাশ কোথায় তাঁব? কাজে কাজেই রাস্তা বোয়েব প্রশ্ন নিয়েই চিন্তাকে প্রবাহিত কবেছেন। তাছাড়া পুকুরের উঁচু পাড থেকে ঠিক ঠাঁহবও হয় নি সাদা 'ই বস্তুগুটুকুব কিনাবায় একটু রঙের রেখা আছে কি নেই।

কিন্তু না, সাবদা মবতে আসে নি। সত্যবতী পিতৃ-আদেশেব সঙ্কে-সঙ্কেই তাকে কড়া পাহারায় বাধতে শুরু করেছে। আব পাহারা না দিলেও মবা এত সোজা নয়। 'মবব' বলেছে বলেই যে সত্যিই সত্ত্ব আগত সতীনেব হাতে স্বামী-পুত্র দুই তুলে দিয়ে পুকুরেব তলায় আশ্রয় খুঁজতে যাবে সে তা নয়। জালা নিয়েই বেঁচে থাকতে হবে তাকে অন্তকে জালিয়ে পুড়িয়ে ধাবাব ব্রত নিয়ে।

মরতে এসেছিল শঙ্করী।

মবতে এসেছিল তবু মবতে পারছিল না।

বসে বসে ভাবছিল মবণের দশা যখন ঘটেছে তার, তখন মৃত্যু ছাড়া পথ নেই। কিন্তু কোন্ মৃত্যুটা শ্রেয়? এই কপ-রস-গন্ধ-স্পর্শ-স্বধাময় পৃথিবী থেকে চিরতরে নিশ্চর হয়ে যাওয়া, না সমাজ সংস্কার সম্ভব সভ্যতা মানমর্ধ্যাদার রাজ্য থেকে বিলুপ্ত হয়ে যাওয়া!

শেষের মৃত্যুটা যেন প্রতিনিয়ত কৌ এক দুর্নিবার আকর্ষণে টেনে নিয়ে যেতে চাইছে শঙ্করীকে। কিন্তু শঙ্করী তো জানে সেখানে অনন্ত নয়ক। তাই না যে পৃথিবীর সর্করণ মিনতির দৃষ্টি তাকিয়ে আছে ভোরের সূর্য আর সন্ধ্যার মাধুরীর মধ্যে, তার কাছ থেকেই বিদায় নিতে এসেছিল শঙ্করী।

কিন্তু পারলে কই?

শুধুই কি মামাঠাকুরেব হুল জ্যা আদেশ? ঘাটের পৈঠাগুলোই কি তাকে দুর্লভ্য বাধনে বেঁধে বাধে নি?

তবে কি শঙ্করীর মৃত্যু বিবাতার অভিপ্রের্ত নয়? তাই দেবতার নুর্তিতে উনি এসে দাঁড়ালেন মৃত্যুব পথ বোব করে?

হঠাৎ এমনও মনে হল শঙ্করীর, সত্যিই মামাঠাকুর তো? নাকি কোন দেবতার হল? ঠাকুর-দেবতার মাহ্মের ছদ্মবেশে এসে মাহ্মকে ভুল-ঠিক বুঝিয়ে দিলে যান অন্ডয় দিলে যান, এমন তো কত শোনা যায়।

বাড়ি ফিরে শঙ্করী যদি কোনপ্রকারে টের পায় রামকালী এখন কোথায় রয়েছেন, তা হলেই সন্দেহ ভঞ্জন হয়। তাবতে তাবতে ক্রমশঃ শঙ্করীর এমন

দারণাই গড়ে উঠতে থাকে, নিশ্চয় খোঁজ নিলে দেখা যাবে মামাঠাকুর এখন এ গামেই নেই, রোগী দেখতে দূরান্তবে গেছেন। নিশ্চয় এ কোন দেবতার ছল। নইলে সত্যিই তো, মামাঠাকুর এমন ঘুলঘুলি সন্ধ্যায় মেয়েঘাটের কিনারায় ঘুরবেনই বা কেন ?

আর সেই হাঁকপাড়াটা ?

সেটাই কি ঠিক মামাঋতুরের কর্তব্য ? মাঝে মাঝে তো ভেতরবাড়িতে আসেন মামাঠাকুর, কথাবার্তাও কন মার সঙ্গে, খুড়ীর সঙ্গে, পিসিদের সঙ্গে, কই গলার সঙ্গে এতটা চড়া স্বব শোনা যায় না তো ? মৃগুগস্তীর ভারী ভরাট গলা, আর কথাগুলিও দৃঢ়গস্তীর।

এ মামাঠাকুরকে দেখলে পুণ্য হয়।

বড় মামাঠাকুরের মতন নয় ইনি। বড় মামাঠাকুরকে দেখলে, ভক্তি-ছেদা ছুটে পালায়। কিন্তু কথা হচ্ছে দেবতার ছদ্মবেশ সম্বন্ধে একেবারে নিঃসংশয় হবার উপায়টা কি ? কোথায় মেয়েমহল আর কোথায় পুরুষমহল। চাটুঘ্যোদের এই শতখানেক সদস্য সম্বলিত সংসারে স্ত্রীরাই সহজে স্বামীদের তত্ত্ব পান না, তা আর কেউ ! অবিদ্বি পুরুষের তত্ত্ববার্তা নেবার প্রয়োজনটাই বা কি মেয়েদের ? দুজনের জীবনযাত্রার বারা তো সম্পূর্ণ বিপরীতমুখী। পুরুষের কর্মবারার চেহারা যেমন মেয়েদের অজানা, সেদিকে উঁকি মারবার সাহস মেয়েদের নেই, তেমনি পুরুষের নেই অবকাশ মেয়েদের বর্মকাণ্ডের দিকে অবহেলার দৃষ্টিটুকুও নিক্ষেপ করবার।

একই ভিটেয় বাস করলেও উভয়ে ভিন্ন আকাশের তারা।

তবু মনে হতে লাগল শঙ্করীর, কোন উপায়ে একবার খোঁজ করা যায় না ! মামাঠাকুর বাড়িতে আছেন কিনা, থাকলে ক অবস্থায় আছেন ? এইমাত্র ফিরলেন, না অনেকক্ষণ থেকে বসে আছেন ?

আহা, মামাঠাকুরের সঙ্গে যদি কথা কইতে পারা যেত ! তাহলে বোধ করি ভগবানকে দেখতে পাওয়ার আশাটা মিটত শঙ্করীর। তা ঠকে ভগবানের সঙ্গে তুলনা করবে না তো কববে কি শঙ্করী ? এত ক্ষমা আর কোন্ মাহুঘের মধ্যে সম্ভব ? এত করুণা আর কার প্রাণে আছে ? শঙ্করীর মর্মকথা জানতে পারলে ত্রিজগতের কেউ কি অমন দয়া অমন সহানুভূতি দিয়ে কথা বলতে পারত ? না, তারা মাথা মুড়িয়ে মাথায় ঘোল ঢেলে গায়ের বাস করে দিত শঙ্করীকে। আর পিছনে ঘুণার হাততালি দিতে দিতে

বলত, “ছি ছি ছি, গলায় দড়ি! তুই না হিন্দুর মেয়ে! তুই না বামূনের ঘরের বিধবা!”

আচ্ছা কিঙ্ক—, হঠাৎ যেন সর্বশরীর কাঁটা দিয়ে ওঠে শঙ্করীর, মামাঠাকুর টের পেলেন কি করে? কে বলবে, কে জানে? তাও যদি বা কোন প্রকারে সন্ধান পেয়ে থাকেন, যদি সেই পরম শত্রুটাই এসে কোন ছলে ভয়ে-ডরে ফাঁস করে দিয়ে গিয়ে থাকে—শঙ্করী যে আজ এই সন্ধ্যায় ডুবে মরবার সংকল্প নিয়ে ঘাটে এসেছিল, এ কথা জানতে পাবলেন কি করে তিনি?

মাত্র আজই তো দণ্ডকয়েক আগে সংকল্পটা স্থির করেছে শঙ্করী, অনেক ভেবে, অনেক নিঃশ্বাস ফেলে, অনেক চোখের জলে মাটি ভিজিয়ে। বিয়েবাড়ি, শাস্ত্রী দিদিশাস্ত্রীর দল বাড়তি কাজে ব্যস্ত, কে কোথায় কি করছে না-করছে কেউ লক্ষ্য করবে না, আজই ঠিক উপযুক্ত সময়। তা ছাড়া আসছে কাল বাড়িতে যজ্ঞ, আশ্বকুটুম্বর ভিড় লাগবে বাড়িতে। কে জানে কোন্ ছুতোয় কে শঙ্করীর স্নাননীতির ব্যাখ্যানা করবে, শঙ্করীর চালচলনের নিন্দে করবে, টি-টি পড়ে যাবে বাড়িতে।

না না, মরতেই যদি হয়, আজকেই হচ্ছে তার শ্রেষ্ঠ সময়। এইসব সাত-সতেরো ভাবনার বোঝা মাথায় করে ঘাটে এসেছিল শঙ্করী, জীবনের সমস্ত বোঝা নামিয়ে দেবার জন্তে। কিঙ্ক—, আবার গায়ে কাঁটা দিয়ে উঠল শঙ্করীর, কিঙ্ক বিধাতা নিষেধ করলেন।

মরণের দরজা থেকে জীবনের রাজ্যে ফিরিয়ে আনলেন শঙ্করীকে।

তবে আর দ্বিধা কেন?

শঙ্করী বিধবা হলেও ওর আনা জল নিরামিষ ঘরে চলে না। ও ‘অনাচারে’, ওর অদীক্ষিত শরীর। জলের কলসীটাকেই তাই মাঝে মাঝে এনে বসাল শঙ্করী, ছেলেপুলেদের খাওয়ার দরকারে লাগবে।

কলসী নামানোর শব্দে কোথা থেকে যেন এসে হাজির হল সত্যবতী। এসেই এদিক ওদিক তাকিয়ে আস্তে আস্তে বলল, “সবনাশ করেচ ‘কাটোয়ার বৌ’, ভোমার নামে টি-টিকার পড়ে গেছে!” বাড়িতে অনেক বৌ, কাজেই আশপাশের বৌদের তাদের বাগের বাড়ির দেশের নাম ধরে ‘অমুক বৌ’ ‘তমুক বৌ’ বলতে হয়। তা ছাড়া শঙ্করী নবাগতা, ওর আর পর্যায়ক্রমে মেজ-সেজ দিয়ে নামকরণ হয় নি।



বুকটা ধড়াস করে উঠল শঙ্করীর।

কিসের সর্বনাশ!

তবে কি সব ধরা পড়ে গেছে?

ঘবের কোণে রাখা মাটির প্রদীপের আলোব মুখের রং-গড়ন দেখা গেল না।

শুধু গলাব দ্ববটা শোনা গেল, কাঁপা-কাঁপা ঝাপসা।

“কিসের সর্বনাশ, বাঙা ঠাকুরঝি?”

“আজ না তোমাব লক্ষ্মীর ঘরে সন্ধ্যা দেবার ‘পালা’ ছিল?” সত্যর কণ্ঠস্বরে  
বিস্ময় আব সহাস্ভূতি।

লক্ষ্মীর ঘবে সন্ধ্যা দেখানোব পালা!

ওঃ, শুধু এই!

বুকের পাথরটা নেমে গেল শঙ্করীর, হালকা হল বুক। হোক এটা ভয়ানক  
মারাত্মক একটা অপরাধ, আর তাব জন্মে যত কঠিন শাস্তিই হোক মাথা পেতে  
নেমে শঙ্করী।

অবশ্য এই দরদের বিস্তাবে চোখে জল এসে গিয়েছিল তাব।

সত্য গলাটা আর একটু খাটো করে বলে, “আর তাও বলি কাটোয়ার বৌ,  
এই ভবসন্ধ্যা পর্যন্ত ঘাটে থাকার তোমার দরকারটাই বা কি ছিল? সাপখোপ  
আছে, আনাচেকানাচে কু-লোক আছে—”

শঙ্করী সাহসে বুক বেঁধে বলে, “দিদিমা খুব রাগ করছিলেন বুঝি?”

“রাগ? রাগ হলে তো কিছুই না। হচ্ছিল গিয়ে তোমার বাখ্যানা!”

সত্যবর্তী হাত-মুখ নেড়ে বলে, “আর সত্যিও বলি কাটোয়ার বৌ, তোমারই  
এত বুকের পাটা কেন? ভর-সন্ধ্যাবেলা একা ঘাটে গিয়ে যুগযুগান্তব কাটিয়ে  
থান্দা কেন? আবার আজই সন্ধ্যা দেখানোব পালা। ঠাক্‌মারা তো তোমায়  
পাশ পেড়ে কাটতে চাইছিল।”

“তাই কাটো না ভাই তোমবা আমায়—” শঙ্করী ব্যগ্রকণ্ঠে বলে, “তা হলে  
তোমবাও বাঁচো, আমাব মনস্কামনা সিদ্ধি হয়।”

সত্য ভ্রভঙ্কী করে গালে হাত দিয়ে বলে, “ওমা! তোমার আবার কিসের  
মনস্কামনা? তুমি আবার বড়বোঁয়েব মত বোল ধরেছ কেন? বড়বোঁও যে  
এতক্ষণ আমায় বলছিল, আমায় একটু বিষ এনে দাও ঠাকুরঝি, খাই। তোমার  
দাদাব হাতের স্ততো খোলার আগেই যেন আমার মরণ হয়, সে দৃশ্য দেখতে  
না হয়।”

সত্য বলতে কি, সারদার সঙ্গে শঙ্করীর এখনও তেমন ভাব হয় নি। প্রথম তো বয়সের ব্যবধান, তা ছাড়া সারদা ছিল স্বামী-সোহাগিনী নবপুত্রবতী, আব শঙ্করী ছাইফেলার ভাণ্ডাকুলো। আরও একটা কথা—ভুজনের এলাকা আলাদা। শঙ্করীকে থাকতে হয় বিধলামহলে, তাঁদেব হাতে হাতে মুখে মুখে ফাই-ফবমাশ খাটতে—সারদা সবদা মহলের জীব। ষাওয়া শোওয়া বসা সব কিছুব মধোই আকাশ-মাটির পাথক্য।

কিন্তু আপাততঃ সারদা অনেকটা নেমে পড়েছে, এখন শঙ্করীও তাকে করুণা করতে পারে। তাই করে শঙ্করী। দরদের সুরে বলে, “তা বলতে পারে বটে আবাগী।”

“বলি সে নয় বলতে পারল, তোমাব কি হল? তোমার অকস্মাৎ কিসের জ্বালা উথলে উঠল?”

“আমার পোড়াকপালে তো সবদাই জ্বালা ঠাকুরবি।” শঙ্করী নিঃশ্বাস কেলে।

সত্য হাত নেড়ে বলে, “আহা, কপাল তো আর তোমার আজ পোড়ে নি গো? ঠাকুমার তো সেই কথাই বলছিল, সোয়ামীকে তো কোন্ জন্মে ভুলে মেরে দিয়েছে, তবে আবাব তোমার সদাই মন উচাটন কিসের? কিসের চিন্তে করে রাতদিন?”

“মরণের!” শঙ্করী দালানের দেয়ালে পিঠাঠেকিয়ে বসে পড়ে বলে, “ও ছাড়া আমার আর চিন্তা নেই।”

“তা ভাল।” সত্য আবার দুই হাত নেড়ে কথার সমাপ্তি টেনে মল বাজিয়ে চলে যায়, “সব মেয়েমানুষের মুখে দেখি এক রা, ‘মরব’ ‘মরছি’ ‘মরণ হয় তো বাঁচি’! এ তো আচ্ছা ক্যাসাদ।”

শঙ্করী আর এ কথার উত্তর দেয় না, বসে বসে হাঁপাতে থাকে। আস্থক ঝড়, আস্থক বজ্রাঘাত, এখানে বসে বসেই মাথা পেতে নেবে সে, উঠে গিয়ে পায়ে হেঁটে ঝড়ের মুখে পড়বাব শক্ত নেই।

তা একটু বসে থাকতে থাকতেই ঝড় এল।

কিংবা শুধু ঝড় নয়, বৃষ্টি-বজ্রাঘাতও তার সঙ্গী হয়েছে।

শঙ্করী কিরেছে শুনে ধোঁজ করতে এসেছেন কাশীধরী আর মোক্ষলা।

পিছনে দর্শকের ভূমিকা নিয়ে ভুবনেশ্বরী, রামকালীর স্ত্রী।

## ॥ এগারো ॥

অপরাধটা হচ্ছে লক্ষ্মীর ঘরে যথাসময়ে প্রদীপ না দেওয়ার, কিন্তু শাস্তির আশঙ্কায় সনস্ত শরীর কণ্টকিত হয়ে ওঠার সঙ্গে সঙ্গে শঙ্করীর মনের পটে যে ছবি ভেসে উঠল সেটা লক্ষ্মীর ঘট অথবা গৃহদেবতার পটগুলির নয়, নিজের যে অপরাধের শাস্তির আশঙ্কাটা সমস্ত দেহ মন শিথিল করে ছিল শঙ্করীর, সে অপরাধের সঙ্গে এ বাড়ির, এমন কি এ গ্রামেরও কোন সম্পর্ক নেই।

অপরাধের জায়গাটা হচ্ছে শঙ্করীর বাপের বাড়ির আমবাগান। সময়টা গা-ঝিমঝিমে ভরতপুর।

নতুন ফাল্গনের থেকে থেকে ঝিরিঝিরি আর থেকে থেকে দমকা বাতাস বইছে অব নতুন “গুটি বাঁধা” আমগাছগুলো সে বাতাসে যেন মাতলামির খেলা জুড়েছে। কিছু কিছু গাছ কিন্তু খানিকটা পিছিয়ে আছে, তাদের এখনো বোল্ ঝরে আম ধরে নি। পাতার ফাঁকে ফাঁকে মঞ্জরীর সমারোহ।

নির্জন ছপুরে সেই বাগানে শঙ্করী আর নগেন।

নগেনের হাতের মধ্যে শঙ্করীর হাত।

আল্গা করে এগিয়ে পড়ে থাকা নয়, হাতখানা বজ্রমুষ্টিতে ধরে রেখেছে নগেন, পাছে শঙ্করী পালিয়ে যায়! যতক্ষণ না নগেনের বক্তবাটা সম্পূর্ণ শেষ হবে, ততক্ষণ শঙ্করীর ছাড়ান নেই।

অনেক দিন ধরে অনেক ছোটখাটো কথা, অনেক ইশারা-ইঙ্গিতের দূত মারক্ণ নিজের বক্তব্য জানিয়েছে নগেন শঙ্করীকে, অনেক করুণ দৃষ্টি, অনেক চোরা হাসির সঙগাতে। আজ বোধ করি একেবারে হেস্বনেনস্ত করতে চায় সে।

কিন্তু নগেন কি শঙ্করীকে গায়ের জোরে এই নির্জন আমবাগানে টেনে এনে-  
।ছিল? মুখে কাপড় বেঁধে, পাঁজাকোলা করে?

তা তো নয়।

সহায়সম্বলহীন ছেলেটার এত সাহস কোথা? মাসীর বাড়ির অন্ন খেয়ে খেয়ে  
তো মাহুঘ!

শঙ্করীর কাকীই নগেনের মাসী।

মা-মরা বোনপোকে কাছে এনে মাহুঘ করেছেন কাকী নিজের ছেলেদের সঙ্গে।  
যে সংসারে শঙ্করীও বেড়ে উঠেছে।

মানখানে শুধু একটা বিয়ের ব্যাপার।

কিন্তু সে আর ক'দিনের? অষ্টমঙ্গলাতেই তো তাব সমাপ্তি।

একই বাড়িতে বাস করেছে দুজনে। ভাই-বোনের মত। অথচ আশ্চর্য, মনোভাবটা কিছুতেই কেন ভাই-বোনের মত তৈরী হ'ল না?

কেন ছোটবেলা থেকে শঙ্করীর নিজের খুড়তুতো দাদারা শঙ্করীর চুলেব মুঠি ধবেছে আব পান থেকে চুন খসলে খিঁচিয়েছে, আর নগেন কেনই বা দবাবব সেই দুঃখ-যন্ত্রণায় স্নেহের প্রলেপ লাগিয়েছে, অত্যাচারীদের প্রতি কটকটি করেছে!

পৃথিবীতে কি জগতে কি হয় শঙ্করীর বোধের বাইবে। বোধের জগৎটা ওর নেহাতই সীমাবদ্ধ। নইলে আঠারো বছরের বিধবা মেয়ের পক্ষে ভরা ভরতপুবে আমবাগানে এসে একটা বেটাছেলের সঙ্গে কথা কওয়া যে কতদূর গর্হিত, সে বোধ খা'ক উচিত ছিল বৈকি একটা আঠারো বছরের মেয়ের।

কিন্তু সত্যিই কি এটুকু বোধও ছিল না শঙ্করীর?

চব্বিশ ঘণ্টা কাকী'ব দাঁতেব পিষু'নিতে সে বোধ জন্মায় নি? বাগানে এসেছিল কি শঙ্করী নির্ভয় নিশ্চিন্তে?

না। অবোধ হলেও এতটা অবোধ নয় শঙ্করী। এসেছিল বুকের মধ্যে ভয়ের বাসা নিয়েই। সকালে যখন নগেন এ আবেদন জানিয়েছে, তখন থেকেই বুকের মধ্যে ঢেঁকির পাড় পড়ছে তার। সকল কাজে ভুলচুক হয়েছে। তবু এসেছে।

তবু কি ভাগ্যিস আজ আর রান্নাঘরের ভারটা ষাড়ে নেই। কাল খন্তরবাড়ি চলে যাবে, বলতে গেলে জন্মের শোধই চলে যাবে, এই মমতায় গৃহকর্তী শঙ্করীকে হেঁসেলের দায়িত্ব থেকে ছুটি দিয়েছেন। আর যখন শঙ্কবা নিতান্ত বিনীত মূর্তিতে, নিতান্ত কাচুমাচু মুখে আবেদন জানিয়েছে, “বকুল ফুলের বাড়ি একবার যাব কাকীমা?” তখন ‘না’ করতে পারেন নি তিনি।

বাগানে এসেই প্রথম এই চলনার খবর শুনে হেসে উঠেছিল নগেন। বলেছিল, “তা গুরুজনের সঙ্গে মিছে কথা কয়েছিস ভেবে অত মনমরা হচ্ছিস কেন? ধরে নে না আমিও তোর একটা ‘বকুলফুল’?”

কিন্তু এখন আর নগেনের মুখে হাসি নেই, এখন নগেনের অগ্র ভাব।

শখন কেমন রক্ষ হিংস্র উদ্ভাস্ত মতন। এখন বজ্রমুষ্টিতে শঙ্করীর হাত ধবে টেনে নিয়ে যেতে চায় ভিন্ন আর এক জগতে।

“পালিয়ে গিয়ে অল্প অনেক দূরের আর এক গাঁয়ে চলে যাই না? সেখানে কে চিনবে আমাদের? বলব আমরা স্বামী-স্ত্রী, আশুনে লেগে ঘরবাড়ি ক্ষেতখামার সব পুড়ে গেছে, তাই মনের আক্ষেপে দেশ-ভূঁই ছেড়ে চলে এসেছি!”

“অমন পাপকথা বললে যে জিত খসে যাবে নগেনদাদা। নরকেও ঠাই হবে না আমাদের।” উচ্চারণ করে শঙ্করা, কিন্তু সে উচ্চারণে কোথাও কোন জোর প্রকাশ পায় না। পাপের আশঙ্কায় আগে থেকেই কি জিত শিথিল হয়ে এল শঙ্করীর?

“পাপ কিসের? তোর ওই বে-টা কি বে? স্বামীর ঘর করেছিল তুই? জন্ম-জন্মান্তর থেকে তুই আর আমি পতি-পত্নী, বুরুলি? তাই ওই একটা উটকো স্বামী সহল না তোর। নইলে এতদিন তুই কোথায় থাকতিস, আর আমি কোথায় থাকতাম! তুই মন ঠিক কর শঙ্করী, দোহাই তোর।”

“এ কথা কানে শুনলেও যে অনন্ত নরক নগেনদাদা।”

“তাই যদি হয়,” নগেন উগ্রমুষ্টিতে বলে ওঠে, “নরকেই যদি যেতে হয়, তোকে তো একলা যেতে হবে না। আমাকেও যেতে হবে। তোর জন্তে সে ক্রেশও মেনে নিচ্ছি আমি। পৃথিবীর আর সব্বাই যাক তো স্বর্গে, তুই আর আমি নয় নরকেই থাকব। এ জন্মটা তো তবু ভাল যাবে।”

“এইটাই কি একটা নেযা কথা হল? না নগেনদাদা, তোমার পায়ে ধরি, আমায় ছেড়ে দাও। কেউ যদি এ অবস্থায় দেখে ফেলে, তা হলে আর আমার ঘরে ঠাই হবে না।”

“ভালোই তো—” নগেন হাতটা ছেড়ে দেওয়ার পরিবর্তে আরও জোরে চেপে ধরেছিল, বুঝিবা একটু কাছেও টেনেছিল, বলেছিল, “ঘর থেকে দূর করে দিলে আমাদের স্মরাহাই হবে। কলঙ্ক ছড়ালে খসুরবাড়ি থেকেও নেবে না তোকে, তখন দুজনে চলে যাওয়া সোজা হবে। শাপে বর হবে আমাদের।”

“না না নগেনদাদা, হাত ছাড়। তোমার মনে এত ‘কু’ জানলে ককখনো এখানে আসতাম না আমি। তুমি বললে একটা কথা আছে—”

নগেন কখনো যা না করেছে তাই করল। অগ্নিমূর্তি হয়ে ধিঁচিয়ে

উঠল, “গ্রামামি করিস নে। জানলে আসতাম না! তোর সঙ্গে আমা-  
কি ভাগবত-কথা থাকবে শুনি? আমি বলছি তুই আমার সঙ্গে পালিয়ে  
চল!”

সজ্ঞানে নয়, অসতর্কে মুখ দিয়ে বেবিয়ে পড়ল, “কোথায়?”

নগেন মহোৎসাহে বলে ওঠে, “যেখানে হোক। অনে—ক দূরের কোন  
গায়ে। সেখানে শুধু তুই আব আমি স্থখে সংসাব করব। ছোট্ট একখানা  
মাটির কুঁড়ে, একটু শাকপাতার বাগান, একটা একছিটে পুকুর, এর বেশী  
আর কি চাই আমাদের বল! তা সেটুকু সংস্থান কবতে পারব। পেটে  
তো একটু দিখে করেছি, কিছু না পারি একখানা পাঠশালা খুলব। কারুব  
কোন ক্ষতি নেই তাতে শঙ্কবী।”

বুকের মধ্যকার সেই ঢেঁকির পাড় পড়াটা বন্ধ হয়ে, কী এক কাঁপা-  
কাঁপা স্থখে মনটা ঢুলে উঠল না শঙ্করীর? চোখ দুটো কি জলে ভরে  
এল না? নতুন কাণ্ডের সেই থেকে-থেকে ঝিরিঝিরি, থেকে-থেকে দমকা  
বাতাসে শরীরটা কেমন অবশ-অবশ হয়ে আসে নি কি? মনে কি হয় নি,  
সত্যিই তো—তাতে কাব কি ক্ষতি? ঝঞ্জরবাড়ি সে চোখে দেখে নি, এক  
দিনও ঘর করে নি। চেনে না তাদের, জানে না শঙ্করীকে না পেলো কাব  
কি স্থখ-দুঃখ, কার কি লাভ-লোকসান! কাকারা যদি খবর দেয়, শঙ্করী  
বলে যে একটা মেয়ে ছিল তাদের ঘরে—যে নাকি কবরেজ-বাড়ির ভাঞ্চে-  
বৌ ছিল—হঠাৎ ওলাউঠো হয়ে মরে গেছে সে, কত কাঁদবে কবরেজ-বাড়ির  
লোকেরা?

আর কাকা-খুড়ী?

মরে গেছে বলে রটিয়ে দিলে সমাজের কাছে পার পাবে না?

না, বেশীক্ষণ এ চিন্তা মনে স্থান পায় নি। বাতাসটা হঠাৎ বন্ধ হয়ে  
ভয়ানক যেন গুঃমাত হুয়ে উঠল, চেতনা ফির পেল শঙ্করী। বলে উঠল,  
“হিঁদ্র ঘরের বিধবাকে বেরিয়ে যাবার কুমন্ত্রণা দিতে লজ্জা করে না  
তোমার? তুমি না আমার ভাইয়ের মতন?”

“না, কক্ষনো না!” গর্জে ওঠে নগেন, “কক্ষনো ভাইয়ের মতন নয়।  
সে কথা তুইও ভাল জানিস, আমিও ভাল জানি। চিরদিন মনে মনে  
আমি তোকে পরিবারের মতন দেখে এসেছি। জেনে শুনে কেন মিছে  
বাকচাতুরি করছিস! কথা দে, হুপুররাতে তুই খিড়কি দিয়ে বেরিয়ে এসে

এখনে দাঁড়াবি, আমি আগে থেকে দাঁড়িয়ে থাকব। তার পর জোর পায়ে হেঁটে গা থেকে একবার বেরোতে পারলে কে ধরে? খুঁজতে তো আব পাববে না মাসী-মেসো? কিল খেয়ে কিল চুরি করে বসে থাকতে হবে।”

“ও নগেনদাদা, আমার বৃকের ভেতরটা কেমন করছে, ছেড়ে দাও আমায়। আমি পাবব না।”

“পাবতেই হবে তোকে।” নগেন ব্যাকুল স্ববে বলে, “যতক্ষণ না তুই মত দিবি ছাড়ব না হাত। দেখুক পাচজনে, সেই আমি চাই।”

“নগেনদাদা, আমি চেষ্টায়ে লোক জড়ো করব।” অলগা অলগা হুবল স্ববে বলে শঙ্করী, “বলব বাগানে একলা পেয়ে তুমি আমাকে—”

নগেন বেপরোয়া, বলে, “চেষ্টা। জড়ো কর লোক।”

“নগেনদাদা গো, আমাকে বরং মেবে ফেল।”

“আমি আর কি মারবো তোকে? মেরেই তো ফেলেছে সবাই মিলে। বাপের বাড়িতেই লাখি-ঝাঁটা না খেয়ে একমুঠো ভাত জুটছিল না, মরার ওপর খাঁড়ার ঘা, এর পর আবার খসুরবাড়ি সারা জন্মটা শুধু লাখি-ঝাঁটা সাব। আমিই বরং তোকে বাঁচাতে চাই। আদর করে যত্ন করে মাখার মনি করে রাখতে চাই।”

“আমি চাই না তোমার আদর-যত্ন।” এবার একটু দৃঢ় শোনাল শঙ্করী বৃষ্ণর, “লাখি-ঝাঁটাই আমার ভাল।”

“বটে! লাখি-ঝাঁটাই তোর ভাল?” নগেন সহসা মারমুখী হয়ে একটা ভয়ঙ্কর কাজ করে বসল।

হ্যাঁ, আদর করে প্রেমালিঙ্কন হয়, মারমুখী হয়ে সহসা শঙ্করীকে সাপটে জড়িয়ে ধবল নগেন, ধরে বলে উঠল, “বেশ, সেটাই যাতে আরও ভাল করে খাস তার ব্যবস্থা করছি। এই দিচ্ছি দেগে, তার পর তোর খসুরবাড়ির গায়ে রটাব, ও আমার সঙ্গে মন্দ—”

কী ভাবে যে নগেনের হাত থেকে নিজেকে ছাড়িয়ে নিয়েছিল শঙ্করী, কী ভাবে যে একেবারে ষাটে ডুব দিয়ে বাড়ি গিয়ে বলেছিল বকুলফুলের বাড়ি যাওয়া হল না, রাস্তায় যেতে একখানা ছুতোহাঁড়ি পান্নে ঠেকে গেল বলে একেবারে নেয়ে বাড়ি ফিরতে হল, আর কি করে যে ‘অসময়ে নেয়ে মাখাটা তার হয়েছে’ বলে দিনের বাকী সময়টা শুয়ে কাটাল, সে সব আর ভাল করে মনে পড়ে না শঙ্করীর।

শুধু মনে আছে তার প্রবল কান্নার ব্যাপার দেখে কাকাতুঙ্গু মমতা-মমতা গলায় সাঙ্ঘনা দিয়েছিল, “কেন কাঁদছিস মা, মেয়েমানুষকে তো খুশিরঘর করতেই হয়। সেই হচ্ছে চিরকালের জায়গা। তা ছাড়া কবরেজ মশাই অতি সজ্জন ব্যক্তি, সংসারে খাওয়া-পরার কোন হুঁখু নেই, ভাল থাকবি, স্বখে থাকবি।”

তবু আরও আকুল হয়ে কেঁদেছিল শঙ্করী। অগত্যা খুড়ীকে পর্যন্ত বলতে হয়েছিল, “আবার আসবি, পালপার্বণে আসবি, আমরা কি তোকে পর করে দিচ্ছি?”

বছর ঘুরে গেল, খুড়ীর প্রতিশ্রুতি খুড়ী রাখে নি। নিয়ে যাওয়া তো দূরের কথা, একবার উদ্দিশ পর্যন্ত করে নি। সে গায়ের এক কানাকড়া ধবরও আর সেই অবধি পায় নি শঙ্করী। শুধু অবিরত কাঁটা হয়ে থেকেছে, ওই বুঝি কে বলে, ‘নগেন বলে একটা ছেলে এসে গ্রামে কি রটিয়ে বেড়াচ্ছে শঙ্করীর নামে!’

ঘাটেপথে বেরিয়ে গাছের পাতা নড়ার শব্দে শিউরে ওঠে শঙ্করী, বাঁশের সরসরানি শুনেলে থমকে দাঁড়িয়ে পড়ে।

কিস্তি ?

সে ভয় কি শুধুই ভয় ? নিছক ভয় ?

তার সঙ্গে ভয়ানক একটা আশাও কি জড়ানো নেই ?

সর্বদা কি মনে হয় না, হঠাৎ কোন একটা বাঁশবাগানের ধারে, কি পুকুর-ঘাটের কাছে সেই সর্বনেশে লোকটাকে দেখতে পায় তো আর বাড়ি ফেরে না।……

কাল শুনেছে, বিয়ে উপলক্ষে কাকার বাড়ি থেকে নাকি ‘নেমস্তম্নিতে’ আসবে। কাল থেকে তাই মরে আছে শঙ্করী।

কি জানি কি বলবে খুড়ো কি খুড়তুতো তাইরা এসে !

নগেন কি সব বলে বেড়িয়েছে ?

নগেন কি ওখানে আছে এখনও ?

নগেন কি বেঁচে আছে ?

হয়তো টের পেয়ে সবাই মেরে ফেলেছে।

সেদিন কেন আমবাগানে গিয়েছিল শঙ্করী ? আর বে লোকটা তাকে মন্দ



পথে টানবার চেষ্টা করছিল, কেন আজও শঙ্করীর মনকে লক্ষ দড়িদড়া দিয়ে টানছে সে ?

মরতে গিয়েও কেন মরতে পারে না শঙ্করী।

পৃথিবীতে শঙ্করী বলে একটা মেয়েমানুষ যদি না থাকে কি এসে যাবে পৃথিবীর ! কলঙ্কিত মন নিয়ে ঠাকুরঘরের কাজ করছে সে, তুলসীতলায় প্রদীপ দিচ্ছে, এ মহাপাপের ফল—

চিন্তায় বাপা পড়ল।

কাশীখরী এসে দাঁড়িয়েছেন, তীব্রকণ্ঠে ডাকছেন, “নাতনৌ !”

## ॥ বারো ॥

ভয় ! ভয় !

সত্যর মনের কাছে এত বড় ভয়ের পরিচয় বোধ করি এই প্রথম।

‘কাটোয়ার নৌ’য়েব খুব যে একটা খোয়ার হবে এটা আশঙ্কা কবছিল সত্য, কিন্তু এ কি ! তিরস্কারের এ কোন্ ভাষা ? জীবনে অনেক কথা শুনেছে সত্য, অনেক কথা শিখেছে, কিন্তু এসব শব্দ তো কখনো শোনে নি।

‘অসভ্য’ মানে কি ? ‘উৎপত্তি’ কাকে বলে ? ‘কুল খাওয়া’ বলতেই বা কি বোঝায় ?

যে কুলের আচার তৈরি হয়, আর তেলে-হুনে জরিয়ে অপূর্ব আশ্বাদন পাওয়া যায়, এটা যে ঠিক সে জাতীয় নয়, এইটুকুই শুধু বুঝতে পারে সত্য। কিন্তু তার-পরই কেমন দিশেষহার হয়ে যায়। দূব থেকে হাঁ করে তাকিয়ে থাকে শঙ্করী আব কাশীখরীর দলের দিকে।

না, আর কেউ কিছু বলছে না, সবাই নিখর, এমন কি মোক্ষদা পর্যন্ত কেমন যেন স্তব্ধ, একা কাশীখরীই পালা চালিয়ে যাচ্ছেন, চাপা তীক্ষ্ণ গলায়।

শঙ্করীকে ধরে চিবিয়ে খেলেও বৃষ্টি রাগ মিটবে না, এমনি সব মুখভঙ্গী।

মোক্ষদা এক ধরনের, কাশীখরী আর এক ধরনের। মোক্ষদার ‘অটুট’ গভর, অসীম ক্ষমতা, অনর্গল বাকপটুষ্ণ। কিন্তু কাশীখরী তা নয়।

কাশীশ্বরী শোকের তাপে কিছুটা অথর্ষ, তাছাড়া চিরদিনই তিনি টেপামুখী। শুধু তেমন মোক্ষম অবস্থায় পড়লেই মুখ দিয়ে কথা বেবোয় তাঁর। চাপা তীক্ষ্ণ।

কিন্তু আজকের মত এমন সব কথা কবে বেবিয়েছে কাশীশ্বরীর মুখ দিয়ে? এমন ঘণা-জর্জরিত মুখই বা কবে দেখা গেছে তাঁর?

কে গিয়েছিল কাটোয়ায়?

কে কি শুনে এসেছে সেখান থেকে? বাব বাব শঙ্করীর বাপের বাড়ির কথাই বা উঠেছে কেন? তাবা নাকি কেউ ভোজবাড়িতে আসবে না, সম্পর্ক রাখতে চায় ন শঙ্করীর সঙ্গে! নেহাৎ নাকি তাবা, শঙ্করীর মা-বাপ নয়, খুড়োখুড়ি, তাই এমন মেয়েকে টুকবো টুকবো কবে কেটে কাটোয়ার গন্ডায় ভাসিয়ে দেয় নি।

আবঙ কত কথা, তাব সঙ্গে কত মুখভঙ্গী।

শঙ্করীকে গলায় দড়ি দিয়ে মববাব পবামর্শ দেওয়' হচ্ছে। দেওয়া হচ্ছে ঘাটে ডুবে মববাব নির্দেশ। পাঁচটা শঙ্করীর পাপস্পর্শেই যে কাশীশ্বরীর একমাত্র নাতীটা পিসের বচব না ঘুবতেই মবেছে, সে কথাও প্রমাণিত হয় যাচ্ছে আজকের বিচারের রায়ে।

অনেক শুনতে শুনতে শেষ পর্যন্ত এইটুকু বুঝতে পাবে সত্য, নাপিত-বোঁ আর রাখু কাটোয়' গিয়েছিল যজ্ঞিব জগ্নে নেমস্তন্ন কবতে। আর শঙ্করীর খুড়ী নাপিত-বোঁয়ের কাছে শঙ্করীর নামে যাচ্ছে তাই করেছে।

সেখান থেকে খুব যে একটা গর্হিত কাজ করে চলে এসেছে শঙ্করী, সে বিষয়ে আর সন্দেহমাত্র নেই। লক্ষ্মীর ঘরে সন্ধ্যা দিতে দেরি হওয়া অথবা মাঝ-সন্ধ্যা পর্যন্ত ঘাটে বসে থাকাব চাহতে যে অনেক বেশী গর্হিত তা বুঝতে পারা যাচ্ছে

কিন্তু শঙ্করীর অপবাদের সঙ্গে তার খুড়ীর বোঁপোর যোগ কোথায়? সে কেন শঙ্করীর জগ্নে বা ড ছেড়ে নিরুদ্দেশ হয়ে চলে গেছে?

এইখানেই মন গোলামাল লাগছে সত্যর।

সব যেন চেয়ালি।

এই অল্প উগাতের অর্থহীন জীবনে না-জানা শব্দগুলো সত্যর বুকটাকে কেমন গিম-হিম করে দিচ্ছে। ভয় করছে। যে অল্পভূতি জীবনে জানে না সত্য, আজ সেই অল্পভূতি তার সমস্ত সাহসকে যেন বোবা করে দিয়েছে।

গিন্নীরা কাউকে শাসন কবছেন, অথচ সত্য তাব মনো কোঁডন কাটছে না, এমন ঘটনা বোধ করি সত্যর জ্ঞানে এই প্রথম। অপরাধীর পক্ষ নেওয়াই সত্যর স্বভাব। তা সে অপরাধী যে শ্রেণীর হোক।

একবার বাসন-মাজুনী বাগ্দী-বৌ সন্ধ্যা কবে ঘাটে বাসন মাজতে গিয়ে পাঞ্জার বাসন থেকে একটা বাটি হাবিয়ে ফেলেছিল। খুব সম্ভব বাটিটা জলেই ডুবে গিয়েছিল, কিন্তু বাগ্দী-বৌকে 'চোর' অপবাদ দিয়ে ন স্তূতো ন ভবিষ্যতি করেছিলেন শিবজায়া আর দীনতারিণী। এং মোক্ষা হকুম দিয়েছিলেন, "না যদি নিয়েছিস তো সমস্ত বাত ওই পুকার হাতডে বাটি খুঁজে বার কর।"

বাগ্দী-বৌ যত হাউ-মাউ কাঁদে, গৃহিণীকুল ততই চেপে ধরেন তাকে। চুরির উদ্দেশ্যেই যে সে বেলা গড়িয়ে বাসন মাজতে আসে এ সম্ভব্যও করতে ছাড়েন না তাঁরা। সেযাত্রা সতাই তো রক্ষে করেছিল বাগ্দী-বৌকে।

বলেছিল, "চল বাগ্দী-বৌ, আমিও খুঁজিগে তোব সন্ধে। আমি খুব দাতার জানি, দাতারে এপার-ওপার করে বাটি হাতড়াব।"

"তুই খুঁজবি মানে?"

ধমকে উঠেছিল সবাই। এং সকলকে চমকে দিয়ে সত্য উদাসভাবে বলেছিল, "তা খুঁজতে হবে বৈকি। তোমাদের পাপের প্রাচিন্তির আমাকেই করতে হবে, ভগবান যখন আমাকে তোমাদের ঘরের মেয়ে করে পাঠিয়েছে। বাড়িতে যাদের পাঁচসিন্দুক বাসন, তারা যদি তুচ্ছ একটা ডাল খাবার বাটির জগ্গে একটা মাথুনের প্রাণবধ করতে চায়, তবে একজনকে তো তাব প্রতিকার করতে হবে।"

'খ' হয়ে গিয়েছিল সবাই, আর বোধ করি তুচ্ছ একটা বাটির জগ্গ নিভেদের তুচ্ছতার বহরটা সেই প্রথম নজরে পড়েছিল তাদের।

"তবে আর কি, পাঁচসিন্দুক বাসন আছে তো হরির ছুট দিগে য' বাসনের। অনেক পয়সা আছে তোব বাপের।" বলে কেমন 'যেন শিখিলভানে রণে ভঙ্গ দিয়েছিলেন তাঁরা।

বাগ্দী-বৌ গলায় কাপড় দিয়ে সত্যকে প্রণাম করেছিল সেদিন।

তা এমন অনেককেই অনেক সময় বিপদ থেকে ত্রাণ করেছে সত্য। কিন্তু আজ আর সত্যর গলা দিয়ে শব্দ বেরোচ্ছে না।

একটা অন্ধকার অরণ্যের গা-ছমছমে রহস্ত মুক করে দিয়েছে সত্যকে।

কখন যে তিরস্কার-পর্ব শেষ হল, কখন যে গিন্নীরা আপন আপন কর্মে প্রস্থান কবলেন, কাটোয়ার বৌ তারপর গেল কোথায়, এসবের কোন খবরই আর রাখতে পাবে নি সত্য। কখন একসময় যেন আশ্বে আশ্বে চলে গিয়ে সারদার ঘরের মেজেয় পবনের চাঁদের-আলো-রঙা আটহাতী শাড়িখানির আঁচলটুকু বিছিয়ে শুয়ে পড়েছিল। যেখানে সারদাও শুয়ে আছে সেই একই পদ্ধতিতে, কোলের ছেলেটুকুকে কোলের কাছে নিয়ে।

সারদা বলেছিল, “শুনে যে সত্য ঠাকুরঝি!”

“শুলাম।” বলে উত্তর এড়িয়েছিল সত্য।

সারদা আব একবার নিশ্বাস ফেলে বলেছিল, “কাটোয়ার বৌ অত গাল খাচ্ছিল কেন ঠাকুরঝি?”

সত্য বলেছিল, “জানি না।”

সত্যর পক্ষে এমন সংক্ষিপ্ত স্বল্প ভাষণ প্রায় অভূতপূর্ব, কিন্তু সারদারও নাকি মনে স্থখের লেশ নেই—তাই আর বেশী কথা বাড়ায় নি। একসময় ছেলের সঙ্গে ~~সুনিশ্চিত~~ পড়েছিল।

কিন্তু সত্যর চোখে ঘুম আসতে চায় না।

ভয়ের সেই অল্পভূতিটা ছাড়তে চায় না তাকে।

থেকে থেকে বুকটা কেমন ঠাণ্ডা আর ফাঁকা-ফাঁকা লাগে। অজানা ওই শব্দগুলো না হয় চুলোয় যাক, কিন্তু আর একটা নতুন ভয় যে মনের মধ্যে বাসা বাঁধল এসে।

সত্যিই যদি কাটোয়ার বৌ...

গলায় দড়ি দেওয়ার পদ্ধতিটা কি, আর তার পরিণামই বা কি ঠিক জানে না সত্য, কিন্তু অপরটার আশঙ্কায় বার বার গায়ে কাঁটা দিচ্ছিল তার। যদি তাই হয়?

যদি কাল ‘যজ্ঞ’র প্রয়োজনে পুকুরে জাল কেলেতে গিয়ে জেলেরা মাছের সঙ্গে আরও একটা জিনিস হেঁকে তোলে!

ভারী রই পড়েছে ভেবে আফ্লাদে হেঁই হেঁই করে জাল টেনে তুলে যদি দেখে মাছ নয়!

বুকের মধ্যে ঢেঁকির পাড় পড়ার মত শব্দ হতে থাকে সত্যর।

কজনকে পাহারা দেবে সে?

সারদার ব্যাপারেই তো ভয়ে আর বাপের হুকুমে তটস্থ হয়ে আছে, তার

ওপর আবার কাটোয়ার বৌ চাপল মনের মধ্যে। কাকে রেখে কাকে দেখবে সত্য ?

গালাগালির সময় মুখটা কি রকম দেখাচ্ছিল কাটোয়ার বোয়ের ?

সত্য কি তাকায় নি ?

বোপ হয় তাকিয়েছিল, কিন্তু দালানের এক কোণায় মিটমিট করে একটা প্রদীপ জ্বলছিল, তার থেকে দাঁওয়ায় আর কত আলো এসে পড়বে ?

তাও আবার চাঁদের এখন আঁধার-কাল চলছে। ‘শুক্ল’ চললে তবু উঠোনে নাগানে হেঁটে চলে যুথ, মনিস্বিকে দেখাও যায়। - ‘আঁধারে’ তো সঙ্কেত হলেই হয়ে গেল !

মানুষের সঙ্গে কথা কওয়া ওই মুখ-চোখ না দেখেই।

না, শঙ্করীর মুখ দেখতে পায় নি সত্য।

তাই বুঝতে পারছে না, ওই অদ্ভুত অদ্ভুত শব্দগুলোর মানে শঙ্করী ধরতে পেরেছে কিনা।

আচ্ছা সারদাকে একবার চুপি চুপি জিজ্ঞেস করবে সত্য ? যতই হোক সারদা সত্যার দুঃখ বয়সী, ছেলের মা, কতদিন আগে বিয়ে হয়েছে। সারদার, হয়তো বিদঘুটে কথাগুলোর মানে জানা থাকলেও থাকতে পারে।

কিন্তু বার বার বলি-বলি করেও বলতে পারল না শেষ অবধি। মুখের দরজায় কে যেন ভালাচাবি দিয়ে দিয়েছে।

মানে বুঝতে না পারলেও কথাগুলো যে খারাপ কথা, সেটা বুঝতে পেরেছে সত্য।

কাটোয়ার বোয়ের সঙ্গে খুব যে একটা যোগাযোগ ছিল সত্যার তা নয়। একে তো মাত্র বছরখানেক হল এসেছে সে, সবে আগন্তুক হয়ে, তাছাড়া সে তো নিরামিষ দিকের। একসঙ্গে খাওয়াদাওয়া নেই। তবে নাকি নেহাৎ দেখা-সাক্ষাৎ-স্বভেদে কথাবার্তা। তাও বিশেষ মিশুক নয় শঙ্করী। সর্বদাই যেন আনিমনা, কাজেই—

সত্য আভাও যখন সন্ধ্যা গড়িয়ে যাওয়ার অপরাধে চুপি চুপি অবহিত করতে এসেছিল শঙ্করীকে, তখন নেহাৎ একটা জীবের প্রতি যতটুকু মমতা-স্বাক্ষা উচ্চিক করার বেশী ছিল না। কিন্তু এখন যেন মায়ার মন ভরে যাচ্ছে

সত্যর। মনে হচ্ছে কত না-জানি কাঁদছে বেচারী! জগতে এমন কেউ নেই  
ওর যে সে কাঁদায় একটু সাহসনা দেয়।

বিধবা হওয়ার কি কষ্ট!

সত্যরও তো বিয়ে হয়েছে। একটা বরের সঙ্গেই নাকি হয়েছে। সেই  
বরটা যদি হঠাৎ মরে যায়, সত্যও তো তাহলে বিধবা হবে?

তা যদি হয়, সত্যকেও সবাই অমনি করে খোয়ার করবে?

কিন্তু তাই বা কি করে বলা যায়?

পিস্তাকুরমাও তো বিধবা।

বিধবা আরো কতজনই, তাদের ভয়েই তো সবাই তটস্থ হয়ে থাকে।

ওদের দেখে মন হয়, ওরাই যেন পৃথিবীর দণ্ডমুণ্ডের কর্তা।

তবে? ওরা বড় বলে? কিন্তু তাই কি? এরা বড় হলে ওরকম হতে  
পারে?

না, এ সব ঠিক বুঝতে পারে না সত্য।

শুধু যে বয়েস দিয়েই সব বিচার হয় তা তো নয়। এই যে তার বাবাকে  
দেশহীন লোক ভয় করে, জেঠামশাইকে কি কেউ তা করে? উন্টে জেঠামশাই  
পর্বত তো বাবার ভয়ে কাঁটা। শুধু কি জেঠামশাই? সেজঠাকুন্দা? নঠাকুন্দা?  
কে নয়? ওরা তো আর মেয়েমানুষ নয়?

বয়েসটা কিছু নয়। ছোট বড় বলেও কিছু নয়।

তাহলে ভয়ের বাসটা কোথায়?

ভাবতে ভাবতে খই পায় না সত্য। ভাবতে ভাবে। কে যে ওকে ভয়ের বাস  
খোঁজার চাকরি দিয়েছে কে জানে।

অনেক রাতে ভুবনেশ্বরী আসে ডাকতে।

“এই সত্য, না খেয়ে ঘুমিয়েছিলি যে, ওঠ!”

সত্য পাশ কিরে ঘুমের ভান করে জানায়, তার খিদের অভাব।

ভুবনেশ্বরী বকে ওঠে, “খিদে নেই কেন? ওঠ, যা, রাত-উপুসী থাকতে  
নেই। কথায় বলে রাত-উপুসে হাতী কাবু। বড় বোঁমা, তুমিও ওঠো দিকিন্  
বাছা। সারাদিন উপুসে আছে, আর অমন করে পড়ে থাকো না। স্বামী-  
পুস্তুরের অকল্যাণ হয় ওতে।”

ভুবনেশ্বরীর গলা পেরেই খড়মড়িয়ে উঠে বসেছিল সারদা। পৃথিবী  
থেকে বিদায় নেবার তীব্র ইচ্ছেয় ধরাশয্যা নিয়ে পড়ে থাকলেও খুঁড়শান্তীকে

দেখে সমীচ করবে না, এমন কথা ভাবা যায় না। তাই ধড়মড়িয়ে উঠেছিল। স্বামী-পুত্রের অকল্যাণ শুনে এবার মনে মনে ধড়কড়িয়ে উঠল।

ভুবনেশ্বরী ফের বলে, “আমি তোমার ছেলে দেখছি, যাও ওঠো। সত্যকে ভেদে নিয়ে খেতে যাওগে। তোমার শাশুড়ী হেঁসেল আগলে বসে আছে। এ-বেলায় জাল ফেলিয়ে মস্ত একটা মাছ ধরানো হয়েছিল, ‘এসো-জন বসো-জন’ যদি আসে বলে। খামি খামি দাগার মাছ আর আমের বাখরা দিয়ে এমন খাসা টক রোঁপেছে দিদি, দেখগে যাও খেয়ে।”

ভুবনেশ্বরী অনেকগুলো কথা বলে গেলেও সত্যর কানে তার শেষ অবধি পৌঁছয় নি। পুকুরে জাল ফেলে বড় মাছ ধরা হয়েছে, শুনেই তার মনশক্কে ভেসে উঠেছে জালবদ্ধ আর একটা জীব। যাকে টেনে তুলে ধড়াস করে পুকুরপাড় ফেলা হয়েছে আর যে মুখ চন্দ্র-স্বস্থিতে দেখতে পানার কথা নয়, সেই মুখ সহস্র লোকে দেখছে।

কিন্তু সেই মুখের উপর যে চোখ দুটো বসানো আছে, সে কি আর দেখছে? জীবনে কি আর দেখবে কোন কিছু?

উঠে বসে তাড়াতাড়ি বলে, “মা, কাটোয়ার বৌ কোথায়?”

“কোথায় আবার,” স্বকার দিয়ে ওঠে ভুবনেশ্বরী, “কাঁধা মুড়ি দিয়ে শুয়েছে গিয়ে। তাকে তোর দরকার কি? খেতে যাচ্ছিস খেতে যা।”

“খাব না, খিদে নেই।” বলে ফের শুয়ে পড়ে সত্য।

কিন্তু ওদিকে ‘দাগা দাগা রুই মাছ আর আমের বাখড়ার টক’ অগ্নত্র কাজ করেছে। একে ঘোল বছর বয়সের ছরস্তু স্বাস্থ্য, তার উপর সারাদিন ছেলেটা বুকুর দুধ টেনে খাচ্ছে।

সতীনকাঁটার যন্ত্রণাটাও যেন কাবু হয়ে এসেছে।

তবু একান্ত বাসনা সন্তোষে বাধা আসে মনে।

সারাদিন অভুক্ত পড়ে থেকেও সেই অভুক্ত চেহারাটার স্বামীর সঙ্গে এক বার দেখা হল না, কে জানে রাতে হতে পারে কিনা! আজ তো নতুন বোয়ের ‘কালরাজি’, কাজেই আজ পুরনো বৌ প্রাধান্ত পেলেও পেতে পারে। দ্বিবি করে যাচ্ছের ঝাল দিয়ে একপাখর ভাত সেটে এসে অভিমান জানাবে কোন্ মুখে? সারল্লা তাই চিঁ চিঁ করে বলে, “সবে পেটের ব্যথাটা একটু নরম পড়েছে—”

“তা হোক। ও খেলেই নরমে যাবে,” নরম গলায় বলে ভুবনেশ্বরী, “তুমি ডেকেডেকে নিয়ে গেলে তবে যদি সত্য ছুটো খায়।”

নিজের শাস্ত্রীর সঙ্গে কথা চলে না। ষোমটা দিতে হয় একগলা। কথা যা তা এই শাস্ত্রীর সঙ্গেই। তা খুড়শাস্ত্রীর কর্তেব নরম হরটুকুই চোখে জল এনে দিল সারদার। অগত্যাই আব রাসুর সামনে অভুক্ত মুখ দেখাবার ইচ্ছেটাকে টেনে রেখে দেওয়া গেল না, সারদা সত্যকে নাড়া দিয়ে বলল, “চল ঠাকুরঝি, যা পারবে খেয়ে নেবে।”

সত্য উঠে বসল।

হাই তুলে বিরক্ত হয়ে উঠে বলল, “বাবা, ছু দণ্ড যদি একটু নিরিবিলিতে পড়ে থাকার জে আছে। নাও চল।”

সারদা চলে যেতেই ভুবনেশ্বরী একটা অসমসাহসিক কাজ করে বসল।

ঘুমন্ত ছেলেটাকে কাঁথা মুড়ে কোলে চেপে নিয়ে ঘর থেকে বেরিয়ে চুপি চুপি রাখুর মাকে গিয়ে বলল, “রাখুর মা, বড় ছেলেকে একবার ডেকে দে-তো। বলবি জরুরী দরকার।”

বড় ছেলে অর্থে রাখু।

রাখুর মা এদিক ওদিক তাকিয়ে ফিসফিস করে বলে, “দেখে এলাম চণ্ডীমণ্ডপে শুয়েছে।”

“তা হোক, তুই আমার নাম করে ডেকে নিয়ে আয়।”

ঘরের দরজার কাছাকাছি গিয়ে মায়ের ডালুকে খমকে দাঁড়িয়ে পড়তে হল সত্যপত্নীকে, আর সারদার বুকটা কী এক আশার আশঙ্কায় চমকে উঠেই শীতকালের পানাপুকুরের জলের মত ঠাণ্ডা নিখর হয়ে গেল।

অভ্যস্ত উচ্চারণে মায়ের নাম ধরে ডাক দেয় নি ভুবনেশ্বরী, ব্যস্ত অথচ চাপা গলায় বলে উঠেছে, “এই, তুই এদিকে আয়।”

‘তুই’ অর্থেই সত্য।

আর বিশেষ করে সত্যকেই হঠাৎ চাপা গলায় ডাক দিয়ে সরিয়ে নেবার অর্থ কি? অর্থ আছে, এরকম ডাকের একটাই অর্থ হয়, আর সে স্বার্থ। সত্যর কাছে ধরা না পড়লেও সারদার কাছে বেন ধরা পড়েছে। তাই না।



বুকটা চঠাৎ এমন হিম-হিম নিখর হয়ে গেল। তাই না আঁশার আশঙ্কায় চমকে উঠল সে বুক।

সাবনা জানে, সারদার মনে আছে।

ছেলেবেলায় সারদা যখন নিঃশব্দচিত্তে তাব সত্ত্ব-বিবাহিতা কাকীমার কাছে শোবাব শয়না নিয়ে তোড়জোড় কবত, তখন ঠিক এমনি চাপা গলায় তার মাও ডাক দিতেন, “ইদিকে আয় বলছি।” তবুও বায়না করত সারদা। এখন মনে পড়লে কী হাসিই পায়!

সত্যবতী খমকে দাঁড়িয়ে পড়ে বলল, “বড় বোঁ কি একলা শোবে নাকি? তোমাদের আক্কেলটা তো ভাল!”

ভুবনেশ্বরী হাসি চেপে ভৎসনার স্বরে বলেন, “খাম্, তোকে আর সঙ্কলের আক্কেল খুঁড়ে খুঁড়ে বেড়াতে হবে না। একলা কেন, অত বড় বেটা ঘবে রয়েছে বড় বোঁমার, সে কি কম নাকি?”

“জানি না বাবা, তোমাদের একো সময় একো মতি! এইটুকুখানি কচি ছেলে, যার গলা টিপলে দুধ বেরোয়, সে আগলাবে মাকে!”

“তুই আসবি?”

“যাচ্ছি যাবা বাচ্ছি। তর সময় না একটু, সবাই যেন ঘোড়ায় জিন্ দিয়ে আছে। নাও চল। একটা মনোকষ্টওলা মাহুম এই আঁধারপুরীতে একলা পড়ে থাকবে, এই যখন তোমাদের বিচের তো তাই হোক! কোন্ মুখেই যে তোমরা ধমকখা কও, তাও জানিনে বাবা!”

আট হাত শাড়িখানার হাতত্বিনেক অংশমাত্র কাজে লাগিয়ে, আর বাকী হাতপাঁচেক বিঁড়ে পাকিয়ে কুক্ষিগত করে নিয়ে মায়ের পিছু পিছু চলল সত্যবতী অনিচ্ছামুহুর গতিতে। সত্যিই তার আজ সারদার কাছে শুভে ইচ্ছে ছিল। প্রধানতঃ সারদার প্রতি সহানুভূতি, দ্বিতীয়তঃ মনে আঁশা করছিল, যদি শুয়ে শুয়ে গল্প করতে করতে ‘ভয়ঙ্কর’ শব্দগুলোর অর্থ উদ্ধার করে নিতে পাবে!

শব্দগুলো যে ভাল নয়, বড়দের কাছে প্রশ্ন করলে যে সত্যি উত্তর পাওয়া যাবে না, ঠেলামারা একটা ভুলভাল উত্তরের সঙ্গে হয়তো বা ধানিকটা ধমকই জুটবে— এ বিষয়ে যেন নিশ্চিত হয়ে রয়েছে সত্যবতী।

অথচ ভয়ঙ্কর অদম্য একটা কৌতূহল ভিতর থেকে চাড়া দিচ্ছে। শব্দ-গুলোর অর্থ সংগ্রহ করতে পারলেই যেন অনেক রহস্যের স্বরের চাপি খোলা

যায়। অন্ততঃ শব্দরা কৈন চক্ষিণ ঘণ্টা ‘মরব’ ‘মবব’ করে, আর বাড়ির সকলে কৈন তার প্রতি এককড়া সদ্যবহার করে না, এটুকু যেন ওর থেকেই দ্বা যাবে।

কিন্তু সকল গুড়ে বালি দিল মা।

তা নতুন কিছুও নয় অবিদ্রি। জন্মাবধি তো দেখে আসছে সত্যবতী, বড়দেব কক্ষই হচ্ছে ছোটদের সকল ইচ্ছেব গুড়ে বালি দেওয়া।

দীনতারিণী স্বরে বাড়ির সব কটা ‘সোমন্ত’ মেয়েব শোবার ব্যবস্থা। ঘবটা প্রকাণ্ড বড় বলেও বটে, তা ছাড়া বড় বড় মেয়েরা এখান ওখান ছড়িয়ে থাকে এটা বিধি নয়। এই ‘বসন্ত’ মেয়েদের মধ্যে ন বছরের সত্যবতীই সব চেয়ে বড়, আর তার বিয়েও হয়ে গেছে, তাই সে হচ্ছে দলনেত্রী। পুণ্যি রাজু নেড়ী টেপী পুঁটি রাখালী সকলেই তাকে ওপরওলাব সম্মানটা দেয়।

আজ ওরা সত্যর জন্মে অনেকক্ষণ অপেক্ষা করে ঘুমিয়ে পড়েছিল, সত্য এসে দেখল ঘুমন্ত পুরী। যে যেমন ইচ্ছে হাত-পা ছড়িয়ে শুয়েছে, জায়গা বিশেষ নেই, ওর মধ্যেই ওদের হাত-পা ঠেলেঠুলে জায়গা করে নিতে হবে।

সত্য বিরক্তভাবে আর একবার বলে উঠল, “একদিন অগ্ন্তর শুলে যে কী মহাভারত অন্তর্দু হয়ে যেত মা মঙ্গলচণ্ডীই জানে!...নে সবু দিকি, এই পুঁটি, ঠ্যাঙটা একটু গুটো।”

বলা বাহুল্য পুঁটির স্থপ্তির গভীরতায় এ স্বর পৌঁছল না। অগত্যই সত্যবতী বাক্যবলের সাহায্য ছেড়ে বাহুবলের শরণ নিল। পুঁটির পা আর রাখালীর হাত সরিয়ে নিজের মতন একটু জায়গা করে শুয়ে পড়ল বিছানায়। দীনতারিণী এখনো আসে নি, তাঁর শুতে আসতে দেরি হয়, বিধবাদের দিকের রাতের জলপান চালভাজা তিলের নাড়ুকে বুড়ো দাঁতে জ্বল করতে সময় লাগে।

ঠাকুমার বিছানাটা ঠিক আছে কিনা একবার দেখে নিল সত্যবতী। আছে বটে একফালি ঠাই। অবিদ্রি বিছানা আর কি, ঘরজোড়া একখানা শতরঞ্জির উপর বড় বড় মোটা মোটা খানকয়েক কাঁধা পাতা, আর তারই মাথার দিকে দেয়ালজোড়া টানা লম্বা মাথার বালিশ।

একসঙ্গে যাতে স্মারি স্মারি অনেকগুলো মাথা ধরানো যায় তার জনোই এই অভিনব মাথার বালিশের আয়োজন। এক-একটা বালিশ বোধ হয় লম্বায় চার হাত আর ওজনে আধ মণ, যারা শোয় তারা নিজেরা তাকে এক

ইঞ্চিও নড়াতে পারে না। নিজের বালিশকে নিজের ঘাড়ের তলায় ইচ্ছেমত ভঙ্গীতে রাখতে পারার স্তম্ভ ওরা জানেন না।

বালিশগুলো যে শুধু মাপেই বড় বলে ভারী তাও তো নয়, তুলোগুলোও যে পুরনো। জিনিস যত সস্তাই হোক আব যত বেশীই প্রাচুর্য থাক—অপচয় করার কথা কেউ কল্পনাও করতে পারে না। তাই কর্তাদের বড় বড় তাকিয়াগুলো ছিঁড়ে গেলে যখন তাঁদের জন্তে নতুন ‘খেরো’ দিয়ে নতুন তুলোর তাকিয়া বানানো হয়, তখন পুরনো তুলো আব ছেঁড়া আব খেরোগুলো কাজে লাগানো হয় বাড়ির নাবালকদের জন্তে।

সব বাড়িতেই একই অবস্থা। ছেলেপুলে কাচা-বাচা ছাড়া সংসারের যত ওটা মালের গতি হবে কাদের উপব দিয়ে? তবু তো কবরেজ-বাড়ির অবস্থা উত্তম। বাৎসরিক বৃত্তি দিয়ে সাজে-ধোবা ঠিক করা আছে, নিয়মিত সব কর্সা করে দিয়ে যায় সে। মানে আর কি কেচে শুকিয়ে পাট করে দিয়ে যায় কি আর? ‘কাচা’ব পুকুরে কেচে ভিজে কাপড়-চোপড়ের ‘ডাঁই’ খিড়কির পুকুরেব পৈঠেয় নামিয়ে রেখে যায়। তার পর তো আছেন মোক্ষল। ভাল পুকুরে ভাল দিয়ে শুক করে সেই ভিজের বস্তা রোদে মেলে দেওয়ার দায়িত্ব তাঁর। তার পর হাছে বো-ঝিরা। শিবজায়ার ছেলের বোঁরা, কুঞ্জর বোঁ, ভুবনেশ্বরী, পরবর্তী ভিউটি এসে পড়ে এদের ওপর।

নিত্যি বিছানা কাঁথার ওয়াড় খোলা আর ওয়াড় পরানো কম ঝামেলার ব্যাপার নয়, কিন্তু রামকালীর যে ধোবার উপর এবং সংসার-পরিচালিকাদের উপর কড়া হুকুম দেওয়া আছে অন্তত মাসে দু ফ্রেপ সব সাফ করতে।

আজই বোধ হয় সব সত্ত্ব কাচা। কলা-বাসনার ফার আর সাজিমাটির গন্ধ ছাড়ছে। সত্যবতী নাকে কাপড় দিয়ে শুয়েছে, এই গন্ধটা তার ভারী দিল্লী লাগে। ও শুয়ে শুয়ে ভাবে, এই বিচ্ছিরি গন্ধটা বাদ দিয়ে কাপড় কাচা যায় না? ওটা ভাবতে ভাবতে আরও অল্প ভাবনায় চলে গেল সত্যবতী।...

বড়বোঁ তো একা গুলো, মাঝরাতে উঠে যদি জলে ডুবতে যায়? বোঁটা তো যাবেই, বাবাকে কি জবাব দেবে সত্য? তারপর গিয়ে রাত পোহালেই বাড়ি কুটুমে ছেয়ে যাবে, তার মাঝখানে সেই বড়বোঁয়ের ডুবে মরার র্যালা। আচ্ছা বিপদ হল বটে।

নাঃ, নিশ্চিন্দী থাক। চলে না, বেশী রাতে বাড়ি নিসোড় নিশ্চুপ হয়ে গেলে

উঠে গিয়ে দেখে আসতে হবে বড়বৌকে। সব চেয়ে ভাল হয় ওর ঘরটায় বাইরে থেকে শেকল তুলে দিলে, নইলে কবার আর দেখতে যাওয়া যাবে? কোন ফাঁকে যদি উঠে গিয়ে সর্বনাশ ঘটিয়ে বসে থাকে বড়বৌ?

দরজার মাথায় শেকল, সত্যবতীর হাত পৌঁছয় না, কিসের ওপর উঠে শেকল হাত পাওয়া যায় তাই ভাবতে থাকে সে।

টিপ্-টিপ্-করা বুকটা নিয়ে সারদা ঘরে ঢোকে। সারদার আহাংকালীন অবকাশে ছেলে কেঁদে ভুবনেশ্বরীকে জ্বালাতন করেছিল কিনা জিজ্ঞেস করতেও পারে না। ভুবনেশ্বরীই নিজ থেকে বলে, “নিঃসাদে গিয়ে শুয়ে পড় তো বড়বৌমা, ছেলে সবে ঘুমিয়েছে, জেগে না যায়। শেওরে কাজললতা দিয়ে শুইয়ে রেখে এসেছি।”

রাস্ককে ডাকিয়ে এনে ঘরে পুরে দেওয়া পর্যন্ত স্বস্তি ছিল না ভুবনেশ্বরী। কি জানি যদি অঙ্ককারে ঠাহর করতে না পেরে ‘কে কে’ করে চৌকিয়ে এসে সারদা!

এদিকে আবার রাস্ককে বলতে পারে না যে “ঘরের পিছিম নিভিও না”, কারণ ছেলেকে শোবার ঘরে পুরে দিয়ে আর তার সঙ্গে কথা কইতে মায়েরই লজ্জা লাগে। এ তো ভাস্করপো। আর সারদাকেই বা স্পষ্টাঙ্গী বলা যায় কি করে, “ওগো তোমার জ্বলে ঘরের মধ্যে মানিক আনিয়ে রেখেছি।” বলা যায় না বলেই কচি ছেলের ছুতো।

তা ছাড়া আর একটু কারণও কি ছিল না? একটু কৌতূহল সারদা? হলেও শাস্ত্রী সম্পর্ক, তবু তো মেয়েমানুষ। আর বাঘা রামকালার দবণা হলেও ভুবনেশ্বরী যেন এখনও ভিতরে ভিতরে কোথায় একটু কাঁচা একটু সবুজ রয়ে গেছে।

‘মানিকে’র উপমাট্র ভুবনেশ্বরীরই মনে এসেছে। নিত্যকার মানুষটাই যে আজ সারদার কাছে পরম মূল্যবান হয়ে উঠেছে, এ কথা ধোঁকবার কমতা ভুবনেশ্বরীর কাছে। দেখা যাক বড়বৌমা কতটুকু করায়ত্ত রাখতে পারে স্বামীকে! অবিশ্যি ভয়সা কিছু নেই, বেটাছেলের মন, নতুন বৌ ডাগরটি হয়ে উঠতে উঠতে সারদাও কোন না ততদিনে তিন ছেলের মা হয়ে বসবে! তখনকি আর রাস্ক নতুন ছেলের মধু কলে—

ভাবতে গিয়ে চমকে গেল ভুবনেশ্বরী। মনে মনে নাক-কান মললো। রাস্তা না তার পুত্রস্বানীয়! তার সম্পর্কে এসব কথা কি বলে ভাবছে সে! সম্পর্কের মান-মর্যাদা আর থাকছে কি করে তা হলে!

ওদের সম্পর্কে সব ভাবনা জোর করে মুছে নিয়ে রান্নাঘরের দিকে চলে গেল ভুবনেশ্বরী। এবার তাদের দলের খাবার পালা। তবে আজ আর খাবার পরে ঘুম নয়, রাত জেগে কালকের যজ্ঞির কুটনোবাটনা করতে হবে। বড়লোকের বাড়ির বৌ বলে তো আর আয়েস করবার হুকুম নেই। বৌ হচ্ছে বৌ। বরং রাস্তার মা ছুঁপা ছাড়িয়ে বসলে, কি কাজে গাফিলি করলে কেউ কিছু বলবে না, কিন্তু বৌদের সেরকম আচরণ অমার্জনীয়!

তা খাটুনিতেও দুঃখ ছিল না, যদি শুধু নিজেরা জা-ননদের দল থাকতে পায় সে দলে। হাতের সঙ্গে গল্পপাছাও চলে তা হলে। কিন্তু তা তো হবার জো নেই, একজন গিন্নী পাহারাদার থাকেনই।

বৌরা 'ঘরভাঙানি' মজ্ঞা করছে কিনা সেটা তো দেখতে হবে তাঁদের। ওই শুরু কর্তব্যের দায়ে বেচারী শিবজায়াকে যে মরতে মরতে রাত জেগে ছেলেবোয়ের ঘরের পেছনের ঘুলঘুলির নিচে কান পেতে বসে থাকতে হয়।

সারদার ঘরে অবশ্য ঘুলঘুলি নেই। ভাল জানালা আছে। বাড়ির মধ্যে সব সেরা ঘরটাই সারদার। বর্ধমান থেকে মিস্ত্রী আনিয়ে রামকালী যখন অনেক খরচা করে দক্ষিণের উঠোনে এই ঘরদালান বানিয়েছিলেন, তখন সকলেই ভেবেছিল এটা রামকালীর নিজের জগুই। মিস্ত্রীর কাজ শেষ হয়ে গেলে দীনতারিণীও তাই বলেছিলেন, "একটা শুভদিন ছাখ তা হলে রামকালী নতুন ঘরে ওঠবার।"

রামকালী হেসে উঠে বলেছিলেন, "তোমরা যে দেখছি গাছে না উঠতেই এক কাঁদি গো মা। ঘরে যে উঠবে, সে আসুক আগে?"

দীনতারিণী অবাক হয়ে বলেছিলেন, "কে আসবে? কার কথা বলছি?"

"ঘরের লক্ষীর কথাই বলছি মা," রামকালী বোধ করি মায়ের হৃদয়ত ধারণা অগ্রহণ করেছিলেন, তাই একেবারে মায়ের ধারণা-বৃক্ষের মূলে কুঠারাবাত ঘরের পরম শাস্তভাবে কথা শেষ করেছিলেন, "কেন, তুমি কি শোন নি রাস্তার বিয়ের কথা চলছে?"

রাস্তার! রাস্তার বৌ এসে ওই ঘরের দখলীদার হবে।

দীনতারিণীর সতীনপোর ছেলেব বোঁ ! দীনতারিণী আর আত্মসংবরণ করতে পারেন নি, বিবর্তভাবে বলে উঠেছিলেন, “অজ্ঞানের মতো কথা বলো না রামকালী । ওই সেরা ঘরখানা তুমি রাস্তাকে দেবে !”

রামকালী আর হাসেন নি, গম্ভীর কণ্ঠে বলেছিলেন, “দেওয়া-দিইর কথা কিছু নেই মা, যাব যা গ্যায় প্রাপ্য সে তা পাবে ।”

দীনতারিণী তথাপি ছেলের ক্রোধশঙ্কা তুচ্ছ করেও মনের উদ্ভ্রা প্রকাশ না করে পারেন নি, বলে ফেলেছিলেন, “তুমি মাথার ঘাম পায়ে ফেলে উপায় করছ, ‘হীরে হেন জিরে’ এনে নবাবীপছন্দে ঘষ গড়লে, সে অবি্য কুঞ্জর বেটা-বোঁয়েব প্রাপ্য হল কোন সুবাদে রামকালী !”

না, রামকালী প্রত্যক্ষে তিরস্কাব করেন নি মাকে, বরং আরও শাস্তকণ্ঠে বলেছিলেন, “যে সুবাদে মাছুষ বনের জঙ্ক-জানোয়ারদেব মতন উদ্যম হয়ে না বেড়িয়ে কোমবে কাপড় দিচ্ছে মা । যাকগে ও কথা থাক, ‘জ্যোত্ব শ্রেষ্ঠ ভাগ’ এ নিষিটা তো তোমাব অজানা নয় মা । রাস্ত এ বাড়িব জ্যোত্ব ছেলে ।”

দীনতারিণীব চোখে জল এসে গিয়েছিল হুঃখে আর অপমান-বোধে, তাই শেষ-বেশ তর্কে বলে বসেছিলেন, “মেজ বোঁমার প্রাণটার দিকেও তো তাকাত হয় । যতই হোক সে এখনও কাঁচা ছেলে, এই ঘর আরস্ত হয়ে ইস্তক তার একটা আশা ছিল তে’ ।”

রামকালী এবার আব একটু হেসেছিলেন, “তোমার মেজ বোঁমার যদি এমন ইস্ততে আশা হয়েই থেকে থাকে তো সে আশায় ছাই পড়াই উচিত মা ।”

“ছাই পড়াই উচিত ?”

আঁচল দিয়ে চোখ মুছেছিলেন দীনতারিণী । মেজ বোঁমার আশাভঙ্গব কল্পনায় যত না হোক, নিজেব আশাভঙ্গে । কুঞ্জ যে জন্মভোর গায়ে হাওয়া দিয়ে বেড়িয়ে সংসারের সব কিছুর সেরা ভাগটা ভোগ করে, এটা কি চিরকাল সহ হয় ? দীনতারিণীব আশা ছিল, এই ঘরখানার ব্যাপারে অন্ততঃ কুঞ্জ আর কুঞ্জর-বোঁয়ের মুখটা ছোট হবে । সেই আশায় ছাই পড়ল । তাই কেঁদে ফেলে বললেন, “ছাই পড়াই উচিত ?”

“উচিত বৈকি । উবিয়তে তা হলে আর কখনও এমন বেয়াড়া আশা জন্মাত পাবে না ।”

এর পর দীনতারিণী নীরবে তাকিয়ে তাকিয়ে দেখেছিলেন চন্দননগর থেকে ছুতোর এশে ঢুকল সেই ঘরে। হ্যাঁ, জোড়াপালক বানাতে হলে ঘরের মধ্যে বসেই বানাতে হয়, বাইরে থেকে গড়ে এনে লাগিয়ে দেওয়ার রীতি তখনও হয় নি।

বহুবিধ কারুকার্য-করা পালক।

ওর জন্তে চন্দননগরের ছুতোরদের ভাত যোগাতে হয়েছিল মাস দেড়েক ধরে। খেয়ে, মজুরি নিয়ে আর নতুন কাপড়ের জোড়া বখশিশ আদায় করে ছুতোররা চলে গেল, তার পরই বিয়ে হল রাসুর। নতুন পালকে ফুলশয্যে হল।

সেই পালক ছেড়ে সারাদিন আজ মাটিতে পড়েছিল সারদা। এখনও খুড়-শাশুড়ীর নির্দেশমত নিঃসাদে ঘরে ঢুকে হড়কোটা লাগিয়েই ছেলের তল্লাসমাত্র না করে রূপ করে শুয়ে পড়ল মাটিতেই।

ঘরে ঢুকে না তাকিয়েও টের পেয়েছিল সারদা তার আশার আশঙ্কাটা মিথ্যে নয়। আত্মাণে, অহুমানে, হৃৎস্পন্দনে বুঝিয়ে দিয়েছিল সারদাকে—ঘরে তোমার সাতরাজার ধন মানিক।

এ যেন আবার নতুন বিয়ের নতুন বর। দ্বিরাগমনে এসে প্রথম রাত্তিরে যখন পাঁচটা সমবয়সী মিলে সারদাকে ঘরে ঢুকিয়ে দিয়ে বাইরে থেকে দরজায় শিকল লাগিয়ে পালিয়েছিল, তখন এমনিবুকটা ধড়াস ধড়াস করেছিল সারদার। তবু তো তখন মাত্র বারো বছর বয়েস। আর এখন ষোলো। ষোড়শীর হৃদয় তো আলোড়নে আরোই উত্তাল হবে।

ঘরে যে অপরাধী আসামী অবস্থান করছিল তার অবস্থাও অবশ্য সারদার চাইতে কিছু উন্নত নয়। তার বকের মধ্যেও হাতুড়ি পিটছে। জীবনে আর কখনও সারদার মুখোমুখি দাঁড়াতে পারে, এ আশা বুঝি ছিল না রাসুর। সারাদিন শুঁধু ভেবেছে জীবনের সমস্ত আনন্দ-আহ্লাদের সমাধি হয়ে গেল তার।

মেজখুড়ী কেন অন্দরে ডেকে পাঠিয়েছিল, তাও ঠিক বুঝতে পারে নি। তবে ভেবেছিল আবার কোন নিয়ম-লক্ষণের পাকচক্রে পড়তে হবে এসে, কিন্তু এসে মুহূর্তে শুনল অভিনব।

সারদা নাকি রান্নাঘরে কাজে ব্যস্ত, আর জ্বনেনখরীরও কান্দেদরজার কাছে

ভাঁড়ারের দিকে না গেলেই নয়, তাই 'ঘুমন্ত' খোকাকে একটু আগলাতে হবে রাহুকে।

কিছুই নয়, শুধু ঘরে একটু থাকা।

বোকা রাহু তখনও কিছু সন্দেহ করে নি। শুধু একটু তাজ্জব বঁনে গিয়েছিল প্রস্তাবে। দেশহু লোক থাকতে কিনা ছেলে আগলাবার জেগে রাহুকে ডাকিয়ে আনা হল বার-বাড়ি থেকে। আশ্চর্য নয় তো কি! যে রাধুর মা ডাকতে গিয়েছিল সেই তো পারত কাজটা। করেই তো বরাবর তাই। তবু কিছু বলতেও পারে নি। না প্রতিবাদ, না প্রশ্ন। নতুন বোয়ের ব্যাপারে যতটা লজ্জা, ঠিক ততটাই লজ্জা তো নতুন ছেলের বিষয়েও।

হুড় হুড় করে তাই ঘরে ঢুকেছিল রাহু। আর ঢোকান সঙ্গে সঙ্গেই বৃকের মধ্যে সন্দেহের হাতুড়ি পড়েছিল।

মেজখুড়ীর এই ডাকিয়ে আনাটা ছল নয় তো! মেজখুড়ীকে তো এমনিতেই খুব ভালবাসে রাহু, এবার যেন ইচ্ছে হল পুজো করে তাকে। কস করে প্রদীপটা নিভিয়ে দিয়ে কাঠ হয়ে বসে ভাবতে লাগল।

সাতপাঁচ ভাবতে ভাবতে খেয়াল করল ঘরে খিল পড়েছে, আর পরমুহূর্ত থেকেই অল্পভব করল, বাতাসহীন ঘরের চাপা গুমোটটা যেন একটা চাপা কান্নার ধাক্কাই কেঁপে কেঁপে উঠেছে।

টপ টপ করে হু'ফোটা জল পড়ল রাহুর চোখ থেকে। পুরুষ মানুষ! তা হোক, মানুষ তো বটে।

ধড়মড় করে উঠে বসল সারদা। একটা বলিষ্ঠ আবেষ্টন থেকে নিজেকে ছাড়িয়ে নেবার চেষ্টা করতে করতে রুদ্ধকণ্ঠে বলল, "আর কেন, আর কেন?"

আর কিছু বলতে পারল না। চোখ দুটো বিশ্বাসঘাতকতা করে বসেছে। সারাদিন ধরে প্রতিজ্ঞা করেছিল, যদি কখনও সেই নিষ্ঠুরটার সঙ্গে দেখা হয়, কান্দবে না, মুখ মলিন করবে না। পরশু পনের মত উদাসীন থাকবে। কিন্তু পরিস্থিতিটা মস্তই গোলমাল করে দিল।

"কি হু-চার ফোটা ?  
পাবে না।" রে ধারার আঁধার!



একে কি করে রোধ করবে সারদা ? কোন্ বাঁধ দিয়ে ঠেকাবে ?

“বড়বো !”

এতটুকু শব্দের মধ্যে কত মিনতি কত আবেদন !

কিন্তু এই ককণ মিনতিভরা ডাকেই বা সাড়া দিচ্ছে কে ?

“বড়বো, আমার কি দোষ ? আমার ওপর বিরূপ হচ্ছে কেন ? বুঝতে পারছ না আমার প্রাণটা ও গুঁড়ো গুঁড়ো হয়ে যাচ্ছে !”

ধারা ভ্রাবণে বগ্না এল ।

“থাক থাক, আর মন-মজানে মিছে কথায় কাজ নেই । পুরুষের প্রাণে আবার দরদ !”

“বড়বো, এই আমার মাথা খাও, বিশ্বাস কর তোমার মতনই জ্বলেপুড়ে থাক হচ্ছি আমি । তুমি যে আমাকে বিশ্বাসঘাতক ভাবছ, এ কষ্ট আমি রাখব কোথায় ?”

“রাখবার দরকার কি ?” সারদা কান্না সামলে কঠোর হবার চেষ্টা করে, “কাল তোমার নতুন ফুলশয্যা, নতুন সূত, আজ আবার এত দুঃখকষ্টের পালা গাইবার কি আছে ?”

“বড়বো, বল কি করলে তুমি আমায় বিশ্বাস করবে ?”

বলিষ্ঠ আবেষ্টনের চাপটা যেন পিষে ফেলতে চাইছে সারদাকে, কি করে আর কঠিন থাকবে সারদা ? তবু শেষ চেষ্টা করে, “আমার বিশ্বাস অবিশ্বাসে কি এসে যাচ্ছে তোমার ? ছেলের মা বুড়ীকে ছেড়ে এখন কচি তালশাঁস—”

“বড়বো, তুমি এমন ব্যাভার কবলে, আমার আপ্তধাতী হওয়া ছাড়া আর উপায় থাকবে না তা বলে দিচ্ছি—” রাস্তা ও কঠিন হতে জানে, তাই বাঁধন আলগা দিয়ে বলে, “এই চললাম মেজকাকার ওখুঁদের করে । তাছা গোথরো সাপের বিষ সঙ্কয় আছে । কোথায় আছে তাও আমার জানা । এর পর কিন্তু বিধবা হলে দোষ দিও না আমায় !”

বিধবা !

বুকটা থর থর করে ওঠে সারদার । বরং একশটা সতীন নিয়ে ঘর করবে সারদা । বিধবা হওয়ার মত অভিশাপ আর কি আছে ? কিন্তু ঠিক এই মুহূর্তে বলাই বা যায় কি ?

“তা হলে চললাম । এই জন্মের শোধ দেখা ।” বলে রাস্তা দরজার কাছে

এগোয়, আশা এই যে এবার সারদা মাথা ঝাওয়ার অল্পরোধ জানাবে, কিন্তু সারদা যেন অনড়।

“ভেবেছিলাম ওকে চিবদিনেব মতন ত্যাগ দিয়েই রাখব, তুমি আমাব যে প্রাণেশ্বরী সেই প্রাণেশ্বরীই থাকবে—” স্বগত উচ্চারণে আক্ষেপ প্রকাশ কবে দরজার হুকোয় হাত লাগায় রাসু, “কিন্তু তুমি পতিহন্ত্রী হয়ে নিজেব পায়ে কুড়ুল মারলে বড়বো!”

হুকোটা খুলে পাশে রাখল রাসু।

এবার সারদা কথা বলল, কিন্তু এ কা কথা! এই কি প্রেমে পাগলিনী অবলা বাল্য ভাষা?

রুদ্ধকণ্ঠে সারদা বলে উঠেছে, “ঘবের পরিবারেব সঙ্গে যাত্রা-গানেব মতন কান্নার সুরে কথা কইছ কেন? হুকো খুলে দেবিয়ে গেলেই বুঝি খুব পৌকম হবে? তোমাব গোথবো দিব আছে, আর আমার দড়ি-কলসী নেই?”

“তোমার প্রাণটা পাথবে গড়া বড়বো! মেজকাকা যখন আমাব গলায় গামছ' মোড়া দিয়ে টানতে টানতে নিয়ে গেল, তখন তাব সামনে গিয়ে বলতে পারলে ন, ‘আমারও দড়ি-কলসী আছে!’ ঠিক আছে, সবাইকে এবার দেখিয়ে দিচ্ছি—ভালমানুষ রাসু কি করতে পারে।”

এই প্রকাণ্ড বীরব্রতের ভূমিকাটি অভিনয় করে কপাটটা ধরে হাঁচকা টান মারল রাসু, কিন্তু টানার সঙ্গে সঙ্গেই পরিস্থিতিটা বুঝতে দেয়ি হল না, দরজার বাইরে শেকল। এ কাজ কে করল?

মেজখুড়ী?

কিন্তু তার পক্ষে কি এ ধরনের চপল রসিকতা সম্ভব? অথচ তা ছাড়া আর কে? রাসু যে বাড়ির মধ্যে এসেছে, তাই তো কেউ দেখে নি। মেজখুড়ী তো আজকের নাটকের নাট্যকাব।

“বাইরে থেকে বন্ধ!”

একটা বিপন্ন স্বব আস্তে ঘরে ছড়িয়ে পড়ল।

“বন্ধ!”

সারদারও এতক্ষণকার নীরবতা ভঙ্গ হল, বিশ্বয়ে ভয়ে।

“তাই তো দেখছি—” রাসুর কণ্ঠে ব্যাকুলতা, “এখন উপায়? যদি সকাল পর্যন্ত বন্ধ থাকে? বড়বো কি হবে?”

সহসা অদ্ভুত একটা কাণ্ড ঘটে।

একেবারে অভাবিত অপ্ৰত্যাশিত। হঠাৎ না সাবদা নিঃশব্দ এক মুহূর্ত আগে এটা কল্পনা কবতে পাবত না। ভাবতে পাবত না তাব কান্নায় বুজ আস' কণ্ঠ সহসা অমন কোঁতুকেব লীলায় হোস উঠবে। সে হাসিব শব্দ দাপ ন'ট তবু বহশ্রে উচ্ছ্বসিত।

তা এই ববনেবই স্বভাব বটে সাবদাব, নিতান্ত তৃপ্তিব সময়ও হাসিব কথা হলে হোসে ফেলা। কিন্তু 'আজকেব কথা' যে আলাদা। আজ সাবদাব মবণ-বাচনেব সমস্ত। আজ কান্নায় গলা বুজ বযেছিল সাবদাব। তবু ব'স্তব এই বিপন্ন বিপর্যস্ত কণ্ঠ তাকে কী যে কোঁতুকেব যোগান দিল, উচ্ছ্বসিত বহশ্রে হোসে উঠল সে। হোসে উঠে বলল, 'কী আব হবে'। দায় পড়ে মশাইকে এখন পব-নাবীর সঙ্গ বাত কাটাতে হবে।"

রান্না চমকে গেছে, খমকে পড়েছে। তবে কি এতক্ষণ চলনা কবছিল সাবদা? সতীন হওয়ায় তেমন কিছু লাগে নি তাব? এ হাসি এ কথা ত্তে বীতিমত প্রশ্নয়ের।

অতএব দবজা নিয়ে মাথা পবে ঘামালেও চলবে, এখন এদিকেব খাটি সামলে নেওয়া যাক।

খোলা হডকো আবাব দরজায় উঠল।

অনাদৃত পালঙ্কেব বিছানা আবাব স্পর্শেব উষ্ণতা পেল।

না, একেবারে সহজে ধবা দেবে না সাবদা। সে সত্যবদ্ধ কবিয়ে নেবে স্বামীকে।

"খাক, আমাকে স্পশ কবতে হবে না, আগে মা সিংহবাহিনীব নামে দিব্যি কব, আমি বেঁচে থাকতে ছুটকিকে ছোঁবে না?"

বাহুব বুকটা কেঁপে ওঠে।

শপথটা যে মাবাস্বাক। অয়ে ভয়ে বলে, "সিংহবাহিনীব নামে দিব্যি কব' কি ভাল বড়বো?"

"মনে পাপ থাকলে ভাল নয়। একমন একপ্রাণ থাকলে ভয়েব কি আছে?"

"তবু, ঠাকুব-দেবতা বলে কথা।"

"বেশ তো, আর্নি তোমায় সাবি নি। নাই বা আর স্পশ কবলে আমায়!"

হায় মা সিংহবাহিনী, এমন ঘোরতর বিপদে তোমার গ্রামের আর কেউ কখনও পড়েছে ?

একদিকে একখানি অপরাধ-বোধের ভাবে পীড়িত আর নতুন আশায় উদ্বেল ব্যাকুল হৃদয় আর অপবদিকে এক অনমনীয় পাষণী ।

তবে কি হাসিটাই ছিল ?

তাই সম্ভব, নইলে দিব্যি গুছিয়ে ছেলের কাছ ঘেঁষে শোবার আয়োজন করছে কেন সারদা ?

“বড়বোঁ !”

“আঃ, কেন আলাতন করছ ?” সাবদার কুঁকে পরম ভরসা দবজার বাইরে শেকল লাগানো, রাগ কবে ছিটকে বেরিয়ে যাবাব উপায় নেই রাস্তর ।

আঃ, কে সেই দেবী, যে বাস্তুকে এমন বন্দী কবে ধবে দিয়েছে সারদার কাছে ? স্বয়ং মা সিংহবাহিনী নয় তো ?

“তা হলে তোমার দয়া হবে না ?”

“সোয়ামী, গুরুজন, তুমি আবার দয়াব কথা তুলছ কেন গো ? পরিবারই হল গিয়ে কেনা দাসী ।”

“আচ্ছা বেশ, করছি দিব্যি । হল তো ?”

“কই করলে ?”

“মনে মনে করেছি ।”

“মনে মনে ? হঁ । মনের কথা বনে যায় । মুখে বলা ।”

“বেশ বেশ, এই বলছি, তুমি ছাড়া আর কাউকে হোঁব না সিংহবাহিনী সাক্ষী ।”

“আমি ছাড়া নয়, আমি বেঁচে থাকতে—”

এটুকু অল্পগ্রহ করে সারদা ।

“ওই হল । কে আগে যায় কে পরে যায় বলা যায় কি ?”

“আমার কুষ্টিতে আছে সধবা মরব ।” সারদা আত্মপ্রসাদের হাসি হাসে, “কিন্তু মনে থাকে যেন মা সিংহবাহিনী সাক্ষী ।”

“থাকবে থাকবে ।”

কিন্তু সত্যিই কি মনে ছিল ?

রাস্ত কি শেষ অবধিই সিংহবাহিনীর মর্যাদা রাখতে পেরেছিল ?

পুরুষমাত্ৰ কি তাই পারে ?

রাস্তার মত মেরুদণ্ডহীন; পুরুষ ?

তবু এমনি মিথ্যে শপথের চোরাবালির উপরই তো ঘর বাঁধতে হয়  
মেয়েমাত্ৰকে ।

### ॥ তেরো ॥

যজ্ঞির জগ্গে ছানাবড়া ভাজা হচ্ছে । ভিয়েনেব 'চালা'য় বড় বড় কাঠের উল্লন  
জ্বলে কারিগররা লেগে গেছে ভোর থেকে । প্রথমে বৌদে ভেজে তুপাকার করে  
বেখেছে কাঠের বারকোশে, এখন থেকে শুরু হয়েছে ছানাবড়া । প্রচুর পরিমাণে  
না করলেও চলবে না, নিমন্ত্রিতদের পেট উপচে খাওয়ানোর পর আবার সরভাতি  
ছাঁদা দিতে হবে তো । তা ছাড়া যখন কুলে ওই দু-রকম  
মিষ্টি !

তাড়াছড়োর যজ্ঞি, ওর বেশী আর সম্ভব হল না, অথবা সেটাও হয়তো ঠিক  
কথা নয়, মোটামুটি কথা মাত্র । রামকালী চাটুষ্যে যদি দরকার বুঝতেন, তা হলে  
একদিনের মধ্যেই কাটোয়া কি গুপ্তিপাড়া থেকে ওস্তাদ ময়রা আনিয়ে পাঁচ-সাত  
রকম মিষ্টি বানিয়ে তোলাও অসম্ভব হত না তাঁর পক্ষে । কিন্তু দরকার বোধ  
করেন নি তিনি ।

রাস্তার প্রথম বিয়েতে ঘটা হয়েছিল বিস্তর, গ্রামে এখনও তার গল্প ফুরায় নি ।  
মিষ্টির কারিগর এসেছিল নাটোর থেকে, কেটনগর থেকে, মুড়োগাছা থেকে ।  
কাঁচাগোলা কীরমোহন মতিচূর সরভাজা ছানার ছিলিপি খাজা অমৃতি নিখুঁতি  
ইত্যাদি করে বারো-তেরো রকম মিষ্টি হয়েছিল । আর মাছের কথা তো বলেই  
শেষ হবে না । এক-একজনের পাতে বড় বড় এক-একটা মাগসা ভুঁড়ি মাছের  
তরকারি বসিয়ে দিয়ে আবার তিন-চারবার করে পরিবেশন । তা ভিন্ন রান্নার পদ  
তো বাহান্ন রকম, বাহান্ন ব্যঞ্জন নইলে আবার ঘটা কিসের ?

কুমোরবাড়ি বরাত দিয়ে সাইজের হাঁড়ি গড়িয়ে আনা হয়েছিল ঝোড়া  
ঝোড়া, তাতেই গলা উপচে মিষ্টির ছাঁদা । যজ্ঞির জের চলেছিল দিন  
পনেরো ধরে ।

সে কথা আলাদা। সে বিয়ের সঙ্গে এ বিয়ের তুলনা করার কোনও মানেই হয় না। অল্প বাড়ি হলে যজ্ঞই করত না, নেহাৎ রামকালী চাটুস্বোর বাড়ি বলেই এত আয়োজন। পরিমাণে প্রচুরই হচ্ছে, তবে ওই মাত্র ছরকম মিষ্টি, ষোলো-কুড়ির মত রান্নার পদ। রান্না এখনও চাপে নি, পাশের চালায় তার তোড়জোড় চলছে, হালুইকব ঠাকুররা স্নান করতে গেছে।

এ গ্রামে হালুইকব ঠাকুর এনে রাঁধানোর প্রথা প্রবর্তন করেছেন রামকালীই। মূর্শিদাবাদ অঞ্চলে দেখেছিলেন এ ব্যবস্থা। নইলে এ গ্রামে চিরদিনই কাজেকর্মে গ্রামের ব্রাহ্মণ-কন্নারাই বেঁধে থাকেন। সেটা রীতিমত একটা সম্মান-সম্মতের ব্যাপার। ডাকসাইটে রাঁধুনী বলে খ্যাতি আছে যাদের তাঁদেরই ডাকা হয় অনেক তোয়াজ করে। রান্নায় বসবার আগে ‘পূর্ণপাত্র’, নতুন কাপড়ের জোড়া, সধবা ব্রাহ্মণী হলে আলতা সিঁদুর এই সব দিয়ে তবে পাকশালে ঢোকাতে হয় তাঁদের।

তথাপি এই রান্নার পর্ব থেকেই অনেক গঙ্গাপর্ব মুঘলপর্ব বেধে যায়। গ্রামের যে একদল ছুতো খুঁজে বেড়ানো লোক আছে, তারাই ‘যজ্ঞ’ দেখলে দক্ষযজ্ঞের আয়োজন করবার তালে ধোরে। মনকষাকষি, কথাশুন্ন, মান-অভিমান, এসব প্রায় যজ্ঞেরই অঙ্গ। রামকালী ওসব ঝামেলার মধ্যে নেই। পয়সা দিয়ে লোক আনাবেন, কাজ করাবেন, চুকে গেল। রাঁধুনী বামুনের হাতে খেতে যাদের আপত্তি, তারা যাও বিধবার হেঁসেলে ভর্তি হও গে। মাছ জুটবে না।

তা সে দু-চারজন নিতাস্ত নিষ্ঠাপরায়ণ গ্রামবৃদ্ধ ছাড়া ‘না হাঁ করে’ সকলেই বসে পড়ে রামকালীর বাড়ির ভোজে। ওস্তাদ কারিগরের রান্নার হাত, রামকালীর দরাজ হাত, আর রামকালীর প্রতি সমীহ-বোধ এই ত্রিশক্তির আকর্ষণে সকলেই প্রায় নরম হয়ে আসে। পয়সা যে এ অঞ্চলে কারুরই নেই তা তো নয়, কিন্তু এমন দরাজ হাত? এত বড় দিলদরিয়া মন?

খাটি গাওয়া ঘিয়ে সত্ত্ব কাটানো টাটকা ছানার মিষ্টান্ন ভেজে তোলার স্বগন্ধে শুধু আশপাশেরই নয়, সারা গ্রামখানারই বাতাস যেন ‘ম-ম’ করছে। বাড়ি বাড়ি ছোট ছেলেপুলেদের ঘরে আটকে রাখা দুঃসাধ্য হচ্ছে তাদের অভিভাবকদের।

পায়ে কপোর কোল্ দেওয়া খড়ম, গায়ে বুনিয়ে, পরনে নেত্রকোণার

থান। সবদিকে চোকস হয়ে তদারকি করে বেড়াচ্ছেন রামকালী। শুধু মিষ্টির ভিয়েনে শেকড় গেড়ে বসে থাকবার ভারটা দিয়েছেন বড়দা কুঞ্জকে। ওর থেকে বেশী দায়িত্বর কাজ কুঞ্জকে দেওয়া চলে না।

গয়লারা দইয়ের ‘ভার’ এনে নামিয়েছে, ক’মণ দইয়ের যোগান দিতে পেরেছে তারা, দাঁড়িয়ে তারই হিসেব নিচ্ছিলেন রামকালী, হঠাৎ নেড়ু এসে কাছে দাঁড়াল। রামকালী গ্রাহ্য করতেন না, কিন্তু নেড়ু একেবারে গায়ের কাছে দাঁড়িয়েছে, ভাবটা যেন কিছু বক্তব্য আছে। গয়লাদের উপর চোখ রেখেই রামকালী ওর মাথাটায় একবার হাত বুলিয়ে দিয়ে বললেন, “কিরে নেড়ু?”

নেড়ু সভয়ে এদিক ওদিক তাকিয়ে আন্তে বলল, “একবার অন্দর-বাড়িতে যেতে বলছে।”

“অন্দরবাড়িতে যেতে বলছে? কাকে বলছে?”

“তোমাকে।”

রামকালী ভুরু কুঁচকে বলেন, “আমাকে এখন যেতে বলছে? পাগলটা কে হল?” অগ্রাহ্যতরে আবার অদূরবর্তী গোয়ালাদের দিকেই মন দেন, “বলিস কি রে তুটু, ওই পাচ মণ বৈ দই দিয়ে উঠতে পারছিস না। তা হলে আমার উপায়? তুই ভরসা দিলি—”

তুটু মাথা চুলকে বলে, “আজ্ঞে ভরসা তো দেছলাম, কিন্তু মা ভগবতীরা যে আমাকে নিভ্ভর্গা করে ছাড়লেন। কাল রেতে তো আর নিদ্রেই দিই নি, চৌদ্দিকে সকল গোহালার ঘরে ঘরে বরাত দিয়ে দিয়ে বেড়িয়েছি, তা সবাইয়ের ঘরের দই যোগসাজস করে এই হল।”

“এই হল তা তো বুঝলাম, কিন্তু আমার কি হবে তাই বল? দাঁড়িয়ে অপমান হতে বলিস আমায়?”

“অপমান!” তুটু বীরবিক্রমে বলে ওঠে, “বলি একটা ঘাড়ে বিশটা মাথা কার আছে কবরেজ ঠাকুর যে, আপনাকে অপমানি করবে?”

“মাথা এ গায়ের এক-একজনের একশটা করে, বুঝলি রে তুটু!” বলে হাসলেন রামকালী, আর ঠিক সেই সময় নেড়ু আর একবার মিহিগলায় ডাক দিল, “মেজখুড়ো!”

“আরে, এ ছোকরা তো ভাল বিপদ করল। কে তাকে পাঠিয়েছে ওনি?”

“পিস্ঠাকুমা।”

রামকালী বিরক্তভাবে বললেন, “তা আমি বুঝছি, নইলে আর কার এত—” বোধ করি ‘কার এত আক্কেল হবে’ বলতে যাচ্ছিলেন, সামলে নিলেন। ছোটদের সামনে গুরুজন সম্পর্কে তাচ্ছিল্যসূচক মন্তব্য করবার মত অসতর্কতা এসেছিল বলে রীতিমত বিরক্ত হলেন নিজের উপর। অথচ মোক্ষদার মত কাণ্ডজ্ঞানহীন গুরুজন সম্পর্কে সকলপ্রকার সমীহনীতি মেনে চলাও শক্ত।

অসতর্কতা সামলে নিয়ে বললেন, “বল গে যাও আমার এখন বিস্তর কাজ, তাঁর যা বলবার যখন ভেতরে যাব তখন যেন বলেন।”

“তুমি এ কথা বলবে পিস্ঠাকুমা জানে, তাই আমাকে বলে দিল—”নেড়ু টোক গিলে বলে, “বলে দিল বুল্ গে যা বড় পিস্ঠাকুমার ভেদবমি হয়েছে, বাঁচে কিনা, ঐহুনি দরকার।”

ভুরুটা আরও কুঁচকে উঠল রামকালীর। পিসির ভেদবমির দুর্ভাবনায় নয়, মেয়েমাছুষের বিবেচনাহীন আবাদারের ধুঁটতা দেখে। রোগ যে কাশীশ্বরীর হয় নি সেটা নিশ্চিত, তবু অনর্থক হয়রানি করতে ডাকাডাকি। হয়তো বা অভ্যাগত কুটুম্বিনীদের নিয়ে কোনরূপ সমস্তার উদ্ভব হয়েছে, আর সালিশ মানতে ডাকা হয়েছে রামকালীকে। কিন্তু এই কি তার সময়?

সাতপাড়া লোক নেমস্তন্ন হয়েছে, একদিনের যোগাড়ে যজ্জি, মাধায় পর্বত বয়ে ঘুরছেন রামকালী, তখন কিনা এই সব মেয়েলীপনা!

তা ছাড়া আরও বিরক্তিকর, ছোট ছেলেটাকে মিথ্যে কথায় তালিম দিয়ে পাঠানো। কিন্তু যে রাগিণী মোক্ষদা, নেড়ুকে ফেরত-শুঁকিলে নির্ধাত নিজেই এখনি রণরঙ্গিনী মূর্তিতে বার-উঠানেই হানা দেবেন, এবং পাঁচ জনের কান বাঁচাবার চেষ্টামাত্র না করে বকাবকি শুরু করবেন। “পয়সার দেমাকে ধরাকে সরা দেখিস নি রামকালী, গুরুজন বলে একটু সমেহা করিস।”—হুঁ, এরকম কথা স্বচ্ছন্দে বলতে পারেন মোক্ষদা, দ্বিধামাত্র করেন না।

সংসারের এই একটা মাছুষকে কিছুতেই এঁটে উঠতে পারলেন না রামকালী। পারতেন, অন্যায়সেই পারতেন, যদি সত্যিই রামকালীর গুরুজনে সমীহবোধ না থাকত। গুরুজন হয়েই মোক্ষদা রামকালীকে জকে কেলোছেন। ‡



কিন্তু শুধুই কি গুরুজন বলে জন ?

আরও একজনের কাছেও কি মাঝে মাঝে জন হয়ে পড়েন না রামকালী ? যে মাহুঘটা নিতাস্তই লঘুজন । হ্যাঁ, মনে মনে স্বীকার না করে পারেন না রামকালী, মাঝে মাঝে সত্যবতীর কাছে জন হতে হয় তাঁকে, হার মানতে হয় । কিন্তু তাতে কি বিরক্তি আসে ?

“মেজখুড়ো !” ছেলোটোও কম নয় । তাই রামকালীর কৌচকানো ভুরু দেখেও ভয়ে পালিয়ে গেল না, বলল, “পিসঠাকুমা তোমায় চুপি চুপি ডেকে নিয়ে যেতে বলল, খুব বিপদ !”

আঃ, এ তো আচ্ছা মুশকিলে কেলল !

“বিপদটা তো দেখছি আমারই !” বলে রামকালী হাঁক দিলেন, “তুট্টু, দই সব ভেতর-দালানে তুলে নাও, আর খোঁজ করে দেখ আর কারও ঘরে আরও দু-দশ সের পাওয়া যাবে কিনা ।”

“পাওয়া গেলে তো ঠাকুরমশাই, আমি নিজেই—” তুট্টু মাথা চুলকে একটু ধট্টতা করে বসে, “তা তোমার আঞ্জে পাঁচ মণই কি কম ? এ তো বড় খোকার পেরথম বিয়ে নয়—”

বামকালী ভুরুটা একবার কুঁচকেই মুছ হাসলেন । বললেন, “কথাটা গয়লাব ছেলের মতই বলেছিল তুট্টু, পেরথম বিয়ে নয় বলে কুটুস্বজনকে খাওয়ানতে বসে অপরিতুষ্ট রাখব ? আচ্ছা তুই ওগুলো তুলে দে গে, আসছি আমি ।”

নেড়ুর সঙ্গে সঙ্গে ভিতরবাড়িতে ঢুকলেন রামকালী, মাঝখানে প্রকাণ্ড উঠোনটা পার হয়ে । এই মাঝের উঠোনেই ধানের গোলা মরাই, সারা বছরের জালানী কাঠের মাচা, চালার নিচে জালা জালা বীজধান ।

নেড়ু দ্বিধিজয়ীর মত কাশীখরীর ঘরের দরজায় এসে দাঁড়াল, কারণ রামকালীকে ডেকে আনার ভার আর কেউ নিতে চায় নি । সজ্জ পর্যন্ত ঝাড়া জবাব দিয়েছিল, “এই দেখলাম বড় পিসঠাকুমা চান্ করে এল, এমুনি আবার কী ব্যামোয় ধরল যে বাবাকে শত কন্মের মধ্যে থেকে ডেকে আনতে যাব ? মাহুঘটার কি এখন মাথার ঠিক আছে ? ঘরে তো জোয়ানের বড়ি আছে, তাই খেয়ে নাও না ।”

“তুই বেরো লজ্জাল হারামজাদী—” বলে মোক্ষলা নেড়ুকে ধরেছিলেন ।

কিন্তু নেড়ুদের তো আর গিন্নীদের ঘরে ওঠবার হুকুম নেই, তাই “এই যে ঠাকুমা—” বলে দাঁড়িয়ে পড়ল। নিচু দরজা, রামকালী খড়ম খুলে মাথা নিচু করে ঢুকলেন। আর সমস্ত ভুলে মোক্ষদা “তুই পালা লক্ষ্মীছাড়া ছেলে” বলে নেড়ুকে তাড়া দিয়ে বিদেয় করলেন।

রামকালী দেখলেন কাশীখরী মাটিতে শুয়ে আছেন খানের আঁচলটুকু মুখে চাপা দিয়ে। এটা আবার কি! নিশ্চয় কোন মান-অভিমানের ব্যাপার। বিরক্তি এল, তবু শাস্তভানেই বললেন, “কি ব্যাপার!”

“ব্যাপার বেশ উত্তম—” চাপা গলায় এটুকু জ্ঞানদান করে মোক্ষদা আরও ফিস ফিস করে বললেন, “দুয়োরটা ভেজিয়ে দিয়ে তবে শুনতে হবে।”

রামকালী একবার বাইরে তাকালেন। শুচিবাই মোক্ষদাদের এই দিকটা বাদে সারাবাড়ি লোকে লোকারণ্য, এর মধ্যে কপাট ভেজিয়ে গুপ্তমন্ত্রণা। তিনি তো পাগল হন নি! গভীর গলায় বললেন, “কপাট থাক, কি বলবার আছে বোলা।”

কিন্তু বলবার কিছু আর আছে নাকি?

আছে বলবার মত মুখ?

অথচ এত বড় ভয়ানক কথা রামকালীকে না জানিয়ে করবেন কি মুখ্য দুটো মেয়েমানুষ? হিতাহিত জ্ঞান কি আর কিছু আছে তাঁদের? মোক্ষদার আর কাশীখরীর! শরুরী যে কাশীখরীরই নাত-বৌ।

ভয়ঙ্কর খবরটা এখনও পাঁচকান হয়নি, এখনও সংসারে সবাই আপন আপন কাজে হাবুড়ুবু খাচ্ছে, কিন্তু কতক্ষণ আর অগ্নমনস্ক থাকবে লোক? কতক্ষণ আর তাদের কান বাঁচিয়ে রাখা যাবে? তার পর? এক কান থেকে পাঁচ কান, তার পরই তো লহমায় পাঁচশ কান। খড়ো চলার পাড়ায় আঙুন লাগাও যা, আর একটুটা বিধবার কলঙ্ক-কেলেঙ্কারি প্রকাশ হয়ে যাওয়াও তা। এ চাল থেকে ও চাল তো, এ মুখ থেকে ও মুখ। হাড়হাবাতে লক্ষ্মীছাড়া মেয়েমানুষটা ‘নিড়ুবি’ হবার আর দিন পেল না!

যদি জলে ডুবে নিড়ুবি হয়ে থাকে তো সেও বরং ভাল কথা, কিন্তু যদি ভরাড়ুবি করে বসে থাকে?

কাশীখরীর ধারণা তাই। তাই তিনি মুখে আঁচল চাপা দিয়ে পড়ে

আছেন। আর মর্মে মর্মে অহুভব করছেন, কেন সেই সর্বনাশীর খুড়োখুড়ী ও মেয়েকে ঘরে রাখে নি, উপযাচক হয়ে কাশীধরীর গলায় গছিয়ে গেছে। ধায় হায়, কালই তো টের পেয়েছিলেন কাশীধরী, নাপিত-বোঁয়েব কথার শাঁচে, তবে কেন আবাগীর বেটিকে দুয়াবে তালা লাগিয়ে আটকে রাখেন নি। পাঁচটা কুটুমের কাছে সাফাই গাইতে বললেই হত হঠাৎ মাথাটাব কেমন দোষ হয়ে গেছে শঙ্করীর, তাই কাজের বাড়িতে ছেড়ে রাখতে সাহস কবেন নি!

মোক্ষদা কিন্তু জলে ডোবার কথাই তোলেন। “কোন বাস্তিরে কখন উঠে এ কাজ কবেছে কিছু টেব পাই নি রামকালী, সকালবেলাও বলি চান গেছে না কোথায় গেছে। বেলা হতে মাথায় বজ্রাঘাত! আমার খিল বিশ্বাস বড় পুকুরে গিয়ে ডুবেছে কপালখাকী। এই বেলা জাল ফেলালে—”

“না!” রামকালী জলদগম্ভীর স্বরে বলেন, “জাল ফেলা হবে না।”

“জাল ফেলা হবে না!”

যন্ত্রচালিতের মত উচ্চারণ করেন মোক্ষদা।

“না। এতগুলো লোকের খাওয়া পণ্ড হতে দেব না আমি।”

মোক্ষদা প্রকৃতি-বিরুদ্ধ নম্রভাবে বলেন, “কিন্তু একটা জীবের জীবনের চাইতে যজ্ঞিটাই বড় হল তোমার বিচারে?”

“শুধু আমার বিচারে নয়, যে কোন বুদ্ধিমান লোকের বিচারেই।” রামকালী ঘরের মধ্যে পায়চারি করতে করতে বলেন, “বলছ সকাল থেকে দেখতে পাও নি, ধবে নিতে হবে, কাজটা হয়ে থাকে তো রাতেই হয়েছে। এখন জাল ফেললে জীবটা জীবন্ত উঠবে তোমাদেব বিশ্বাস?”

মোক্ষদা চূপ করে থাকেন, উপযুক্ত উত্তরেব অভাবে। আর কাশীধরী চাপা গলায় হু-হু করে কেঁদে ওঠেন।

“খাম। লোকজন খাওয়ার আগে যেন টুঁ শব্দটি না হয়। যদি ডুবে থাকে তো যতক্ষণ না ভেসে ওঠে, ততক্ষণ তাকে জলের তলায় থাকতে দাও। ডুবলে ভেসে উঠতেই হবে, নদী নয় যে ভেসে চলে যাবে। কিন্তু—” পায়চারি খামিয়ে রামকালী কাশীধরীর খুব কাছে সরে আসেন, ঈষৎ নিচু হয়ে চাপা গম্ভীর স্বরে বলেন, “আর যদি ডুবে না থাকে, বৃথা জুল কেলার পর সমাজে অবস্থাটা কি দাঁড়াবে অহুমান করতে পারছ? ঘরের বোঁ-বিকে

আগলে আটকে রাখার ক্ষমতা যখন নেই, তখন নিজেদের জিতকেই আগলে আটকে রাখে।”

কাশীশ্বরী সহসা কেঁদে ওঠেন, “ও রামকালী, তুমি আমায় একটু বিব দাও বাবা, আমি এ মুখ আর কাউকে দেখাতে পারব না।”

“ছেলেমানুষি করো না।” মৃদুস্বরে ধমকে ওঠেন রামকালী, “বিপদে মতি স্থির রাখ। আমাকে বিবেচনা করবার সময় দাও। কিন্তু এই ভেবে আশ্চর্য হয়ে যাচ্ছি আমি, বলছ তোমাদের কাছে শুভেন, অথচ দু-দুটো মাছষ কিছু টের পেলে না তোমরা?”

“মরণের ঘুম এসেছিল বাবা আমাদের—” কাশীশ্বরী আর একবার কেঁদে ওঠেন।

“পিসিমা, হাতজোড় করছি তোমায়, হৈ-হৈ করো না। সবাইকে না হয় বলো খুড়োর অসুখের খবর পেয়ে হঠাৎ বাপের বাড়ি পাঠিয়ে দেওয়া হয়েছে তাকে।”

“মানুষ তো আর ঘাসেব বিচি খায় না রামকালী,” মোক্ষদা নিজস্ব ভঙ্গীতে ফিরে আসেন, “কাল রাতদুপুর অবধি সবাইয়ের সঙ্গে কুটনো কুটেছে লক্ষ্মীছাড়ী—”

“আশ্চর্য!” আবার পায়চারি করতে করতে বলে ওঠেন রামকালী, “এ রকমটা হল কেন, কিছু অসুখমান করতে পারছ তোমরা?”

কাশীশ্বরী মুখের ঢাকাটা আরও শক্ত করে চাপা দিয়ে বলে ওঠেন, “আমি পারছি রামকালী। মতিগতি তার ভাল ছিল না। দিকী বয়েস অবধি খুড়োব ঘরে থেকেছে, মা-বাপ ছিল না যে সুলিক্ষে দেবে, উচ্ছন্ন যাওয়ার বুদ্ধির বুদ্ধি করেছে বসে বসে। আমি বুঝছি জলে ডুবে মরে নি ও, আমাদের মুখে চুনকালিই দিয়েছে।”

ঘরটা নিচু-নিচু অন্ধকার মত। জানলা আছে কি নেই, তবু রামকালীর টকটকে করসা মুখটা আরও কত টকটকে হয়ে উঠেছে, টের পেলেন মোক্ষদা। চেয়ে চেয়ে মনে হল যেন ওই টকটকে মুখটা থেকে উত্তাপ বেরোচ্ছে। বেপরোয়া মোক্ষদাও ভয় পেলেন। কি বলতে গিয়ে থেমে গেলেন।

আর ঠিক এই সময় দরজার গোড়ায় কাঁসর বেজে উঠল।

মাজাঘরা টাচাছোলা কাঁসর। “ওগো অ ঠাকুয়ারা, কাটোরার বৌ গেল কোথায়? পান সাজবার জন্তে যে হাঁক-পাড়াপাড়ি হচ্ছে তাকে। তোমরাই

বা দুই বনে এই বেলা ছুপুর অবধি শোবার ঘরে গুলতুনি করছ কেন? চান করে আবার শোবার ঘরে এসে সৈঁধিয়েছ যে বড়? আর একবার চানের বাসনা আছে বুঝি? তা তোমান্নের বাসনা মেটাও, বৌকে পাঠিয়ে দাও।”

ঘরে ঢোকবার অধিকার নেই তাই বাইরে দাঁড়িয়েই বাক্যশ্রোত বইয়ে দেয় সত্য। ধারণাও করতে পারে না ঘরের ভিতরে তার বাপের উপস্থিতি সম্ভব।

উঁচু ‘পোতা’র ঘর, দরজার বাইরে থেকে ছোটদের পক্ষে ভিতরটা স্পষ্ট দেখাও সম্ভব নয়।

মোক্ষদা বিনা বাক্যব্যয়ে কপাটের সামনে এসে দাঁড়ান, অতএব ঘরেই আছেন তিনি। সত্য বিরক্ত কণ্ঠে বলে, “কি গো, মুখে বাক্য-ওক্যি নেই কেন? কার্টোয়ার বৌ গেল কোথায় সেটা বলবে তো? ঘাট থেকে আরম্ভ করে সাত চৌহদ্দি ছিটি খুঁজে এলাম—”

সহসা মোক্ষদা সরে দাঁড়ালেন, এবং সেই শূন্য স্থানে রামকালীর মূর্তিটা দেখা গেল।

বাবা!

সত্য বজ্রাহত।

এখানে বাবা! আর সত্য মুখের তোড় খুলে দিয়েছে। ছি ছি! কিন্তু বাবা এখানে কেন? তা হলে নির্ঘাত কার্টোয়ার বৌয়ের হঠাৎ কোনও অনুশ্রু করেছেন, পিসঠাকুমারা তাই নিয়ে হিমসিম খাচ্ছে। ছি ছি, এদিকে এই কাণ্ড, আর সত্য কিনা পান সাজার তাগাদা দিতে এসেছে! বাবা কি বলবেন! বাড়ির কোনও খবর রাখে না সত্য এইটাই প্রমাণ হবে!

মনে মনে জিভ কেটে চূপ হয়ে দাঁড়িয়ে থাকে বেচারী। আজ আর মানসিক চাঞ্চল্য নিবারণ করতে অভ্যাসমত শাড়ির আঁচলটা নিয়ে চিবো-বার উপায় নেই, পরনে উৎসব উপলক্ষে নিজের বিবাহকালে লক্ক একখানা ভারী বালুচরী ঢেলি।

রামকালী ষাড় কিরিয়ে মোক্ষদা ভয়ীত্বকে উদ্দেশ্য করে মূহূত্বরে বললেন, “স্বাভাবিক ভাবে হার ঘা কাজ করো গে যাও, বুখা ঘরের মধ্যে বসে থাকবার দরকার নেই।” তার পর ঘর থেকে বেরিয়ে এলেন। এসে মেয়েকে একটা সহজ পরিহাসে কথ্য বলে উঠলেন, “ইস্! মেলাই সেজেছিল যে।”

কথাটা মিথ্যা নয়, শুধু বালুচরী চেলি কেন, মেয়েকে আজ একগা গয়না পরিয়ে সাজিয়েছে ভুবনেশ্বরী। কমগুলি গয়না তো হয় নি সত্যর বিয়ের সময়, পরে কবে? বাপের কথায় লজ্জিত হাসি হেসে মাথা নিচু করল। এবার রামকালী পুরনো প্রশ্নে ফিরে গেলেন, “ভাগ্নে-বোঁমাকে কে ডাকছে?”

ভাগ্নে-বোঁমা অর্থে আপাততঃ শঙ্করীকেই বোঝাল। সত্য বাবার কথায় নয়, বাবার কণ্ঠস্বরে খতমত খেল, অসহায়-অসহায় চোখে বলল, “ওই তো ওরা, যারা এক বরফ পান নিয়ে সাজতে বসেছে।”

“তাদের বলে দাও গে উনি আজ আর পান সাজতে পারবেন না।” হঠাৎ যেন রামকালীও অসহায়তা বোধ করলেন, তাই তাড়াতাড়ি বললেন, “আচ্ছা থাক, তোমার এখন আর ওদিকে যাবার দরকার নেই, যারা পান সাজছেন সাজুন।”

কথায় কথায় পায়ে পায়ে এগিয়ে চলেছেন রামকালী, ঘরের পিছনে ঢেঁকি ঘরের দিকে ইচ্ছে করেই। সত্য সে খেয়াল করে না, ম্লানমুখে প্রশ্ন করে, “কাটোয়ার বোঁয়ের অস্থখ কি বেশী বাবা?”

“অস্থখ? কে বললে?” রামকালী চমকে উঠে সামলে নিয়ে গম্ভীর ভাবে বলেন, “শোন, গুঁকে বৃথা ডাকাডাকি করো না। অস্থখ করে নি, গুঁকে হঠাৎ খুঁজে পাওয়া যাচ্ছে না।”

আশ্চর্য, এ কথা কেন বললেন রামকালী!

একটু আগেও কি সিদ্ধান্ত করেছিলেন তিনি এ সংবাদটা আর কারও কাছে প্রকাশ করবেন না? হয়তো আর কেউ হলেই করতেন না, হয়তো ভুবনেশ্বরী এসে প্রশ্ন করলেও তাকে তাই “ডাকাডাকি করো না” বলেই খেমে যেতেন, কিন্তু সত্যর ওই উজ্জ্বল বিশ্বস্ত মন্ত বড় বড় চোখ দুটোর সামনে যেন সত্য গোপন করা কঠিন হল। আর রামকালীর চিন্তাক্রান্ত মুখের দিকে তাকিয়ে এমনও মনে হল, এই ন’ বছরের মেয়েটার কাছে বৃষ্টি তিনি চিন্তার ভাণ নেবার আশ্রয় খুঁজছেন।

কিন্তু সত্যর তো ততক্ষণে ‘হয়ে গেছে’!

খুঁজে পাওয়া যাচ্ছে না?

আস্ত একটা মাহুসকে খুঁজে পাওয়া যাচ্ছে না।

তাতে আবার মেয়েমাহুস! বেটাছেলে নয় যে পায়ে হেঁটে কোথাও চলে

গেছে। মেয়েমাহুসকে খুঁজে না পাওয়ার অর্ধই নির্ঘাত বড়পুকুরের কাকচক্ষু জল। অবশ্য এ জানটা সত্যর সম্প্রতিই হয়েছে সারদাকে উপলক্ষ করে। তাই চমকে উঠে বলে, “খুঁজে পাওয়া যাচ্ছে না? হায় আমার কপাল, ওই ভয়ে বড়বোঁকে সমস্ত রাত ঘরে ছেকল তুলে রেখে দিলাম, আর কাটোয়ার বোঁ এই করল। হে ঠাকুর, আমি কেন দুটোকেই ছেকল দিলাম না?”

“বড় বোঁমাকে ছেকল দিয়ে রেখেছিলে?” চমৎকৃত রামকালী প্রশ্ন করেন।

“না দিলে,” সত্য উদ্দীপ্ত কণ্ঠে বলে, “নিশ্চিন্দ হয়ে ঘুম আসে? জলচৌকির ওপর জলচৌকি বসিয়ে কত কাণ্ড করে ছেকলে হাত দিয়েছি! ভোরের বেলা মাকে বলকয়ে খুলিয়ে দিই। হায় হায়, কাটোয়ার বোঁকেও যদি—” বলেই সত্য সহসা স্বর ফেরায়, করুণ রসের পরিবর্তে বীর রসের আমলানি করে, “যাক, সে বেচারি মরেছে না জুড়িয়েছে। মাহুসটা একদিন ঘাট থেকে আসতে একটু দেরি করেছে, লক্ষ্মীর ঘরে সন্ধ্যে দিতে পারে নি, তার তরে কী গঞ্জনা কী বাক্যযন্ত্রণা! একটা মনিষি, তাকে দশটা মাহুসে ভাড়া। বড় পিস্তাকুমাটি কি সোজা নাকি? গাল দিয়ে দিয়ে আর আশ মেটে না। অত বাক্যযন্ত্রণায় পাবাণ-পিরতিমে হলেও জলে গে রাঁপ দেয়।”

রামকালী যেন ক্রমশঃ রহস্যের সূত্র পাচ্ছেন। বললেন, “বকাবকিটা কখন হল?”

“এই তো কালই। অবশ্য বোঁয়েরও দোষ আছে, জল নিতে গেছ জল নিয়ে চলে এস, সন্ধ্যোভোর ঘাটে বসে থাকার দরকার কি? তবে হ্যাঁ, এনাদেরও লঘুপাপে গুরুদণ্ড! অবীরে বিধবা, মনেপ্রাণে কি সুখ আছে ওর? হুঁ দণ্ড নয় ছিলই ঘাটে, তার জগ্গে অত গালমন্দ! এই গ্রীষ্মিকালে কুল কোথায় তার ঠিক নেই, সকল গাছই তো নেড়া, তবু বলে কি ঘাটে যাবার ছুতোয় কুল খাচ্ছিলি, আরও সব কত কথা—” বলেই হতাশ নিশ্বাস ফেলে সত্য, “আমি তার মানেই জানি না বাবা।”

রহস্য স্পষ্ট হয়ে উঠেছে।

কাল সন্ধ্যায় ঘাটে যে নারীমূর্তিটি দেখেছিলেন রামকালী, সে মূর্তি তা হলে সারদার নয়, কালীশ্বরীর নাত-বোঁয়ের। আশ্রহত্যার চেষ্টাই ছিল তার ভখন।

একবারের চেষ্টায় পারে নি, তাই দ্বিতীয়বার আবার। কিন্তু খটকা

লাগছে একটা জায়গায়, বকাবকিটা তো তার পরবর্তী ঘটনা। তা ছাড়া সত্যবতী বর্ণিত ‘কুল খাওয়া’ শব্দটা! যা শুনে এত চিন্তার মধ্যেও হাসি এঁসে গিয়েছিল তাঁর।

কাশীধরীও ওই সন্দেহ ব্যক্ত করেছেন।

রামকালী চাটুয্যের বাড়িতে এমন একটা ঘটনাও ঘটা সম্ভব।

ভয়ানক একটা যন্ত্রণা অনুভব করলেন রামকালী। না, শরীরী অপঘাত মৃত্যু ভেবে নয়, চাটুয্যে-বাড়ির সন্ত্রম নষ্ট বলেও নয়, যন্ত্রণা বোধ করলেন নিজের ক্রটির কথা ভেবে। আরও হুঁশিয়ার হওয়া উচিত ছিল তাঁর, আরও যথেষ্ট পরিমাণে সাবধান। একটা নিতান্ত তুচ্ছ মেয়েমানুষ যেন রামকালীর ক্ষমতার তুচ্ছতাকে ব্যঙ্গ করে গেল।

মেয়েটার এ ষ্ট্রতাকে ক্ষমা করা যাচ্ছে না।

হঠাৎ অনুভব করলেন সত্য পিছিয়ে পড়েছে। ঘাড় ফিরিয়ে দেখে ধমকে গেলেন। সহসা এক জায়গায় দাঁড়িয়ে পড়ে নিঃশব্দে কান্না শুরু করেছে সত্যবতী।

রামকালী পিছিয়ে এলেন। গম্ভীরভাবে বললেন, “তোমার কাঁদবার দরকার নেই।”

“বাবা!” এবার আর নিঃশব্দে নয়, ডুকরে ওঠে সত্য, “সব দোষ আমার। কাঁটোয়ার বৌ তো রাতদিন বলত, ‘মরণ হ’লে বাঁচি,’ আমি যদি তখন তোমাকে বলি তো একটা প্রতিকার হয়। মনে করতাম অলীক কথা, রাজ্জি স্কন্দু, মেয়েমানুষই তো রাতদিন ‘মরণ-মরণ’ করে—তেমনি। কাঁটোয়ার বৌ সত্যি ঘটিয়ে ছাড়ল! মা নেই বাপ নেই ভাই নেই, স্বামী-পুত্র কেউ নেই মানুষটার, শুধু গালমন্দ খেয়ে খেয়ে বেঘোরে মরে গেল! তুমি আগে টের পেলে—”

কান্নাটা বড় বেশী উথলে উঠল সত্যর।

রামকালী কি হঠাৎ তড়িতাহত হয়ে স্তব্ধ হয়ে গেছেন? নইলে মুখের চেহারা তাঁর হঠাৎ অত অদ্ভুত ভাবে বদলে গেল কি করে? যে জ্বকুটি নিয়ে একটা তুচ্ছ মেয়েমানুষের ষ্ট্রতার দিকে তাকিয়েছিলেন, সে জ্বকুটি মিলিয়ে গেল কেন? হঠাৎ একটা ধাক্কা খেয়ে কি হুড়মুড়িয়ে ভেঙে পড়ল তাঁর এতক্ষণকার চিন্তাধারা?



“কান্না থামাও,” বলে আস্তে আস্তে চলে গেলেন তিনি বারবাড়ির দিকে। গিয়ে দাঁড়ালেন ভিয়েন-ঘরে যেখানে কুঞ্জ তখন জলচৌকিটা ঘুরিয়ে নিয়ে দেয়ালের দিকে মুখ করে বসে বসে একসরা গরম ছানাবড়া চাখছেন।

বললেন, “বড়দা আমাকে একবার বেবোতে হবে, তুমি দেখো অতিথিদের যেন কোন অমর্যাদা না হয়।”

“আ—আমি!” মিষ্ট গলায় বেধে গেল কুঞ্জর।

“হ্যাঁ তুমি। নয় কেন? তুমি বড়!”

হ্যাঁ, বেরোবেন রামকালী! জেলেদেব ঘরে গিয়ে বলতে হবে, পুকুরে আব একবাব জাল ফেলানো দরকার! বাড়িতে কাজ, সন্দেহ করাও কিছু নেই। ভাববে মাছের কমতি পড়েছে।

তবে রামশালী যেন বুঝছেন, ওটা নিরর্থক। কাশীখরীর নাতকৌ নিজে ডুবে মবে নি। সংসারটাকে ডুবিয়েছে।

বামকালী কি তবে এবার নিদেশের আশ্রয় খুঁজবেন? নিজের ওপর কি আশ্রয় হারিয়ে ফেলেছেন? নাহলে যে প্রাণীটাকে শুধু ‘প্রাণীমাত্র’ ভেবে তাব ওপর বিরক্ত হচ্ছিলেন—তার ধৃষ্টতার বহর দেখে তাকে অগ্নি দৃষ্টিতে দেখছেন কেন? কেন ভাবছেন তারও কোনো প্রাপ্য পাওনা ছিল সংসারে? তাই বামকালী উপদেষ্টার দরকার অনুভব করছেন।

## ॥ চৌদ্দ ॥

“ওরে বাবা-সকল, একটু চোটুপায়ে চল, তাগাদা আছে।”

পালকি থেকে মুখ বাড়িয়ে আর একবার তাগাদা দিলেন রামকালী। মধ্যাহ্নের মধ্যে গিয়ে পৌঁছতে না পারলে বিছারত্ন মশাইয়ের সঙ্গে দেখা হবে না। প্রাতঃসন্ধ্যা সেরে গঙ্গাস্নানে বেবিয়ে পড়েন বিছারত্ন, যেটা বিছারত্নের আবাসস্থান থেকে অন্ততঃ তিন ক্রোশ দূরে। যাতায়াতে এই ছ’ ক্রোশ পাড়ি দিয়ে নিত্যস্নানপর্ব সমাধা করে পুনরায় ঠাকুরঘরে ঢুকে পড়েন তিনি গৃহবিগ্রহের ভোগ দিতে। তৎপরে প্রসাদ গ্রহণ, তার পর আবার সামান্য সময় বিশ্রাম, এই মধ্যবর্তী সময়টা কারও সঙ্গে দেখা করেন না

বিচারত্ব। কাছেই তাঁর কাছে যেতে হলে ওই গঙ্গান্নান সেরে কেলার মুহূর্তে, নয় অপরাহ্নে।

কিন্তু অপরাহ্ন পর্যন্ত সময় কোথা রামকালীর—প্রয়োজন যে বড় জরুরী।

জীবনে যখনই কোন সমস্তা সমাধানের জরুরী প্রয়োজন পড়ে, তখন রামকালী বিচারত্বের দরবারে এসে হাজির দেন।

অবশ্য সে রকম প্রয়োজন জীবনে দৈবাৎই এসেছে।

সেই একবার এসেছিল নিবারণ চৌধুরীর মায়ের গঙ্গাযাত্রার ব্যাপারে। তিরানন্সই বছরের বুড়ী সজ্ঞানে গঙ্গাযাত্রা করলেন, আর সে নির্দেশ রামকালীই দিয়েছিলেন। কিন্তু বুড়ী যেন রামকালীর বিষ্ঠা-বুদ্ধিকে পরিহাস করে পাঁচদিন গঙ্গাতীরের হাওয়া খেয়ে ফের চাক্স হয়ে উঠল। ভারপর তার বায়না ‘আমায় তোরা বাড়ি নে চল্।’ শরীরে শক্তি আছে, বয়সে মন অব্ব হয়ে গেছে। নিবারণ চৌধুরী রামকালীকে এসে ধরে পড়লেন, ‘বলুন কি বিহিত?’

সেই সময় চিন্তায় পড়েছিলেন রামকালী।

গঙ্গাযাত্রীর মড়া কের ভিটের কেরত নিয়ে গেলে সংসারের মহা অকল্যাণ, সত্ত্ব ভিটেটায় তো তোলাই যাবে না তাকে। টেঁকিঘরে কি গোয়ালে বড় জোর রাখা যায়, কিন্তু নিবারণ চৌধুরীর মনোভাব দেখে মনে হয়েছিল, সেটুকুতেও তিনি নারাজ। ছেলেপুলে নিয়ে ঘর করেন তিনি, সংসারের এত বড় অকল্যাণ ঘটতে বুক কাঁপছে। বার বার তাই কবরেজ মশাইয়ের কাছে বিধি-বিধান চেয়েছিলেন।

সেই সময় এসেছিলেন রামকালী বিচারত্বের কাছে। এসে প্রশ্ন করেছিলেন, ‘বিচারত্ব মশাই, বলুন শাস্ত্র বড় না মাতৃমর্যাদা বড়?’

আজ্ঞ এসেছেন আর এক প্রশ্ন নিয়ে।

অবশ্য আপাততঃ প্রশ্ন ভাড়াভাড়ি পৌছবার। একথানা গ্রাম পার হয়ে তবে দেবীপুর। বিচারত্বের গ্রাম।

পাল্কি থেকে আর একবার মুখ বাড়িয়ে দেখে বেহারাদের তাগাদা দিতে গিয়ে খেমে গেলেন রামকালী, থাক্, এত বিচলিত হবার দরকার নেই, পৌছে ওরা দেবেই ঠিক।

বিচলিত হওয়াকে ধুণা করেন রামকালী। তবু মনে মনে, অস্বীকার

করে লাভ নেই, আজ একটু বিচলিত হয়েছেন। কোথায় যেন হেরে গেছেন রামকালী, তারই একটা সূক্ষ্ম অপমানের জ্বালা মনকে বিঁধছে।

কিন্তু রামকালীর মধ্যে এই পরাজয়ের গ্লানি কেন? সংসারের একটা বুদ্ধিহীন মেয়ে যদি একটা অঘটন ঘটিয়ে বসে থাকেই, তাতে রামকালীর পরাজয় কেন?

দোড়ায় এলে এতক্ষণে পৌঁছে যেতেন, কিন্তু কোন বয়োজ্যেষ্ঠ বা গুরুস্থানীয়ের সামনাসামনি সাধ্যপক্ষে দোড়ায় চড়েন না রামকালী। তাই পালকিতেই বেরিয়েছেন। বেরিয়ে এসেছেন একটু সঙ্কোপনেই। জেলেদের জাল ফেলার ব্যাপারটা সামান্য তদারক করেই। বাড়তি কিছু মাছ উঠল উঠুক। খাণ্ডবস্ত্র কখনো বাড়তি হয় না। ওরা এখন যেভাবে কাজ করছে ককক, রামকালীর অল্পপস্থিতি টের না পেলেই মঙ্গল। টের পেলেই কাজে টিলে দেবে।

কারুর ওপর কি ভরসা করার জো আছে?

কাকা আছেন, সেজকাকা। কিন্তু তাঁকে কোন কাজকর্মের ভার দেওয়াও বিপদ। কারণ তাঁর মতে ডাকহাঁক চেঁচামেচি এবং নির্বিচারে সকলকে ধমকাতে পারাই পুরুষের প্রধান গুণ। আর বয়েস হয়ে গেলে পৌরুষের পরিমাণটা যে তাঁর একতিলও কমে নি, সর্বদা সেটা প্রমাণ করতেও রীতিমত তৎপর সেজকাকা। তাই তাঁকে ডেকেডুকে কর্তৃত্বের ভার দেওয়া মানে বিপদ বাধানো।

আর কুঞ্জ?

কুঞ্জর কথা কি বলারই যোগ্য?

মিষ্টির ভিয়েনের কানাচে হাতে মুখে রসমাখা আর মুখভর্তি ছানাবড়া ঠাসা কুঞ্জর তৎকালীন চেহারাটা একবার চোখের সামনে ভেসে উঠল। তখন, যখন দেখেছিলেন, মনটা বিরক্তিতে ভরে গিয়েছিল, এখন হঠাৎ একটা মমর্তী-মিশ্রিত অল্পকম্পার ভাব মনে এল।

যে মাছধ লুকিয়ে-চুরিয়ে নিজের ছেলের বিয়ের ভোজের মিষ্টান্ন খেতে বসে, তার উপর অল্পকম্পা ছাড়া হৃদয়ের আর কোন ভাববৃত্তি বিকশিত হবে?

এরা কি রাগেরই যোগ্য?

আশ্চর্য! রাহুটাও হচ্ছে ঠিক বাপের মতই অপদার্থ! ভবিষ্যতের

দিকে তাকালে খুব একটা আশার আলো চোখে পড়ে না। কিন্তু তার জন্ম হতাশা আনেন না রামকালী—আপন শক্তিতে বিশ্বাসী, আপন কল্পে অটুট অবিচল তিনি।

ওদের বথাকে চিন্তার জগতে ঠাই দেন না রামকালী, কিন্তু সত্যটা মাঝে মাঝে তাঁকে ভাবিয়ে তোলে। শুধু সেই একটা ভয়ঙ্কর সরল মুখ থেকে উচ্চারিত ভয়ঙ্কর জটিল প্রশ্নগুলোই চিন্তিত কবে তোলে রামকালীকে তা নয়, চিন্তিত কবে তোলে সত্যের ভাবগ্ন্য সম্পর্কে।

সংসার কি সত্যবতীকে বুঝবে ?

পাল্কি থেকে নেমে পড়লেন রামকালী।

বিষ্ণুরত্নের মাটির কুটির থেকে একটু দূবে। সেটাই সভাতা, সেটাই গুরুজনের সম্মন রক্ষা। গুরুজনের চোখের সামনে গাড়ি পাল্কি থেকে নামা অবিনয়।

মাটির ঘর দালান দাওয়া, দাওয়ার নিচের উঠোনে ঝাঁকা ছবির মত বেড়া ঘেরা ছোট্ট ফুলবাগানটি। বিষ্ণুরত্নের নিজের হাতের বাগান, নিজের হাতের দেওয়া বেড়া। টগর দোপাটি গাদা বেল মল্লিকা রক্তজবা করনী সন্ধ্যামণি, —নানান গাছ, সারা বছরই ফুলের সমারোহ। এছাড়া বেড়ার ধারে ধারে আছে তুলসীর কেয়ারি। গন্ধান্নানের পর পুজোর আগে একবার গাছগাছড়াগুলির তদারক করে যাওয়ার অভ্যাস বিষ্ণুরত্নের। পায়ে খড়ম, পরনে নিজের হাতে কাটা স্বস্তোর ধুতি ও উত্তরীয়,—পিতলের ঝাঝ জল নিয়ে গাছের গোড়ায় গোড়ায় ঢালছিলেন বিষ্ণুরত্ন, রোঁদ্রে রামকালীর ছায়া পড়তেই মুখ তুলে তাকালেন।

হৈ হৈ করে সম্ভাষণ করে উঠলেন না বিষ্ণুরত্ন। হঠাৎ আবির্ভাবের জন্ম বিষয় প্রকাশও করলেন না, শুধু রামকালীর প্রশ্ন শেষ হলে, তাঁর মাথায় হাত রেখে বললেন, “এস, দীর্ঘায়ু হও।”

শাস্ত, সৌম্য মুখ, শ্যামবর্ণ ছোটখাটো চেহারা, মাথার চুলগুলি ধবধবে পাকা, কিন্তু দৃঢ়নিবন্ধ মুখের চামড়ায় বলিরেখার আভাসমাত্র নেই। সহজে বিশ্বাস করা শক্ত—বিষ্ণুরত্ন মশাইয়ের বয়স আশী ছোঁয়-ছোঁয়। চকচকে সাজানো দাঁতের পাটির শুভ্র হাসিটুকুও বিশ্বাস করতে প্রতিবন্ধকতা করে।

দাওয়ার উপর খান-দুই-তিন জলচৌকি, কাছেই পৈঠেয় ঘটিতে জল। পা ধুয়ে দাওয়ায় উঠে জলচৌকিতে বসলেন রামকালী, বিনত হাত্রে বললেন, “আপনার তো আফিকের বেলা হল।”

“তা হল।” বিত্তারত্ন প্রশ্নের হাসি হাসলেন, “বলবে কিছু—যদি বলবার থাকে?”

বলবার কিছু আছেই, নচেৎ এমন অসময়ে ব্যস্ত হয়ে আসার কারণ কি?

রামকালী আর গৌরচন্দ্রিকা করলেন না, মুখ তুলে পরিষ্কার কণ্ঠে বললেন, “পণ্ডিতমশাই, আজ আবার এক প্রপ্ন নিয়ে আপনার দরবারে এসে দাঁড়িয়েছি। বলুন মানুষ বড়, না বংশমর্যাদার অহঙ্কার বড়?”

ঠিক এই একই সময় একটা ছেটে মেয়ে ওই একই ধরনের প্রপ্ন করছিল, অল্প কাউকে নয়, নিজের মনকেই। “আচ্ছা এও বলব মানুষ বড়, না তোমাদের রাগটাই বড়?”

কী আশ্চর্য্য, কী আশ্চর্য্য! জলজ্যাস্ত একটা মানুষ হারিয়ে গেল তবু গিন্নীরা কিনা সত্যর ওপর চোখ রাঙাচ্ছেন, “খবরদার ছুটি ঠোঁট ফাঁক করবি না, কারুর যদি কানে যায় তো তোদের সব কটার হাড়মাস ছু ঠাই করব।”

বেশ বাবা, তোমাদের জেদই থাক, রাগ নিয়ে ধুয়ে ধুয়ে জল খাও তোমরা।

ওদিকে বিত্তারত্ন রামকালীকে বলছিলেন, “কালের সমুদ্রে একটা মানুষের জীবনমরণ স্খতঃখ কিছুই নয় রামকালী, সমুদ্রে বুদ্ধুদ মাত্র। কুলত্যাগিনী বধুকে সন্ধান করবার প্রয়োজন নেই।”

“কিন্তু সমাজকে তো একটা জবাব দিতে হবে?”

“যা সত্য তা বলবে সাহসের সঙ্গে। সত্যকে স্পষ্ট করে বলতে পারা চাই। সেটাই ধর্ম। সেই বিপথগামিনীকে তুমি তো আর ঘরে নিচ্ছ না? ভেবে নাও তার মৃত্যু হয়েছে।”

“কিন্তু পণ্ডিতমশাই, এ আমি ভাবতেই পারছি না—আমার ঘরের কথা নিয়ে অপরে আলোচনা করবে।”

“রামকালী, তোমার দেহে একটা ছুট রোগ হওয়া অসম্ভব নয়, তা যদি হয় কি করবে তুমি? বিধাতার বিধান মেনে নিভেই হবে। তা ছাড়া

হয়তো এবকম একটা কিছুর প্রয়োজনও ছিল। ইয়তো তোমার ভিতর কোনখানে একটু অহমিকা এসেছিল—”

“অহমিকা! পণ্ডিতমশাই, ‘আমি’র প্রতি মর্যাদাবোধ থাকটা কি ভুল? অথায়?”

“এই একটা জায়গা বড় গোলমেলে বামকালী, আত্মমর্যাদা-বোধ আর অহমিকা-বোধ, এ দুটোর চেহারা যমজ ভাইয়ের মত, প্রায় এক, সুস্থ আত্ম-বিচারের দ্বাৰা এদের তফাৎ বোঝা যায়। তা ছাড়া তুমি ব্রাহ্মণ! রজোগুণ তোমার জন্ম নয়। কিন্তু আজ তোমার চিত্ত চঞ্চল, তুমি এখন বিশেষ ব্যক্তও, কাজেই আজ এসব আলোচনা থাক।”

রামকালী কয়েক মুহূর্ত মাথা নিচু কবে ভূমিসংলগ্ন দৃষ্টিতে কি যেন ভাবলেন, তাবপর সহসা মাথা তুলে বলিষ্ঠ কণ্ঠে বললেন, “আচ্ছা, আপনাব নির্দেশই শিরোধার্য করলাম।”

আর একবার বিচারত্বের পদধূলি নিয়ে বেরিয়ে এসে পাল্কিতে চড়লেন রামকালী। ফেরার মুখে আর বেহারাদের তাড়া দেবার কথা মনে এল না। বিচারত্বের একটা কথা তাঁকে বিশেষ ধাক্কা দিয়েছে। বিচারত্ব বললেন, “তুমি ব্রাহ্মণ, রজোগুণ তোমার জন্ম নয়।”

কিন্তু তাই কি সত্য?

ব্রাহ্মণের মধ্যে তেজ থাকবে না? থাকবে কেবলমাত্র রজোগুণ-শূণ্ণ স্তিমিত শাস্তি?

ফিরে দেখলেন বাড়ি লোকে লোকারণ্য। নিমন্ত্রিতেরা প্রায় সকলেই এসে গেছে। রান্নাও প্রস্তুত। শুধু রামকালীর অস্থপস্থিতিতে ভোজে বসিয়ে দেবার ব্যবস্থাটা ঠিকমত হচ্ছে না, সকলে মিলে শুধু গুলতানি চলাচ্ছে।

এই চনচনে সময়ে দূর থেকে পরিচিত পাল্কি-বেহারাদের “হুম্ হুম্” আওয়াজ কানে এল। আশায় অধীর হয়ে উঠল সবাই—‘এসে গেছেন, এসে গেছেন’ রবে গম্ গম্ করে উঠল জনতা। সকলেই অবশ্ব ধরে নিয়েছিল আচম্ভকা কোনও রোগীর মরণ-বাঁচন সংবাদ পেয়ে বাধ্য হয়ে বেরিয়ে যেতে হয়েছে রামকালীকে। কুল্লও সেই কথাই বলে রেখেছিলেন।

অন্দরমহলে মেয়েদের মধ্যে শঙ্করী সম্পর্কে কানাঘুষো শুরু হয়ে গিয়েছিল ; কিন্তু বারমহল সম্পূর্ণ নিশ্চিন্ত ।

রামকালী এসে দাঁড়াতেই ব্যয়োজ্যেষ্ঠ অতিথি-অভ্যাগতের দল হৈ হৈ করে এগিয়ে এলেন, “ব্যায়রামটা কার রামকালী ? কোন্ গাঁয়ে ? কে যেন দেবীপুরের দিকে পাল্কি যেতে দেখল, ওইখানেই কারও—”

“না, কারও ব্যায়রাম শুনে আমি যাই নি—” রামকালী একবার লোক-ভর্তি আটচালার সমস্তটায় চোখ বুলিয়ে নিলেন, তাব পর একটু থেমে বললেন, “আমি বেরিয়েছিলাম অন্ত প্রয়োজনে, সে প্রয়োজনের কথা আপনাদের সকলকেই জানাব । যদিও আপনারা এখনো অভুক্ত ও ক্ষুধার্ত, আমার কথা শুনে ঠিক কি মনোভাব আপনাদের হবে তাও সম্পূর্ণ বুঝতে পারছি না, তবু আহারাঙ্গির পূর্বেই কথাটা ব্যক্ত করা উচিত মনে করছি আমি । বলতে আপনারা সকলে অল্পমতি কখন আমাকে ।”

নিঃশব্দ জনতার মাঝখানে রামকালীর ভরাট কণ্ঠস্বর গম্ গম্ করে উঠল, অনেকেই বুক কঁপে উঠল একটা অজানা আশঙ্কায় ।

কুঞ্জ হঠাৎ পিছনদিকে হটে গিয়ে ধুলোর উপর বসে পড়লেন, রাহু ভিড়ের একেবারে পিছনেই ছিল, সে ঠাঁ করে তাকিয়ে রইল কাকার আরক্ত গোরমুখের দিকে । সমাগতেরা অল্পধাবন করতে পারছেন না ব্যাপারটা কি । আহাৰ্য্য বস্তুতে কি কোনও অনাচার স্পর্শ ঘটেছে ? কিন্তু তাই বা কি করে বলা যায় ? রামকালীর আচমকা বেরিয়ে যাওয়ার প্রলটাও যে রয়েছে ।

তবে কি সহসা রামকালীদের কোন জ্ঞাতির মৃত্যু ঘটেছে ? এই বিরাট ভোজের রান্না সব অর্শোচায় হয়ে গেছে ? সেই সংবাদ পেয়েই রামকালী...! রামকালী কি এমন অর্বাচীন যে এই ভয়ঙ্কর মুহূর্তে সেই তথ্য এসে প্রকাশ করবেন ? মৃত্যুসংবাদ কানে না শুনলে তো অর্শোচ হয় না, উনি নিজে গা-ঢাকা দিয়ে বেড়ালে তো আর এখানের অন্নগুলো অর্শোচায় হয়ে যেত না ? বলে এমন ক্ষেত্রে ঘরের মড়া কাঁথা চাপা দিয়ে রেখে লোকে দিন উদ্ধার করে নেয় ।

তবে ?

রামকালী যে তাঁর বক্তব্য জ্ঞাপন করতে অল্পমতি চেয়েছিলেন, এ কথা কারও মনে ছিল না, ফের চেয়ে সে কথা মনে করিয়ে দিলেন রামকালী ।

“তা হলে আপনারা আমায় অশ্রুমতি দিচ্ছেন?”

“হ্যাঁ হ্যাঁ, অবশ্য অবশ্য! তোমার যা বলবার আছে বল।”

“তা হলে শুধুন, গতরাত্রে আমার পরিবারভুক্ত একটি বিধবা বধু গৃহত্যাগ করেছে—”

“অ্যা! অ্যা! অ্যা!”

সহসা ভয়ঙ্কর একটা ঝড় উঠল। কালবৈশাখীর দুমদাম এলোমেলো ঝড় নয়, যেন একটা বুনো অরণ্যের চাপাশ্বাস গোঁ গোঁ করে উঠল। সেই শ্বাস শুধু সমবেত কণ্ঠের ওই আহত বিস্ময়ের প্রচণ্ড ধ্বনি।

রামকালী কি এই বজ্রটাকেই প্রস্তুত করছিলেন এতক্ষণ ধরে, তাঁর অভুক্ত ক্ষুধার্ত নিমন্ত্রিত অতিথিদেব জ্ঞতে?

তুমুল ঝড়ের ধ্বনিতে রামকালীর কথার শেষ অংশ চাপা পড়ে গিয়েছিল, আর একবার সে স্বর গম্ গম্ করে উঠল চাপা মেঘমন্দের মত।

“এখন আপনারা স্থির করুন, এই অপরাধে আমাকে ত্যাগ করবেন কিনা?”

যেন বজ্রতা-মঞ্চ দাঁড়িয়ে বজ্রতা দিচ্ছেন রামকালী, এমনি ধীর-স্থির সমুন্নত সেই মূর্তি!

এঁকে ত্যাগ!

সম্ভব?

কিন্তু তাও হওয়া সম্ভব নৈকি। সমাজ বলে কথা!

নিবারণ চৌধুরীর মামা বেঁটেখাটো বিপিন লাহিড়ী একটা জলচৌকি টেনে এনে তার উপর দাঁড়িয়ে উঠে চিবিয়ে চিবিয়ে বললেন, “ত্যাগ করা-করির কথা নয়, ভবিষ্যতে যা বিচার তা হবে। কিন্তু বর্তমানে আজ তো আর আমাদের এখানে খাওয়া হয় না রামকালী।”

রামকালী দুই হাত জোড় করে শান্ত গভীর কণ্ঠে বললেন, “আমি কাউকে অহুরোধের দ্বারা পীড়ন করতে চাই না, তবে এইটুকুই শুধু জানাচ্ছি, আমি সেই মতিভ্রষ্টা মেয়েকে মৃত বলেই গণ্য করব। মাহুঘের সমাজ থেকে তার মৃত্যু হয়েছে। আহারের পূর্বে এই কথাটি নিবেদন করতে যারপন্নাই দুঃখ বোধ করছি আমি, কিন্তু আমার বিবেকের কাছে এটাই কর্তব্য বলে মনে হল আমার।”

বিপিন লাহিড়ী মনে মনে মুখ ভেঙেচান, “আগে বলাই কর্তব্য ভাবলাম।



ওরে আমার যুধিষ্ঠির ! এই যজ্ঞের খাওয়াটা পণ্ড করলি ভাল হবে, তোর ভাল হবে ?”

♣ চোখে জল এসে যাচ্ছিল বিপিন লাহিড়ীর। তবু কথা বলেন তিনি, “আমার মনে হয়, খবরটা তোমার এখন গোপন রাখাই উচিত ছিল রামকালী।”

“সে কথা আমি ভেবেছিলাম।” রামকালী আবার একবার সকলের মুখের দিকে তাকিয়ে বলেন, “কিন্তু পরে মনকে ঠিক করে নিলাম। আমার এত বড় কলঙ্ক সত্ত্বেও যদি আপনারা আমাকে ত্যাগ না করেন, তাহলে পরম ভাগ্য বলে মানব। আর যদি তা করেন, সে শাস্তি মাথা পেতে নেব।”

এবার আর ঝড় নয়, গুঞ্জনধ্বনি।

সে ধ্বনি ক্রমশঃ স্পষ্ট হয়ে উঠল। “তা এতে তোমার আর কলঙ্ক কি ?”

“আছে বৈকি ! আমার অস্ত্রপূর উচিতমত রক্ষা করবার অক্ষমতাই আমার কলঙ্ক। আমার অপরাধ। মার্জনা আমি চাইব না, এই অপরাধেব মার্জনা নেই, শুধু আমার প্রতি আপনাদের স্নেহ-ভালবাসার কাছে হাত জোড় করে প্রার্থনা করছি, আপনারা পরে আমার প্রতি যে শাস্তির আদেশ দেন মাথা পেতে নেব, শুধু আজ আপনারা দয়া করে আহার ককন।”

আর একবার ঝড় উঠল।

অসন্তোষের ? না উল্লাসের ?

বোধ করি বা উল্লাসেরই, তবে জলচৌকির উপর দাঁড়িয়ে থাকা বঁটে-খাটো বিপিন লাহিড়ীর গলাটাই শুধু শোনা গেল, “আচ্ছা, আজকেব মত ভোগ্যের হনুরোধ রক্ষা করাই আমরা স্থির করছি।”

রামকালী ধীরে ধীরে সরে গেলেন। মাথা সোজা করেই।

## ॥ পনেরো ॥

সকালবেলা নেড়ুকে হাতের লেখা মক্শ করতে হয়। পূবের উঠোনের রোদ যতক্ষণ না পেয়ারাতলার ঠিক নিচেটায় এসে পড়বে ততক্ষণ পর্যন্ত নেড়ুকে সেই দুঃহ কর্তব্যটি করেই চলতে হবে, এই নির্দেশ আছে তার উপর। ঋতুভেদে সীমানার কিছু ভেদ হয়, আপাততঃ ওই পেয়ারাতলা।

অবশ্য তার প্রতি আরও একটা নির্দেশ আছে।

সেই হচ্ছে তালপাতার গোছাগুলি ও দোয়াত-কলম নিয়ে বসার সময় এবং ‘মক্শ’র পর সেগুলি তুলে রাখার সময় ভক্তিভরে মা সরস্বতীকে প্রণাম করা। প্রণাম-মন্ত্রের সঙ্গে প্রার্থনা-মন্ত্রও যুক্ত করা আছে।

দেবীর প্রসন্নতা লাভের উপায় স্বরূপ বিগা অল্পশীলনের চাইতে স্তবস্ততি প্রণাম প্রার্থনার উপরই নেড়ুর আস্থা বেশী। কাজেই ‘শব্দবোধের’ পাতা যথাসম্ভব তাড়াতাড়ি মুড়ে ফেলে, নিঃশব্দ স্ততিতেই সময় বেশী যায় তার। চোখটা বুজে রেখেও তেরচা কটাক্ষের কৌশলে পেয়ারাতলার প্রতি দৃষ্ট নিবন্ধ রেখে পরম ভক্তিভরে মন্ত্রোচ্চারণ করছিল সে পাততাড়িটি কপালে ঠেকিয়ে—

স্বং স্বং দেবী স্তববর্ণে,  
রত্নশোভিত কুণ্ডলকর্ণে।  
কণ্ঠে লঙ্ঘিত গজমোতি হারে,  
দেবী সরস্বতী বর দাও আমারে।  
লাগ্ লাগ্ বাণী কণ্ঠে লাগ্—  
যাবজ্জীবন তাবং থাক্।  
দৃষ্ট সরস্বতী দূরে যান্।  
আমি থাকি গুরুর বশে,  
ত্রিভুবন পুরিত আমার বশে।

দেবী-স্তবের কালে কিন্তু নেড়ু ভাবছিল দেবের কথা। সূর্যদেব।

আশ্চর্য! নিষ্ঠুর সূর্যদেবতাকে এত আন্তরিকভাবে মাতুল সঘোষন করেও ভাগ্নের প্রতি তাঁর মমতার কোনও প্রকাশ দেখতে পায় না নেড়ু। পেয়ারাতলার নিচেটায় আসার যেন কোনও গরজই নেই তাঁর। অথচ তিনি সামান্ত একটু ক্লপাদৃষ্টপাত করলেই, করা মাজ্রাই, নেড়ুর আজকের মত যন্ত্রণা

শেষ হয়। বার বার ঘুরিয়ে ঘুরিয়ে একই স্তব্ধতা কতক্ষণ ধরেই বা করা যায় ?

তবু কপাল থেকে কলম তালপাতা নডায় না নেড়ু, ঠেকিয়েই থাকে, এইমাত্র ঠেকানোর ভঙ্গীতে।

“খুব যে বিগ্ণে হচ্ছে! আহা মরে যাই, ছেলের কী ভক্তি রে!”

সত্যবতীর শানানো গলা বেজে ওঠে।

বুকটা কেঁপে ওঠে নেড়ুর।

উঃ, যা মেয়ে ও! আর যা জেরা! তথাপি বাইরের প্রকাশে সত্যকে কোন স্বীকৃতি দেয় না নেড়ু, একই ভাবে চোখ বুজে বিভবিড় করতে থাকে।

সত্যবতী হি-হি করে হেসে ওকে একটা ঠেলা দিয়ে বলে, “এখন যে বড় চোখ বোজা হচ্ছে? এতক্ষণ কি করছিলি? হঁঃ বাবা, খালি চোখ পিটপিট আর পেয়ারাতলার দিকে তাকানি!”

“আঃ, সত্য!” নেড়ু এবার পাতা কলম কপাল থেকে নামিয়ে সবত্রে জলচৌকির উপর স্থাপিত করে বিরক্তি-ব্যঙ্গক গম্ভীর স্বরে বলে, “নমস্কারের সমস্ত গোলমাল করছিস কেন?”

“নমস্কার তো তুই সকাল থেকেই করছিস। এক পোর বেলা হয়ে গেল সেই এস্কক নমস্কারই হচ্ছে! দেখি নি যেন!”

“ইঃ, দেখেছিস তুই!” নেড়ু উঠোনের দিকে তাকিয়ে দেখে। মনে হচ্ছে যেন মাতুল সূর্যদেব এতক্ষণে সদয় হয়েছেন, পেয়ারাতলার ঠিক নিচেটাতে ক্লশাকটাক্ষ করছেন। অতএব বুকের বল বাড়ে তার। দৃপ্তকণ্ঠে বলে, “কত মক্ষশ করলাম তখন থেকে!”

“কই দেখি কত!” বলেই সত্য একটা কাজ করে বসে। হাতটা একবার মাখায় মুছে নিয়ে চট করে মা সরস্বতীর উদ্দেশ্যে একটা প্রণাম নিবেদন করে নেড়ুর এইমাত্র রক্ষিত তালপাতার গোছায় এক টান মারে।

“আই আই, ও কী হচ্ছে!” শিহরিত নেড়ু ভয়ঙ্কর একটা ভয়ের স্বরে বলে ওঠে, “সত্য! তুই তালপাতায় হাত দিলি?”

“দিলাম তা কি!” নির্ভীক স্বর সত্যর, “আমি তো মা সরস্বতীকে প্রণাম করে হাত দিয়েছি!”

“প্রণাম করলেই সব হল? তুই না মেয়েমাছ? মেয়েমাছের তালপাতায় হাত ঠেকলে কি হয় জানিস না?”

সত্য ইতিমধ্যে নেড়ুর সারা সকালের 'শ্রমফল' নিরীক্ষণ শুরু করে দিয়েছে। বলা বাহুল্য একখানি মাত্র পাতা কালি-কলঙ্কিত, বাকী সবগুলিই নিষ্কলুষ নিষ্কলঙ্ক। কাজেই আর একবার তার 'হি-হি'র পালা।

“খুব যে বলছিলি অনেক মক্শ করেছিস? কই কোথায়? দোয়াতে বুকি কালির বদলি জল ভরেছিস? তাই চোখে ঠাইর হচ্ছে না?”

সতার বিদ্রূপের ভঙ্গী বড় তীক্ষ্ণ, কারণ উক্ত মন্তব্যের সঙ্গে সঙ্গে চোখের তারা পাতার যতটা সম্ভব কাছে নিয়ে এসেছে সে, মুখে কোঁতুকের আলোর বলমলানি।

এতটা সহ করা শক্ত।

নেড়ু এক হ্যাচকায় নিজ সম্পত্তি কেড়ে নিয়ে ক্রুদ্ধকণ্ঠে বলে, “বেশ থাক্। আমার বিত্তে না হোক তোর কি? নিজের কি হয় দেখ্। বলে দিচ্ছি গিয়ে সবাইকে, তালপাতে হাত দিয়েছিস তুই।”

স্বার কেউ হলে 'সবাইকে বলে দেওয়ার' ভীতি প্রদর্শনেই কাবু হয়ে পড়ে এবং আপসের স্বরে 'আচ্ছা, বেশ ভাই দেখলাম!' ইত্যাদি অভিমানসূচক বাণী উচ্চারণ করে শত্রুপক্ষের মন নরম করে আনে। কিন্তু সতার মনোভাব আপসবিহীন। তাই ভিতবে যাই হোক, বাইরে বিন্দুমাত্র বিচলিত ভাব দেখায় না সে, সমান জোরের সঙ্গেই বলে, “বলে দিবি তো দিবি, সবাই আমার কিকরবে শুনি? শূলে দেবে?”

“দেয় কি না দেখিস! চালাকি নয়!”

“কেন, মেয়েমানুষ তালপাতে হাত দিলে কি হয়? কলকেতায় তো কত মেয়েমানুষ লেখাপড়া করে?”

“তোকে বলেছে করে! পড়লে চোখ কানা হয়ে যায় তা জানিস?”

“কঙ্কনো না, মিছে কথা! বড্ডই তুই জানিস! যারা পড়ছে তারা সব অমনি কানা হয়ে যাচ্ছে! হুঁ!”

কলকেতা নামক অ-দৃষ্ট সেই দেশটায়, কদাচ কখনও যেখানের নাম কানে আসে, সেখানে সত্যিই কোনও মেয়েমানুষ লেখাপড়া করে কিনা এবং করলে তাদের চক্ষুগুলকে দৃষ্টিশক্তিসম্পন্ন রাখতে পারে কিনা, এ সম্পর্কে নেড়ুর স্পষ্ট কিছু জ্ঞান নেই, তবু নিজের অভিমতকে প্রতিষ্ঠিত করতে প্রাণপণ চেষ্টা করে সে,

“এখন না যাক—আসছে জন্মে যাবে। অমনি না!”

“আসছে জন্মে! হি-হি-হি! তাদের আসছে জন্মটা তুই দেখে এসেছিস

বুঝি? আমি এই তোকে বলে দিচ্ছি নেদু, ওসব কিছু হয় না। বিত্তে তো ভাল কাজ, করলে কখনও পাপ হতে পারে?”

লেখাপড়ার ব্যাপারে বুদ্ধি না খুললেও কূটতর্কের ব্যাপারে নেদু ওস্তাদ, তাই সে অকাট্য একটি যুক্তি প্রয়োগ করে, “নারায়ণ-পূজাও তো ভাল কাজ, করে মেয়েমানুষরা? ছুঁতে তো পায় না। ভগবান বলে দিয়েছে ভালো কাজগুলো বেটাছেলেরা করবে, খারাপ কাজগুলো মেয়েমানুষরা করবে, বুঝলি?”

“হাঁ, বলেছে ভগবান তোর কান ধরে!” ঝঙ্কার দিয়ে ওঠে সত্য, ‘ভগবান কখনো অমন একচোখে নয়। ওসব বেটাছেলেরাই ছিষ্ট করেছে।’

বচসার শব্দ খুব মূঢ় হচ্ছিল না, শব্দে আকৃষ্ট হয়ে পুণ্য এসে দাঁড়ায় এবং মর্কোটুহলে প্রশ্ন করে, “কি ছিষ্ট করেছে রে বেটাছেলেরা?”

সত্য মুহূর্তে অহুস্তেজিত ভাব পরিগ্রহ করে বলে, “কিছু না, শাস্ত্রের রক্ষা হচ্ছে।”

শাস্ত্র!

পুণ্য হালে পানি পায় না।

সহসা এখানে শাস্ত্রালোচনা শুরু হল কী বাবদ, সেটা অহুস্তেজিত করতে চেষ্টা করে। ইত্যবসরে নেদু সেই ‘বলে দেওয়া’র স্বরে বলে ওঠে, “সত্যর সাহস-খানা সুনবি পুণ্যিপিসী? তালপাতে হাত দিয়েছে, আবার বলছে ‘দিয়েছি তো হয়েছে কি’!”

তালপাতে হাত!

এটা আবার আর এক আকস্মিকতা। তালপাতাটা কি জাতীয় সহসা সেটা সদয়ক্রম করতে পারে না পুণ্যবতী।

“তালপাত কি রে?” প্রশ্ন করে সে সত্যর মুখের দিকে তাকিয়ে।

তাকে ‘হাঁ’ করে দিয়ে, সত্য হেসে উঠে দেওয়ালে পৌতা, পেরেকে গৌজা একখানা তালপাতার হাতপাখা পেড়ে নিয়ে বলে ওঠে, “এই যে এই! দেখ, এখন হাতে পোকা পড়ল কিনা আমার!”

“সত্য!”

নেদু চোখ পাকিয়ে বলে, “মা সরস্বতীকে নিয়ে তামাশা করছিস তুই?”

প্রত্যেক সময় প্রত্যেক ব্যাপারেই সত্য জিতে যায়, নেদু হারে। নেদুর

মজ্জায় অবস্থিত পোর্কম্ববোধ এতে যথেষ্টই আহত হয়, আজ সহসা সত্যকে শাসন করার একটা ছতো পেয়ে নেড়ুর আর উল্লাসের সীমা নেই। তাই সহসা করতল-গত সেই শক্তিটাকে অবহেলায় বাজে খরচ করে ফেলতে পারছে না, রীতিমত করে ভাঙিয়ে খেতে চাইছে চেখে চেখে।

এবার আর হাসে না সত্য, বিরক্তি প্রকাশ করে, সেই ওর অভ্যস্ত ভঙ্গীতে জোড়াভুক কুঁচকে, “হাঁদার মতন কথা কস নে নেড়ু। তামাশা আমি মা সরস্বতীকে করছি না, করছি তোকে। তালপাতে একটু হাত দিয়েছি তো কী কাণ্ডই করছিস! যেন সগ্গো মত রসাতলে গেছে! শুধু হাত দেওয়া কেন, আমি তো লিখতেও পারি।”

“লিখতেও পারিস!”

যুগপৎ নারী-পুরুষ দুই কণ্ঠে উচ্চারিত হয় এই সর্পাহত-কণ্ঠবৎ শব্দ। আড়ষ্ট হয়ে গেছে পুণ্য আর নেড়ু।

কিন্তু নিষ্ঠুর সত্য ওদের ওই আঘাতপ্রাপ্ত চিত্তেই আরও আঘাত হেনে বসে, “পারিই তো, এই দেখ্।”

ৰূপ করে আলোচ্য তালপত্রখণ্ডের একখানা টেনে নিয়ে দোয়াতে কলম ডুবিয়ে পরিপাটি করে লিখে ফেলে সত্য, “কর বল ঘট।” লিখে অদৃশ্যের উদ্দেশে আর একটা প্রশ্নাম রুঁকে বলে, “আরও কত লিখতে পারি।”

বিশ্বয়ের ঘোর কাটতে কিছুক্ষণ লাগে। পুণ্যের চাইতে নেড়ুই বেশী বিশ্বয়াহত। যে দুর্ভাগ্য কর্মের চেষ্টায় তার ঘাম ছুটে যায়, এত অনায়াসলীলায় সেটা করে ফেলে সত্য।

তা ছাড়া কেমন করে?

মা সরস্বতী কি সহসা ওর উপর ভর করেছেন? যেমন নাকি শুনতে পাওয়া যায় কবি কালিদাসের উপর করেছিলেন?

লেপা শব্দ কটির উপর চোখ রেখে ঝিন্ হয়ে তাকিয়ে থাকে নেড়ু। আর পুণ্য স্পর্শ বাঁচিয়ে তালপাতাখানার উপর ঝুঁকে পড়ে বিস্ময়িত নৈত্র্যে বলে, “কোথ্ থেকে শিখলি রে সত্য? কে শেখালে?”

“শেখাতে আবার কার দায় পড়েছে, আমি নিজে নিজেই শিখেছি। দেখে দেখে।”

“নিজে নিজেই শিখেছিস? দেখে দেখে?”

“না তো কি?”

“দোঁত কলম পেলি কোথা ?”

“দোঁত কলম কে দিচ্ছে।” সত্য! ঝাঁকের মাথায় তার গোপন কথাটি প্রকাশ করে বসে, “বটপাতার ঠুলি গড়ে, তার মধ্যে পুইমেটুলির রস গুলে কালির মতন করি।”

তাজ্জব বনে যাওয়া ছুটি প্রাণী ক্ষীণকণ্ঠে বলে, “আর পাত কলম’?”

“তোরা আর ‘হাঁ-করা’ কথা কস নে বাপু। পৃথিবীর ভালগাছ কি কেউ সিঁড়কে বন্ধ করে রেখেছে, না আকিঞ্চন করে খুঁজলে একটা শরকাটি মেলে না ?”

গিন্নীর মতন মুখ করে ঝঙ্কার দিয়ে ওঠে সত্য।

এতক্ষণে বুদ্ধিহীন পায় পুণ্য। তা সেও গিন্নীদের মত গালে হাত দিয়ে বলে, “তাহলে তুই হুকিয়ে মক্শ করিস ? উঃ ধন্নি বাবা! কাউকে টেরই পেতে দিস না। কখন হাত পাকাস ?”

সত্য রহস্তের হাসিতে মুখ রঞ্জিত করে বলে, “যখন তোরা থাকিস না।”

“কিন্তু সত্য!” পুণ্য চিন্তিত স্বরে বলে, “খেয়াল করে তো করছিস, দেখে-আহ্লাদও হচ্ছে, কিন্তু হাজার হোক মেয়েমানুষ, এতে তোর পাপ হবে না ?”

“কেন পাপ হবে কেন ?” সত্য সহসা উদ্দীপ্ত তেজের সঙ্গে বলে ওঠে, “মেয়েমানুষরা যে রাতদিন ঝগড়া কৌদল করছে, যাকে ভাকে গালমন্দ শাপ-মণ্ডি করছে, তাতে পাপ হয় না, আর বিচ্ছে শিথলে পাপ হবে ? বলি স্বয়ং মা সরস্বতী নিজে মেয়েমানুষ নয় ? সকল শাস্ত্রের সার শাস্ত্র চার বেদ মা সরস্বতীর হাতে থাকে না ?”

নেড়ুর আর বাক্যস্ফূর্তি নেই।

এত বড় অকাট্য যুক্তির সামনে পড়ে গিয়ে যেন বিরাট একটা দৃষ্টির দরজা খুলে যায় তার চোখের সামনে।

সত্যিই তো বটে, মা সরস্বতীটি স্বয়ং নিজেই তো মেয়েমানুষ !

এত বড় স্পষ্ট সত্য কি করে এত দিন তার দৃষ্টির বাইরে ছিল ? আর এই সত্যবতীটাই বা কেমন করে উদ্ঘাটন করে ফেলেছে সেই সবাইয়ের ভুলে থাকা, অথচ পরম স্পষ্ট কথাটাকে !

“নে পুণ্য, ঘাটে বাই চ।”

আলোচনায় ইতি টেনে দিয়ে উঠে পড়ে সত্যবতী, “আর দেরি করলে গিন্নীরা ভাত গেলবার অন্তে হাঁক পাড়বে, ভাল করে চানই হবে না।”

কথাটা মিথ্যা নয়, জলে পড়লে সহজে আশ মিটতে চায় না এদের সাতার দিতে দিতে হাঁপিয়ে না পড়া পর্যন্ত ‘ভাল করে চান’ হয় না।

“চ” বলে উঠে পড়ে পুণি, কিন্তু নেড়ুর সঙ্গে চোখে চোখে একটা ইশারা হয়ে যায় তার।

কিন্তু না, অসদভিপ্রায় ছিল না তাদের, ‘বলে দেওয়া’র মনোভাবও ছিল না আর। সত্যর গুণপনা সমাজে প্রকাশ করে সকলকে চমৎকৃত করে দেওয়াই উদ্দেশ্য ছিল।

সত্য যে তাদেরই একজন!

সত্যর মহিমায় তো তাদেরই মহিমা।

কিন্তু সদভিপ্রায়ের ফল কি সব সময় সুস্বাদু হয়?

হয় না।

হয় না, সেটাই আর একবার প্রমাণিত হয়ে গেল নেড়ুর সন্তোদৃষ্টিতে।

হলস্থল পড়ে গেল অন্দর-বাড়িতে।

প্রচ্ছন্ন বইতে লাগল রামকালীর মেয়েকে আশকারা দেওয়ার সমালোচনা, আর প্রত্যক্ষে ছিছিঙ্কার পড়তে লাগল সত্যর বৃকের পাটার।

ও কি ভেবেছে খণ্ডরঘর করতে হবে না ওকে?

“করতে হবেও না,” শিবজায়া ভীক্ককণ্ঠে বলেন, “খণ্ডররা টের পেলে উদ্দিশে হাতজোড় করে ত্যাগ করবে ও বৌকে।”

মোক্ষদা বলেন, “হারামজাদী যখনই জটার নামে ছড়া বেধেছিল, তখনই সন্দ হয়েছিল আমার। এখন বুঝছি।”

রাসুর মা কোন দিনই কোন কথায় বড় থাকে না, কাজের পাহাড় নিয়েই কাটায় সারা দিন, কিন্তু আজকের এই অপরাধের আবিষ্কর্তা নাকি স্বয়ং তারই পুত্ররত্ন, তাই বোধ কবি কিছুটা দাবি অমুভব করে কথা বলার।

আস্তে আস্তে বলে, “একে তো ঘরের একটা বৌ, যা নয় তাই কেলেঙ্কারি করে গালে-মুখে চুনকালি দিয়ে জন্মের শোধ লোকের কাছে হেয় করে রেখে গেল, আবার ঘরের মেয়েরাও যদি যা ইচ্ছে তাই করতে থাকে—”

কথা শেষ করে না রাসুর মা, শুধু দুটো পাতকই যে একই গর্হিতের পর্যায়ে পড়ে সেইটুকুরই ইশারা দেয়।

কাঠ হয়ে থাকিয়ে থাকে ভুবনেশ্বরী।



শুধু কাশীধরই নীরব। তাঁর আর মুখ নেই।

সমালোচনার উদ্যমতা কিছুটা স্তিমিত হলে দীনতারিণী প্রায় মিনতির ভঙ্গীতে বলেন, “যাক গে বাবা, ওই নিয়ে আর বেশী কথাকথিতে কাজ নেই সেজ্ঞাকুরবি। প্রবাদে বলে, কথা কানে হাঁটে। কোন্ সূত্রে কার দ্বারা চালিত হয়ে কুটুমবাড়ির কানে উঠবে, হয়ত সেই নিয়ে কি বিপত্তি বাধবে কে বলতে পারে। একে তো—”

দীনতারিণীও কথায় একটা অক্লান্ত সন্তাবনা উহ্ন রেখে টেনে ছেড়ে দেন।

কাশীধরীর সামনে আর শঙ্করীর কথা স্পষ্ট করে তোলেন না।

তু মোক্ষদা উচ্চ চীৎকারে ভবিষ্যদ্বাণী করতে ছাড়েন না, “সে তুমি যতই সাধান হও বড়বৌ, আমি এই আগুবাড়িয়ে বলে দিচ্ছি, ও মেয়ের কপালে অশেষ দুঃখ আছে। আজ নয় তুমি আমি চেপে গেলাম, কিন্তু ওকে নিয়ে যাবা ঘর করবে, তাদের কি আর গুণ বুঝতে বাকী থাকবে? হবে না তো কি, বাপে শাসন না করলে কি আর বেয়াড়া মেয়ে-ছেলে শায়েস্তা হয়?”

দীনতারিণী অকূলের কূল হিসেবে স্মিয়মাণভাবে বলেন, “তা তুমি না হয় রামকালীকে বুঝিয়ে বলো?”

“রক্ষে করো বড়বৌ! আমি আর হয় হতে চাই না। আমি লাগাতে যাব, আর তিনি মেয়েকে শাসন তো দূরের কথা, উল্টে আরও আশকাবা দেবেন।”

অগত্যাই দিশেহারা দীনতারিণী ভুবনেশ্বরীর প্রতিই দৃষ্টিক্ষেপন করেন, “তা তুমিও তো সময়ান্তরে যখন তার মনমেজাজ ঠাণ্ডা দেখবে, একটু বুঝিয়ে বলতে পার মেজবৌমা? সত্যিই যে মেয়ে তোমার খেচ্ছাচারী হয়ে উঠেছে। পরের ঘরে পাঠাতে তো হবে?”

ভুবনেশ্বরী অবশ্য এ কথার কোন উত্তর দেয় না। দেওয়া সম্ভবও নয় তার পক্ষে। যদিও তার মেয়ের বিয়ে হয়ে গেছে, তবু গুরুজনের সমক্ষে স্বামী সম্পর্কে উল্লেখই যে যারপরনাই লজ্জাজনক। ভুবনেশ্বরী যে রামকালীর সঙ্গে কথা কয়, এত বড় লজ্জার কথাটা শান্তড়ী এই লোকসমাজে প্রকাশই বা করে বসলেন কেন? ছি ছি!

লজ্জা প্রতিকারের আর কিছু না দেখে মাথার ঘোমটাটাই আরও খানিকটা বাড়িয়ে দিয়ে মাথা হেঁট করে ভুবনেশ্বরী।

তা মাথাটা আর ভুবনেশ্বরী উঁচু করতে পায় কখন ?

স্বামীকেও যে তার বড় ভয় ।

তবু বড্ডই চিন্তাগ্রস্ত হচ্ছে সে মেয়ের ভবিষ্যৎ ভেবে । অহরহ সকলেই যে বলছে—‘ও মেয়ে শ্বশুরঘর করতে পারবে না ।’

আসামী এক, বিচারকও এক, শুধু কাঠগড়া আর অভিযোক্তা আলাদা ।

তবে আসামীকে প্রথমেই হাজির করে না ভুবনেশ্বরী, তাকে শাসিয়ে রেখে এসে, অনেক কৌশলে ভয়ানক একটা দুঃসাহসিক চেষ্টায় দিনের বেলা একবার স্বামীর সঙ্গে দেখা করার সুযোগ ঘোগাড় করে ফেলে সে । রামকালী যখন মধ্যাহ্ন-বিশ্রাম করছেন, সেই সময় কাছে এসে বোমটা দিয়ে দাঁড়ায় ।

রামকালী ঈষৎ আশ্চর্য হয়ে বলেন, “কিছু বলবে ?”

স্বামীর স্নেহকোমল স্বরে সহসা চোখে জল এসে যায় ভুবনেশ্বরীর, উত্তর দিতে পারে না, শুধু বোমটাটা একটু কমায় ।

“কি হল ?” রামকালী মৃদু কোঁতুকে বলেন, “বাগের বাড়ি যেতে ইচ্ছে হচ্ছে ?”

“না ।” ভুবনেশ্বরী মাথা নেড়ে বাম্পরুদ্ধস্বরে বলে, “বলছি সত্যর কথা ।”

“সত্যর কথা ! কেন ?” আর একটু হাসেন রামকালী, “আবার কি মহা অপরাধ করে বসল সে ?”

“করছেই তো সব সময়,” অভিমানের আবেগে কথায় জোর আসে ভুবনেশ্বরীর, “তুমি তো সবই হেসে ওড়াও । কথা শুনতে হয় আমাকেই ।”

“বাজে কথা গায়ে মাখতে নেই মেজন্দো ।”

“বাজে ? মেয়ে কি করেছে শুনলে আর—”

“কি করেছে ?”

“লিখেছে ।”

“লিখেছে ! লিখেছে কি ?”

“তা জানি না । নেড়ুর তালপাতে কি সব বইয়ের কথা লিখেছে । আবার নাকি আসপন্দা করে বলেছে আরও অনেক লিখতে পারে । বৃকের পাটা কত, বাগান থেকে তালপাতা কুড়িয়ে শরকাঠি ঘোগাড় করে পুঁইমেটেলির রস দিয়ে লেখা লিখেছে !”

এর পর রামকালী চমৎকৃত না হয়ে পারেন না। বলেন, “তাই নাকি ? গুরুশাইটি কে ? নেড়ুই নাকি ?”

“নেড়ু ? নেড়ু বলেছে সাতজন্ম চেষ্টা করলেও নাকি অন্ন হরক সে লিখতে পারবে না।”

“বটে ! কই তাকে একবার ডাক তো দেখি।”

আসামী পাশের ঘবেই অবস্থান করছে, ভুবনেশ্বরী তাকে চোখ রাড়িয়ে বসিয়ে রেখে এসেছে।

স্বামীকে যে খুব বেশী চুশ্চিস্তিত করতে পেরেছে ভুবনেশ্বরীর এমন ভরসা হয় না, শাস্তির মাত্রা কি আব তেমন গুরু হবে ? অথচ লঘু শাস্তিতে কাজ হবে বলে মনে হয় না, কারণ সত্যর ভাব যথারীতি অনমনীয়। তাই স্বামীকে একটু তাতিয়ে তোলবার আশায় বলে, “ডাকছি, বেশ ভাল করে শাসন করে দিও। শুধু যে আসপদার কাজ করেছে তাও তো নয়, আলাত পালাত কত সব তক্ক করেছে। ‘কলকাতায় নাকি অনেক মেয়েমানুষ আজকাল লেখাপড়া শিখছে, তাদের তো কই চোখ কানা হচ্ছে না’, বিছের দেবী মা সরস্বতীই তো নিজে মেয়েমানুষ, এই সব বাচালতা। তুমি একটু উচিত শিক্ষা দিয়ে বকবে মেয়েকে, বুঝলে ?”

শেষাংশে মিনতি ঝরে পড়ে ভুবনেশ্বরীর কণ্ঠে।

সরে গিয়ে পাশের ঘর থেকে ইশারায় ডাকে মেয়েকে। স্বামীর সামনে তো আর গলা খুলতে পারে না।

সত্য এসে হেঁটমুণ্ডে দাঁড়ায়।

কাঠগড়ায় এসে দাঁড়াবার সময় এটাই পদ্ধতি সত্যর। উত্তরদানকালে মুখ তোলে।

রামকালী প্রথমটায় একটুও অন্তত ধমকে দেবেন এ আশা ছিল ভুবনেশ্বরীর, কিন্তু তিনি তাকে হতাশ করলেন। ভাবলেশশূন্য কণ্ঠে সহজভাবে বললেন, “তুমি নাকি লিখতে শিখেছ ?”

মুখটা অবশ্য একটু পাংশু হল সত্যবতীর।

“কই, কি লিখেছ দেখি ?”

অক্ষুটে যা উত্তর দেয় সত্য তার অর্থ এই—অপরাধের পর আর সেই অপরাধের চিহ্ন সম্পর্কে সে ওয়াকিবহাল নয়। নেড়ু জানে।

“আচ্ছা ঠিক আছে। আবার লিখতে পার ?”

সত্যাবতী মুখ তুলে তাকায়।

কই বাপের চোখে তো রুদ্ররোধের চিহ্ন নেই। তবে বোধ হয় ভেমন রাগ করেন নি। তাই এবার সম্মতিস্বচক ঘাড় নাড়ে সত্য।

“আচ্ছা কই লেখো দিকি।”

হাত বাড়িয়ে চৌকির পাশে অবস্থিত জলচৌকিতে রক্ষিত দোয়াত কলম ও খসখসে একখানা বালির কাগজ টেনে নেন রামকালী, বলেন, “লেখো। যা লিখেছ লেখো।”

এ কী! এ যে হিতে বিপরীত!

ধমক চুলোয় যাক, মেয়ের হাতে আবার কাগজ কলম তুলে দিচ্ছেন রামকালী!

ভুবনেশ্বরী কি ডুকরে কেঁদে উঠবে, না নিষ্পন্দ চিত্তে অপেক্ষা করবে নাটকের শেষ দৃশ্যের জন্যে ?

অবশ্য এমনও হতে পারে, যাচাই করে দেখছেন নেড়ুর কথার সত্যতা।

সত্যি, আগাগোড়া ব্যাপারে নেড়ুর চালাকিও তো হতে পারে।

কিন্তু তাই কি? হতচ্ছাড়া মেয়ে তো অস্বীকারও করছে না!

ততক্ষণে সত্য ঘাড় গুঁজে দু-তিনটি শব্দ লিখে ফেলেছে। অবশ্য তালপাতার নিয়মে অধিক জোর প্রয়োগে কাগজগাত্রে সামান্য সামান্য ক্ষতের সৃষ্টি হল, কিন্তু লেখা হল।

রামকালী সেটা ঘুরিয়ে ফিরিয়ে বারকয়েক দেখে কোনও মন্তব্য না করে শাস্তভাবে বলেন, “কলকাতায় অনেক মেয়ে লেখাপড়া করছে, এ কথা তোমায় কে বললে?”

“ছোটমামী।”

“তাই নাকি?—তিনি কোথা থেকে—ও তিনি যে কলকাতারই মেয়ে! তাই না?”

এ উদ্দেশ্যটা ভুবনেশ্বরীকে। কিন্তু ভুবনেশ্বরী তো আর অত বড় মেয়ের সামনে গলা খুলে কথা বলতে পারে না, ঘাড় কাত করে সায় দেয়।

“তা তিনি জানেন লেখাপড়া? তোমার মামী?”

“একটু একটু জানেন। বেশী করে কবে আর লিখতে পেল বেচারী? শুধু বলছিল, একজন মেম নাকি দেশী ইঁহুল খুলেছে, আর একজন

সায়ের বিলিভী ইঙ্কল খলে দিয়েছে, কলকাতার মেয়েরা আর মুখ্য থাকবে না।”

“মেয়েদের লেখাপড়া শিখে লাভ কি ? তারা কি নায়েব গোমস্তা হবে ?”

সকৌতুক হাশ্বে মেয়েকে প্রশ্ন করেন রামকালী।

এবার সত্যবতীর ভেজের পালা।

সব সইতে পারে সে, সইতে পারে না ব্যঙ্গ।

“নায়েব গোমস্তা হতে যাবে কেন ? লেখাপড়া শিখে নিজে নিজে রামায়ণ মহাভারত পুরাণ বই-টাই পড়তে পারে তো ? কবে কথকঠাকুর কোথায় পড়বেন বলে অপিক্ষে করে থাকতে হয় না।”

মেয়ের এই ক্রুদ্ধমূর্তি আর সগর্ব উক্তি কি রামকালীব খুশির খোরাক হয় ? তাই আরও একটু উত্তপ্ত করতে চান তাকে ?

“তা মেয়েমানুষের এত বেদপুরাণ জানবার দরকারই বা কি ?”

এবার সত্যবতী স্থান পাত্র বিস্মৃত হয়ে নিজমূর্তি ধরে, “এত যদি দরকারের কথা তো মেয়েমানুষের জন্মবারই বা দরকার কি, তাই বল তো বাবা শুনি একবার ?”

মেয়ের এই হুঃসাহসে ভুবনেশ্বরীর বুক খর খর করে, অত বড় মানুষটার মুখে মুখে এতখানি চোপা।

হবে না, হবে না—এ মেয়ের কক্খনো স্বপ্নরবাড়ি ঘর করা হবে না।

কিন্তু ভুবনেশ্বরীকে চমকে দিয়ে সহসা হেসে ওঠেন রামকালী, বেশ সশব্দেই।

তার পর মেয়ের দিকে তাকিয়ে বলেন, “তুমি লেখাপড়া শিখতে চাও ?”

“চাই তো, পাচ্ছি কোথায় ?”

“বরো যদি পাও ?”

“তা হলে রাতদিন লেখাপড়া করব।”

“অতটা করতে হবে না। নিয়ম করে কিছুক্ষণ পড়লেই হবে। কাল থেকে দুপুরবেলা এই সময় আমার কাছে পড়বে।”

“পড়বে !”

ভুবনেশ্বরী আর কথা না বলে পারে না।

“হ্যাঁ, পড়বে লিখবে। পুঁইমেটুলির কালি দিয়ে নয়, সত্যিকার দোয়াত কলমই দেব ওকে।”

“বাবা !”

সত্যর মুখ দিয়ে মাত্র এই দুটি অক্ষর সম্বলিত শব্দটা বেরোয়। আর ভুবনেশ্বরীর দু চোখে জীবন নামে।

### ‘। ষোল ॥

বসেছে কাব্যপাঠের আসর।

ঋতুরঙ্গ কাব্য। ‘বর্ষাখণ্ড’ শেষ করে প্রকৃতিদেবী সবেমাত্র ‘শরৎখণ্ডে’র মলাটখানি খুলে ধরেছেন, এখনও তার ভিতরের শ্লোক পড়তে বাকী। এখনও কাশের বনে বনে শুরু হয় নি শ্বেতচামরের ব্যজন্যারতি, শুধু ভোরের বাতাসে লেগেছে অকারণ পুলকের স্পন্দন। শুধু আকাশের নীলে দর্পণের স্বচ্ছতা, পাখীদের ‘শিষে’ উল্লাসের ভীকৃত্য। দেবি অনন্তকাল ধরে একই কাব্য আবৃত্তি করে চলেছেন, শেষ লাইনের পরই আবার গোড়ার লাইন, তবু সে কাব্য পুরনো হয়ে যায় নি, পুরনো হয়ে যায় না। অনন্তকালের মাহুঘের কাছে বয়ে নিয়ে আসে আশার বাণী, প্রত্যাশার স্বপ্ন, উৎসাহের সুর।

উৎসাহের জোয়ার লেগেছে বাংলার গ্রামে গ্রামে। প্রতীক্ষার উৎসাহ!

“মা দুর্গা অসেছেন!”

‘আসছেন বাপের বাড়ি। কৈলাস থেকে মর্ত্যলোকে।’ এ কথা গল্পকথা নয়, বাংলার অন্তরে সত্য বিশ্বাসের কথা। বৎসরান্তে মা মাতৃরূপ আর কস্তুরূপের সমন্বয় সাধন করে নেমে আসেন মাটি-মায়ের কোলে, এসে মায়ের কাছে স্বখহুঃখের কথা কন, বিদায়কালে চোখের জল ফেলেন, এ কথা কি অবিশ্বাসের? দেবতার সঙ্গে আত্মীয়তার বন্ধন পাতিয়ে, দেবতাকে ঘরের লোক করে নিলেই তো বাঙালীর স্বরকর্না। তাই তারা শিবের বিয়ে দেয়, ইতু-মনসার ‘সাধ’ দেয়, ভাতুকে সোহাগ করে, আর পার্বতীকে পতিগৃহে পাঠাতে চোখের জলে বুক ভাসায়। আর সবাই তবু দেবদেবী, উমা যে সেই একেবারে ঘরের মেয়ে। মহিমায় তাঁর সহস্রনাম থাক, আসল নাম যে সেই উমা নামটি। শরৎ পড়তেই ভিখারী বৈষ্ণবরা সেই কথা স্মরণ করিয়ে দিয়ে

যায় খঞ্জনীর তালে তালে। “আয় মা উমাশনী, নিরখি মুখশনী, দিবানিশি আছি আসার আশায়।”

হয়তো একটি গ্রামে একটি মাত্র ভাগ্যবানের বাড়িতেই কঙ্কারপিণী জগন্মাতার পদার্পণ ঘটবে, কিন্তু গ্রামের প্রতিটি ঘরের অন্তরবীণায় বাজছে আগমনীর স্বর।

এবারে আখিনের প্রথম দিকেই পূজা, তাই ভাদ্র পড়তে পড়তেই ‘সাজ সাজ’ রব। সংসারের নিত্য রান্না খাওয়া বাদে অল্প সব কিছুতেই যে করা চাই মাসখানেকের মত আয়োজন। পূজোর মাসে তো আর কেউ মুড়ি ভাজবে না, চিঁড়ে কুটবে না, মুড়কি মাখবে না, পক্কান রাখবে না, মেটে ঘরের দেয়াল নিকোবে না? এমন কি সলতে পাকানো, সুপুরি কাটা, নারকেল কাঠি চাঁছা, সবই সেরে রাখতে হবে দেবীপক্ষ পড়ার আগে। কোজাগরীর পর আবার এসব কাজে হাত, আবার কাঁথায় ফোঁড় তোলা, আর তার সঙ্গে সত্ত-বিগত উৎসবের স্মৃতি রোমন্থন।

ভাদ্র মাসে শুধু যে আগমনীর প্রস্তুতি তাও তো নয়, বর্ষার পর যে অনেক কাজ এসে জোটে গেরস্তর মেয়েদের। ম্যাংসেতে বিছানা কাঁথা, তোরঙ্গে তোলা কাপড় চাদর, ভাঁড়ারের সম্বন্ধের মজুত বড়ি আচার, মশলাপাতি, ডাল কড়াই, সব কিছুকে টেনে ভাহুরে রোদ খাওয়ানো তো কম কাজ নয়।

ভুবনেশ্বরীর মা নেই, ভাজেরাই সংসারের গিন্নী, কদিন থেকে ছপুর ভোর এই কর্মকাণ্ড নিয়ে হিমশিম খাচ্ছে তারা। আজ পড়েছে নাড়ু নিয়ে। হাঁড়িভর্তি মুগের নাড়ু, নারকেলের নাড়ু করে মাচায় তুলে রাখতে পারলে মাসখানেকের মত ‘জলপানে’র দায়ে নিশ্চিন্দ। আর পূজোর মাসে ছেলেপুলের পাতে দুটো ভালমন্দ দিতেও হয়। ভুবনেশ্বরীর বড় ভাজ নিভাননী জোর হাতে নারকেল কুরছিল আর ছোট ভাজ সুকুমারী জাঁতা ঘুরিয়ে মুগ ভাঙছিল, হঠাৎ উঠোনের দরজার শিকলি নড়ে উঠল।

“এই দেশ কাজের গুরু কামাই,” নিভাননী নিচু গলায় বলে, “কে আবার এখন বেড়াতে এল কাজ পণ্ড করতে! নে ছোট বোঁ, ওঠ, দুয়োর খোল্।”

সুকুমারীর অবশ্য মনোভাবটা ঠিক বড় জায়ের সমর্থক নয়, একঘেয়ে কাজ করতে করতে বাইরের হাওয়া একটু ভালই লাগে তার। নিভাননী যদি একটু গল্প-গাছা করতে জানে, মুখ বুজে খালি কাজ আর কাজ।

দরজা খুলেই স্কুমারী উল্লাসধ্বনি করে ওঠে, “ওমা কি আশ্চর্য, পূবের স্থিতি কি পশ্চিমে উঠেছে আজ, না যার মুখ কখনও দেখি নি তার মুখ দেখে ঘুম থেকে উঠেছি ?”

এ হেন সংলাপে নিভাননীও ব্যাজার মুখ কোঁতুহলে সরস হয়, সে মুখ বাড়িয়ে বলে, “কে এলো গো, কার সঙ্গে এত রসের কথা ?”

“এই-যে ডুমুরের ফুল, ঠাকুরঝি।” বলে স্কুমারী তাড়াতাড়ি ননদের পা ধোবার জল আনতে ছোটে। ভুবনেশ্বরী মুখের ঘোমটা নামিয়ে দাওয়ান্ন বসে পড়ে ধুলো পা ঝুলিয়ে। ভান্ডরের কড়া রোদে তার কঁসা মুখটা লাল টকটকে হয়ে উঠেছে, ঘোমটা দেওয়ার দরুন চুলের গোড়ায় আর গলার খাঁজে ঘাম গড়াচ্ছে।

এমন করে ভররোদে হেঁটে আসা ভুবনেশ্বরীর পক্ষে সত্যিই অভাবনীয় ঘটনা। একে তো আসাই তার কম, তা ছাড়া যদি আসার বাসনা প্রকাশ করে পালকি করে পাঠিয়ে দেন রামকালী। যদিও এর জন্তে বাড়ির আর পাঁচজন ঠেস-টিটকারি দিতে ছাড়ে না, পাড়ার সমবয়সী বোঁরা বলে ‘বাদশার বেগম’, তবু রামকালীর নির্দেশ মেনে চলতেই হয়।

কিন্তু আজ ব্যাপারটা কি ?

পা ধোবার জল আর গামছা এগিয়ে দিয়ে একখানা ঝালর-বসানো হাতপাখা নিয়ে ননদকে বাতাস করতে থাকে স্কুমারী। একে তো গুরুজন, তায় আবার বড়লোকের ঘরগী।

“কার সঙ্গে এলে ?” নিভাননী প্রশ্ন করে।

ভুবনেশ্বরী কিন্তু সে কথার উত্তরের আগেই বলে ওঠে, “পাখার ঝালর বসিয়েছে কে গো ?”

“কে আবার, ছোটগিন্নী !” নিভাননী অগ্রাচ্ছে মুখ বাঁকিয়ে বলে, “রাতদিন যিনি সংসারের সন্ন্যাসে বাহার কাটছেন !”

স্কুমারীর মুখটা চুন হয়ে যায়, ভুবনেশ্বরী তাড়াতাড়ি বলে, “তা বাহার কাটা তো ভালই, কেমন খাসা দেখাচ্ছে !”

“হোক গে,” নিভাননী আর একবার মুখ বাঁকায়, “এখন অবধি তো গাই দোয়াতে শিখল না, কুলো পুছড়াতে পারল না। ঢেঁকিশালে গিয়ে যা রক্ত, যদি দেখ তো বুঝবে। না পারে ‘পাড়’ দিতে, না পারে হাতে-পাতে নেড়ে দিতে, পাড়া-পড়নীকে তোয়াজ করে ডেকে এনে কাজ উদ্ধার করতে



হয়। আসল কাজ চুলোয় দিয়ে ভাঁড়ারের হাঁড়ি-কলসীর গায়ে চিত্তির কেটে, শিকের দড়িতে কড়ির খোপনা গেঁথে, আর পাখার ঘাড়ে শালুর ঝালর ঝুলিয়ে গেরস্তর সগুণের সিঁড়ি হবে।”

ভুবনেশ্বরী দেখে হিতে বিপরীত, এই সূত্র ধরে নিভাননী আরও কোথায় গিয়ে পৌঁছবে কে জানে। তা হলে তো আসল কাজই মাটি। ছোট ভাজকেই যে আজ তার দরকার। তবু ভুবনেশ্বরী আবার একটা ভুল চালই করে বসে। বসে এইজগ্গেই যে নিচুতলাদের নিন্দাবাদ করে ওপরওয়ালাদের প্রশংসা রাখার যে চিরস্তন কৌশল, সে কৌশলটা তার ভাল আয়ত্তে নেই বলেই। নিজের বাড়িতে তো সেই ভয়ে সে কথাই কয় না সহজে। দেখে ঘোমটা আর নীরবতা অনেক বিপদের রক্ষক। কিন্তু এটা নাকি ভুবনেশ্বরীর বাপের বাড়ি, তাই সাহসে ভর করে বলে বসে, “কেন বাপু, এই তো বেশ ভাল ভাজছে। মুড়ি ভাজতেও পারে। অত বড় একখানা শহরের মেয়ে, আর কত পারবে?”

“তা বটে।” নিভাননী একটি উত্তপ্ত নিখাস ফেলে বলে, “শহর কখনও চোখে দেখি নি, তার মন্মণ্ড জানি নে। ঘর-সংসারই বুঝি, আর বুঝি মেয়ে-মানুষের সেখানে হেরে গেলে লঙ্কায় মাথাকাটা যায়...বসো একটু, গুড়ের পানা করে আনি, রোদে এসেছ।”

রোদের সময় ঘরে কিছু না থাক, আখের গুড় জলে গুলে তাতে পাতিলেবুর রস মিশিয়ে খাওয়ার রেওয়াজ এদিকে আছে, নিভাননীর মগজে সেই সহজটাই আসে। কিন্তু স্কুমারীর ওই গুড়ের পানা জিনিসটায় বিষম বিতৃষ্ণা, তাই সে বড়জায়ের ওপর কথা-কওয়া-রূপ অসমসাহসিক কাজটাও করে বসে ননদের প্রতি সমীহে। সংকোচে বলে ফেলে, “কেন দিদি, ‘মিছরি-নারকেল’ গাছের ডাণ্ড তো পাড়ানো রয়েছে ঘরে।”

রয়েছে সেটা নিভাননীর মনে ছিল না, কিন্তু মনে পড়িয়ে দেওয়ায় অপদম্বের একশেষ হয়ে যায় সে। কে জানে ননদ মনে করল কিনা, ইচ্ছে করাই ভাবের কথাটা বিশ্বস্ত হয়েছে সে। এই ছোট বোটা দেখতে ভালমানুষ হলে কি হবে, টিপে ডান। কিন্তু এক্ষেত্রে নিভাননীকে মনের রাগ মনে চেপে হাসতেই হয়। হেসে বলতেই হয়, “অই দেখ, ভাগ্যিস মনে করলি ছোটবোঁ। আমার অমনিতির ভুলো মনই হয়েছে আজকাল, বুঝলে ঠাকুরনি! ঠাকুরজামাইয়ের কাছ থেকে এবার একটা

সিঁতিশক্তির ওষুধ খেতে হবে।...যা তবে ছোটবোঁ, দুটো ডাব কেটে আন গো।”

“আহা কেন ব্যস্ত হচ্ছে বড়বোঁ?” ভুবনেশ্বরী অকারণে গলা নামিয়ে বলে, “আমি এসেছি বিশেষ একটা দরকারে পড়ে, এখনি চলে যেতে হবে।”

“ওমা শোন কথা! এখনি চলে যেতে হবে কি গো? কি এমন বিশেষ দরকার পড়ল? এলেই বা কার সঙ্গে, যাবেই বা কার সঙ্গে? একা নাকি?”

“একা?” ভুবনেশ্বরী হেসে ওঠে, “সে আর এ কাঠামোয় হবে না। এসেছি পিসশাস্ত্রীর সঙ্গে। দুয়ার থেকে আমাকে ছেড়ে দিয়ে গেলেন, আবার কিরতি মুখে ডেকে নিয়ে যাবেন। চুপিসাড়ে চলে এসেছি, ঘরে কেউ জানে না।”

“ঠাকুরজামাই?” নিভাননী রহস্যের হাসি হাসে।

ভুবনেশ্বরী নিভাননীর ঠাকুরজামাইয়ের প্রসঙ্গেই মাথার কাপড়টা একটু টেনে বলে, “তিনি তো ভিন্ গায়ে গেছেন রঙ্গী দেখতে, নইলে আর এত বুকুর পাটা! নিতান্ত করে পড়েই আসা, পিসশাস্ত্রী সইয়ের বাড়ি আসছেন শুনে খুব কাকুতি করলাম, বলি, ‘ওই পথ দিয়েই তো যাবে পিসীমা!’ তা সেদিকে ভাল আছেন মাহুঘটা, কেউ শরণ নিলে তাকে বুক দিয়ে আগলান।”

“তা কাজটা কি?”

এবার ভুবনেশ্বরী খতমত খায়, কাজটা কি, সেটা নিভাননীর সামনে বলা সঙ্গত কিনা এতক্ষণে খেয়াল হয়। আসলে এসেছে সে স্কুমারীর কাছে একখণ্ড লেখা কাগজ নিয়ে, যে কাগজের হিজিবিজি রেখাগুলো এক ছর্বোধ্য জুকুটি হেনে তার দিকে ক্রমাগত তাকিয়ে আছে আজ কদিন থেকে।

সত্যবতীর লেখা একখণ্ড কাগজ!

জিনিসটা ভুবনেশ্বরীকে ভাবিয়ে তুলেছে। ঘরের কোণে ষাড় গুঁজে লিখছিল সত্যবতী, হঠাৎ বৃষ্টি পূজোর দালানে কুম্মোর এল এই বার্তা পেয়ে ছুটে চলে গিয়েছিল নেড়ু পুণ্ডি আরও কুচোকাচাদের সঙ্গে, কাগজখানা চৌকিতে পাতা শেতলপাটির তলায় গুঁজে রেখে। ভুবনেশ্বরী কোঁচপত্রবশ হয়ে পাটিটি ঈষৎ উঁক করে তুলে দেখতে গিয়েছিল কেমন আখর সত্যর হাতের, কিন্তু দেখতে গিয়েই স্তম্ভিত হয়ে গেল, গোটা গোটা আখরে ঠিক পত্রর হাঁদে এ কি লিখছিল সত্য?

নকল করছিল?

কিন্তু নকল করবে যদি তো সামনে বই খোলা ছিল কই? সর্বশেষে মেয়ে নিজেই পয়্যার বাঁধছে নাকি? ভয়ে বুকের রক্ত হিম হয়ে গিয়েছিল ভুবনেশ্বরীর, কিন্তু কাকে দেখিয়ে রহস্যের মীমাংসা হবে?

রামকালীকে তার বড় ভয়।

রাস্তাকে বলতে গেলে পাঁচকান হবার সম্ভাবনা। তা ছাড়া বাড়িতে আর যারা লিখন-পঠনক্ষম, সকলেই তো ভুবনেশ্বরীর স্বপ্ন-ভাস্বর, ভেবে আর কলকিনারা পাচ্ছিল না বেচার। তার পর সহসাই মনে পড়ল স্কুমারীর কথা।

স্কুমারী পড়তে জানে।

বামালটা সরিয়ে কেলে স্কুমারীর কাছে আসার তাল খুঁজছিল সে দু-তিন দিন থেকে। আড়চোখে দেখেচে, সত্য কখন একসময় শেতলপাটি উটে লণ্ড-ভণ্ড করে খোঁজাখুঁজি করেছে, আবার ‘ধুত্তোর’ বলে নতুন কাগজ নিয়ে বসেছে! সে কাগজে আর কোন্ রহস্যের রেখা এঁকেছে সত্য, সে কথা ভুবনেশ্বরীর অজ্ঞাত, জিজ্ঞেস করতে গেলে সত্য মারমুখী হয়। বাড়ির লোকের জালায় যে একদণ্ড নিরিবিলিতে বসবার জো নেই তার, এ কথা স্পষ্ট গলায় ঘোষণা করতে বাধে না সত্যবতীর।

অতএব এই টুকরোটুকুই ভরসা।

ঘাড় গুঁজে গুঁজে কি এত লেখে সে জানবার জন্তে মায়ের মন নানা কারণেই ব্যাকুল হয়। ব্যাকুল হয় কোঁতুহলে, ব্যাকুল হয় আশঙ্কায়।

সত্যকে যে স্বপ্নরবাড়ি যেতে হবে।

হায়, সত্য যদি ভুবনেশ্বরীর মেয়ে না হয়ে ছেলে হত! বাপের উপযুক্তই হত। কিন্তু ভুবনেশ্বরীর কপালে ‘এক তরকারি ছুনে বিষ’। একটা সম্ভান-তা মেয়ে।

“কি গো ঠাকুরঝি, বমুকিয়া-ওকিয়া নেই কেন?”

নিভাননী অবাক হয়। এত কুষ্ঠা কিসের?

গরীব মনন নয় যে আশঙ্কা করবে ধার চাইতে এসেছে ভাজের কাছে।

আর চেপে রাখা চলে না, ঢোক গিলে বলতেই হয় ভুবনেশ্বরীকে—“এসে-ছিলাম ছোট বৌয়ের কাছে, একটা কাগজ পড়ানোর দরকার ছিল।”

“কাগজ!” নিভাননী আকাশ থেকে পড়ে, “কাগজ কিসের? কোন-পাট্টা কোবালা নাকি?”

“না না, ওমা সে কি? সে সব আমি কোথায় পাব? এ ইয়ে—একটু চিঠির মতন।”

“চিঠির মতন! সেটা আবার কি বস্তু ঠাকুরঝি? আর সে পড়ানোর লোক তোমার বাড়ি হাঁটকে একটা পুঁকষ বেটাছেলে কাউকে পেলে না, সাতপাড়া ডিঙিয়ে একটা মেয়েমাগীর কাছে পড়াতে এলে? কিছু গোপন বুঝি?”

সুকুমারী গিয়েছে ডাব কাটতে। ভুবনেশ্বরী অসহায় ভাবে একবার এদিক ওদিক তাকিয়ে সহসাই দ্বিধা বেড়ে ফেলে বলে, “কি যে বলো বড়বো, গোপন আবার কি? এই সত্যর একটু লেখা। বলি অষ্টপ্রহর কি এত লেখে বসে দেখি তো। বাড়িতে কাউকে দেখালে রসাতল করবে তো মেয়ে!”

নিভাননীর কানে আসতে বাকী ছিল না—সত্য লেখাপড়া করছে, তবু অজ্ঞের ভানে বলে, “বল কি ঠাকুরঝি, সত্যও কি তার ছোটমামীর মতন লেখাপড়া করছে? কালে কালে হল কি? বলি মেয়ে কি তোমার শামলা এঁটে কাছারী যাবে? সবাই তো তোমার ভাইদের মতন ভালমানুষ নয় যে, যা ইচ্ছে তাই চলে যাবে, স্বস্তররা এ খবর টের পেলে?”

“কি করব বড়বো, জানোই তো তোমাদের ননদাইকে কেমন একজেন্দা? মেয়ে বললে পড়ব তো পড়ুক। মেয়ে আকাশের চাঁদ চাইলে চাঁদ পেড়ে আনতে যাবেন এমন মানুষ। তাই তো ভাবলাম, কি লেখে বসে দেখি। ছেলেবুদ্দি!”

বড় একটা পাথরবাটিতে ডাবের জল নিয়ে এসে দাঁড়াল সুকুমারী।

“ও বাবা কত! এত পারব না ছোটবো, তুমি একটু চলে নাও।” বলে

“খাও না, রোদে এসেছ।”

“তা হোক, অতটা নয় বাপু।”

অগত্যাই খানিকটা ঢালাঢালি করতে হল সুকুমারীকে। ভুবনেশ্বরী ইত্যবসরে ব্যাপারটাকে লঘুর পর্যায়ে ফেলবার বুদ্দিটা এঁচে নিয়েছে, তাই ডাবের জলে চুমুক দিতে দিতে ঝট করে ঝাঁ হাতের মুঠো থেকে কাগজের টুকরোটা এগিয়ে দিয়ে বলে, “এই নাও বিত্তবতী বোঁ, পড় দিকিন এটা। আমরা তো চোখ থাকতে অন্ধ!”

“জন্ম জন্ম যেন অন্ধই থাকি বাবা—” নিভাননী বিষমুখে বলে, “যে জাতের

দশহাত কাপড়ে কাছা নেই, তাদের আবার এত চোখ-কান ফোটার দরকার কি ?” বলে, কিন্তু জিনিসটার ওপর এমন ভাবে হুমড়ে পড়ে, দেখে মনে হয় চোখ-কান থাকলে মুহূর্তে গ্রাস করে ফেলত। ভুবনেশ্বরী যাই বলুক, জিনিসটায় যেন রহস্তের গন্ধ।

সুকুমারী কাগজখানা উন্টে-পাণ্টে বলে, “কি এ ?”

“কি তা আমি বলব কেন ? তুমি বলো ?” কৌতুকের হাসি হাসে ভুবনেশ্বরী।

“একটা তো ত্রিপদী ছন্দের দেবীবন্দনা দেখছি, কার লেখা ? খুব ভাল হাতের লেখা তো ?”

‘ত্রিপদী ছন্দ’ শব্দটা বুদ্ধিগ্রাহ্য নয়, কিন্তু ‘দেবীবন্দনা’ কথাটার অর্থ জানা, তাই ভুবনেশ্বরীর বুক থেকে যেন একটা পাহাড় নেমে যায়, তবে জিনিসটা দোষশীল নয়।

“পড় তো শুনি ?”

সুকুমারী একটু শঙ্কিত দৃষ্টিতে বড়জায়ের দিকে তাকায়। নিভাননীর সামনে পড়া ? তিনি এটাকে কোন্ আলোয় নেবেন ? গুরুজনের প্রতি অসম্মাননা ? কিন্তু নিভাননীই অভয় দেয়, “নাও, পড়ই শুনি। হাবা কালা কানা অঙ্কদের জ্ঞান দাও।”

অতএব সুকুমারী একটু কেশে একটু ইতস্ততঃ করে পড়ে—

“এসো মা জননী হুর্গে ত্রিনয়নী,

এসো এসো শিবজাম্বা,

সস্তানের স্বরে এসো দয়া করে,

মহেশ্বরী মহামায়া !

তোমারে হেরিতে আশাভরা চিতে

রয়েছি আকুল হয়ে,

আসিবে মা তুমি এই মর্ত্যভূমি,

পুত্র কণ্ঠা সাথে লয়ে।

একটি বৎসর শূন্য আছে ঘর

হৃৎখে আছি নিরবধি,

দিবস রজনী কাটে দিন গুনি,

কবে দিন দেবে—”

“ওমা এ কি, শেষ নেই যে?” স্কুমারী অবাক হয়ে বলে, “এ স্তোত্রর কোথায় পেলো ঠাকুরঝি?”

“আর বল কেন?” ভুবনেশ্বরী কুণ্ডা দমন করতে হাতপাখাখানা তুলে জ্বোরে জ্বোরে নাড়তে নাড়তে বলে, “সত্যর কীত্তি। লিখছিল—কুমোর এসে কাঠামো বাঁধছে শুনে ফেলে দিয়ে ছুটে চলে গেল। আমি কুড়িয়ে তুলে—”

“তা নকল করেছে কোথ্ থেকে?”

সকৌতুহল প্রশ্ন করে স্কুমারী।

“নকল করেছে তা মনে হল না ছোটবোঁ,” ভুবনেশ্বরী যাকে বলে ‘দোনা-মোনা’ সেই স্বরে বলে, “ও মুখপুড়ী নিযাস নিজেই বেঁধেছে।”

“কি যে বল ঠাকুরঝি,” স্কুমারীর কণ্ঠে অবিশ্বাস, “নিজে বাঁধবে কি? অত-টুকু মেয়ে এসব কথার মানে জানে?”

“জানে না কি করে বলি বোঁ, মুখপুড়ী হুকিয়ে হুকিয়ে তোমার ননদাইয়ের কবরেজী শাস্তরের বইগুলো পর্যন্ত টেনে পড়তে বসে।”

“সে কথা আলাদা। পাকক না পাকক আশা করে বসে, কিন্তু ছন্দ বেঁধে আখর মিলিয়ে এত বড় স্তোত্রর তৈরি কি সোজা নাকি?”

ছোটবোঁয়ের এই অবিশ্বাসেব স্বর ভুবনেশ্বরীকে ঙ্গণ খতমত করছিল, কিন্তু মেঘ উড়িয়ে দিল নিভাননী, যে নিজে এতক্ষণ মুখে আষাঢ়ের মেঘ নামিয়ে ছোট জায়ের ‘অবলীলাক্রমে’র দিকে তাকিয়ে ছিল। স্কুমারীর কথা শেষ হতেই হাত নেড়ে বলে উঠল নিভাননী, “তা এতে আশ্চর্য্য হবার কি আছে ছোটবোঁ? ঠাকুরঝি মনে বেদনা পাবে তাই রেখে-ঢেকে বলা, ঠাকুরঝির ওই মেয়েটিই কি সোজা? কতদিন আগে ভৌদার নামে ছাড়া বাঁধে নি ও? এ নয় মা দুগগার নামে বেঁধেছে। তবে ভাবনার কথা বটে। ঠাকুর-জামাইয়ের দব্দবায় আমরু দশজনা নয় মুখে চাবি দিয়ে আছি, কিন্তু কুটুম তো তা মানবে না? একবার টের পেলো—”

কথা শেষ হল না, মোক্ষদার হস্তদস্ত মূর্তি দেখা গেল খোলা দরজার সামনে। “চলে এস মেজবোঁমা, ঝটপট্ চলে এস, ওদিকে এক কাণ্ড হয়েছে।”

কাণ্ড হয়েছে!

কী সেই কাণ্ড!

ভুবনেশ্বরীর মুখে কথা যোগায় না, হাঁ করে তাকিয়ে থাকে। স্কুমারী

তো আগেই যোমটা টেনে বসেছে। তবে নিভাননীর কথা আলাদা, এ বাড়ির গিরীর পদটা তার, এগিয়ে গিয়ে বলে, “কিসের কাণ্ড মাউইয়া ?”

“আর বলে না বাছা। সইয়ের বাড়িতে বসোছ কি না-বসেছি, রাখলা ছোড়া ‘রণপা’ নিয়ে গিয়ে হাজির। কি সমাচার ? না শীগ্গির চল, সত্যর শব্দর বাড়ি থেকে লোক এসেছে। ভাগ্যিস দিদিকে বলে এসেছিলাম সইয়ের বাড়ি যাচ্ছি—”

নাঃ, মোক্ষদার কথা শেষ হতে পারে না, সহসা ভুবনেশ্বরী ডুকরে কেঁদে উঠেছে।

“ওমা ও কি। কাঁদছ কেন মেজবোমা ? চল চল, অপিকের সময় নেই।”  
কিস্ত চলবে কে ?

ভুবনেশ্বরীর শুধু পা ছুখানাই নয়, সমস্ত লোমকৃপণুলো পর্বস্ত বে অবশ হয়ে গেছে।

সত্যর শব্দরবাড়ি থেকে লোক !

অতএব আর সন্দেহ কি যে সমস্ত জানাজানি হয়ে গেছে। তা ছাড়া আর কি অর্থ থাকতে পারে এরকম বিনা নোটসে হঠাৎ শব্দরবাড়ির লোক আসার ? কোথায় কে বরশক্র বিভীষণ আছে, সে গিয়ে লাগিয়ে দিয়েছে সত্যর এই মারাত্মক অপরাধের আর সতীর বাপের ওই ভয়ানক দুঃসাহসের খবর। এর পর ? এর পর আর কি, ভুবনেশ্বরী ভাবতে পারে না, শুধু ডুকরোনার মাত্রাটা বাড়িয়ে বলে ওঠে, “ওগো পিসীমা গো, তুমি আমাকে এখানে মেরে ফেলে রেখে যাও, বাড়ি অবধি যেতে পারবো না আমি।”

“আহা অধোষ্য হচ্ছ কেন মেজবোমা ?” মোক্ষদা দেহটাকে প্রায় উলটোমুখো ঘুরিয়ে ব্যস্ত কণ্ঠে বললেন, “এখন কি অধোষ্যের সময় ? একুনি না যেতে পারো একটু সামলে নিয়ে ভেজের সঙ্গে বেণু, আমি চললাম। পা তো আমারও কাঁপছে, কে জানে কী বাজা নিয়ে এসেছে। তা বলে কোস্তব্য ত্যাগ করা চলে না। আচ্ছা, আমি এগোলাম।”

‘রণপা’ ব্যতীতই রণপায়ের বেগে অদৃশ্য হয়ে যান মোক্ষদা।

ভুবনেশ্বরী যখন নিভাননীর সঙ্গে সস্তর্পণে খিড়কি দরজা দিয়ে ঢুকল, তখন বাড়ির চেছারা নিখর নিম্পন্দ।

যেন এইমাত্র কেউ একটা শোক-সংবাদ পাঠিয়েছে।

তা হলে ?

নিভাননী ফিসফিস করে বলে, “বাড়ি এমন খমখমে কেন বল তো ঠাকুরঝি ? মন তো ভাল নিচ্ছে না। আর পোড়া মনের স্বপ্নই তো কু-কথা গাওয়া। জামাইয়ের কিছু হুঃসংবাদ নেই তো ?”

আধমরা মাহুঘটাকে চৌদ্ধ আনা মেরে নিভাননী হুঃচিন্তে উঠোনে পা দিয়ে এদিক ওদিক তাকায়।

দালানে কারা যেন নিঃশব্দে জটলা করে বসে রয়েছে, ঘোমটা দিয়ে বোধ করি সারদা ধোরাঘুরি করছে, ছোট ছেলেমেয়েগুলোর পান্তা নেই।

“এসো ঠাকুরঝি উঠে এসো, নিয়তি যা করবে তা সইতেই হবে, এখন দেখি গে চল কার কি হল।”

নিভাননী নিজে বুঝতে পারুক না-পারুক, তার অবচেতন মনের একটা ফটোগ্রাফ নিতে পারলে সেখানে একটা প্রত্যাশার ছবি দেখতে পাওয়া যেত। জামাইটির ‘কিছু’ হলেই যেন প্রত্যাশাটি পূর্ণ হয়। নন্দাইয়ের দব্দবা সেই গহন গভীরে যে একটি অনির্বাণ দাহ সৃষ্টি করে রেখেছে, সেটাও বুঝি কিঞ্চিৎ সীতল হয় এমন একটা কিছু হলে।

ভুবনেশ্বরী কিন্তু দাওয়ায় উঠে দালানের চৌকাঠ পার হবার সাহস সঞ্চয় করতে পারে না, উঠোনের পৈঠেতেই বসে পড়ে বলে, “আমার হাত পা উঠছে না বড়বৌ, তুমি দেখ গে।”

“শোন কথা। তুমি এখানে এমন করে বসে থাকলে চলবে কেন ? ভীমের গদা বুক পড়লেও তো বুক পেতে নিতে হবে ঠাকুরঝি!” রুষ্ঠন্বর সহায়ভূতিতে কোমল হয়ে আসে নিভাননীর, “চল, আমি তোমার আগলে দাঁড়াই গে।”

ভয় বতই তীব্র হোক, ভয়ের আকর্ষণটাও যে ততোধিক তীব্র। কাজে কাজেই উঠে পড়ে ভুবনেশ্বরী। আস্তে আস্তে দাওয়ায় উঠে দালানে কোণের দিকের একটা জানালায় উঁকি মারে। নিভাননী অবশ্য দরজায় পৌঁচেছে।

কিন্তু ব্যাপারটা কি হল ?

ভালমন্দের মত তো কিছু দেখাচ্ছে না। অন্ততঃ সত্যর স্বপ্নরবাড়ি থেকে আগত হুঃপুটানী রমণীটির হিসেবে তো মনে হচ্ছে পুরোপুরি ভালই।



হয় কোনও দাসী, নচেৎ ‘নাপিতমেয়ে’, এ ছাড়া আর কে-ই বা আসবে ? যেই হোক, আপাততঃ তাঁর আদরটা প্রায় মহারাগীর মত। ‘জল খাওয়া’তে বসানো হয়েছে তাঁকে, চারিদিকে ঘিরে বসে আছেন দীনতারিণী, কানীশ্বরী, মোক্ষদা, শিবজাগা, ছোটভ্রেষ্টী, তা ছাড়া আশ্রিতা প্রতিপালিতার ঝাঁক।

সকলের মুখের চেহারাতেই একটি ভক্তি-বিনম্র সমীহ ভাব।

আর মধ্যমণিটির মুখচ্ছবিতে অহংবোধের দৃপ্ত মহিমা। তাঁর সামনে কানা-উচু বড়সড় পাথরের খোরা, তার মধ্যস্থলে মন্দিরাকৃতি শুকনো চিঁড়ের স্তূপ, পাশে একটি উচু কালো পাথরবাটি ভর্তি দই এবং সন্নিকটে একখানি আঙট কলার পাতে স্থাপিত ছড়াখানেক চাটম কলা, গুণ্ডাচারেক দেদো মণ্ডা, একরাশ ফেনী বাতাসা এবং স্কারের ছাঁচ, চন্দ্রপুলি, নারকেলনাড়ু, বেগনদাড়ু ইত্যাদির বেশ একটি বড়গোছের সস্তার।

অর্থাৎ ঘরে সংসারে ষত প্রকারের মিষ্ট বস্তু ছিল, সব কিছু দিয়ে তুষ্ট করার চেষ্টা চলছে কুটুমবাড়ির নাপতিনীকে।

হ্যাঁ, নাপতিনীই।

মানুষ হয় দীনতারিণীর কথাতেই। নিতান্ত কাকূতিভরা কণ্ঠে বলছেন তিনি, “আর ছুটোখানি চিঁড়ে দিই না নাপিত-বেয়ান, আর বেয়ানই বা কেন, হিসেবে তো মেয়ে স্ববাদ হচ্ছ, মেয়েই বলি। আর ছুটো চিঁড়ে একেবারে মেখে জঙ্ঘ করে নাও মেয়ে, দইয়ে ভিজলে ও আর কটা ? সেই কোন্ ভোরে বেরিয়েছ। রোদে একেবারে মুখচোখ সিটিয়ে গেছে।”

ভুবনেশ্বরী বোধ করি বিস্ময়ভার বশেই জানলা ছাড়তে ভুলে গিয়েছিল, নিম্পলক নেত্রে ঠায় দাঁড়িয়ে তাকিয়েছিল সেই দেবমূর্তি আর তাঁর নৈবেদ্যের দিকে, হঠাৎ একসময় পিছনে একটা মৃৎকণ্ঠের আভাসে চমকে ফিরে তাকাল, পিছনে সায়দা।

“এখানে দাঁড়িয়ে কেন মেজধুড়ীমা ?”

“দাঁড়িয়ে কেন ? এমনি। ঘরে ঢুকতে পা উঠছে না। ও কেন এসেছে বড়বোমা ?”

“কেন আর ?” সায়দা অশ্রুট স্নিয়মাণ গলায় বলে, “এসেছে মস্ত উদ্দেশ্য নিয়ে। বৌ নিয়ে ধাবার বার্তা পাঠিয়েছেন তাঁরা। আশ্বিন পড়তেই নিয়ে যাবেন বলছে।”

“আমি নড়তেই! বলো কি বড়বোমা! এই কদিন বাদ?”

“তাই তো বলছে। একেবারে নাকি পুরুত দিয়ে ‘দিন’ দেখিয়ে পাঠিয়েছেন তাঁরা।”

কিছুক্ষণ স্তব্ধ থেকে ভূবনেশ্বরীর বুক ছিঁড়ে একটা প্রশ্ন ওঠে, “সত্য টের পেয়েছে?”

“তা আর পায় নি?”

“কি করছে?”

“তা তো জানি না খুড়ীমা। ভয়ে-ভয়ে ঘরে গিয়ে সৈঁধিয়েছে বোধ হয়!”

“আমি যে বাড়ি ছিলাম না—এটা কেউ টের পেয়েছে?”

এবার সারদা একটু সত্য গোপন করে, “বলতে পারছি না মেজখুড়ীমা, বোধ হয় পান নি কেউ। গোলেমালে ব্যস্ত আছেন সবাই!”

সত্য কথা বলা চলে না।

কারণ অল্পপস্থিত ব্যক্তি সম্পর্কে যে ধরনের আলোচনা হয়, সেটা ষথাস্থ প্রকাশ করলে ‘লাগিয়ে দেওয়া ভাঙিয়ে দেওয়া’র পর্যায়ে পড়ে।

“ব্যস্ত থাকলেই বাঁচন,” ভূবনেশ্বরী আর একটা দীর্ঘশ্বাস-বাক্যে উচ্চারণ করে, “কিন্তু এখন হঠাৎ এ কি বিপদ বড়বোমা!”

বড়বোমা কিছু বলার আগেই নাপিত-মেয়ের মাজা-ঘষা চাঁচা গলাটি ধনিত হয়, “বাপ বাড়ি নেই বলে মত দিতে ছুতো করছ কেন মাউইমা? আমি তো আর আজই নে যাচ্ছি না! আমাকে এ মাসের কটা দিন এখনে থেকে একে-বারে আশ্বিনের তেসবা তারিখে নিয়ে যেতে বলেচে।”

## ॥ সত্তেরো ॥

জগতের সমস্ত বিশ্বয়কে কি একটিমাত্র প্রশ্নের মধ্যে প্রকাশ করা যায়? সেই একটি প্রশ্নের মধ্যেই বিকার দেওয়া যায় জগতের সর্বাপেক্ষা অসহনীয় ধুঁটতাকে?

আর কারো পক্ষে যাওয়া সম্ভব কিনা জানি না, কিন্তু দেবা গেল অস্ততঃ একজনের পক্ষে তা সম্ভব হয়েছে।

বাক্‌ইপুরের বাঁদুঘ্যে-গিন্নার একটিমাত্র ছোট প্রাণে ধ্বনিত হল বিশ্বের সমস্ত  
বিশ্বয় আর সমস্ত দিক্কার-বাণী ।

“পাঠাল না !”

“না ।”

পথশ্রান্ত নাপিত-বৌ শুধু এই একটি শব্দ উচ্চারণ করে পা ছড়িয়ে বসল ।

প্রথম বড় ডেউয়ের পরবর্তী আর একটি ছোট ডেউ ।

“তুই হার মেনে ফিরে এলি ?”

এবার বিশ্বয় আর দিক্কারের পালা নাপিত-বৌয়ের, “শোনো কথা !  
তাদের মেয়ে, তারা পাঠালে না, আমি কি তাদের ঘর থেকে মেয়ে কেড়ে নিয়ে  
আসব ?”

এবার বাঁদুঘ্যে-গিন্নী নিজেই পা ছড়িয়ে বসলেন, তুই জ্ঞ এক জায়গায় এনে  
জড়ো করার চেষ্টা করতে করতে বললেন, “ছুতোটা কী দেখাল ?”

“শোনো কথা ! ছুতো আবার কিসের, সোজা-সুজি মুখের ওপর ঝাড়া জ  
‘এখন পাঠাব না’ ।”

নাপিত-বৌ আঁচল খুলে পানের কোটো বার করে ।

“একুনি মুখে পান ভরিস নে নাপিত-বৌ, চোন্ধবার উঠবি পিক্ ঠুঙ্কো।

আমার কথাগুলোর আগে উত্তর দে । বলি ছুতো যুক্তি কিছু না—শুধু  
পাঠাব না ?”

“এখন পাঠাব না ।”

“তা কখন পাঠাবেন ? আমার ছেরান্দর সময় ? আমি যে ভেবে থই পাচ্ছি  
না রে নাপিত-বৌ, মেয়ের বাপের এত বড় বুকের পাটা ! পৃথিবীতে এখনও  
চন্দ্র-স্বর্ষি উঠছে, না খেয়ে গেছে ? এ কথা ভেবে বুক কাঁপল না যে, তোর  
মেয়েকে যদি ত্যাগ দিই ।”

নাপিত-বৌ নিবেদ অগ্রাহ করে মুখে পান-দোক্তা পুরে বলে, “বুক কাঁপবে !  
হঁ ! একটা কেন একশটা মেয়েকে ঘরে ঠাই দেবার, ভাত কাপড় দে’ পোষবার  
ক্ষমতা তাঁদের আছে । লক্ষ্মীমস্তর ঘর বটে ।”

“খুব বুদ্ধি মিলিয়েছে !” বাঁদুঘ্যে-গিন্নী ছরস্ত ক্রোধকে পরিহাসের ছন্দবেশ  
পরিণে আসরে নামান, “তাই বেয়াইবাড়ির লক্ষ্মীর ষটাঘর চোখ ঝলসেছে ! বলি  
যদি ভাত থাকলেই মেয়ের খন্তরবাড়ির আশ্রয় ঘোচাতে হবে ? এত বড়  
আলপনার পর আর ওদের মেয়ে আনব আমি ?”

“খাওয়ার কথা তুলে খোঁটা দিও না বামুন-বৌদি, তোমাদের আশীর্বাদে নাপিত-বৌয়ের অমন খাওয়া ঢের জোটে। তবে হ্যাঁ, নজর আছে বটে। শুধু পয়সা থাকলেই হয় না, নজর থাকা চাই।”

কথাটা অর্থবহ এবং সে অর্থ বাডুঘো-গিন্নীর অন্তরে ছুঁচের মত গিয়ে বেঁধে, তবু তিনি নিজেকে সংযত করে বলেন, “তা নজরের পরিচয় কি দেখাল? বিশ ভরির চন্দরহার গড়িয়ে দিয়েছে তোকে, নাকি পঁচিশ ভরির গোট?”

“উপহাস্তির কিছু নেই, যা অনেষ্য তা বললে চলবে কেন? একগোড়া ফরাসড্যাডার থান, একপানা কেটে ধুতি আর নগদ পাঁচ টাকা কে দেয় গা কুটুমবাড়ির লোককে?”

“দেবে না কেন, যারা মেয়ে ঘরে আটকে রেখে দিতে চায়, তারা ঘুম দিয়ে মুখ বন্ধ করে কুটুমের লোকের। নইলে তুই তাদের যাচ্ছেতাই শুনিয়ে দিয়ে না এসে স্লথ্যেত করছিস বসে বসে! তোর ওপর আমার ভরসা ছিল, এ তল্লাটে তার মতন ‘মুখ’ তো কারুর দেখি না, আর তুইই ডোবালা? বাঘিনী হয়ে ডা বনে এলি?”

প্রক. “বৌ তোরর করো বামুন-বৌদি, মেয়ের বাপ নিজে তফাতে দাঁড়িয়ে বলে দিল, ‘মা, কুটুমবাড়ির মেয়েকে বলে দাও, বিয়ের সময় কথা করে, হলে মেয়ের কুমারীকাল পুণ্য না হলে শস্তরবাড়ি পাঠানো হবে না, সে কথা তাঁরা হয়ত বিস্মরণ হয়ে গেছেন, আমি তো হই নি। সময় হলে ঘাবে বৈকি!’”

বাডুঘো-গিন্নী বিবাহকালের শর্ত উল্লেখে খেই খেই করে ওঠেন, “কী বললি নাপিত-বৌ, বিয়ের কালের শস্ত-সাবুদের কথা তুলেছে? কথা অমন কত হয়—বলে লাখ কথা নইলে বিয়ে হয় না—বলি তাঁদের চরণে খত লিখে দিয়েছিল কেউ? আমার ঘরের বৌ আমার যদি আনতে ইচ্ছে হয়! আচ্ছা আমিও দেখছি কত তাদের আসপদ্দা, কত তাদের তেজ! মেয়েকে শুধু ভাত কাপড় দিলেই যদি সব মিটে যেত, তা হলে আর কেউ তাকে বিয়ে দিয়ে পরগোস্তর করে দিত না, বুঝলি নাপিত-বৌ? আসছে মাসেই বেটার আবার বিয়ে দেব আমি, এই তোকে বলে রাখলাম।”

নাপিত-বৌ নিমকহারাম নয়। অনেক খেয়ে অনেক পেয়ে এসেছে, তাই বেজার মুখে বলে, “সে তোমাদের কথা তোমরা বুঝবে, বেয়াই তো পস্তর লিখে দিয়েছে বামুনদাদার নামে, জ্ঞাও রাখো।”

তুই যে তাজ্জব করলি নাপিত-বৌ, এই কদিনে তোকে তুচ্ছ করল না গুণ করল লো! তাই ঘরশজ্জুব বিভীষণ হলি! কেবল শুদের কোলে ঝোল টেনে কথা বলছিস! কই, পত্তর কোথা?”

“এই যে।” নাপিত-বৌ নিজের গামছাটার পুঁটলির গিঁট খোলে।

বাঁদুঘো-গিন্নীর অবস্থা তৎপরতার অভাব নেই, তিনিও সঙ্গে সঙ্গে পুঁটলির মধ্যে শ্চোন-দৃষ্টি নিক্ষেপ করে বললেন, “কই, বড়মাহুষ কুটুম কী দিয়েছে দেখি!”

একটি ছেঁড়া ঝাকড়ার পুঁটলি খুলে একখানি দোমড়ানো মোচড়ানো চিঠি বার করে মাটিতে নামিয়ে দিয়ে নাপিত-বৌ প্রাপ্ত সম্পদ দেখায়, “এই কেটে, এই কাপড়ের জোড়া, এই গামছা, আর—”

“ও বাবা, আবার নতুন ঘটি কাঁসি দিয়েছে যে দেখছি!” বাঁদুঘো-গিন্নী বলেন, “সাধে কি আর বলছি ঘুষ দিয়েছে! তা নাকুর বদলে নকশ নিয়ে ফিরলি তুই! কাঁসিখানা তো দেখছি ভারী পাথরকুচি!”

“তা ভারী আছে। আর কথাবার্তাও ভাল। বাড়িসুদ্ধ গিন্নীরা যেন আমায় হাতে রাখে কি মাথায় রাখে! সে তুমি যাই বলো বামুন-বৌদি, কুটুম তোমার খুব ভাল হয়েছে। অমন কুটুমের সঙ্গে অস্‌সরস করলে তুমিই ঠকবে। তবে গিয়ে বৌ তোমার, মিছে বলব না, একটু বাচাল।”

বাচাল!

সহসা যেন পাথরে পরিণত হলেন বাঁদুঘো-গিন্নী।

“বাচাল! আর সে কথা এতক্ষণ বলছিস না তুই? হবেই তো, বাচাল হবে না? বাপের চালচলন তো বুঝতেই পারছি, পয়সার গরমে ধরাকে সরা দেখেন, মেয়েকে আসকারা দিয়ে দিক্বী অবতার করে তুলেছেন আর কি। আমিও এলোকেশী বামনী, বাচাল বৌকে কেমন করে চিট্‌করতে হয় তা আমার জানা আছে!”

“তা আর জানা থাকবে না।” ঠোঁটকাটা নাপিত-বৌ বলে বসে, “আরও একটা মাহুষের মেয়েকে ঘরে পুরে কী হাল্‌লে রেখেছ তা তো আর কার অজানা নেই। তা এ বৌকে আর তুমি চিট্‌করছ কখন, বেটার তো আবার বে দিচ্ছ!”

নাপিত-বৌয়ের কথায় এবার একটু ভয় খান বাঁদুঘো-গিন্নী এলোকেশী। ও বা মুখকোঁড়, পাড়ায় পাড়ায় সমস্ত রটিয়ে বেড়াবে, হাতে হাঁড়ি ভাঙবে।

বাঁদুঘোরা বৌ আনতে পাঠিয়েছিল, বড়মাল্লুষ বেহাই মেয়ে পাঠায় নি, এ খবর রাষ্ট্র হলে কি আর মাথা হেঁট হবার কিছু বাকী থাকবে? নাপিত-বৌকে চটানোটা ঠিক হয় নি। চটায় না ওকে কেউ, চটাতে সাহসই করে না। সকলের হাঁড়ির খবর রাখে, সকল ঘরে যাতায়াত করে, আর সময় অসময়ে নাপিত-বৌয়ের শরণ না নিলে কারুর চলে না। যেমন তেজী তেমনি বিশ্বাসী, আর তেমনি জোরমস্ত ডাকবুকে। একটা মদ্যজোয়ানের ধাক্কা ধরে নাপিত-বৌ। বৌ-মেয়ের খন্ডরবাড়ি বাপের বাড়ি করতে নাপিত-বৌ এ গ্রামের ভরসা স্থল। চৈতন্য হয় সেটা, এবার তাই আর একবার দেতো হাসি হাসেন বাঁদুঘো-গিন্নী, “তবে আর কি, যা দেশ-রাজ্যে রাষ্ট্র করে আয়, আমি আবার বিয়ে দিচ্ছি বেটার! মরণ আর কি, গা জলে যায়! কিন্তু তুইই বল, রাগে মাথার রক্ত চড়ে ওঠে কিনা। যাক বিশদ বৃত্তান্ত বল দিকি, তুই কি বললি, তারা কি বলল, মেয়েই বা—”

“সাতকাণ্ড রামায়ণ গাইবার সময় এখন আমার নেই বামুন-বৌদি, দু দিন ছু রাত পায়ের ওপর, সন্ধ্যা যেন ভেঙে আসছে। ঘরে যাই এখন।”

“ঘরে আর যাবি কেন,” বাঁদুঘো-গিন্নী নিশ্চিন্ত ভাবে বলেন, “এখানেই নয় ছুটো—”

“না বাবা, ওতে আর দরকার নেই। কথায় বলে ‘ভাইয়ের ভাত ভেজের হাত’। ঘরে গে দু-দণ্ড জিরোই, তারপর বোঝা যাবে।”

আরো নরম হতে হয়, আরো ভোয়াজ করতে হয়। শক্তের ভক্ত পৃথিবী।

“হ্যাঁলা, তা মাথায় বিষবাণ বিঁধে রেখে দিলি, উদ্ধার কর! মেয়ে কি বলল তাই বল; তুই কুটুমের বাড়ি থেকে গিয়েছিলি, তোর সামনে কি বাচালতা করল?”

“করল কি আর গাছে চড়ল? তা নয়। তবে ঠাকুরমাদের সঙ্গে খুব হাত মুখ নেড়ে বক্তমে করছিল দেখছিলাম। গিন্নীরা বলাহল, কুটুম চটানো ঠিক নয়, তোমার বেয়াইয়ের দুবুঁজির নিন্দে করছিল, তা দেখি ঘরের মধ্যে বাঁজ দেখাচ্ছে, ‘বাবার কথার ওপর কথা! বাবার চাইতে তোমাদের বুদ্ধি বেশী! বে’র সময় যদি কথা হয়ে গেছল বারো বছর বয়েস না হলে তারা বৌ নিয়ে যাবে না, তো নিতে পাঠায় কোন্ আইনে,’ এই সব!”

কিন্তু বাঁদুঘো-গিন্নীর তখন আর বাকশূঁড়ির ক্ষমতা নেই। পুত্রবধুর বাক-বিত্তাস-প্রণালীর সংবাদে সে ক্ষমতা লোপ পেয়েছে তাঁর।

কিছুক্ষণ গালে হাত দিয়ে শুক্ক হয়ে থেকে সনিশাসে বলেন, “হ্যালা বৌ, তুই তো আমাকে খুব উপহাস্তি করলি বেটার আবার বে দেব বলেছি বলে, তা তুই-ই নিজে মুখে স্বীকার কর, এ বৌ নিয়ে ধর করা যাবে? বাবার জন্মে তো এমন কথা শুনি নি নাপিত-বৌ, যে শশুরঘরে যাওয়ার কথা নিয়ে ধরবসতের বৌ কথা কয়, চিপ্‌টেন কাটে!”

“বাপের একটা তো, একটু বাপসোহাগী আছে। তা ও দোষ কি আর থাকবে? আপনাই যাবে। কথাতেই তো আছে গো—‘হলুদ জন্ম শিলে, চোর জন্ম কিলে, আর দুই মেয়ে জন্ম হয় শশুরবাড়ি গেলে’।”

“জানি নে মা, আমার তো ভয়ে পেটেব মধ্যে হাত পা মের্‌দিয়ে যাচ্ছে। বুড়ো বয়সে বেটার বৌয়ের হাতে কি খোয়ার আছে তা জানি নে। আবার বে দেব আর কোথা থেকে! তোর বামুনদাদ। যে বেয়াইয়ের বিষয়-সম্পত্তির ওপর টাঁক করে বসে আছে। বলে বাপের একটা মেয়ে, বাপ চোখ বুজলে সব মেয়ে-জামাইয়ের।”

“শোন কথা!” এবার গালে হাতের পালা নাপিত-বৌয়ের, “ওই বিরিকির গুপ্তি, অমন সব সোনারটাঁদ ভাইপো রয়েছে, তারা পাবে না? তা ছাড়া ভাগ-ভেঙ্গ তো নয়!”

“তা জানি নে বাপু, কত বলে তাই শুনি। বলে বাপটা একবার চেঁচাঁ বুজলে হয়!”

“কার চোখ আগে বোজে, কে কার বিষয় খায়, কে বলতে পারে বামুনী বৌদি! বেয়াইয়ের তো তোমার সোনার গৌরাকর মতন চেহারা, এখনো বে দিলে বে দেওয়া যায়। থাক গে বাবা, তোমাদের কথা তোমরা বোঝ, যাই, উঠি। বামুনদাদাকে পত্তরখানা দিও।”

নাপিত-বৌ উঠতে যায়, আর সেই মুহূর্তেই বামুনদাদার আগমনবার্তা ঘোষণা করে—খড়মের ষট খট।

“এ কী, নাপিত-বৌ ফিরে এলি যে?”

প্রশ্নের সঙ্গে সঙ্গে বাইরের উঠোন থেকে ভিতর উঠানে পা ফেলেন বাঁদুঘো।

“ফিরে না এসে অকারণ আর কতদিন কুটুমের অন্ন ধঃসাব! অবশ্তি তারা অনেক বলেছিল আর দশদিন থেকে—”

“তা তুই গিয়েছিলি কি করতে? বৌ কই?”

“পাঠাল না।”

বজ্রনির্ঘোষ ধ্বনিত হয় গৃহিণীর কণ্ঠ হতে।

“পাঠাল না!”

আর একবার প্রমাণিত হল, একটি প্রশ্নের মধ্যেই জগতের সমস্ত বিশ্বয় প্রকাশ করা সম্ভব।

ছেলেকে খেতে বসিয়ে কথাটা পাড়লেন এলোকেশী। নাপিত-বৌ-নিষিক্ত অগ্নিধারা শরীরের মধ্যে পরিপাক করতে করতে বেগুনেরঙা হয়ে উঠেছিলেন তিনি, তাই ভাতের খালাটা ছেলের পাতের গোড়ায় ধরে দিয়ে যখন পিঙ্গিমের সলতেটা একটু বাড়িয়ে পা ছড়িয়ে বসলেন, মায়ের ভীষণাকৃতি মুখ দেখে বুকটা কেঁপে উঠল নবকুমারের।

নবকুমারের বয়স আঠারো-উনিশ হলেও মায়ের কাছে সে দুগ্ধপোস্তের সম-গোত্র। আর মা এবং ঘম তার মনেব জগতে সমতুল্য। মা যখন মুখ ছোঁটায়, তখন ভয়ে নবকুমারের হাত-পা পেটের মধ্যে সঁদিয়ে যায়। যার উদ্দেশ্যেই সেই বহিঃশোত প্রবাহিত হোক, নবকুমার ভয়ে কাঁপে।

আজকের গালিগালাজের শ্রোতটা আবার নবকুমারেরই শ্বশুরবাড়িকে কেন্দ্র করে, কাজেই খাওয়া আর হয় না বেচারার। ভয়ে লজ্জায় ষাড়টা নিচু হতে হাতে প্রায় খালার সঙ্গে ঠেকে আসে।

নাপিত-বৌ কুটুমবাড়ি ষাওয়া পর্যন্ত মনের মধ্যে একটি প্লকের গুঞ্জরণ বইছিল নবকুমারের, ছড়ানো ছিটানো কথায় শুনতে পাচ্ছিল এলোকেশী নাকি -বৌকে আনতে পাঠিয়েছেন।

কেমন সেই বৌ, কি তার নাম, কি রকম দেখতে, এসব লজ্জাকর চিন্তাকে কিছুতেই মন থেকে তাড়াতে পারছিল না নবকুমার। শয়নে স্বপনে একটি মুখচ্ছবি আবছা আবছা ছায়া ফেলে বাড়ির এখানে সেখানে, এলোকেশীর কাছে কাছে ঘুরে বেড়াচ্ছিল, ঘোমটা টেনে টেনে।

শোবার ঘবে? অনবগুণ্ঠনে?

ওরে বাবা, অত দুঃসাহসী কল্পনার সাহস নবকুমারের নেই। সে ভাবনার যার-কাছে গেলেই বুক গুরগুর করে গুঠে তার। মার সামনে দাঁড়ালে তো কথাই নেই, আশঙ্কা হয় ছেলের মনের ভিতরটা ‘কাঁচদীঘি’র জলের ভিতরটার মতই দেখতে পাচ্ছেন এলোকেশী।



না, শোবার ঘরের এলাকায়, কি নিদ্রের ধারে-কাছে বৌয়ের উপস্থিতির অবস্থা চিন্তা করে না নবকুমার, করে শুধুই মায়ের ধারে-কাছেই।

নাপিত-বৌয়ের অভিধান কার্যকরী হবে না, এরকম অবিখ্যাত দুর্ঘটনার কথা তার স্বপ্নেও মনে আসে নি, তাই এই ক'দিন প্রতিদিন সন্ধ্যার পর ভবতোষ মাস্টারের কাছে ইংরিজি পড়া পড়ে বাড়ি ফিরে উৎকর্ণ হয়ে থাকে একটি মুহূর্ত নুননুন মলের শব্দের আশায়।

কিন্তু কই ?

ক'দিনের কড়ারে গেছে নাপিত-বৌ, সে খবর নবকুমারের জানবার কথা নয়, তবু আশা করছিল পূজোর আগে অবশ্যই। আর পূজোর উৎসবের সঙ্গে হৃদয়ের আর এক উৎসবকে যুক্ত করে নিয়ে অবিরত বিহ্বল হচ্ছিল সে।

পূজো আসছে !

বৌ আসছে !

পূজোটা জানা, কিন্তু না-জানি কেমন সে বৌ !

বিয়ে হয়েছিল পনেরো পার হয়, এমন কিছু অজ্ঞানের বয়সে নয়, তবু লাজুক-প্রকৃতি নবকুমার বিয়ের কোন অনুষ্ঠানের সময়ই একটু চকিত দৃষ্টি নিক্ষেপ করেও কনে-বৌকে দেখে নেবার চেষ্টা করে নি। এখন যদি কেউ বদলে অণু মেয়ে গছিয়ে দেয়, ধরার সাধ্য হবে না নবকুমারের।

এমন কি এই কদিন ধরে শত চেষ্টাতেও বৌয়ের নামটা মনে আনতে পারছে না সে। এতদিন অবশ্য মনে আনবার খেয়ালও হয় নি, নাপিত-বৌয়ের অভিধানই সহসা নবকুমারকে এক ধাপ এগিয়ে নিয়ে গেছে। কৈশোর থেকে যৌবনের ধাপে।

বিয়ের সময় সম্প্রদানকালে নামটা তো দু-একবার উচ্চারিত হয়েছিল মনে হচ্ছে, কিন্তু কে তখন ভেবেছে এই নামটা মনে রাখবার দায়িত্ব তার ! নবকুমার তো তখন অবিরাম ঘামছে !

ওই ঘামটাই মনে আছে, নাম-টাম নয়।

একে তো বিয়ের বর, তা ছাড়া শব্দের সেই দৃপ্ত উন্নত চেহারা, গভীর স্বর, আর রাশভায়ী ভাব ! সেটাও সেই ভয়কে বাড়িয়ে দেওয়ার সহায়তা করেছিল।

তা ছাড়া বাসরঘরে আরও কত রকম ভয় !

সে ভয় এখনও বুঝি একটু একটু আছে।

কিন্তু 'বৌ' শব্দটি মিষ্টি। ভয়ের মধ্যেও রোমাঞ্চ।

'কণ্ড না কথা মুখ তুলে বৌ,  
দেখ না চেয়ে চোখ খুলে !'

মনের মধ্যে বাজছে সুর আর শব্দ। বন্ধুবান্ধবের সঙ্গে বৌয়ের আসন্ন আবির্ভাব নিয়ে আলোচনা করবার ক্ষমতাও নেই নবকুমারের। পাড়ার বন্ধু ষাড়া খবরটা শুনেছিল তারা যদি একটু-আধটু ঠাট্টা করছে, "ধেং, ধেং" ছাড়া আর কোনও উত্তর দিতে পারছে না সে।

অথচ যখন ভবতোষ মাস্টারের কাছ থেকে পড়া লেয়ে সন্ধ্যায় কাঁচদাঁড়ির নির্জন পাড় দিয়ে বাড়ি ফিরেছে, তখন অসুচারিত শব্দে বার বার ফিরিয়ে ফিরিয়ে গেয়েছে—

'এনেছি বকুলমালা, করবে আলা

তেল-চোয়ানো তোর চূলে !

... ..

মিশি দাঁতের হাসিটি বেশ,

মুখখানি বেশ চললে !'

তারপর কি? তাই তুতো! 'মুখখানি বেশ চললে, মুখখানি বেশ'—পয়ের লাইনটা কিছুতেই মনে পড়ে না, কোথা থেকে যে শিখেছিল তাও মনে পড়ে না। তবু ওই অসমাপ্ত গানটাই অপূর্ব সুরে গুঞ্জনিত হতে থাকে সমস্ত রাস্তাটা।

ক'দিনের প্রত্যাশার পর আজ বাড়ি ফিরেই এলোকেশীর প্রদত্ত সমাচায়ে বুকটা ছলাৎ করে উঠল। আর সেই বিয়ের দিনের মত ঘাম ছুটে গেল মুহূর্তের মধ্যে।

"নাপিত-বৌ এসেছে শুনেছিস !" বলে উঠলেন এলোকেশী।

বাধিনীর মত বসেছিলেন দাওয়ার ধারে। ছেলে এসে পা-টা হাতটা ধোবে, এটুকু সময়ও দেরি সইল না তাঁর। দিয়ে বসলেন সংবাদ। অঙ্ককারেই বলে বসলেন, আলোটাও আনলেন না ছেলের সামনে।

নবকুমারের কাছে অবশ্য এ সংবাদ অল্প অর্থ বহন করে এনেছে, তাই তার চিন্তে বিহ্বলতা। তাই মার বর্তমান অবস্থা ধরতে পারল না সে।

ধরতে পারল না কণ্ঠস্বরের ভীষণতাও। তাই না-জানা, একটা স্বখে শিউরে উঠল।

কিন্তু কতক্ষণের জ্ঞেই বা।

ক্ষণকালের মধ্যেই নির্ভূর সত্য প্রকাশিত হল।

মান্নগণ্য বেহাইয়ের-উদ্দেশে 'ছোটলোক' 'চামার' 'আসপদাবাজ' ইত্যাদি শোভনসুন্দর বিশেষণমালা প্রয়োগ করে এলোকেশী জানালেন, "মেয়ে পাঠাল না।"

মেয়ে পাঠাল না!

এ কি অস্তুত বাণী!

মেয়ে না পাঠানো যে সম্ভব, সে কথা তো একবার মনের কোণেও আসে নি নবকুমারের।

কিন্তু এ কথায় আর কি কথা কইবে নবকুমার! আর উত্তরের প্রত্যাশা করেও কথা বলেন নি এলোকেশী।

আরও খানিকক্ষণ ধরে বেয়াইয়ের 'পয়সার গরম' তুলে, নাপিত-বোকে ঘুষ দিয়ে 'হাত করা'র বার্তা জানিয়ে, অবশেষে হঠাৎআবিষ্কার করলেন এলোকেশী, ছেলেরা সেই অবধি উঠোনেই দাঁড়িয়ে আছে কাঠ হয়ে।

রাত্বেহ জেগে উঠল।

"আর দাঁড়িয়ে থেকে কি করবি, হাত-মুখ ধো!" বলে এলোকেশী উচ্চগ্রামে চিৎকার করলেন, "ভাত নেমেছে সহু?"

রান্নাঘর থেকে সাড়া এল, "নেমেছে মাসীমা।"

"আয় মুখ ধুয়ে, ভাত দিই।" বলে রান্নাঘরের দিকে চলে গেলেন এলোকেশী। আর নবকুমার আশ্বে আশ্বে গায়ের কোটটা খুলে দেয়ালে লাগানো একটা গজালে টাঙিয়ে রেখে চলে গেল খিড়কির পুকুরের দিকে।

হঠাৎ মনটা কেমন শিথিল আর ফাঁকা-ফাঁকা লাগছে। যা ছিল না, কোন দিনই যার স্বাদ জ্বোটে নি, তেমন জিনিস হারালেও এমন শূন্যতা বোধ আসে? সব ফাঁকা-ফাঁকা ঠেকে?

কিন্তু তখনই বা হয়েছে কি!

আসল কথা পাড়লেন এলোকেশী ছেলেকে খেতে দিয়ে, পিচ্ছিমের সলতে উলকে পাঁ ছড়িয়ে বসে।

সে মুখ দেখে বুক কেঁপে উঠল নবকুমারের।

“আমি এই তোকে বলে রাখছি নবা, শেষবেশ একটা চিঠি চামারটাকে দেওয়াব কর্তাকে দিয়ে, তাতেও যদি মেয়ে না পাঠায়, এই সামনের অজ্ঞানেই তোর আবার বিয়ে দেব।”

আবার বিয়ে !

মা কি আজকে বুক ধড়াস ধড়াস কবিয়েই মারবে নবকুমারকে ?

আবার বিয়ে !

তার মানে আবার আর একবার নবকুমারকে নিয়ে সেই নকড়া-ছকড়া খেলা, আবার আর একটা বাড়িতে গিয়ে সেই সম্প্রদান, সেই বাসর, সেই কানমলা, সেই ঘাম !

ঘাড়টা প্রায় পাতের সঙ্গে ঠেকে যায় নবকুমারের। মুখ দিয়ে কথাও বেরোয় না, মুখের মধ্যে ভাতের গ্রাসও ঢোকে না।

হঠাৎ একসময় কটুক্তি থামিয়ে এলোকেশী বলেন, “খাচ্ছিস কই !”

“খাচ্ছি তো।” এতক্ষণে অক্ষুটে একটা কথা বলে নবকুমার এবং বাক্যের সত্যতা রক্ষার্থে এক গ্রাস ভাত ঠেলেঠেলে মুখের মধ্যে চালান দেয়।

এবার সছ বা নৌদামিনীর রঙ্গমঞ্চে আবির্ভাব। মাটির সরায় একসরা খোঁয়া-ওঠা গরম ভাত নিয়ে এসে অবাক গলায় বলে ওঠে সে, “ওমা, ই কি ! যেখানকার ভাত সেখানে পড়ে। এতক্ষণ ক করাল রে নবু ?”

“খাচ্ছি তো।” আরও একবার পূর্ব-কথা এবং পূর্বোক্ত কাজের পুনরাবৃত্তি করে নবকুমার।

“দিয়ে বাই আর ছুটো ?”

“না না, আর নয়।” ভরা মুখে হাত মুখ মাথা সব নেড়ে প্রতিবাদ আপন করে নবকুমার।

“খিদে নেই ?”

নবকুমার আর একবার বলে, “খাচ্ছি তো।”

এদিকে ঠেলে-ওঠা চোখে জল আসতে চায়।

“খিদে আর থাকবে কোথা থেকে ?” এলোকেশী বলে ওঠেন, “খন্ডরের নিন্দে করেছি যে। একালের ছেলে তো। কিন্তু তোকে আবারও এই বলে রাখছি নবা, তোর মেমাকে-খন্ডরের ওই খাড়া নাক যদি না ছুঁয়ে ঘবটে দ্বিই আমি তো কি বলেছি ! বাপ বাপ বলে ওই মেয়ে খাড়ে করে নাকে

খত্ দিতে দিতে আসে তো ভাল, নচেৎ আবার ছানলাতলায় গিয়ে দাঁড়াতে হবে তোকে। এবার আর নবাবের বেটী আনব না, গরীব-গুরবো ঘরের মেয়ে নে আসব।”

“ওই শোন,” সহু হেসে ওঠে, “আর মুখ গৌজ করে থাকবার কিছু নেই রে নবু, আশ্বাস-বাক্য পেয়ে গেলি। এখন বড় বড় খাবায় খেয়ে নে।...বৌ এল না বলে মনের দুঃখে নবু অমন সরলপুঁটির টকটাই ভাল করে খেল না, দেখছ মামী!”

“সব সময় ঝাকরা করিস নে সহু,” এলোকেশী বেজার মুখে বলে, “চক্কিশ ঘণ্টা হাস-মসকরা কার ভালও বা লাগে। প্রাণে কিসের যে এত উল্লাস তাও তো বুঝি না।”

কথাটা সত্যি।

উল্লাস আসবার কথা সহুর নয়।

তবু আসে।

তবু রং-তামাশা করে সহু, হি হি করে হাসে। কিন্তু হাসি আসে কি করে সহু নিজেই কি জানে ছাই!

হয়তো এ জগতে একমাত্র ওইটুকুই ওর নিজের এক্সারে আছে বলে আনায়। দুর্ভাগ্যকে বুড়ো আঙুল দেখিয়ে হি-হি করে হেসে বেড়ায় সে বুকের পাথরখানা ঠেলে ফেলে দিতে।

অবিরত ওই পাথরখানা বুকে বইতে হলে কি ঘুরে ফিরে আর অসুরের মত খেটে বেড়াতে পারত?

গাঁ-সুন্ধ সবাই তো ধিকার দেয় সহুর ভাগ্যকে, সবাই তো জানে সহুকে বরে নেয় না। অকারণ, শুধু খেয়ালের বশে সহুকে সহুর বর ত্যাগ করেছে। স্বভাব-চরিত্র খারাপ তো অনেকেরই থাকে, পরিবারকে ত্যাগ আর কজন করে!

সহুর মা নেই, বাপ নেই, আজন্ম মামার বাড়ি মানুষ। মামা দু-তিনবার চেষ্টা করে করে ঈশ্বরবাড়ি রেখে এসেছিল তাকে, কিন্তু কিছুতেই নিজের আসন দখল করতে পেরে উঠল না হতভাগা মেয়েটা। দুর্ব্যবহারের চোটে পালিয়ে আসতে পথ পায় নি!

তদবধি আবার এই মামার বাড়িতেই স্থিতি।

তা ছাড়া উপায় কি ?

মামার বাড়িতে আছে, দুবেলা হৈসেল ঠেলছে, জুতো-চণ্ডী সব নাড়ছে আর মামীর মুখনাড়া খাচ্ছে।

তবু সে হাসে।

বলিহারি !

‘বলিহারি বাই বাবা !’ —মামী বলে, পাড়ান্নু সবাই ! শুনে শুনে নবকুমারের এখন ধারণা হয়ে গেছে, হাসিটা সহৃদয় পক্ষে গহিত, তাই সে হাসি-ঠাট্টায় কোনও দিনই তেমন কবে যোগ দিতে পারে না। আর আজকের কথা তো স্বতন্ত্রই। আজকেব হাসি-ঠাট্টার বিষয়বস্তু তো নবকুমার নিজেই।

“দুখটা আনবি, না দাঁড়িয়ে রঙ্গ কববি ?”

ধমকে ওঠেন এলোকেশী।

ছেলের কোলের গোড়ায় ভাতের খানাটি বসিয়ে দেওয়া ছাড়া আর বেশী নড়াচড়া করেন না এলোকেশী। দ্বিতীয়বার যা কিছু লাগে ‘সহু সহু’ হাঁক। মস্ত সুবিধে, সহু বিধবা পুস্তি নয়। বিধবা হলে তো এক মহা ঝঞ্ঝাট—রাস্তিরে আশ হৈসেলের ভার দেওয়া যায় না। এক্ষেত্রে আর কোন বিধা-দায় নেই। বড় বড় সরলপুঁটির টক সহু তো নিজেও একটু খাবে, অতএব হুটুক বাছুক রাঁধুক।

কর্ভা নীলাশ্বর বাঁড়ুঘোর বয়স বাই হোক, রাতে ভাত খাওয়া ছেড়েছেন তিনি অনেক দিন। ঘরের গরুর খাঁটি দুধ দেড়সেরখানেককে মেয়ে আধসের করে সর পড়িয়ে রাখা হয়, তাতেই বাড়িতে ভাজা টাটকা খই ফেলে গোটা আটেক মনোহরা মেখে আহার সারেন নীলাশ্বর।

সে সারা তাঁর সঙ্ঘাতিক সেয়ে ওঠার সঙ্গে সঙ্গেই হয়। নবু মাষ্টারের কাছে পড়ে স্কয়ার আগেই। আবার তিনি যখন বেড়িয়ে ফেরেন, নবুর তখন অর্ধেক রাস্তির, কাছেই এ বেলায় বাপে-ছেলেতে দেখাই হয় না। ছেলের যে এই এক বেরাড়া খেয়াল হয়েছে, ইংরিজি শিখবে ! ওই স্নেচ্ছের ভাবা শিখে কি চতুর্বর্গ লাভ হবে কে জানে, তবু খুব একটা বাধাও দেন নি নবকুমারের স্নেহশীল পিতা। বলেছেন, ইচ্ছে হয়েছে পড়ুক।

আসল নষ্টের গোড়া তো ওই ভবতোষ বিশ্বাসটা। কলকোতা থেকে ইংরিজি শিখে এসে গাঁয়ে এখন ইঙ্কল খোলা হয়েছে বাবুর। সকাল-বিকেল,

দুবেলা ইঁস্কুল বসায়। গায়ের হোঁড়াগুলোকে ক্যাপানোর গুরু! কানে মস্তুর দিচ্ছে, ইংরিজি না শিখলে নাকি উন্নতি নেই, শিখে কলকাতায় গিয়ে হাজির হতে পারলে সাহেবের আফিসে মোটা মাইনের চাকরি অবধারিত! ছুটছে সবাই ওর ইঁস্কুলে। চালাকের রাজা ভবতোষ ফাস্ট বুক, সেকেন বুক, কত সব শক্ত বই কিনে এনেছে কলকাতা থেকে, তাই থেকে পড়িয়ে পড়িয়ে বিদ্যে-দিগগজ করছে সবাইকে!

বামুনের ঘরের ছেলেগুলো যাচ্ছে শুদ্ধুরের কাছে বিদ্যে নিতে! কলি পূর্ণ হতে আর কতই বা বাকি!

তবু ছেলেকে বাধা দেন নি নীলাধর, কলির তালেই চলেছেন। শুধু ওই স্লেক্স-ভাষা-শিখে-আসা জামা-কাপড়গুলো ঘরে তোলে না, পরে কিছু ছোঁয় না, ছেড়ে হাত-পা ধুয়ে গন্ধাজল স্পর্শ করে, এই পর্যন্ত।

নবকুমারকে খাইয়ে মামী-ভাগ্নী দুজনে রান্নাঘরে বসে পড়ে খেতে। ওরা তো আর ভাত বেড়ে পিঁড়ে পেতে থাকে না, কাঁসি গামলা যাতে তাতে খেয়ে নেবে মাটিতে খেবড়ে বসে। তা এ সময় গল্পটা চলে ভাল। ফি হাত ধমক দিলেও ভাগ্নীকে নইলে চলেও না এলোকেশীর। কথা কইবার সঙ্গী বলতে দ্বিতীয় আর কে?

খাওয়ার পর রান্নাঘর ধোয়ার ভার সৌদামিনীর।

ঘর ধুয়ে পরদিনের জন্তে রান্নার কাঠ গুছিয়ে চকমকি ঠিক করে রেখে, কাজ-করা কাপড় কেচে তবে শুতে যায় সহ। শোবার জন্তে তার নামে একটা ঘর আছে বটে, বিছানাও আছে বটে, কিন্তু সে ঘরে সে বিছানায় কতটুকুই বা শুতে পায় সে? নীলাধর বস্তুক্ষণ না আসেন, এলোকেশীকে আগলাতে হয়, কারণ এলোকেশীর বড় ভুতের ভয়।

নীলাধর আসার পর তাঁর জল চাই কিনা, তামাক চাই কিনা খোঁজ-খবর করে তবে সহর ছুটি। তা সে ছুটিটা প্রায়ই রাতের আধখানা গড়িয়ে গিয়ে হয়।

অবিশ্রু তার পর বাকী রাতটা সহকে কে আগলাবে, এ প্রশ্ন ওঠে না। সহ তো সহ! ওকে যদি এ নিয়ে আক্ষেপ প্রশ্ন করো, নিশ্চয় হেসে উঠে বলবে, “ভূতই আমার আগলায়। জানো না—আমি যে শাঁকচূরী!”

তবু সহ মামীকে ভালোবাসে, মামাকে ভক্তিসমীহ করে, নবকুমারকে প্রাণতুল্য দেখে।

তার এই বক্রিণ বছরের জীবনে ভালবাসার, ভক্তি করবার, স্নেহ করবার ক্ষমতা পেলেই বা আর কাকে ?

ভোরবেলাই ঘুমটা ভেঙে গেল।

কারণটা কিছু মনে নেই, তবু যেন মনে হল নবকুমারের, বুকটায় কী একটা পাষণ্ডার চেপে রয়েছে ! যেন আস্ত একটা পাহাড়ই কেউ বুকের ওপর বসিয়ে দিয়েছে কোন্ কঁাকে ! রাত্রে ঘুমের মধ্যেও ছিল যেন কি এক আতঙ্কের স্বপ্ন।

একটুকুণ খোলা জানলার দিকে চেয়ে বসে থাকতে সব মনে পড়ল। মনে পড়ল মায়ের শপথবাণী। মনে পড়ে হাত-পা ছেড়ে এল।

ধীরে ধীরে উঠে পড়ল, বেরিয়ে এল ঘর থেকে কোঁচার খুঁটটা গায়ে দিয়ে। ভোরের দিকে বেশ নীত-নীত পড়ে গেছে। আর শরৎকালের সকালের এই গা-সিরসিরে হাওয়াটাই তো কোন উধাও পাথারে মনটাকে ছুটিয়ে নিয়ে যায়।

বাইরে এসে দেখল সৌদামিনী উঠোনে ছড়াঝাঁট দিচ্ছে। কাছে গিয়ে বলল, “মা ওঠে নি সছদি ?”

“মামী !” সকাবেলাই হেসে গড়িয়ে পড়ে সৌদামিনী, “মামী আবার এমন সময়ে কবে ওঠে রে নবু ? ‘ভোর ঠাকুরের’ সঙ্গে যে মামীর বিরোধ !”

খচ্, খচ্, ঝাঁটা চালাতে চালাতে বলে সত, “সরে দাঁড়া নবু, খুলো লাগবে।”

“লাগুক গে।” বলে বঃ কাছেই সরে এল নবকুমার, কাছে এসে হঠাৎ নীত-কালে জলে ঝাঁপিয়ে পড়ার ভঙ্গীতে বলে উঠল, “সছদি, তুমি মাকে বলে দিও ওনব পারব-টারব না।”

ঝাঁট বন্ধ হল সৌদামিনীর !

চোখ গোল গোল করে বলল, “কি বলে দেব মামাকে ? কী পারবি না ?”

“ওই সব !” নবকুমার বকে ওঠে, “শুনলে তো কাল নিজের কানে, আবার শুধোচ্ছ কেন ?”

“নাঃ, তুই আমায় অথই জলে ফেললি নবু, কালকের দিনভোর কত কথাই তো শুনেছি, কোনটা তোর মনে গিঁথে আছে, তা কেমন করে বুঝব ?”



“আঃ! আচ্ছা জালায় ফেললে তো! নাপিত পিসির ব্যাপারে রেগে গিয়ে ম্মা যাঁ বলল মনে নেই তোমার?”

“ও হরি, তাই বল! তোর আবার বিয়ে হবে, এই কথা তো?” ফের সহুর সেই হি হি হাসি, “সেই চিন্তায় রাতভোর ঘুমস নি বুঝি? নাকি সেই ঠাকুরঘরে কে, না আমি তো কলা খাই নি’ তাই? মামী পাছে প্রতিভাে বিশ্বরণ হয়ে যায় তাই ‘আমি পারব না’ ‘আমি করব না’ বলে স্বরণ করিয়ে দিতে এসেছিল?”

“আঃ সহৃদি, ভাল হবে না বলছি! আমি এই তোমায় বলে রাখছি ওসব পারব না। আবার ওই কানমলা-টানমলা—ওরে বাবা!”

সহু ফের হাতের কাজে মনোনিবেশ করে বলে, “তা আমায় বলে কি হবে? মামীকে বল!”

“আমি বলব? আমি বলব মাকে?”

সহু হাসতে হাসতে বলে, “বলবি না কেন? ডাগর হয়েছিল, সাহস হচ্ছে না?”

“মার কাছে সাহস! হঃ! এই তোমায় বলছি সহৃদি, আমি তোমার কাছে বলে খালাস, যা বিহিত করার ভূমি করবে।”

সৌদামিনী ফের হাত খামিয়ে বলে, “বেশ, বলব মামীকে, নবুর আমাদের প্রথম পক্ষের ওপর বড্ড আঁতের টান, ওকে ভাগ দিয়ে অস্তুর বিয়ে করবে না!”

“সহৃদি, ভাল হবে না বলছি। বলি, আবার এই সব ছুতুড়ে কাণ্ডের দরকার কি? নাই বা পাঠাল কেউ মেয়ে, পরের ঘরের মেয়ে, নইলে বুঝি সংসার চলে না?”

“কই আর চলে?” সহু হাত মুখ নেড়ে বলে, “চললে আর এই আদি-অস্তকাল ধরে মান্বে ওই সব ছুতুড়ে কাণ্ড করত না, বুঝলি রে নবু! এর পর ওই পরের মেয়েই জগতের সেরা আপন হবে।”

“ছাই হবে।” কোঁকের মাথায় বলে ফেলে নবকুমার, “কই জামাইবাবুর তো হল না।”

সহুর উচ্ছাস কমে, একটু গম্ভীর হয়ে গিয়ে বলে, “ও-কথা বাদ দে। আমার মতন ছাই-পোরা কপাল ঘেন অতি বড় শক্ররও না হয়।”

নবকুমার সহুর ভাবান্তরে ঈষৎ খতমত খেয়ে বলে, “আমি কিছু

ভেবে বলি নি সত্ৰুদি। কিন্তু যা বললাম, তোমাকে আমার রক্ষকতা হতে হবে।”

“বেশ বলব মামীকে, যা দেখছি দু'ঘা কাঁটা আছে ললাটে!”

তা সত্ৰুর কথা মিথ্যা নয়। এলোকেশী সেই ব্যবস্থাই করেন।

তবে ললাটের কাঁটাটা দৃশ্যমান নয় এই যা। শব্দ অদৃশ্য। তবু এলোকেশী যখন কথার তুবড়ি ছোটান, মনে হয় তাঁর মুখ থেকে আগুনের হলকার মত দৃশ্যমানই কিছু বার হচ্ছে বৃষ্টি!

শাক বাছতে বাছতে কথাটা পেড়েছিল সৌদামিনী, “ওগো মামী, তুমি তো বলছ ওরা পস্তরপাঠ-মাস্তর মেয়ে না পাঠালে তুমি ছেলের আবার বিয়ে দেবে, এদিকে ছেলে তো বঁকে বসে আছে!”

“কী! কী বললি?”

মুহুর্তে অগ্নিকাণ্ড ঘটে গেল।

সত্ৰুকে ন ভূতো ন ভবিষ্যতি করে গাল দিয়ে ঘোষণা করলেন এলোকেশী, “যে আমার খেয়ে আমার পরে আমার সংসার ভাঙবার তাল খুঁজবে, তাকে ঝেঁটিয়ে দূর করে দেব তা এই বলে রাখছি সত্ৰু। আমার ছেলেকে কানে বিষমস্তুর দিয়ে পর করে নিতে চাম লক্ষীছাড়ি! উঠুক তোরা মামা আঁহুক করে, দেখাচ্ছি মজা!”

সত্ৰু প্রতিবাদও করে না, নিজের সাফাইও গায় না এবং এ প্রশ্নও তোলে না তার অপরাধ কোথায়? এমন কি তার মুখ দেখে এই মনে হয়, এই বাক্যবাণের লক্ষ্য বৃষ্টি তার অপরিচিত কেউ!

নীলাশ্বর আঁহুক সেরে উঠে বাইরে তাঁমার কুশিতে সূর্য্যর্ধ্য নিবেদন করে কুশিটা মাটিতে উগুড় করে, আর এক দফা সূর্য্যপ্রণাম সেরে মুখ কিরিয়ে দাঁড়াতেই, এলোকেশী দুধকলা দিয়ে কালসাপ পোষার নভীর ভূলে স্বামীকে অবহিত করিয়ে দিয়ে বলেন, “তুমি যদি এই দণ্ডে চিঠি লিখে রওনা করে না দেবে তো আমার মাথা খাবে।”

নীলাশ্বর ‘আহা’ করে উঠে বলেন, “দ্বিব্য গালাগালির কি আছে। পত্র লিখছি, কিন্তু পাঠাবার কি হবে তাই ভাবছি। নাপতে বৌ তো—”

“কেন গীয়ে কি ও ভিন্ন আর মাহুয নেই? রাখাল তো গেছল সেবার?”

“রাখাল যাবে? কিন্তু অভখানি পথ একেবারে একলা! তাই ভাবছি।”

“তা হলে গোবিন্দ আচার্য্যির ছেলে গোপনাকে পাঠাও। গাঁজার পয়সা দিলে রাজী হয়ে যাবে।”

“গোপনাকে কুটুমবাড়ি পাঠাব! কি বলতে কি বলে আসবে!”

“হাস্ক না।” এলোকেশী বীরদর্পে বলেন, “ওই গের্জেলের কটুবাক্যিতে যদি মিন্‌সের চৈতন্য হয়! তার পর দেখি কেমন সোহাগিনী মেয়ে নিয়ে ঘরে বসে থাকতে পারে। গোপনাকে এও বলে দেবে ওখানে আশেপাশে কুলীনের মেয়ের সন্ধান পায় কিনা দেগে আসতে। নাকের সামনে হলেই ভাল হয়।”

নীলাধর আর কথা বাড়ান না, কাগজ কলম নিয়ে বসেন। এবং অনেক মুসাবিদাস্তে একখানি চিঠির খসড়া করেও ফেলেন।

তাতে এই কথাই বিশদ বোঝানো থাকে, রামকালী যদি পূর্ব জিহ্ব বজায় রাখতে চান, তাঁর কপালে অশেষ দুঃখ আছে। ছেলের তো আবার বিয়ে দেবেনই এঁরা, তা ছাড়া আরও যা করবেন ক্রমশঃ প্রকাশ্য। নীতিমত ভয় দেখানো চিঠি।

পত্রের ভাব ও ভাষায় এলোকেশী খ্রীতিপ্রকাশ করেন। অতএব নীলাধর তৎপর হন পাঠাবার চেষ্টায়। কিন্তু মনে তাঁর দৃষ্টিস্তা, রামকালীর একমাস্তর মেয়ে সত্যবতী! বেশী টান কষলে দড়ি না ছিঁড়ে যায়।

এত কথার কিছুই নবকুমার জানে না। সে স্থলে।

বেলায় যখন ফিরল, সত্বর কাছে গিয়েই আগে দাঁড়াল। “সত্বদি তেল!”

সত্ব পলায় করে তেল এনে ওর হাতে দিয়ে বলে, “দেখলি তো বললাম কাজ কিছু হবে না, শুধু আমার কপালে ঝ্যাঁটা, তাই হল। তোর স্বপ্নের স্বভূত্বাণ তৈরি, এতক্ষণে বোধ হয় পাঠানোও হয়ে গেল। যদি বা দুদিন দেরি হত, তোব অমত শুনে মামী একেবারে ধেই ধেই।”

হাতের তেল আঙুলের ফাঁক দিয়ে গড়িয়ে পড়ে, ক্যালফ্যাল করে তাকিয়ে থাকে বেচারী নবকুমার।

সত্ব বোধ করি ওর মুখভঙ্গী দেখেই করুণাপরবশ হয়ে বলে, “বাক গে, তুই আর ও নিয়ে মন উটাতন করিস নে, দিতে হয় আর একবার টোপন মাথায় দিবি। কত আর কট! তোর একটা বৌ পেলেই হল। তবে মনে নিজে একবার ভালুইমশাই নরম হবে, সত্বই হোক মেয়ের বাপ!”

হঠাৎ নবকুমার একটা বেথাপূঁপা এবং অবাস্তুর কথা বলে বসে, “সায়েরবরা শুধু একটা বিয়ে করে, কক্খনো অনেক বিয়ে করে না।”

ব্যস, আর যায় কোথা !

সহর হাসির ধুম পড়ে যায়। “ওমা তাই না কি ? ও বুঝেছি, তাই সায়েরবদের বই পড়ে তোরও সেই বুদ্ধি মাথায় ঢুকেছে ! তা ইয়ারে নবু, সায়েরবরা যদি একটা বৈ বিয়ে করে না, তো বাকী মেমগুলোর কী দশা হয় ? বিধাতা পুরুষ যখন পৃথিবী ছিটি করেছিল, তখন একটা করে বেটাছেলে আর দেড়কুড়ি করে মেয়েমাছুষ গড়েছিল, এ তো জানিস ? তা হলেই বল ! বাকীগুলোর গতি কে করবে, যদি একটা বৈ বিয়ে না করে—?”

“যত সব আজগুবা !” যদিও নবকুমার মার আড়ালে বেশ সশব্দেই কথা বলে, “পৃথিবী স্কন্ধ বেটাছেলে বুঝি দেড়কুড়ি করে—”

মুখের কথা মুখেই থাকে, রঙ্গস্থলে এলোকেশী দেখা দেন, “বলি নবা, চান করতে যেতে হবে কিনা ? যখনই দুটোয় এক হবে, অমনি হাসি-মস্করা। ইয়ানা যদি, তোকেও বলি, ও কি তোর সমবইসী ? তা তো না, রাতদিন কেবল কানে কুমস্তর দেওয়া ! রোস, বৌ একটা আঙ্গুক না ধরে, হাঁড়ি গলায় গেঁথে দেবার লোক হোক, তোকে একবার ঝেঁটিয়ে বিদেয় করি।”

মাতৃ-সন্নিধানে নবকুমার সর্বদাই চোরের ভূমিকা। তাই সহৃদয় এই অপমানে তার প্রাণটা ছট্‌কটিয়ে উঠলেও মুখ দিয়ে রা ফোটে না। কিন্তু আশ্চর্যের কথা এই, সহর মুখের রেখায় কোন ভাব-বৈলক্ষ্য ফোটে না। সে যথাপূর্বং হান্সবদনে নবুকে চোখ টিপে ইশারা করে, যার এই অর্থ হয় ‘যা নাইতে যা, মামী ক্ষেপেছে !’

হাতের তেল তেলো থেকে সবটাই গড়িয়ে পড়ে গেছে, তেলালো হাতটাই শুধু মাথায় ঘষতে ঘষতে সোজা কাঁচদীঘিতে চলে যায় নবু। আজ আর যেন খিড়কি পুকুরে মন ওঠে না।

যেতে যেতে হঠাৎ সেই একদিন দেখা শব্বরের ওপর ভারী রাগ এসে যায় নবকুমারের। এত কামেলার কিছই তো হত না, যদি সেই মেয়ে না কি পাঠাভেন তিনি !

বুকটার শুধু পষাণভারই নয়, যেন কাঁটাও বিঁখেছে। দূর ছাই !

## ॥ আঠারো ॥

সপরিবার তুই গয়লা মাঠে এসে বুক চাপড়াচ্ছে, আর পরিজ্ঞাহি চোঁচাচ্ছে। তুইব পরিবার জলে পড়ে কি আঙুনে পড়ে এইভাবে লুটোপুটি খাচ্ছে এখান থেকে ওখান।

একরাশ লোক চারিদিকে ভিড় করে হা-হতাশ করছে, আর কে কবে কোথায় ঠিক এই রকম, অথবা এই ধরনের ব্যাপার দেখেছে তারই আলোচনায় বাতাস মুখর করে তুলেছে।

আখিনের রোদে সর্দি-গমি হবার কথা নয়, কিন্তু সময়টা বড্ড কড়া। একে-বারে ভরতুপুরবেলা। আর ভিজ়ে পাস্ত কটা পেটে ঢেলেই মাঠে-জঙ্গলে য়োরা। মায়েরা তো এঁটে উঠতে পারে না ছেলেগুলোকে।

ছেলেটা তুই গয়লার নাতি রঘু। সময়সের দাবিতে নেড়ু কোম্পানির দলের একজন। আখিনে আখের ক্ষেত রসে ভরভর, ছেলেগুলোর তাই ষিপ্রাহরিক খেলা আখ চুরি। উপকরণের মধ্যে এক টুকরো ধারালো লোহার পাত। তার পর ক্ষেত থেকে কেটে আনার পর তো দাঁতই আছে।

দাঁত দিয়ে খোলা ছাড়িয়ে মাথাপ্রমাণ লম্বা লাঠিগুলো চিবিয়ে চিবিয়ে রসগ্রহণ করেছে সকলেই, হঠাৎ রঘুর যে কি হল! বড়ো বটগাছটার তলায় যেখানে বসেছিল সবাই সেখানেই ধুলো-জঞ্জালের ওপর শুয়ে পড়ল রঘু, যেন নেশাছন্নের মত।

ছেলেরা প্রথমটা খেয়াল করে নি, আগামীকাল আবার কখন অভিযান চালানো হবে সেই আলোচনাতেই তৎপর হয়ে উঠেছিল, চোখ পড়ল উঠে পড়বার সময়।

“কী রে রঘু, তুই যে দিব্যি ঘুম মারছিস?” বলল একজন হি হি হাসির সঙ্গে ঠেলা মেয়ে। কিন্তু পরক্ষণেই হাসিমুখটা কেমন শুকিয়ে উঠল তার। রঘুর দেহটা যেন শব্দ কাঠ-মত, রঘুর ঠোঁটের কোণে ফেনা।

“এই রঘুটার কি হয়েছে দেখ্ তো।”

“কি আবার হল?” বেপরোয়া ছেলেগুলো রঘুর গায়ে হাত দিয়ে প্রথমটা হাসির কোয়ারা ছোটাল, “দেখছিস চালাকি, কি রকম মটকা মেয়ে পড়ে আছে! এই রঘু, গায়ে কাঠ পিঁপড়ে ছেড়ে দেব, ওঠ্ বলছি।”

শুধু গায়ে কাঠ পিঁপড়ে নয়, কানে জল, পায়ে চিমাটি, ইত্যাদি করে ঘুম ভাঙা-

বার সমস্ত প্রক্রিয়া শেষ করার পর বেদম ভয় ঢুকল ওদের। নিশ্চিত হল, এ ঘুম আর ভাঙবে না রঘুর, এ একেবারে 'মরণ ঘুম'। নইলে অমন হলদে হলদে রংটা ওব এমন বেগুনে হয়ে উঠবে কেন ?

“চল্ পালাই।” বলল একজন।

“পালাব ?” নেড়ু রুখে দাঁড়ায়।

“পালাব না তো নিজেরাও রঘুর সঙ্গে ঘরের দক্ষিণ দোরে যাব নাকি ? কতারা কেউ দেখলে আস্ত রাখবে আমাদের ?”

“যা বলেছিল। তুই ঠাকুরা ওর ওই হুধের বাঁক দিয়ে মাথা ফাটিয়ে দেবে।”

“বাঃ, আমাদের কি দোষ। আমরা কি মেরে ফেলেছি ?”

“তা কে মানবে ? বলবে তোদের সঙ্গে খেলছিল, তোরাই কিছু করেছিল। চল্ চল্, কে কমনে দেখে ফেলবে !”

নেড়ু জুড়কর্মে বলে, “খুব ভাল কথা বলেছিল ! বলি রঘু আমাদের বন্ধু না ? ওকে শাল-কুকুরে খাবে, আর আমরা পালিয়ে প্রাণ বাঁচাব ?”

রঘু বন্ধু, এ কথা সকলের মনেই কাজ করছিল, কিন্তু ভয় কাজ করছিল তার চাইতে অনেক বেশী। কাজেই আর একজন বাস্তববাদী এবং ঐশ্বরবাদী বালক উদাসমুখে বলে, “ভগবান ওর কপালে যা লিখেছে তাই হবে। আমাদের কী মাথি যে খণ্ডাই !”

“আর রঘুর মা এখন বলবে, ‘তোদের সঙ্গে খেলতে গেছল রঘু, সে তো বাড়ি ফিরল না। কোথায় সে গেল বাবা ?’ তখন কি বলবি ?”

“বলব আল রঘু আমাদের সঙ্গে খেলতে যায় নি।”

“মিছে কথা বলবি ?”

“তা কি করব ? বিপাকে পড়লে স্বয়ং নাবায়ণও মিছে কথা বলে।”

“বলে ! তোকে বলেছে !” নেড়ু তীব্রকর্মে বলে ওঠে, “পাহারা যে তোর। ওকে, আমি দেখি গিয়ে মেজকাকা আছেন নাকি !”

“আর মেজকাকা ! যমে ওকে গ্রাস করেছে যে নেড়ু !”

“তাতে মেজকাকা ডরায় না। জটাদার বৌ তো মরে গেছল, বাঁচান নি ? কত লোককেই তো বাঁচান। আমি যাব আর আসব। তবে কপালক্রমে যদি দেখা না পাই, তাহলেই রঘুর আশায় অলার্লি।”

অগত্যা রঘুর বাস্তববাদী বন্ধুরা ‘ব পলায়তি’ নীতি ত্যাগ করে রঘুর

মৃতদেহ পাহারা দিতে সম্মত হল। মায়া কি তাদেরই করছিল না? কিন্তু কি করবে?

তারপর এই জলন্ত আগুনের মত সংবাদটাই আগুনের মতই এখান থেকে ওখান, এঘর থেকে ওঘর, দাউ দাউ করে জালিয়ে দিয়ে গ্রামস্থল্ক সবাইকে টেনে এনেছে এই বুড়ো বটতলায়।

তারপর চলছে জল্পনা-কল্পনা।

সদি-গমি?

শরৎকালে?

“তা হবে না কেন? শরতের রোদই তো বিষতুল্য। গণেশ তেলির শালীর ছেলেটা সেবার ঠিক এই রকম করে—”

“আর জীবন শ্রাকরার ভাইপোটা?”

“নেপালের ভায়ীটাও তো—”

“আরে বাবা সে এ নয়, সে অল্প ঘটনা।”

“আমার পিসখণ্ডরের দেশেও একবার কাদের নাকি বুড়ো বাপ ঘাট থেকে আসতে গিয়ে—”

সহসা সমুদ্রকল্লোল শুরু হয়ে গেল।

কবরেজ মশাই আসছেন!

বাড়ি ছিলেন না, কোথা থেকে যেন ফিরেই শুনে পালকি করেই বুড়ো বটতলায় এসে হাজির হয়েছেন।

শায়িত বালকের দিকে তাকিয়েই চমকে উঠলেন রামকালী, চমকে বললেন, “কখন হয়েছে এ রকম?”

নেড়ুর দিকে তাকিয়েই বললেন।

নেড়ু সভয়ে ঘটনাটা বিবৃত করল। রামকালী নিচু হয়ে ঝুঁকে ছেলেটার হাতটা তুলে ধরে নাড়ী পরীক্ষা করে নিশ্বাস ফেললেন, তারপর আশ্বে মুখ তুলে বললেন, “কাদের ক্ষেতের আখ ধেয়েছিলি?”

অল্প সব বালকরাই নাগালের বাইরে, নেড়ুই রাজসাক্ষী, তাই নিরুপায় স্বরে শুপ্তকথা প্রকাশ করে, “ইয়ে—বসাকদের।”

“কিছু কামড়েছে বলে চোঁচিয়ে ওঠে নি একবারও?”

“না তো!” নেড়ু অবাক হয়। সমগ্র জনসভা একটি মাহুঘের মুখে

দিকে তাকিয়ে চিত্রাপিত পুস্তলিকাবৎ দণ্ডায়মান। এমন কি তুষ্টিরা পর্যন্ত স্তব্ধ হয়ে গেছে, হাঁ করে তাকিয়ে আছে, বোধ করি কোনও একটু ক্ষীণ আশায় বুক বেঁধে।

“সদি-গমি নয়।” নিষ্ঠুর নিয়তির মত উচ্চারণ করেন রামকালী, “সাপের বিষ!”

সাপের বিষ!

একটা সমন্বয় চিৎকার উঠল, “কোথায়? কোথায় কেটেছে?”

“কাটে নি কোথাও, সে তো ওর সঙ্গীরাই বলছে।” রামকালী নিশ্বাস ফেলেন, “খাওয়ার সঙ্গে দেহে বিষ প্রবেশ করেছে। একটু আগে যদি হাতে পেতাম, চেষ্টা দেখতাম, এখন আর কিছু করার নেই।”

“কবরেজ মশাই!” হাহাকার করে পায়ে আছড়ে পড়ল তুষ্টি, “জগতের সবাইকে জীবন দিচ্ছেন কবরেজ-ঠাকুর, আর আমার নাতিটাকে কিছু করার নেই বলে ত্যাগ দিচ্ছেন!”

রামকালী ডান হাতটা তুলে একবার আপন কপাল স্পর্শ করে বলেন, “আমার ভাগ্য!”

“আপনার পায়ে ধরি ঠাকুরমশাই, ওয়ুধ একটু ছান।”

এবার আছড়ে এসে পড়েছে বৃড়ি। তুষ্টির বৌ।

রামকালী কোন উত্তর দেন না, লক্ষ্যহীন দৃষ্টিতে তাকিয়ে থাকেন জনতার দিকে।

কিন্তু সাপের বিষ মানে কি?

আহারের সঙ্গে সাপের বিষ আসবে কোথা থেকে?

সহসা এ কি আকাশ থেকে পড়া বিপর্যয়ের কথা বলছেন কবরেজ মশাই।

তুষ্টির মত নিবিরোধী নিরীহ মাছমটার এত বড় মহাশত্রু কে আছে যে, তাব বংশে বাতি দেবার সলতেটুকু উৎপাটিত করবে, জালিয়ে পুড়িয়ে থাক করবে!

স্বপ্নন উঠছে জনতা থেকে।

“কবরেজ মশাই, সাপের বিষের কথা বলছেন? এত বড় শত্রু কে আছে তুষ্টির?”

“কেন, ভগবান!” তীক্ষ্ণ একটা ব্যঙ্গ-ভিত্ত হাসির সঙ্গে কথাটা শেষ।



করেন রামকালী, “ভগবানের বাড়া পবন শত্রু আর মানুষের কে আছে তুঁটু?”

কিন্তু এত সংক্ষিপ্ত ভাষণ বোঝে কে ?

বিশ্বদ না শুনতে পেলে ছাড়বেই বা কেন লোকে ? শুধু ‘সাপের বিষ’ ফতোয়া জারি করে নিষ্ঠুর মত নীরব হয়ে থাকলে প্রহ্ন-বিষের দ্বায়ে যে ছটফট কববে লোক !

বলতেই হবে রামকালীকে, সাপে কাটল না, তবু তার বিষ এল কোথা থেকে ।

কিন্তু উত্তর দিয়ে যে রামকালী বাকশক্তিবহিত করে দিলেন সবাইকে ! এ কী তাজ্জব কথা !

আখের ক্ষেতে সাপেব গর্ত ছিল, থাকেই এমন ।

ঠিক যে আখ গাছটার গোড়ায় সে বিষের খলি, সেই আগটাই তুলে খেয়েছে হতভাগ্য ছেলেটা !

“এ কি বলছেন করিরাজ মশাই !”

“যা সত্য তাই বলছি ।” হাতের উল্টো পিঠ দিয়ে কপালের ঘাম মোছন রামকালী, গম্ভীর কণ্ঠে উচ্চারিত হয়, “নিয়তিব উপর হাত নেই, আঘু কেউ দিতে পারে না । তবু তক্ষুনি টের পেলে বিষ তোলার চেষ্টাটা অন্তত করতাম । কিন্তু তা হবার নয়, অদৃশ্য নিয়তি অমোঘ নির্ভূর ।”

অমোঘ নিয়তি !

তবু উৎসাহী কোন এক ব্যক্তি ‘সাপের বিষ’ শোনামাত্রই হাড়িপাডায় ছুটে গিয়ে ডেকে এনেছে বিন্দে গুণাকে ।

বিন্দে এসেও ধীরে ধীরে মাথা নাড়ে ।

অর্থাৎ সেই এক কথা—আং কিছু করবার নেই ।

কিন্তু মরাকে বাঁচতে না পারুক, জ্যান্তটাকে তো মাঝতে পারে বিন্দে ! সেই সর্বনাশের মূল স্বয়ং ষমটাকে মস্তুর জোরে শেষ করে দিক সে । জনমত প্রবল হয়ে ওঠে ।

হয়তো এই তীব্র বাসনার মধ্যে অন্য একটা প্রচ্ছন্ন বাসনাও সুপ্ত হয়ে রয়েছে । সন্দেহ নেই রামকালী কবিরাজ দেবতা, তাঁর বিচার নির্ভুল, কিন্তু এ হেন কৌতুহলোদ্দীপক কথাটার একটা ফয়সালা হওয়া তো দরকার ।

বিন্দেকে ঝুলোঝুলি করতে থাকে সবাই ।

রামকালী সামান্য একটু বিষণ্ণ হাসি হেসে বলেন, “বাচাই করতে চাও ?”

“হায় হায়, আজ্ঞে এ কী কথা! কী বলছেন ঠাকুরমশাই!”

“বা বলছি তাতে ভুল নেই বাবা সকল। বা হোক একটা কথা কেউ বললেই সেটা বিশ্বাস করে নিতে হবে, তার কোন হেতু নেই। কিন্তু হতভাগার দেহটার যথাযথ একটা ব্যবস্থা আগে না করে—”

বিন্দে মাথা নেড়ে বলে, “আজ্ঞে বিষহরির পো যখন কাটেন নি, তখন ওতে আমার কিছু করার নেই। ও আপনার সহজ মিত্যুর হিসেবেই বা করবার করতে হবে।”

“কিন্তু দেখছ তো বিষে একেবারে নীল হয়ে গেছে।”

“তা অবিশ্রিত দেখছি আজ্ঞে। একেবাবে কালকেউটে দংশনের চেহারা। তবু বা কানুন!”

“বাবা সকল, তোমরা তবে আর বুধা ভিড় না করে কাজে লাগো।” শিথিল স্বরে বলেন রামকালী। রঘুব দিকে আর যেন তাকাতে পারছেন না তিনি। কিন্তু কে এখন কাজে লাগতে যাবে ?

এত বড় একটা উত্তেজনা তাদের অধীব কবে তুলেছে। সকলে বিশ্বেকে ঘিরে ধরে চেঁচাচ্ছে, “কড়ি চাল তুই, কড়ি চাল! হারামজাদা বেটা হুড়হুড় করে এসে তোর ঝাঁপিতে ঢুকুক। তারপর তুই আছিস আর তোর বিষপাথর আছে। আছড়ে মেরে ফেল!”

“তোমরা এত ছেলেমানুষি করছ কেন? সাপটাকে ঠিক পাওয়াই যাবে তার নিশ্চয়তা কি?”

“পাওয়া যাবে না মানে? আপনি যখন বলছেন—”

“বিষ তো ঠিক, কিন্তু আখের ক্ষেতটা আমার অহমান মাত্র, তার আগে জল-টল কিছুই যখন খায় নি বলছে—তাই। কিন্তু এখন বিশ্বের কীতি নিয়ে পড়লে তোমরা ভো—”

কিন্তু যে যতই ভয়-ভক্তি করুক রামকালীকে, আজকের উত্তেজনা তাকে ছাপিয়ে উঠেছে। যদি আখের গাছের গোড়ায় সাপের বাসা থাকে, সেই খেয়ে জলজ্যান্ত একটা ‘সাদশ্রি’ গোয়ালার ছেলে এক দণ্ডে মরে যাবে? তা যদি হয় সেটা চোখের সামনে বাচাই হোক।

সাপের গর্ভ আবিষ্কৃত না হওয়া পর্যন্ত কেউ নড়বে না।

অতএব সমস্ত দৃশ্য যথাযথ রয়ে গেল, রঘুর ব্যবস্থায় কেউ গাণ্ড দিত

না, বিন্দে ওঝা মহাকলরবে সাপ চেলে আনার মন্ত্র আওড়াতে শুরু করে দিল।

রামকালী চূপ করে দাঁড়িয়েছিলেন, হয়তো বা শেষ অবধি দাঁড়িয়েই থাকতেন, হয়তো বা একসময় চলেই যেতেন, কিন্তু সহসা সেজখুড়ো এসে হাজির হয়ে চাপা গলায় ডাক দিলেন, “রামকালী !”

খানিক আগে গ্রামে আরও অনেককাজেরলোকের মত সেজকর্তাও একবার এখানে এসে ঘুরে ফিরে নানা মন্তব্য করে চলে গেছেন। আবার ফিরে এলেন কোন্ বার্তা নিয়ে ?

না, বার্তাটা বলতে রাজী নন সেজকর্তা।

তবে জরুরী দরকার !

বাড়ি যেতে হবে রামকালীকে !

দ্বিতীয় প্রশ্ন আর করলেন না রামকালী, ধীরে ধীরে সরে এলেন বুড়ে; বটতলা থেকে। অকর্মা একদল লোক তখন বিন্দেকে ঘিরে উন্নত হট্টগোল করছে।

ভাবলেন মৃত্যুর কারণ না বললেই হত। মৃত্যু মৃত্যুই। মৃত্যুর কারণ নির্ণয় করতে পারলেই কি তুষ্টু নাতিকে ফিরে পাবে ? নাকি আততায়ীকে শেষ করে ফেললেই পাবে ?

তা পায় না।

তবু মৃত্যুর পর মৃত্যুর কারণ নিয়ে মাথা ঘামায় লোকে। আর খুন হলে নিহত ব্যক্তির হত্যাকারীর কাঁসি ঘটাবার জন্তে মরণ-বাঁচন পণ করে লড়ে।

আকাশ আর পাতাল, পাহাড় আর সমুদ্র।

কোন্ পরিবেশ থেকে কোন্ পরিবেশ।

কিন্তু ঘটনা বাই হোক, রামকালীর অন্তঃপুরেও প্রায় শোকেরই দৃশ্য। দীন-তারিণী চোখ মুছছেন, চোখ মুছছেন কানীশ্বরী, ভুবনেশ্বরী মুছা তুরার মত পড়ে আছে একপাশে, মোক্ষদা দাপিয়ে বেড়াচ্ছেন এবং সেজখুড়ী, কুঞ্জর বৌ, আশ্রিতা অল্পগর্তা প্রভৃতি অন্তান্ত নারীকুল নিঃশব্দে রামকালীর জেদ তেজ ও অদূরদর্শিতার নিন্দাবাদ করছেন।

শুধু সারদা সেখানে নেই, সে তদব্যস্তে হুটম বাড়ির লোকের আহাৰ-আয়োজনে ব্যাপৃত আছে।

তুষ্টু গয়লার নাতির ব্যাপার নিয়ে সারা গ্রাম আজ তোলপাড়, তবে বাইরের কোনো হজুগে এ বাড়ির অন্তঃপুরিকাদের উঁকি দেবার অধিকার নেই, বাদে মোক্ষদা।

মোক্ষদা একবার দেখে এসে স্নান করেছেন, আর যাবেন না। গিয়ে করবেনই বা কি ?

সত্যর শব্দের প্রেরিত চিঠি কুঞ্জবিহারী পড়ে দিয়েছেন, আর তার পব থেকেই বাড়িতে এই শোকের-বাড় বইছে।

জামাইয়ের মা-বাপ যদি ছেলের আবার বিয়ে দেয়, মেয়ের মৃত্যুর চাইতে সেটা আর কম কি। পরের মেয়ে-বোকে উদারতার উপদেশ দেওয়া যায়, তার মধ্যে সতীনের হিংসের পরিচয় পেলে নিন্দে করা যায়, কিন্তু ধরের মেয়ের কথা আলাদা।

সারাদিনের ক্লাস্ত পরিশ্রান্ত দেহ, আর তুষ্টুর নাতির ওই শোচনীয় পরিণামে ক্লিষ্ট মন নিয়ে বাড়ি ঢুকেই ঘটনাটা শুনলেন রামকালী।

ভৌক ভীত দুই চোখের মণিতে জলে উঠল দু-ডেলা আগুন। মনে হল ফেটে পড়বেন এখুনি, ধৈর্যচ্যুত হয়ে চিৎকার করে উঠবেন, কিন্তু তা তিনি করলেন না, শুধু ভয়াবহ ভারী গলায় প্রশ্ন করলেন, “কে এসেছে চিঠি নিয়ে ?”

এ সময় মোক্ষদা ভিন্ন আর কার সাধ্য আছে সামনে এগিয়ে যাবার ? তিনিই গেলেন। বললেন, “এনেছে ওদের ওখানে এক আচাষিদের ছেলে। গোপেন আচাষি না কি বলল।”

“কোথায় সে ? চণ্ডীমণ্ডপে ?”

“না, খেতে বসেছে।”

“ঠিক আছে, খাওয়া হলে আমার সঙ্গে দেখা করতে পাঠিয়ে দিও। চণ্ডী-মণ্ডপে আছি আমি।”

মোক্ষদা প্রমাদ গনে বলেন, “তা তুমিও তো আজ সারাদিন নাওয়া-খাওয়া কর নি।”

“ধাক বেলা পড়ে এসেছে, একেবারে সঙ্ঘাতিক সেরে যা হয় হবে।”

“লোকটা একটু রগচটা আছে, একটু বুঝেবুঝে কথা কয়ো তার সঙ্গে।”

রামকালী ভুরু কুঁচকে বললেন, “লোকটা একটু কি আছে ?”

“বলছিলাম রগচটা আছে।”

মোকদ্দাকে অবাক করে দিয়ে সহসা হেসে ওঠেন রামকালী, “তাতে কি ? আমি তো আর রগচটা নই !”

তা বলেছিলেন রামকালী ঠিকই।

রগ মাথা সবই তিনি খুব ঠাণ্ডা রেখেছিলেন ; বুঝিবা অতিমাত্রাতেই রেখেছিলেন, গোপেন আচার্য্যকে ডেকে বেয়াইবাড়ির কুশলবার্তা নিয়ে হাশ্ববদনে বলেছিলেন, “শুনলাম নাকি বেয়াই মশাইয়ের ছেলের বিয়ে ? বলা শুনে খুব আনন্দিত হয়েছি। নেমস্তন্ন পেলে উচিতমত লৌকিকতা পাঠিয়ে দেব।”

গেঁজেল গোপেন আচার্য্য কটুকাটব্য দূরের কথা, কথা কহিতেই ভুলে গেল, হাঁ করে চেয়ে রইল।

“খাওয়া-দাওয়া হয়েছে তোমার ?”

“আজ্ঞে হাঁ।”

“আজ রাতে তো স্নান ফিরছ না ?”

“আজ্ঞে না।”

“বেশ। সকালে জলটল খেয়ে যাত্রা করো।”

“আজ্ঞে মেয়ে তা হলে পাঠাবেন না ?”

“মেয়ে ? কার মেয়ে ? কোথায় পাঠাবার কথা বলছ হে ?”

গোপেন এবার সাহসে ভর করে বলে ওঠে, “আজ্ঞে, আজ্ঞে আপনার মেয়ের কথা ছাড়া আপনাকে আর কার কথা বলতে আসব ? মেয়ে তাহলে পাঠাবেন না ?”

“আরে বাপু কোথায় পাঠাব তাই বলা ? ভ্রলোকের মেয়ে ভ্রলোকের ঘরেই যেতে পারে, যেখানে সেখানে তো যেতে পারে না ?”

গোপেনের নীর্ণ মুখটা বিকৃত হয়ে ওঠে, “বেশ, তবে পত্র তাই লিখে দিন।”

“আবার পত্র লিখতে হবে ? এই তুচ্ছ কথাটুকু তুমি বলতে পারবে না ?”

“আজ্ঞে না। আমি গেঁজেল-নেশেল মানুষ, আমার কথায় বিশ্বাস করে না করে ! এসেছি যখন পাকা দলিলই নিয়ে যাব।”

“হঁ।” বলে মিনিটখানেক ভুরু কুঁচকে চূপ করে দাঁড়িয়ে থাকেন রামকালী,

তার পর বলেন, “আচ্ছা, তাই হবে। পত্র লিখে রাখব, কাল সকালে রওনা দেবার আগে নিও।”

সন্ধ্যা হয়ে গেছে। তবু ধীরে ধীরে বেরিয়ে পড়লেন রামকালী।

না, সন্ধ্যাহিকের পূর্বে হাতমুখ ধুতে ঘাটে গেলেন না, গেলেন বুড়ো বটগাছ-তলার দিকে। কি করল ওরা দেখা যাক। এতক্ষণ পরে আবার রঘুর চেহারাটা চোখে ভেসে উঠল।

উঃ, নিয়তি কী অকরণ!

বাড়ি থেকে একটু এগিয়ে থমকে দাঁড়ালেন রামকালী।

চলচলিয়ে চোটপায়ে আসছে কে অন্ধকারে? সত্যবতী না?

“তুই এখানে একলা যে?”

“একলা নয় বাবা, নেড়ু এসেছিল, তা ও এখন ফিরল না।”

“এসেছিলি কেন?”

“কেন, সে কথা আর শুধোচ্ছ কেন বাবা?” সত্য বিষয় হতাশ কর্তে বলে,  
“রঘুটাকে একবার শেষ দেখা দেখতে।”

“এভাবে এসে ভাল কর নি। সেজ্ঞঠাকুমার সঙ্গে এলে পারতে।”

“সেজ্ঞঠাকুমার তো আটবার ডুব দেওয়া হয়ে গেছে, আর আসত?”

“আচ্ছা বাড়ি যাও।”

“যাচ্ছি।……বাবা—”

“কি হল? কিছু বলবে?”

“বলছি—”

“কি? কি বলতে চাও বলো?”

“বলছি কোথা থেকে যেন একটা লোক এসেছে না পত্তর নিয়ে?”

রামকালী মেয়ের মুখে এ প্রশ্ন শুনে অবাক হন। তার পর ভাবেন মেয়েটা তো চিরকালে বেপরোয়া। শশুরবাড়ি যাবার ভয়ে বাপের কাছে আজি করতে এসেছে! তাই স্নেহে বলেন, “হ্যাঁ এসেছে তো! তোর শশুরবাড়ি থেকে! তার কি?”

“বলছিলাম কি—” সত্যবতীর কথা বলার আগে চিন্তা আশ্চর্য বটে!

রামকালী মনে মনে হাসেন, শশুরবাড়ি শব্দটাই মেয়েদের এমন!

“বলো কি বলছ?”

“আচ্ছা এখন থাক। তুমি-ঘুরে এসো। গুছিয়ে বলবার কথা। রঘুটার মিতদেহ দেখে অবধি মনটা বড় ডুকরোচ্ছে। বাড়ি ফিরে একটু জিরোই।”

“আচ্ছা।” বলে চলে যান রামকালী।

এই অবোধ মেয়ে—একে এক্ষুনি শ্বশুরবাড়ি পাঠানো চলে? অসম্ভব!

“পাওয়া গেছে পাওয়া গেছে!”

বহু কণ্ঠের একটা উন্নত উল্লাসধ্বনি ভেসে আসে কবরেজবাড়ির দিকে, “কবরেজ মশাহ, পাওয়া গেছে!”

কী পেল ওরা? কিসের এত উল্লাস? কোন্ পরম প্রাপ্তিতে মানুষ এমন উন্নত হয়ে উঠতে পারে? চণ্ডীমণ্ডপের দাওয়া থেকে নেমে এলেন রামকালী। তবে কি হতভাগ্য রঘুর প্রাণটাই ফিরে পাওয়া গেল তুষ্টির পূর্বজন্মের পুণ্যে? কলি-যুগেও ভগবান কানে শুনতে পান?

রঘু কি শুধু অজ্ঞান হয়ে গিয়েছিল?

মৃত্যুর কাছাকাছি অচৈতন্যতার যে গভীর স্তর, সেখানে ডুবেছিল? জটীর বোয়ের মত? রামকালীর নির্ণয় ভুল? তাই হোক, তাই হোক। হে ঈশ্বর, একবারের জ্ঞান অস্তিত্ব: তুমি রামকালীর গর্ব খর্ব করো, একবারের মত প্রমাণ করে! রামকালীর নির্ণয় ভুল!

নাঃ, কলিযুগে ভগবান হাবা কালা ঠুঁটো। রামকালীর গর্ব খর্ব করবারও গরজ নেই তাঁর। রঘুর প্রাণটা ওরা ফিরে পায় নি, পেয়েছে তার প্রাণঘাতককে! ওঝার মন্ত্রচালনার গুণে সাপটা এসে লুটিয়ে পড়েছে মুখে ফেনা ভেঙে। আশ্চর্য! এ এক পরম আশ্চর্য!

সাপটাকে নাকি নিতে চেয়েছিল ওঝা, কাকুতি-মিনতি করে বলেছিল, “এমন জাতসাপ দৈবাৎ মেলে!” কিন্তু জনতার আক্রোশ থেকে রক্ষা করতে পারে নি তার জাতসাপকে। লাঠি দিয়ে আর বাঁশ দিয়ে শ্রিটিয়ে তার গোল চকচকে দেহটাকে ছেঁচে কুটে চ্যাপটা করে দিয়েছে সবাই।

“অপরাধ নিও না মা জগদ্‌গোয়ী!” বলেছে আর পিটিয়েছে।

এখন লম্বা একটা বাঁশের আগায় সেই ময়্য সাপটাকে ঝুলিয়ে নিয়ে ওরা এসেছে রামকালীর জয়গান করতে। ওঝা বুড়োও তার নিকষ-কালো গুলিপাকানো

বেঁটে শরীরটাকে নিয়ে আসছে ছুটে ছুটে বকশিশের আশায়। মোটা বকশিশ কি আর না দেবেন রামকালী? ওঝার সাফল্য যে রামকালীরও সাফল্য!

উল্লাস-চীৎকার-রত এই লোকগুলো যেন একটা অখণ্ড বর্বরতার প্রতীক। ঘুণায় ধিক্বারে মনটা বিধিয়ে গেল রামকালীর, হাত তুলে ওদের থামতে নির্দেশ দিয়ে জ্রুকুটি করে বললেন, “কী, হয়েছে কি? এত ক্ষুধীত কিসের তোমাদের? রঘু বেঁচে উঠেছে?”

“বেঁচে উঠবে!” একজন মহোৎসাহে বলে ওঠে, “ভগবানের সাধ্যি কি ওকে বাঁচায়। একেবারে কালনাগিনীর বিষ। কিন্তু ধন্ডি বলি কবরেজ মশাই আপনার শিক্ষা! কামড়ায় নি, শুধু—”

“থামো!” ধমকে ওঠেন রামকালী, “তা ওহ নিয়ে এত হৈ-চৈ করছ কি জন্তে? একটা বালক এখনো মরে পড়ে রয়েছে।”

সহসা একটা প্রবল আবেগে কণ্ঠ রুদ্ধ হয়ে আসে রামকালী চাটুঘ্যের, যেমনটা তাঁর বড় হয় না। রঘুর এই শোচনীয় মৃত্যুটা বড় লেগেছে রামকালীর। বার বার মনে হচ্ছে, হয়তো সময় থাকতে রামকালীর হাতে পড়লে বেঁচে যেত ছেলেটা।

ভাবতে চেষ্টা করছেন, নিয়তি অমোঘ আয়ু নির্দিষ্ট এ চিন্তা মুঢ়তা, তবু সে চিন্তাকে রোধ করতে পারছেন না। বিষ-নিবারক গুণ্ডগুলো তাদের নাম আর চেহারা নিয়ে অনবরত মনে ধাক্কা দিচ্ছে।

“আজ্ঞে কর্তা, মা বিষহরি নিলে কে কি করতে পারে? তবে কীতি একটা দেখালেন বটে!” বলে ওঠে ওঝা বৃড়া, “তবে আমাকেও মুখে রক্ত তুলে খাটতে হয়েছে কস্তা! বেটা কি আসতে চায়? একেবারে মোক্ষম মস্তুর ঝেড়ে তবে—”

“বেশ, শুনে সুখী হলাম। যাও, তোমরা এখন ওটার একটা সদৃগতি করো গে।” সাপ মারলে তাকে শাস্ত্রীয় আচারে দাহ করা নিয়ম, সেই কথাই উল্লেখ করে কথাটা বলেন, তার পর ঈষৎ গাঢ়স্বরে বলেন, “আর সেই হতভাগাটারও একটা গতির ব্যবস্থা করো গে। তুটুর একার ঘাড়ে সব দায়টা চাপিয়ে নিশ্চিন্ত থেকো না।”

জনতার উল্লাসটা একটু ব্যাহত হয়। এটা কী হল! এমনটা তো তারা আশা করে আসে নি। ভেবেছিল, সাপটা আবিষ্কৃত হয়েছে দেখে নিঃসন্দেহে



উৎফুল্ল হবেন রামকালী, কারণ এটা তাঁর জয়পতাকা বলা চলে। অনেকের মধ্যেই তো একটা অবিশ্বাস উঁকি দিয়েছিল, কবরেজ মশাইয়ের প্রতি অপরিসীম বিশ্বাস সঙ্গেও।

একেবারে একটা অসম্ভব কথাই যে বলেছিলেন রামকালী! অসম্ভবও যে সম্ভব হয়, এ কথা প্রমাণ করত কে, এই সাপটা ছাড়া? অথচ রামকালী যেন নির্বিকার।

স্ক্রু হল, আহত হল ওরা।

“সে ব্যবস্থা কি আর না হচ্ছে কবরেজ মশাই,” ওরা বলে, “এতক্ষণে বাঁশ কাটা হয়ে গেল বোধ হয়। তবে কথা হচ্ছে সাপের মড়া, ওকে তো ভাসাতে হবে!”

“না।” ভারী গলায় বলেন রামকালী, “সাপে কাটে নি। যথারীতি দাহর ব্যবস্থাই করো গে। কতগুলো হৈ-টৈ করো না।”

বাঁশ ঘাড়ে করে চলে গেল ওরা, তার পিছনে গ্রাম-বৌটানো ছেলেমেয়ে ইতর-ভদ্র। ওদের গমনপথের দিকে তাকিয়ে থাকতে থাকতে হঠাৎ মনে হল রামকালীর, এরা আমাদের আত্মীয়! এই আমাদের প্রতিবেশী! বুনো জঙ্গলে কোঁন সাঁওতালদের থেকে এমন কি উন্নত এরা? বর্ধরতার স্বেযোগ পেলেই তো মেতে উঠতে চায় সেই বন্য বর্ধরতায়। মৃত্যুকে যে একটু শ্রদ্ধা করতে হয়, শ্রদ্ধার লক্ষণ যে নীরবতা, এ বোধের কণামাত্রও তো নেই এদের মধ্যে।

“কর্তা আমার বকশিশটা?”

নিকটে সরে এসে হাত কচলায় বিন্দে বুড়ে।

“বকশিশ?” রামকালী ভুরুর তীক্ষ্ণতায় কপালে রেখা এঁকে বলেন, “বকশিশ কিসের?”

“আজ্ঞে কত্যা—!”

“বলছি বকশিশ কিসের? ছেলেটাকে বাঁচিয়েছ?”

“সে আজ্ঞে মৃত্যুর পর আর বাঁচাবে কে?”

“হ্যাঁ, আমি তা জানি। শুধু এইটা বুঝতে পারছি না, বকশিশ পাবার দাবিটা কখন হল তোমার?”

“বেশ, বকশিশ না ছান, মজুরিটা তো দেবেন আজ্ঞে!” ওরা এবার রুখে ওঠে।

“সেটা দেবে যারা ডেকে এনেছে—” শাস্ত গম্ভীর কণ্ঠে বলেন রামকালী,  
“আমি তোমায় ডেকে আনি নি।”

“দশজনের মধ্যে কাকে ধরতে যাব কত্তা,” বিন্দে বেজার মুখে বলে, “না ছান  
তো চলে যাব। গরীব মাছ—”

“দাঁড়াও,” রামকালী বেনিয়ানের পকেট থেকে নগদ ছুটি টাকা বার করে ওর  
হাতে দিয়ে আরও গম্ভীর গলায় বলেন, “শুধু তো তোমার মজুরি নয়, একটা  
সাপেরও দাম। দামী সাপটা গেল তোমার।”

বড়ো বিহ্বল দৃষ্টি মেলে অভিভূত কণ্ঠে বলে, “আজ্ঞে কী বলছ বত্তা?”

“যা বলছি ঠিকই বুঝেছ।...যাও।”

“কত্তা!”

“কটা সাপ তোমার ঝাঁপিতে ছিল বড়ো?” নির্নিমেষ দৃষ্টিতে ওর মুখের দিকে  
তাকিয়ে রামকালী আশ্বে উচ্চারণ করেন কথাটা।

সে দৃষ্টির সামনে কেঁপে ওঠে লোকটা, কাদো কাদো গলায় বলে, “কত্তা তুমি  
অস্তরযামী—”

“বিশ্বাস করছ সে-কথা? আচ্ছা যাও, ভয় নেই।”

টাকা অভয় ছুটো জিনিস পেয়ে গেছে লোকটা, অতএব আর দাঁড়ায় না।  
কি জানি ‘অগ্নিমুখ দেবতা’ একুনি যদি মত পান্টায়!

রামকালী অদ্ভুত একটা ক্ষোভের দৃষ্টি মেলে তাকিয়ে থাকেন। এদের তো  
নিজ্জন্দের অজ্ঞতার শেষ নেই, বুদ্ধিহীনতার চরম প্রতীক, তবু অপরের অজ্ঞতা আর  
মূঢ়তাকে উপজীবিকা করে চালিয়েও চলেছে দিব্যি।

সাপটা সহস্বে সন্দেহ হয়েছিল, কিন্তু ধারণা করেন নি, লোকটা এত সহজে  
স্বীকার পাবে, এক কথায় এমন গুটিয়ে কেঁচো হয়ে যাবে।

মনটা ভাগ্যক্রান্ত হয়ে ওঠে একটা বিষন্ন বেদনায়। দেহের রোগ সারাবার  
ভার চিকিৎসকের হাতে, কিন্তু মনের রোগ কে সারাবে? কুসংস্কার, অজ্ঞতা,  
বোকামি—অথচ তার সঙ্গে ষোলো আনা কুটিল বুদ্ধি। আশ্চর্য!

অন্ধকার হয়ে গেছে। আন্ধিকের সময় উত্তীর্ণপ্রায়, তবু সেই দাওয়ার ধারেই  
জলচৌকিটার উপর বসে আছেন রামকালী। খড়মটা পায়ে পরা নেই, পা ছুটো  
আলগা তার ওপর চাপানো। অন্ধকারে খড়মের রূপের ‘বৌল’ ছুটো ঝঁষৎ  
চকচক করছে।

“বাবা !”

চমকে উঠলেন এই অপ্রত্যাশিত ডাকে ।

“সত্য ! তুমি এখানে ? ও, আহ্নিকের সময় উত্তীর্ণ হয়ে যাচ্ছে তাই বলতে এসেছ ? যাই মা । তুমি ভেতরে যাও !”

“আমি সে কথা বলতে আসি নি বাবা ।”

“সে কথা বলতে আস নি ! তা হলে ?”

“বলছিলাম—” প্রায় মরীয়ার মতন বলে ফেলে সত্য, “বাকুইপুবের লোককে ‘ই্যা’ করেই দাও না বাবা ।”

বাকুইপুবের !

বামকালী অবাক হয়ে বলেন, “‘ই্যা’ করে দেব ? কি ‘ই্যা’ করে দেব ?”

“তুমি তো বুঝতেই পারছ বাবা”—সত্য কাতর স্বরে বলে, “আমি আর নিল্লজ্জর মত মুখ ফুটে কি বলব !”

রামকালী মেয়ের মুখটা দেখতে পান না অঙ্ককারে, কিন্তু স্বরটা ধরতে পারেন, তবু বুঝতে সত্যিই পারেন না, সত্য কি বলতে চায় ! বাকুইপুবের লোকটার চলে যাওয়ার ব্যাপারে, ‘ই্যা’ করতে বলতে চাইছে না কি ? রামকালী তো সে রায় দিয়েছেন, তবে ? বাড়ির মেয়েরা বোধ হয় এখনো জের টানছেন !

সাম্বনার গলায় বলেন, “ভয় পেও না, শঙ্করবাড়ি তোমায় যেতে হবে না এখন ।”

সত্য বোঝে বাবা তার আবেদন ধরতে পারেন নি, আর পারার কথাও নয় । সত্যর মতন কোন্ মেয়েটা আর নিজের গলা নিজে কাটতে চায় ? কিন্তু সত্য যে সাতপাঁচ ভেবে তাই চাইছে । হাড়িকাঠের নিচে গলাটা বাড়িয়েই দিচ্ছে । পিস্তা কুমার দল সশব্দে ঘোষণা করেছেন “অহঙ্কারে ধরাকে সরা দেখে রামকালী মেয়ের আখের ঘোচালেন । কুটুমরা রক্তমাংসের মানুষ বৈ তো কাঠ-পাথরের নয় যে এত অপমান সহ্য করে বসে থাকবে ! ছেলের আবার বিয়ে দেবেই নির্ঘাত, আর রামকালী চিরকাল মেয়ে গলায় করে বসে থাকবেন । গলায় পড়া মেয়ে মানেই হাতেপায়ে বেড়ি ।”

সত্য ভেবে ঠিক করেছে, বাপ-মায়ের হাতেপায়ে বেড়ি হয়ে থাকটা কোন কাজের কথা নয় । তার চাইতে বাপের স্মৃতি করানোই ভাল ।

কিন্তু বাবা তার বক্তব্যই ধরতে পারছেন না।

অতএব আর লজ্জার আবরণ রাখা চলল না। সত্য সকালবেলার চিরেতার জল খাওয়ার মতই চোখ-কান বুজে বলে ফেলল, “সে ভয়কে আমি মনে ধরাচ্ছি না বাবা, বরং উন্টে কথাই বলছি। ও তুমি পাঠাবার মন করেই দাও, আমার কপালে মরণ-বাঁচন যা আছে হবে।”

রামকালী স্তম্ভিত হলেন।

এথাবৎ মেয়ের বহু দুঃসাহসের পরিচয় তিনি পেয়েছেন, সে দুঃসাহস পরিপাকও করেছেন। কারণ তার অর্থ হৃদয়ঙ্গম করেছেন। কিন্তু এটা কি? নিজে সেধে স্বস্তরবাড়ি যেতে চাইছে সে?

বয়স্হা মেয়ে নয় যে, এ চাওয়ার অল্প অর্থ করবেন, তবে?

কণ্ঠস্বর গম্ভীর হল, হয়তো বা একটু রুঢ়ও, “তুমি ইচ্ছে করে স্বস্তরবাড়ি যেতে চাইছ?”

“যেতে চাইছি কি আর মাধে!” বাবার কণ্ঠস্বরে দৃঢ়তার আভাস সত্যর চোখে প্রায় জল এনে ফেলেছে, “চাইছি অনেক ভেবেচিন্তে। কুটুমকে চটিয়ে শুধু গেরো ডেকে আনা বৈ তো নয়।”

রামকালী বুঝলেন, বাড়িতে এই ধরনের কথার চাব চলেছে। অবোধ শিশু শিখবেই তো। কিন্তু তাই বলে এতই কি অবোধ যে, বাপের সামনে কোন্ কথা বলতে হয় তা বোঝে না?

কঠিন স্বরে বললেন, “আমার গেরোর কথা আমিই বুঝব সত্য, তুমি ছেলেমানুষ, এ নিয়ে ভাববার বা এসব কথায় থাকবার দরকার নেই। এটা বাচালতা।”

কিন্তু সত্য তো দমবে না।

হাত ছেড়ে পালিয়ে যাওয়া সত্যর কোম্পীতে লেখে নি। তাই জান হলেও জোরালো স্বরে বলে, “সে তো বুঝছিই বাবা, বাচালতা নিঃসঙ্কতা, কিন্তু উপায় কি? সমিস্ত্রে যে প্রবল। এর পর যখন তোমাকে আমায় নিয়ে ভুগতে হবে, তখন যে ময়েও শান্তি পাবে না। ওরা ছেলের আবার বিয়ে না কি দেবে বলেছে! সেটা তো অপমান্তি। তুচ্ছ একটা মেয়েসন্তানের জন্তে কেন তোমার উঁচু মাথাটা হেঁট হবে বাবা!”

রামকালীর মনে হল প্রচণ্ড একটা ধমকে মেয়েটার বাচালতা ঠাণ্ডা করে দেন, কিন্তু পরক্ষণেই একটা বিপরীত স্তাবের ধাক্কা এল। মেয়েটার মনের

মধ্যে আছে কি? এতটুকু মেয়ে এত কথা ভাবেই বা কেন? আর এতখানি দুর্জয় সাহসই বা সংগ্রহ করল কোথা থেকে?

বাপের সঙ্গে শ্বশুরবাড়ি যাওয়ার আলোচনা ভূভারতে আর কোনো মেয়ে করেছে কখনো? তাও রামকালীর মত রাশভারী বাপ! মা দীনতারিণী পর্যন্ত যার সঙ্গে সমীহ করে কথা বলেন! তা ছাড়া ‘শ্বশুরবাড়ি’ শব্দটাই তো মেয়েদের কাছে ‘সাপথোপ বাঘ ভাল্লুক ভূত চোর’ সব কিছুর চাইতেও ভয়ের। সে ভয়কেও জয় করেছে সত্য কোন্ নির্ভয় মস্তুর জ্বারে?

ঠিক করলেন ধমকে ঠাণ্ডা করবেন না, শেষ অবধি ধৈর্য ধরে শুনবেন ওর কথা। দেখবেন ওর মনের গতির বৈচিত্র্য। রাগের বদলে একটা বিস্মিত কোঁতুল জাগছে।

শাস্তগলায় বললেন, “মেয়েসন্তান যে ‘তুচ্চ’, এটা তো তুমি কখনো বলো না?”

“বলি না, অবস্থাই বলাচ্ছে বাবা। তুচ্চ না হলে আর তাকে সাত্ত্বিতাডাডাডি ‘পরগোস্তর’ করে দিতে হয়? একটা সন্তান বলে কথা, তা তো ঘরে রাখতে পাব নি, তবে আর মিথ্যে মায়ায় জড়িয়ে কি হবে বাব’ সেই ‘পরগোস্তর’ই যখন করে দিয়েছ, তখন আর জ্বোর কি? আজলাই কাল পাঠাতে তো হবেই, বলতে তো পারবে না ‘দেব না আমার মে. তবে?’”

“পাঠাবার একটা সময় আছে, নিয়ম আছে, সে তুমি এখন বুঝবে না। ও নিয়ে মিছে মাথা খারাপ করো না। যাও ভেতরে যাও।”

“ভেতরে নয় যাচ্ছি, কিন্তু মনের ভেতরে যে তোলপাড় হচ্ছে বাবা। রঘুর মিত্যু আজ আমার দিষ্টি খুলে দিয়েছে। ভগবানের রাজ্যেই যখন সময় বাধা নেই, নিয়ম নেই, তখন মানুষের থাকবে কি? এই আজ আমাকে পনের ঘরে পাঠাতে বুক ফাটছে তোমার, একুনি যদি মিত্যু এসে দাঁড়ায় দিতে তো হবে তার হাতে তুলে?” সহসা আঁচলের কোণ তুলে চোখটা মুছে নেয় সত্য, তার পর ভারী গলায় বলে, “তখন তো বলতে পারবে না—‘এখনও সময় আসে নি, নিয়ম নেই?’ ও শ্বশুরবাড়ি আর ঘরের বাড়ি দুই যখন সমতুল্য, তখন আর মনে খেদ রেখো না। পাঠিয়ে দিয়ে মনে করো সত্য মরে গেছে।”

আর বোধ করি শক্ত থাকতে পারে না সত্য, নিজের সেই কাল্পনিক মৃত্যুর শোকেই ফুঁপিয়ে কেঁদে ওঠে।

স্করু রামকালী সেই ক্রম্ভনবতীর দিকে তাকিয়ে থাকেন। মেয়েটা কি শুধুই শেখা বুলি কপ্চে যায়, না সত্যিই এমনি করে ভাবে ?

খানিকক্ষণ পরে স্করুতা ভেঙে বলেন, “মন-কেমনের কথা আমি ভাবি না সত্য, তুমি বড়দের মত কথা বলতে শিখেছ তাই বলছি, তোমায় পাঠালে আমার মান থাকবে না।”

সত্য গভীর দুঃখে হতাশ স্বরে বলে, “বুঝি বাবা, বুঝি না কি ? কিন্তু এ তো তবু শুধু ওদের কাছে মান থাকা মান যাওয়া। গলবস্তব হয়ে যেদিন ওদের ঘরে মেয়ে দিয়েছ, মান তো সেদিনই গেছে। কিন্তু ওরা যদি তোমার মেয়েকে ত্যাগ দেয়, তা হলে যে দেশস্থল লোকের কাছে হতমাগ্নি। দু’দিক বিবেচনা করো বাবা !”

রামকালীর গলা দিয়ে বুঝি আর শব্দ বেরোয় না, ভাষা স্করু হয়ে গেছে তাঁর। মেয়েটা কি সত্যি বালিকা মাত্র নয়, ওর মধ্যে কি কোন শক্তির “ভর” হয় ? বুদ্ধির শক্তি, বাক্যের শক্তি ?

“আচ্ছা তুমি যাও, আমি ভেবে দেখছি।”

“ভাবো। যা পারো আজ রাত্তিরের মধ্যে ভেবে নাও। ওই হতচ্ছাড়াটা গা রাত পোহাতেই বিদেয় হবে।”

“ছি মা, শক্তরবাড়ির লোকের সম্পর্কে কি এভাবে বলতে আছে ?”

“নেই তা তো জানি বাবা, কিন্তু দেখে যে অপিরবিত্তি আসছে। কুটুমবাড়িতে পাঠাবার যুগিয়া একটা লোকও জোটে নি !”

রামকালী ঈষৎ তরল কণ্ঠে বলে ওঠেন, “তুই তো আমার মুখ হেঁট হবার ভয়ে সারা, কিন্তু শক্তরবা ত্যাগ না দিয়ে কি ছাড়বে তোকে ? হুদিন ঘর করেই তো ফেরত দেবে। তোকে নিয়ে কে ঘর করবে সত্য ? এত বাক্য কে সহিতে পারবে ?”

সত্য সর্গোরবে মাথা তুলে বলে, “সে তুমি নিশ্চিন্দি থেকে বাবা, সত্যকে দিয়ে তোমার মুখ কখনো হেঁট হবে না।”

রামকালী গভীর স্নেহে মেয়ের পিঠে একটু হাত রাখেন।

মেয়েটা যে কি, তিনি বুঝে উঠতে পারেন না। থেকে থেকে সে যে তাঁকে একটা প্রাণের মত তাঁর সামনে এসে দাঁড়ায়। যে কথাগুলো বলে,

সব সময় সেগুলো মেয়ের শেখা কথা বলে উড়িয়ে দেওয়াও শক্ত, সে সব কথা চিন্তিত করে, বুঝিবা ভীতও করে। তবু রামকালী ওকে বুঝছেন, কিন্তু পৃথিবী কি ওকে বুঝবে ?

ও কেন সাধারণ হল না ?

পুণ্ডির মত, বাড়ির আর পাঁচটা মেয়ের মত ? অথবা ওর মা'র মত ? সেটাই তো স্বাভাবিক, সেটাই তো উচিত। রামকালী তাহলে ওর সম্পর্কে নিশ্চিত থাকতেন। স্মৃথী হতেন।

কিন্তু ?

সত্যিই কি স্মৃথী হতেন ? সত্য সাধারণ হলে, বোকা হলে, ভেঁতা হলে ? সত্যকে যে তাঁর একটা দামী জিনিস বলে মনে হয়, সেটা কি হত তাহলে ? কেবলমাত্র স্নেহের ওজন চাপিয়ে পাল্লাটা এত ভারী করে তুলতে পারতেন ?

“যাও মা ভেতরে যাও, আহ্নিক করব এবার।”

“যাচ্ছি—” উঠে দাঁড়িয়েই রামকালীর অসাধারণ মেয়ে সহসাই একটা হাস্যকর সাধারণ কথা বলে বসে, “ভেতর-দালান পর্যন্ত একটু এগিয়ে দেবে বাবা ?”

“এগিয়ে দেব ? কেন রে ?”

“রঘুর দিশটা দেখে অবধি গা-টা কেমন ছমছম করছে বাবা। মেলাই অঙ্ককার গুথানটায়।”

“হ্যাঁ হ্যাঁ চল, যাচ্ছি আমি। কেন যে তুমি গেলে সেখানে! ভাল করো নি।”

রামকালী কি একটু আশস্ত হলেন ? তাঁর নির্ভীক মেয়ের এই ভয়টুকু দেখে ?

মেলাই অঙ্ককারটা পার হয়ে এসে সত্য একবার ধমকে দাঁড়াল, তার পর ঝপ করে বলে উঠল, “ভাবতে ভুলে যেও না বাবা !”

“ভাবতে ? কি ভাবতে ? ও !” অশ্রুমনস্কতা থেকে সচেতনতায় ফিরে আসেন রামকালী, “ভেবেছি। পাঠিয়েই দেব তোমায়।”

সহসা কান্নায় উথলে উঠল সত্য, “আমার উপর রাগ করলে বাবা ?”

“না, রাগ করি নি।”

“আবার আনবে তো ?” কান্না অদম্য হয়ে ওঠে।

“ওরা যদি পাঠায়।” নির্লিপ্ত কণ্ঠে বলে রামকালী।

“পাঠাবে না বৈকি, ইস্!” মুহূর্তে কান্না ধামিয়ে উদ্দীপ্ত হয়ে ওঠে সত্য, “তুমি ওদের মান রাখছ, আর ওরা তোমার মান রাখবে না? পাছে কুটুম্বর সঙ্গে ‘অসারস’ হয়, আসা-খাওয়া বন্ধ হয়, এই ভয়ে বুক ফেটে যাচ্ছে তবু যেতে চাইছি আমি, বুঝবে না তারা সে কথা?”

রামকালী আর একবার চমৎকৃত হলেন।

অতটুকু মগজে এত তুলিয়ে ওভাবে কি করে? তার পর হতাশ নিশ্বাস ফেললেন, বোঝবার কথা যদি সবাই বুঝত?

মেয়ের বিয়ে দেবার সময় জামাইয়ের রূপ দেখে নেওয়া যায়, কুল দেখে নেওয়া যায়, অবস্থা দেখে নেওয়া যায়, কিন্তু তার সংসারহৃদ পরিজনের প্রকৃতি তো আর দেখে নেওয়া যায় না!

মেয়েকে রামকালী গৌরীদান করেছেন।

পাত্র খোঁজার সময় দীনতারিণী বলেছিলেন, “তোমার মোটে একটা মেয়ে, পরের ঘরে কেন দেবে? একটি সোন্দর দেখে কুলীনের ছেলে নিয়ে এসে ঘর-জামাই রাখো।”

ভুবনেশ্বরীও স্পন্দিতচিত্তে শাশুড়ীর অন্তরালে বসে রায় শোনবার জন্তে ইঁ করে ছিল, কিন্তু রামকালী তাঁদের আশায় জল ঢাললেন। বললেন, “ঘরজামাই? ছি ছি ছি!”

“কেন?” দীনতারিণী বুকের ভয় চেপে জেদের স্বরে বলেছিলেন, “লোকে কি এমন করে না?”

“লোকে তো কত কি করে মা!”

“তা বোঁমার যে আর ছেলেপুলে হবে এ আশা দেখি না, কুষ্টিতেও নাকি আছে এক সম্ভান। তা’লে তোমার বিষয়-আশয় তো জামাই-ই পাবে, ছোট থেকে গড়েপিটে তৈরি না করলে—”

রামকালী তাঁর প্রতিবাদে মাকে নির্বাক করে দিয়েছিলেন, “রাসু থাকতে, তা’র ভাইয়েরা থাকতে জামাই বিষয় পাবে এ কথা তুমি মুখে আনলে কি করে মা? ছি ছি! সত্য কেন বাপের ভাত খেতে যাবে? এমন পায়ে দেব, যাতে জামাইকে শক্তরের বিষয়ে লোভ করতে না হয়।”

তা সে কথা রামকালী রেখেছিলেন।



মেয়ের যা বিয়ে দিয়েছিলেন, শত্রুরের সম্পত্তিতে লোভ করার দরকার তাদের নেই।

বিষয়-আশংক্য চের, সে-ও বাপের এক ছেলে।

শুনছেন বাপ একটু রূপণ, তা সে আর কি করা যাবে? সব নিখুঁত কি হয়?

তেমনি যে তাঁদের মত জামাই।

তা ছাড়া পরম কুলীন।

এর বেশী আর কি দেখা যায়?

কিন্তু লোভ কি মানুষ দরকার বুঝে করে? রামকালী কি স্বপ্নেও ভেবেছেন, তাঁর পরম কুলীন বেহাই শ্রোনদৃষ্টি মেলে বসে আছেন তাঁর বিষয়ের দিকে? এমন তাঁর লোভ যে রামকালীর ‘অবর্তমান’ অবস্থাটাই তাঁর একান্ত চিন্তনীয় বিষয়?

রামকালীর চাইতে বছর দশেকের বড় হয়েও, নিজে তিনি চিরবর্তমান থাকবেন এমনই আশা।

এসব জানেন না রামকালী।

শুধু জামাই পাঠচর্চা করছে এটা জেনেছেন, জেনে সন্তুষ্ট হয়েছেন।

‘শ্লেচ্ছ বিখ্য’ বলে হয় করবেন, এমন সংস্কারাচ্ছন্ন রামকালী নন। শিথুক, ভালই। শ্লেচ্ছদেরই তো রাজস্ব চলছে এখন।

## ॥ উনিশ ॥

লক্ষ্মীকান্ত বাঁদুঘ্যে মারা গেলেন।

পূণ্যবান মানুষ, নিয়মের শরীর, ভুগলেন না ভোগালেন না, চলে গেলেন সজ্ঞানে। সকালেও ষষ্ঠারীতি স্নান করেছেন, ফুল তুলেছেন, পূজা করেছেন। পূজা করে উঠে বড় ছেলেকে ডেকে বললেন, “তোমরা আজ একটু সকাল সকাল আহাওয়াদি সেয়ে নাও, আমার শরীরটা ভাল বুঝছি না, মনে হচ্ছে ডাক এসেছে।”

বড় ছেলে হতচকিত হয়ে তাকিয়ে থাকে, বোধ করি ধারণাও করতে পারে না,

লক্ষ্মীকান্তর শরীর খারাপের সঙ্গে তাদের আহারাদি সেবে নেওয়ার সম্পর্ক কোথায়? আর 'ডাক' কথাটারই বা অর্থ কি?

লক্ষ্মীকান্ত ছেলের ওই বিহ্বলতায় হাসলেন। হেসে বললেন, “আহারাদি সেবে দুই ভাই আমার কাছে এসে বসবে, কিছু উপদেশ দিয়ে যাব! অবশ্য উপদেশ দেবার অধিকার আর কিছুই নয়, কতটুকুই বা জানি, জগৎকে কতটুকুই বা দেখেছি, তবু বয়সের অভিজ্ঞতা। বধুমাতাদের জানিয়ে দাও গে, রাম্মার কতকগুলি ‘পদ’ বাড়িয়ে যেন বিলম্ব না করেন।”

বাপ কেবল তাদের খাওয়ার কথাই বলছেন। কিন্তু তাঁর নিজের?

বড় ছেলে রুদ্ধ কণ্ঠে বলে, “আপনার অন্নপাক কখন হবে?”

“এই দেখ বোকা ছেলে, বিচলিত হচ্ছে কেন? আমার আজ পুণিমা, অন্ন নেই। ফলাহার একটু করে নেব, নারায়ণের প্রসাদ। প্রসাদে চিত্তশুদ্ধি, দেহ-শুদ্ধি।”

ছেলে গিয়ে ছোট ভাইয়ের কাছে ভেঙে পড়ল। তার পর অন্তঃপুরিকারা টের পেলেন। কিছুক্ষণের মধ্যেই সমস্ত সংসারে শোকের ছায়া নেমে এল। কেউ অবিশ্বাস করল না, কেউ হাস্যকর বলে উড়িয়ে দিল না, ‘অমোঘ নিশ্চিত’ বলে ধ্বসে পড়ল।

বাঁড়ুঘোর সংসার থেকে এ সংবাদ সঙ্গে সঙ্গেই বাইরেও ছড়িয়ে পড়ল, কারণ আশুন কখনো এক জায়গায় আবদ্ধ থাকে না।

মহুর্তে চারিদিকে প্রচার হয়ে গেল, “বাঁড়ুঘ্যে যে চললেন!”

যেন বাঁড়ুঘ্যে কোন বিদেশভ্রমণে যাচ্ছেন, নৌকো ভাড়া হয়ে গেছে, সঙ্গীরা প্রস্তুত হয়ে দাঁড়িয়ে আছে কোথাও।

উঠোনে তুলসীমঞ্চের নীচে লক্ষ্মীকান্তের শেষ শয্যা বিছানো হয়েছে, বালিশে মাথা রেখে দুই হাত বুকে জড়ো করে টানটান হয়ে শুয়ে আছেন তিনি সোজা!

কপালে চন্দনলেখায় হরিনাম, দুই চোখের উপর-পাতায় আর দুই কানে চন্দন মাখানো তুলসীপাতা। বুকের উপর ছোট্ট একটি হাতে-লেখা পুঁথি। লক্ষ্মীকান্তর নিজেরই হাতের লেখা, গীতার কয়েকটি শ্লোক। নিত্য পাঠ করতেন, সেটি সঙ্গে দেওয়া হচ্ছে।

যাত্রাকালে কেউ স্পর্শ করবে না, যাত্রীর নিবেদ। বিছানাটি ছেড়ে

আশেপাশে মাথা হেঁট করে বসে আছে ছেলেরা, পাড়ার কর্তা-ব্যক্তির।  
অন্তঃপুরিকারী অদূবে আলম ঘোমটায় আবৃত হয়ে বসে নীরবে অশ্রু বিজর্জন  
করছেন।

মৃত্যুর দণ্ডকাল অতীত না হওয়া পর্যন্ত ডাক ছেড়ে কাঁদা চলবে না, সেটাও  
নিষেধ। ক্রন্দনধ্বনি আত্মার উদ্ধারগতির পথে বিঘ্ন ঘটায়।

বাঁড়ুঘো-গিন্নীও সেই নিষেধাজ্ঞা শিরোধার্য করে নিঃশব্দে ডুকরোচ্ছেন।

ঘোষাল এসে দাঁড়ালেন।

কাঁপা গলায় বলে উঠলেন, “জনকরাজার মত চলল বাঁড়ুঘো?”

লক্ষ্মীকান্ত মুহূ হেসে মুহূষরে বললেন, “বিদেশ থেকে স্বদেশে। বিমাতার কাছ  
থেকে মাতার কাছে।”

তারপর ছেলের দিকে তাকিয়ে বললেন, “ভারক ব্রহ্ম।”

অর্থাৎ বুঝা কথায় কালক্ষেপ নয়।

“নমো নারায়ণায় নমো নারায়ণায়, হরেনাটমৈব কেবলম্।”

আস্তে আস্তে চোখের পাতা দুটি বুজলেন লক্ষ্মীকান্ত। তুলসীপাতা দুটি ঢেকে  
দিল দুটি চোখের পাতা।

নিঃশ্বাসের উত্থান পতনের সঙ্গে সঙ্গে নামজপ হতে থাকল ভিতরে, যতক্ষণ  
চলল শ্বাসের ওঠাপড়া।

একসময় থামল।

যাক, বয়স হয়েছিল লক্ষ্মীকান্তর, ভুগলেন না ভোগালেন না, চলে গেলেন,  
এতে দুঃখের কিছু নেই। অন্ততঃ দুঃখ করা উচিত নয়। মায়ায় তো মরবার জগ্গেই  
এসেছে পৃথিবীতে, সেই তার সর্বশেষ আর সর্বশ্রেষ্ঠ কর্মটি যদি নিপুণভাবে নিখুঁত-  
ভাবে করে যেতে পারে, তার চাইতে আনন্দের আর কি আছে?

না, লক্ষ্মীকান্তর মৃত্যুতে দুঃখের কিছু নেই।

তবু নিকট-আত্মীয়রা দুঃখ পায়।

মায়াবদ্ধ জীব দুঃখ না পেয়ে যাবে কোথায়?

কিন্তু নিকট-আত্মীয় না হয়েও একজন এ মৃত্যুতে দুঃখের সাগরে ভাসে, সে  
হচ্ছে সারদা।

শ্রীক উপলক্ষে নতুন কুটুম্বকে নিয়ন্ত্রণ জানিয়েছে বাঁড়ুঘোর ছেলেরা আর  
‘নিয়মভঙ্গ’ অবধি থাকার আবেদন জানিয়ে রাহুকে নিতে লোক পাঠিয়েছে।

তুলনা হিসেবে বলতে গেলে সারদার মাথায় একখানা ইট বসিয়েছে।

নিয়ে যাবে পরদিন। কথা চলছে সারাদিন।

এ বাড়ি থেকে রামকালী খবর শোনামাত্র একবার দেখা করে এসেছেন, এবং যথারীতি হবিষ্যায়ের যোগাড় পাঠিয়েছেন লৌকিকতা হিসাবে। প্রচুরই পাঠিয়েছেন।

এখন আবার রাস্তর সঙ্গে লোক যাবে, শ্রাদ্ধের 'সভাপ্রণামী' আর সমগ্র সংসারের ঘাটে ওঠার কাপড়চোপড় নিয়ে। নিয়মভঙ্গের দিন দুপুরে জাল ফেলানো হবে, মাছ যাবে, রাস্তব শাণ্ডাদের জন্ত সিঁদুর আলতা পান সুপারি যাবে।

এই সব আলোচনাই চলছে সারাদিন।

সারদার মনে হচ্ছে, সবই যেন বড় বেশী বাডাবাড়ি হচ্ছে।

এই যে তার বাবার খুড়ী মারা গেলেন সেবার, কই এত সব তো হয় নি।

যাক, সে কথা যাক।

পয়সা আছে বিলোবে।

কিন্তু সারদার খাস ভালুকটুকু না এই উপলক্ষে বিক্রিয়ে যায়!

রাতে ছাড়া কথা কওয়ার উপায় নেই, স্পন্দিতচিত্তে সংসারের কাজ সারে সারদা, আর প্রহর গোনেন।

তবু কুটুমদের একটু আক্কেল আছে, দিনে দিনেই নিয়ে চলে যায় নি, একটা রাত হাতে রেখেছে।

এ বাড়ির খাওয়া দাওয়া মিটতে রাত দুপুর হয়ে যায়।

তবু একসময় আসে সেই আকাজ্কিত সময়।

দরজায় ছড়কো লাগিয়ে দেওয়া যায় এবার, সমস্ত সংসার থেকে পৃথক হয়ে এসে বসায় দুটো মাছ।

চট করে কথা বলা সারদার স্বভাব নয়।

প্রথমটা যথারীতি প্রদীপ উস্কোয়, প্রদীপের শিখার ওপর বাটি ধরে ছেলের দুধ গরম করে, ছেলে তুলে দুধ খাওয়ান, তার পর তাকে শুইয়ে চাপড়ে তার ঘুম সম্পর্কে নিশ্চিত হয়ে এদিকে এসে পা ঝুলিয়ে বসে।

বড় করে একটা নিশ্বাস ফেলে।

তার পর বলে ওঠে, "যাচ্ছে তা হলে?"

রাস্ত অবশ্য এ প্রশ্নের জন্ত প্রশ্নতই ছিল, তাই নির্লিপ্ত স্বরে বলে, "যাওয়া ছাড়া তো উপায় দেখছি না।"

“উপায় খুঁজে বেড়াচ্ছিলে বুঝি ?” ব্যঙ্গ-তীক্ষ্ণ স্বর।

“খুঁজে আর কি বেড়াব ? জানি তো ছাড়ান-ছিড়েন নেই !”

“চেষ্টা থাকলে ছাড়ান থাকে।” আরও তীক্ষ্ণ হল ফোঁটায় সারদা।

“কি করে শুনি ?” ঈষৎ উন্মী প্রকাশ করে রাস্ত।

“শরীর খারাপের ছুতো দেখাতে পারলে কেউ টেনে নিয়ে যেতে পারে না।”

রাস্ত বিরক্তভাবে বলে, “সে ছুতোটা দেখাব কি করে শুনি, এই আঁকাড়া দেহখানা নিয়ে ?”

সারদা এ বিরক্তিতে ভয় পায় না, দমে না। অগ্নান বদনে বলে, “চেষ্টা থাকলে কি না হয় ! বলকা দুধ তোমার ধাতে অসৈরণ, লুকিয়ে সের দু-তিন কাঁচা দুধ চুমুক দিয়ে খেয়ে ফেললেই এখুনি এককুড়ি বার মাঠে ছুটে হত। অস্থখ বলে টের পেত সবাই। গুরুজনের সঙ্গে মিছে কথাও বলা হত না।”

“তা এটা আর মিছে ছাড়া কি ? মিছে কথা না হয়ে, নয় মিথ্যে আচরণ !”

নীতিবাগীশ রাস্ত জোর দিয়ে বলে।

“থামো থামো,” সারদা তীব্র প্রতিবাদ করে ওঠে, “এটুকু তো আর কখনো করো না গোসাঁইঠাকুর ! ফটা বটুঠাকুরদের বাড়ি থেকে পাশা খেলে দেড়ি করে ফিরে সদর দিয়ে না ঢুকে খিড়কি দিয়ে ঢোকা হয় কেন শুনি ? মেজকাকা মশাই যে সমস্ত পড়ার টোল ঠিক করে দিয়েছেন, সেখানে তো মাসের মধ্যে দশ দিন কামাই দাও, সে কথা জানাও ওনাকে ? নিতিনিয়মে বেরিয়ে এখান-ওখান করে বেড়াও না ? আমাকে আর তুমি ধম্ম দেখাতে এস না !”

“আমি কাউকে কিছু দেখাতে চাই না,” বীরপুরুষ রাস্ত বলে, “গুরুজন যা নির্দেশ দেবেন মানব, ব্যস।”

“তা তো মানবেই। সেখানে যে মধু আছে। নতুন বাগানের নতুন ফুল। পাটমহলের পাটরাণী।”

“বাজে কথা বলো না।”

“বাজে কথা বটে !”

সারদা আর একটা নিখাস ফেলে বলে, “আমার গা ছুঁয়ে প্রিতিক্ষে করেছিলে, সে কথা মনে পড়ছে ?”

“পড়বে না কেন ? তা আমি তো আর জামাইঘণ্টীর নেমস্তন্ন খেতে যাচ্ছি না। যাচ্ছি একটা মাগ্গমান লোকের শ্রাদ্ধয়।”

“তাব সঙ্গে আমারও শ্রাদ্ধ-পিণ্ডির ব্যবস্থা হচ্ছে, অন্তরেই জানছি। এবার নিঘ্ঘাত তারা মেয়ে পাঠাবার কথা কইবে।”

বাসু তেড়ে ওঠার ভান করে বলে, “তোমার যেমন কথা ! নিজে থেকে কেউ মেয়ে পাঠাবার কথা বলে ?”

“বলে বৈকি। ক্ষেত্রর বিশেষে বলে। সতীনেব ওপরে পড়া মেঘের কথায বলে।”

“বলি তাব ঘববসতেব বয়েসটা হবে, তবে তো ? তুমি যেন রাতদিন দড়ি দেখে ‘সাপ’ বলে আঁতকাচ্ছ !”

“বয়েস।” সারদা তীব্র ঝঙ্কাবে বলে ওঠে, “মেয়েমাছুষের বয়েস হতে আবার কদিন লাগে ? দশ পেরোলেই বয়স। আর মেজোকাকা মশাইঘের কডাকড়ির জারিজুরি তো ভেঙে গেল। নিজের মেয়েকেই যখন বয়েস না হতেই পাঠালেন !”

“গুরুজনের কাজের ব্যাখ্যানা কবো না। কারণ ছিল তাই এ কাজ করেছেন।”

সারদা দুর্বীর, সারদা অদম্য।

সেও সমানে সমানে জবাব দেয়, “তা তোমার দ্বিতীয় পক্ষকে শশুরঘর করতে নিয়ে আসারও একটা কারণ আবিষ্কার হবে। তবে এই জেনে রাখো, নতুন বোঁ যদি আসে, সেও এক দোর দিয়ে ঢুকবে, আমিও আর এক দোর দিয়ে দড়িকলসী নিয়ে বেরিয়ে যাব।”

অস্ত্রটা মোক্ষম।

রাসু এবার কাবু হয়।

আপসের সুরে বলে, “আচ্ছা অত পেঁচিয়ে পেঁচিয়ে ছুঃখু ডেকে আনবায় কি দরকার তোমার বলো তো ? যাচ্ছি দাদাশশুরের শ্রাদ্ধয়, খাব মাথব চলে আসব, ব্যস ! আমি কি কাউকে আনতে যাচ্ছি ?”

“তা সেটা মনে রাখলেই হল।”

সারদা সহসা রাসুর একটা হাত টেনে নিয়ে ঘুমন্ত ছেলের মাথায় ঠেকিয়ে দিয়ে বলে, “তবে সত্যি করে যাও সেকথা !”

“আ ছি ছি ! কি মতিবুদ্ধি তোমার। ছেলের মাথায় হাত দিয়ে—”

সারদা অকুতোভয়ে বলে, “তাতে ভয়টা কি? আমার বলো না খোকার মাথায় হাত দিয়ে দিব্যি করতে—জীবনে কখনো পরপুরুষের দিকে চোখ তুলে চাইব না, একশ বার সে দিব্যি করব।”

“চমৎকার বুদ্ধি! সেটা আর এটা এক হল?”

“কেন হবে না? আমি ছাড়া জগতের আর সকল মেয়েমানুষকে পরন্তী ভাবলে কোন কষ্ট নেই!”

“নাঃ, যাকে অগ্নিনারায়ণ সাক্ষী করে গ্রহণ করলাম—”

“ওঃ!” সারদা ঝট করে উঠে দাঁড়ায়। দরজার খিলটা খুলে ফেলে, কপাট ধরে দাঁড়িয়ে চাপা অথচ ভয়ঙ্কর একটা শব্দ বলে ওঠে, “ও বটে! এতক্ষণে প্রকাশ পেল মনের কথা! তা এতক্ষণ না ভুগিয়ে সেটা বললেই হত! আচ্ছা—”

রাস্তাও অবশ্য এবার ভয় পেয়েছে, সেও নেমে এসে বলে, “আহা, তা কপাট খুলছ কেন? যাচ্ছ কোথায়?”

“যাচ্ছি সেইখানে, যেখানে খলকাপট্য নেই, আগুনের জ্বালা নেই।” বলে ঝট করে বেয়িয়ে পড়ে অন্ধকারে মিশিয়ে যায় সারদা।

নাঃ, আর কিছু করবার নেই!

নিরুপায় ক্ষোভে কিছুক্ষণ উঠোনের সেই গভীর রাত্রির নিকষ অন্ধকারের দিকে তাকিয়ে থেকে নিঃশব্দে কপাটটা ভেজিয়ে দিয়ে ষাটের ওপর বসে পড়ে রাস্তা।

ঘাম গড়াচ্ছে সর্বাস্র দিয়ে।

গরমে নয়, আতঙ্কে।

কিন্তু করবার কি আছে এখন? ঘর থেকে বেয়িয়ে তো আর বৌ খুঁজে বেড়াতে পারবে না রাস্তা! মা-খুড়ীর ঘুম ভাঙিয়ে হুঃসংবাদটা জানাতেও পারবে না!

নিজের হাতে বন্দি করণীয় কিছু থাকে, তো সে হচ্ছে নিজের হাতটা মুঠো পাকিয়ে নিজের মাথায় কিল মারা!

## ॥ কুড়ি ॥

এলোকেশী দাওয়ায় পাটি পেতে বসে বোয়ের চুল বেঁধে দিচ্ছেন। দিচ্ছেন অনেকক্ষণ থেকেই। সেই দুপুরবেলা বসেছিলেন—এখন বেলা প্রায় গড়িয়ে এল।

এলোকেশী যেন পণ করেছেন আজ তাঁর জীবনের শ্রেষ্ঠ শিল্পকীর্তি দেখিয়ে ছাড়বেন। বৌকে সামনে রেখে তার পিছনে হাঁটু গেড়ে উঁচু হয়ে বসেছেন তিনি, মুখের ভাব কঠিন কঠোর।

ওদিকে টানের চোটে সত্যবতীর রগের শির ফুলে উঠেছে, চুলের গোড়াগুলো মাথার চামড়া থেকে উঠে আসতে চাইছে, ঘাড় অনেকক্ষণ আগে থেকেই টনটন করতে শুরু করেছে, এখন মেরুদণ্ডের মধ্যেও একটা অস্বস্তি শুরু হচ্ছে।

অর্থাৎ তার কেশকলাপ নিয়ে যে অপূর্ব শিল্প-রচনার চেষ্টা চলেছে, আশা হচ্ছে না সহজে তার সমাপ্তি ঘটবে।

কিন্তু কেবলমাত্র এলোকেশীর অক্ষমতাকেই দায়ী করলে অবिवেচনার কাজ হবে, দায়ী অপরপক্ষ। সত্যবতীর চুলগুলো যেন বেয়াড়া বোড়া, কোনমতেই তাকে বাগ মানিয়ে বশে আনা যাচ্ছে না।

ঝুলে খাটো আর আড়ে ভারী চাপ চাপ কৌকড়া কৌকড়া চুলগুলো খোলা থাকলে যতই সুন্দর দেখাক, তাকে বেণীর বন্ধনে বেঁধে কবরীর আকৃতি দিতে গেলেই মুশকিলের একশেষ। গোড়া বাঁধতে গেলে ফস ফস করে এলিয়ে খুলে পড়ে, কোনরকমে যদিবা তিনগুছির ফেরে ফেলা যায়, ত্তো পাঁচগুছি সাতগুছি নগুছির দিকেও যাওয়া চলে না।

কিন্তু এলোকেশী আজ বন্ধপরিষ্কার, সাতগুছির বাঁধনে বেঁধে ‘কঙ্কা খোপা’ করে দেবেন বৌকে। তাই বারতিনেক অসাকল্যের পর একগোছা মোটা মোটা কালো ঘুনসি দিয়ে চুলের গোড়াটাকে প্রায় ব্রহ্মতালুতে জড় করে এনে প্রাণপণ বিটকেলে বেঁধে ফেলেছেন, এবং সাতগুছির সাত ভাগকে আয়ত্ত করতে চেষ্টা করছেন।

দীর্ঘস্থায়ী এই চেষ্টায় সত্যবতীর অবস্থা উপরোক্ত। অনেকক্ষণ বাবু হয়ে বসে থাকার পর এবার হাঁটু দুটো মুড়ে বুকের কাছে জড়ো করে বসেছে সত্যবতী, কারণ পারে ‘ঝি’ ‘ঝি’ ধরেছিল। মুখটা সত্যবতীর আকাশমুখো



আর সেই মুখের ওপর পরনের নীলাধর শাড়িখানার আঁচলটুকু চাপা দেওয়া।

মুখে আঁচল চাপা না দিয়ে উপায় নেই, কারণ চুল বাঁধবার সময় ঘোমটা দেওয়া চলে না। অথচ জলজ্যাস্ত আঁস্ত মুখখানা খুলে বসে থাকলেও তো চলে না। না-ই বা ধারে কাছে কেউ থাকল, আর হলই বা শাণ্ডী পিছনে বসে, তবু 'নতুন বোঁ' বলে কথা। তাই আঁচলটা তুলে মুখে চাপা দিয়েছে সত্যবতী। মানে দিতে বাধ্য হয়েছে। ঘোমটা খসবার আগেই এলোকেশী নির্দেশ দিয়েছেন, "আঁচলটা মুখে ঢাকা দাও দিকি বাছা! তোমার তো আর বোধ-বুদ্ধির বালাই নেই, অগত্যে সবই পষ্ট করে বলে দিতে হবে আমায়।"

দিনটা কি তবে সত্যবতীর শ্বশুরবাড়ি বাসের প্রথম দিন ?

না তা নয়, এসেছে সত্যবতী প্রায় মাসখানেক হয়ে গেল, কিন্তু মাথাটা ওর এ পর্যন্ত শাণ্ডীর হাতে পড়ে নি। সৌদামিনীই চুল বেঁধে সরময়দা মাথিয়ে আলতা পরিয়ে নতুন বোঁয়ের প্রসাধন আর যত্নসাধন করছিল কদিন। হঠাৎ আজ সকালে 'এলোকেশীর নজরে পড়ল বোঁয়ের চুল বেড়াবিহুনি করে বাঁধা।

দেখে রাগে জলে উঠলেন এলোকেশী। তবু নিশ্চিত হবার জন্তে ভুরু কুঁচকে ডাক দিলেন, "এদিকে এস দিকি বোঁমা!"

শাণ্ডীর সামনে কথা বলাও নিষেধ, মুখ খোলাও নিষেধ, সত্যবতী নীরবে কাছে এসে দাঁড়াল।

ঘোমটা অবশ্য বজায় থাকলই, এলোকেশী হ্যাঁচকা একটা টানে পুত্রবধূর পিঠের কাপড়টা তুলে খোঁপাটা দেখে নিলেন। ঠিক বটে, বেড়াবিহুনিই বটে।

তেলে-বেগুনে জলে ডাক দিলেন, "সহ! সদি!"

বাকে বলে জন্তেব্যস্তে সেই ভাবে ছুটে এল সৌদামিনী। দেখল নতুন বোঁ 'বুকে মাথায় এক' হয়ে ষাড় হেঁট করে দাঁড়িয়ে, আর মামী তার পিঠের কাপড় উঁচু করে তুলে ধরে দণ্ডায়মান। মামীর নয়নে অগ্নিশিখা; কপালে কুটিলরেখা।

'কি বলছ' এ প্রশ্ন উচ্চারণ করল না সৌদামিনী, শুধু শঙ্কিত দৃষ্টিতে দাঁড়িয়ে রইল।

কি হল বোয়ের পিঠে ?

কোন জড়ুল চিহ্ন, না কোন চর্মরোগের আভাস, নাকি বা কোন পুরনো ক্তের দাগ ! অর্থাৎ নতুন বৌ কি 'দাগী' ! আর মামীর শ্বেদদৃষ্টির সামনে ধরা পড়ে গেছে সেটা !

অবশ্য ভুল ধারণা নিয়ে বেশীক্ষণ থাকতে হল না, সৌদামিনীকে এলোকেশী প্রবল স্বরে বলে উঠলেন, “বলি যদি, এমন ব্যাগারঠেলার কাজ কি না করলেই নয় ?”

বুক থেকে পাথর নামে সৌদামিনী ।

যাক বাঁচা গেল ।

নতুন কিছু নয় । সেই আদি ও অকৃত্রিম লক্ষ্য ।

অতএব সাহসে ভর করে বলল, “কি হল ?”

“কি হল ! বলি শুধোতে লজ্জা করল না ? ধর্মের ষাঁড়ের মতন আঁকাড়া গভর নিয়ে দুবেলা ভাতের পাথর মারছিস, আর গতরে হাওয়া দিয়ে বেড়াচ্ছিস, একটু হায়া আসে না প্রাণে ? দশটা নয় বিশটা নয় একটা ভাই-বৌ, তার চুলটা বেঁধে দিয়েছিস এত অচ্ছেদা করে ! বলি কেন ? কেন ? এত অগ্যোরাছি কিসের ?”

“হলটা কি তা বলবে তো ?”

সহজ গলায় বলে সৌদামিনী । আর সত্যবতী ঘোমটার মধ্য থেকে অবাক হয়ে শ্রায় থরথর করে কাঁপতে থাকে । না, এলোকেশীর কটু-ভাষণে নয়, গিন্নীদের মুখে এরকম বিচ্ছিন্নি বিচ্ছিন্নি কথা শোনার অভ্যাস পাড়াবেড়ানি সত্যর আছে । রামকালী চাটুয্যের বাড়ির কথাবার্তাগুলো কথঞ্চিত সত্য, নইলে তারই সেজপিসি সাবিপিসির বাড়ি সর্বদা এই ধরনের কথার চাষ । সেজন্তে না । এলোকেশীর কটুভাষণে না । অবাক হয় সৌদামিনীর সহৃদয়তা দেখে । এত অপমানের পর ওই রকম সহজ ভাবে কথা বলল ঠাকুরঝি !

এটা সত্যবতীর অদেখা ।

কটু কথার পরিবর্তে হয় কটু কথা, নয় ক্রন্দন, এই দেখতেই অভ্যস্ত সে । আর ঠাকুরঝি কিনা বলছে “হলটা কি তা বলবে তো ?”

এলোকেশী অবশ্য অবাক হন না, কারণ সৌদামিনীর এই সহৃদয়তা তাঁর পরিচিত । তবে তিনি তো আর প্রশংসায় উদ্বেল হন না, বরং এটা তার মামীর প্রতি অগ্রাহ্য ভাব বলেই রেগে জলে যান ।

এখনো তাই বললেন, “হলটা কি, তা বলে তবে বোঝাতে হবে ? মনে মনে জানছ না ? চোখে দেখতে পাচ্ছ না ? এ কী ছিরির চুল বাঁধা হয়েছে ? বোঁয়ের মাথায় বেড়া-বিহুনি ! ছি ছি, এতখানি বয়েস হল, কখনো শঙ্করবাড়ির বোঁয়ের মাথায় বেড়া-বিহুনি দেখি নি ! গলায় দড়ি তোর সত্, গলায় দড়ি যে একটা মাস্তুর মাথা, তাও একখানা বাহারি খোঁপা বেঁধে দিতে পারিস না !”

সহ হেসে ওঠে, “বোঁয়ের চুল যা বাহারি, ওতে আর বাহারি খোঁপা হয় না। বাগ মানানোই যায় না।”

“বাগ মানানো যায় না !” এলোকেশী ঝঙ্কার দিবে ওঠেন, “আচ্ছা, দেখব কেমন না যায়। এই বাঁড়ুথো-গিন্নীর কাছে জন্ম হয় না এমন কোন্ বস্ত্র জগতে আছে দেখি। ত্রিজগতের মধ্যে বাগ মানাতে পারলাম না শুধু এই তোমাকে।”

“বেশ তো মামী, তুমি নিজে হাতেই বোঁকে সাজিও না, তোমার একটা মাস্তুর বেটার বোঁ।” বলে সৌদামিনী।

আর এলোকেশী আরও খেই খেই করে ওঠেন, “কী বললি সদি ? এঁ্যা ! এত আসপদ্দা ! মুখে মুখে জবাব ! এত অহকার তোর কবে চূর্ণ হবে, কবে তোর দুঃখে ঞ্চালকুর কঁাদবে, সেই আশায় আছি আমি। এই তোকে দিব্যি দিলাম সদি, যদি আর কোনদিন তুই আমার বোঁর চুলে হাত দিবি।”

“গুরুজনের দিব্যি গায়ে লাগে না—ও মানলে কি চলে গা ?” সহ অন্নানবদনে বলে, “তোমার হল গে মন-মজ্জি, কোনদিন দেবে, কোনদিন বা ভুলে যাবে—”

“কী বললি ! কী বললি লক্ষ্মীছাড়ি ! আমার একটা বেটার বোঁয়ের কথা আমি ভুলে যাব ?”

“তা তাতে আর আশ্চর্য্য কি মামী !” সহ নিতান্ত অমায়িক মুখে বলে, “তোমার সে গুণে কি ষাট আছে ? আপনার ষিদের ষাওয়া, তাই তো অর্ধেক দিন ভুলে যাও, ডেকে ষাওয়াতে হয়।”

এলোকেশী সহসা ধতমত খান। এটা ঠিক কোন্ ধরনের কথা ধরতে পারেন না। অভিযোগ না প্রশস্তি !

তাই ভারী মুখে বলেন, “হ্যাঁ, আমি ভুলে থাকছি আর রোজ তুমি আমার ডেকে ভুলে ঝিল্লকে করে গিলিয়ে দিচ্ছ।”

“আহা তা না দিই, তোমার কি খেয়াল থাকে ?”

“না থাকে না থাক। বোঁয়ের চুল আজ থেকে আমি বাঁধব এই বলে রাখছি। ওর চুলের দাঁড়ি কাঁটা সব আমার ঘরে রেখে যাবি। পাখী-কাঁটাগুলো দিতে ভুলবি না।”

“দেব, দিবে যাব। তা বোঁয়ের বাবা যে সোনার চিরুনি, সাপকাঁটা, বাগান ফুল ইত্যেদি করে একরাশ মাথার গয়না দিবেছেন, সেগুলোই বা বাজ্ব পুষে রাখছ কেন ? সব বার করে বাহার করে দিও।”

“সে আমি কি করব না করব তোমার কাছে পরামর্শ নিতে আসব না ! অনবরত খালি চ্যাটাং চ্যাটাং কথা। ভগবান যে কেন কঠিন রোগ দিবে তোর বাকশক্তি হরণ করে নেন না তাই ভাবি। তুই জন্মের শোধ বোবা হয়ে বসে থাক, আমি ‘নিসিংহতলা’য় ভোগ চড়াই।”

“দোহাই মামী, ও সব মানত-টানত করতে যেও না। দেব-দেবীরা এক স্তনতে আর এক স্তনে বসে থাকে, হয়ত বোবার বদলে ঠুঁটো করে দেবে, তখন মরবে তুমি লাফিয়ে ঝাঁপিয়ে।”

“কী বললি ! তুই ঠুঁটো হয়ে বসে থাকলে আমার সংসার অচল হয়ে যাবে ? সাথে বলি অহঙ্কারের পাঁচ-পা তোর। আমার সংসার আমি চালাতে পারি নে ভেবেছিস ? বা হাতের কড়ে আঙুলে পারি। কিন্তু সে আঙুলই বা আমি নাড়ব কেন ? ভাতকাপড় দিবে তোকে পুষছি যখন !”

“আহা, আমিও তো তাই বলছি গো। ঠুঁটো হলেও তো ভাত-কাপড়টা দিতেই হবে।”

“হবে। দায় পড়েছে। ঠ্যাং ধরে টেনে পগারে ফেলে দেব।”

“সর্বনাশ মামী, ও-বুদ্ধি করতে যেও না, পাড়াপড়শী তা হলে সেই পগারের পাঁক তুলে এনে তোমাদের গালে মুখে মাখাবে।” বলে হাসতে হাসতে চলে যায সোদামিনী সত্যবতীকে স্তম্ভিত করে রেখে।

বড় সংসারের মেয়ে সত্যবতী, তার এতটুকু জীবনে অনেক চরিত্র দেখেছে, এরকম আর দেখে নি।

যাক, সকালের সেই ঘটনার পরিণামে আজ ছপুয়ের এই মল্লযুদ্ধ।

সত্যিই বড় ভারী চুলের গোড়া সত্যর, অথচ এদিকে ঝুলে খাটো ! এক গোছা কালো ঘুনসি দিবে কবে বেঁধে আর গোছা গোছা ঘুনসির ভেজাল

মিশিয়ে বেগী দুটো যদিবা লখা করলেন এলোকেশী, তাদের প্রজাপতি ছাঁদে পাক খাওয়াতে গিষেই গোড়াহুঙ্ক ঢিলে হয়ে নেমে এল। আর সত্যবতীর কপালের ফের, ঠিক সেই মুহূর্তেই সত্যবতী বোধ করি পিঠের খিল আর পাথের কিঁকিঁ ধরা কমাতে একটু নড়েচড়ে বসল।

ব্যাপারটা হল ‘পাত্ৰাধার তৈল কি তৈলধার পাত্ৰের মতই। বন্ধনটা ঢিলে হয়ে পড়ার জন্মেই মুক্তির স্নেহে নড়েচড়ে বসল সত্যবতী, না নড়েচড়ে বসার জন্মেই বেগী বন্ধনমুক্ত হয়ে গেল সেটা বোঝা গেল না। এলোকেশী দেখলেন বৌ নড়ল, চুল খুলল।

এলোকেশী পাথরের দেবী নয়, রক্তমাংসের মানুষ, এরপরও যদি তাঁকে ঠাণ্ডা মাথা সহজভাবে বদে থাকতে দেখবার আশা করা যায়, সে আশাটা পাগলের আশা। পাগলের আশা পূরণ হয় না, হবার নয়।

এতক্ষণের পরিশ্রম পও হওয়ার রাগে, আর সৌদামিনীকে নিজের শিল্প-প্রতিভা দেখিয়ে দেবার আশাভঙ্গে, দিক্বিদিক জ্ঞানশূন্য এলোকেশী সহসা একটা অভাবিত কাজ করে বসলেন। বৌয়ের সেই খিল-ছাড়ানো সিধে পিঠটার ওপর গুম্ব করে একটা গোলগাল কিল বসিয়ে দিয়ে বলে উঠলেন, “হল তো! গেল তো গোম্মায়! এক দণ্ড যদি স্থস্থির—”

কিন্তু কথা এলোকেশীকে শেষ করতে হল না, মুহূর্তের মধ্যে আর এক প্রলয় ঘটে গেল। শাঙড়ীর হাত থেকে চুলের ভার এক ইঁচকাষ টেনে নিয়ে সত্যবতী ছিটকে দাঁড়িয়ে উঠল, আর শাঙড়ীর সঙ্গে যে কথা কওয়া নিষেধ সে কথা সম্পূর্ণ বিন্ম্বত হয়ে দৃপ্তস্বরে বলে উঠল, “তুমি আমাষ মারলে যে!”

কিলটা বসিয়ে চকিতে হযতো একটু অহুতপ্ত হয়েছিলেন এলোকেশী, কিন্তু সে অহুতাপের অহুভূতি দানা বাঁধবার আগেই এই আকস্মিক বিদ্যুতঘাতে এলোকেশী প্রথমটা ঘেন পাথর হয়ে গেলেন। বৌয়ের কণ্ঠস্বর কেমন সেটা জানবার স্বেযোগ এ পর্যন্ত হয় নি এলোকেশীর, কেননা তাঁর সঙ্গে তো বটেই, তাঁর সামনেও কোনদিন বৌ কথা কষ নি। কইবার রেওয়াজও নেই। কোনও প্রশ্ন করলে শুধু ষাড় নেড়ে “ই্যা-না” জানিষেছে। কথা যা সে সদূর সঙ্গে। কিন্তু সেও তো নিভূতে। রাত্রে সৌদামিনীর কাছেই শোয় বৌ, কারণ ডাগরটি না হলে তো আর ‘ঘর-বরে’র প্রশ্ন ওঠে না।

না, কোন ছলেই সত্যর কণ্ঠস্বর এলোকেশীর কানে আসে নি, সহসা আজ সেই স্বর বাজের মত এসে কানে বাজল।

এ কী জোরালো গলা বৌ-মাহুঘের ।

এতটুকু একটা মাহুঘের ।

অনুতাপের বাষ্প ধুলো হয়ে উড়ে গেল ।

এলোকেশীও দাডিয়ে উঠলেন । চঁচিয়ে তেড়ে উঠলেন, “মেরেছি বেশ করেছি । করবি কি শুনি ? তুইও উল্টে মারবি নাকি ?”

সত্য তখন এলোকেশীর অনেক পবিশ্রমে গড়া সাতগুছির বেণী দুটোর মধ্যে আঙুল চালিয়ে চালিয়ে জোবে জোরে খুলে ফেলতে শুরু করেছে । মাথাখ কাপড় নেই, মুখের আচল খসেছে, সেই মুখে আগুনের আভা ।

এলোকেশীর কথায় একবার সেই আগুনভরা মুখটা ফিরিয়ে অবজ্ঞাভরে উচ্চারণ করল সত্য, “আমি অমন ছোটলোক নই । তবে মনে রেখো আর কোনদিন যেন—”

“কী বললি ? আর কোনদিন যেন ? গলা টিপলে দুধ বেরোয় এক ফোঁটা। মেঘে, তার এত বড় কথা । মেরে তোকে তুলো ধুনতে পারি তা জানিস ? সদি লক্ষ্মীছাডি, আন্ দিকি একথানা চ্যালাকাঠ, কেমন করে বৌ চিটু করতে হয় দেখাই ত্রিজগৎকে । চ্যালাকাঠ পিঠে পডলেই তেজ বেরিয়ে যাবে ।”

“মারো না দেখি তোমার কত চ্যালাকাঠ আছে ।”

বলে দৃষ্টভঙ্গিতে সোজা শান্তভীর মুখোমুখি দাডিয়ে থাকে সত্যবতী নির্ভীক দুই চোখ মেলে ।

জীবনে অনেকবার রেগে জ্ঞানহারা হয়েছেন এলোকেশী, অনেকবার বুক চাপড়েছেন শাপমণ্ডি দিবেছেন দাপাদাপি করেছেন, কিন্তু আজকের মত অবস্থা বোধ হয় তাঁর জীবনে আসে নি ।

এ অবস্থা যে তাঁর কল্পনার বাইরে, স্বপ্নের বাইরে । তাই সহসা যেন নিখর হয়ে গেলেন তিনি, সাপের মত ঠাণ্ডা চোখে শুধু তাকিয়ে রইলেন সেই দুঃসাহসের প্রতিযুক্তির দিকে ।

ঠিক এই অবস্থায় থাকলে কতক্ষণে কি হত বলা শক্ত, কিন্তু ভাগ্যের কোঁতুকে আর এক অঘটন ঘটে গেল ।

এই নাটকীয় মুহূর্তে উঠানের বেড়ার দরজা ঠেলে বাড়িতে এসে ঢুকল নবকুমার ।

দুকেই যেন বজ্রাহত হয়ে গেল ।

এ কী পরিস্থিতি ।

সহস্র সাপের ফণার মত একরাশ চুলের ফণায় ঘেরা সম্পূর্ণ খোলামুখে এলোকেশীর মুখোমুখি অগ্নিবর্ষী দুই চোখে সোজা তাকিয়ে যে মেয়েটা দাঁড়িয়ে রয়েছে, কে ও ?

নবকুমারের বৌ নাকি ?

কিন্তু তাই কি সম্ভব ?

আকাশ থেকে বাজ পড়ছে না, পৃথিবীর মাটি ফেটে চৌচির হয়ে যাচ্ছে না, এমন কি প্রলয়ঙ্কর একটা ঝড়ও উঠছে ন', অথচ নবকুমারের বৌ নবকুমারের মার সামনে অমানি করে দাঁড়িয়ে আছে ?

আর নবকুমার ঢুক ই করে দাঁড়িয়ে পড়া সত্ত্বেও দৃকপাতমাত্র করছে না ?

অসম্ভব ! অসম্ভব !

এ অল্প আর কেউ !

নবকুমারের অজানিত পড়শীবাড়ির মেয়ে। হয়তো ভয়ঙ্কর কোন একটা কিছু ঘটেছে ওদের সঙ্গে।

নবকুমার গলাথাকারি দিতে ভুলে যায়, সরে যেতে ভুলে যায়, স্তম্ভিত বিশ্বাসে তাকিয়ে থাকে। বিপদ ঘে ঘোরতর ! 'অসম্ভব' বলে একেবারে নিশ্চিত হতেই বা পারছে কই ?

বৌয়ের মুখটা দেখবার সৌভাগ্য কোনদিন না হলেও এই মাসখানেকের মধ্যে কোন্ না বিশ-পঁচিশবার আভাসে ছায়ায় বৌকে দেখতে পেয়েছে সে। যদিও পাছে কেউ দেখে ফেলে বৌয়ের দিকে তাকিয়ে আছে নবকুমার, তাই সেই তাকানোটা পলকস্থায়ী হয়েছে মাত্র !

তবুও ক্যামেরার লেন্স পলকের মধ্যেই চিরকালের মত ছবি ধরে রাখে।

মুখ না দেখুক, সর্ব অবয়বের একটা ভঙ্গি তো দেখেছে।

আর দেখেছে ওই নীলাঘরীর আঁচলখানা।

অতএব মনকে চোখ ঠেরে লাভ নেই। চোখ বুজে স্বর্গকে অস্বীকার করতে যাওয়া হান্ডকর।

পড়শীবাড়ির কেউ নয়, ওই দৃষ্ট মূর্তি নবকুমারের বৌয়েরই।

যে বৌয়ের উদ্দেশে নবকুমার স্বপ্নে জাগরণে নিঃশব্দ উচ্চারণে ক্রমাগত গেয়েছে, গাইছে, "কণ না কথা মুখ তুলে বৌ, দেখ না চেয়ে চোখ খুলে।"

কিন্তু সে কী এই চোখ !

নবকুমার যেমন নিঃশব্দে এসেছিল, যদি পরিস্থিতি দেখে তেমনি নিঃশব্দে সরে পড়ত, তাহলে হয়তো নাটকের এই নাট্য-মূর্তিটা এমন চূড়ান্তে উঠত না, হয়তো সত্যবতী নির্ভীকভাবে সেখান থেকে সরে যেত, আর এলোকেশী জীবনে যত গালিগালাজ শিখেছেন, সবগুলো উচ্চারণ করতেন বসে বসে। আর স্বামী-পুত্র বাড়ি ফিরলে বৌয়ের এই মারাত্মক দুঃসাহস আর ভয়ঙ্কর দুর্বিনয়ের কাহিনী বিস্তারিত বর্ণনায় পেশ করতেন। তারপর গড়িয়ে যেত ব্যাপারটা।

কিন্তু নির্বোধ নবকুমার সেইখানেই দাঁড়িয়ে রইল হাঁ করে।

আর এক সময়ে এলোকেশীর চোখ গিয়ে পড়ল তার ওপর। দাওয়ার উপর তিনি, নিচে উঠানে ছেলে।

নবকুমারকে এভাবে হাঁ করে দাঁড়িয়ে থাকতে দেখে এলোকেশীও একবার হাঁ হয়ে গেলেন, তারপর সহসা সেই এতক্ষণের স্তব্ধ হয়ে থাকা হাঁ থেকে ভয়ঙ্কর একটা চিৎকার উঠল, “ওরে লক্ষ্মীছাড়া হতভাগা মেনিমুখো ছোঁড়া, পায়ে কি তোর জুতো নেই! জুতোয় জুতিয়ে ওর মুখটা যদি জন্মের শোধ ছেঁচে শেষ করে দিতে পারিস, তবে বলি বাপের বেটা বাহাদুর!”

কিন্তু নবকুমার নিশ্চল।

পরক্ষণেই সুরফের্তা ধরলেন এলোকেশী, “ওগো মাগো, কোথায় আছ দেখ গো, বেটা বেটার-বৌ দুজনে মিলে কী অপমানিত্তিটা করছে আমায়! ওরে নবা, বামুনের গরু, ছোটলোকের মেয়ে বিয়ে করে তুইও কি ছোটলোক হয়ে গেলি? দু পায়ে খাড়া দাঁড়িয়ে মাযের অপমানটা দেখছিস! তবে মার মার, কাঁ্যাটা আমাকেই মার। কাঁ্যাটা খাওয়াই উপযুক্ত শাস্তি আমার। নইলে এখনো ওই বৌকে ভিটের বুকো পা দিয়ে দাঁড়িয়ে থাকতে দিই? মাথা মুড়িয়ে ঘোল ঢেলে গলাধাক্কা দিবে বের করে দিই না? ওগো মাগো, বৌ আমায় ধরুঁ মারে আর তাই আমার ছেলে দাঁড়িয়ে দেখে!”

এতক্ষণে নবকুমার বোধ করি চেতনা ফিরে পায়, আর ফিরে পাওয়ার সঙ্গে সঙ্গে চৌ চৌ দৌড় মারে সেই খোলা দরজাটা দিয়ে।

ধিড়কির ঘাটে বাসন মাজছিল সত্বে, ঘাটের পাশ দিয়ে নবকুমারকে উর্ধ্বশ্বাসে দৌড়াতে দেখে দাঁড়িয়ে উঠে ছাইমাথা হাতটাই নেড়ে ডাক দেয়, “নবু কি হল রে? অ নবু, অমন করে ছুটছিল কেন?”



নবকুমার প্রথমটা ভাবল পিছুডাকে সাড়া দেবে না, ছুটে একেবারেই নিতাইয়ের বাড়ি গিয়ে পড়বে, তার পর বলবে, “জল দে এক ষটি।”

কারণ নিতাই হচ্ছে তার সব চেয়ে অন্তরঙ্গ বন্ধু! বিচলিত অবস্থায় তার কাছেই যাওয়া চলে।

কিন্তু সৌদামিনীর উত্তরোত্তর ডাকে কি ভেবে থমকে দাঁড়াল, ফিরল, তার পর গুটি গুটি এসে ঘাটের পাশে একটা ঝড়ে-পড়া তালগাছেব গুঁড়ির ওপর বসে পড়ে রুদ্ধকণ্ঠে বলল, “আমি আর বাড়ি ফিরব না সহৃদি!”

“কথার ছিরি শোন ছেলের। হল কি তাই বল?”

“সর্বনাশ হবেছে সহৃদি!”

“আরে গেল যা! সর্বনাশের কথা বলতে আছে নাকি?”

“হলে বলতে আছে বৈকি।”

সহ নবকুমারের প্রকৃতির সঙ্গে পরিচিত, তাই বেশী ভয় না পেয়ে বলে, “কেন, তোর মা হঠাৎ চড়ি ওন্টালো নাকি।”

“মা নয় সহৃদি, মা নয় আমিই। জানি না ঠিক বলতে পারছি না, আমি সত্যি বেঁচে আছি কিনা।”

“গায়ে চিমটি কেটে দেখ্।” বলে পুকুরের জলে হাত ডুবিয়ে ডুবিয়ে ছাই মাটি ধুতে ধুতে বলে সহ, “মামী বৃষ্টি রণচণ্ডী হয়ে তেড়ে এসেছিল?”

“জানি না।”

“জানিস না? ঞাকামি রাখ দিকি নবু, হব কি হয়েছে তাই বল, নয় যে দিকে যাচ্ছিল সেই দিকে যা। বেটাছেলে না মেঘেমাঝুয় তুই?”

“সহৃদি, যে দৃশ্য দেখে এসেছি, তা দেখলে অতি বড় বীর বেটাছেলেরও পেটের ভেতরে হাত-পা সঁধিয়ে যায়।”

“নাঃ, তোর দেখছি আর গৌরচন্দ্রিকে শেষ হয় না। বলবি তো বল, না বলবি তো যা। ভূত দেখেছিস না ডাকাত পড়া দেখেছিস তাও তো জানি না।”

নবকুমার বুকে বল করে, কণ্ঠে শব্দ আনে, ঝপ করে বলে ওঠে, “মাতে আর তোমাদের বৌতে মারামারি কবছে।”

“কি করছে মাতে আর বৌতে?”

চমকে উঠে বলে সৌদামিনী।

“বললাম তো, মারামারি করছে।”

সৌদামিনী এক মুহূর্ত স্তব্ধ থেকে তারপর বলে, “মারামারি কথাটা বলছিল কেন, মামী বৌকে ধরে ঠেঙাচ্ছে তাই বল। আর সেই দৃশ্য দেখে তুই মন্দ পুরুষ কাছা-কোঁচা খুলে ছুট মারছিল। কেন তুই মেয়েমানুষ হয়ে জন্মাস নি নবু তাই ভাবি। যাই দেখি ইতিমধ্যে কি এমন ঘটল। এই তো খানিক আগে বাসনের পাজা নিয়ে বেরিয়ে এলাম—দেখলাম মামী বেটার বৌয়ের চুল বাঁধছে, ইতিমধ্যে হলটা কি?”

“আমি তো এই ঢুকলাম বাডিতে। ‘মি নীগগির যাও সত্ৰদি।’

“যাই। বাবা পলকে প্রলয়, তিল থেকে তিলভাঙেশ্বর। কি হল একুনি?”

সৌদামিনী তাড়াতাড়ি বাসনগুলো ধুয়ে নিতে থাকে।

“আমি আজ নিতাইদের বাডিতেই থাকব সত্ৰদি। এই চললাম।”

সৌদামিনী ভুরু কুঁচকে বলে, “কদিন পরের বাডিতে থাকবি?”

“যতদিন চলে।”

“তার মানে নিজে গা বাঁচিয়ে কেটে পড়বি, আর পরের মেয়েটা, দুধের মেয়েটা তোর মার হাতে পড়ে মার খাবে।”

পরের মেয়ে এবং দুধের মেয়ে শব্দটাষ নবকুমারের বৃকের ভিতরটা মোচড় দিয়ে ওঠে, চোখে জল এসে যায়। কষ্ট গোপন করে বলে, “তা আমি আর কি করব।”

সৌদামিনী আডচোখে একবার ওর মুখচ্ছবি দেখে নিয়ে নির্লিপ্ত কণ্ঠে বলে, “দৃশ্য দেখে চলে না এলে পারতিস, তুই দেখছিল জানলে যতই হোক নিজেকে একটু সামলে নিত মামী, একেবারে শেষ করে ফেলত না। যাই দেখি ছুঁড়ি বাঁচল কি মরল।”

নবকুমার লজ্জা ত্যাগ করে সহসা বলে ওঠে, “যাই বল সত্ৰদি, যা দেখলাম ও তোমাদের বোঁটা পড়ে মার খাবার মেয়ে নষ।”

“আমারও তাই মনে হয়,” বলে সল্প সর্কোতুকে একটু হেসে বলে, “মারামারি না করুক, পড়ে মার খাবে না। তা তুই তো বলতেই পারলি না হযেছেটা কি?”

“গোড়া থেকে কি কিছু জানি ছাই। বাড়ি ঢুকেই দেখি দাওবায় হু প্রাণী হুমধোহুমুধি দাঁড়িয়ে। একজন সাপিনীর মতন হুঁসছে, আর একজন বাঘিনীর মতন গজরাছে।”

সৌদামিনী হেসে উঠে বলে, “বারে, তুই তো অনেক নাটুকে কথা শিখেছিস দেখছি। যাক কালে-ভবিষ্যতে কাজে লাগবে। তোর বৌও খুব পণ্ডিত।”

বৌয়ের গল্প কান ভরে শুনতে ইচ্ছে করে নবকুমারের, ভুলে যায় এইমাত্র তাকে বাঘিনীর সঙ্গে তুলনা করেছে সে নিজেই। কিন্তু গল্প বাড়বে কি উপায়ে? নবকুমার তো আর কথা ফেলে বাড়াতে পারে না?

শুধু ভাবে, ‘কালে-ভবিষ্যতে’!

সে কত কাল?

কোন ভবিষ্যৎ?

বাঘিনীর মূখটা বার বার মনে ধাক্কা দিচ্ছে। ভয়ঙ্কর, কিন্তু সুন্দর! কী বড় বড় চোখ, কী চমৎকার জোড়া ভুরু!

কিন্তু বৌও মায়ের মত রাগী হবে হযতো! লজ্জায় কুণ্ঠায় বিগলিত বোটি মাত্র থাকবে না। নবকুমারের কল্পনার সঙ্গে ঠিক খাপ খাচ্ছে কি?

ঠিক যেন কি একটা লোকসানের দুঃখে বুকটা টনটন করে ওঠে নবকুমারের।

কাদার পুতুলের মত একটি নিরীহ ভালমানুষ বো নবকুমারের ভাগ্যে জুটলে, কি এসে যেত ভগবানের! কত লোকেরই তো তেমন বো হয়!

কিন্তু সাপের ফণার মত চুলের ফণায় ঘেরা ওই মুখখানি।

ওতে যেন আগুনের আকর্ষণ!

নবকুমার পতঙ্গ মাত্র।

সৌদামিনী বলে, “বিরাগী হয়ে যাচ্ছিলি তো যা, মেলা রাত করিস নে। হাঁড়ি আগলে বসে থাকতে পারব না।”

হাঁড়ি!

রান্না!

ভাত!

এসব শব্দগুলো কাজে লাগবে আজ। নবকুমারের যেন বিশ্বাস হয় না। ভয়ে ভয়ে বলে, “আছি এখানটায় আমি—তুমি, তুমি একবার দেখে এসে খবরটা আমার দিতে পার না সতুদি? নিশ্চিন্দি হয়ে তা হলে আমাদের তাসের আড্ডায় যেতে পারি।”

“ওরে আমার কে রে, উনি বাবু বসে থাকবেন, আর আমি গুর জন্তে খবরের খালা বসে আনব।”

বলে খালা-বাসনের গোছাটা বাগিয়ে কাঁধের ওপর তুলে নেয় সহ। হাতে গামছার পুঁটলিতে ছোটখাটো। চলে যেতে যেতে ছোট ভাইকে আর একবার জভয় দেয় সে, “বৌয়ের চিন্তে করে মনখারাপ করিস নে, নেহাৎ যদি মামী খুন করে কাঁসির দায়ে না পড়ে তো ও বৌয়ের দ্বারাই শায়েস্তা হবে। বৌ তোর যেমন তেমন মেয়ে নয়।”

যদি খুন না করে!

যদিটা নবকুমারের বুকের মধ্যে কাঁটার মত খচখচিয়ে ওঠে, কিন্তু প্রশ্ন তুলতে পারে না, গুরু স্নিগ্ধমাণ হয়ে বসে থাকে।

“সফ্যে হয়ে আসছে, এখানে আর বসে থাকতে হবে না, যা কোথায বাচ্ছিলি ঘুরে আয়।”

সত লম্বা লম্বা পা ফেলে বাঁশবাগানের খানিকটা অতিক্রম করে। কিন্তু নবকুমার আবার পিছু নিয়েছে। উদ্ভ্রান্ত মুখ, ছলছল চোখ!

“সহদি, তোমার সঙ্গে আমি যাব?”

সহ মৃদু হেসে পা চালাতে চালাতেই বলে, “কেন, এই যে বললি আর কখনো বাড়ি ফিরবি না!”

“মনটা কি রকম যেন করছে সহদি!” বলে সঙ্গে সঙ্গে এগোতে এগোতে নবকুমার হঠাৎ হ্রস্ব বদলায়, “বৌ যদি মাকে অপমান করে থাকে, তারও শাস্তি করা দরকার।”

“গায়ে পড়ে কাউকে অপমান করবার মেয়ে সে নয় নবু, সেদিকে তুই নিশ্চিন্দ থাক। তবে কেউ যদি গা পেতে অপমান নিতে যায় সে আলাদা কথা। আসল কথা কি জানিস, বৌ হল উচুঘরের মেয়ে, শিক্ষাদীক্ষা উচু, লেখাপড়া জানে, বড় বড় বই পড়ে ফেলে, নিজে পয়সার বাঁধে—”

“জ্যা!”

স্থানকাল ভুলে নবকুমার প্রায় চুঁচিয়ে ওঠে, “মস্তরা করছ আমার সঙ্গে?”

“কি দরকার আমার? আকাশ থেকে কথা পেড়ে বলতেই বা যাব কি করে? আর ওসব আমি বুঝিই বা কি? বৌ আমার কাছে মনটা খোলে তাই টের পেরেছি।”

সহর কাছে মনটা খোলে।

হাথ, কবে সেই আকাজিক স্বর্গস্থ আসবে নবকুমারের ভাগ্যে, যেদিন নবকুমারের সামনে বৌ মন খুলবে।

সহ আশাব মুখ চালায়, “তোদের ঐ বাড়িতে বিয়ে হওয়া ওর উচিত হয় নি, এই বলে দিলাম পষ্ট কথা। তুই রাগ করিস আর যা-ই করিস, এ বাড়ি ওর যুগি নয়। মামীর পয়সাই আছে, নজর বলতে আছে কিছু? আর বৌয়ের ছোট নজর দেখার অভ্যেসই নেই। এই তো সেদিন মামী পাডার লোকের গয়না বাঁধা রেখে টাকা ধার দিয়ে স্নদ নেয় শুনে যেন চিমাঙ্ক হয়ে গেল বৌ।”

নবকুমার বিরক্ত স্বরে বলে, “তা ওসব কথা বলতে যাবারই বা দরকার কি?”

“বলতে আমি যাই নি রে বাপু তেব বৌয়ের কানে ধরে। ওর সামনেই ঘোষগিনী একজোড়া বাজু বন্দক নিয়ে দৈ-দস্তর করতে লাগল। সে বলে টাকায় এক পয়সা, মামী বলে টাকায় দেড পয়সা, এই আধপয়সা নিয়ে ধস্তাধস্তি। শেষ অবধি—”

শেষ অবধি কি হল তা আর শোনা হল না নবকুমারের, সহসা বাড়ির মধ্যে থেকে ভৎস্বর একটা চিৎকার রোল ভেসে এল।

“সর্বনাশ করেছে—”

সহর নিষেধবাণী ভুলে নবকুমার সর্বনাশ শব্দটাই আবারও ব্যবহার করল, “নিশ্চয় হবে গেল একটা কিছু।”

সহ ততক্ষণে বাড়ির মধ্যে ঢুকে পড়েছে।

আর নবকুমার?

সে চলৎশক্তি হারিয়ে দাঁড়িয়ে থাকে নিজেদেরই বাড়িখানার দিকে তাকিয়ে।

ভীক ভীক সাহুনাঙ্গিক এই স্বরটা কার?

এ তো এলোকেশীর।

তবে হলটা কি?

কিন্তু যাই ঘটুক, সব কিছু ছাপিয়ে নবকুমারের প্রাণটা হাহাকারে ভরে উঠল এই ভেবে—এই অ-সাধারণ বৌ নিয়ে স্বর করা হল না নবকুমারের অদৃষ্টে।

মা হয় বোকে 'মড়িপোড়ার ঘাটে' পাঠাবে, নয় জন্মের শোধ বাপের বাড়ি বিদেয় করে দেবে।

যার চিংকার উত্তরোত্তর আকাশে উঠছে।

আর দলে দলে পড়শীরা নবকুমারের বাড়ির দিকে দৌড়ছে।

নবকুমার যাত্রাগানের দর্শকের মত পাথর হয়ে দাঁড়িয়ে দেখতে থাকে সেই দৃশ্য।

## ॥ একুশ ॥

ত্রিবেণীর ঘাটে এসেছিলেন রামকালী। রোগী দেখতে নয়, যোগে গঙ্গান্নান করতে। একাই আস্ত একটা পারানী নৌকা ভাড়া করেছিলেন স্নানের জন্তে। পাঁচজনের সঙ্গে ঠেলাঠেলি করে নৌকা বোঝাই হয়ে যেতে রামকালী ভালবাসেন না। দরকার হলে একাই ভাড়া করেন।

আগে অবশ্য এমন একা নৌকানয়ন সহজ হত না। কারণ রামকালী যোগের স্নান করতে ত্রিবেণী যাচ্ছেন, কি কাটোয়া যাচ্ছেন, কি নবদ্বীপ যাচ্ছেন টের পেলে সত্যবতী একেবারে নাছোড়বান্দা হয়ে পেয়ে বসত। পায়ে পায়ে ঘুরে কাকুতি-মিনতি-করা মেয়েকে রামকালী এড়াতে পারতেন না, সঙ্গে নিতেন। অগত্যাই নেড়ু আর পুণ্ডি। ওদের ফেলে রেখে শুধু নিজের মেয়েকে নিয়ে কোথাও যাবেন, এমন দৃষ্টিকটু কাজ রামকালীর পক্ষে সম্ভব নয়।

ওরা যেত।

রামকালী জলে সাবধান করতেন। আর স্নানের শেষে ঠাকুর-দেবতা দেখিয়ে নিয়ে ফিরতেন। ঘাট আর পথ, নৌকা আর মন্দির-প্রাঙ্গণ মুখর হয়ে উঠত ছোট্ট একটা বাক্যবাগীশ মেয়ের বাক্যশ্রোতে।

আজকে শুধু জলের উপর দাঁড়টানার ছপাং ছপাং শব্দ। উন্মুক্ত গঙ্গাবক্ষের দিকে তাকিয়ে ছোট্ট একটা নিখাস ফেললেন রামকালী।

আকাশের পাখিটা খাঁচায় বন্দী হয়ে কেমন আছে কে জানে!

পুণ্ডিটারও বিয়ের ঠিক হয়ে আছে।

গত ক-মাস “অকাল” ছিল বলে বিয়ে হয়নি। কিন্তু পুণ্যি অল্প ধরনের মেয়ে। নেহাৎ দত্তার “প্রজ্ঞা” হিসেবে দস্তিচালি করে বেড়িয়েছে, নচেৎ একান্তই ঘরসংসারী মেয়ে সে। খাচার পাখি হয়েই জন্মেছে পুণ্যি আর পুণ্যির মত মেয়েরা।

কিন্তু সত্যর মত দ্বিতীয় আর একটা মেয়ে আর দেখলেন কই রামকালী ? যে মেয়ে প্রতি পদে প্রশ্ন তুলে জানতে চায় “কী” আর “কেন” !

খোলা গঙ্গার দিকে তাকিয়ে আর একবার মনে হল রামকালীর, কতদিন যোগে স্নান করি নি ! মনে হচ্ছে যেন দীর্ঘকাল। আর একটা নিশ্বাস পড়ল।

মান্নিটা একবার কথা কয়ে উঠল, “খুকী শশুরঘরে কতাবাবু ?”

রামকালী বললেন, “হঁ।”

আর বার দুই ছপাং ছপাং করে মান্নিটা ফের বলে উঠল, “থাকবে এখন ?”

সংক্ষেপে “দেখি” বলে আলোচনায় ইতির স্বর টানলেন রামকালী। পুণ্যির বিয়ে আসছে, এই যা একটু আশার আলো দেখা যাচ্ছে, নইলে থাকবে ছাড়া আর কি। চিরকালই থাকবে সেখানে। আর সেইটাই তো কাম্য। মোক্ষদার মত অনবচ্ছিন্ন রূপ আর অশেষ তীক্ষ্ণতা নিয়ে আজীবন বাপের ঘরে বসে জ্বলতে থাকবে, এমন ভাগ্য কেউ মেয়ের জন্মে প্রার্থনা করে না। ঘরে থাকার মেয়ে মানেই দুভাগা মেয়ে। অথচ মাঝে মাঝে পালেপার্বণে কি ভাত-পৈতে-বিণেয় কুটুম্বের মত যে আসা, সে আসায় মায়ের প্রাণ ভরতে পারে, বাপের ভরে না। অতএব তাতে ইতি হয়ে গেছে।

কিন্তু শুধু মেয়ে-সন্তান কেন, পুত্র-সন্তান হলেই বা কতটুকু তফাৎ ? ছেলে ঘরে থাকে, ছেলের ওপর জোর খাটে, এই পর্যন্ত। ছেলে বড় হয়ে গেলে, আর কি তাকে দিয়ে মন ভরে ? তাই হয়তো মাহুস জীবনের মধ্যে বায়ে বায়ে নতুন শিশুকে ডেকে আনে জীবনকে সরস রাখতে, ভরাট রাখতে। আবার তার পরেও আশ্রয় খোঁজে ‘টাকার স্বদে’র মধ্যে।

নিত্যানন্দপুর ঘাট থেকে জিবেণী ঘাট সামান্য পথ।

মান্নি নৌকা বাঁধল।

আর ঘাটে নেমেই প্রথম যার সঙ্গে চোখোচোখি হল রামকালীর, সে হচ্ছে “রানার” গোকুল দাস। দূর থেকে রামকালীকে নামতে দেখে ছুটে ছুটে আসছে সে।

কাদার উপরই আত্মমি এক প্রণাম করে, কৃতার্থস্বল্প গোকুল সবিনয় হাস্যে বলে, “আজ আমার কী ভাগ্যি কস্তাবাবু, কী ভাগ্যি !”

রামকালী মুত্ হেসে বলেন, “সন্ধ্যা বেলা হঠাৎ ভাগ্যের এত জয়-জয়কার যে গোকুল !”

গোকুল বলে, “তা জ্ঞোকার দেব না আজ্ঞে ? এই আপনার সঙ্গে দেখা হবে গেল। নইলে তো যেতে হত সেই নিত্যোন্দপুয়ে। এই দিন, পত্নর আছে আপনার।”

পত্ন ।

কলকাতা থেকে আসছে। অভাবনীয ।

বিস্মিত হলেন রামকালী, কিন্তু বিশ্বয় প্রকাশ করলেন না। খামে আঁটা চিঠিটা নিজের পরিত্যক্ত গাজবস্ত্রের উপর রেখে দিয়ে বললেন, “আচ্ছা ঠিক আছে। ভাল তো সব ?”

“আপনার আশীর্বাদে আজ্ঞে।” বলে ঈষৎ উসখুস করে গোকুল বলে ফেলে, “কলকাতার চিঠি আজ্ঞে ?”

“তাই তো দেখছি,” বলে রামকালী গামছা কাঁধে ফেলে জলে নামেন। প্রথম সূর্যের কাঁচা রোদ ঝলসে ওঠে কাঁচা সোনার রঙের দীর্ঘ দেহখানির উপর। গোকুল হাঁ করে তাকিয়ে থাকে। থাকতে থাকতে মনে ভাবে—“ইস, যেন আকাশের দেবতা। কী দিব্য অঙ্গ !”

পত্নের কথা মন থেকে সরিয়ে ফেলে, যথাক্রমে সব সেরে উত্তরীয়ের কোণে পত্নধানী বেঁধে মন্দির-দর্শনে অগ্রসর হলেন রামকালী। অগত্যাই গোকুল আর একটা সাষ্টাঙ্গ সেরে বিদায় নিল। কলকাতা থেকে কার পত্ন এল সে কোতূহল আর মিটল না তার।

নৌকোয় বসে চিঠি খুললেন রামকালী।

আর পড়ে শুরু হবে গেলেন।

এই সকালের আলো তার সমস্ত উজ্জলতা হারিয়ে যেন আসন্ন সন্ধ্যার মত মলিন হবে গেল। সত্ত গঙ্গান্নানে নির্মল রামকালী যেন একটা অপবিত্র ভ্রব্যের সংস্পর্শে এসে নিজেকে অশুচি বোধ করলেন।

চিঠি কোনূ-পরিচিতের নয়। অজ্ঞাত ব্যক্তির।

তাছাড়া নিচে কোন নাম-দস্তখতও নেই।



বেনামী এই চিঠিতে শুধু সখোধনের বাগাড়ম্বর অনেক। কিন্তু সেটাই তো কথা নয়। চিঠির বক্তব্য এ কী ভয়ঙ্কর।

বার বার পড়ার পর আরও একবার চিঠিখানা সামনে মেলে ধরলেন রামকালী।

হস্তাক্ষর স্ৰষ্টাদের, লাইনগুলি পরিপাটি, বানান বিশুদ্ধ। কোন “লিখিত পড়িত” লোকের দ্বারা লেখা, সে বিষয়ে সন্দেহ নেই, উপরে ‘শ্রীশ্রীবাগ্‌দেবী শরণং’ দিবে শুরু—

‘মহামহিমার্গব শ্রী শ্রীযুক্ত রামকালী চট্টোপাধ্যায় বরাবরেন্—যথাযোগ্য সম্মান-পুরস্কার নিবেদনযেতৎ, অত্রপত্রে এই জ্ঞাত করাই যে, মহাশয়ের কল্মার অতীব বিপদ। তিনি তাঁহার শ্বশ্রুগৃহে যারপবনাই লাঞ্চিত উৎপীড়িতা ও অপমানিতা রূপে কালযাপন করিতেছেন। বলিতে মন শিহরিত ও কলেবর কম্পান্বিত হইলেও জ্ঞাতার্থে লিখিতেছি, আপনার কন্যা তাঁহার পূজনীয়া শ্বশ্রুমাতা কর্তৃক প্রহারিতাও হইতেছেন। সেই অবলা বালিকাকে রক্ষা করে নিষ্ঠুর পাষণপুত্রীতে এমন কেহই নাই। আপনার জামাতা ধর্মপত্নীর এবন্ধিধ নির্যাতনে অবিরত অশ্রু বিসজ্জন সার করিয়াছে। গুরুজনদিগের উপর তাহার আর কি বলিবার সাধ্য আছে? এবশ্রকার অবস্থায় মহাশয় যদি সত্যর কন্যাকে নিজগৃহে লইয়া যান তবেই মঙ্গল। নচেৎ কি যে হইতে পারে চিন্তা করিতে মস্তক ঘূর্ণিত হইতেছে। মহুশ্রজনোচিত কর্তব্য বোধে ইহা আপনার গোচরে আনিলাম। নিজ গুণে ধৃষ্টতা মার্জনা করিয়া কৃতার্থ করিবেন। অলমতিবিস্তারেন। ইতি—”

না, নাম-স্বাক্ষর নেই।

পত্র লেখকের বাচালতা বা বাগাড়ম্বরে কোঁতুক বোধ করবেন, এমন মানসিক অবস্থা থাকে না রামকালীর। চিঠিটা আন্তে আন্তে মুড়ে মেরজাইয়ের পকেটে রেখে দিবে এই রৌদ্রকরোজ্জ্বল পৃথিবীর দিকে তাকিয়ে থাকেন তিনি।

এত আলো পৃথিবীতে, তবু পৃথিবীর মানুষগুলো এত অন্ধকাবে কেন।

কিন্তু কে এই পত্র-লেখক?

সত্যর শ্বশ্রুস্বাভির কোন শত্রু? এভাবে মিথ্যা অপবাদ দিবে পত্র লিখে তাঁদের অনিষ্টসাধন করতে চায়? কিন্তু তাহলে চিঠিতে কুলকাতার ছাপ কেন? কলকাতা থেকে এ চিঠি আসে কি করে?

ভেবে ভেবে অবশ্য একটা সিদ্ধান্তে পৌঁছলেন রামকালী। পত্র-লেখকের অবশ্যই কলকাতায় যাতায়াত আছে, এবং নিজেকে গোপন রাখতে কলকাতায় অবস্থানকালে পত্র প্রেরণ করেছে।

তবু একটা সমস্যা থেকেই যায়।

পত্রের মধ্যস্থিত ওই বীভৎস সংবাদটা সত্যি, না শত্রুপক্ষের মিথ্যা রটনা?

রামকালী কি একেবারে নিজে গিয়েই তদন্ত করবেন, না লোক পাঠাবেন? বাইরের লোক গিয়ে কি ভিতরকার প্রকৃত তথ্য আবিষ্কার করতে পারবে? এক যদি কোন স্ত্রীলোককে পাঠানো যায়।

যারা বারো মাস রামকালীর সংসারে খেটে খায়, চিঁড়ে-কোটানি মুড়ি-ভাজুনি ইত্যাদি তাদেরই কারো একজনকে একটা সঙ্গী ও রাহা খরচ দিলে খবর এনে দিতে পারে। পল্লীগ্রামে সচরাচর এরাই কাজ করে। কিন্তু রামকালীর ওদের কথা ভেবে চিন্তা বিমুখ হল। কোন খবর ওরা জানা মানেই সাতখানা গ্রামের লোকের জানা। ঈশ্বর জানেন কী খবর আনবে, আর সেই নিয়ে সারা গ্রামে আলোচনা চলবে।

মনে হল সত্য যদি নিজে চিঠি লিখত।

চিঠি লেখবার মত বিত্তে সত্যি অর্জন করেছে। কিন্তু করে আর লাভ কি? পিজালবে নিজের খবর জানিয়ে চিঠি দেবে এমন সাধ্য বা সাহস তো হবে না। তবে আর মেয়েদের লেখাপড়া শিখে লাভ কি?

বৃকের মধোটা কেমন মোচড় দিয়ে উঠল স্থিতপ্রজ্ঞ রামকালী কবরেজের; চোখের সামনে ভেঙ্গে উঠল সত্যের সেই দৃপ্ত মুখচ্ছবি। সেই সত্য পড়ে মার খাচ্ছে। এ যে বিশ্বাস করা একেবারে অসম্ভব।

না না, এ মিথ্যা চিঠি।

শত্রুপক্ষের কাজ!

নইলে কেনই বা? ভাবলেন রামকালী, সত্যের ওপর নির্ধাতন চালাবে কেনই বা? অকারণ এত হিংস্র কখনো হতে পারে মানুষ? তাছাড়া লুপ্ত তো শাস্ত্রী নয়। তার খবর রয়েছেন। হাজার হোক একটা উদ্রব্যক্তি, তাঁর জ্ঞাতসারে এ রকমটা হওয়া কখনই সম্ভব নয়। আর বাড়ির লোকেরও অজ্ঞাতসারে যদি কোন পীড়ন চলে, পাড়ার লোকে টের পাবে কি করে?

আবার ভাবলেন রামকালী, সত্যবতী তাদের একমাত্র পুত্রবধু। বিনা প্রতিবাদে রামকালী তাকে খত্তরঘর করতে পাঠিয়ে দিয়েছেন, তার সঙ্গে ঘর-

বসত হিসাবে প্রচুর সামগ্রী পাঠিয়েছেন, যাতে অন্তত শান্তডীর মন ভোলে।  
তবু তারা সত্যকে নির্ধাতন করবে ?

তাই কখনও সম্ভব ?

বললে দোষ, ভাবতে বাধা নেই, মেয়ের বিয়ের সময় ঘটক আনীত নানা  
পাত্রের মধ্যে এই পাত্রটিকেই পছন্দ করেছিলেন রামকালী, কেবলমাত্র তাদের  
পরিবারের লোকসংখ্যা কম বলে। সেই শৈশব থেকেই লক্ষ্য করেছেন, তাঁর  
মেয়ে জেদী তেজী অনমনীয়। বৃহৎ গোষ্ঠীর অনেকের মন যুগিয়ে চলা হয়তো  
তার পক্ষে সহজ হবে না, সে বোধ রামকালীর ছিল, তাই ভেবেছিলেন  
এইখানেই ভাল। বাপের একমাত্র ছেলে ? দোষ কী ? সন্তাও তো তার  
বাপের একমাত্র মেয়ে।

ঘরজামাইয়ের সাধ একেবারেই ছিল না রামকালীর। শুধু এইটুকু মনে মনে  
ভেবেছিলেন, ছেলেটা যেন নেহাত বাঙামুলো না হয়। লেখাপড়ার একটু  
ধার যেন ধারে। তা সে সাধটুকু মিটেছিল রামকালীর, মিটছিলও। জামাই  
তখনই ছাত্র-বৃত্তি পাস, টোলে সংস্কৃত শিখছে।

তারপর লোক-পরম্পরায় শুনেছিলেন, জামাই নাকি ইংরেজি ভাষা  
শিখতে উছোগী হয়েছে। শুনে সন্তুষ্ট হয়েছিলেন রামকালী। নিজে সামনে  
উপস্থিত না হলেও জামাইয়ের খবর তিনি লোক-মারফত নিন্তেন, এবং  
এটুকু জেনে নিশ্চিত ছিলেন, ছেলেটা কুসঙ্গে মেশে না, বদ খেলার দিকে  
যায় না।

সবই তো একরকম ছিল, হঠাৎ এ কী বিনামেঘে বজ্রপাত।

অবশেষে আবার ভাবলেন, এ শত্রুপক্ষের কাজ।

কিন্তু মনের মধ্যে যে আলোডন উঠেছিল, সেটাকে একেবারে চেপে ফেলে  
নিশ্চিত হয়ে থাকতে পারলেন না রামকালী, স্থির করলেন তিনি একবার  
নিজেই যাবেন বেহাইবাড়ি।

মান খাটো হবে ?

তা যেদিন জামাইয়ের ঠাঁটু ধরে কল্যা-সম্প্রদান করেছেন, সেইদিনই তো  
মান গেছে। সেকালের মত তো রামকালী মেথেকে স্বয়ংরা করতে  
পারেন নি !

তাছাড়া একেবারে অকারণ জামাইবাড়ি যাওয়ার অগোঁরবটা পোহাতে  
হবে না। পুণিয়ার বিয়েকে উপলক্ষ করে মেয়ে নিবে আসতে চাইবেন। সেই

সঙ্গে জামাই-বেহাইকেও নিমন্ত্রণ করে আসা হবে। রামকালী নিজে গিয়ে নিমন্ত্রণ করছেন, এর চেয়ে সৌজন্য আর কি হতে পারে ?

ত্রিবেণী থেকে ফিরে রামকালী দীনতারিণীর কাছে সংকল্প ঘোষণা করলেন, “মনে করছি একবার বারুইপুর যাব।”

বারুইপুর ! সত্যর শুল্লরবাড়ি ?

দীনতারিণী চমকে উঠে বললেন, “কেন, হঠাৎ ? সত্যর কোন রোগ-ব্যামো হয় নি তো ?”

“কী আশ্চর্য ! রোগ-ব্যামো হবে কেন ?” রামকালী শাস্তভাবে বললেন, “ভাবছি পুণিয়াটার বিয়ে হয়ে যাবে, তারপর দুজনের কবে দেখা-সাক্ষাৎ হয় না হয়, গলাগলি বন্ধ দুটোতে ! বিয়ের আগে কিছুদিন একসঙ্গে থাক।”

দীনতারিণী ছেলের মুখের দিকে তাকিয়ে থাকেন। এত সহজ ভাষা, এত সহজ কথা ! রামকালীর মুখে !

ছেলেকে তো তিনি “পাথরের ঠাকুর” আখ্যা দেন।

সহজ কথা।

তবু রামকালীর মুখ থেকে উচ্চারিত হয় বলেই কেউ সহজভাবে নিতে পারে না।

মোকদ্দা খরখরিয়ে বলেন, “এ আর অমনি নয়, লিখিপড়ি-উলি বিছোবতী মেনে, নিষ্ঘাত লুকিয়ে বাপকে চিঠি লিখেছে, ‘বাবা আমার নিয়ে যাও, আর ঘোমটা দিয়ে থাকতে পারছি নে’।”

শিবজায়া আনতমুখী ভুবনেশ্বরীর দিকে কটাক্ষপাত করে কাতর-কাতর মুখে বলেন, “আমার কিন্তু তা মন নিচ্ছে না ছোটঠাকুরঝি। মনে হচ্ছে কোন কু-খবর আছে, রামকালী চাপছেন।”

বলা বাহুল্য এর পর আর ভুবনেশ্বরীর ডুকরে কেঁদে ওঠা ছাড়া গতি থাকে না।

ভুবনেশ্বরীর একমাত্র অন্তরের স্তম্ভদ্বয় অসমবয়সী এবং অসমসম্পর্ক হলেও ভাস্করপো-বৌ সারদা। কিন্তু এমনি কপালের দুর্ভেদ্য ভুবনেশ্বরীর যে, সারদা আজ চার মাস কাল বাপের বাড়ি।

দ্বিতীয় সন্তানের আবিভাব ঘোষণাতেই তার এই পিতৃগৃহে স্থিতি ।

না, সেই এক অন্ধকার রাত্রে রাহুর সঙ্গে কলহ করে ডোবার জলে ডুবে মরে নি সায়দা । শুধু অন্ধ ঘরে ননদদের কাছে গিয়ে শুয়েছিল । সে শুধু একটাই রাত । রাতের পর রাত পারবে কেন ?

শশুরবাড়ির বৌয়েব রাতটুকুই তো মক্ভূমিতে সরোবর । মৃত্যুপুরীর মধ্যে জীবন । যত বড় দুঃখ মানই হোক, সে মান খাটো না করে উপাষ থাকে না তাদের ।

সকলেবই তাই । রাত্রে ভুবনেশ্বরীরও কান্নার বেগ অসম্বরণীয় হয়ে ওঠে । রামকালী অপর চোঁকি থেকেও সেটা টের পান । কিছুক্ষণ ঘুমের ভান করে চূপচাপ থাকলেও শেষ পর্যন্ত আর চূপ করে থাকা সম্ভব হয় না । মৃদুস্বরে বলেন, “অকারণ কঁাদছ কেন ?”

বলা বাহুল্য, এ প্রশ্নে যা হয় তাই হল ।

কান্নার আবেগ আরও প্রবল হল ।

রামকালী বললেন, “ছেলেমাহুঁষি করো না । এস, কাছে এস, কান্নার কারণটা শুনি ।”

ভুবনেশ্বরী চোখ মুছতে মুছতে উঠেই এল । এসে স্বামীর বিছানার এক প্রান্তে বসে চোখে আঁচল ঘষতে লাগল ।

রামকালী ক্ষুব্ধস্বরে বললেন, “তুমিও যদি ওই সব গিন্নীদের মত হও, তাহলে তো নাচার । অপরাধের মধ্যে বলেছি পুণ্যির বিয়ে উপলক্ষে সত্যকে কিছুদিন আগেই আনব । নিজে গেলে আর ওরা অমত করতে পারবে না । কিন্তু এই সহজ কথাটা না বুঝে সবাই মিলে এমন কাণ্ড করছ যে, মনে হচ্ছে বুঝি কি একটা অমঙ্গলই ঘটে গেছে । আশ্চর্য !”

“তা কিছু নয় ।” ভুবনেশ্বরী কষ্টে বলে, “মেয়েটার জন্তে প্রাণটা উত্তলা হচ্ছে তাই—”

“হচ্ছে ঠিকই । হওয়াও স্বাভাবিক ।” রামকালী স্নেহ-গম্ভীর স্বরে বলেন, “তোমার একমাত্র সন্তান । কিন্তু কান্নাকাটি করলেই তো আর কিছু সুরাহা হয় না । মাষের প্রাণ উত্তলা হয়, বাপের প্রাণেই কি একেবারে কিছু হয় না ?” আর একটু ক্ষুব্ধ হাসি হাসলেন রামকালী ।

ভুবনেশ্বরীর পক্ষে এ কথার জবাব দেওয়া সম্ভব নয় ।

অপ্রতিভ হয়ে বসে থাকে বেচারী।

একটু পরে রামকালী বলেন, “যাও, ভগবানেব নাম স্মরণ করে শুবে পড় গে। দেখি যদি নিষে আসতে পারি।”

ভুবনেশ্বরী সহসা আবার কেঁদে ভেঙে পড়ে বলে, “আমার মন বলছে ওরা পাঠাবে না।”

রামকালী আর কিছু বলেন না, ‘দুর্গা দুর্গা’ বলে পাশ ফিরে শুয়ে পড়েন। ভুবনেশ্বরী অনেকক্ষণ কেঁদে অবশেষে এসে শোষ।

পরদিন মেঘের বাড়ি যাত্রার আয়োজন করেন রামকালী।

ইংরিজি পড়া আপাতত বন্ধ আছে, কারণ ভবতোষ মাস্টার গ্রামে নেই। ছাত্রদের জন্ত ‘সেকেন্ড বুক’ সংগ্রহ করতে কলকাতায় গেছে। নবকুমারের তাই এখন অনেক অবসর। কিন্তু হায়, অবসরকে কুস্থমমণ্ডিত করে তুলবে, এ ভাগ্য নবকুমারের কই? বাড়িতে যে দু-দুঃ বিশ্রামস্থল উপভোগ করবে, খাবে মাথবে থাকবে, তাবও জ্ঞো নেই। সেখানে জাগন্ত অবস্থায় যতক্ষণ থাকে ততক্ষণই ভবে জ্বংকম্প হতে থাকে তার।

কিন্তু ঘুমন্তই বা থাকে কতক্ষণ?

রাত্রে এখন আর সেই মহিষ-বিনিন্দিত ঘুম নেই নবকুমারের। বিছানায় শুয়ে ঘুম আসে না, ওঠে, বসে, পায়চারি করে, জল খায়, আবার শোষ, এইভাবে অনেকটা সময় কাটে। দিনের বেলা কর্মহীনের কর্ম, নিষ্কর্মার গতি, পুকুরে ছিপ ফেলা।

বন্ধু নিতাই আর সে দুজনে সারা দুপুর সেই কাজটা করে। আজও করছিল। কাৎনা থেকে চোখ তুলতে হঠাৎ চোখ পড়ল নিতাইয়েরই।

বলল, “অমন বাহারে পালকি চড়ে কে আসছে বল দিকি?”

নবকুমার তাকিয়ে বলল, “তাই তো! দিব্যি পালকিখানা। তবে আসছে না বোধ হয়, গাঁ পার হচ্ছে।”

বলল, কিন্তু দুজনের একজনও চোখ ফেরাতে পারল না।

আর কম্পিত চিত্তে ভীত পুলকে দেখল পালকি তাদের দিকেই আসছে।

নবকুমার বলল, “ছিপ ফেলে রেখে চৌ চৌ দৌড় দিই আর।”

নিতাই সবিস্ময়ে বলে, “কেন, পালাব কেন?”

“আমার মন বলছে এ পালকি নিত্যেন্দ্রপুত্রের।”

“জ্যা ! চিনিস বুঝি ?”

“চিনব কেন, অল্পমান ! মেয়ে নিতে পাঠিয়েছে নিযাস। নিতাই, আমি পালাই।”

নিতাই গর কৌচার খুঁট চেপে ধরে বলে, “পালাবি ম’নে ? হেস্তনেস্ত দেখবি না ?”

আর একটু তর্কাতর্কি হয় দুই বন্ধুতে এবং সত্যি বলতে, নবকুমার যতই পালাবার চিন্তা করুক, নভতেও পারে না। টিকটিকির শিকারী দপ্তর সম্মোহনী শক্তিতে আকর্ষিত কীটের মত নির্জীব হয়ে বসে থাকে।

পাল্কি এই দিকেই আসে, আরোহীর নির্দেশে বেহারা বা এখানেই নামায়, এবং আরোহী না নেমেই হাতছানি দিয়ে ডাকেন ওদেব। ঘাটের ধার থেকে দুজনেই উঠে আসে কৌচার খুঁটটা টেনে গায়ে দিতে দিতে।

“তোমরা এ গ্রামের ?”

দ্রাট গস্তীর এই কর্তৃত্ববে বুক কেঁপে ওঠে দুজনেরই। এবং যদিও নবকুমার খবরকে চেনে না, বিয়ের সময় তাকিয়ে দেখেও নি, ড-ডবার ষষ্টিবাটায় নেমস্তন্ন করেছিল, অস্থখের ছতো করে যায় নি। ভয়েই যায় নি। তবু তার মন বলতে থাকে, এ সেই। এ সেই।

হ্যা, রামকালীঠ। তিনি ওদের ঘাডনাড়া উত্তরের পর আবার বলেন, “এ গ্রামের ছেলে, না ভাগিনেয় ?”

নিতাই এগিষে এসে বলে, “আজ্ঞে আমি ভাগিনেয়, শ্রীযুক্ত কুম্ভধন দত্ত আমার মাতুল। আমার নাম নিতাইচন্দ্র ঘোষ। আর এ বাঁড়ুঘোষাভির ছেলে নবকুমার বাঁড়ুঘো। আমার বন্ধু।”

নবকুমার বাঁড়ুঘো।

রামকালীর দুই চোখে একটা বিদ্রাভের আভা খেলে যায়, নিশ্চিত হন অহুমান ঠিক। আর একবার ভাল করে আপাদমস্তক দেখে নেন ছেলেটার। দেখে নেন গর মেবেলি মেবেলি দুধেআলতা-গোলা রং, আলতা-গোলা ঠোট, আর রোদে ঝলগানো টুকটুক লালরঙা মুখ। তার পর নেমে আসেন পাল্কি থেকে।

গস্তীরতর স্বরে বলেন, “আমি রামকালী চাটুঘো।”

বসে পড়বার একটা স্বযোগ পেয়েই বোধ হয় বেঁচে যায় ছেলে দুটো, তাড়াতাড়ি বসে পড়েই রামকালীর চরণ-বন্দনা করে।

“থাক থাক” বলে উভয়ের মাথাতেই একটু হাতের স্পর্শ দিয়ে রামকালী একবার নিতাইয়েব দিকে দৃষ্টিক্ষেপ কবে নবকুমারকে উদ্দেশ করে বলেন, “এ যখন তোমার বন্ধু, তখন এর সামনে কথা বলতে বাধা নেই, জিজ্ঞেস করছি, এইভাবে মাছ ধরেই দিন কাটাও নাকি?”

নবকুমারের থুতনি বৃকে ঠেকে। কিন্তু কাষস্থ বংশধর নিতাই, ওর থেকে অনেক চটপটে চৌকস। আর নির্ভীকও বটে।

সে ভাভাতাডি বলে, “না আজ্ঞে, অল্পদিন ছুপুববেলা আমরা মাস্টারের বাড়ি পড়তে যাই। আজ তিনি—”

“কি পড়তে যাও?”

নবকুমার পিছন থেকে প্রবল চিমটি কেটে বন্ধুকে নিষেধ করে, যাতে ইংরিজি পড়াটার কথা না বলে ফেলে। বলা যায় না, স্নেহ ভাষা অধ্যয়নের সংবাদে ক্ষেপে ওঠে কিনা এই ভয়ঙ্কর লোকটা।

ভয়ঙ্কর ?

অস্তুত নবকুমারের তাই লাগছে।

কিন্তু নিতাই নিষেধের মাগ্ন রাখে না। ববং একটু বিনয়-আচ্ছাদিত গর্বিত ভঙ্গীতেই বলে, “আজ্ঞে ইংরিজি।”

“ইংরিজি! তা বেশ। কতদূর পড়েছ?”

“ফার্স্ট বুক সেকেও বুক সারা হয়ে গেছে আজ্ঞে। এখন—”

“ভাল, শুনে সুখী হলাম। তা আজ পড়তে যাও নি যে?”

প্রশ্নটা নবকুমারকে, তবু উত্তরটা দেয় নিতাই-ই, “মাস্টার মশাই বই আনতে কলকাতায় গেছেন।”

“কলকাতায়! ওঃ! হুঁ। যাক বাবাজী, তোমার সঙ্গে একটা কথা আছে! জানতে চাইছি, গ্রামে তোমাদের কোন শত্রু আছে?”

“শত্রু।”

নবকুমার বিস্ময় ভাবে তাকিয়ে থাকে।

কোনও শত্রু!

এলোকেশীর মতে তো গ্রামস্থ সকলেই তাদের শত্রু।

“হ্যাঁ, শত্রু। মানে যে তোমাদের অনিষ্টকারী! মিথ্যা অপবাদ রটিয়ে তোমাদের ক্ষতি করতে চায়! এমন কোনও লোক আছে মনে হয়?”

নবকুমার আস্তে আস্তে নেতিবাচক মাথা নাড়ে, কিন্তু শুভক্ষণে নিতাই



অল্প উত্তর দিয়ে বসেছে, “আজ্ঞে গায়ে তো সবাই সবাইয়ের শত্রু। ওই ওপরেই দেখন-হাসি। আর নবুর মার মেজাজের জন্তে তো—”

“খাক ও কথা—” মুহূ ধমক দিয়ে ওঠেন রামকালী, মেঘমল্ল স্বরে বলেন, “গ্রামের সকলের হাতের লেখা চেন ? বলতে পার এ লেখা কার ?”

মেঘজাইয়ের পকেট থেকে চিঠিখানা বার করে সামান্য একটু মেলে ধরেন রামকালী।

কিন্তু মেলে ধরবার দরকারই বা কি, ওরা তো জানে এ লেখা কার ! ভবতোষ মাস্টারের। আর লেখার প্রেরণা নিতাই নিজে। মাস্টারের কাছে হতভাগ্য নবকুমারের ধর্মপত্নীর যন্ত্রণাময় জীবনের কাহিনী দিব্য বিশদ করেই বলেছিল সে, এবং সহসা ভবতোষ মাস্টার ঘোষণা করেছিল, “আচ্ছা, আমি এর প্রতিকার সাধনে যত্ববান হব। সাহেবদের দেশে কদাপি কেউ স্ত্রীজাতির প্রতি নির্যাতন সহ করে না।”

“কি, চিনতে পারলে বলে মনে হয় ?”

হুজনেই প্রবল বেগে মাথা নাড়ে। বলা বাহুল্য নেতিবাচক। “হ্যাঁ” বলে কে সিংহের মুখবিবরে মাথা গলাতে যাবে ?

“ঠিক আছে। আমি তোমাদের ওখানেই যাচ্ছি। তোমার বাবা বাড়ি আছেন অবশ্যই !”

“আছে।” অক্ষুট এই শব্দটি এতক্ষণে রামকালীকে নিশ্চিত করে, তাঁর জামাতা বাবাজী বোবা নয়।

পালকি-বেহারাদের ডেকে জনাস্তিকে কি যেন নির্দেশ দিয়ে রামকালী বলেন, “চল, এটুকু তোমাদের সঙ্গে হেঁটেই যাই।”

“আমি আজ্ঞে একটু দৌড়ে গিয়ে খবরটা দিয়ে আসি—”, বলেই বন্ধু নিতাই বিশ্বাসঘাতকের মত নবকুমারকে অথই জলে ফেলে রেখে দৌড় মারে।

রামকালী কয়েক পা অগ্রসর হয়ে সহসা স্বভাব-বহির্ভূত স্বরে একটা প্রশ্ন করে বসেন, “আমার মেয়ে কি তোমাদের গৃহে কোন উৎপাত ঘটাবে ?”

“আ—আজ্ঞে, সে—এ কী !”

তোতলা হয়ে ওঠে নবকুমার।

“না তাই প্রশ্ন করছি। সে বালিকা মাত্র, অবুঝ হওয়া অসম্ভব নয়।”

“আ—আজ্ঞে ! না—না।”

কালঘাম ছুটে যায় নবকুমারের। সে গায়ের একমাত্র আচ্ছাদন কোঁচার খুঁটটুকু টেনে কপালের ঘাম মুছতে থাকে।

রামকালী মুহূর্তে বলে, “অধীর হবার কিছু নেই, আমি কোতূহল পরবশ চয়ে প্রশ্ন কবছিলাম মাত্র। যাক্ আমি যার জগ্ন এসেছি তোমাকে জানাই, কারণ তুমি আমার জামাতা। বাড়িতে একটি শুভ কাজ আসন্ন, সে কাবণ আমার কন্যাকে আমি নিয়ে যেতে মনস্থ করেছি। বিবাহেব সময় অবশ্য যথারীতি নিমন্ত্রণ আসবে, তুমি এবং তোমার পিতা যাবে। তোমাকে কয়েকদিন থাকবার জগ্ন মেয়েরা অনুরোধ করতে পারেন, সে সম্পর্কে আমি তোমার পিতা মাতাকে জানিয়ে যাব। থাকবার জগ্নে প্রস্তুত থেকে।”

এ সবে অ’র কি উত্তর দেবে নবকুমার ?

ভয়ে আর আনন্দে, আশায় আর উৎকণ্ঠায় তার তো মুহূর্তে মুহূর্তে ষ্বেদ-কম্প-পুলক দেখা দিচ্ছে।

বাড়ির দরজার কাছাকাছি আসতেই নবকুমার সহসা কাতরকণ্ঠে বলে ওঠে, “আমি যাই।”

“কি অ’র্শ্ব, যাবে কেন ?”

“হ্যাঁ, আমি যাই। নিতাই আছে—”, বলে এদিক ওদিক তাকিয়ে খত্তরের পায়ের কাছে মাটিতে একটা খাবল দিয়ে ছুট মারে নবকুমার।

রামকালী সেদিকে চেয়ে একটা নিশ্বাস ফেলেন।

লেখাপড়া শিখছে।

কিন্তু মানুষ হছে কি ?

টিক এই সময় নিতাই নবকুমারদের বাড়ি থেকে বেরিয়ে আসে, আর নীলাধর বাঁড়ুয়ে দরজার কাছে দাঁড়িয়ে একটি হুনিপূর্ণ হাস্য সহযোগে বলেন, “বেহাই মশাই যে ? কী মনে করে ?”

## ॥ বাইশ ॥

বেলা না পড়তেই আবার রামকালীর পাল্কি ফিরতি মুখ ধরেছে, একা রামকালীকে নিয়েই। এখন পাল্কির খোলা দরজা দিয়ে পড়ন্ত সূর্যের স্বর্ণাভা উকি মারছে, শেষ ফাস্তনের উড়ু উড়ু বাতাস যেন ছুট্ট শিশুর মত মাঝে মাঝে রূপ করে ঢুকে পড়ে একটা ‘টু’ দিয়ে যাচ্ছে।

আকাশে বাতাসে গাছে পাতায় সর্বত্রই একটা আলো-ঝলসানো আনন্দের আবেশ। কিন্তু প্রকৃতির এই মধুর রূপে মন দেবার মত মন এখন নেই রামকালীর। কী এক ছরস্তু ক্ষোভে মনটা গেন হাহাকার করছে। মনে হচ্ছে কোথায় যেন মস্ত একটা হার হয়ে গেছে তাঁর।

ভ্রতাবোধহীন নীলাধর বাঁড়ুয়ের কাছে কি পরাজয় ঘটেছে রামকালীর ? যেকোনো নিষে আসতে পারেন নি এই ক্ষোভেই মন এখন অস্থির ?

কিন্তু প্রকৃত ঘটনা তো তা নয়। নীলাধর তো ভ্রততার চূড়ান্ত দেখিয়েছেন।

‘মেঁয়ে নিতে এসেছেন’ এ প্রস্তাব তোলামাত্রই নীলাধর অমায়িক হাস্তে বলেছেন, “বিলক্ষণ, এ তো অতি উত্তম কথা। আপন’র কল্যা আপনি নিয়ে যাবেন, যত দিন ইচ্ছে রাখবেন, এতে আমার কি বলবার আছে ? ওরে কে আছিস, পঞ্জিকাটা একবার নিয়ে আয় তো !”

রামকালী বলেছিলেন, “পঞ্জিকা আমি দেখেই এসেছি। আগামী কাল সর্বস্বদা জ্বোধদলী। বারও ভাল। কালই নিয়ে যাব। রাত্রিবাস না করে উপায় থাকছে না। কাজেই গ্রামে কোনও ব্রাহ্মণ-বাড়িতে শয়নের একটু ব্যবস্থা করে দিন। কিন্তু অল্পগ্রহ করে কোনও আহাঙ্গাদির আয়োজন করতে যাবেন না। বেহারাদের জলপানির ব্যবস্থা ওদের সঙ্গেই আছে।”

নীলাধর মেয়েদের ভঙ্গীতে গালে হাত দিয়ে বলে উঠেছিলেন, “বলেন কি বেহাই মশাই ! আমার এত বড় বাড়ি, এত বড় ঘরদালান থাকতে আপনি অগ্রত—”

রামকালী গম্ভীর হাস্তেখামিয়ে দিয়েছিলেন, “বেহাই মশাই কি হিন্দু বাঙালীর লোকাচার বিন্মত হচ্ছেন ? জামাতৃ-গৃহে রাত্রিবাস কি লোকাচারসম্মত ?”

নীলাধর হাসির সঙ্গে একটি “হ্যা হ্যা” শব্দ করে বলেছিলেন, “তা অবশ্য,

তা অবশ্য। কিন্তু আপনার কন্ঠার সন্তান জন্মের পর তো আর এ জেদ রাখতে পারবেন না?”

রামকালী আরও গভীর হয়ে গিয়ে বলেছিলেন, “সন্তান নষ, পুত্রসন্তান। কিন্তু স্নদূর ভবিষ্যতের আলোচনায় বৃথা সময় অপচয়ে দরকার কি? এখন কন্ঠার সঙ্গে একবার সাক্ষাতের ব্যবস্থা করুন।”

“বিলক্ষণ, এম আবার ব্যবস্থা কি? ওরে সতু, তোদের বৌকে একবার মাঝের ঘরে নিয়ে আয়, বেহাই মশাই একবার দেখবেন।”

তবে? নীলাশ্বরের ব্যবহারে খুঁত কোথায়?

এর চাইতে ভদ্র ব্যবহার আর কি কবা যায়? কত বাড়িতে তো বৌয়ের বাপ-ভাই এলে বাইবে থেকেই জল-পান খাইয়ে বিদায় দেওয়া হয়, মেয়ের সঙ্গে দেখা কবতে দেওয়া হয় না। তা ছাড়া অনেক বাড়িতে বহু সাধ্য-সাধনায় যদি বা মেয়ের দর্শন মেলে, সঙ্গে একজন পাহারা থাকে। সে জাযগায় কিনা চাওয়া মাত্রই পাওয়া? রামকালীর তো কৃতার্থ হয়ে যাওয়া উচিত।

কিন্তু আশ্চর্য মাহুয়ের মন। রামকালীর মনে হল নীলাশ্বরের ওই ‘সতু’ না কাকে ডেকে লুকু দেওয়া, ওটায়েন তাচ্ছিল্য প্রকাশের একটা চরম অভিব্যক্তি। ওই সুরটাব মধ্যে এই কথাগুলোই ঠিক খাপ খেত—“ওরে কে আছিল, একমুঠো পিস্কে দিয়ে যা তো, ভিখিবিটা টেঁচাচ্ছে।”

নিজেকে গ্লানিযুক্ত আর সমস্ত পরিবেশটা অশুচি মনে হল রামকালীর। কিন্তু উপায় কি? জামাইয়ের বন্ধু সেই ছেলেটা উঠোনে দরজা ধরে দাঁড়িয়ে বয়েছে দেখা যাচ্ছে, নিজে সে গেল কোন্ দিকে?

এদিক ওদিক তাকালেন, হৃদিস পেলেন না।

সতু কে? ছেলে না মেসে? কর্তাব তো শুনেছি মেসে নেই।

একঝাঁক ভাবনার মাঝখানে হঠাৎ বোধ করি সেই মাঝের ঘরেরই দরজার শিকলটা নড়ে উঠল।

নীলাশ্বর কোমরের কসি গুঁজতে গুঁজতে উঠলেন। ভিতরে ঢুকে কি বললেন কি করলেন ঐশ্বর জানেন, তার পর বেরিয়ে এসে ডাক দিলেন, “আহ্ন বেহাই মশাই।”

রামকালী ভিতরে ঢুকলেন।

দেখলেন একটা অঙ্ককার-অঙ্ককার ঘরের মধ্যে একটা চৌকির ধারে

একগলা ঘোমটা ঢাকা একটি বালিকা-মূর্তি। পরনের শাড়িখানা জমকালো। বোধ করি পিতৃ-সন্নিধানঃ আসার উপলক্ষে তাকে খানিকটা সাজিবে ফেলা হয়েছে।

ঘরের বাইরে একটি কমবয়সী মেয়ে দাঁড়িয়ে, মাথাঘ ঘোমটা কম। রামকালী এসে ঢুকতেই মেয়েটি তাড়াতাড়ি তাঁর পাগের ধুলো নিয়ে খাটো গলাঘ বলল, “ওই যে, কথাবার্তা কন।” তার পরে আরও খাটো গলাঘ হঠাৎ “মেয়ে নিয়ে যাবেন” বলেই টুক করে পাশের একটা দরজা দিয়ে কোথাঘ ঢুকে গেল। কিন্তু ওর ওই অক্ষুট কথাটা পরিপাক করবার আগেই আর একটা চাপা অথচ তীব্র কথা কানে এল তাঁর, “বৌকে একলা রেখে চলে এলি যে বড় ?”

“বাঃ, আমি আবার সত্তের পুতুলের মত কি দাঁড়িয়ে থাকব, লজ্জা করে না!” উত্তরের এই কথাটুকুও কানে এল। তারপর আবার সেই তীব্র স্বর, “ওরে আমার লজ্জাউলি লজ্জাবতী! একলা হয়ে এখন বাপের কাছে সাতখানা করে লাগাক!”

এর উত্তর আর কানে এল না রামকালীর, কিন্তু ইতিপূর্বের তিক্ত মন কী একরকম বিকল হয়ে বিশ্বাদ হয়ে গেল, কল্পা-সন্মর্শনের প্রথম আনন্দটাই শিথিল হয়ে গেল।

সেই অবকাশে গুণ্ঠনবতী সত্য নিতান্ত নীরবে বাপকে একটি প্রণাম কবল। প্রণাম করে যথারীতি পাগের ধুলো মাথাঘ ব্লাতেও ভুলে গেল না।

কিন্তু রামকালী সহসা এমন বিচলিত হলেন কেন ?

সতার এই আচরণে বুকের ভিতরটা হাহাকার করে উঠল তাঁর কেন ? যে হাহাকার এখনো খামাতে পারছেন না এই স্থিরপ্রজ্ঞ মানুষটা ? রামকালী কি আশা করেছিলেন তাঁর সেই সত্য অবিকল তেমনি আছে ? বাপকে দেখে ই ছুটে এসে টিপ করে একটা প্রণাম ঠুকে গিন্নীদের মত বলে উঠবে, “কি বাবা, এত দিনে মেয়েটাকে মনে পড়ল ? ধন্নি বলি বাপের প্রাণ, এতদিনে একবার দেখতে আসতে ইচ্ছে হল না মেয়েটা মরল কি বাঁচল ! যাই ভাগ্যিস পুণিাপিসির বিয়েটা লেগেছিল, তাই না—”

অথবা এইটাই কি মনে করেছিলেন, সত্য আর আগের সত্য নেই, একেবারে বদলে গেছে। তাই প্রত্যাশিত হৃদয়ে অপেক্ষা করছিলেন,

দেখামাত্রই কাঁপিয়ে এসে পিতৃবন্ধে আশ্রয় নিয়ে নিঃশব্দে কঁদে ভাসাবে সে। আর তার সেই অবিরল অশ্রুধারায় রামকালীর জালা করা বুকটা ঠাণ্ডা হয়ে যাবে।

কিন্তু এই ইচ্ছে তো রামকালীর হবার কথা নয়। আবেগপ্রবণতা তো রামকালীর সম্পূর্ণ রুচিবিরুদ্ধ। মন কেমন করা বা অনেক দিন পরে দেখা হওয়া ইত্যাদি উপলক্ষ করে কেউ কাঁদছে-কাটছে দেখলে ভুকুঁচকে ওঠে তাঁর। স্বয়ং রামকালী-দ্রুহিতাই যদি সেই খেলো আর সন্তা পদ্ধতিতে আবেগ প্রকাশ করে বসে, রামকালী অগতঃ হতেন না কি ?

বহু বিচিত্র উপাদানে গড়া মানব-মন কখন কি চায় বলা বড় শক্ত। কি চায় সে নিজেই বুঝতে পারে না, শুধু এক-এক সময় একান্ত বেদনায় বলে, “এ কী হল ! এ তো আমি চাই নি !”

তাই চির-অবিচলিত রামকালী হঠাৎ আজ নিজের মেয়ের এই শান্ত সভ্য বধূমূর্তি দেখে বিচলিত হয়ে ভাবলেন, “এ কী হল !”

কথা যোগায় নি রামকালীর। মহু গম্ভীর কণ্ঠ থেকে শুধু একটু কুশল প্রশ্ন উচ্চারিত হয়েছিল, “ভালো আছ তো ?”

সত্য তেমনি মাথা নিচু করে বলেছিল, “হ্যাঁ বাবা। বাড়ির সব খবর মঙ্গল ?”

ঠাকুমা পিস্ঠাকুমার দল থেকে শুরু করে বাগ্দী ঝিটা পর্যন্ত বাড়ির প্রত্যেকটি সদস্যের নাম করে কে কেমন আছে জিজ্ঞেস করল না সত্য, শুধু জিজ্ঞেস করল ‘বাড়ির সব মঙ্গল’ ?

আশ্চর্য ! আশ্চর্য ! স্বস্তরঘরে এলে কি এমনি করেই মেয়েরা তাদের আঙ্গনের আশ্রয়কে—তাদের ধুলোমাটির গড়া খেলাঘরের মতই ভেঙে ফেলে ? মন থেকে মুছে ফেলে ? তাই শকুন্তলাকে আর কোন দিন কণ্ঠ মূর্নির আশ্রমে দেখা যায় নি, জনক রাজার ঘরে সীতাকে ? মহাকাবিদের মহৎ লেখনীও এই আমোঘ নিয়মকে সহজ সত্য বলেই মেনে নিয়েছিল, তাই সে লেখনী নির্মম ঐদাসীয়ে শুধু সামনের দিকে এগিয়ে চলেছে, পিছু ফিরে তাকায় নি ?

নারী আর নদী, এরা তবে এক ধাতুতে গড়া !

কিন্তু গিরিরাঙ্গ-দ্রুহিতা উমা ?

না, উমা তো ইতিহাসের নয়, পুরাণের নয়, মহাকাবিদের অমর লেখনীর

অনবত্ত সৃষ্টি নয়, সে যে শুধু ঘবোয়া মান্নবের মনের মাধুরী দিয়ে গড়া অমিষ ছবি। মান্নবের প্রাণ্যাশা অ'র কল্পনা, আশা আর আকাঙ্ক্ষা দিয়ে গড়া নালনাগার মূর্তি।

বামকালীর মনেব মধ্যে অনেক ভাব-তরঙ্গের একটা আলোড়ন উঠেছিল, যেমনটা তাঁ'র সচরাচর হয় না। ভাবলেন তবে কি সত্য সম্পর্কে এতদিন যে মূল্যবোধ তাঁ'র মনের মধ্যে ছিল, সত্য'র উপযুক্ত নয়? সত্য সেই সাধারণ মেয়ে, যারা সহজেই বদলে যায়? ভাবলেন তবে কি মার বাণওয়ার কথাটাই সত্যি, আর সত্য একেবারে নেহাত একটা ভীক মেয়ে মাত্র? যে মেয়েরা পড়ে মার খায়, আর মার খেয়ে ভয়ে কাঁটা হয়ে থাকে, নিজেকে প্রকাশ করতে সাহস পায় না?

সত্য'র সম্পর্কে এত হতাশ হয়েই বৃষ্টি রামকালীর মধ্যে এত আলোড়ন!

তবু সে আলোড়নকে সংহত রেখে রামকালী বলেছিলেন, “হ্যাঁ, সব সংবাদ মঙ্গল। পুণিার বিয়ে খোলই বোশেখ, তাই তোমাকে নিয়ে যাবার সংকল্প করে এসেছি।”

হ্যাঁ, ঠিক এই কথাটা উচ্চারণের পরই বৃকের মধ্যে যেন একটা হাতুড়ির ঘা খেলেন রামকালী।

“বাবা গো, তুমি কী ভাল!” বলে আহ্লাদে চেঁচিয়ে উঠল না সত্য, তার বদলে বলল, “বোশেখের মাঝামাঝি বিয়ে, আর এখন তো সব ফাণ্ডনের শেষ, এও আগে থেকে নিয়ে যেতে চাইলে এরা কিছু মনে করতে পারে বাবা।”

রামকালী স্বগভীর একটা নিখাস গোপন করে বলেছিলেন, “ওঁরা অমত করেন নি।”

“করে নি সে ওদের ভদ্রতাই, কিন্তু বাবা আমাদেরও তো একটা বিবেচনা করা দরকার। এদের অসুবিধের ফেলে—”

“তোমার তাহলে এখন বাণওয়ার মত নেই?”

আর একটা নিখাস গোপন করতে হয় রামকালীকে।

সত্য এবার মুখ তুলে তাকাষ। সোজাহুজি একেবারে বাপের চোখের দিকেই। বাহারে শাড়ির ঘোমটাটা খসে পিঠের ওপর পড়ে যায়, তাই সত্য'র সেই বাগ-না-মানা কোঁকড়া চুলে ঘেরা মুখটার সবটাই স্পষ্ট দেখতে পাওয়া যায়, আর চোখের দৃষ্টিটা তার বেশ একটু সময় নিয়েই বাপের মুখের দিকে নিবন্ধ থাকে।

তার পর চোখ নামিয়ে নিয়ে খসে পড়া আঁচলটা মাথায় তুলতে তুলতে উত্তর দেয় সত্য, “তা কার্যক্ষেত্রে মত নেই-ই বলতে হয় বৈকি। ঠাকরনের শরীর-স্বাস্থ্য ভাল নয়, একা ননদের ঘাড়ে সমগ্র সংসার—”

রামকালী ঈষৎ বিস্মিত প্রশ্নে বলেন, “ননদ! নবকুমারের ভগিনী আছেন নাকি?”

“সহোদর বোন নন, তবে সহোদরের বাভা বাবা! পিসতুতো ননদ— ওই যে যিনি তোমাকে এ ধরে এনে পৌঁছে দিলেন।”

“ও!” ননদ-প্রসঙ্গে ইতি টেনে রামকালী বলেন, “যাবার যখন উপায় নেই, তখন আর কি করবার আছে। অতএব রাজে আমার আর এ গ্রামে অবস্থান করারও প্রয়োজন দেখি না। এখনি রওনা দেব। তার আগে একটা প্রশ্ন তোমায় করছি, তুমি তো লেখাপড়া কিছু শিখেছিলে, পত্রাদিও পড়তে পার মনে হয়, এই চিঠিটা পড়ে মানে বুঝতে পারবে?” আমার পকেট থেকে চিঠিটা বার করেন রামকালী।

চিঠিখানা কিন্তু সত্য তাড়াতাড়ি হাত বাড়িয়ে নেয় না। মুহূর্তের বলে, “কার পত্নর?”

“সেটাই তো আমার জানা নেই। তুমি হয়তো জানতে পারবে।”

অতঃপর চিঠিটা হাতে নিয়ে কবেক ছত্র পড়ে সত্য, ঈশ্বর জ্ঞানেন ঘোমটার মধ্যে তার মুখের চেহারা কেমন হয়ে ওঠে, কিন্তু গলাটা তো ঠিকই থাকে। ঠিকঠাক শাস্ত্র গলায় বলে ওঠে সে, “এত বড় একটা জ্ঞানবান বিচক্ষণ বেত্তি হয়ে বুঝতে পারলে না বাবা, এ কোনো শত্রুরের কাজ!”

“এমন কে শত্রু আছে তোমাদের?”

“তা কে জানে বাবা? অনেক শত্রুর তো ওপরে ভালমাতুষ সেজেও থাকে।” চিঠিটা সব না পড়েই বাবার হাতে ফিরিয়ে দিয়েছিল সত্য।

রামকালী সেটা ফের পকেটে পুরে, দীর্ঘনিশ্বাস গোপন না করেই বলেছিলেন, “তাহলে এখানে তোমার কষ্টের কোন কারণ নেই। তোমার সম্বন্ধে হুশিস্তা করবারও কিছু নেই আমার। ঈশ্বর মঙ্গল করলেন। তাহলে এই কথাই বলে শাস্ত্রনা দিতে পারব তোমার মাকে।”

“মা!” সত্য একটু চমকে বলে, “এ পত্নরের বিষয় মা জানেন?”

“না। তিনি অবশ্য জানেন না কিছু,” রামকালী ঈষৎ হাসির মত করে বলেন, “তবে ‘মেয়ে মেয়ে’ করে একটু উত্তলা হয়েছেন তো। যাক



তোমার প্রতি যে কোন দুর্ব্যবহার হয় না এইটাই শাস্তির বিষয় আর বিশ্বাস করব তুমি ঠিক কথাই বলছ।”

সত্য আর একবার তেমনি মুখ তুলে ডাকায়। এবার যেন ভয়ঙ্কর একটা অভিমানের ছায়া ভৎসনার মত ফুটে ওঠে সে-চোখে। তারপর চোখ নামে। মুহূর্ত দুটো বলে সত্য, “পেতল কাঁদার ঘটটা-বাটিটাও একত্রে থাকলে মধ্যে মধ্যে ঠোকাঠুকি লাগে বাবা, আর এ তো জলজ্যান্ত মানুষ। একেবারে ঠোকাঠুকি লাগে না, লাগবে না, এ কথা কি জোর করে বলা যায়? তবে এটুকু বিশেষ মেয়ের প্রতি রেখে বাবা, কোনও অগ্নায় সে করবেও না, দইবেও না।”

তারপর রামকালী চলে এসেছিলেন।

সত্য আর এক দফা প্রণাম করেছিল।

কিন্তু এখানেই তো ইতি নয়।

“মেয়েকে না নিয়েই যে চললেন বেহাই মশাই?” এ প্রশ্নের উত্তর দিতে হয়েছিল রামকালীকে। আর মিথ্যা কথা বানিয়ে বলতে না পারার জন্তে বিদ্রূপ-হাস্যরঞ্জিত বিষ্ময়-প্রশ্নও শুনেতে হয়েছিল।

সত্যর খণ্ডর সেই তাঁর মেয়েলী ভঙ্গীতে গালে হাত দিয়ে বলেছিলেন, “বলেন কি বেহাই মশাই, মেয়ে বাপের ঘর যেতে চায় না! এ যে বড় তাজ্জব কথা শোনালেন দেখছি!”

নিজের জন্তও ততটা নয়, রামকালীর মনে হয়েছিল, কুহুরের কামড় হাঁটুর নিচে, কিন্তু সত্যর খণ্ডর সম্পর্কে যে তাঁর ওই প্রবাদটা সহজেই মনে আসতে পারল, এটাও তো কম গানির কথা নয়।

আশ্চর্য, ওদের ব্যবহারে বিনয় আর সৌজন্য প্রকাশের ঘট তো কম ছিল না, তবু কেন রামকালীর ওদের স্থূল অমার্জিত মনে হয়েছিল? জামাইটা অবশ্য নেহাৎ বোকা-বোকা, প্রকৃতি কেমন কে জানে। তা লেই তো মাত্র একবার দেখা দিয়েই উধাও হয়ে গেল।

বন্ধুটাকে তবু আবার দেখলেন, কিন্তু জামাইকে নয়।

বন্ধুটা যে সত্যর খণ্ডর-শাওড়ার প্রতি শ্রদ্ধাশীল নয়, তা বেশ বোঝা যাচ্ছে।

শ্রদ্ধার যোগ্যই নয় ওরা।

তবু আর একবার বুকটা কেমন মুচড়ে উঠল রামকালীর, তবু সেই খুন্সর-বাড়িব সঙ্গে দিবিয় গিশে গেছে সত্য। এমন গিশে গেছে যে, শাশুড়ীর শরীর-স্বাস্থ্যের অজুহাতে বাপের বাড়ি যাওয়ার প্রলোভন ত্যাগ করল।

সুযোগ পেয়েও বাপের বাড়ি যেতে চাইল না, এ রকম মেয়ে রামকালী কি তাঁর এতখানি জীবনে এর আগে কখনো দেখেছেন? অথচ ঠিক বোঝাও যাচ্ছে না তাকে।

হয়তো তাকে আর কোন দিনই বোঝা যাবে না। রামকালীর মেয়ে রামকালীর কাছ থেকে অনেক দূরে চলে গেছে, হয়তো আরও অনেক অনেক দূরে চলে যাবে। সেই সত্যকে আর কোনদিনই খুঁজে পাওয়া যাবে না।

চিরনিঃসঙ্গ রামকালীর অন্তরের একটিমাত্র ছোট্ট সঙ্গী, রামকালীর আকাশের আলো-ঝিকঝিকে ছোট্ট একটি তারকা চিরদিনের মত হারিয়ে গেল।

হঠাৎ চিন্তায় ছেদ পড়ল।

চোখে পড়ল পালকির পাশ দিবে বেহারাদের সঙ্গে ভাল মিলিয়ে আর একটা মাহুমও দৌড়ছে।

কখন থেকে দৌড়ছে?

হঠাৎ কোথা থেকেই বা এল? কিছু বলতে চায় নাকি?

রামকালী বেহারাদের আদেশ দিলেন ধামাতে।

আর তার পরই নজরে পড়ল, এ সেই নিতাই, তাঁর জামাইয়ের বন্ধু।

“কি খবর?”

কিদের একটা প্রত্যাশায় রামকালীর মখটা উজ্জল হয়ে উঠল।

কি ভাবলেন তিনি? তাঁর সত্যবতীই কি আবার বাপকে কিয়সে আনতে ডাক দিয়েছে? এখন কেঁদে ফেলে বলবে, “মেয়ের মুখের কথাটা তুমি দেখলে বাবা, তার অভিমানটাকে দেখলে না? একবার ‘না’ করেছি তো রাগ দেখিয়ে চলে গেলে?”

অনেকগুলো কথা মনের মধ্যে ছড়োছড়ি করে উঠল, তবু সংযত কর্তেই প্রশ্ন করলেন রামকালী, “কী খবর?”

নিতাই হাঁপাচ্ছিল।

একটু জিরিয়ে নিয়ে বলে, “বাচালতা মার্জনা করবেন ভালুই মশাই, বলতে

এসেছি—এ কী করলেন? মেয়ে নিতে এসে খালি হাতে ফিরে যাচ্ছেন?  
বাড়ুয্যে মশাইয়ের কাছে হেরে গেলেন?”

রামকালীর মুখ লাল হয়ে ওঠে।

কণ্ঠে আত্মসংবরণ করে বলেন, “বাচালতা মাজনা করা শক্ত হচ্ছে!”

“বুঝেছি। কিন্তু বড় আশায় হতাশ্বাস হবেই ছুটে এসেছি। আপনার  
+গুকে নিয়ে গেলেন না বটে, কিন্তু এর পর আর হযতো মেয়েকে জীবিত  
দেখতে পাবেন না। হয়তো আশ্বঘাত্তী হয়ে—মেয়ে তো আপনার ভাণ্ডে  
তো মচকায় না!”

সহসা রামকালী চাপা ভারী গলায় প্রবল একটা ধমক দিয়ে ওঠেন,  
“দেখতে তো বেশ ভদ্রসন্তান বলে মনে হচ্ছে, প্রকৃতি এমন ইতরের মত  
কেন?”

ইতরের মত!

নিতাই বিহ্বল ভাবে তাকিয়ে থাকে।

রামকালী স্বভাবগম্ভীর স্বরে বলেন, “অপর গৃহের কুলবধু সম্পর্কে কোন  
আলোচনা ইতরতারই নামাস্তর।”

“বেশ!” নিতাই অভিমান-ক্ষুব্ধ মুখে মাথা নিচু করে বিদায়-প্রণাম করে  
বলে, “আর কি বলব বলুন! তবে একা আমিই আস্পর্দা করি নি। আপনার  
জামাই নবকুমারই—,” ঢোক গিলে বলে নিতাই, “সে বলছিল—চোখের  
দামনে দ্বীহত্যে দেখব, প্রতিকার করব না? তাই আমি—”

নিতাই আশ্বে আশ্বে চলে যায়।

রামকালী স্তব্ধ হয়ে সেদিকে তাকিয়ে থাকেন।

আত্মমর্খাদা বিসর্জন দিয়ে রামকালী কি ওকে ফিরে ডাকবেন?

কিন্তু ডেকে তারপর?

আত্মোপাস্ত স্বটনা জেনে নিয়ে ফের আবার ছুটবেন জামাইবাড়ি?

তারপর?

আবার তাঁদের বলবেন, ‘না, আমার ভুল হয়েছে, মেয়ে বালিকা,  
যাংখেরালের বশে কি বলেছে সে-কথা কথাই নয়, ওকে নিয়ে যাব?’

আচ্ছা তার পর?

যদি সত্য আবার বলে, ‘সে কি বাবা, আবার ফিরে এলে কি বলে?  
আমি তো বলেছি এখন যাওয়া হবে না?’

তখন ?

তখন কি করবেন রামকালী ? সত্যের ওই বখার পর ? বলবেন, 'পাগলাই মেয়ে, পাগলামি রাখ, তোর মা তোকে নাদেখে কেঁদে দিন কাটাচ্ছে!' বলবেন, 'তোকে না নিয়ে একা ফিরতে আমার প্রাণটা হাচাকার করছে ! বলবেন—' না, তা হয় না, আত্মমর্য়াদাকে আর কত বিসজ্ঞন দেবেন রামকালী ?  
“তোল্ পালকি ।”

বেহারাদের হুকুম দেন রামকালী ।

তার। যথারীতি গৃহাভিমুখেই চলতে থাকে ।

আর রামকালী বিশ্বয়ে মুক হয়ে বসে থাকেন সেই একক পালকিতে ।

ধীরে ধীরে বিশ্বেষের ধূসরতা ফিকে হয়ে আসে ।

কার্যকারণের চেহারাটা চোখে ভেসে ওঠে ।

নীলাগর বাঁড়ুঘোর কাছে হেরে যান নি রামকালী, হেরে গেছেন আপন আত্মজ্ঞার কাছে । বুদ্ধির খেলায় রামকালীকে পরাজিত করেছে সত্য । বাপের কাছে প্রতিপন্ন করেছে, খন্তরবাড়িতে সুখে আছে সে, সন্তোষে আছে । তাই খন্তরবাড়ির কর্তব্যের কাছে বাপের বাড়ির তীব্রমধুর আকর্ষণও তৃচ্ছ কবতে পারা অসম্ভব হল না তার ।

জীবনের বিনিময়েও বাপের শাস্তি বজায় রাখবে সত্য ।

আর রামকালী ? রামকালী সত্যের সেই কৌশলে বিভ্রান্ত হলেন, সন্নিহানে অন্ধ হলেন, আপন অহংকার নিয়ে ফিরে এলেন ।

আর এখন ফিরে যাওয়া যাবে না ।

অপেক্ষা করতে হবে শ্রাব্য সময়ের জঞ্জ । পুণিয়ার বিঘের তারিখ ঘেঁবে কুটুম্বের মত আসবে সত্য । আসবে যদি ততদিন বেঁচে থাকে ।

চোখ দুটো হঠাৎ লঙ্কার ঝাল লাগায় মত জলে উঠল । স্বভাব-বহির্ভূত তীব্রতার পালকি থেকে মুখ বাড়িয়ে বেহারাদের উদ্দেশ্যে বলে উঠলেন রামকালী, “কচ্ছপের মত সমস্ত মাটি মাড়িয়ে হাঁটছিল যে তোরা, পায়ে জোর নেই ?”

চিঠিখানা যে “শত্ৰুরের রটনা”, এ কথাটা নেহাৎ জুল নব । বৌকে এলোকেশী নিত্যপ্রহারে অর্জরিত করেন, এ বললে এলোকেশীর প্রতি

অন্ডায় অবিচার করা হয়। মেয়েছিলেন সেই একদিনই। বোয়ের চুল বাঁধতে বসে। অবিশি একটু আশ মিটিয়েই মারবেন বলে উঠোনের রোদে মেলে দেওয়া জালানি কাঠ থেকে একখানা তুলে এনেছিলেন, কিন্তু সে কাঠ আর বোয়ের পিঠে ভাঙবার সুখ তাঁর হয় নি। সর্বনেশে সৃষ্টিছাড়া বো হঠাৎ ঝট করে কাঠখানা হাত থেকে কেড়ে নিয়ে বেশ মজবুত গলায় বলে উঠেছিল, “দেখ গুরুজন আছ গুরুজনের মতন থাক, শিরোধার্যে রাখব। নচেৎ তোমার ললাটে ছুঁখু আছে। আমাকে তুমি চেনো না, তাই ভেবেছো আমার ওপর যা-খুশি করবে। সে বাসনা ছাডো।”

কথা শেষ না হতেই এলোকেশী হঠাৎ মড়াকান্না কেঁদে উঠে পাড়ার লোক জড়ো করেছিলেন।

তার পর তো সে এক হৈ-হৈ কাণ্ড, রৈ-রৈ ব্যাপার!

কিন্তু সত্যকে আর সে রক্তমঞ্চে দেখা যায় নি।

পাড়ার পাঁচজনের বিশ্বয়োক্তিকে সত্ব থাকিয়েছিল, “নতুন ফাগুনের গরমে” মামীমার মাথাটা গরম হাথে উঠেছে বলে। বলেছিল অবশ্ব নৈপথ্যে ডেকে নিয়ে গিয়ে চুপিচুপি। জনে-জনে বলেছিল।

তারপর মামীমাকে চুপিচুপি বলেছিল, “সাপের জাজে পা দিতে যেওনা মামী, বোঁটি তোমার যেমন-তেমন নয়।”

এলোকেশী সত্বকে ন-ভুক্তো ন-ভবিক্তি গালমন্দ করে চিৎকার করে জানিয়েছিলেন—আচ্ছা, ওই বোঁকে তিনি মাথা মুড়িয়ে ঘোল ঢেলে গাঁয়ের বার করে দিতে পারেন কিনা দেখবে গাঁহুদু সবাই।

কিন্তু আশ্চর্য, কার্যক্কেত্রে আর তা করে উঠতে পারলেন না। এই কথার পিঠে বোঁ সত্বকে উদ্দেশ করে বেশ স্পষ্ট গলায় বলে দিখেছিল, “ঘরের বোঁকে মাথায় ঘোল ঢেলে গাঁয়ের বার করে দিলে যদি গাঁয়ের কাছে তোমাদের মুখোজ্জল হয় তো তা করতে বল ঠাকুরঝি তোমার মামীকে। তবে বিবেচনা করে দেখতে বলা, তা করলে কার গায়ে ধুলো দেবে লোকে!”

এলোকেশী ভেড়ে এসে বলেছিলেন, “তবে আর, তোকে আজ কেটে রক্তগঙ্গা করে নিজে কাঁসি যাই। উঃ, বোঁমাহুঘের এত কথা!”

সত্য নিঃশব্দে রান্নাঘরের দাওয়া থেকে মাছ কাটবার বড় বটিটা তুলে

এনে এলোকেশীর দিকে বাড়িয়ে দিয়ে বলেছিল, “তাই তবে কর, তখন তো আর আমি দেখতে আসব না, কার মুখটা পুড়ল !”

আশ্চর্য, এই ঘটনার পরই এলোকেশী কেমন নিখর হয়ে গিয়েছিলেন। আর একটিও বাক্ সরে নি তাঁর মুখ থেকে। কিছুক্ষণ সেই বঁটিখানার চকচকে ফলাটার দিকে তাকিয়ে আস্তে আস্তে সরে গিয়েছিলেন।

আর তদবধি—

তর্জন-গজনের পথ থেকে সরে এসে বাব্যালাপ বন্ধর পথ ধরে চলেছিলেন এলোকেশী। এবং তলে তলে ক্রমাগত নীলাধরকে মন্ত্রণা দিচ্ছিলেন, বোয়ের গহনাগাঁটি সব কেড়ে নিয়ে কোন ছলে-ছুতোয় বাপের বাড়ি পাঠিয়ে দিতে। একবার পাঠিয়ে দিতে পারলে জীবনেও আর ওই সর্বনেশে জাঁহাবাজ মেয়েকে ফিরিয়ে নিয়ে আসছেন না।

কিন্তু ছলছুতো খুঁজতে খুঁজতে দিন গড়িয়ে যাচ্ছিল।

হঠাৎ এমনি সময় রামকালীর আবির্ভাব।

হাতে চাঁদ পেয়েছিলেন এলোকেশী। এবং নিশ্চিত ঠিক করে ফেলেছিলেন, এই সূত্রে বোকে জন্মের শোধ বিদায় দেবেন। কারণ ইত্যবসরে আর একটি মেয়ে এলোকেশীর দেখা হয়ে গেছে, বয়স সাত-আট, ধরন-ধারণ খুব নিরীহ, সর্বোপরি তার বাপ প্রতিশ্রুতি দিয়েছে চীনে-সোনার গহনায় মেয়ের সর্বস্ব মুড়ে দেবে।

ঐ মহামন্ত্রটি স্বামীকে অনবরত জপিয়েছেন এলোকেশী।

অতএব এক কথায় রাজা গিয়েছিলেন নীলাধর বৌ পাঠাতে। স্বপ্নেও ধারণা করতে পারেন নি, বৌ নিজে বঁকে বসবে।

রামকালী চলে যেতে এলোকেশী পতির প্রতি জলন্ত কটাক্ষ করে বলেন, “বুঝলে? বুঝলে কত বড় জাঁহাবাজ ধড়িবাজ মেয়ে? বলি নি তোমায় আমি, ও মেয়ের হাড়ে ভেলকি খেলে!”

নীলাধর বলেন, “দেখছি বটে।”

“তা হলে বল, ওই বৌ নিয়ে ধর করতে হবে আমার? একে তো ওই লক্ষ্মীছাড়ি সদিকে নিয়ে হাড়ে হাড়ে জলছি, তার সঙ্গে আবার ওই বৌ। আর দুটিতে মিল কত! আরো ওই জগ্গেই বোকে কুলোর বাতাস দিয়ে বিদেয় করতে চাই। আর—আরও একটা কথা,” চুপি চুপি বলেছিলেন এলোকেশী, “এখনো ধরে দিই নি তাই। ওই ছকা-পাঞ্জা বৌ যেই সোয়ামীকে

হাতে পাবে, সেই তো একেবারে জয় করে নেবে ! আর কি আমার নবু আমার থাকবে ? তার থেকে আমার বকুলফুলের ওই ছাওর-ঝিটা হাবা-গোবা মতন আছে—”

কিন্তু বেয়াই যখন চলে গেলেন তখন কিন্তু আর নীলাক্ষর এ কথা বলতে পারলেন না, “ভাল চান তো মেয়ে নিয়ে যান মশাই, নইলে কুলোর বাতাস দিয়ে বার করে দেব !”

নীলাক্ষরের একটা ক্রটি আছে। বৃকের পাটাটা তাঁর যতই থাক, মুখের জোরটা কম।

এলোকেশী গালে-মুখে চড়িয়ে বললেন, “কী বলব, ব্যাই বেটাছেলে, তার সঙ্গে তো আমার কথা কওয়া সাজে না, নইলে একবার দেখে নিতাম সে বা কত বড় ঘুষু আর ওই বাপ-সোহাগী বেটিই বা কত হারামজাদী।”

বোয়ের সঙ্গে কথা বন্ধ ছিল, সে পণ আর রাখতে পারলেন না এলোকেশী। সত্য যেখানে বসে পান সাজছিল, সেখানে তেড়ে গিয়ে বললেন, “বাপ নিতে এসেছিল, গোল না যে বড় ?”

সত্য একবার চোখ তুলে চোখ নামিয়ে পান মোড়ায় মন দিল।

“কী, কথার উত্তর দিলি না যে বড় ? গেলি না কেন বাপের সঙ্গে পিসির বিয়েতে ?”

সত্য মুহু গম্ভীর ভাবে বলে, ‘বিয়ের তো এখনও দেরি।’

“তা বাপ তো আদিখ্যেতা করে নিতে এসেছিল ?”

“বাবার কথায় ও-রকম অচ্ছেদা করে কথা কইবে না।” বলে মোড়া পানগুলো ডাবরে ভরে ভিজে গ্নাকড়া ঢাকা দিয়ে ধীর মন্থর গতিতে উঠে কুলুঙ্গীতে তুলে রাখে সত্য।

এলোকেশী রাগে দিশেহারা হয়ে বোধ করি আর কোন কথা খুঁজে না পেয়েই বলেন, “সর্বনাশী লক্ষ্মীছাড়ি, কি ভেবেছিল তুই ? বাপের ঘরে যাবি না, চিরকাল আমার বৃকে বসে দাড়ি ওপড়াবি ?”

সত্য একবার ফিরে তাকিয়ে শাশুড়ীর দিকে একটি অন্তর্ভেদী দৃষ্টি নিক্ষেপ করে বলে, “তা সর্বনাশকে যখন কুলো-ডালা দিয়ে বরণ করে ঘরে এনেছ, ওখন চিরকাল তার বোঝা বইতে হবে বৈকি।”

নবকুমার খবরটা পেল ভয়দুস্তর কাছে।

নিতাই বলে গেছে, “তোমার শব্দ আমাকে শুধু ভয় করতে বাকী রেখেছে !”

কিন্তু নিতাইয়ের কথাগুলো নবকুমার গায়ে মাখল না ।

নির্ঘাতিতা ধর্মপত্নীকে নির্ঘাতন থেকে উদ্ধার করার সাধু সংকল্প নিয়ে নবকুমার অসমসাহসিক কাজ করেছিল, কিন্তু রামকালী ফিরে যাবার পর হঠাৎ নিজের মনের দিকে তাকিয়ে আবার বিষ্ময়ে হাঁ হয়ে গেল নবকুমার । আশ্চর্য, সত্যবতীর যাওয়া হল না দেখে তার মনের মধ্যে যেন একটা পুলকের চেউ উথলে উঠছে ।

নবকুমার এ রহস্যের কিনারা করতে পারল না ।

কিন্তু নবকুমারের জন্মে যে আরও কী অদ্ভুত রহস্য তোলা ছিল, তা কি সে দণ্ডবানেক আগেও ভেবেছিল ?

রাত খুব বেশী নয়, সন্ধ্যারান্তির ।

এলোকেশী যথারীতি বিছানায় গিয়ে শ্রান্ত হয়েছেন, আর নীলাধর যথারীতি রাতসফরে বেরিয়েছেন, সহ রান্নাঘরে কাঠের ‘দেলকো’র উপর মাটির প্রদীপ বসিয়ে রান্না করছে । নবকুমার বাড়ি ফিরে সন্তর্পণে স্বন্ধকার দালানটা পার হচ্ছিল হঠাৎ পাশের ঘরের দরজার কাছ থেকে একটা চাপা মুহু অথচ দৃঢ় গলায় কে বলে ওঠে, “একটু দাঁড়াতে হবে ।”

নিজের কানকে বিশ্বাস করতে পারে না নবকুমার এবং দাঁড়িয়ে যে পড়ে সেটা আদেশ পালনার্থে নয়, চলৎশক্তি হারিয়ে ফেলে বলেই পড়ে ।

এ কণ্ঠস্বর তার বাপের নয়, মা’র নয়, সতীর নয় ।

অতএব ?

বাড়িতে আর কে আছে ? নবকুমারের স্বপ্নলোকবাসিনী ছাড়া ?

স্বন্ধকারে কেউ কাউকে স্পষ্ট দেখতে পায় না—শুধু গলাটাই শোনা যায়,—  
“নিভোনন্দপুরে চিঠি পাঠিয়েছিল কে ? আমার দুঃখ-কাহিনীর ব্যাখ্যানা করে ?”

বলা বাহুল্য নবকুমার দাক্ষুণ্যেতে পরিণত । আর দাক্ষুণ্যের কথা কইবার ক্ষমতা থাকি সম্ভব নয় ।

“উত্তর নেই যে ?”

নবকুমার একবার অশ্রুতে বলে, “কি বলব ?”



“পষ্ট উত্তর দেবে। আমার বাবাকে চিঠি দিবেছিল কে?”

এ কণ্ঠের প্রশ্নে নিরুত্তর থাকার নবকুমারের সাধ্যাতীত। কষ্টে বলে, “আমার সঙ্গে কথা কইছ, কে কমনে দেখে ফেলবে!”

“আচ্ছা সে চিন্তে আমার। কথাটার উত্তর ফাঁকি না দিয়ে হুকু জবাবটা দাও।”

নবকুমার টোক গিলে, ঘাড় চুলকে, ঘেমে-টেমে বলে, “আমি চিঠির কথা কি করে জানব? কিসের চিঠি?”

“ছাখো, মিথো কথা কথো না, নরকে ঠাই হবে না।” সত্যবতী রুদ্ধকণ্ঠে বলে “আমাব নির্যাস জ্ঞান, এ তোমার কাজ।”

সহসা নবকুমারের স্বামীত্ব এবং পৌত্র্য ঝিকার দিবে গুঠে তাকে। তাই সেও সহসা ক্রুদ্ধকণ্ঠে বলে, “যদি দিবেই থাকি, দোষটা কি হয়েছে? নিজেই তো মরছিলে!”

অন্ধকার থেকে মুহূর্তীক স্বর দ্রুত কথা কয়, “মরছিলাম সেটা ঢাক পিটিবে বলে বেড়াবার, কুটুমের কানে তোলার মতন কথা নয়। যারা নিজের মাবের গাণে চুনকালি দেয়, তাদের আবার বিগ্ণে-বুদ্ধির বড়াই। ঘরশত্রুর বিভীষণকে ত্রিজগতের লোকে ছিছিকার করেছে বৈ ধন্নি-ধন্নি করে নি। এই বুঝে কাজ করে।”

ঘরের অন্ধকারের মধ্যে মিলিসে যায় দরজায় দাঁড়ানো মূর্তিটার আভাস।

কণ্ঠস্বরের অন্তরণনটুকুও বাতাসে মিলিষে যায়, অথচ নবকুমার নযযৌ ন তস্হৌ অবস্থায় দাঁড়িযে থাকে।

প্রথম পত্নী-সম্ভাষণের যে বহুবিধ রোমাঞ্চময় এবং আবেশময় মধুর কল্পনা নব-কুমারের লাজুক হৃদয় এতদিন ধরে লালন করে আসছিল, তার উপর কে যেন একটা কালির দোষাত উপুড় করে দিয়ে গেছে।

স্বীর সঙ্গে জীবনের প্রথম বাক্যবিনিময় এইভাবেই শেষ হয় নবকুমারের।

## ॥ তেইল ॥

সত্যর বেহায়াপনার কথা জানতে আর বাকী থাকে না কারো এ তল্লাটে।  
এপ নিতে এসেছিল, শক্তর-শাওড়ী এক কথায় মত দিয়েছিল, অথচ সত্য যার  
নি, নিজে ফিরিয়ে দিয়েছে বাপকে, এ অভাবনীয় সংবাদটা যেন খডের চালে  
আগুন লাগার মত ছড়িয়ে পড়ল এ পাড়া থেকে ও পাড়া। পাড়ার অন্ত বোরা  
ভাবল, বাঁড়ুয্যে-বাড়ির বোটার নানা নিন্দেবাদ শুনেছি, এতদিনে তার মানে  
পাশুরা গেল বোটা পাগল!

আহা, বেচারা নবকুমার!

বেয়াইয়ের বিষয়ের লোভে বাপ কিনা একটা পাগল বো গলায় চাপিয়েছে  
ছেলের!

তা সত্য সম্পর্কে এ ধরনের আলোচনা আরো একবার হয়ে গেছে ইতিপূর্বে,  
সত্যর বাপের বাড়ির দেশেই হয়েছে। যখন চাউর হয়ে গেল, রামকালী  
কবরেজ মেয়ে পাঠাতে চান নি, মেয়ে নিজে বলেছে, “পাঠিয়ে দাও বাবা”,  
তখন এর থেকে বেশী বৈ কম ছিছিকার পড়ে নি।

ভুবনেশ্বরী অবিরল কৈদে মাটি ভিজিয়েছে, সত্যর বন্ধুরা গাল থেকে আর  
হাত নামাতে পারে নি, সত্য নিশ্চল থেকেছে। শুধু যখন সারদা বলেছে,  
“নিজের পায়ে নিজে কুড়ুল মারলে, ঠাকুরঝি?” তখন বলেছে, “কুড়ুল তো  
বারা সেই আট বছর বয়সে গলায় বসিয়ে রেখেছেন বো, নতুন আর কি  
হল?”

“তবু আরো একটা বছর থাকতে পেতে—”

“এতখানি জীবনে একটা বছর কম-বেশীতে আর কি বা হবে বো? রাগের  
মাথায় তারা ওই আবার বিয়ে না কি বলেছে, তাই করলে তো সারাজীবন  
সতীনের জালায় জলতে হবে!”

সারদা একটা নিশ্বাস ফেলে চূপ করেছে।

আর যখন ভুবনেশ্বরী কৈদে-কৈটে মেয়ের হাত ধরে বলেছে, “আমাদের  
জন্তে তোমর মন-কেমন করছে না সত্য?”—তখন সত্য অন্ত দিকে মুখ ফিরিয়ে  
উদাস গলায় বলেছে, “করছে কি করছে না, সে কথা কি ঢাক পিটিয়ে বলতে  
হবে?”

“তবে স্বেচ্ছায় যেতে চাইলি কেন?”

“কেন কথার মানে নেই। নিজেরাই তো বল, ‘মা বড় নিবোধ, কেঁদে কেঁদে মর, আপনি ভাবিয়া দেখ কার ঘর কর!’ তবে?”

ভুবনেশ্বরী এতেও চৈতন্যলাভ করে নি, বলেছিল, “আমার তো তবু এপাড়া ওপাড়া—তোঁর মতন দশ-বিশ ক্রোশ দূরে নয়—”

কথা শেষ হয় নি।

এই সময় আর বাঁধ রাখতে পারে নি সত্য, হাপুসনয়নে কেঁদে ফেলে বলেছে, “তা সে কথাটা সময়কালে ভাবো নি কেন? একটা মাত্র নেবে আমি তোমাদের, চোখছাড়া দেশছাড়া করে এক অ-গন্ধার দেশে বিদেয় করে দিয়েছ, মায়া-মমতা থাকলে পারতে তা? এই তো, পুণ্য মোটে একটা বছরের ছোট আমার চেয়ে, দিব্যি ড্যাংডেডিয়ে বেড়াচ্ছে, আর আমার সেই কোন্ কালে পরগোস্বর করে দিয়ে—”, গলাটা ঝেড়ে নিয়ে কথাটা শেষ করেছে সে, “তা না দিলে, পারতো কেউ আমার গলায় গামছা দিয়ে টেনে নে যেতে? বাবা মেয়ে বলে মায়া করেন নি, ‘গৌরীদান’ করে পুণ্য করেছেন, আমারও নেই মায়া-মমতা। নির্মায়িক বাপের নির্মায়িক মেয়ে—,” বলেই হঠাৎ মাটিতে উপুড় হয়ে পড়ে ডুকরে ডুকরে কেঁদেছে দীর্ঘ সময় ধরে।

তবু শব্দরবাড়ি যাওয়া হয় নি।

রামকালী আর রামকালীর মেয়ে দুজনের সমান। দুজনের মতোই ‘কথা’ যখন দেওয়া হয়ে গেছে, তখন আর নতুন বিবেচনা চলে না।

বাপের আড়ালে আর মায়ের সামনে আলোচনার ঝড় বয়েছিল।

এবারের পালা এই।

এবারে মোটামুটি সত্যর আড়ালেই। শুধু সত্ব বলেছিল, “শব্দবাদ তোমাকে বৌ, নমস্কার! ছিছিঙ্কার দেব, না পায়ের ধুলো নেব ভেবে পাচ্ছি না।”

সত্য এর উত্তরে নিজেই হেঁট হয়ে সত্ব পায়ের ধুলো নিয়ে হেসে বলেছিল, “হুগ্গা হুগ্গা, গুরুজন তুমি, ছিছিঙ্কারই দাও বরং! জন্মাবধি যা পেয়ে আসছি!”

সত্যর মধ্যে যে বিরাত সমুদ্রের আলোড়ন চলছে তা কি সত্য লোকের সামনে মেলে ধরবে? হ্যাঁ, সমুদ্রের আলোড়নই। তবু বাপ চলে যাবার পর ভেঙে পড়ে নি সে। যথারীতি তার পরই তেল-সলতে নিয়ে বসেছে

পিদিম সাজাতে, তার পর ঘাটে গেছে, গা ধুয়ে কাপড় কেচে মস্ত ঘড়াটা ভরে এনে দাওয়ার বাসরে ভিজ়ে কাপড়়েই 'ঠাকুরঘরে' সন্ধ্যে দোঁখরে শাঁক বাজ়িয়ে তুলসীমঞ্চে জল দিয়ে, শুকনো কাপড়় পরে রাস্তিরের রান্নার ব্যবস্থা করতে বসেছে।

রাস্তিরের রান্নাটা সত্যই করে আজকাল। সতুকে বলে বলে এ অধিকার অজন করেছে সে।

শুধু রান্না করতে করতে যে চোখ দিয়ে জল গড়িয়ে পড়েছিল তার, ফাস্তনের শেষ থেকে বৈশাখের মাঝামাঝি আসতে কদিন লাগে, কিছুতেই হিসেব মেলাতে পারে নি—তার কোন সাক্ষী নেই।

কিন্তু সত্যর জাবনে কি সেই 'বৈশাখের মাঝামাঝি'টা দেখা দিয়েছিল আনন্দের মুক্তি নিয়ে? আলো-ঝলমলে উজ্জল মুক্তি নিয়ে?

নাঃ।

সে দেখা পায় নি সত্য।

পুণ্যর বিয়েতে যাওয়া হয় নি তার। ঠিক সেই সময় এলোকেশী রক্ত আমাশায় পড়ে মরতে বসেছিলেন। আর কাঁথা মুড়ি দিয়ে পড়ে থাকা মানুষটাই - খিঁচিয়ে উঠে বলেছিল, “কী বললি সহ, বাপের বাড়ির লোকের সঙ্গে বাবে বলে নাচছে হারামজাদী? বাপ যখন সোহাগ করে নিতে এসেছিল তখন যাওয়া হল না, এখন আমি মরতে বসেছি— বলে দিগে যা, যাওয়া হবে না, যে নিতে এসেছে ধুলোপায়ে বিদেয় হোক।”

মামী মরতে বসেছে বলে যে সহ ছেড়ে কথা কইবে তা কিন্তু করে নি। স্বাক্ষর দিয়ে বলেছিল সে, “ভারা তোমার লোককে টাটের শালগেরামের; মতন পাণ্ডাৰ্ঘ্য দিয়ে বসিয়ে খাইয়ে মাথিয়ে আর এক পোঁটলা জিনিস দিয়ে বুক ভরিয়ে বিদেয় দিলে, আর তুমি তাদের লোককে ধুলোপায়ে বিদেয় দেবে? তা ভালো, মুখটা খুব উজ্জল হবে। কিন্তু আমি বলি কি, দু-দশ দিনের জন্তে পাঠিয়েই দাও! ছেলেমানুষ—তাছাড়া শুনেছি ওই পিসিই চিরকালের খেলুড়ি—”

এলোকেশী চিঁচিঁ করে বলেছিলেন, “তবে বল যেতে। তুমিই বা থাকবে কেন? তুমিও বিদেয় হও। শুধু যাবার আগে একখানা ছুরি এনে আমার গলায় বসিয়ে দিয়ে যাও।”

সত ছুরি দেয় নি, নিজেও বিদেয় হয় নি, শুধু সত্যের যাওয়ার ব্যবস্থা করছিল, কিন্তু মস্ত বাদ সাধল নবকুমার ।

হঠাৎ ‘পুরুষকর্তার’ ভূমিকা নিয়ে বেশ সোচ্চারে ঘোষণা করে বসল, “যাওয়া-টাওয়া হবে না কারুর । আমার মা মরছে, আর লোকে এখন খুঁড়তুতো পিসির বিয়ের ভোজ্ঞ খেতে ছুটবে । বলে দাও সহৃদি, সে শুভে যালি । যাওয়া বন্ধ থাক ।”

নবকুমারের ঘোষণার কর্তা-গিন্নী পরম পুলকে নিলিঙ্গ সেজে বললেন, “আমরা আর কি বলব ? নবা যখন—”

তবু সত্বে চেষ্টা করেছিল । বলেছিল, “সব সময় বুঝি নবার কথাতেই ওঠো বসো তোমরা ?”

কিন্তু কাজ হয় নি । এলোকেশী শাপমন্ত্রি দিয়ে ভূত ভাগিয়েছিল ।

সত্যবতী বলেছিল, “আমি বাবাকে কথা দিয়েছিলাম বিষেতে যাবো —”

নবকুমার সত্বে মারফৎ সে কথা শুনে জবাব দিয়েছিল, “সমাজে আমাদের মুখটা হেঁট হয়, এই যদি কেউ চায় তো যাক ।”

সত্বে ওর মুখের দিকে কিছুক্ষণ তাকিয়ে থেকে হঠাৎ হেসে ফেলে বলেছিল, “খুব তো বিজ্ঞের মতন কথা বলছিস, আসল ব্যাপারটা কি বল্ দেখি ? বৌকে তো এখনও ঘরে পাস নি, তবু এত মন-কেমন ?”

সত্বে এই কথায় হঠাৎ নবকুমারের কর্তৃত্বি ঘুচে গিয়েছিল । “ঘ্যাঃ” বলে ঝপ্ করে সরে গিয়েছিল । বোধ করি এ কথাও ভেবেছিল, সহৃদি কি অন্তর্ধামী ?

কিন্তু শেষ পর্যন্ত সত্যবতীই বঁকে বসল । সত্বে যখন বহু চেষ্টায় রক্ষা করেছিল, নেমন্তন্ন রক্ষা করতে নবকুমার যাবে, সেই সঙ্গে বৌ যাবে তিনটি দিনের কড়ারে, বরকনে বিদেয় হবে ওরাও চলে আসবে, তখন সত্যবতী হঠাৎ বলে বসল, “দরকার নেই আমার এই একমুঠো ভিক্ষের । তিন দিনের মধ্যে তো পাড়া ভেসে যাক—বাড়ির সব লোকগুলোর মুখও দেখে ওঠা হবে না, সে যাওয়ায় লাভ ! লোকে স্তনবে সত্য এসেছিল, সত্য চলে গেছে, ছিঃ !”

“দেখ কথা ! ভাত পায় না—গয়না চায় । মুষ্টিভিক্ষেই যে ছুটছিল না, তবু বিয়েটাও তো দেখতে পাবি ?”

“ধাক্কা, নাই দেখলাম। যার নেমস্তন্ন রন্ধের কথা সে যাক।”

“সে আর গিয়েছে!”

গত মস্তব্য করে। এবং ঠিকই করে। নবকুমার জোড়হাতে বলে, “রন্ধে কর বাবা!”

অতএব শেষরন্ধে করেন নীলম্বর।

তিনি রামকালীর প্রেরিত লোকের হাতে পত্র দিবে দেন, “নবকুমার বাবা-জীবনের গর্ভধারিণী মৃত্যুশয্যায, সে কারণে কাহারও যাওয়া সম্ভবপর হইল না, পত্রবাহকের হাতে লৌকিকতা বাবদ দুই টাকা পাঠালাম।”

রামকালী সেই পত্র পেয়ে দীর্ঘ সময় চূপ করে থেকে আন্তে বলেছিলেন, “ও টাকা ছুটো তুই জলপানি খাস রাখ। আর শোন, বাড়ির মধ্যে বলে দিগে যা, সত্যর শান্ত্তী মরমর, তাই আসা সম্ভব হল না।”

তারপর বখানিয়মে বিয়ে হয়ে গেছে, বৈশাখ কেটেছে, জ্যৈষ্ঠ আষাঢ় সব কেটে গেছে, রামকালী তাঁর জামাতা বাবাজীবনের গর্ভধারিণীর মৃত্যুসংবাদ পান নি।

এই না পাওয়াটা কি একটা মরুভূমির রুদ্ধ বাতাসের মত? যে বাতাস সমস্ত কোমলতা আর সরসতা মুছে নিতে পারে? নইলে রামকালী আন্তে আন্তে এমন নীরস কঠিন হবে গিয়েছেন কেন? কেন বেহাঠয়ের সঙ্গে ভদ্রতারক্ষা হিসেবে বেহানের কুশল সংবাদ প্রার্থনা করেন নি? কেনই বা ভেবেছেন, মেয়ে আনার জন্তে হ্যাংলামি করার মধ্যে অর্গোরব আছে?

অন্তঃপুরের মধ্যে একখানি বিচ্ছেদ-ব্যাকুল মাতৃহৃদয় যে রামকালীর এই কাঠিন্যের সামনে মুক বেদনায় স্তব্ধ হয়ে পড়ে আছে, সেটা বোঝবার ইচ্ছে হয় নি কেন রামকালীর?

রামকালী কি ভেবেছিলেন, এবারও সেই একফোটা মেয়েটাই বাপের কাছে অহঙ্কারের পরিমাপ দেখিয়েছে! দৃঢ়তার অহঙ্কার, কাঠিন্যের অহঙ্কার! বলতে চেয়েছে, “দেখ আমিও কম যাই না!” তাই অভিমানাহত পিতৃহৃদয়টি এই অন্ধকারে দিশেহারা হয়ে চূপ করে থেকেছে আর ভেবেছে, “দেখা যাক!”

কিন্তু কতদিন দেখবেন রামকালী?

অসমবয়সী এই ছুটো মাতৃয়ের দাবা খেলার চালের অবসরে কত ব্যাপারই

ঘটে গেল। যে ব্যাপারের একটা ঘটলেও মেঘে বাপের বাড়ি ছুটে আসতে পারে। কিন্তু বলা তো চাই? মেঘের বাপ গলাধ বস্তুর দিয়ে আবার আর্জি পেশ করবে তবে তো?

তা করছেন না রামকালী।

অতএব আরো একবার বর্ষা শরৎ শীত বসন্ত পার হয়ে গেল নিজস্ব নিয়মে।

### ॥ চব্বিশ ॥

নৌলাস্বর বাঁধুঘো নিত্যনিয়মে সন্ধ্যা-গাথত্রী আফ্রিকপূজো ইত্যাদি সেয়ে গৃহদেবতা নারায়ণশিলার প্রসাদী বাতাস। দুখানি মুখে দিয়ে জল খেয়ে হাঁক দিলেন, “সহু, আজ আব আমার জলখাবার গোছাস নে, শরীরটা তেমন ভাল নেই।”

সহু দুটি চালভাজায় তেল-স্নান মাখছিল মামার জন্তে। ঘরে কীরের তক্তা আছে, আছে নারকেলকোরা, ওতেই হবে। আজকাল আর রাত্রে বেশী কিছু খান না নৌলাস্বর।

মামার কথায় বেরিয়ে এসে বলে সহু, “কেন, শরীরে আবার তোমার কি হল মামা?”

“কি জানি কেমন খিদে নেই।”

বলে যথারীতি বেনিয়ানটি গায়ে এঁটে আলোখান কাঁধে ফেলে নিত্যনিয়মিত রাত-চরতে বেরিয়ে যান নৌলাস্বর।

সত্যবতী ঘর থেকে বেরিয়ে এসে বলে, “শরীর খারাপ যদি, ঠাকুর আবার এই শীতের রাস্তিরে বেরোলেন কেন ঠাকুরঝি?”

সহু হাসি চেপে বলে, “কেন বেরোলেন, তুই নিজে জিজ্ঞেস করলেই পারতিস বৌ!”

“শোনো কথা, আমি কথা কই?”

“ও তা বটে!”

বলে সহু মুখ টিপে হাসে।

সত্য হঠাৎ সত্বর হাত চেপে ধরে সন্দ্বিগ্ন স্বরে বলে, “আচ্ছা ঠাকুরবি, ঠাকুর বেড়াতে বেরোলেই তুমি অমন হাস কেন বল তো ? কোথায় যান ?”

সত্ব অমায়িক মুখে বলে, “ওমা, হাসি আবার কখন ! যান বোধ হয় দাবা-পাশার আড্ডায় ।”

“তা শরীর খারাপ হলেও যেতে হবে ? ঝড়বৃষ্টি বজ্রাঘাত কোনমতেই কামাই চলবে না ? বারণ করতে পার না তোমরা ?”

“বারণ ? ও বাবা ! ও আকর্ষণ যমের আকর্ষণের বাড়া !” বলে আর একবার হাসি চাপে সত্ব ।

“আমি ঠাকুরের সঙ্গে কথা কইলে ঠাকুরের ওই মারাত্মক নেশা ছাড়িয়ে দিতাম ।”

“তা সেই চেষ্টাই নয় করিস ! নিজে বলতে না পারিস একে দিবে বলাস । সে উপযুক্ত ছেলে—বাপের এই বদ নেশা যদি ছাড়াতে পারে !”

সত্ব এবার হাসি চাপে না, হাসে ।

কথাটা যে সত্যের মনে লাগল তা নয়, বরং সত্বর কথায় মধ্যে সে একটা প্রচ্ছন্ন কৌতুকের আভাস পেল । তার শব্দের এই আড্ডার আকর্ষণটা যে ঠিক দাবা-পাশার আড্ডা নয়, এই সন্দেহই বদ্ধমূল হল ।

রাত্রে তাই ঘরে ঢুকেই প্রথম ওই কথাটাই পাড়ে সত্য, “আচ্ছা, রোজ রাত্তিরে ঠাকুর কোথায় যান বল তো ?”

হ্যাঁ, কিছুদিন হল রাত্তির অধিকার পেয়েছে সত্য । সত্বরই প্রচেষ্টায়—আর সত্বর প্রচেষ্টাটা নবকুমারের প্রতি করুণাতেই । নইলে বৌ তো কিছুতেই হেলে দোলে না ।

নবধূর স্বপ্নে বিভোর নবকুমার অবশ্যই এ হেন প্রশ্নের জন্ম প্রস্তুত ছিল না । তাই ধতমত খেয়ে বলে, “কোথায় আবার ! তুমি জান না ?”

“জানলে তোমায় শুধোতাম না ।”

নবকুমার গম্ভীর হয়ে গিয়ে বলে, “বাপ গুরুজন, তাঁর কথা নিয়ে আলোচনা না করাই ভাল ।”

সত্য ভুরু কুঁচকে বলে, “গুরুজনের নিশ্চয় করাই না হয় ভাল নয়, গুরুজনের কথা মাস্তুরই কওয়া দোষ ?”

নবকুমার গম্ভীরতর হয়ে বলে, “তা এ তো নিশ্চয়ই কথা । বামূনের



ছেলে হয়ে বাগদীপাড়ায় যাওয়া, তাদের হাতের পান-জল খাওয়া এসব কি আর খুব গুণের কথা ?”

বাগদীপাড়ায় যাওয়া !

ওাদের হাতে পান-জল খাওয়া !

সত্যকে যেন তার স্বামী হঠাৎ ধরে ধোবার পাটে আছাড় মারল ।

সত্যও তাই ধতমত খায় ।

বলে, “ও কথার মানে ?”

সত্যর বয়সের দিকে তাকায় না নবকুমার, বৌ সকল জ্ঞানের আধার হবে, এটাও ধারণা তার । তাই উদাস গলায় বলে, “মানে যদি না বোক তো নাচার । বাপের সম্পর্কে পষ্ট করে আর কী বলব ? কথায় বলে— পিতা স্বর্গ পিতা ধর্ম— ! নইলে পথেঘাটে যখন উল্লাদী বাগদিনীকে দেখি, যখন কি আর রাগে ব্রহ্মাও জলে যায় না ? কিন্তু কী করব, মনকে প্রবোধ দিলেই হয়, ভাবতে হয় যতই হোক মাতৃতুল্য ।”

পূজনীয় পিতৃদেব সম্পর্কে “কিছু বলব না” বলেও সবটুকুই বলে ফেলে নবকুমার নিশ্চিত হয়ে স্ত্রীকে সমাদর করে কাছে টানতে যায় ।

কিন্তু এ কী !

নিত্যকার প্রফুল্ল-প্রতিমা সহসা প্রস্তর-প্রতিমায পরিণত হল কেন ? সত্যিই সত্যর সর্বশরীর যেন পাথরের মতই কঠিন হয়ে উঠেছে ।

আর সেই শরীরের মধ্যকার মনটা ?

সেই মনটাও কি কাঠ হয়ে উঠল ? অজানিত একটা ভয়ে ?

হ্যাঁ, ভয়ই !

অনেক অনেক দিন আগে বালিকা সত্যর নিঃশব্দ চিন্তা যেমন ভয়ে কাঠ হয়ে গিয়েছিল কাটোয়ার বৌ শরীরের এক অজানা অন্ধকার-লোকের বার্তা শুনে, তেমনি ভয়ে । কিন্তু সেদিন ছিল শুধুই অন্ধকার, শুধুই ভয় । কিন্তু আজ সেই অন্ধকারের মাঝখানে জলে উঠেছে একটা তীব্র বিদ্যুৎশিখার চোখ-ধাঁধানো আলো ।

অজ্ঞকের সত্য সেদিনের অবোধ বালিকা নয়, সংসার-তুষের অনেক কিছুই তার জ্ঞান হয়ে গেছে । তাই ভয়ের গাঢ় অন্ধকারের মাঝখানে দপদপ করে জলে উঠেছে যুগার বিদ্যুৎশিখা ।

বার দুই চেঁচান পর নবকুমার হতাশ হয়ে বলে, “হলটা কি ভোমার ?

সারাদিনের পর দুটো স্বথ-দুঃখের কথা কইব, একটু হাসি-আনন্দ দেখব এই আশায় হাঁ করে থাকি—”

সত্য রুদ্ধস্বরে বলে, “হাসি-আনন্দ তো কুমোরবাড়ির হাঁড়ি-কলসী নয় যে, করমাশ দিলেই পাওয়া যায়, হাসি-আনন্দের মতন মন না থাকলে ?”

নির্বোধ নবকুমার পরিহাসের ব্যর্থ চেষ্টায় বলে, “তা এতে আর তোমার এত মন ধারাপের কী আছে ? আমি তো আর কোনও বাগদিনীর সঙ্গে ভালবাসা—”

“খামে খামো—,” তীব্র ঝিকারের স্বর ছড়িয়ে পড়ে বন্ধ ঘরের দেওয়ালে দেওয়ালে ।

শীতের রাতের স্ববিধেয় একটু বা গলা খুলে কথা কওয়া চলে । আর সত্যি কথা বলতে, সত্য এমন কিছু লজ্জাবতী বৌও নয় । গলার শব্দ তার বখন তখন স্তনতে পাওয়া যায় ।

ধিকার দিবে সত্য গায়ের কাঁথাটা টেনে গলা পর্যন্ত ঢেকে ওদিকে মুখ করে শুয়ে বলে, “ওই ঘেন্নার কথা নিয়ে হাসি-ঠাট্টা করতে লজ্জা হয় না তোমাদের ? আমি কিন্তু এই পষ্ট বলে দিচ্ছি, এর পর থেকে যদি ঠাকুরকে আমি ছেদাভক্তি না করতে পারি তুমি না আমায় ।”

এর পর নবকুমার কথা কইবার চেষ্টায় ব্যর্থ হবে মনে মনে নিজেকে গালা-গাল দিতে থাকে । ছি ছি, কী একটা গাধা সে ! বললেই হত, “বাবা কোথায় যায় আমি জানি না ।” বৌকে তো সে চেনে । ভাল মেজাজে আছে তো গঙ্গাজল, মেজাজ বিগড়ে গেল তো আঙুনের খাপরা ।

বাবা, কী যে একবগগা মেয়ে ! কবে এক দিন সে-ই নবকুমারের কী একটা মিথ্যে কথা ধরে ফেলে একেবারে পাঁচ দিন কথা বন্ধ ! অবশেষে নবকুমার নিতাইয়ের কাছ থেকে পরামর্শ নিয়ে একটা শাস্ত্রের প্লোক আউফে বোঝায়, পরিবারের সঙ্গে মিথ্যে কথায় পাপ নেই, তবে বৌয়ের মুখের কুলুপ খোলে । অবিজ্ঞি শাস্ত্রবাক্য মেনে নিয়ে বয়, মুখ খোলে প্রতিবাদের মুখরতায় ।

সেদিন তেজের সঙ্গে বলেছিল সত্য, “থাক থাক, আর শাস্ত্র আওড়াতে হবে না । যে শাস্ত্রে বলে মিথ্যে কথায় পাপ নেই, সে শাস্ত্রে আমার অকচি । পরিবার বুঝি একটা মানুষ নয়, ভগবান বাস করে না তার মধ্যে ? এর পর আর তোমার কোন কথা মন-প্রাণ দিয়ে বিশ্বাস করব আমি ?”

সে বাই হোক, তবু ঝগড়ার স্বত্রেও কথার দয়জা খুলেছিল। এবার আবার কি না জানি হয়।

আর সত্য ?

সে ভাবছিল, ছি ছি, এই চরিত্র তার শ্বশুরের ! যাকে 'ঠাকুর' বলে সম্বোধন করতে হয় তাকে ! চরিত্রের অল্প বহুবিধ ক্রটি সে দেখেছে শ্বশুরের, নীচতা ক্ষুদ্রতা স্বার্থপরভাঙ্গ গিন্নী এলোকেশীর থেকে কিছু কম যান না তিনি, এযাবৎ সে সবই মনে মনে মেনে নিয়েছে সত্য আর ভেবেছে ত্রিসংসারে আমার বাবার মতন আর কজন হবে ?

কিন্তু এ কী !

এ যে স্নায় লজ্জায় সমস্ত রক্তকণা ছি ছি করে উঠছে। এই বয়সে এই প্রবৃত্তি ! আর সব চেয়ে আশ্চর্য কথা, এরা সে কথা সবাই জানে ! অথচ, সত্য নির্বোধ, সত্য সত্য, তাই এতদিন দেখেও শ্বশুরের এই রাত-চরার অর্থ কোনদিন আবিষ্কার করার চেষ্টা করে নি ! সত্যরা ঘুমিয়ে পড়ার অনেক পরে যে তিনি বাড়ি ফেরেন এ কথা তো বরাবরই দেখেছে। তার মানে বোঝে নি। না না, এ শ্বশুরকে সে ভক্তি-ছেদা করতে পারবে না, তাতে সত্যকে যে বাই বন্ধুক।

হঠাৎ সত্যার সর্বশরীর আলোড়ন করে প্রবল একটা কান্নার উচ্ছ্বাস আসে, আর এই দীর্ঘকাল পরে বাপের ওপর তীব্র অভিমানে হৃদয় বিদীর্ণ হতে থাকে তার।

এ সংসারে এসে অনেক নীচতা অনেক ক্ষুদ্রতা অনেক হৃদয়হীনতা দেখেছে সত্য, সবই এদের অশিক্ষা কুশিক্ষার ফল বলে সহ করে নিয়েছে, কিন্তু আজকে এই একটা বুড়ো লোকের চরিত্রহীনতার নোংরামি তাকে যেন আছড়ে আছড়ে মারছে।

তাই যে সত্য উৎপীড়নেও কখনো কঁাদে না, সে আজ কঁাদে বাগিশ ভিজিয়ে বলতে থাকে, “বাবা বাবাগো, দশটা নয় পাঁচটা নয়, একটা মাস্তুর যে যে আমি তোমার, না দেখে শুনে এমন ঘরেও দিখেছিলে ! এত তুমি বিচক্ষণ, আর এই তোমার বিচার !”

অনেকক্ষণ কঁাদে কঁাদে এক সময় ঘুমিয়ে পড়ে সত্য।

কিন্তু রাতে কম ঘুমিয়েছে বলে সকালবেলা পর্বস্ত ঘুমোবে, এত স্থ

তো আর বৌ-মান্নঘের ভাগ্যে ঘটে না। যথার্থী ৩ ভোরে উঠে স্নানশুদ্ধ হই; নারায়ণের ঘরের গোছ কবচে ঢুকল সত্য ভা কাস্ত মনে, আর অভয়াগত চন্দন-পাটাখানা টেনে নিয়ে চন্দন ঘষতে গিবে ৩ কথাটা একটা বিদ্যুৎ-শিখা এনে দিল গর মধ্যে।

সত্যর এই যত্ন করে চন্দন ঘষা, ফুল তুলসী বাছা, ধূপ-ধুনোয় ঘর ভর্তি করে তোলায় মূল্য কি ?

এসব উপকরণ নিয়ে পূজো করবেন তো এখন নীলাক্ষর বাঁড়ুঘো। তার আবার কাশির ধাত বলে প্রাতঃস্নান করবেন না, মুখ-হাত ধুয়ে তসর খুঁতখানা জড়িয়ে এসে পূজোর আসনে বসেন।

কিন্তু স্নান করলেই বা কি ?

দেহ মন আত্মা সবই যার অন্তর্ভুক্তি, স্নানে আর কী শুদ্ধ হবে সে ?

হাত গুটিয়ে চূপ করে বসে থাকে সত্য হাটুতে মুখ রেখে। ফুল তোলা হয় না, তুলসী চষন হয় না।

অনেকক্ষণ পরে সৌদামিনী কি কাজে এদিকে এসে থমকে দাঁড়িয়ে পড়ে বলে, “কী হল বৌ, অমন করে বসে যে ?”

সত্য অবশ্য নির্বাক।

সহ ব্যগ্রভাবে দরজার চোকাঠ অবাধ এগিয়ে এসে বলে, “শরীর খাবাপ করছে ?”

সত্য মাথা নাড়ে।

“তবে ? বাপের বাড়ির জন্তে মন উতলা হচ্ছে বুঝি ? সত্যি, কতকাল হয়ে গেল—”

সত্য হঠাৎ উঠে দাঁড়িয়ে বলে গুঠে, “বাপের বাড়ির জন্তে মন উতলা হতে কখনও দেখেছ ঠাকুরঝি, তাই বলছ ?” সহ তার বড ননদ, তবু এটুকু প্রশ্রয় তার কাছে আছে।

সহ হেসে ফেলে বলে, “তা দেখি নি বটে, তা হলে ববের সঙ্গে কৌদল ?”

“বকো না ঠাকুরঝি, অত তুচ্ছ ব্যাপারে তোমাদের বৌ হারে না। আমার মন ভাল নেই, আজ থেকে পূজোর ঘরের কাজ আর আমি করব না।”

সহ হঠাৎ এই অভাবিত ঘোষণায় স্তম্ভিত হয়ে বলে, “সে কী কথা বৌ ?”

“ওই কথা ঠাকুরঝি। গুরুজনের কথায় বলতে কিছু চাই নে, কিন্তু ঠাকুর এসে পূজোর আগনে বসবেন মনে করে পূজোর গোছ করবার প্রবৃত্তি আমার হয়ে যাচ্ছে।”

সহ ৩৩বের চোটে নিজের মুখখানাতেই একবার হাত চাপা দিয়ে আস্তে-বাস্তে বলে, “ও কি সর্বনেশে কথা বৌ, মামীব কানে গেলে আস্ত থাকবি?”

সত্য মুখটা ফিরিয়ে শুকনো গলায় বলে, “এ সংসারে আর আস্ত থাকবার বাসনা আমার নেই ঠাকুরঝি।”

সহ প্রমাদ গনে।

এ আবার কী কথা রে বাবা! এর মূল কারণ যে সত্যর কালকের সেই শব্দর-সম্পর্কিত প্রশ্ন, তাতে আর সন্দেহ নেই, বোধ করি প্রশ্নের উত্তর তার জানা হয়ে গেছে। কিন্তু তার সঙ্গে এই রণযুদ্ধের নটিক সম্বন্ধ অল্পমান করতে পারে না সহ।

পারবার কথাও নয়।

সহর অনেক বয়স হয়েছে, এসব ব্যাপার তার কাছে কিছুই নয়। আশে-পাশে অহরহ দেখতে দেখতে হাডমাস কালি। কাজেই নিজের স্বামী-পুত্র ব্যতীত আর কারো চরিত্রহীনতায় যে এত বিচলিত হওয়া সম্ভব এ সহর বোধের বাইরে।

কিন্তু অল্প বিষয়ে সহ বুদ্ধিমতী, তাই এ কথা নিয়ে বেশী বাজাবাজি না করে বলে, “আচ্ছা বেশ, আমি চট্ করে চানটা সেরে এসে দাঁড়ি গুঁছিয়ে, তুমি চলে এস।”

“রাগ করো না ঠাকুরঝি, আমার মন কিছুতেই নিচ্ছে না তাই। তোমার কি কি কাজ আছে দেখিয়ে দাও, আমি করছি।” বলে সত্যিই পূজোর ঘর থেকে বেরিয়ে আসে সত্য।

কিন্তু পূজোর ঘরের তুলসী-চন্দনের দায় না হয় সহ সামলালে, বধু-জনোচিত আরও যে একটা কাজ রয়েছে সকালবেলাকার।

সে দায় কে সামলাবে?

সকালবেলা জল মুখে দেবার আগে শব্দর-শাশুড়ীর পদবন্দনা সত্যর নিত্যকর্ম পদ্ধতির একটি অঙ্গ। এলোকেশীই শিখিয়েছেন সহ মারফৎ।

সত্যও অবশ্য সে শিক্ষা মেনেই চলেছে এযাবৎ।

কিন্তু আজ সত্যর ভয়ানক এক দুঃসাহসিক সংকল্প। ‘বাস্ত’ তাকে না

ধাকতে হয় তাও ভাল, তবু ওই অপবিত্র মাহুঘটার পাষের ধুলো মাথাষ নেবে না সে।

গুরুজন ?

তা আর কি করা যাবে ? গুরুজন যদি ইত্তরজনের মত আচরণ করে ?

এলোকেশীও নিত্য সকালবেলা স্নান সেরে এসেই পুঞ্জোর ঘরে ঢোকেন। সাংসারিক কাজের তো কোন দায় নেই। সহ আছে, বৌ আছে। আর এলোকেশীর আছে দেব-দ্বিজে পরমা ভক্তি। নীলাম্বরও সারা সকাল ওইখানেই থাকেন, চণ্ডীর পুঁধি পড়েন, মহিম্বস্তব আওড়ান।

কর্তাগিন্নীর যাবতীয় বিশ্রান্তালাপ এইখানেই। কারণ সে আলাপের যেটা প্রধান সময় সে সমঘটা তো এলোকেশীর হাতের বাইরে। মশারি-বক্তৃতার উপায় কোথা ?

তা এইখানেই রোজ একত্রে দুজনকে প্রণাম করে যাষ সত্য।

কিন্তু আজ আর সত্যর দেখা নেই।

এলোকেশী কিছুক্ষণ পরে সহকে ডেকে বিরক্তি-ব্যঞ্জক স্বরে বলে, “আজ আর নবাব-নন্দিনীর দেখা নেই যে। গেলেন কোথা ?”

ব্যাপার বুঝতে সহর দেরি হয় না। এবং বোঝের এই বেখাপ্লা গৌষে একটু বিরক্তই হয় সে, তবু সামলে নিয়ে বলে, “যাবে আর কোথায ? ওই তো ওই দিকে—”

বলে কল্লিত ‘ওদিকে’র দিকে তাকায সহ।

এলোকেশী বলেন, “ছেদ্দায অছেদ্দায দৈনিক একবার শস্তর-শান্তডীর পারে মাথাটা নোযানো, আজ থেকে বুঝি সে বরাদ্দ বন্ধ ?”

নীলাম্বর মহিম্বস্তবের মাঝখানে উৎকর্ণ হয়ে ওঠেন। ততক্ষণে সহ হাওযা। ওখানে গিষে জন্তেবাস্তে বলে, “কী রে বৌ, এখনো পেন্নামটা ঠুঁকে আসিস নি বুঝি ?”

সত্য হাতের কাজ সেরে উদাস মুখে বসে ছিল। ঘাড় না কিয়িয়েই বলে, “না।”

“শান্তডীর টনক নড়েছে। যা যা, চট করে সেরে আর।”

যেন ভুলে গেছে সত্য, তাই মনে পড়িয়ে দেওয়া।

সত্য গন্তীরভাবে বলে, “দুজনে একত্রে বসে, একজনকে প্রণাম

করলাম, একজনকে করলাম না, ভাল দেখাম না। ঠাকরুন এদিকে আসুন, তখন হবে।”

সহু এবার বিরক্তি গোপন করে না। বলে, “তোমার আবার বড্ড বেশী বাড়াবাড়ি বৌ! স্বভাব-দোষ আর কটা বেটাছেলের নেই? তালুই মশাইয়ের মতন দেবচরিত্র কি আর সবাই? তা বলে স্বভাব দোষের অপরাধে শুল্লরের পাওনা পেন্নামটা রদ হবে যাবে?”

“বাবার কথা তুলে কাজ নেই ঠাকুরঝি, ‘হবে আমার যাতে মন নেগ না, সে কাজ আমি করতে পারি না। এক হিসেবে উনি তো পণ্ডিত’ শালগেরামের পুজো গুঁর দ্বারা হওয়াই উচিত নয়” বলে সত্য জোরে জোরে নিশ্বাস নিতে থাকে। বোধ করি মানসিক উস্তেজনাতেই।

সহুর কিছুক্ষণ আর বাকশক্তি থাকে না।

ধানিক ‘ধ’ বনে দাড়িয়ে থেকে আস্তে আস্তে বলে, “তোমার মত লেখাপড়া শিখি নি বৌ, এত কথা বোঝবার ক্ষমতা নেই। আমি সার বুঝি, যে যা করে করুক, আমার কর্তব্য আমি করে যাব।”

“মনে অভক্তি দেখানোটাই কি কর্তব্য ঠাকুরঝি?”

সহু চট করে এ কথার উত্তর দিতে পারে না, কি যেন একটা বলতে যায়, কিন্তু ইত্যবসরে পিছনে এসে দাড়িয়েছেন বাঘিনী। মনের মধ্যে তাঁর সন্দেহের ধোঁয়া। যেন বুঝেছেন একটা কিছু হয়েছে।

বাঘিনীর মতই হাঁক করে রঙ্গস্থলে পড়েন তিনি, “কোত্যব্য অকোত্যব্যের কথা কি হচ্ছে রে সহু?”

সহু চুপ।

সত্যও চুপ।

এলোকেশীই ফের প্রশ্ন করেন, “মুখে কথা নেই কেন? কী শলাপরামর্শ হচ্ছিল দুজনে শুনি? তুই সহু আমার খাবি পরবি আর আমারই বৌ ভাঙাবি? কবে বিদেশ হবি তুই আমার সংসার থেকে?”

কথাটা নতুন নয়, এটাই এলোকেশীর কথার মাত্রা। প্রতিবাদ সহু কোনদিনই করে না, কিন্তু আজ হঠাৎ বিচলিত স্বরে বলে ওঠে, “শলা-পরামর্শ আমি তোমার বৌকে কোন দিন দিই নে মামী, সং পরামর্শই দিই। সত্যিমিথ্যে বৌই বলুক।”

বৌয়ের অবশ্য শাশুড়ীর সামনে কথা বলবার কথা নয়। কিন্তু সত্য যখন

তখনই নিয়মলঙ্ঘন করে বসে, তাই আজও কস করে বলে, “সে কথা হাজার-বার সত্যি। ঠাকুরঝি আমাকে সৎ পরামর্শই নিতে এসেছেন। কিন্তু সে পরামর্শ আমার মনে ‘নেযা’ বলে না ধরলে? তুমি ইদিকে এসেছ ভালই হয়েছে”—বলে সত্য মুহুর্তে হাত বাড়িয়ে শাণ্ডড়ীর পায়ের ধুলো মাথায় নিয়ে বলে, “যতই যা হোক, তুমি সতীলক্ষ্মী।”

সতীলক্ষ্মী অবশ্য প্রথমটা বেশ কিছু হকচকিয়ে যান, তারপর বলেন, “এ সবের মানে কি যদি?”

“মানে বুঝতে আমিও অপারগ মামী,” সত্বে বেজার মুখে বলে চলে যায়, “বৌ পায়ে তো নিজেরে বুঝিয়ে বলুক!”

সত্যিই আজ তার ভারী রাগ হয়েছে। এ আবার কী রে বাবা! তিলকে তাল করা! ডেকে অশাস্তি টেনে আনা! বিশ্বভুবনে যে কথা কেউ কখনো শোনে নি, বলে নি, ভাবে নি, সেই কথা ওই একফোঁটা মেয়ের মাথায় আসেই বা কী করে! আর বুকের পাটা? এযাবৎ সত্যার অনেক বুকের পাটা দেখেছে সত্বে, দেখে মুর্ছিত হব-হব হয়েছে, কিন্তু আজকের সঙ্গে যেন কোন দিনের তুলনাই হয় না।

তা সত্যিই তুলনা হয় না।

কারণ সত্বে চলে যেতে যেতেও স্তনতে পায় সত্য বলছে, “বলতে মাথা কাটা গেলেও না বলে পারছি নে, ঠাকুরের পায়ের ধুলো মাথায় ঠেঁকাবার প্রিবৃত্তি আর আমার নেই। যতদিন না জানতাম, ৩৩তদিন—”

কথার শেষাংশ শোনবার ক্ষমতা আর হয় না সত্বে। ঝপ করে বিনা প্রয়োজনে একটা ঘড়া নিয়ে ঘাটে চলে যায়।

অনেকক্ষণ পরে ঘড়া কাঁখে নিয়ে আস্তে আস্তে ঝড়কির দরজায় দাঁড়ায়। না, কোন শব্দ নেই, সব যেন নিখর। তবে কি একটা হত্যাকাণ্ড ঘটে গেছে? এটা শ্রুশানের নিস্তরুতা?

দাঁড়ায় উঠে কিন্তু অবাক হয়ে গেল সত্বে। দেখে মাঝের ঘরের দরজায় কাছে গোটা দুই তিন গামছাবাঁধা পুঁটলি, আর মামা-মামী দুজনে মিলে একখানা ছেঁড়া কাপড়ে বড় একটা ধামা বাঁধছেন। ধামা অবশ্য বোঝাই। কি আছে ঠিক বোঝা যাচ্ছে না। এটা অপ্রত্যাশিত। সত্বে বুকের রক্ত হিম হয়ে যায়।



এই সময়টুকুর মধ্যে এত গোছগাছ হয়ে গেল ? আর কেনই বা হল ?

এঁরা কি তা হলে বৌয়ের সঙ্গে পেয়ে না উঠে দেশত্যাগী হচ্ছেন ?

কথাটা ভাও। এ আর এক অভিনব রূপ এলোকেশীর।

সহর সঙ্গে চোখোচোখি হতেই এলোকেশী বলেন, “ননদ-ভাজে পুণ্ডির সংসা কর সহ, পাপী-তাপীরা বিদেয় হয়ে যাচ্ছে।”

সহ ঘড়া নামিষে বসে পড়ে বলে, “মামী, তুমি কি ক্ষেপেছ ?”

“তা ক্ষেপলে জগৎ দুহতে পারবে না সহ। দেশ-ধর্মে সবাইকে শুধিয়ে এস, এতেও যদি মানুষ না ক্ষ্যাপে তো কিসে ক্ষ্যাপে !”

“ও তো একটা পাগল ! ওর কথা আবার ধর্তব্য !” গলা নামিয়ে বলে সহ।

“পাগল ! আঝাড়া কেউটে। তুই আর বৌয়ের হয়ে ওকালতি করতে আদিস নি সদি। এত বড় একটা মান্জিমান মানুষ, পুতবৌয়ের দিক্বারে জীবন বিসর্জন দিতে যাচ্ছিল। অনেক বুঝিয়ে নিবিত্তি করে, যাচ্ছি এখন গুরুপাটে। তার পর যা আছে অদুষ্টে !”

জোরে জোরে গাঁঠবি বাঁধতে থাকেন এলোকেশী।

সহর ইচ্ছে করছিল যে ছুটে গিষে বোকে বলে, “ভাল চাস তো পায়ে ধরে মাপ চাই গে যা !” কিন্তু জানে সে কথা বলা বৃথা। স্বয়ং বৈকুণ্ঠের নারায়ণ এলেও সত্যকে স্বমতে আনতে পারবেন না। অনেক গুণ আছে বৌয়ের, কিন্তু ওই এক মহৎ দোষ। জেদ। মেয়েমানুষের এত জেদ ? আজকের ব্যাপারটাকে সহ যেন কোন দিক থেকেই সমর্থন করতে পারছে না।

তাই চেষ্টা সে এদিক থেকেই করে।

“তা বাড়ি ছেড়ে তোমরা যাবে কেন শুনি ? বাড়ি কি তোমার ছেলে-বৌয়ের ?”

“না হোক, যেখানে ওর মুখ দেখতে হবে সেখানে থাকব না, ব্যস।” এতক্ষণে মুখ ধোলেন নীলাধর, এ কথাটি বলেন তিনিই।

“তা বাড়ি থেকে তো অমনিমুখে যাওয়া চলবে না, ভাত-ভাল চড়িয়েছি আমি। মুখে দিতে হবে।” এ যেন আপাততঃ সমুদ্রে বালির বাঁধ।

চড়িয়েছিল সত্যিই, কিন্তু রান্নাঘরের অবস্থা সম্পর্কে এখন আর কোন জ্ঞান নেই সহর। কাঠ পুড়ে উঠুন নিভে ঠাণ্ডা হয়ে বসে আছে নিশ্চিত।

সহসা নীলাধর একটা প্রবল ছকার দিয়ে মাটিতে পা ঠোকেন, “ভাত-ডাল ! এ ভিটের আমি আর জলগ্রহণ করব ভেবেছিস তুই ?”

সহর বুকটা ধড়কড় করে ওঠে। মামীর সঙ্গে সে অনেক কথা চালাতে পারে, কিন্তু মামা ? উল্লাসীর হাতে পান-জল খাওয়া ইত্যাদি করে বহু ইতিহাসই তো তার জানা। তবু তো কই ভয় মরে নি। আর ওই বৌ কোথায় পেল সেই ভয়-জয়ের মন্ত্র ? যে মন্ত্রের জোরে স্বচ্ছন্দে বলা যায় উনি তো পরিত, শালগ্রামের পূজো করা ওঁর উচিত নয় ?

বেলী গভীরে ভাববার ক্ষমতা থাকে না সহর, শুধু ভাবতে থাকে, নবাটা আবার অজ্ঞকেই হাতে দেদি করেছে ! আর এই ভয়ানক হুদিনে কি হাটবারও হতে হয় ?

সহ কি করবে ?

গিয়ে বোঁয়ের পায়ে ধরবে ? নাকি রান্নাঘরে শেকল তুলে দিয়ে কোথাও আঁচল বিছিয়ে শুয়ে থাকবে ? তারই বা এত ভয় পাবার কী আছে ? তার দোষে তো আর নবকুমারের মা-বাপ দেশত্যাগী হচ্ছে না ?

সাহস দেখে কি সাহস জন্মায় ?

দুঃসাহস দেখে দুঃসাহস ?

তাই সে হঠাৎ অশ্রুযুঁতি ধরে। “ঠিক আছে, চুলোয় জল ঢেলে দিই গে” বলে চলে যায়।

আশ্চর্য, আশ্চর্য !

গিয়ে দেখে সত্য কিনা রান্নাঘরের দাওয়ায় বসে শাক বাছছে। মুখ দেখে কিছুই বোঝা যাচ্ছে না।

সহর আর সহ হয় না। সে বলে ওঠে, “ও পিণ্ডির কাজ করে আর কী হবে ? গিলবে কে ? বাড়ির কর্তা-গিন্নী তো সংসার ত্যাগ করেছে।”

সহকে অবাক করে দিয়ে সত্য বলে, “সংসার ত্যাগ করা অত সোজা নয় ঠাকুরঝি। সংসার ত্যাগ করতে বসে কেউ সমস্ত সংসারটাকে পুঁটুলি বেঁধে নিয়ে যেতে চায় না। মিছে ভাবছ। কেউ কোথাও যাবে না। উম্মনে আমি কাঠ ঠেলে দিয়েছি, ভূমি দেখ এইবার।”

তা সত্যর কথাই ঠিক।

শেষ পর্যন্ত কস্তা-গিন্নী দেশত্যাগের সংকল্প বর্জন করে থেকেই গেলেন। শুধু ভাত খাবার সময় একটু বেশী সাধ্য-সাধনা করতে হল সতুকে।

থেকে গেলেন অবশু তাঁরা নবকুমারের নির্বেদে। নবকুমার দুজনের পায়ে মাথা খুঁড়ে “রক্তগঙ্গা” হতে চাইল, আর মায়ের পা ছুঁয়ে শপথ করল বৌকে শাসন করে দেবে।

ছেলের এতটা কাতরতা সহ করতে না পেয়েই বোধ করি গুঁরা এ যাত্রায় যাত্রা স্থগিত রাখলেন।

আর এই এতদিনের মধ্যে কখনো যা করে নি নবু, আজ তাই করে বসল। দিনের বেলায় কথা করে বসল বৌয়ের সঙ্গে।

কিন্তু বৌকে কি বাগ মানাতে পেরেছিল নবু? বকে, খোশামোদ করে, পায়ে পড়তে গিয়ে? না, এ কথা সত্যের মুখ দিয়ে বার করাতে পারে নি নবকুমার, “আমার অন্ডায় হয়েছে।” শুধু শেষ পর্যন্ত যখন নব আত্মঘাতী হবার ভয় দেখিয়েছিল তখন সত্য বলে উঠেছিল, “ঘেন্না ধরে যাচ্ছে সবেতেই। পুরুষ না হয়ে মেয়েমানুষ হয়ে জন্মাও নি কেন তুমি, এই বিধেতার রহস্য। বেশ, ছেদাশুন্ড পেন্নামে যদি তোমাদের এত দরকার থাকে তো করব কাল থেকে সেই ঝাকরা।”

রাজে অবশু নবকুমারের ভিন্ন রূপ।

সুন্দরী তরুণী স্ত্রীর সঙ্গে বাক্যালাপ বন্ধের দুঃসহ কষ্ট বহন করবার মত শক্তি তার নেই, তাই যেচে বলে, “মা-বাপকে শুনিযে শুনিযে একটু শাসন করতে হল, নইলে বলবে, ‘ছেলে বৌকে মাথায় তুলে রেখেছে’।”

“আজ আমার কথা কইতে মন নেই, ক্যামা দাও।”

বলে পাশ ফিরে শুয়েছিল সত্য।

আর বেশ কিছুক্ষণ পরে হঠাৎ ধড়মড়িয়ে উঠে বলেছিল, “আমি কলকাতায় যাব।”

নবকুমার চমকে বলে, “কলকাতায়! কলকাতায় যাবে তুমি? এতক্ষণে বুঝতে পারছি মাথাটাই বিগড়েছে তোমার!”

“কেন, মাথা না বিগড়োলে কলকাতায় যায় না কেউ? তোমার মাস্টারের মাথা খারাপ?”

“মাস্টার? মাস্টারের সঙ্গে তোমার তুলনা? তিনি বেটাছেলে, একা

যাচ্ছেন একা আসছেন, গিয়ে বন্ধুর বাসায় উঠছেন, তুমি এসবের কোনটা করবে ?”

সত্য তীব্রস্বরে বলে, “বেটাছেলে আমি নয়, তুমি তো ? তুমি যতে পারবে না ? তোমার সঙ্গেই যাব। বাসা করে থাকবো।”

নবকুমার স্তম্ভিত হয়ে বলে, “তোমার সঙ্গে সঙ্গে আমি তো উন্নাদ হই নি ! মা-বাপ দেশ-ভিটে ছেড়ে যাব কিনা কলকাতায় বাসা করতে ? কেন শুনি ?”

“কেন তা শুনবে ? দেখতে যাবে তোমাদের এই বাকুইপুরের বাইরেও আরও জগৎ আছে !”

“দেখে আমার দরকার ?”

সত্য চরম ধিক্কারের স্বরে বলে, “দরকার ? কী দরকার, তাও তোমাদের এই বাকুইপুরের গর্তয় পড়ে থেকে নোঝার ক্ষ্যামতা হবে না।”

নবকুমার এ কথা অর্থ ধরতে পারে না, একটা জোরালো যুক্তিই জোর দিয়ে বলে, “মেয়েমানুষ কলকাতায় যাবে ! জাতধর্ম কিছু আর থাকবে তা হলে ?”

সত্য গম্ভীর স্বরে বলে, “ঠাকুরের যদি এখনো জাত থেকে থাকে, শালগেরাম মাড়ার অধিকার থেকে থাকে তো আমারও কলকাতায় গিয়ে জাতের হানি হবে না।”

“আবার সেই এক কথা, পুরুষের আড়াই পা বাড়ালেই শুদ্ধ, মেয়েমানুষের তাই হবে ? চামড়া দেওয়া কলের জল খেতে হবে, তা জান ?”

“খেতে হলে খাব। সেখানের আরও দশজন ব্রাহ্মণ-সজ্জনের যা গতি হচ্ছে তাই হবে। কেন, হালদার-বাড়ির মেজ ছেলে যায় নি কলকাতায় ?”

“বৌ নিয়ে যায় নি।”

“তা মর্য বৌকে কি আর শ্রমণ থেকে তুলে নিয়ে যাবে ?”

“হালদারদের ছেলে গেছে চাকরি করতে—”

সত্য দৃঢ়ভাবে বলে, “তুমিও তাই যাবে।”

“আমি ?” উপহাসের হাসি হেসে ওঠে নবকুমার, “আমি যাব কলকাতায় চাকরি করতে ?”

“কেন নয় ? তুমি যত ইংরিজি শিখেছ, এ তলাটে আর কেউ শিখেছে ?”

অন্যদিন হলে নবু অবশ্যই স্ত্রীর এই স্বীকৃতিতে বিগলিত হত, কিন্তু আজ তার প্রাণে সে স্বথ নেই, নেই সে স্বর। তাই বলে, “শুধু বিত্তে থাকলেই গুণ হবে না—”

সত্য জোড়া ভুরু কঁচকে বলে, “তা আর কি থাকে দরকার?”

বিপদের মুখে ফস্ করে সত্যি কথাই বলে বসে নবু, “দরকার সাহসের।”

সত্য এক মিনিট চুপ করে থেকে রূপ করে শুয়ে পড়ে বলে, “আচ্ছা, সেটা আমি যোগান দেব।”

কিন্তু এত বড় আখ্যাসেও কি বিশেষ কাজ হল? হল না। নবু ম.কুমার ক্রুদ্ধ প্রশ্ন করলো, “পরের চাকরি করতে যাবই বা কেন? ঘরে আমার ভাতের অভাব? দেপেগুনে চালাতে পারলে পায়ের ওপর পা দিয়ে বসে কাটিয়ে দিতে পারি তো জানো? কি জন্তে করবো দাসত্ব?”

সত্য গম্ভীরভাবে উত্তর দিলে, “বসে থাকো এ বাসনা ঘোচাবার শিক্ষে পেতেই যাওয়া দরকার।”

চলল অনেক কথা-কাটাকাটি। আর বহুক্ষণ কাটাকাটি করে নবুকুমার এই কথাই ব্যক্ত করল, “আমার দ্বারা হবে না, এই পষ্ট বলে দিচ্ছি।”

সত্যও দৃষ্টান্তে বলে উঠল, “আমিও পষ্ট বলে রাখছি, কলকাতায় আমি যাব যাব যাব। মেয়েমানুষ কলকাতায় গেলে আকাশের বজ্র এসে মাথায় পড়ে কিনা তা দেখব।”

কিন্তু সে দৃশ্য কবে দেখতে পেয়েছিল সত্য? তখন কি?

না, দেখতে তার আরো অনেক দিন লেগেছিল।

ভিক্ষে গ্রাকড়াকে তাতিয়ে শুকিয়ে সে গ্রাকড়ায় সলতে পাকিয়ে তাতে প্রদীপ জ্বালতে হলে সময় একটু লাগবে বৈকি। তওদিনে সত্য দুটি ছেলের মা হয়েছে।

## ॥ পঁচিশ ॥

শীত গ্রীষ্ম বর্ষা বসন্তের অচ্ছেদ্য শৃঙ্খলার শৃঙ্খলে বন্দী এই নিয়মতান্ত্রিক পৃথিবী-রাজ্যটাব প্রধান প্রজা মানুষগুলোর জীবনের কিছ না আছে নিয়মের নিশ্চিন্ততা, না আছে শৃঙ্খলার আশ্বাস। তাকে না বিধাতা, না প্রকৃতি, কেউ কোনদিন দেয় নি নিশ্চিত নিয়মের ভরসা।

তাই সহজ স্বস্থ মানুষের রাতে ঘুমুতে যাবার আগে স্থির বিশ্বাস নিয়ে বলতে পারে না সকালের আলো সে দেখবেই! বলতে পারে না, তার ভরা বসন্তের মাঝখানে বজ্রের অভিশাপ নেমে আসবে না, শরতের সোনালী আলোকে মুছে দিয়ে শুরু হয়ে যাবে না অপ্রতিরোধ্য ধারা-বর্ষণ!

না, জোর করে এসবের কিছুই বলতে পারে না মানুষ। সে জানে না কখন তার আশায় গড়া স্থখের ঘরখানি ওছনছ করে দিবে যাবে অত্যন্ত মৃত্যুর নিষ্ঠুর খাবা অথবা সে ঘরকে বিকল করে দিবে যাবে আকস্মিক দুর্ঘটনা অথবা দুর্ভাগ্য ব্যাধি। কে বলবে এই অনিয়মের দেবতা কোথায় বসে আছেন তাঁঃ অমোঘ নিয়ম নিয়ে!

তবু রামকালী কবরেজের সংসারের উপযুঁপরি দুর্ঘটনাগুলো দেশস্বন্ধ লোককে যেন হতচাকত করে দিল।

আগুন লেগে বাহরের বড় আটচালা ভস্মীভূত হয়ে যাওয়াটাও কেউ অতটা বিশ্বাস বোধ করে নি, কারণ হতাশনের ক্ষুধাটা ভাগ্যের মার হলেও তার মধ্যে মানুষের অসতর্কতা অথবা মানুষের কারসাজির ছাপটা স্পষ্ট দেখা যায়। তা ছাড়া রামকালীর উপর ভাগ্যের মারটা সেই প্রথম।

না, রামকালীর আটচালার আগুন লাগার মধ্যে কেউ শত্রুর কারসাজি আবিষ্কার করতে যায় নি। ওটা যে নিতান্তই অসতর্কতার ফল এটা সবাই বুঝেছিল। ব্যাপারটা এই—

এ বাড়ি থেকে আগুন সংগ্রহ করে নিয়ে যাওয়া কাছাকাছির প্রায় প্রতিটি পড়শীরই নিয়ম। বরাবরই সে সব বাড়ির কেউ না কেউ নিজেদের প্রয়োজন মারফিক সময়ে এসে এ বাড়ির রান্নাঘর থেকে একখানা জলস্ত কাঠ নিয়ে যায়। ঘরে তাদের উনানে শুকনো নারকেলপাতা, খটখটে ঘুঁটে অথবা সর্ক করে কুচনো কাঠ কুটো ডালপালা সাজানোই থাকে, জলস্ত কাঠখানা এনে তাতে সংযোগ করে দিতে পারলেই মিটে গেল কাজ।

রামকালীর বাড়িতে নিত্য সকালে তিন-চারটে করে উহুন জলে। অতএব পড়লীরা নিজেদের সংসারে আবার আগুন জ্বালাবার অথবা হান্ধামার কথা ভাবতে যাবে কেন? কাজুটা তো বন্ধাটের। সোলার কাঠি বানাও, চকমকি ঠোঁকো, সময়সাপেক্ষ ব্যাপার। তার চাইতে এটাই তো সুবিধে। তা সেদিনও যথারীতি ওই ও-বাড়ির ঘোষাল-গিন্নীর বিধবা মেয়ে তরু প্রহরখানেক বেলা নাগাদ একখানা জলন্ত কাঠ নিয়ে এ-বাড়ি থেকে নিজেদের বাড়ি যাচ্ছিল, হঠাৎ মাথা বরাবর খোলা স্বাক্ষে একটা দাঁড়কাক বিলম্বী করে ডেকে উঠল।

দাঁড়কাকের ডাক অপয়া, এ আর কে না জানে! ঘোষালের মেয়ে তরুও জানত। তা ছাড়া এও জানা ছিল—তার যেদিন বৈধব্যদশা ঘটে, সেদিন কোথায় যেন অনবরত দাঁড়কাক ডেকেছিল। তার উপর আবার আজ চতুর্দশী।

তরুর বুকটা কেঁপে উঠল। তাড়াতাড়ি পা বাড়ালো।

কিন্তু তাড়াতাড়ি পা চালিয়ে চলে যেতে গিথেও আবার বাধা পেতে হল। কাকটা আরও নেমে এসে প্রায় তরুর মাথার উপরে একটা পাক খেয়ে ডেকে উঠল—কঃ! বুকটা হিম হয়ে হিতাহিতজ্ঞান লোপ পেয়ে গেল তরুর, কী কাজের কী পরিণাম খেয়ালে এল না, হাতের সেই জলন্ত কাঠটা সে কাকটার উদ্দেশে ছুঁড়ে মারল।

বলা বাহুল্য আগুন দাঁড়কাকের পালকাগ্রেও লাগল না, পড়ল গিয়ে রামকালীর বারবাড়ির বড় আটচালার মাথায়। বৈঠকখানা বাড়ি, চণ্ডী-মণ্ডপ এসব রামকালীর পাকা কোঠা, কিন্তু কাজে-কর্মে-পূজোআর্চায় বেশী লোক সমাগমের প্রয়োজনে প্রকাণ্ড দুখানা খড়ের আটচালা তিন করিয়ে রেখেছিলেন, পাশাপাশি, গায়ে গায়ে। অগ্নিদেবতার জোড়া নৈবেদ্য হল সে দুখানা।

তরু শুধু অসতর্কই নয়, অনমনস্কও।

কাঠখানা কোথায় গিয়ে পড়ল, অথবা পড়ে কি করল, সে সম্পর্কে খেয়াল-মত্ন না করে তরু আবার এ বাড়িতে ফিরে এসে আর একখানা জলন্ত কাঠ নিয়ে বাড়ি ফিরল। কি কাজ করেছে সে টের পেল তখন, যখন লেলিহান আগুনের প্রচণ্ড শিখায় আর অজস্র ধোঁয়ায় আকাশ ভরে গেছে, আর পাড়াস্থ লোকের চিৎকার আকাশ ছাড়িয়েছে।

বোকা তরু এই বলে বুক চাপড়াতে উত্তত হয়েছিল, “ওগো এ সর্বনাশ যে আমিই ডেকে আনলাম,” তরুর কাকা ইশারায় “চূপ চূপ” বলে ধামিয়ে দিল তাকে।

কিন্তু আগুনকে ধামানো গেল না। আর ধামাবার উপায়ই বা কি? পুকুর থেকে ঘড়ায় করে জল এনে দূর থেকে ছুঁড়ে মারা বৈ তো নয়।

সে চেষ্টায় লাভ নেই।

রামকালী গম্ভীর নির্যোমে ঘোষণা করলেন, “আগুনে জল দেবার দরকার নাই, তাতে আরো ছড়াবে। চণ্ডীমণ্ডপের দেয়ালে জল ঢালো। যাদের যাদের কাছাকাছি বাড়ি, তারা আপন আপন বাড়ির দেয়াল ঠাণ্ডা কর।”

তবু সকলে যখন হায় হায় করতে করতে বাড়ি ফিরল, তখন সন্ধ্যা হয়-হয়। রামকালী চাটুশোর মত নিম্পাপ নিম্নলঙ্ক অগ্নিতেজা মাতৃঘটার চালায় আগুন লাগল কেন, এই নিয়ে জল্পবাজল্পনার শেষ রইল না।

কিন্তু এ তো সবে প্রথম।

এর কয়েক দিন পরেই দীনতারিণী ঘাট থেকে চান করে এসেই হঠাৎ “শরীর কেমন করছে” বলে পক্ষাঘাত হয়ে পড়লেন।

পক্ষাঘাত পাতক রোগ, দীনতারিণীর তা অজানা নয়। ছেলের দিকে তাকিয়ে তিনি অশ্রু-কলঙ্কিত চোখের ইশারায় কাতর আবেদন করলেন, তাঁকে তাড়াতাড়ি ‘পার’ করতে।

রামকালী শুধু কপালের ঘাম মোছার ছলে একবার কপালে হাত ঠেকালেন।

দিন তিনেক পরেই মারা গেলেন দীনতারিণী।

না, অত বড় বজ্র হয়েছে মাকে বাঁচাতে পারলেন না বলে কেউ দুঃখ না রামকালীকে। বরং দীনতারিণীর ভাগ্যকে ‘ধক্তি ধক্তি’ করতে লাগল সবাই। বলল, “খুব গিয়েছে বুড়ী। ভুগল না ভোগল না, এমন যত্নই তো কাম্য।”

তবে এ কথা বলতে ছাড়ল না, “বছরটা একটু সাবধানে খেঁকো রামকালী, একে অগ্নির কোপ, তার মহাশুক্ৰ নিপাত, সমরটা তোমার ভাল যাচ্ছে না।”

পাড়ায় বয়োজ্যেষ্ঠরাই বলেন, এ ছাড়া আর কার সাহস?

রামকালীর কাকা দাদা তো সাধ্যপক্ষে তাঁর সামনে আসে না। সামনে



আসে রাস্তা, কবরেজী শেখে কাকার কাছে। তবে প্রায়ই হতাশ করে থাকে। রামকালী কখনো জ্রুটি করেন, কখনো হেসে ফেলে বলেন, “তোমার কিছু হবে না রাস্তা!”

কিন্তু শুধুই কি রাস্তার?

কুঞ্জর কোন্ ছেলেটার-ই বা কি হয়েছে? পাঠশালায় গিয়ে অনাস্থি অনাস্থি খেলা উদ্ভাবন করা ছাড়া ‘মাথা’ আর খেলতে দেখা যায় না রাস্তার কোনো ভাইটারই। রাস্তা তো তবু ছাত্রবৃত্তি পাস করেছে, টোলেও পড়েছে কিছুদিন। তাছাড়া চেহারাটা স্বাস্থ্য আর বেশ মার্জিত ভাব।

অনেকটা কাকার ধাঁচের রং গড়ন তার। তাই সামনে দাঁড়ালে একটা যাতুর মত দেখতে লাগে। আরগুলো তো তাতেও না।

‘শাছড়া’ কবরেজী বিত্তে মাথায় না ঢুকুক, অনেক ব্যাপারেই রাস্তা রামকালীর ডানহাত। ...এই যে দীনতারিণীর শ্রদ্ধের অত বড় কাণ্ডটা, রাস্তা দানলে না থাকলে রীতিমত বেগ পেতে হত না কি রামকালীকে? কারণ রাস্তা হবিষ্কার, ত্রিসন্ধ্যা স্নান, ইত্যাদি করে বহুবিধ নিয়মের পাকে বাঁধা থাকায় সে তো ঠিক ‘মুক্তজীব’ ছিলেন না?

রাস্তা ‘কাজকর্মের’ ব্যাপারে যথেষ্ট পারগ।

‘দানসাগর’ করলেন রামকালী মাতৃশ্রদ্ধে, সেই সমারোহে সত্য এল। নাকুমারও এল।

রাস্তাই আনতে গেল।

ঠাকুরমা মারা যাওয়ার খবরে সত্যার প্রাণটা আকুলিব্যাকুলি করছিল, রাস্তাকে দেখে যেন স্বর্গের চাঁদ দেখল। এ সময় যে বাবা রাস্তা কি গিরি তাঁতিনীকে পাঠান নি, খুব ভাল করেছেন।

সাড়ে তিন বছর পরে এই প্রথম বাপের বাড়ি যাওয়া।

কিন্তু সত্যার দেহের অন্তঃপুরে তখন যে আর এক ‘প্রথম’ সম্ভাবনার স্বপ্ন দেখা দিয়েছে সে কি সত্য জানত না? না বুঝতে পারে নি?

তা সত্য না পারুক, সহ পেরেছিল বুঝতে। কিন্তু রণচণ্ডী মামীকে এই স্বপ্নটা মাত্রভেই জানাতে সাহস করে নি সহ। ভেবেছিল যাক আর গোটা কতক দিন, তেমন প্রবল লক্ষণ ধরা পড়লে আপনিই জানবে বুড়ী।

এই সময় দীনতারিণীর বার্তা।

সহ ভয় পেল। এ সময় এই!

ভাবল, মামীকে বলি কি না বলি ।

কিন্তু বলা আর হয়ে উঠল না ।

বলতে দিল না তার মমতা । এ খবর শুনে যদি এলোকেশী আবার বৌয়ের “যাজ্ঞায়” বাদ সাধেন !

আহা বেচারী এই এতদিন এসেছে, একনাগাড়ে আছে । আপন বুদ্ধির দোষেই হোক আর যার দোষেই হোক আছে তো ! এই ছুতোয় যেতে পারে তো যাক । ভগবান ভালই করবেন ।

তবে যাজ্ঞাকালে চুপি চুপি সাবধান করে দেয় সত্যকে, “বাপের বাড়ি যাচ্ছিস, দীর্ঘকাল পরে যাচ্ছিস, কিন্তু সাবধান, বাঁধা-গরু ছাড়া পাওয়ার মত লাফকাঁপ করিস নে । আমার বাপু সন্দ হচ্ছে—”

সত্য একটু ভাবনার মত তাকিয়ে অক্ষুটে বলে ফেলেছিল, “কি ?”

“এই দেখ । পষ্ট করে না বললে হবে না বুঝি ? এদিকে তো পাকা গিন্নী ! সন্দ হচ্ছে পেটে বাচ্চা-কাচ্চা কিছু এসেছে, বুঝলি ? সাবধানে থাকা দরকার ।”

ভয় না আল্লাদ ? ভয়, ভয়, সম্পূর্ণ ভয় । তবে এক অদ্ভুত ভয় !

নিজের মধ্যে কী এক অজ্ঞাত রহস্য বাসা বেঁধেছে, এ কথা ভাবলেই গায়ে কাঁটা দিয়ে ওঠে ।

গরুরগাড়ির ভিতরে বসে, ঘোমটার মধ্যে থেকে বার বার নবকুমারকে দেখে সত্য, আর মানুষটাকে যেন নতুন মনে হয় ।

এ খবর ও পেলো ?

কী না জানি হবে সেই অবস্থাটা !

গরুরগাড়িতে বেশ কাঁকুনি লাগছিল ।

একসময় তাই বলেও ফেলে চুপি চুপি, “পালকি আনলে না কেন বড়দা ?”

রাস্তা অপ্রতিভ মুখে বলে, “খুব কষ্ট হচ্ছে, না রে ? আমি বলেছিলাম, তা খুড়োমশাই বললেন—”, একটু ইতস্তত করে বলেই ফেলে রাস্তা, “বললেন, ‘কাজের বাড়িতে চারিদিক থেকে আত্মকুটুম্ব আসবে, সবাইকে তো আর পালকি ষোগানো যাবে না’—! আমি তাও অবিশ্বাসি বলেছিলাম, সবাই

আর জামাই তো সমান নয় ? তাতেও বললেন, ‘জামাইও তো বাড়িতে একটি নয় রাসু ?’ ঠুকে আর কে বোঝাবে বল ?”

সত্য অল্পমনস্ক ‘চুপি চুপি’টা ভুলে বেশ স্পষ্ট গলাতেই বলে ওঠে, “তা এর আর বোরবার কি আছে বড়দা, সত্যিই তো ! জামাই সবাই সমান । নিজেয় জামাইটি বলে সারপর করলে চলবে কেন ? বরং পুণ্ডির নতুন বিয়ে হয়েছে—” কথা শেষ না করেই নবকুমারের উপস্থিত স্মরণ করে জিভটা কেটে চুপ করে ।...

কিন্তু সমুদ্রে বালির বাঁধ কতক্ষণ ? আবার একসময় কথা কয়ে ওঠে সে ।

কত প্রশ্ন, কত ঔৎসুক্য !

এই সাড়ে তিনটে বছরে কত ঘটনা ঘটেছে, কত জন্ম-মৃত্যুর লীলা-খেলা হয়েছে, কত ছোট্ট মানুষ বড় হয়েছে, কত আইবুড়োর বিয়ে গেছে, সেই সব তথ্যগুলো তো কম মূল্যবান নয়, জানতে হবে না সে সব ?

“তুমি কিন্তু একটুও বদলাও নি বড়দা !”

সহাগ্র মুখে বলে সত্য ।

আর নবকুমার বিগলিত বিস্ময়ে সেই হাশোজ্জন মুখের দিকে তাকিয়ে থাকে । বিস্ময় ? তা বিস্ময় বৈকি ! সত্যর এই মুখ সে কবে দেখেছে ? সত্যর মুখটা যে হেসে উঠলে এমন অপূর্ব লাভণ্যময় দেখায় সে কথাই বা কবে জেনেছে ?

তা সত্যর সেই প্রশ্নে রাসুও হেসে উঠে বলে, “আমি আবার এই কদিনে বদলাবো কি ?”

কদিন !

সত্যর যে মনে হচ্ছে কত যুগ-যুগান্ত পার হয়ে গেছে । সে কথাই বলে সে বিস্ময়-বিস্ময়করিত নেত্রে, “কদিন ! বল কি বড়দা, সাড়ে তিনটে বছর—কদিন হল !”

“সাড়ে তিন বছর ?” রাসু আবার হেসে ওঠে, বলে, “সাড়ে তিন বছর হয়ে গেল এর মধ্যেই ? তা ওই শুনতেই তিনটে বছর, কোথা দিয়ে কেটে গেছে !”

সত্য নিশ্বাস ফেলে বলে, “তা তোমাদের আর না কাটবে কেন ? স্বাধীন স্থনী মানুষ ! আমাদেরই মনে হচ্ছে যেন আর একটা জন্ম পেরিয়ে এলাম ।”

তা বাপের ভিটের পা দিয়েও ঠিক সেই কথাই মনে হয় সত্যর। ফেন আর একটা জন্ম পার হয়ে এল।

কিন্তু কোথায় এল ?

ঠিক যে জায়গাটা থেকে চলে গিয়েছিল, সেই জায়গাটায় কি ? সেটা কি এখনো তেমনি পড়ে আছে ? কাঁকা, খালি ?

হয়তো ছিল, হয়তো আছে, কিন্তু এই জন্মান্তর পার হয়ে আসা মেয়েটার কি আর এখন সেই খাঁজে ধরবে ? কোনো মেয়েকেই কি ধরে ? গে ত্রাহতের সঙ্গে সঙ্গেই কি অন্তরের বিরাট একটা পরিবর্তন হয় না ?

যে মেয়েটা হয়তো উঠতে বসতে বন্ধনি খেয়েছে আর নিতান্ত অনাহেলা খেলে খেলিয়ে বেড়িয়েছে, সে হাস খাট আদরের অতিথি, সমীহর কুটুম কৌন্ধানে তবে আশ্রয় পাবে সেই মেয়েটা ?

এত বড় কাজের বাড়ি, তবু গুরা সত্যর সঙ্গে সঙ্গে ফিরছে। সাবদা, ভুবনেশ্বরী, শিবজয়ার নাতনী দুটো, এমন কি মোক্ষদা পর্যন্ত। সত্য কি খাবে, সত্য কোথায় শোবে, সত্য কোথায় বসবে, সত্যর কিছু চেয়ে না পাওয়া হল কিনা এই সব। ভুবনেশ্বরীর তো কথাই নেই। তার শাশুড়ী গেছেন, মহা অশৌচ, ছুঁয়ে নেড়ে কিছু করার ক্ষমতা নেই, তবু বলে বলেই যা পারে।

ব্যাপারটা স্বস্তিকর নয়, এ যেন প্রতি মুহূর্তে মনে পড়িয়ে দেওয়া, “তুমি কুটুম, তুমি অতিথি।”

একসময় কৌজেই উঠল সত্য।

মা'র ওপরই উঠল।

“কী চাও বল তো তোমরা? একুনি আবার খসুরবাড়ি চলে যাই ? বাবাঃ, তোমাদের এই আদরের ঠালা সামলানো আমার কস্ম নয়। বাড়িতে তো আরো ‘খসুরতি’ মেয়ে এসেছে, কই তাদের নিয়ে তো এত হৈ-টৈ করছ না ?”

কথাটা সত্যি।

আরো খসুরঘর করা মেয়ে এসেছে। পুণ্ডি তো এসেইছে, কুঞ্জর দুই গিন্নী-বান্নী মেয়ে এসেছে, শিবজয়ার মেয়ে এসেছে, রামকালীর যে ছোট খুডো নেই তাঁর তিনটে মেয়ে এসেছে, কুঞ্জর সহোদর বোনেরা এসেছে, তাঁরা ঝাঁকের কৈ হয়ে রয়েছে। শুধু সত্যকে নিয়েই—

ভুবনেশ্বরী মেয়ের এই স্বাক্ষরে অপ্রতিভ হয়ে বলে, “তারা সবাই পেরায় পেরায় আসে। তোর মতন কে এমন ঘবদসতে গিয়ে একেবারে তিন-চারটে বছর—”

কথা শেষ করতে পারে না ভুবনেশ্বরী।

সত্যমা'র এই রুদ্ধবাক মুখের দিকে তাকিয়ে একটু নরম হয়ে বলে, “বুঝলাম! কিন্তু আছি তো দিনকতক! কাজ মিটতেই তো পাল'ছি না, সে কথা হয়ে গেছে ওখানে। এখন কোনো মেয়েকে আদরগোবর। এখন তোমার শাওড়ার ছেরাদ্দ, এখন মানায় মেয়ে নিয়ে সোহাগ করা?”

ভুবনেশ্বরী সজল চোখে বলে, “কদিন থাকবি তুই-ই জানিস!”

“থাকবো বাবা, মাস দুই অন্তত: থাকবো, হয়েছে সে-কথা।...চলু পুণিয়া, আমাদের সেই বটতলার খেলাঘরটা দেখে আসি!”

বলে পুণিয়ার হাতটা চেপে ধরে প্রায় টেনেই বার করে নিয়ে যায় তাকে সত্য; গির্জার দোর দিয়ে।

ওদের ওই ‘খেলাঘর’টা বাস্তবিকই একটি মনোরম ঠাই। স্থান নির্বাচনের ব্যাপারে প্রশংসা অর্জন করতে পারে ওরা।

প্রকাণ্ড একটা বৃড়ো বটগাছ রুগ্নি নামিয়ে নামিয়ে খানিকটা জায়গা এমন একটি ছায়াপূর্ণ আশ্রয়গৃহ নির্মাণ করে রেখেছে যে, দু-এক পশলা বৃষ্টি হয়ে গেলেও বোধ করি সেই গৃহবাসীর মাথা ভিজবে না। রোদের তো কথাই নেই, প্রায় প্রবেশ নিষেধ তার।

এইখানেই সত্যাদের শৈশবের খেলাঘর। তা খণ্ডরবাড়ি যাবার কদিন আগে অবধিও খেলেছে সে। এখনই পরিত্যক্ত ভূমি। এখনকার ছোটদের অল্প খেলাঘর।

নিকানো-চুকোনো গাছের গোড়াটা এখন ধুলোভিত্তি হয়ে থাকলেও সারি সারি ছোট ছোট উন্নতগুলো এখনও পুরনো স্মৃতি বহন করে পড়ে আছে ক্ষত-বিক্ষত দেহ নিয়ে।

কী যত্নেই এই উন্নতগুলি পেতেছিল ওরা!...

কিছুক্ষণ গাছের গোড়ায় বসেই থাকল সত্য চুপ করে। ঠিক সেই মুহূর্তে যেন কথা কইবার শক্তি নেই। অগত্যা পুণিয়াও চুপ।

অনেকক্ষণ পরে একটা দীর্ঘনিশ্বাস ফেলে সত্য বলে, “আশ্চর্য্য দেখেছিস পুণ্ডি, সবাই বদলে গেছে, সবাই বদলে গেছে, অথচ এই তুচ্ছ জিনিসগুলো অবিকল আছে।”

পুণ্ডিও নিঃশ্বাস ফেলে, “সত্যি, যা বলেছিস!”

সত্য আস্তে আস্তে দেখিয়ে দেখিয়ে বলে, “এই উনুনটা পুঁটির, এটা খেঁদির, এটা টেঁপির, এটা গিরিবালায়, এটা হুশীলায়, এটা তোর, তাই না?”

নিজের কথাটা আর বলে না।

পুণ্ডি বলে সে কথা, “এইটে তোর ছিল। দেখ, ভাড়া হাঁড়িকুঁড়িগুলোও রয়েছে পাশকুড়ে!”

হ্যাঁ, খেলাঘরের ‘পাশকুড়’ও একটা ছিল বৈকি। সবই তো থাকা প্রয়োজন। পাশকুড়, পুকুরঘাট, গোয়াল, চেকিঘর—অহুষ্ঠানের ক্রটি হবে কেন? বড়রা যে ‘খেলাঘর’ নিয়ে মত্ত, ওরা তো তারই নিখুঁত অহুষ্করণ করবে। ওদের মাটির আর কাঠের পুতুলগুলোও ঘাটে বাসন মেজেছে, ফার কেচেছে, চেকিতে পাড় দিয়েছে, ঝেঁধেছে, কুটনো কুটেছে, বাটনা বেটেছে, ছেলে ঘুম পাড়িয়েছে, কর্তব্যে তিলমাত্র ফাঁকি দিতে পায় নি। তাদের কাজের ছুতোয় মুখর হয়ে উঠেছে এই বুড়ো বটতলা।

বসে থাকতে থাকতে হঠাৎ উঠে দাঁড়ায় সত্য।

বলে, “চ পুণ্ডি, আর দেবতে ইচ্ছে করছে না, বৃকের ভিতরটা কেমন মুচড়ে উঠছে।”

তা পুণ্ডির মধ্যেও সেই মোচড় পড়ছিল, সেও বলে, “চ, আর মায়া করা বিড়ম্বনা। যেদিন পরগোস্তর করে দূর করে দিয়েছে, সেদিন থেকেই তো সব শুচেছে। মেয়ে জন্মটাই ছাই।”

সত্য আর একবার বড়সড় একটা নিশ্বাস ফেলে বলে, “মেয়ে জন্মটাই ছাই নয় রে পুণ্ডি, আমাদের বিধেন-দাতারাই ছাই। পরগোস্তর করে দিয়ে জন্মের শোধ পর করে দেবার হুকুম ভগবান দেয় নি। এই যে তুই আমার চিরকালের বন্ধু, তোর বিয়েতে আসা হল না, এ হুঁথু কি মলেও যাবে? যাবে না। তবু তো এলাম না। এসব কি ভগবান বলেছে?”

তা নিঃশ্বাস ফেলছে বলে যে হাসছে না, গল্প করছে না, পাড়া বেড়িয়ে বেড়াচ্ছে না, লোকথা ভাবলে ভুল হবে, সেটা যথারীতিই চলছে। গল্পের

সমুদ্র, কথার পাহাড়। পাড়ার কোন্ মেয়েটা শব্দরবাড়ি গেছে, কোন্ মেয়েটা বাপের বাড়ি আছে, তার তন্মাস করে বেড়ানো আর গল্পে মুখর হয়ে ওঠা, এটা প্রবল প্রবাহেই চলছে। নিঃশ্বাসটা নিভতে।

একান্ত নিভতে, মনের অন্তরালে রয়েছে সেই নিঃশ্বাস। এত পূর্ণতার মধ্যেও কোথায় যেন একটা স্নগভীর শূন্যতা, সেই শূন্যতার ওপরই বুঝি পা রাখতে হয়েছে সত্যকে, তাই পায়ের নিচে মাটি খুঁজে পাচ্ছে না।

সে শূন্যতা—সত্য আর এদের নয়। এ সংসার সত্যের নয়।

বিরাত কাজের বাড়িতে কে কোথায় ঠাই পেয়েছে কে জানে! মেয়েরা মেয়েমহলে, পুরুষরা বারমহলে। কোটাঘরে সব জামাই-কুটুম, আর নবনিমিত আটচালার নিচে জ্ঞাত-গোস্তর।...নবকুমার যে কোন্‌খানে আছে সত্য জানে না, মাঝে মাঝে সেটা মনে পড়ছে। আহা মানুষটা মুখেরে লাজুক, কোথায় কি ভাবে আছে কে জানে! এসে অবধি তো দেখা হয় নি।... বাবা সহস্র কাজে বেড়াচ্ছেন, বাবার এমন সময় নেই যে জামাই নিয়ে ওদারকি করে বেড়াবেন! যা করে পাঁচজনে।...কি ভাবছে ও আমাকে কে জানে!

থেকে থেকেই সেই মানুষটার কথা মনে পড়ছিল। মনকেমন মনকেমন ভাবটা ছিল, আবার একটু অহঙ্কারী অহঙ্কারী দৃষ্টবুদ্ধিও ছিল। ইচ্ছে হাচ্ছিল একবার লোকটাকে ডেকে বলে, “দেখছ তো? সবই দেখছ? বুঝতে পারছ, তোমার মা যতই হেলাফেলা করুন, নেহাৎ হেলাফেলা ঘরের মেয়ে আমি নই!”

কিন্তু এসব বলার সুযোগ কোথা?

বিয়েবাড়ি নয় যে সবাই রঙ্গরসে মাতবে। মাতৃদায় উদ্ধার বলে কথা। তাছাড়া অনেকের মধ্যে একজন হলেও দীনতাদিগীর পদটা বাড়ির গিন্নীর ছিল, ছোট ননদের তিনি যতই ভয় করে চলে থাকুন, আর ছেলেকে যতই সমীহ করে আনুন, সবাই জানতো গিন্নী বলতে দীনতাদিগীরই। সেই গিন্নীর জায়গা শূন্য হয়ে গেলে সবাইয়েরই ফাঁকা ফাঁকা লাগে বৈকি। খেটে পেটেও জেরবার হচ্ছে সবাই, এর মাঝখানে কার আর এক কথা মনে উদয় হবে, সত্যের সঙ্গে সত্যের বরের দেখা করিয়ে দিই কোন ছলছুতোয়। তাছাড়া চাতক পক্ষীর অবস্থা তো নয় সত্যের। এই দীর্ঘকাল নিশ্চিন্ত বরের ঘর করে এসেছে সে।

সত্যর বরকে সত্যর দেখতে ইচ্ছে হবে, এ চিন্তা তাদের মনে উদয় হবার কথা নয়।

উদয় হচ্ছে এক ভুবনেশ্বরীর।

কিন্তু সে তো সব দিকেই বন্দিণী। একে তো শাস্ত্রী মরার নিয়ম-নীতির দায়, তাব উপর মেয়ের ভাবের দায়। ওবক্ষ্য চেষ্টা করতে গেলে সত্য যে ক্ষেপে উঠবে না, এ প্রতিশ্রুতি কে দেবে ভুবনেশ্বরীকে?

কিন্তু সত্যর মা কি সত্যকে সবটা বন্ধে উঠতে পেরেছে?

পারে নি।

সত্য যে ছলছুলে খুঁজে বেড়াচ্ছিল এ তাব ধারণার বাইরে।

তা অবশেষে হয়ে গেল যোগাযোগ।

নিয়ম-সঙ্গের যজ্ঞি মিটেতে প্রায় সন্ধ্যা হয়ে গেছিল, সত্য পুকুরঘাট থেকে আঁচিয়ে একবার নিজের মামার বাড়ি পর্যন্ত গিয়েছিল মামীদের সঙ্গে, জোরপায়ে ফেরার সময় নেড়ুর সঙ্গে দেখা।

নেড়ু দাঁড় করাল।

মুখটা রহগে উদ্ভাসিত করে বলল, “এই সত্য, তোর ভূতের ভয় আছে?”

“ভূতের ভয়?”

“হঁ-হঁ। গেছো ভূতের ভয়! নির্ধাত আছে, তাই না?”

“নির্ধাত আছে—”, সত্য মুখ নেড়ে বলে, “এলেন আমার গণৎকার ঠাকুর!”

“নেই ভয়? ঠিক বলছিস? এই ঝিকিমিকি বেলায় তোদের সেই বটগাছতলায় যেতে পারিস? সে যেতে আর হয় না। হঁ, জনমনিষ্টি যায় না সেখানে।”

“ওরে আমার কে রে? কেউ যায় না সেখানে? তুই যাস না তাই বল! তুইও কম খেলিস নি সেখানে, তবু মাগা-গমতা নেই। আমাদের কথাই আলাদা, আমি আর পুণ্য যাই নি যেন!”

“গিয়েছিলি?”

“নিযাস! তুই হঠাৎ এমন ল্যাকা হচ্ছিস কেন রে নেড়ু? পঁচার চোখ গুনতে যেতাম না আমরা?”

“আহা, সে তো আগে! এখন খস্তরঘর করে করে সাহস হরে যার নি?”



“ইল্লি রে ! গেলেই হল ! চল না দেখিয়ে দিচ্ছি, একপো'র রাত অবধি বসে থাকতে পারি তা জানিস ?”

বলে গটগট করে এগিয়ে যায় সত্য নির্ভয়ে নিশ্চিত্তে, এই ‘কনে দেগা’ আলোতেও যেখানটা প্রাণ গভীর অন্ধকার।

কিন্তু কে ওখানে !

কে ! কে !

প্রাণ চেষ্টায়েই উঠছিল সত্য, সামলে নিল নেড়ুর ভয়ে। সুনতে পেলে আর রক্ষে রাখবে ? সত্যের ভয়ের কথা ঢাক পিটিয়ে বেড়াবে।.. কিন্তু লোকটা যে এদিকেই আসছে ! পালাবে সত্য ? উহ, এ নির্ঘাত নেড়ুর কোন কারসাজি, তা নইলে—

হঠাৎ একটা সম্ভাবনায় পা থেকে মাথা অবধি একটা তড়িৎপ্রবাহ বয়ে যায়, আর পরক্ষণেই সম্ভাবনাটা প্রত্যক্ষের মুত্তিতে দেখা দেয়।

“ইস তুমি ! তুমি এখানে যে—”

জেনে বুঝেও বিশ্বাসের ভান করে সত্য।

নবকুমার হতাশ গলায় বলে, “কেন আর ? তোমারই দর্শন আশায়। উঃ, বাপের বাড়ি এসে একেবারে ডুমুরের ফুল হয়ে গেছ, লোকটা মরল কি বাঁচল খোজও নেই !”

সত্য পুলক গোপনের ব্যর্থ চেষ্টায় হেসে ফেলে বলে, “আহা, কথার কি ছিরি রে ! আমিই তো খোজ করে বেড়াব !”

“তা একবার দেখা তো দেবে ? আমি হতভাগ্য যাই অনেক বুদ্ধি খেলিয়ে—”

“তা তো দেখতেই পাচ্ছি। নেড়ু ছাড়া আর কারুর কানে গেছে নাকি ?”

“নাঃ ! শুধু ও—”

“যাক, তবে ঠিক আছে। নেড়ু বিশ্বাসঘাতক নয়। তা বলি দরকারটা কি ?”

“দরকার !” নবকুমার আরো হতাশ গলায় বলে, “বিনি দরকারে ব'ঝি নিজের পরিবারকে একটু দেখতে ইচ্ছে করে না ? তোমার মতন পাষণ হৃদয় তো নয় ?”

“পাষণ হৃদয় ! তা বটে !”

সত্য অল্পক্ষণে হেসে ওঠে। তারপর বলে, “কেমন লাগছে ?”

‘খুব ভালো !’ নবকুমার অকপটে বলে, “মাইরি বলছি স্বপ্নেও ভাবি নি খন্তরবাড়িটা আমার এমন ! কী ঐশ্ব্যি, কী দব্দবা ! দেশটাও চমৎকার ! মা গঙ্গা দেখলে প্রাণ জুড়ায় !”

সত্য একটা নিঃশ্বাস ফেলে বলে, “ভবেই বোঝ, মেয়েমানুষকে কতটি ত্যাগ করতে হয় !”

“তা সত্যি !”

নবকুমার আরও একবার অকপটে স্বীকার করে, “এসে অবধি সেই কথাই ভাবছি। বলতে গেলে তুমি তো একটি রাজকন্তে। সে তুলনায় আমি—”

আবেগের মাথায় বেশী কিছু বলে ফেলার আগে সত্য সামলে দেয়, “দুগ্গা দুগ্গা, ও কি কথা ! তুমি হলে স্বামী গুরুজন। রাজকন্তের কথা নয়, তবে প্রাণটা ছ-ছ করতে পারে কিনা !”

“একশোবার পারে। হাজারবার পারে।”

বলে নবকুমার অসমসাহসিকতায় ভর করে হাতটা বাড়িয়ে সত্যর কাঁধে একটা হাত রাখে।

তা সত্য কি এই স্নেহস্পর্শে অথবা প্রেমস্পর্শে পুলকিত হয় না ? হয়। -তবু মেয়েলী সাবধানতায় চুপি চুপি বলে, “এই সরে দাঁড়াও, কে কমনে দেখে ফেলবে, এরপর আর তাহলে জনসমাজে মুখ দেখাবার জো রইবে না। খিড়কির পুকুর বৈ গতি থাকবে না।”

নবকুমার কিন্তু এ ভয়ে ভীত হয় না। বরং আরও একটা হাত স্ত্রীর আরও একটা কাঁধে দিয়ে ঈষৎ আকর্ষণের ভঙ্গীতে বলে, “কেন, পরপুরুষ নাকি ?”

“না হোক ! লোক-লজ্জা বলে একটা-জিনিস তো আছে—”

“সে যদি বলে, এখানে নিরালায় চুপি চুপি দেখাতেই নিন্দে হতে পারে। কিন্তু তোমার ভাই তো বলেছে এখানে কেউ আসে না।”

“তা আসে না বটে।” সত্য ঈষৎ নরম স্বরে বলে, “ওই জন্তেই তো আমবাগান আমবাগান ছেড়ে এই বটবৃক্ষের ছায়াটুকু বেছে নিয়েছিলাম খেলাঘর পাততে। বটের কিছুই তো লোকের কাছে লাগে না ; না ফল, না ফুল, না পাতা, না কাঠ। তাই মাহুষের পা পড়ে না। শুধু ছায়ার আশ্রয়।”

সঙ্কোর অঙ্ককার গাঢ় হয়ে আসছে—

নবকুমার হঠাৎ একটা কবি-কবি কথা বলে বসে, “তা সত্যি! তোমার বাবাকে—ইয়ে শ্বশুরঠাকুরকে দেখলে আমার এমনি বটবৃক্ষের কথা মনে আসে। বিরোট বটবৃক্ষ!”

সত্য চমকে ওঠে।

সত্য অভিভূত হয়।

আর তারই আবেগে হঠাৎ ‘লোকলজ্জা’ ভুলে নবকুমারের হাত দুটো ছ হাতে চেপে ধরে বলে, “সত্যি বলছ? আমার বাবাকে তোমার ভাল লেগেছে?”

“ভাল লাগার কথা বলতে পারছি না, বলছি ভক্তির কথা সমীহর কথা। বিরোট বটবৃক্ষ দেখলে যেমন সমীহ আসে—”

“কথা কয়েছ বাবার সঙ্গে?”

“কথা? ওরে বাস! তিনি কোথায়, আমি কোথায়? কত ব্যস্ত মানুষ, দূরে থেকেই দেখছি—”

সত্য আব্ছা বিহ্বল গলায় আস্তে বলে, “বাবাকে সবাই দূরে থেকেই দেখে। সব্বাই। মা পর্যন্ত। শুধু এই সত্য মুখপুড়ীই—”

লোকলজ্জা আরও বিস্মৃত হয়ে সত্য নবকুমারের তৃষিত বক্ষে মাথাটা রাখে।

নবকুমারও অবশ্য বেশ কিছুটা সময় এই মধুর আশ্বাদের স্বেযোগ গ্রহণ করে নেয়, তারপর চুপি চুপি বলে, “নতুন জামাই, প্রথম এসাম এমনি একটা শোক-দুঃখুর উপলক্ষে। কারুর বে-খায় এলে অবিশ্রিই আমাদের দুজনকে ঘর দিত, কি বলো?”

সত্য এই মেয়েলী কথাটা শুনে হেসে ফেলে। হেসে বলে, “দিলেই বুঝি নিতাম?”

“নিতে না?”

“পাগল! ঘটে লজ্জা নেই বুঝি? ‘বর’ বস্তুটা শ্বশুরবাড়িতেই ভাল, বুঝলে?”

নবকুমার অভিমানভরে বলে, “বুঝলাম। তাই এই হতভাগা চলে যাবার পর আরও ছ’মাস ভাল করে থাকা হবে—”

সত্যর মনের মধ্যে একটা বিদ্যুৎ-শিহরণ খেলে যায়। দু'মাস কি কত মাস কে জানে! পিস্ঠাকুমা তো সেই মোক্ষম কথাটা বলে বসেছে। আসার সময় সত্ৰুদি যা বলে ভয় জন্মিয়ে দিয়েছিল।...ক্রমশঃ সত্যও যেন অল্পভব করছে, শরীরের মধ্যে কোথাও একটা অস্বস্তি বাসা বেঁধেছে। ...মনে হচ্ছে যেন গলার কাছটাতেই প্রধান অস্বস্তি। কেবলই যেন ভেতর থেকে ঠেলা মারছে, খাণ্ডবস্ত্র নামতে চায় না, উঠে আসার তাল করে।...ওই খাণ্ডয়া থেকেই ধরে ফেলেছে পিস্ঠাকুমা। আর সঙ্গে সঙ্গে নানানুখানা বিষয়ের উপদেশ দিয়ে জব্ব করেছে। তার মধ্যে প্রধান নিষেধ ছিল, সাঁঝ-সন্ধ্যায় আগানেবাগানে গাছতলায় ছাঁচতলায় না যাওয়া।

তা সত্য নিষেধটা মানছে ভাল!

হঠাৎ একটু চঞ্চল হয়ে ওঠে সত্য। বলে, “যাই রাত হয়ে যাচ্ছে, বকবে!”

“এখানে আবার বকবে কে?” নবকুমার নিশ্চিত্তে বলে, “এখানে তো তুমি মহারানী। নেড়ু আমায় সব বলেছে। কী আহুয়ে মেয়ে-তুমি, কী লাজ্জনাতেই পড়েছ—”

সত্য এবার নিজস্ব দৃঢ়তায় ফেরে।

দৃঢ়স্বরে বলে, “ওসব কথা বলছ কেন? যার যা নিয়তি। শত্রুরঘরে, বকুনি-বকুনি আর কোন্ মেঘেটার নেই; ছাড়ো ওকথা! যাচ্ছি—”

“নিতাস্তই যাবে? কি আর বলব? আবার কবে দেখা হবে?”

“তা কি করে বলি!”

“আমি তো এই সামনের বুধবারে চলে যাব। তার মধ্যে একবার হবে না?”

“আচ্ছা দেখি!”

নবকুমার আস্তে আস্তে বলে, “ইচ্ছে হচ্ছে এখানেই থেকে যাই। কী বাড়ি! সদাই সরগরম! আর আমাদের বাড়িতে যেন—”

“তা হোক। নিজের যা তাই ভাল।” সত্য আবার দৃঢ়স্বরে বলে, “তুমিও কালে-ভবিষ্যতে দেশের একজন হবে, তোমার সংসারও এমনি সরগরম হবে।”

“আমার? হুঁ! সে যাক, কবে আবার গরীবের ঘরে যাবে?”

সত্য ঝপ করে বলে বসে, “বলতে পারছি না, ছ মাস এক বছরও হতে পারে।”

“ছ মাস এক বছর!” নবকুমার বিহ্বলভাবে বলে, “তার মানে?”

“আছে মানে।” বলে হঠাৎ ত্বরিতগতিতে দৌড় দেয় সত্য।

যদিও ঘরে-পরে সবাই বলছে, “কী বড়ই হয়েছে সত্য!।” বলছে, “রূপ যেন ফেটে পড়ছে, কী বাড়বাড়ন্ত গড়নই হয়েছে—” তথাপি দৌড়ঝাঁপের কমতি নেই তার।

তবে পিস্টাকুমার সামনে আর দৌড়ঝাঁপ চলবে না মনে হচ্ছে।

নবকুমার অনেকক্ষণ দাঁড়িয়ে থেকে আকাশপাতাল চিন্তা করে। তারপর সিদ্ধান্তে আসে, আর কিছুই নয়, মেয়ে অনেক দিন শ্বশুরঘর করছে, মা-বাপ এবার হাতে পেয়ে আটকে ফেলবে।

হেসে খেলে পাড়া বেড়িয়ে বেড়াচ্ছিল সত্য, এখানে আসার প্রাক্কালে সহ যে সন্দেহ প্রকাশ করেছিল সেটাকে চোখ বুজে অস্বীকার করে। ভিতরে যদি কোনো অস্বস্তির আলোড়ন অজানা এক ভয়ের ছায়া ফেলেও থাকে, বাইরের আলোড়নে সেটা মুছে গেছে।

চট করে কারো সন্দেহও আসে নি, কারণ সত্য কতক্ষণই বা কার চোখের ওপর আছে? বৃহৎ যজ্ঞের আনুষ্ঠানিক জের নিয়ে ব্যস্ত সবাই। হঠাৎ একদিন সন্দেহ জাগল ভুবনেশ্বরীর। যে মানুষটার চোখ দুটো সহস্র কাজের মধ্যেও সত্যের চোখ-মুখের কাছাকাছিই আছে।

সন্দেহ জাগতেই চুপি চুপি সারদার কাছে ব্যক্ত করল ভুবনেশ্বরী, আর সারদাও লক্ষ্য ঘনীভূত করে নিঃসংশয় হল।

ব্যস, মুহূর্তে এ-মুখ থেকে ও-মুখ, এ-কান থেকে ও-কান। গ্রামস্থল মহিলা খবরটা জেনে ফেললেন একটা বেলায় মধ্যেই। মহিলাদের মারফৎ পুরুষরাও।

কিন্তু রামকালীর কানে উঠতে কিছুটা দেরি হয়েছিল। কারণ মাতৃ-বিয়োগের পর থেকে আর বাড়ির ভিতর শুচ্ছিলেন না রামকালী। পুরোপুরি কালাশৌচের কালটা যে এই নিয়মেই চলবেন তিনি, সেটা যেন অশু কালিতে লেখা হয়ে গিয়েছিল।

ভুবনেশ্বরী তবে কোন্ উপায়ে এই ভয়ঙ্কর আনন্দের বার্তাটা তাঁর কানে পৌঁছে দেবে ?

উপায় হচ্ছে না, অথচ এই অপরিসীম আনন্দের ভারটা একা একা বহন করাও কঠিন মনে হচ্ছে।

দু দিনেই দু বছর হয়ে ওঠে ভুবনেশ্বরীর।

তবু এ হচ্ছেও হচ্ছে না, আর কেউ বলে ফেলুক। এই মধুর সুন্দর ভয়ঙ্কর রমণীয় খবরটি ধীরে ধীরে একটি উপহারের মত ধরে 'দেবে স্বামীকে, এই বাসনায় মর্ম্মিত হয়ে ওঠে ভুবনেশ্বরী।

কিন্তু নিজ কঠে সে উপহার দেওয়া আর ঘটে উঠল না তার। রামকালীর খেতে বসার সময় হঠাৎ মোক্ষদা দুম্ করে বলে বসলেন। বললেন, “বললে তোমার মাথা খাকবে কিনা জানিনা, তবু বলা কর্তব্য তাই বলছি, দাদামশাই হতে চললে!”

রামকালী চমকে তাকালেন।

কথাটা যেন ঠিক বোধগম্য হল না।

মোক্ষদা এসব পছন্দ করেন না। অতএব তিনি আরও স্পষ্ট শ্রবণ ভাষায় বলে ফেলেন, “বাংলা বৈ উর্দু ফার্সি বলছি না বাবা, বলছি সত্যর ছেলেপুলে হবে।”

রামকালী সহসা 'বিষম' খেলেন।

জলের গ্লাসটা মুখে ঠেকিয়ে নামিয়ে রাখলেন, তারপর ঘাড় নিচু করে যেন পাতের ভাতের মধ্যে কথাটার অর্থ খুঁজতে লাগলেন।

না, কথা তিনি এখন কইবেন না। আচমন করে বসেছেন। কালাশৌচের বছরটা রীতিমত বিধিনিষেধের মধ্যে থাকতে চান। এসবে বিশ্বাসী তিনি কোনদিনই নন, কিন্তু মাহুয়ের মন যে কত জটিল জিনিস, দীনতারিণীর যত্নে তা আর একবার দেখা গেল—রামকালীর স্মৃতিস্মরণ আচারনিষ্ঠা দেখে।

কথা কইবেন না। অতএব উত্তরও মিলবে না।

তবু এই সময়টুকু ছাড়া রামকালীকে পাচ্ছে কে? কাজেই যাবতীয় জ্ঞাতব্য বিষয় এই সময়েই রামকালীর কর্ণকুহরে ঢালার পক্ষে প্রকৃষ্ট।

'বিষম' খাওয়া শেষ হলে মোক্ষদা আর একবার বলেন, “আমি এই

জানিয়ে দিলাম, এখন তোমার গুণবতী বেয়ানকে জানাবার কি ব্যবস্থা করবে তা দেখ! মাগীকে তো দিয়ে-থুয়েও মন পাওয়া যায় না। এক ঝাঁকা মণ্ডা আর এক জালা তেল দিয়ে পাঠাও কাউকে, তার সঙ্গে পাণ্ড-অর্থ্য।”

রামকালী খেয়ে চলেছেন, ওদিকে ভুবনেশ্বরীর চোখে জল। যে খবর শুনে রামকালীর আহ্লাদে প্রাণ উথলে ওঠার কথা, সেই খবর দেওয়া হল কিনা তাঁর মৌনকালে। কেন খাবার সময় ছাড়া আর বলা যেত না?

তাছাড়া ভুবনেশ্বরীর আশা-আকাঙ্ক্ষা আর উদ্বেগ-আনন্দে কম্পমান হৃদয়টি তার দল মেলে বিকশিত হয়ে উঠতে পেল না।

অবিশ্রি এত স্ফূর্তি করে কি আর ভাবতে পারলে ভুবনেশ্বরী?

তা নয়।

শুধু চোখে সেই জলের ধারাটা যেন অবিরল হয়ে উঠল নানা অমুভূতি আর অব্যক্ত বেদনার ধাক্কায়। ..

মোক্ষদা শেষ অন্তি ত্যাগ করেন, “আর একটা কথা না বলে বাঁচছি না, মেয়ে তো তোমার এতদিন খত্তরখর করেও কিছুমান্তর বদলায় নি। যে ধিক্কা সেই ধিক্কা। সাঁঝ-সন্ধ্যা মানে না, ডিঙানো-মাড়ানো গেরাছ করে না, আগান-বাগান, ঘাট, পুকুর, ছিটি মাড়িয়ে বেড়াচ্ছে। আমি বারণ করতে গিয়ে শুধু হাশ্বাস্পদ হয়েছি মান্তর। এখন তুমি দেখ যদি শাসন করতে পারো।”

রামকালীর কি আজ গলা দিয়ে ভাত নামছে না? তাই এত দেরি হচ্ছে খেয়ে উঠতে?

মোক্ষদার এত অবসর নেই যে বসে থাকবেন, “বড়বৌমা দেখো খত্তর আর কিছু নেয় কিনা” বলে চলে যান মোক্ষদা।

রাগ হয়েছে তাঁর। হলেই বা মাতৃশোক, তাই বলে এমন স্ফূর্তি মুখটা প্রশন্ন করবে না? এত কী! যাক, সত্যর খত্তরবাড়ি খবর পাঠানোর ব্যবস্থা তাঁকেই করতে হবে। এ তিনি জানেন। এটা মেয়েলী কাজ।

সারদা অদূরে বসে আছে পাখা হাতে, তার ওপরই খত্তরকে দেখার নির্দেশ।

হ্যাঁ, সারদাই বসে একগলা ঘোমটা দিয়ে। এটা তার সর্বশ্রেষ্ঠ কর্তব্য। দীনতারিণী মোক্ষদা কালীশ্বরী শিবজায়া যে কেউই কাছে থাকুন, খাওয়ার তদারকি করুন, সারদা শুকায় বাঁচিয়ে বসে পাখা নাড়বেই।

আর কে করবে ?

ভুবনেশ্বরী তো আর এই একবাড়ি গিন্নীর সামনে লঙ্কার মাথা খেয়ে স্বামীর খাওয়ার তদারক করিতে আসবে না !

মোক্ষদা চলে যেতে রামকালী উঠলেন ।

দাণ্ডয়ার ধারে চকচকে করে মাজা গাড়ু ও তার উপর পাট করা কাচা গামছা রক্ষিত আছে আঁচানোর জন্তে, তবু হঠাৎ কি ভেবে চলে গেলেন ঘাটে । হবিশ্রের সময় ঘাটে মুখ প্রক্ষালন করাটা বিধি ছিল বটে, কিন্তু এখন কেন ?

বে জন্তেই যান—

আজ ভুবনেশ্বরী ভরস্বর এক অসমসাহসিক কাজ করে বসল । ক্ষুণ্ণপায়ে রান্নাঘরের পিছন গলির বেড়ার দরজা দিয়ে বেয়িয়ে গিয়ে, মেয়েঘাটের আব্রু স্বরূপ আড়াল করা যে ঝোপঝাড়গুলো আছে, তার পাশ দিয়ে এগিয়ে প্রায় পুরুষঘাটের কাছ বরাবর দাঁড়িয়ে থাকল ।

রামকালী হাতমুখ ধুয়ে ফেরার পথে চমকে দাঁড়িয়ে পড়ে বলেন, “এ কী, তুমি এখানে ?”

ভুবনেশ্বরী ঘোমটার মধ্যে থেকেই রুদ্ধকণ্ঠে বলে, “তা কি করবো ? চোরে কামারে তো দেখা নেই ! একটা কথার দয়কার থাকলে—”

রামকালী প্রায় বিরক্ত হয়ে বললেন, “তা এইটা কি কথার জায়গা ?”

ভুবনেশ্বরীর চোখে বে ধারাপ্রাণ, তা ঘোমটার মধ্যে থেকেই ধরা যায় ।

সেই প্রাণ-বর্ষণের মধ্যেই তার কথা শোনা যায়, “কখন তোমার পাচ্ছি ?”

রামকালী দ্রব্য শান্ত্বনয়ে বলেন, “তা কথাটা কি বলে নাও চটপট ! চারিদিকে লোকজন—”

“বলছি—সত্যর কথা—”

রামকালীর গলায় কেমন একটা বিরূপ গম্ভীর স্বর বাজে, “হ্যাঁ, স্তন্যাম । ওর দিকে একটু লক্ষ্য রাখবে । বেশী দৌড়কাঁপ না করে । যাও, বাড়ির মধ্যে যাও ।”

ভুবনেশ্বরীর সর্বশরীর একটা মুক অভিমানের রূপে ওঠে, আর কথা বলে না সে, আন্তে আন্তে মুখ ফিরিয়ে সরে আসে ।



তার গতিভঙ্গীর দিকে তাকিয়ে রামকালীর একবার মনে হয়, আর একটু নরম করে কথা বললে ভাল হত। নির্বোধ মানুষটা মেঘের এই সংবাদে ভয়ে সারা হচ্ছে। কিন্তু কি করবেন রামকালী, এটা তো আর স্ত্রীর সঙ্গে গালগল্পের জায়গা নয়!

ভাবেন কোনো এক সময় বলে দেবেন, ভয় পাবার কিছু নেই।

কিন্তু কোন্ সেই সময়?

রামকালী জানেন কি?

জানেন কি স্ত্রীর সঙ্গে গালগল্প করা কি বস্ত? সেহ প্রেম ভালবাসা—এগুলো ব্যক্ত করার বস্তু নয়, এটাই জানেন রামকালী।

সত্যর খণ্ডরবাড়িতে খবর পাঠাতে কাকে নির্বাচন করা যায়, তাই ভাবতে ভাবতে চণ্ডীমণ্ডপে গিয়ে বসেন রামকালী।

মোক্ষদা চলে আসেন।

এবং তোড়জোড় লাগিয়ে দেন সত্যর খণ্ডরবাড়িতে খবর দেবার।

গিরি তাঁতিনী যাবে।

গরুরগাড়ি নিয়ে রাখুও যাবে। গিরির জন্তে তসর শাড়ি আসে, রাখুর জন্তে হলুদে ছোপানো ধুতি-চাদর। মস্ত একটা পেতলের হাঁড়িতে এক হাঁড়ি ঘানিভাঙা তেল, আর মস্ত একটা “মটকি”তে বোঝাই কাঁচাগোলা। এ দুগ্ধ দেখলেই ঘটনাটা বুঝতে পারবে সত্যর শাণ্ডী, মুখ ফুটে বলতেও হবে না।

ওরা বেরোবার মুখে রামকালী হঠাৎ থামান। মোক্ষদাকে উদ্দেশ করে একগেঁজে টাকা বাড়িয়ে ধরে বলেন, “সেখানে লোকজন সবাইকে যেন পরিতোষ করে আসে, দিয়ে দাও গিরির হাতে।”

সংসারস্বক্ সবাই আহ্লাদে ভাগছে, দীনভারিণীর মৃত্যুশোক এ আহ্লাদকে পরাভূত করতে পারছে না। শুধু রামকালীই যেন পরাভূত হয়ে যাচ্ছেন, চেষ্টা করলেও ভেমন আহ্লাদ আনতে পারছেন না।

যেন রামকালীর কী একটা লোকসানই ঘটেছে!

সত্য বড় হয়ে যাচ্ছে, সত্য বড় হয়ে গেছে!

গিয়েই তো ছিল। তবু যেন কোথায় একটু আশা ছিল। মাতৃপ্রাণের

বিরাট কাজের মধ্যে দেখছিলেন সত্যের ছোটোছোটো আসা-যাওয়া গালাগল্প। মনে করছিলেন—যা ভেবেছিলাম তা নয়, শুধু শব্দরবাড়ির চাপে পড়েই—

ভাবছিলেন হাতের কাজটা হালকা হলেই সত্যকে ডেকে কাছে বসিয়ে কথা বলবেন।

কাজ না মিটেই মোক্ষদা এলেন ভগ্নদেহের বৃত্তিতে।

আর কাকে “কাছে” বসাবেন রামকালী ?

অনেক দূরে চলে গেল যে সে !

নাঃ, কাছে আর কোনোদিন পাবেন না তাকে রামকালী।

এক নতুন চক্রের চক্রান্তে পড়ে অশ্রু আর এক রাজ্যের প্রজা হয়ে গেছে সত্য।

সে রাজ্য প্রমীলার রাজ্য, সে চক্রান্ত বিধাতার চক্রের।

## ॥ ছাব্বিশ ॥

নবকুমার চলে গিয়ে পর্যন্ত এই কটা দিন আরো “টো-টো” করে বেড়াচ্ছিল সত্য, বাঁধা গরু ছাড়া পাওয়ার ধরনে নবকুমারের উপস্থিতিতে সামান্য যেটুকু সাবধান হতে হচ্ছিল, তাও ঘুচেছিল, হঠাৎ শ্রোনদৃষ্টি মোক্ষদার মোক্ষম আবিষ্কারের ফলে স্বাধীনতা সাংঘাতিক রকম খর্ব হয়ে গেল তার।

বিত্রোহ করা চলছে না, উঠতে বসতে উপদেশের ঠেলা। “দরজায় বসিস নি, ছুজনের মাঝখান দিয়ে যাস নি, সাঁঝ-সন্ধ্যে হয়ে গেলে উঠোনে নামিস নি, শনি-মঙ্গলবারে পথে বেরোস নি, ঘাটেপুকুরে একা যাস নি,” নিষেধের বৃন্দাবন একেবারে। তা ছাড়া আছে “বিধি”।

পায়ের আঙুলে রূপোর আঙটি পরে থাকো, চুলের আগায় আর শাড়ির ‘কোল-আঁচলে’ সর্বদা গিঁঠ বেঁধে রাখো, শরুপক্ষ জাতীয় কোনো মহিলাকে দেখলেই সরে থাকো এবং “নজর-খরা” কোনো মহিলার নজরে পড়ে গেছ সন্দেহ হলেই দেহের কোনোখানে লোহা পুড়িয়ে ছাঁকা দাঁও, রাজ্যে খোঁপায় খড়কে রাখো, এইসব অহুশাসনের শাসনে চলতে হচ্ছে সত্যকে।

সত্যকে যেন বেঁধে মারছে এরা।

তবু সত্য যখন তখনই ভয়ানক ভয়ানক অবটন ঘটিয়ে বসছে।

যেমন অগ্নমনস্কতায় পান-ধোওয়া জল মাড়িয়ে গেল, মাছ-ধোওয়া জল ডিঙিয়ে গেল, ছেঁচতলায় নিজের শাড়িখানা মেলে দিয়ে বসল, এই সব সর্বনেশে কাণ্ড!

ভুবনেশ্বরী কেবল বলে, “অ সত্য, কখন কি করে বসবি, আর না আমার কাছে, একটু বোস না!”

এক-আধবার বসে সত্য।

হয়তো ভিতরের কোনো ক্লাস্তিতেই। কিন্তু বেশীক্ষণ মায়ের কাছে কাছে থাকতে তার লজ্জা করে। তাছাড়া চিরচঞ্চল চিত্ত তার দীর্ঘকাল শব্দরথর করেছে অচঞ্চল ভূমিকা নিয়ে, আর সে সহজ ক্লাস্তির কাছে হার মারতে রাজী হয় না, রাজী হয় না মমতার কাছে বশুতা স্বীকার করতে।

অতএব একদিন রামকালীর কাছে নালিশ পৌঁছল। বলা হল, “তুমি শাসন করো।”

কিন্তু রামকালী কি করলেন শাসন?

নাকি চিকিৎসক-জনোচিত নিষেধের বাণী বর্ষণ করলেন?

না, সে সব কিছুই করলেন না রামকালী। কেন কে জানে ভিতরে ভিতরে একটা পীড়া বোধ করছেন তিনি। কেমন যেন একটা বিমুখতা। যেন শেষ সম্বলটুকুও হারিয়েছেন, তাই মনের মধ্যে নিলিপ্ত শূন্যতা।

রামকালী শুধু একদিন মেয়েকে ডেকে বললেন, “গুরুজনরা যা বলছেন, মন দিয়ে শুনবে। ওঁরা বোঝেন, ওঁদের কথা মেনে না চললে ক্ষতি হতে পারে।”

অভিমানে সত্য তিন দিন শুয়ে রইল।

ভুবনেশ্বরী অহুযোগ করলে বলল, “এই তো চাও তোমরা। বেশ তো, যা চাও তাই হচ্ছে।”

সত্যিই হঠাৎ চূপচাপ হয়ে গেল সত্য।

কিন্তু ক্ষতিকে কি রোধ করা গেল?

না, রামকালী এখন গ্রহের কোপে পড়েছেন।

রামকালী ‘মহাগুরু নিপাতের’ বিপাক-মুক্ত হতে পারছেন না।

তাই রামকালীর প্রথম দৌহিত্র সম্ভান পৃথিবীর আলোর উদ্ভাসিত না হতেই অন্ধকারের রাজ্যে হারিয়ে গেল।

তা ছাড়া আর কি কারণ ?

সত্য তো সব কিছু বিধিনিষেধ মেনে চলছিল ইদানীং ।

মোক্ষদা অবশ্য বললেন, ‘এ সেই গোড়ার কালে ধিক্কাপনা করার ফল ।’ কিন্তু চিকিৎসক রামকালী তা বলেন না । রামকালীর হঠাৎ মনে হয়, এ বোধ করি তাঁর নিজেই অবহেলার ফল । পিতা হিসাবে না হোক, চিকিৎসক হিসেবে তাঁর আর একটু কর্তব্য ছিল ।

তবু এটাও তো সত্যি, এ পরিবারভুক্ত আত্মীয় আশ্রিত মিলিয়ে যে গোষ্ঠীটি সে গোষ্ঠীতে বছরে গড়ে অন্ততঃ পাঁচ-সাতটা শিশুর জন্ম হচ্ছে, নিতান্ত সহজে, প্রায় কর্তা-পুরুষদের অজ্ঞাতসারেই ।

না, অত্যাক্তি নয় । ওই ছেলেমেয়েগুলো একটু বড় হয়ে যখন অস্ত্রের ট্যাঁকে চড়ে বহির্জগতে বেরোয়, তখন ওঁরা কোতুলী হয়ে প্রাণ করেন, “কার এটা ?”

অতএব অপরাধটা কোথায় রামকালীর ?

এই কটা দিন আগে “ভেল-সলেশ” সহকারে খবর পাঠানো হয়েছিল সত্যর খবরবাড়িতে এবং এলোকেশী হেন মাহুসও খবরদাত্রীকে একখানি নতুন কাপড়দানে পুরস্কৃত করেছিলেন, বোকে বাপের ঘরে রাখার অহুমতিও দিয়ে-ছিলেন দীর্ঘকালের জন্তে, আবার এখন এই বার্তা পাঠাতে হবে ।

ঘটা করে মেয়ের ‘সাধ’ দিচ্ছিলেন বোয়ের বড়লোক বাপ, তা নয়, মূলে হাবাৎ । হয়েছিল অবিশ্রি মেয়েসন্তান, তবু প্রথম সন্তান তো ! সত্য তো “ভাঙা” হয়ে গেল । আর তো সত্য “অধু পোষাতি” রইল না । কোনো শুভকর্মে নিয়ম-লক্ষণের কাজে আগ বাড়িয়ে আসতে তো পারবে না সত্য ।

কড়া হুকুম দিলেন এলোকেশী, শরীর-দ্বান্দ্য একটু ভাল হলেই যেন মেয়েকে পালকি চড়িয়ে সাবধানে পাঠিয়ে দেন বেহাই । আহ্লাদে মেয়ে বাপের বাড়ি গিয়ে আহ্লাদেপনা করেই যে এইটি ঘটিয়েছেন, তাতে আর সন্দেহ কি !

ঐ বচন হজম করতে হল রামকালীকে ।

এ নির্দেশ মানতেই হল ।

আবার রাহুকে বেতে হল সত্যর খবরবাড়ি কৈদে কৈদে চোখ-কোলানো ত্রিয়মাণ সত্যকে নিয়ে ।

কিন্তু রামকালীর গ্রহের কোপ কি কাটল ?

মহাশুক নিপাতের বছর পূর্ণ হয়েও তো আরো বছর কেটে গেল, তবু রামকালীর সংসারে অঘটন ঘটতেই লাগল কেন ? কোনোখানে কিছু নেই, “নেড়ু” নামক নিরীহ ছেলেটা হঠাৎ একদিন হারিয়ে গেল ! যেমন করে একদিন রামকালী হারিয়ে গিয়েছিলেন । কিন্তু নেড়ু তো খড়মপেটা খায় নি !

অনেক খোঁজাখুঁজি করলেন রামকালী, কুণ্ড অনেক কাঁদলেন মেয়েমাহুষের মত, নেড়ুর বার্তা পাওয়া গেল না । এর ক’মাস পরেই কানীধরী মারা গেলেন, আরো ক’মাস পরে শিবজ্ঞার বড় মেয়ে বিধবা হয়ে বাপের বাড়িতে এসে আশ্রয় নিল একপাল ছেলেমেয়ে নিয়ে ।

এ সমস্তই যে রামকালীর গ্রহবৈশিষ্ট্য, একথা কে না বলবে ?

এর সব ‘হ্যাঁপা’ই তো রামকালীকে নিতে হচ্ছে ।

আর মজা এই, শত অসুবিধের মধ্যেও রামকালী কাউকে বলেন না, “সুবিধে হবে না” । শত ঝগড়াটেও বলে কেলেন না, “আর পারা যাচ্ছে না” !

বিধবা হয়ে বাপের বাড়ি আসা খুঁড়তুতো বোনের বিয়ের যুগিয়া মেয়ে দুটোর জন্তেও তোড়জোড় করে পাত্র খুঁজতে ঘটক ঠিক করে শাকরা ডেকে পাঠালেন । পাত্র খোঁজা হোক, গহনাপত্রও প্রস্তুত হোক । বোনের ছেলে চারটির কথাও ভুল থাকলেন না, যথাযথ হিসেবে তাদের কাউকে টোলে, কাউকে পাঠশালে ভর্তি করে দিলেন ।

কর্তবোর ক্রটি করছেন না রামকালী, করছেন না কোনো অনাচার, তথাপি বারেবারেই ভাগ্যের মার পড়ছে তাঁর উপর ।

কিন্তু “গুস্তাদের মার” নাকি শেষরাত্রে, আর ভাগ্য নামক ব্যক্তিটির মত এমন গুস্তাদ আর কে আছে ?

তাই—

রাজি-শেষের ছানাজ্বর আলো-আঁধারি মুহূর্তে সে তার প্রধান মারের খেলা দেখিয়ে গেল ।

ঘণ্টা কয়েকের ভেদবমিতে ভুবনেশ্বরী মারা গেল ।

রামকালী কবরের জের ‘ডেকে কথা কওয়া’ গুস্তাদের সমস্ত মাহাত্ম্য কি ব্যর্থ হল ? হয়তো ব্যর্থই হল, নিয়তিকে কে পারে ঠেকাতে ? কে পারে অপ্রতিরোধ্যকে রোধ করতে ? তবু চেষ্টা করবার সময়টাও যে পেলেন না

রামকালী। হয়তো সময়টা পেলে আক্ষেপটা কম হত। কিন্তু লাজুক ভুবনেশ্বরী, নিবোধ ভুবনেশ্বরী সে চেষ্টাটুকুর অবকাশ দেয় নি। সে মাঝরাতে বিছানা থেকে উঠে সেই বে ঘাটের ধারে গিয়ে পড়েছিল, আর উঠে আসে নি, কাউকে জানায় নি। হয়তো বা পারেও নি।

বাগদী-বুড়ী শেষরাত্রে ঘাটে গিয়ে আবিষ্কার করল এই ভয়ঙ্কর ঘটনার দৃশ্য।

“ও মা আঁ আঁ—” করে চোঁচাতে চোঁচাতে এসে সে আছড়ে পড়ল। তার আর্তনাদ থেকে ব্যাপারটা বুঝতেও কিছুক্ষণ গেল লোকের।

কিন্তু দু-পাঁচ মিনিট আগে বুঝেই বা কী এমন লাভ হত? তখন তো একেবারে শেষ সময়। চোখ মুখ বসে গেছে, নাড়ী ছেড়ে গেছে।

রামকালী নাড়ীটায় একবার হাত দিয়েই, আস্তে সেই প্রায় স্পন্দনহীন হাতখানা নামিয়ে রাখলেন। ঝুঁকে বসে রুদ্ধ-কম্পিত স্বরে বললেন, “মেজবৌ, এ কী করলে?”

রাম হাতে-ধরা প্রদীপটা রোগিণীর মুখের আরো কাছে এগিয়ে আনল, ভুবনেশ্বরী কষ্টে চোখের পাতা টেনে চোখ দুটো খুলল একবার। কি একটা বলতে গেল, ঠোঁট নাড়তে পারল না। চোখের কোণ থেকে দু ফোঁটা জল রগ বেয়ে গড়িয়ে পড়ল।

এ রোগে রোগীর শেষ অবধি জ্ঞান থাকে, চৈতন্য বিলুপ্তি ঘটে না। কিছু একটু বলবার অন্তে ভয়ঙ্কর একটা আকুলতা যে সেই স্বত্বাপথষাঙ্গিণীর ভিতরটাকে তোলাপাড করছে তা সেই বাতাসে-কাঁপা ক্ষীণ প্রদীপশিখার আলোতেও ধরা পড়ল।

রামকালী তেমনি রুদ্ধগম্ভীর আবেগকম্পিত গলায় বললেন, “মেজবৌ, এমন কঠিন শাস্তি কেন?”

মহূর্তের অন্ত রোগিণীর ভিতরকার সেই আকুলতার জয় হল। ঠোঁটটা নড়ে উঠল। উচ্চারিত হল, “ছি!”

“সত্যকে না দেখেই চললে?”

হঠাৎ সেই কাঠ হয়ে আসা দেহটা বিদ্র্যাতাহতের মত নড়ে উঠল, একঝলক জল সেই কোটরগত চোখের চারধার থেকে উথলে উঠে গড়িয়ে পড়ল।

রাম হাতের প্রদীপটা নিভে গেল বাতাসের ঝটকায়।

গত রাত্রে সহজ স্নহু ভুবনেশ্বরী সংসারের বহুবিধ কাজ সেয়ে, আগামী সকালের রসদ বাবদ তিন-তিনটে মোটা কুটে রেখে, এক জামবাটি ডাল ভিজিয়ে ঘুমোতে গিয়েছিল, আজ আর সে সেই সকালের মুখ দেখতে পেল না। ভোরের প্রথম আলো একজোড়া ঘুমন্ত চোখের ওপর এসে স্থির হয়ে পড়ে রইল ব্যর্থতার গ্লানি বহন করে।

রাস্তা মেয়েমানুষের মত হাউ হাউ করে কেঁদে উঠল। কেঁদে উঠল যে যেখানে ছিল সকলেই।

মোকদ্দার তীব্র তীক্ষ্ণ চিংকার প্রথম ভোরের স্নিগ্ধ পবিত্রতাকে যেন দীর্ঘ বিদীর্ণ করে ধিক্কার দিয়ে উঠল।

কুঞ্জ ভাস্করমাসুথ, বেশী কাছে আসবেন না, দূরে বসে বুক চাপড়ে বলে উঠলেন, “জীবনভোর এত লোককে বাঁচালে রামকালী, সোনার প্রতিমা ঘরের লক্ষ্মীকে বাঁচাতে পারলে না? হেরে গেলে?”

রামকালী শুধু একবার সেই হাহাকারের দিকে ফিরে তাকালেন, বললেন না, “যুদ্ধের অবকাশ পেলাম কই?”

অজ্ঞাতশত্রু ভুবনেশ্বরী মরণকালে তার পরমদেবতার সঙ্গে যেন ভয়ঙ্কর একটা শত্রুতা সেধে গেল।

সেজ্জকর্তা ভাঙা-ভাঙা গলার মনোচ্চারণের ভঙ্গীতে বললেন, “নারায়ণ! নারায়ণ! অস্তিত্বে নারায়ণ! রামকালী, আত্মা এখানেই অবস্থান করছেন, নারায়ণের নাম কর।”

“আপনারা করুন।” বলে রামকালী উঠে দাঁড়ালেন।

এমন অকস্মাৎ মৃত্যুতে ঘরের পাশের লোকের সঙ্গেরই দেখা হয় না, তা গ্রামান্তরের! মায়ের এ হেন মৃত্যু সত্যবতীর দেখবার কথা নয়, কিন্তু মাতৃ-শ্রাদ্ধও দেখা হল না তার।

হ্যাঁ, শ্রাদ্ধ ভুবনেশ্বরীর ভাল করেই হল।

বাড়িতে পাঁচটা বুড়ী আছে বলে যে আর কেউ তার প্রাপ্য পাওনা পাবে না, এমন নীতিতে বিশ্বাসী নন রামকালী। আয়োজন দেখে ক্ষুব্ধ মোকদ্দার রামকালীকে বললেন, “আমাদের কথা না হয় ছেড়েই দিলে, কিন্তু তোমার খুড়ো এখনো বেঁচে, তাঁর চোখের সামনে একটা কচি বোয়ের ছেরান্দর এত ঘটী করা কি বেশ বিবেচনার কাজ হচ্ছে রামকালী?”

রামকালী শিসীর মুখের দিকে না তাকিয়েই উত্তর দিলেন, “তোমাদের কথা ছেড়ে দেবার কিছু নেই, কারুর কথাই আমি ছেড়ে দিচ্ছি না, যেটা বিধি সেটাই করছি।”

মোকদ্দা একটা ঈর্ষাকাতর নিশ্বাস ত্যাগ করে বলেন, “পাঁচটা বুড়ীর চোখের ওপর ওই কচি বোটার সমারোহ করে ছেয়াদ করাই তাহলে বিধি?”

রামকালী ভেমনি মুখ কিরিষেই বললেন, “আত্মার বয়স নেই।”

“কিন্তু চোখে যে সহ করতে পারে যায় না রামকালী!”

বললেন মোকদ্দা।

রামকালী মৃদুস্বরে বললেন, “জগতে অনেক জিনিসই সহ করে নিতে হয়। ও নিয়ে বুধা আলোচনার কল কি?”

মোকদ্দা চূপ করে গেলেন। কথাটা সত্যি বৈকি। কনিষ্ঠজনের মৃত্যুটাই যদি সহ করে নেওয়া যায়, তার সেই প্রিয় পরিচিত মূর্তিটা আঙুনে পুড়িয়ে শেষ করে চিতায় জল ঢেলে এসেই আবার খাওয়া যায়, ঘুমনো যায়, তবে আর কোন্ মুখে বলা চলে—“তার পারলৌকিক কাজটা চোখ মেলে দেখে সহ করার ক্ষমতা আমার নেই।”

কিন্তু মায়ের শ্রদ্ধা চোখে দেখবার ক্ষমতা ছেলেমাহুষ সত্যবতীর হবে না বলেই কি নিয়ে আসা হল না তাকে?

না, তা নয়, নিজেরই তার আসা সম্ভব হল না। সে যখন মায়ের মৃত্যু-সংবাদ পেল, তখন দুদিনের ছেলে নিয়ে আতুড়ঘরে। ভুবনেশ্বরী যেদিন ভোরে মারা গেছেন ঠিক সেইদিনই সকালবেলা সত্যর দ্বিতীয় সন্তান জন্মিষ্ঠ হয়েছে। পুত্রসন্তান।

দু পরিবার থেকে দুজন লোক কুটুমবাড়ি এসেছে খবর জানাজানি করতে একজন জয়ের, আর একজন মৃত্যুর খবর বহন করে।

কিন্তু সত্য কেন প্রসবের প্রাক্কালে বাপের বাড়ি আসে নি? বিশেষ করে বাপ যার অত বড় চিকিৎসক?

আসে নি তার কারণ আছে। যদিও ধরতে গেলে কারণটা নিতান্তই মেয়েলী, কিন্তু এসব ক্ষেত্রে মেয়েলী প্রথা আর মেয়েলী কুসংস্কারই জয়ী হয়, সত্যর বেলাতেও তার অগ্রথা হয় নি। সত্যর প্রথমবারের ঘটনাটাই এমন



অনিয়মের কারণ। বাপের বাড়িতে যখন অমন একটা অপরা ব্যাপার ঘটে গেছে, তখন পালা বদল হোক।

তাই এবারে দুপক্ষ থেকেই একমত হয়ে স্থির করা হয়েছিল, সত্যর এবারের সন্তান মাতৃলালয়ে ভূমিষ্ঠ না হয়ে পিত্রালয়ে ভূমিষ্ঠ হবে।

সত্য তাই ওখানেই আছে।

ভালই আছে। বেটাছেলেটি কোলে এসেছে। এলোকেশী বড় মুখ করে লোক পাঠিয়েছিলেন বডলোক কুটুমবাড়ি। তাকে বলে দিয়েছিলেন, “ভদ্র সংবাদের বকশিশ হিসেবে পেতলের গামলাটা দিলে নিবি না। বলবি ঘড়া কই?”

কিন্তু ঘড়া গামলা কিছুই চাওয়া হল না তার। এসে শুনল এই বিপদ।

ওদিকে সত্যবতীও পুলকে আনন্দে আশায় গর্বে প্রত্যাশিত হয়ে বসেছিল কখন সংবাদদাতা ঘড়া নিয়ে কিরবে! কিন্তু তার কেবল পর্যন্ত আর অপেক্ষা করে বসে থাকতে হল না। লোক এল ওদিক থেকে।

এলোকেশী আঁতুড়ের দরজায় এসে মুখটা কঠিনে কোমলে করে বললেন, “আঁতুড়ঘরে কাঁদতে নেই, কাঁদলে ছেলের অকল্যাণের ভয়, নাড়ীর” দোষ হবার ভয়, সাবধান করে দিয়ে খবরটা বলি বোমা, ভেদবমি হয়ে তোমার মা-টি মরেছেন। লুকোছাপা করে চেপে রাখবার তো খবর নয়, চতুর্থী করা না হোক, দুদিন মাছভাতটা তো বন্ধ দিতে হবে। তাই জানিয়েই দিলাম। দেখি, ভটচাক্রকে জিজ্ঞাসাবাদ করতে পাঠাই, এক্ষেত্রে কী বিধি-ব্যবস্থা!”

একটা সন্তপ্রসূতি তরুণী মেয়ের নিঃশব্দ বৃকে বেপরোয়া একখানা ধারালো ছুরি বলিষে দিয়ে, নিতান্ত সহজভাবে সেখান থেকে সরে গেলেন এলোকেশী। ছুরিটার ক্ষমতার বহরও থাকিয়ে দেখে গেলেন না।

কিন্তু পাড়ায় বেয়িরে এলোকেশী তাঁর প্রিয় সখীমহলে এই সরেস খবরটি পরিবেশন করে বলে বেড়ালেন, “দেখলি তো? মিথ্যে বলি কাঠপ্রাণ? মা মরার খবর শুনে প্যাট প্যাট করে তাকিয়ে বসে রইল, ডুকরে কেঁদে উঠল না!”

সত্যিই ডুকরে কেঁদে সত্যবতী ওঠে নি।

স্তুতিতে বিশ্বয়ে শুকনো চোখ দুটি মেলে বসেই ছিল অনেকক্ষণ। তার

পর কখন একসময় নবজাত শিশুটা তার দেহের ওজনের চেয়ে অনেক গুণ বেশী ওজনের চিৎকার করে উঠেছে, ধীরে ধীরে তাকে কোলে তুলে নিয়ে এদিকে পিঠি কিরিয়ে চূপ করে বসে থেকেছে দেওয়ালের দিকে মুখ করে।

ওদিকে যদি একটুকরো জানলা থাকত, সত্যর প্রাণটা বুঝি তাহলে সেই ষোলা পথটুকু দিয়েই দৃষ্টির খেয়া-নৌকো চড়ে অসীম আকাশ সীতরে সীতরে আছড়ে গিয়ে পড়ত সেই তার শৈশবনীড়ে।

যেখানে “মেজবো” পয়িচষে চিহ্নিত একটি নিটোল মুখ, ফর্সা রং, ছোট-খাটো মানুষ ভীক কুঞ্জিত পদক্ষেপে সারাদিন শুধু সকলের মনোরঞ্জন করে বেড়াচ্ছে। আর তারই আশেপাশে এখানে সেখানে, তাকে প্রায় বিশ্বৃত হয়ে, দৃষ্ট পদপাতে ঘুরে বেড়াচ্ছে একটি গাছকোমর-বেঁধে-কাপড়-পর্যায় স্বাস্থ্যবতী বালিকা। কিন্তু এই আতুড়ঘরের এধারে ওধারে কোন ধারেই জানলা নেই। তিনদিকেই গোবর লেপা নিরেট মাটির দেয়াল। দৃষ্টি সেখানে অচল হয়ে থেমে থাকে।

মা কেন সর্বদা এমন ভয়ে ভয়ে থাকে, এই নিয়ে বিরক্তি প্রকাশ করত সত্যবতী। বলত, “ভয় ভয় ভয়! ওই ভয়ের জালাতেই সগুগ পাবে না তুমি মা, দেখে নিও।”

সত্যবতীর মা কি স্বর্গ পায় নি ?

সত্যবতীর প্রাণটা তবে কেন ‘স্বর্গ’ নামক সেই এক অদৃশ্যালোকের অসীম শূন্যতায় হাহাকার করে বেড়াচ্ছে ?

“মা নেই, মাকে আর দেখতে পাবো না,” এ কথা মনে করতে পারছে না সত্য, শুধু মনে হচ্ছে সেই চিরমমতাময়ী মানুষটা যেন ভয়ঙ্কর এক নিষ্ঠুর খেলায় মেতে একছুটে কোন্ দূর-দূরান্তর লোকে পৌঁছে গিয়ে সত্যকে ‘দুয়ো’ দিয়ে ব্যঙ্গহাসি হাসছে।

বলছে, “কি গো, স্বাতদিন তো নিজের খেলা নিয়েই উন্নত হয়ে বেড়াতে, ‘মা’ বলে যে একটা মানুষ ছিল সংসারে, তার দিকে তাকিয়ে দেখেছিলে কোন দিন ? মনে রেখেছিলে তুমি তার একমাত্র সন্তান, তুমি ছাড়া ‘আপনার’ বলতে আর কেউ নেই তার ?”

“মা মারা গেছেন” এ দুঃখের চেয়ে দুঃখ হয়ে উঠছে সত্যর, ছেলেবেলাকার সত্যর সেই মা’র প্রতি ঔদাসীন্দের দুঃখ। মাকে কেন ভাল করে দেখে নি সত্য। হু হু কেন স্থির হয়ে এসে বসে নি মার কোলের কাছে! কেন স্বাতে

আর পাঁচটা মেয়ের সঙ্গে ঠাকুরমার ঘরে শোয়ার বদলে মায়ের গলাটি জড়িয়ে ঘুমোয় নি ! প্রায়ই তো সেই কুণ্ঠিত মাহুঘটি ভীক ভীক মুখটি হাসিতে উজ্জ্বল করে চুপি চুপি অহুন্নয় করত, “এ ঘরে আমার বিছানায় শুবি আয় না। রূপকথার গল্প বলব।”

যার কাছে এই অহুন্নয়, সে কোনদিনই তার মান রাখত না। নিতান্ত তাচ্ছিল্যে বলত, “হঁঃ, কতই না গল্প জান তুমি ! ওঘরে বলে আমার বন্ধুরা সবাই, ওদের ছেড়ে তোমার কাছে শুতে আসব আমি ! বলিহারী কথা বটে !”

কী পাষণ ওই মেয়েটা গো ! কী পাষণ !

গোবরলেপা ওই নিরেট দেওয়ালটায় মাথা কুটে কুটে মাথার মধ্যেকার ভয়ঙ্কর যন্ত্রটাকে ছিন্নভিন্ন করে ফেলতে ইচ্ছে করে সত্যর।

ভগবান, একবারের জন্তে সেই দিনটা এনে দিতে পারো না ? সত্য তাহলে সেইদিন সেই নিষ্ঠুর মেয়েটার পাপের প্রায়শ্চিত্ত করে।

সেই ছোটখাটো দেহটাকে দু হাতে জড়িয়ে ধরে বুকে মুখ গুঁজে বলে, “মা মাগো, নিষ্ঠুর ছিল না সে মেয়েটা, শুধু অবোধ ছিল।”

ইদানীং-এর মাকে, শশুরবাড়ি থেকে ঘুরে গিয়ে দেখা মাকে, কিছুতেই যেন মনে পড়াতে পারে না সত্য, ঘুরেফিরে শুধু মা'র সেই নিতান্ত বধু-মুঁতিটাই রামকালী কবরেজের মস্ত বড় বাড়িটার সর্বত্র সঞ্চরণ করে ফেরে।

সত্য যদি এখনি মরে যায়, ‘স্বর্গ’ নামক সেই জায়গাটার কি দেখা হবে মা'র সঙ্গে ? তা হলে সত্য তার বুকে কাঁপিয়ে পড়ে ডুকরে কেঁদে উঠবে, “মা মাগো, এত পাষণ তুমি কী করে হলে মা !”

আত্মবিশ্মৃত সত্য কি মনে করে বসে ছিল, সত্যিই সেখানে পৌঁছে গেছে ? কাঁপিয়ে পড়েছে মা'র বুকে ? আর তার ডুকরে ওঠাটা এত ভীক হয়ে গেছে যে মর্ত্যলোকের এইখানে এসে ধাক্কা দিয়েছে ?

নইলে এলোকেশী ছুটে আসবেন কেন ? কেন কঠিন গলায় ধমকে উঠবেন, “বোমা, একটাকে বিসর্জন দিয়ে আশ মেটে নি, এটাকেও দিতে চাও ? ওই আত্মতুচ্ছ-বধীর ছেলে কোলে নিয়ে মড়াকান্না ? বুকের পাটাকেও ধক্তি ! বলি মা-বাপ কি কারো চিরদিনের ? শুবু তো বিধাতাপুরুষের হুবিচার হয়েছে, বাপ না গিয়ে মা গিয়েছে ! শাঁখা-সিঁদুর নিয়ে এয়োসতী

ভাগ্যবতী ড্যাংডেডিয়ে চলে গেল, দেখে আহ্লাদ কর, তা নয় মা-মা করে চিৎকার তুলছে! বলি আর বেশীদিন বাঁচলে কপালে দুর্ভোগ ছাড়া কি ছাই সুখভোগ আসত? হাত শুধু করে খান পরে বোগনো বেড়ির ঘরে ভর্তি হতে হত না? চোখের জল যদি ছেলের গায়ে পড়ে বোমা, তোমায় আমি বাপাস্ত করে ছাড়ব তা বলে দিচ্ছি, মা-মা করে শ্রাকামি করা বার করে দেব!”

চোখের জল ছেলের গায়ে!

সত্য আঁচলটা তুলে ঘষে ঘষে চোখটা শুকনো করে ফেলে সভয়ে তাকিয়ে দেখে, ছেলের গায়ে কোথাও জলের ফোঁটা লেগে আছে কিনা।

এই তো এই যে! এই যে জলের ফোঁটা! শিউরে ওঠে সত্য।

হে মা বধী, রক্ষা করো মা। এমন বুদ্ধিহীনের মত কাজ আর কখনো করবে না সত্য।

ক্লান্ত সেই জলের ফোঁটা আঁচলের কোণ দিয়ে মুছে নিয়ে ছেলেকে নিবিড় করে ধরে সত্য। স্বত্বের দিক থেকে মুখ ফিরিয়ে নিয়ে জীবনের মুখোমুখি বসে।

## ॥ সাতাশ ॥

কথায় বলে, “ভাগ্যবানের বোঝা ভগবান বয়!” রাহুর বৌ সায়দা অবশ্য নিজেকে খুব একটা ভাগ্যবতী মনে করে না, বরং যখন তখন “আমার যেমন ভাগ্য” বলে আক্ষেপ করতে ছাড়ে না! কিন্তু এক হিসেবে এষাবৎ ভগবান তার বোঝা বয়ে এসেছেন। বয়ে এসেছেন গ্রহ-নক্ষত্রের একটি সুকৌশল সমাবেশ ঘটিয়ে।

নইলে পাটমহলের লক্ষীকান্ত বাডুঘোর নাওনীর তো এখনো পাটমহলেই পড়ে থাকবার কথা নয়। কিন্তু তাই পড়ে আছে সে, সারল্যকে নিঃসপত্তী রাজ্যভোগের সুযোগ দিয়ে।

লক্ষীকান্ত নেই, কিন্তু তাঁর পুত্র শ্রামকান্ত বাপের ঠাট-বাট বজায়

রেখেছেন। সর্ববিধ শাস্ত্রীয় আচার-আচরণ মেনে চলেন তিনি। নড়তে চড়তে পাঞ্জি-পুঁথি দেখেন এবং গ্রন্থ-ফাঁড়া ঠিকুজিকোণী ইত্যাদি গোলমলে ব্যাপারে প্রত্যেক সময় কাশী-প্রত্যাগও জ্যোতিষার্ঘ্য ঠাকুরের উপদেশ গ্রহণ করে থাকেন।

জ্যোতিষার্ঘ্যবই পটলীর কোণী দেখে তার পতিগৃহ যাত্রা সম্পর্কে একটি বিশেষ বিধিনিবেশ আরোপ করেছিলেন।

ঘোষণা করেছিলেন, আঠারো বছরে পদার্পণের আগে পটলীর স্বামী সন্দর্শনে বিপদ আছে। উক্ত কালাবধি তার পতিগৃহস্থানে রাখর কটাক্ষ।

জ্যোতিষার্ঘ্যের ঘোষণায় অবশ্য আশ্চর্য কেউ হয় নি, বরং যেন এ ধরনের একটা কিছু না হলেই আশ্চর্য হত। কারণ পটলীর পতিগৃহস্থানে যে রাখর দৃষ্টি, সে আর জ্যোতিষীকে বলতে হবে কেন! সে তো তার বিয়ের দিনই হাড়ে হাড়ে টের পাওয়া গেছে!

নেহাৎ নাকি ওর বাপের পূর্বজন্মের পুণ্য ছিল, তাই সেই বিয়ের বয়স রামকালী কবরেজের দৃষ্টিপথে পড়ে গিয়েছিল। নয়তো পটলীকে তো বাসররাতেই শাঁখা-নোয়া খুলতে হত। আর নয়তো 'দা-পড়া' আধাবিধবা হয়ে জীবনটা কাটাতে হত।

রামকালী কবরেজ ভগবান হয়ে এসে উদ্ধার করেছেন। কিন্তু "অদৃষ্টের ফল কে ধণ্ডাবে বল!" তাই গ্রন্থ-নন্দনরা আঙুল তুলে নিবেশ করে রেখেছে, "পটলী, তুই স্বামীর দিকে চোখ তুলবি না। অন্তত আঠারো বছর বয়স হবার আগে নয়।"

লক্ষ্মীকান্তর শ্রদ্ধের সময় সামাজিক আচার অহুযায়ী জামাইকে শ্রামকান্ত নিমন্ত্রণ করেছিলেন। তবে বাড়িতে কড়া শাসন করে রেখেছিলেন, মেয়ে জামাইয়ে যেন দেখাওনো না হয়। কিন্তু ভাগ্যচক্রে জামাইয়ের আসাই হল না। সেইদিনই নাকি জামাইয়ের রক্ত-আমাশা দেখা দিল। কে জানে সের দুই কাঁচা দুধ খাবার ফল কিনা সেটা!

যাক সে সব তো অতীত কথা।

শ্রামকান্ত মেয়ের খবরকে তার কোণীঘটিত বিপর্যয় জানিয়েছিলেন। কাজেই এতদিন ওপক্ষ থেকে বৌ নিয়ে যাবার প্রস্তাব ওঠে নি। দীনতারিণীর অত বড় সমারোহের শ্রদ্ধেও খবরবাড়ি আসা হল না তার।

'এক ঘাট' কুরতে যে বেথানে জাতিগোত্র ছিল সবাই এসে জড় হল,

সত্য পুণ্য কুঞ্জর পাঁচ-পাঁচটা খত্তর-খরস্কী মেয়ে, শিবজায়ার দোস্তুরগুটি, বাকী কেউ থাকে নি, বাকী ছিল শুধু পটলী, যে নাকি সর্বপ্রধানের এক প্রধান।

কিন্তু এবার সময় এসেছে।

আঠারো বছরে পদার্পণ করেছে পটলী। কুঞ্জগৃহিণী অভয়া ব্যস্ত হয়ে উঠেছেন নতুন বোকে আনতে। মুখে বলেছেন অবশ্য, “আর ফেলে রাখলে কি ভাল দেখায়,” কিন্তু ভিতরের উদ্দেশ্য আরো গভীর, উদ্দেশ্য বড় বোয়ের তেজ অহঙ্কার ভাড়া। সারদার যত তেজ, তত অহঙ্কার। দিন দিন যেন বাড়ছে। সংসারে ভুবনেশ্বরীর শূন্য স্থানটা কেমন করে কে জানে আন্তে আন্তে সারদার দখলে এসে গেছে। ভুবনেশ্বরীর মতই এখন সারদা ভিন্ন যেন সব দিক অচল। কিন্তু ভুবনেশ্বরীর নম্র নীরবতা সারদার মধ্যে নেই, সারদা যতটা চৌকস, ততটাই প্রখর। শাণ্ডীকেও সে ডিঙিয়ে যেতে চায়।

অথচ দীনতারিণীর মৃত্যুতে গিন্নীর যে পদটা অভয়ার পাবার কথা, সেটা যেন অভয়া পেল না। অভয়ার সেই ‘হেসেলের চাকরি’র উর্ধ্বে নতুন কিছু হল না, বরং সেটাই আরও জটিল হয়ে উঠেছে। কাশীশ্রী তো নেই-ই, হঠাৎ পড়ে গিয়ে হাত ভেঙে মোক্ষদাও কেমন কমজোরি হয়ে গেছেন। কাজেই অভয়াকে সচ-স্নানান্তে ঠুন্দের ঘরেও কিছু গুছিয়ে দিয়ে আসতে হয়। বাটনাটা জলটা।

মোক্ষদা “হাতী হাবড়ে পড়ার নীতি”তেই সেই চির অস্পৃশ্য জল স্পর্শ করেন।

অতএব সমগ্র সংসারটা অনেকটা বেলা পর্যন্ত সারদার হাতেই থাকে। সঙ্কে থাকেন অবশ্য শিবজায়া, থাকেন আরও জ্ঞাতি মহিলারা, কিন্তু আশ্চর্য, সবাই যেন ‘আমে দুখে’ মিশে গেছে। অভয়া-জ্ঞাপিণী জাটির ঠাই হয়েছে ছাইপাদায়। অন্তত অভয়ার তাই ধারণা।

বোয়ের এই প্রতাপ, এই দপদপা আর সহ করতে পারছেন না অভয়া। টিট করতে ইচ্ছে করছে বোকে। তা অস্ত্র তাঁর হাতে এসে গেছে এবার। শ্রামকান্ত জানিয়েছেন আঠারো বছরে পা দিয়েছে পটলী।

শুনে বুকের জোর বাড়ল অভয়ার।

ভাবলেন বড়বোমার “তেজ আসপদা” কমুক একটু।

সতীন এনে বুকে দিলে মেয়েমাহুৰ যেমন করে চিট হয়, তেমন আন্ন কিসে ?

ওদিকে পাটমহলে মস্ত তোড়জোড় ।

কঁড়া কেটেছে, এতদিন পরে ঘরবসত হচ্ছে মেয়ের, ঘরভরা জিনিস দেবার বাসনা পটলীর মা বেহলার । জিনিস গোছাচ্ছে, আর উঠতে বসতে মেয়েকে উপদেশ দিচ্ছে কিসে মেয়ে খত্তরবাড়ি গিয়ে “একজন” হতে পারে । মেয়েটা বে বড় স্ত্রীকা-হাবা, তাই ভাবনা বেহলার ।

তবে অশ্রুদিকে একটা মস্ত ভরসা আছে পটলীর মার । অলক্ষ্যে প্রতি মুহূর্তে মেয়ের দিকে তাকিয়ে আছে আর সেই ভরসার আলো মুখে ফুটে ওঠে । পটলীর সতীনের বয়সটা মনে মনে হিসেব করে সে আলো আরও জোরালো হয় । পটলীর সঙ্গে কার তুলনা ?

একে তো ভরস্তু বঁচেস, তায় আবার এইকাল অবধি বাপের ঘরে নিশ্চিন্দ্র ভাত খেয়ে খেয়ে গড়ন হয়েছে পুরস্তু । আর রূপ ? সে তো সেই শৈশব থেকেই একরকম ডাকসাইটে ।

ঘরে পরে সবাই বরণ ওই রূপের জন্তেই খোটা দেয় তাকে । বলে, “অতি বড় হুল্লরী না পায় বর’ শাস্ত্রের এ কথাটা নতুন করে প্রমাণ করছিল পটলী তুই ! এর থেকে আমাদের কালো খেঁদি মেয়েরা অনেক ভাল । তোর বয়সী সবাই তিন-চার ছেলের মা হল ।”

এখন আবার ভয়ও দেখাচ্ছে অনেকে ।

বলছে, “সতীন এখন হুল্লকুল দিলে হয় ! এযাবৎ একা পাটেশ্বরী হয়ে রয়েছে । পটলীর মা, তুমি মেয়ের গলায় কোমরে ভালমতন রক্ষাকবচ বেঁধে দিও । কে জানে কার মনে কী আছে !...মেয়েকে বারণ করে দিও যেন সতীনের হাতের পান জল না খায় ।”

আশা আর আশঙ্কা, স্বপ্ন আর আতঙ্ক, এই নিয়ে দিন কাটাতে কাটাতে অবশেষে একদিন পটলীর জীবনের সেই পরম দিনটি এসে পড়ে । খত্তরবাড়ি যাত্রা করে পটলী ।

বাড়িটার খানিক খানিক ঝাপ্‌সা ঝাপ্‌সা মনে আছে । বড় যে উঠোনটার বৌছত্তরের ওপর গিয়ে দাঁড়িয়েছিল, মস্ত যে দালানটার তাকে

তুলে নিয়ে গিয়ে বসিয়েছিল, ঘাটের যে ধারটার স্নান করিয়েছিল পটলীকে, যে ঘরে আটদিন বাস করেছিল সে, এইরকম একটু একটু। আর বিশেষ কিছু না।

অতগুলো মেঘেমাঝুঘের মধ্যে কে যে তার সতীন, সেকথা বুঝতেই পারে নি পটলী। তা ছাড়া বোঝাবার চেষ্টাই বা করেছে কে? কেঁদে কেঁদে যার চোখ ফুলে কয়মচা!

শুধু তো খণ্ডরবাড়ি আসার কান্না নয়, নিজেকে ভৎস্বর একটা অপরাধী ভেবে আরও কান্নার যোগ হযেছিল তার সঙ্গে। সত্যি পটলীর মত মহা-অপয়া ত্রিঙ্গগতে আর কে আছে?

বিয়ের বর বিয়ে করতে এসে রাস্তায় মরে, এমন কথা কে কবে শুনেছে? তার পর আবার এ বাড়ি? বৌভাতের যজ্ঞের দিন বাড়ি যখন রুমরুম করছে, তখন কিনা বাড়ির একটা জলজ্যাঙ্গ বৌ হারিয়ে গেল! শুনে 'হাঁ' হয়ে গিয়েছিল পটলী।

পুরুষমানুষ রাস্তায়-ঘাটে বেরিয়ে সাপের পেটে বাঘের পেটে কি চোর-জাকাতের হাতে পড়ে হারিয়ে যেতে পারে, কিন্তু মেয়েমানুষ? বিশেষ করে বৌ-মানুষ? ঘরের মধ্যে থেকে হারিয়ে যাবে কি? ভূতে উড়িয়ে নিয়ে যাওয়া ব্যাপার ছাড়া আর কিছু ব্যাখ্যা করা চলে না এর।

সেই ব্যাখ্যাতেই নিশ্চিন্ত হয়ে সকল কারণের মূল নিজের উপর থিক্বারে আর ভয়ে যখন খালি কেঁদে আকুল হয়ে যাচ্ছিল, তখন সত্য এসে জ্ঞান দিয়েছিল তাকে।

হ্যাঁ, ওই আর একটা বস্তু মনে আছে পটলীর।

সত্য!

আশির মতন চকচকে সেই বড় বড় দুটো চোখ, আর তার উপরকার ঘনকালো জোড়াডুক, এখনও যেন স্পষ্ট মনে পড়ে যায় পটলীর।

পটলীর কান্নার কারণ শুনে সেই ডুক কুঁচকে বলেছিল সত্য, “নিজেকে ‘অপয়া’ বলে কেঁদে মরছ কেন? ভগবান যার ভাগ্যে যা লিখে রেখেছে তার তাই হবে। নিজেকে সমস্ত ঘটন-অঘটনের হেতু ভাববার হেতু? তুমি যদি না জন্মাতো, এই পৃথিবীর কলকল্লা বন্ধ থাকত?”

অবাক হয়ে গিয়েছিল পটলী, তার সেই প্রায় সমবয়সী খুড়তুতে ননদের



কথা শুনে। তার জীবনে এ হেন কথা সে কখনো শোনে নি। তাও আবার এতটুকু মেঘের মুখে।

অথচ এই কদিন ধরে অনবরত সব গুরুজনের মুখে শুনেছে পটলী, পটলাই নাকি সকল অঘটনের কারণ।

পটলীর দোষেই নাকি যত কিছু খারাপ।

সেই ননদ এখন নিশ্চয় শ্বশুরবাড়ি। কোন্ মেয়েটা আর পটলীর মত ফাঁড়া নিয়ে বাপের বাড়ি বসে থাকে ?

তোড়জোড় এ বাড়িতেও চলছিল।

অভয়া যেন একটু বেশী-বেশীই করছেন।

করছেন ভালবেসে যতটা না হোক, লোক জানাতে। সারদা এবং সারদার 'স্বধা'রা যাতে হৃদয়ঙ্গম করতে পারে, যে আপছে সে কারো করুণার ভিখিরী হয়ে নয়। আসছে রীতিমত অধিকারের দাবী নিয়ে।

অবিশ্রি 'ঘর'টা সম্পর্কে স্পষ্ট করে কিছু উচ্চারণ করতে পারেন নি কিন্তু ইশারায় ইঙ্গিতে ব্যক্ত করছেন, এখন থেকে সারদার উচিত ছেলেদের নিয়ে এদিককার ঘরে শোওয়া। ছেলে ডাগর হয়ে উঠেছে, আর এখন 'ঘর' আগলানো কেন ?

তবে সারদা এগব ইশারা-ইঙ্গিত গায়ে মাখে না। বড় ছেলে ডাগর হয়ে শুঠা অবধি তো তাকে তার কাকাদের কাছে ভর্তি করে দিয়েছে সারদা। নিজের এলাকা ঠিক রেখেছে।

বড় ছেলে 'বহু' বা বনবিহারী তো ছোটকাকা নেড়ুর প্রাণপুতুল ছিল। নেড়ু হারিয়ে যাওয়া অবধি অল্প কাকাদের। প্রাণপুতুল অংশ সকলেরই, কিন্তু সবেসর্ব প্রথম নাতিতিকে অভয়া যেন তেমন দেখতে পারেন না। ছেলেটা শুধু সারদার পেটের বলেই নয়, বড় বেনী মা ঘেঁষা বলেও। তাই যখন-তখনই তাকে খিঁচিয়ে বলতেন, “রাতদিন ছোটকাকা ছোটকাকা! ছোটকাকার যখন বিয়ে হয়ে যাবে ?”

মেজকাকা থাকতে ছোটকাকার বিয়ে কেন হবে, অথবা বিয়ে হলে ভাইপোর সঙ্গে সংঘর্ষ বাধবার কারণটা কি, এ প্রশ্ন করত না ছেলেটা, শুধু সবেগে বলে উঠত, “ছোটকাকাকে বিয়ে করতে দেবই না।”

অভয়া আরও খিঁচিয়ে বলেন, “তা দিবি কেন ? কাকর আর এগে কাক

নেই, ভাগ নিয়ে কাজ নেই। একা তোর মা-ই সন্ধ্যা দখল করে বলে থাকুক।” তা তোর সেই ছোটকাকা নিরুদ্দেশই হয়ে গেল, বিয়ে আর হল না।

অভয়া ভাবেন এ ঐ অপরা ছেলেটার বাক্যের ফল।

আর বাক্যাগুলো মার ‘শিক্ষা’র ফল।

সায়দা হাতের বাইরে বলে, অভয়া হাতের মুঠোর পুরতে পারেন এমন একটি হাতের পুতুলের বাসনা করছেন। তাকে নিয়ে অভয়া সাজাবেন খাওয়ানো চোখের ইশারার ওঠাবেন বসাবেন।

“মেজবোটা এলেও হত!”

অথচ অভয়ার মেজছেলের বিয়ের কথা মুখেও আনছেন না রামকালী। বরং একদিন বড় ভাইয়ের মুখের ওপরই ম্পষ্ট বলেছিলেন, “ওই অপদার্থটার বিয়ে দিয়ে কি হবে?”

“অপদার্থ” বলে যে বেটাছেলের বিয়ে হবে না, এমন ছিটিছাড়া কথা ত্রিসংসারে কে কবে শুনেছে? কিন্তু কুঞ্জ চিরদিনই ছোট ভাইয়ের ভয়ে কাঁটা। সমালোচনা যা করেন, সে আড়ালে। তাই যা বলেছেন আড়ালেই বলেছেন। নিজে সাহস করে বিয়ের ব্যবস্থা করতে যান নি।

যাক, এতদিনে অভয়ার একটা নিজস্ব বস্তু পাবার আশা হচ্ছে।

কিন্তু একেবারে নিঃসংশয় সুখ জগতে কোথা?

নতুন বৌয়ের বয়সের কথা ভেবে বুকের মধ্যে তেমন স্বস্তি নেই।

বুড়ো শালিখ কি পোষ মানবে?

পাকা বাঁশ কি মুইবে?

কিন্তু পটলী কি পাকা বাঁশ?

কে জানে পটলী কি!

মেয়েমানুষ বস্তুৰূপ না নিজের স্বার্থ-ক্ষেত্রে এসে দাঁড়ায়, ভতরুণ তাকে কে চিনতে পারে? ‘ভাল মেয়ে’ ‘লক্ষ্মী মেয়ে’ এসব বিশেষণ কত ক্ষেত্রেই ব্যর্থ হয়ে যায়।

পটলী কি তা না জানলেও পটলীর কাঁড়া কাটার ধরন পাওয়া পর্যন্ত সায়দার বুকে বাঁশ পড়েছে। কে যেন সেই বাঁশ দিয়ে অহরহ ডলছে তাকে।

আর রাস্তা?

রাস্তরও যন্ত্রণার শেষ নেই।

মনের মধ্যে দারুণ এক ভয়, অথচ পুলককম্পিত আবেগ। না জানি সেই সাত বছরের মেয়েটি আঠারো বছরের হয়ে কেমনটি হয়েছে? এখান থেকে পস্তর নিয়ে যে গিয়েছিল, সেই রাস্তর মা তো এলে বলেছেন, “বৌ তো নয়, যেন পদ্মফুল!”

শুনে অবধি এক অবর্ণনীয় স্বথকর যন্ত্রণা রাস্তর মনকে কুরে কুরে খাচ্ছে।

সেই পদ্মফুল কি রাস্তর পূজোয় লাগতে দেবে সারদা? নাকি বহুদিন আগের সেই এক দুর্বল মুহূর্তের শপথটা স্মরণ করিয়ে দিয়ে বঞ্চিত হবে রাথবে রাস্তকে?

সারদা কোনদিনই পদ্মফুল নয়।

পদ্ম গোলাপ চামেলী মল্লিকা কিছুই নয়, ফুলের সঙ্গেই যদি তুলনা করতে হয় তো বলতে হয় বরং অপরাঞ্জিতার গা-ঘেঁষা।

কিন্তু শ্রামলা রং হলেও তীক্ষ্ণ মুখশ্রী আর অনবদ্য গঠন-সৌকুমার্যের জোরে এ বাড়ির বড়বৌ হয়ে ঢোকবার সৌভাগ্য তার হযেছিল।

আর এখন প্রবল ব্যক্তিত্বের জোরে বাড়ির একেবারে গীর্ষস্থানীয় হয়ে বসে আছে সে। কিন্তু রাস্ত এখনো জীবনরসের সন্ধানী নবীন যুবক। প্রথমা আর মুখরা সারদাকে সে আজকাল ভয় করে।

অবশ্য স্বামীসেবার নিখুঁত নৈপুণ্যে বরকে আয়ত্তে রেখে দিয়েছে সারদা নিখুঁতভাবেই। এখনো গরমকালের রাতে পাখা ভিজিয়ে বাতাস করে স্বামীকে, শীতের রাতে পিঙ্গমে হাত ত্যাতিয়ে ঠাণ্ডা সিরসিরে হাত-পা গরম করে দেয় তার।

আর সংসারের কাজে রান্নাধরনের গরমে বতই গলদঘর্ম হোক, শৌধিন বরটির কাছে রাতে শুতে আসার সময় গা-হাত ধুয়ে কৌচানো মিহি শাড়িখানি পরতে ছাড়ে না, মাথার গন্ধ তেলটি দিয়ে একটু চকচকে হয়ে আসতে ভোলে না।

কিন্তু প্রশ্নটিত পদ্মের সঙ্গে কি গন্ধ তেল পাল্লা দিতে পারবে?

বৌ এলে দাঁড়াতেই একটা ‘ধক্তি ধক্তি’ রব উঠল। উঠল হু কারণেই। একে তো বৌয়ের রূপ, তার উপর ঘরবসন্তের সামগ্রীর বহর।

রামকালী কবরেজের সংসারে প্রযোজনের অতিরিক্ত প্রাচুর্য, ঘর-সংসারের জিনিসপত্র তিনি অপ্রযোজনাই কতকগুলো করে করিয়ে রেখে দেন, কোন একটা উপলক্ষ হলেই। খুঁজলে বাড়িতে ছোটটয়-বড়য খানবারো জাঁতা মিলবে, খানখোল শিল। জলের ঘড়া না হোক গোটা চল্লিশ-পঞ্চাশ। তবু মেয়েদের মন !

সেই শিল-নোড়া জাঁতা-কুলো ঘড়া ঘটি ইত্যাদি করে সংসার নির্বাধের তুচ্ছ উপকরণগুলোই তাদের মন আহ্লাদে ভরে তোলে।

সকলেই একবাক্যে স্বীকার করে, 'কুটুমের নজর আছে'। ঠানদি নন্দরাণী হেসে বলে, "না-দেওয়ার মধ্যে দেখছি ঢেঁকি। একটা ঢেঁকি দিলেই রান্নার শক্তরের ষোলকলা দেওয়া হত ! ঘরবসতে বোঁমার বেহাই ওইটেই বা বাকী রাখল কেন ?"

না, ঢেঁকিটা পটলীর বাবা দেয় নি।

কিন্তু পটলীকে দিয়েছে !

আর পটলীই ঢেঁকির মূল হয়ে অন্ততঃ একজনের বুকের গহ্বরে পাড় দিতে শুরু করেছে।

তবু সেই ঢেঁকির পাড়ের মধ্য থেকেই শক্তি সঞ্চয় করে নেয় সারদা। সংকল্প করে এ সতীনকে সে স্বামীর ধারে কাছে আসতে দেবে না। সেই 'সিংহবাহিনীর' শপথটা রীতিমত কাজে লাগাবে।

তা ছাড়া আর উপায় কি !

রান্নাকে তো চিনতে বাকী নেই সারদার। এই রূপসীর কাছে আসতে পেল, রান্না তো তদুওই মাথা মুড়িয়ে তার চরণে নিজেকে বিকিয়ে দেবে।

প্রথম দিন অবিশ্রি অভবাই বোঁকে কাছে নিয়ে গুলেন এবং অনেক রাত পর্যন্ত জেগে আর জাগিয়ে বোঁকে জ্ঞানদান করতে চেষ্টা করলেন—এ সংসারে তার কে আপন, কে পর। কাকে সমীহ করতে হবে, আর কাকে সন্দেহ করতে হবে।

কিন্তু পরদিন কি হবে ?

অথবা তারও পরদিন ?

পর পর চিরদিন ?

সারদা সেই কথাই ভাবতে থাকে।

আজ তো গেল। কিন্তু কাল ?

এবং চিরকাল ?

রাস্তর জন্তে না হয় সিংহবাহিনীর শপথ। কিন্তু সংসারের আর দশজনের জন্তে কী ব্যবস্থা ? তাদের প্রশ্নবাণ যখন বিষের প্রলেপ মেখে বুকে এসে বিধবে ? কি উত্তর দেবে সারদা ?

ঘরের প্রদীপ নেভানো, রাস্ত এখনো বারবাড়ি থেকে আসে নি।

বৈশাখের দুঃস্বপ্ন বাতাসে বৈশাখী চাঁপার মদির গন্ধ, ছোট ছোট গবাক্ষ-পথেও সেই বাতাস ঝলকে ঝলকে ঢুকে পড়ছে, আর সারা ঘরে ছড়িয়ে দিচ্ছে তার সুবাস।

এই রাত্রি, এই মোহময় বাতাস, আর এই ব্যথায় টনটনে বুক। এন্ড মাঝখানে কি মনে আনা যায়, সারদা অনেকদিন স্বামীসঙ্গ পেয়েছে, সারদার ছেলের বয়স এখন বারো !

ভাবা যায়, সারদার জীবনের ভোগপাত্রের দিকে হাত বাড়ানো শোভন নয়, স্বামীর অধিকার স্বেচ্ছায় ত্যাগ করে, ভাড়ারের হাঁড়িকুঁড়ির মধ্যে জীবনের সার্থকতা খুঁজে বার করাই এখন তার উচিত ?

আশ্চর্য, আশ্চর্য, কিছুতেই কেন বিশ্বাস হচ্ছে না এই ঘর সারদা এত দিন ভোগ করছে ?

বরং দৃষ্টি-অন্ধকার-করে-দেওয়া অশ্রু-বাষ্পের সঙ্গে বারে বারে মনে হচ্ছে, ক'দিনই বা !

মাঝে মাঝে কদাচ কখনো যে বাপের বাড়ি গিয়ে থেকেছে, সেইগুলোই যেন এখন মনে হচ্ছে বিরাট এক-একটা বিরতি।

কিন্তু গরীব গেরস্ত বাপ সারদার, কতই বা নিয়ে যেতে পেয়েছে মেয়েকে ? ওর এই ষোল-সত্তেরো বছরের বিবাহিত জীবনের মধ্যে দিন মাস ষট্টা মিলিয়ে হিসেব করলে না হয় চার-পাঁচটা বছর।

ভী হলেও তো হাতে থাকে এক যুগ।

কখন কোথা দিয়ে গেল সেই দীর্ঘ এক যুগ ?

আন্তে আন্তে ঘরে এসে ঢুকল রাস্ত। বরাবর যেমন ঢোকে। সারদা যে ধরনটাকে ব্যঙ্গহাসিতে অভিষিক্ত করে বলে “চোরের মতন”।

এই নতুন বিষের বরের ভঙ্গীটা আর কোনদিনই বদলাল না রাস্তর !

তবে কি সেও টের পায় নি কবে কখন তার বয়স আঠারো থেকে চৌত্রিশে এসে পৌঁছেছে? টের পায় নি, যাবতখানের সেই বয়সগুলো হাত কসকে পালাল কি করে?

তাই আজও শয়নমন্দিরে ঢুকতে তার লজ্জা!

আজ কিন্তু সমস্তটা দিন রাস্তর বড় যন্ত্রণায় কেটেছে। অব্যক্ত সেই যন্ত্রণাটা যেন ধরা ছোঁওয়া যাচ্ছে না, শুধু মনটা ভারাক্রান্ত করে রেখেছে।

তা যন্ত্রণার কারণ আছে বৈকি।

এ যন্ত্রণা শুধু যে রূপসী স্ত্রীকে এখনো চোখে দেখতে পাষ নি বলে তা নয়। কর্তব্যনির্ধারণের দ্বন্দ্বই বেচারী রাস্তকে এত বিচলিত করছে।

অন্তঃপর রাস্তর কর্তব্য কি?

পূর্ব শপথ শ্রবণ করে দ্বিতীয়ার মুখদর্শন না করা? সারদার প্রতিই একান্ত অমুরক্তি রেখে চলা? না শপথটা একটা মুখের কথামাত্র বলে উড়িয়ে দিয়ে—  
যন্ত্রণা এইখানেই।

উড়িয়ে দিলে সারদা যদি ভরস্কর একটা কিছু করে বসে? তা ছাড়া সারদা মর্মান্বিত হবে, সারদা রাস্তকে ধিক্কার দেবে, ঘৃণা করবে, এ কথা ভাবতেও তো বুকটা ফাটছে।

অথচ সারদার প্রতি সেই আনুগত্যের শপথ রক্ষা করতে গেলে আর একটা নির্বোধ অবলা সরলার প্রতি অবিচার করা হয়। এতদিন পরে স্বামীগৃহে এসে স্বামীর এই নিষ্ঠুরতা দেখে, সেও কি দুঃখে লজ্জার অভিমানে অপমানে দেহত্যাগ করতে চাইবে না? এতখানি আঘাত তাকে দেওয়া যাবে? যে নাকি “বৌ নয়, যেন পদ্মফুল!”

এই দোটানায় রাস্ত সারাদিন টুকরো টুকরো হচ্ছে।

তবু ঘরে ঢুকে সহজ হবার চেষ্টা করল রাস্ত। বলল, “উঃ, কী অন্ধকার!”

একটা মাত্র মাটির প্রদীপে মস্ত একখানা ঘরের অন্ধকার দূরীভূত হয়, এ কথা রাস্তর আমলে হাস্কর ছিল না। তাই সেই দীপশিখাটুকুর অভাবে রাস্ত বলল, “উঃ, কী অন্ধকার!”

কিন্তু ও পক্ষ থেকে এ সম্পর্কে কোন সাড়া এল না।

রাস্তা যথানিয়মে দরজায় হুড়কোটা এঁটে সরে এসে বলল, “পিদ্দিম জ্বাল নি যে ?”

এবার সারদা কথা বলল।

আর আশ্চর্য, ভিতকার সেই বেদনা-বিধুর হাহাকার যখন ‘কথা’ হয়ে বেরিয়ে এল, এল তীক্ষ্ণ তীব্র একটি ব্যঙ্গের মূর্তিতে। হয়তো এইজন্তই ‘মুভাব’ জিনিসটাকে মৃত্যুর ওপার পর্যন্ত বিস্তৃতি দেওয়া হয়েছে।

সারদা তীক্ষ্ণ হল ফোটানোর সুরে বলে উঠল, “আর পিদ্দিম জ্বালার দরকার কি ? বাড়িতে যেকালে পুণ্ড্রিমা চাঁদের উদয় হয়েছে !”

“পুণ্ড্রিমা চাঁদ !”

রাস্তা সরল, রাস্তা অবোধ, রাস্তা এইমাত্র স্বর্গ হতে খসে পৃথিবীতে এসে পড়েছে। “পুণ্ড্রিমা চাঁদ মানে ?”

“ও, মানে জ্ঞান না বুঝি ?” স্বামীকে যেন বিক্রমে খানখান করে দেয় সারদা, “কেন, বাড়িসুদ্ধ সবাই এত ধন্তি ধন্তি গাইছে, আর তোমার কানে ওঠে নি ? তোমার দ্বিতীয়পক্ষর রূপেই তো ভুবন আলো গো ! তাতেই আর তেল খরচা করে আলো জ্বালি নি।”

রাস্তা হঠাৎ বল সঞ্চয় করে বলে ওঠে, “মেয়েমাস্থর বড় হিংস্রটে জাত !”

“কী ! কী বললে ?” সারদা যেন তীক্ষ্ণতার প্রাত্যোগিতায় নেমেছে, “মেয়েমাস্থর হিংস্রটে জাত !”

“তবে না তো কি ?”

“মহাপুরুষ পুরুষজ্ঞাওটা একেবারে দেবতা, কেমন ?” সারদা ক্ষুব্ধ গর্জনে বলে, “কি বলব—মুখ ফুটে তুলনা করে দেখাতে গেলে মহাপাতকের ভয়, তবু বলি—মেয়েমাস্থরের অবস্থার সঙ্গে একবার নিজেদের অবস্থা মিলিয়ে দেখ না ! পরিবার যদি একবার পরপুরুষের দিকে তাকায়, তা হলে তো মহাপুরুষদের মাথায় খুন চাপে।”

রাস্তা ষিকার-বিজড়িত কণ্ঠে বলে, “ছি ছি, কিসের সঙ্গে কী ! পর-পুরুষের নাম মুখে আনতে লজ্জা করল না তোমার ? দ্বিতীয়পক্ষ বুঝি পরস্রী ? ছিঃ !”

সারদা কিন্তু এ-হেন ষিকারেও বিচলিত হয় না, তাই অনমনীয় কণ্ঠে বলে, “তা দ্বিতীয়, তৃতীয়, চতুর্থ যত ইচ্ছে ‘পক্ষ’ জুটলে আর পরস্রীতে দরকার ? মেয়েমাস্থরের তো আর সে সুবিধে নেই ?”

রাস্তা হতাশ কণ্ঠে বলে, “হিংসের জালায় তোমার দিবিদিক জ্ঞান ঘুচে গেছে বড়বো, তাই যা নয় তাই মুখে আনছ। নতুন বোকে আমি আনা’ত যাই নি, গুরুজনরা বুঝেবুঝে এনেছে। নইলে এতাবৎ কাল তো সেখানেই পড়ে ছিল।”

“ওঃ ইস। দুঃখু যে উথলে উঠছে দেখছি। পড়েই ছিল। আহা হা, মরে যাট, অথই জলে পড়ে থেকেছিল একেবারে।”

সারদা ছুরি দিয়ে কেটে কেটে কথা বলে, “আমি কিন্তু সাফ কথা কয়ে দিচ্ছি, ভাগাভাগির ইল্পু ত্রপনায় আমি নেই। আমায় চাও তো ওকে স্পৃশ্য করতে পাবে না, আর ওকে চাও তো, আমি—”

হঠাৎ কণ্ঠ কঙ্ক হয়ে যায় সারদার। আর এই রুদ্ধ কণ্ঠই বড় ভয় রাহুর।

আরও হতাশ গলায় বলে সে, “তা আমার কি করতে বলো? মাথার ওপরকার গুরুজনরা যে ব্যবস্থা দেবে তাই মানব, না চেষ্টামেচি করে তার প্রতিবাদ করব?”

“কি করবে সে তোমার নিজের বিবেচনা। তুমিও কিছু কচি খোকাটি নও। মাথার ওপরকার গুরুজন যদি বিষ খেতে বলে, খাবে? খুড়োঠাকুর ধম্ম করলেন, ভদ্রলোকের জাও রক্ষ করলেন আমার বুকে বাঁশ ডলে। এতই যদি ধম্মজ্ঞান, নিজেই কেন—”

“বড়বো!” হঠাৎ ধমকে ওঠে রাহু, “কি বলছ কি? উন্মাদ হয়ে গেলে নাকি?”

সারদা ঝপ করে বিছানায় গুয়ে পড়ে গন্তীর গলায় বলে, “উন্মাদ হবার ঘটনা ঘটলে মাহুঘ উন্মাদ হবে, এ আর আশ্চর্য্য কি? খুড়োঠাকুর যদি তখন আমার ঘর না ভাঙতেন, তা হলে বরং আজ ওনার ভাঙা ঘর ভরত।”

“বড়বো। কাকে নিয়ে তুলনা? এসব অকথা কুকথা মুখে উচ্চারণ করলেও মহাপাতক হয় তা জান?”

“মুখে উচ্চারণ করলে মহাপাতক, কিন্তু মনে? মনকে কেউ শাসিবে রাখতে পারে? যাগ গে, ভাল-মন্দ কিছুই বলব না আমি। আমার যা বলবার বলেছি!”

রাহু আপসের স্বরে বলে, “অতই বা ধাপ্লা হচ্ছ কেন বড়বো? তুমি ঘরনী গিন্নী, বলতে গেলে জোরান ব্যাটার মা। তোমার আয়গা কে কাড়ে?”



তবে লোক-দ্বাখতা একটা কথা আছে তো ? ওকে একেবারে ভাসিয়ে দিলে—”

সারদা গভীরভাবে বলে, “মা সিংহবাহিনীর নামে দিব্যি গেলেছিল, সে কথা বোধ হয় ভুলেই গেছ ?”

“ভুলে যাব কেন”, রান্ন অসম্বষ্ট স্বরে বলে, “কিন্তু লোকে কি বলবে, সেটাও তো চিন্তা করতে হবে ?”

সারদা আবার ঝপ করে উঠে বসে। বলে, “কেন, লোককে বোঝাবার উপায় নেই ? লোক বোঝাতে কত কল-কাঠি আছে ! লোককে বলতে পারবে না. কোনও সাধু-সকির তোমার হাত দেখে বলেছে, ওই দ্বিতীয় পক্ষের পরিবারকে স্পর্শ করলে তোমার পরমায়ু-ক্ষয় যোগ আছে ?”

## ॥ আটাশ ॥

সংসারস্বপ্ন সকলেই আশা করেছিল প্রস্তুতটা সারদার দিক থেকেই উঠবে। কারণ সত্যিই কি আর এতটা বেয়াবলে আর চক্ষুজ্জাহীন হবে সে ? কিন্তু আক্কেল সম্পর্কে নিতান্ত উদাসীন হয়েই অনেকগুলো দিন কাটিয়ে দিল সারদা। চক্ষুজ্জ্বার প্রকাশ দেখা গেল না।

তাহলে ?

চোখে আঙুল দিয়ে দেখানো ছাড়া তো উপায় নেই। কিন্তু সেই আঙুলটা বাড়ায় কে ? যে মুখরা সারদা, হুযোগ পেলে গুরুজনকেও বেয়াত করে কথা কয় না। ঘোমটার মধ্যে থেকেই এমন কুটুস কামড়টি দেয়, তাতে কামড়াহতের সর্বাক্কে জ্বালা ধরে যায় !

কাজেই আড়ালে-আবডালে সমালোচনা উদ্দাম হয়ে ওঠে। বস্তুতঃ এখনকার অবস্থা এই, সারদা যখনই যে কাজে এক জায়গা থেকে আর এক জায়গায় গিয়ে পড়ে, দেখে দু’তিনটি মুখ একত্র হয়ে গুঞ্জরণ করছে, সারদা গিয়ে পড়তেই ঝপ করে গুঞ্জরণটা থেমে যায়, এবং মুখগুলি বিভক্ত হয়ে গিয়ে সহসা যা হোক একটা কাজের কথা নিয়ে সোরগোল শুরু করে দেয়।

সারদা কি বোঝে না কি কথা হচ্ছিল ওদের ? বোঝে বৈকি। বুঝে

মাথা থেকে পা অবধি 'রি রি' করে জলে ওঠে তার, তবু বুঝতে না পারার ভানটাই চালিয়ে যায় সে। চালায় এইজন্তে, জানে 'বুঝতে পেরেছি' বলার সঙ্গে সঙ্গেই সমস্ত ব্যাপারটা নিরাবরণ হয়ে যাবে, যেটুকু চক্ষুলাঙ্কার আড়ালে-আবডালে রেখে ঢেকে বলছে ওরা, সেটুকু ঘুচে গিয়ে প্রকাশ আক্রমণের পথে নেমে আসবে। কাজেই, ওই মুখোমুখিটা যতক্ষণ এড়ানো যায়!

তা ছাড়া এমনিতেই সারদা বিশেষ আত্মস্থ, গায়ে পড়ে কিছু বলতে যাওয়া বা জবাব দিতে যাওয়া ওর স্বভাবই নয়।...

কিন্তু ওঁরাই এবার গায়ে পড়ে বলতে আসার সংকল্প গ্রহণ করেছেন। সারদার নিজের শাওড়ী আর পিসশাওড়ী শশীতারা। এই পিসশাওড়ীটিকে জীবনে এই প্রথম দেখল সারদা। কারণ প্রায় বছর তিরিশ পেরে তিনি পিত্রালয়ে এসেছেন। এতদিনের বিরতির কারণ অবশ্য বৈবাহিক কলহ। তা দুই বৈবাহিকের একজন তো বহুদিন গত হয়েছেন, কুঞ্জ রামকালী আর শশীতারার বাবা জয়কালী। অপরটি অর্থাৎ শশীতারার খন্ডর নাকি এতদিন বেঁচে থেকে পুত্রবধুর পিত্রালয়ের পথের কাঁটাটি দৃঢ়মূল রেখেছিলেন।

সম্প্রতি তাঁর শ্রাক চুকেছে, শশীতারা এত বছর পরে পিত্রালয়ে এসেছেন। এখন কিছুদিন থাকবেন।

এসে দিন দুই লেগেছে তাঁর সংসারের হালচাল বুঝতে, তারপর কার্যক্ষেত্রে নেমেছেন। সংসারে নিজের ভাই কুঞ্জর প্রতিপত্তিহীন অবস্থা ও সত্যতো ভাই রামকালীর 'বোলবোলাও দাপট'টা তাঁর বৃকে শেল বি'খেছে, এবং রাস্তর 'প্রথম পক্ষ'র নির্লজ্জতায় গালে হাত দিতে বাধ্য হয়েছেন তিনি।

অবাক হয়ে বলেছেন, "হ্যাঁগা, ও বুড়োমাগী গাভের জোরে বর আগলে বসে থাকবে, আর সোমস্ত যুবতী বোটা শাওড়ীর ধরে শুয়ে ধরের 'আড়া' গুনবে? এই তোমরা চলতে দিচ্ছ? বলি ছেলেটার কথাও তো জ্ঞাবতে হবে? তার টাটকাটি রইল ধামাচাপা দেওয়া, আর শুকনো বাসিটার মন সন্তোষ করে থাকার জুলুম? এতখানি বয়সে এমন কথা শুনি নি দেখি নি।"

সারদার শাওড়ী হৃদীর্ধকালের অদেখা ননদিনীটিকে পরম আত্মীয়ের

অধিকার দিয়ে বিগলিত স্বরে বলেন, “দেখ ঠাকুরঝি, দেখ। যত থাকবে ততই বুঝবে। একে তো তোমার দাদার ওই মিনমিনে স্বভাবের জন্তে আমি চিরদিন বড় হয়েও ছোট, হাঁড়ি-হেসেল ছাড়া আর কিছু দেখলাম না। তার ওপর বোঁটি হয়েছেন জাঁহাবাজ। এমনিতে দেখবে ওকে কারুর সাথে-পাঁচে নেই, কিন্তু অহঙ্কারে মটমট। কারুর মতে চলাতে যাও দিকি? চলবে না। আর এমন রাশভারী প্রিকৃতি, ডেকে একটা কথা বলতে সাহস হয় না।”

“তোমাদের হয় না, আমার হবে।” শশীতার্না দৃঢ় রায় দেন, “এ নিঘিন্দে-পনার বিহিত আমি করে ছাড়ব।”

বিহিত করতে ভাজকে নিয়ে এজলাসে এসে আসামীকে তলব করলেন শশীতার্না।

সারদা এল, ষাড় হেঁট করে বসে ঘোমটার মধ্যে থেকেই মুহু অথচ স্পষ্ট স্বরে বলল, “কি বলছ?”

শশীতার্না নড়েচড়ে বসে হাতপাখা নাড়তে নাড়তে বললেন, “বলছি একটা নেঘ্য কথা। মনে কিছু করে না। আক্কেল যাদের শরীরে নেই, তাদের আক্কেল করাতে হলে চোখে আঙুল দেওয়া ভিন্ন তো গতিও নেই। তাই দেব। তাতে চোখে যদি তোমার জ্বালা ধরে, আমার কিন্তু দুখে না বাছা!”

সারদার কণ্ঠ থেকে একটু হাসির আওয়াজ পাওয়া গেল, “তোমাদের হুবব? এত আসপদ্দা আমার পিসীমা?”

“আসপদ্দা!” শশীতার্না পাখার বেগটা বাড়িয়ে দিয়ে বলেন, “না, আসপদ্দা তোমার দেখি না বটে, কিন্তু আক্কেলটুকুও তো তিলমাস্তর দেখি না বাছা? নতুন বোঁমার দিকটা তো একেবারে ভাবছ না!”

পরক্ষণে শশীতার্না আর তার ভাজকে অবাক করে দিয়ে সারদার মুহুর্কণ্ঠের স্পষ্ট স্বর ধ্বনিত হয়, “আমি না ভাবলাম, তোমরা এতজনে তো ভাবছ!”

“এতজনে ভাবছি? আমরা অতজনে ভাবছি! তুমি যে অবাক করলে বড় বোঁমা! আমরা ভেবে তার কী উবগারটা করতে পারব শুনি? তুমি এদিকে আপ্তবাতী হবার ভয় দেখিয়ে সোয়ামীকে শাসিয়ে রেখেছ, ভয়ে

কাঁটা হয়ে আছে সে, আমরা কি করব? এই তো সিদিনকে রাস্তিরে হোঁড়াকে হাত ধরে হিঁচড়ে এনে বললাম, ‘রাস্ত, তুই ইদিকে আয়। ঘরের তো অভাব নেই বাড়িতে! এ ঘরে নবাবী পালঙ্ক না থাক, সোয়ামী পেলে নতুন বৌয়ের এখন আমতুল্লাই রাজতুল্লা!’ তা আনতে কি পারলাম? ভয়ে সিঁটিয়ে হাত ছাড়িয়ে পালিয়ে গেল। বলে কি, ‘তাহলে তোমাদের বড়বৌ আপুঘাতী হবে!’...হ্যাঁ গা, বাপ তো তোমার সুনলাম ভালমাহুষ, তোমার একই ছোটলোকমি!”

শশীতারার কথা শেষ হওয়ার সঙ্গে সঙ্গে ঘরের মধ্যে যেন একটা তীব্র বিদ্রোহ বলসে ওঠে। বিদ্রোহটা আর কিছু নয়, সারদার চোখের আশুন। হঠাৎ মুখ তুলতে গিয়ে মাথার ঘোমটাটা খসে গিয়েছিল সারদার। ঘোমটাটা আবার একটু তুলে মুখ প্রায় অনাবৃত রেখেই সারদা বলে, “দশচক্রে ভগবান ভূত হয় পিসীমা, তার মাহুষ তো কোন্ ছার! পাকেচক্রে ভদ্রলোকের মেয়ে ছোটলোক হয়ে উঠবে এতে আর আশ্চর্য্য কি!”

একে মুখ খোলা, তাতে এই বাক্য।

সারদার শাওড়ী বোধ করি নিজের মর্বাদা সম্পর্কে এবার সচেতন না হয়ে পারেন না। তাই নথপরা মুখ ঘুরিয়ে বলে ওঠেন, “মুখের ঘোমটা খুলে শাওড়ীদের সঙ্গে বগড়া করছ তুমি বড় বোমা! বুকের পাটা তোমার এত কিসের? জান, জন্মের শোধ বাপের বাড়ি বিদেয় করে দিতে পারি তোমায়?”

এজলাসটা বোধ করি সারদার ধারণার জগতে ছিল, আর সওয়ালের জন্তে প্রস্তুতও ছিল সে। তাই ভীক্ক একটু হাসির সঙ্গে বললে, “জন্মের শোধ যদি যেতেই হয় তো বাপের বাড়ি যাব কেন? যমের বাড়ি তো কেউ কেড়ে নেয় নি!”

শশীতারা এবার চাকা নথ ঘুরিয়ে ঝঙ্কার দিয়ে ওঠেন, “যমের বাড়ির ভয় দেখিয়ে আমাদের জন্ম করতে পারবে না বড় বোমা, আমরা রাস্ত নই। বলি ওই যে একটা বড়ঘরের মেয়ে এসেছে, যার বাপ ঘরবসন্তের দ্রব্যিতে বাড়ি ভরিয়ে দিয়েছে, তার দাবিদাওয়াটা মানবে না তুমি? আর ওই রূপের কান্ধি টাটকা পদ্মফুল, সোয়ামীকে তুমি এর ভোগ থেকে বাঁকত করছ, এতে যে তোমার নরকেও ঠাঁই হবে না!”

হঠাৎ হেসে উঠে সারদা দিব্যি স্পষ্ট গলায় বলে, “ভালই তো পিসীমা!

নরকে ঠাই না হলে সগ্গে যাব। দুটো বৈ তো আর দশটা জায়গা নেই।”

দুটো গিন্নীকে হতবাক করে দিয়ে উঠে দাঁড়ায় সারদা। “তালের বড়া খেতে চেয়েছে ছোট ঠাকুরপো, তালগুলো মেড়ে রাখিগে।”

অর্থাৎ তোমাদের কাঠগড়া থেকে ফসকে পালাচ্ছি এবার।

শশীতারার বোঝেন, যেমন ভেবেছিলেন ঠিক তখনটি নয়। ধিক্কার দিয়ে বিচলিত করে কাঁধসিদ্ধি করা যাবে না। অল্প চাল চালেন তিনি। বলেন, “সত্যতা-ভব্যতার পাঠশালায় দেখছি একেবারেই পড় নি তুমি বড় বৌমা! গুরুজনের সামনে থেকে অহুমতি না নিয়ে উঠতে আমি আমার খুঁসরবাড়ির দিকের কোন ঝি-বৌকে কখনও দেখি নি। আমরা নিজেরাও—গুরুজন ডেকে একটা কথা শুধোলে ঘাড় নেড়ে ‘হ্যাঁ হু’ করে উত্তর দিয়েছি, উঠে যেতে না বললে ব’ড় গুঁজে বসে থেকেছি।”

সারদাকে এতেও অপ্রতিভ করা যায় না, সে তেমনি মুহূর্তস্বরূপে বলে, “এসবার অবকাশ থাকলে তো বসে থাকো একটা স্বপ্ন পিসীমা!”

‘হু’! কথার পিঠে কথা দেওয়াই তোমার রোগ দেখছি। হাবাগন্না শাটুড়ী পেয়েছ, তাই এমন ছুরবস্থা হয়েছে। যাক বলি শোন, আপস-মৌমাংসার কথাই কইছি। ঘরনী গিন্নী বেটার মা তুমি, অনেকদিন তো সোয়ামীকে ভোগ করলে! ওকে একেবারে ভাসিয়ে দিলে চলবে কেন? গুরুও আগুন-সাক্ষী বিয়ে। আমি বলি কি একটা পালা ঠিক করো।”

মনে মনে হাসেন শশীতারার, একবার যদি রাহুকে নতুনের নেশা ধরিয়ে দেওয়া যায়, তার পর দেখা যাবে তোমার কত আদর থাকে! দেখা যাবে কোথায় থাকে তোমার ঐ তেজ! ওই বৌয়ের আশ্বাদ পেলে, তুমি গলায় দাড়ি দিলে, কি জলে ডুবলেও কিছ এসে যাবে না রাহুর!

‘পালা’র বুদ্ধিটা মাথায় আসায় জন্তেই নিজেকে নিজে তারিফ করেন শশীতারার।

কিন্তু সারদা সে তারিফ বেশীকণ বজায় থাকতে দেয় না। তীব্রকণ্ঠে বলে, “তোমাদের অহুমতি না নিয়েই যাচ্ছি, পিসীমা। এসব নীচু কথা শুনে মাথা কাটা যাচ্ছে।”

“আঁা আঁা কী বললি? আমরা নীচু কথা কইছি? ছোটলোকের বেটি,

হাথের মেরে। বলতে জ্বিভ আড়িঁবে গেল না ?” শশীতার্না ধেই ধেই করে নেচে ওঠেন, “খুব উচু কথাটা তুমি কইছ এটে! একলা খাব, একলা পরব, একলা ভোগ করব, এই তো মহেশ্বের কথা! ‘পালা’ করাটা নিচু কথা হল! বলি তাতে তো দুই দিকই রক্ষে হয়।”

সারদার বোধ করি কী একটা কঠিন কথা মুখে আসে, কিন্তু সেটা কষ্টে দমন করে বলে, “হু’দিক রক্ষের দরকার নেই, একদিকই রক্ষে করো তোমরা।”

এরপর আর দাঁড়ানো চলে না।

মান-সম্মান বজায় রাখা শক্ত হবে। সারদার নিজের চোখই তাকে অপদস্থ করে ছাড়বে।

দু-দুটো গিন্নীকে পাথর করে দিয়ে চলে যায় সারদা।

এই চরম অপবাদের মুহূর্তে ভুবনেশ্বরীকে মনে পড়ে তার। সারদার ভাগ্যটাই মন্দ, নইলে অমন এণ্টা স্নেহের আশ্রয় হারায় সে? ভুবনেশ্বরী কি এখন মরবার বয়স?

হ্যাঁ, সারদা নির্লঙ্ক, সারদা বেহায়া, সারদা গার্খপর। কিন্তু পরার্থপরতাও উদার হবার ভাগ্য সে পেল কবে? ভাগ্য যে তাকে বঞ্চনাই করেছে। আর সে বঞ্চনা এগেছে তার গুরুজনদের হাত থেকেই।

গুরুজনদের প্রতি শ্রদ্ধা সম্মান তার আসবে কোথা থেকে? বিষপাত্রেয় বিনিময়ে কে অমৃতপাত্রেয় উপহার নিয়ে হাত বাডায়?

শশীতার্না গালে হাত দিয়ে অভধাকে উদ্দেশ করে বলেন, “মাগ্লে বড় গুরুজন তুমি বৌ, তোমার পায়ের ধুলো নেবারই কথা। তবু বলি তোমার পায়ের ধুলোর গড়াগড়ি দিতে ইচ্ছে করছে। এই কালকেউটে নিয়ে ঘর করছ তুমি?”

কুঞ্জ-গৃহিণী কপালে হাত ঠেকিয়ে বলেন, “অদেট ঠাকুরঝি!”

আসল কথা “অদেট”টা তাঁর নিজের কাছে ধরা পড়েছে এই সম্প্রতি। ননদিনীর দিব্যদৃষ্টির প্রভাবে। এবং এথাবৎ যত বোকামি করে এসেছেন, স্তদে-আসলে সেটা উস্থল করে নিতে ইচ্ছে হচ্ছে তাঁর।

“ওই কালনাগিনীর দিক থেকে রাস্তার মন একেবারে খুরিয়ে দিতে পারি, এমন ‘গুধ’ আমার জানা আছে বৌ—” শশীতার্না চাপা হিংস্র স্বরে বলেন,

“অব্যর্থ তুক। রাস্ত তোমার ছটকটিয়ে এসে নতুন বোর পায়ে এসে পড়বে, বড়বোকে জন্মের বিষ দেখবে !”

শাজ অবাক হয়ে বলেন, “সাঁত্য ঠাকুরঝি, তেমন শুধু তোমার জানা আছে ?”

শশীতারার মুখে একটি বিচিত্র হাসি ফুটে ওঠে, “জানা না থাকলে আর তোমার নন্দাইকে অমন কেনা গোলাম করে রেখেছি ? বয়সকালে কি কম দুর্দাস্ত ছিল নাকি ? সম্পর্ক অপস্পর্ক মানত না, রূপসী মেয়েমাহুষ দেখলেই উন্নাদ হয়ে উঠত। এক বাগদীবুড়ী শেখাল আমায় সেই তুক, তার পর থেকে এমন নেলাখেপা হয়ে গেল যে, আমি বৈ আর কিছু জানে না। আমি উঠতে বললে ওঠে, বসতে বললে বসে, খেতে বললে খায়, ঘুমতে বললে ঘুমায়। আমার মুখের দিকে ফ্যালফেলিয়ে তাকিয়ে থাকে। আমি বলি থাক, ওই আমার ভাল, নাই বা রোজগার করল, নাই বা হট্টগোল করে বেডাল, ভাতের তো অভাব নেই ঘরে। আমার আঁচলটিতে তো বাঁধা রইল জন্মের শোধ !”

রাগ্নর মা ইতস্তত করে বলেন, “কোন শেকড়বাকড় নাকি ? রাগ্নর কোন ক্ষেতি হবে না তো ?”

“শোন কথা ! সে কাজ আমি করব ? এ আর কিছুটি নয়, শুধু একজনের থেকে মন ঘুরে আর একজনের ওপর পড়া। তাহলে বলি শোন, তোমার কপালক্রমে এই পরশুই আমাবশ্বে আসছে—একেবারে ছপুররাত্তে নতুন বোমা যদি এলোচুলে বিবস্ত্র হয়ে একটা কলাগাছের গোড়ায় এক ঠোকায় একটি ছুঁচ বিঁধে দিয়ে আসতে পারে, তাহলে—”

কথা শেষ হয় না শশীতারার, সারদার ছেলে দৌড়ে এসে বলে, “তোমরা শীগগির চলে এস, মেজঠাকুন্দা অজ্ঞান হয়ে গেছে।”

মেজঠাকুন্দা !

মানে রামকালী ?

যিনি জ্ঞানের পারাবায় ! রামকালী অজ্ঞান হয়ে গেছেন, এ কী অদ্ভুত ভাষা ?

সকলেই দৌড়ায়।

তবে কি রামকালীও ভুবনেশ্বরীর মত বিনা নোটশে—

ব্যাপারটা এত জানাজানি হল, ভিতরবাড়িতে পড়ে গিয়ে। বারবাড়িতে পড়লে অন্ততঃ মেয়েমহলের দল এভাবে ধারে কাছে গিয়ে হা-ছত্যাশ করতে পারত না।

যাদের স্পর্শের অধিকার আছে, তারা মুখে মাথায় জল ঢেলে গঙ্গা বইয়ে দিল, বাড়িতে যত হাতপাখা এনে জড় করল। এ শুধু দুর্ভাবনাই নয়, এক প্রকার রোমাঞ্চও। যে মানুষটার মুখের দিকে কেউ কোনদিন স্পষ্ট করে তাকিয়ে দেখবার সাহস পায় নি, সে মানুষটা অসহায় ভাবে চোখ মুদে পড়ে আছে, তাকিয়ে দেখতে পাওয়া যাচ্ছে কেমন তার নাকমুখ, করুণা করা যাচ্ছে তাকে জল দিয়ে বাতাস দিয়ে, এটা প্রায় স্ত্রের পর্যায়েই পড়ে।

সারদাও একখানা হাতপাখা নিয়ে এসেছিল, আর দূর থেকে বাতাস করছিল, এবং ভাবছিল, আশ্চর্য, এতদিন ঘর করছি, মানুষটা কেমন দেখতে তা তো কোনদিন দেখি নি। একেই কি বলে “ওপ্ত-কাঞ্চন-বর্ণাভাং—”

ভয়ঙ্কর একটা আবেগের আলোড়নে চোখে ছলানু করে জল এসে যায় সারদার, এ হেন স্বামীকে ফেলে চলে যেতে হয়েছে মেজখুড়ির? আর তাই বৃষ্টি স্বর্গেও তিষ্ঠোতে পারছেন না, আকর্ষণ করে টেনে নিয়ে যেতে চাইছেন নিজের কাছে? মনের মত স্বামী এমনি জিনিস! তার পর চোখ মুছে ভাবল, মেজখুড়ো আমাদের মায়া কাটিয়ে চললেন!

কিন্তু আপাতত দেখা গেল সারদার আশঙ্কা অমূলক। চিরশাস্ত চির-সুকুমার ক্ষীণশক্তি ভুবনেশ্বরীর আকর্ষণ মাধ্যাকর্ষণের চেয়ে জোরালো হল না।

রামকালী চোখ মেললেন।

চারিদিকে এতগুলো মুখ দেখে ভুরুটা ঈষৎ কুঁচকে গেল, আবার চোখ বুজলেন। আর অনেকক্ষণ পরে বললেন, “আমাকে বাইরে চণ্ডীমণ্ডপে বিছানা করে দাও।”

ই্যা, বাইরেই শুলেন রামকালী। মেয়েদের এই হা-ছত্যাশ তাঁর অসহ্য, নিজের কাছে নিজে ভয়ানক লজ্জিত হচ্ছেন। রামকালীর পক্ষে এ হেন দুর্বলতা ক্ষমার অযোগ্য। রামকালী জ্ঞান হারিয়ে পড়ে গেলেন, পাঁচজন মুখে-মাথায় জল দিল, হা-ছত্যাশ করল, এর চাইতে ঘৃণ্য ব্যাপার আর কি আছে।



এ রকমটা হল কেন ?

অনেকদিন থেকেই যেন ভিতরে ভিতরে একটা ক্ষয় চলছে, যেন একটা ভাঙনের পদধ্বনি শুনতে পাচ্ছেন। শরীর খারাপ হয়ে গেছে। সেই থেকেই গেছে।

রামকালীর মধ্যেও একটা আবেগে আলোড়ন উঠল। সেই ছোটখাটো মাল্লুঘটা, যাকে রামকালী কোনদিনই পুরো একটা মাল্লুঘ বলে গণ্য করেন নি, সে যে দৃঢ়কঠিন রামকালীর ভিতরের একটা শক্তি হরণ করে ফেলবে এ রামকালীর ধারণার মধ্যেই ছিল না।

ভুবনেশ্বরী সম্পর্কে যেন তাঁর একটা বাৎসল্যমিশ্রিত প্রীতি ছিল, জীবনের কোন আদর্শে, কোন চিন্তায়, কোন স্বখদুঃখে তাকে ডাক দেন নি। আজ মনে হচ্ছে, সম্পূর্ণ বিচার করেন নি রামকালী স্ত্রীর উপর। চিরদিন যাকে ছোট ভেবে এসেছেন, সে হয়তো তেমন ছোট ছিল না, যাকে সামান্য ভেবেছেন, সে হয়তো সামান্য নয়। রামকালী যদি তাকে স্নেহের সঙ্গে কিছু শ্রদ্ধাও দিয়ে হৃদয়ের সহধর্মিণী করে তুলতে পারতেন, হয়তো সারাটা জীবন এতখানি নিঃসঙ্গ হয়ে থাকতেন না।

মৃত্যুর মহিমায় ভুবনেশ্বরী যেন বড় হয়ে উঠেছে।

বিছানায় শুয়ে শুয়েই সংকল্প করলেন রামকালী, শীঘ্রই তীর্থযাত্রা করবেন। বায়ু-পরিবর্তনের প্রয়োজন হয়েছে।

বায়ু-পরিবর্তন ভিন্ন ভাঙন ধরা স্বাস্থ্যের ক্ষয়পূরণ সম্ভব নয়।

তীর্থযাত্রার সংকল্প ঘোষণা করলেন রামকালী।

দু-তিনটে দিন রামকালী সম্পর্কে উদ্বেগ নিয়েই দিন গেছে সকলের, রাস্তা বারবাড়িতে চণ্ডীমণ্ডপেই রাত কাটিয়েছে কাকার নিষেধ সত্ত্বেও, চুপি চুপি— তাঁর অলক্ষ্যে।

আজ আবার স্বাভাবিকত্ব এল সংসারে। যদিও রামকালীর তীর্থযাত্রার সংকল্পে ভয় ভাবনা আতঙ্ক দেখা দিল, তবু সেটা তো আজই নয়। তীর্থযাত্রার অনেক তোড়জোড়।

রাস্তকে আজ শশীতারার আবার ডেকে পাঠালেন। বললেন, "দেখ, পুরুষের চামড়া যদি গায়ে থাকে তো, বোয়ের নাকেকান্নার ভিজিস নে। আশুবাণী অমনি হলেই হল! আজ তুই ইদিককার ঘরে শুবি।"

তিন-তিনটে রাত বাইরের ঘরে কাটিয়ে রাস্তরও মন চঞ্চল, এ প্রস্তাবে আরও চঞ্চল হয়ে ওঠে। অথচ সায় দেবার উপায় নেই। এ যেন পেটে খিদে, সামনে স্তম্ভাথ, অথচ মুখ বাঁধা!

তা ছাড়া রাস্ত সারদা নয় যে, এসব কথার পিঠে কথা কইবে। লজ্জায় ঘাড় হেঁট করে থাকে সে। শশীতারার বোঝেন মৌনং সন্মতি লক্ষণম্। হঠাৎকিন্তে বলেন, “তোকে কিছু ভাবতে হবে না, তুই শুধু খাওয়ার পর আমার ঘরে এসে বসবি। পিসি-ভাইপোয় গল্প করবার ছুতোয় রাতটা একটু ঘোর কবে দেব, তার পর—আহা নতুন বোর্টার মনের দিকে একটু তাকাবি না তুই? ভাববি না তার কথা?”

রাস্তর চোখে জল এসে পড়ে, সে তাড়াতাড়ি সরে যায়। নতুন বোয়ের কথা ভাবছে না সে? অহরহই তো ভাবছে!

কিন্তু যাকে নিয়ে এত দুর্ভাবনা শশীতারার, সে কোথায়? পাটমহলের লক্ষ্মীকান্ত বাঁড়ুয়োর নাতনী পটলী!

সে যেন একটা অদ্ভুত ভয়ে কাঁঠ হয়ে আছে। এতদিন অবশু সে চিনে কলেছে কে তার সতীন। সতীনকে যে এতটাই ভীতিকর মনে হয় তা বুঝি ধারণা ছিল না তার। সারদার মুখের দিকে কোনদিন ভাল করে তাকাত্তে পারে না সে। কথা বলা তো দূরের কথা।

অথচ সারদা হরদমই তার সঙ্গে কথা বলে। সংসারের সবাইকে খেতে দেওয়ার ভার যে সারদারই হাতে—অগত্যা এই পটলীকেও তার হাতে পড়তে হয়েছে। তার শাস্ত্রী ছ-চারদিন নিজের এক্সারে রাখবার চেষ্টা করে অক্ষমতাবশতই হাল ছেড়ে দিবেছেন।

সারদা কি হাত ডাকে, “নতুনবৌ খাবে এসো।...নতুনবৌ এখন মুড়ি খাবে?...নতুনবৌ তুমি মাছের পেটি ভালবাস না দাগা?...নতুনবৌ তুমি ছাঁচা আমের আচার খাও না?...নতুনবৌ আচারের তেল দিয়ে কংবেল মেখে খেয়েছ কোনদিন? খাবে তো বল মাখি?”

নতুনবৌ যে কার নতুন বৌ সে কথা যেন জানে না সারদা। কুটুম্বের মেয়ে এসেছে, তাকে আদরবস্ত্র করছে ভারপ্রাপ্ত কর্মচারী।

আজও ফুলুরি আর তিলপিটুলি বেগুনভাজা করে একবাটি হাতে নিয়ে ডাকতে এসেছিল সারদা নতুনবৌকে, “খাবে গরম গরম?”

পটলী মাথা নেড়ে বলল, “না।”

সারদা একটু আশ্চর্য হল। কারণ নতুনবৌ কোনদিন কিছুতেই ‘না’ করে না। করে না বলে মনে মনে বরং একটু কৌতুকই অল্পভব করে সারদা। তবে, ভাল করে খাইয়ে-দাইয়ে ঠাণ্ডা করে রাখা যাবে শুকে।

পটলী যে ভয়েই ‘না’ করতে পারে না, সেটা বোঝে না সারদা। হয়তো বোঝার কথাও নয়। আজ ‘না’ শুনে বলে, “কেন গো খাবে না কেন, খিদে নেই?”

পটলী মাথা আরও নিচু করে মাথাটা আর একবার নাড়ে।

সারদা একটু চুপ করে থেকে মুচকে হেসে বলে, “কেন বল তো ‘নতুনবৌ’? তোমার তো কখনও অগ্নিমন্দ্যা দেখি নে?”

এরপর নতুনবৌয়ের দিক থেকে কোনও সাড়া আসে না, শুধু তার ঘাড়টা আরও হয়ে পড়ে। সারদা চলে যেতে উত্তত হয়ে বলে, “তবে নয় দুটো তিলেরনাড়ু পাঠিয়ে দিই গে, খেয়ে জল খাও।”

এবার হঠাৎ নতুনবৌ বলে ওঠে, “তুমি আমার এত যত্ন করো কেন?”

সারদা বোধ করি এ প্রশ্নের জগ্ন আদৌ প্রস্তুত ছিল না, তাই হঠাৎ একটু খতমত খেয়ে যায়, তবে সে মুহূর্তের জগ্ন। পরক্ষণেই তীক্ষ্ণ একটু হেসে বলে, “করব না কেন, যত্ন করবারই তো সম্পর্ক গো।!”

এতক্ষণ ঘাড় নিচু ছিল, এবার বোধ করি অজ্ঞাতসারেই মুখটা তুলে ফেলে পটলী, আর দীর্ঘ পল্লবচ্ছন্ন দুটি চোখের কোল বেয়ে দু ফোঁটা জল গড়িয়ে পড়ে তার। সে চোখের দৃষ্টিতে দুটে ওঠে একটা অসহায় ভৎসনা। সে দৃষ্টি সারদার উপর নিবন্ধ রেখেই বলে, “তামাশা করছ?”

মুখরা সারদা সহসাই যেন যুক হয়ে যায়। ওই দু’ফোঁটা চোখের জলের দিকে তাকাতে পারে না, আর ভগবান জানেন কোন এক অদ্ভুত হৃদয়-রহস্তে সারদার নিজের চোখ দুটোও জলে ভরে ওঠে।

তবু নিজেকে সামলে নিয়ে সে বলে, “করলামই বা একটু তামাশা! করতে নেই?”

পটলীর বোধ করি এতক্ষণে খেয়াল হয় যে, তার চোখ দুটো শুধু দু’ফোঁটা জল ফেলেই ক্লান্ত হয় নি। তাই সে দুটোকে নামিয়ে ফেলে এবার। আর কষ্টে গলার স্বর পরিষ্কার করে বলে, “আমি তো তোমার শত্রু, আমাকে বিদেয় করে দাও না? তুমি বাঁচ, আমিও বাঁচি।”

সারদা ঈষৎ বিষন্ন কৌতুকে বলে, “আমি না হয় বাঁচব, তোর বাঁচবার হেতু?”

“তোমার বুকের পাথর হয়ে আর সংসারহৃদয় সকলের দয়ার পাত্র হতে থাকতে হয় না, সেই বাঁচান!”

সারদা আর একবার মুক হয়। দেখে নতুনবোয়ের হেঁটমুণ্ডের অন্তরাল থেকে জল ঝরে ঝরে তার কোলের উপর জড়ো-হয়ে-থাকা ফর্সা ফর্সা ফুলে ফুলো ছুখানি করপল্লবের ওপর পড়েই চলেছে।

স্তব্ধ হয়ে অনেত্রকর্ণ সেইদিকে তাকিয়ে থাকে সারদা, তার পর সহস্রাষ্ট আশ্বস্ত হয়ে শাস্ত দৃঢ়কণ্ঠে বলে, “চোখ মোছ, নতুনবো, আর কাঁদতে হবে না।”

“তোমার পায়ে ধরি দিদি, আমার পাঠমহলে পাঠিয়ে দাও।”

“শোন কথা, আমি কি পাঠিয়ে দেবার কর্তা?” সারদা হেসে ওঠে, “বলে আমার ওপরই হুকুমজারি হয়েছে—জন্মের শোধ বিদেয়! সে যাক, বলি এত রূপ-যৌবন নিয়ে কেঁদে মরবি আর হেরে পালাবি কি লো? লড়াই করে সতীনের কাছ থেকে বর কেড়ে নিবি নে?”

“লড়াই-টড়াই আমি কিছু চাই না দিদি।”

“লড়াই চাস না! কি মুশকিল তবে তো খয়রাত করতে হয়!” সারদা ভেমন বিষন্ন কৌতুকে বলে, “তুই দেখছি আমার সব মজা মাটি করে দিলি। লড়াই করতে বসলে জোরের পরীক্ষা হয়, দান-খয়রাত করতে গেলে যে বেবাক সবটাই তুলে দেওয়া ছাড়া গতি থাকে না।”

“আমার কিছু চাই না দিদি।”

ব্যাকুল আবেগে উচ্চারণ করে নতুনবো।

সারদা হাসে, “কিছু চাস না? বরও চাস না?”

“না।”

সারদা বলে, “কিন্তু জগতের কি নিয়ম জানিস, না চাইলে সব জিনিস মেলে, চাইতে বসলেই হাতছাড়া!...ইস, কথা কইতে কইতে এমন থাসা তিলপিটুলী বেগুনভাজাগুলো নেতিয়ে গেল। খা, খেয়ে ফেল, মন ভাল হবে।”

“মেজঠাকুন্দা!”

রামকালী একখানা সরু খাতার উপর খুঁকে পড়ে আসন্ন তীর্থযাত্রার হিসেবের খসড়া করছিলেন, হঠাৎ রাস্তার ছোট ছেলের এই ডাকে চমকে স্নেহকোমল স্বরে বললেন, “কি দাদা ?”

“মা বলছে, মা তোমার কাছে ভিক্ষে চাইবে।”

এ আবার কী অভূতপূর্ব কথা !

রামকালী বিমূঢ় দৃষ্টিতে তাকিয়ে দেখেন।

দরজার ওপাশে রাস্তার বোঁয়ের উপস্থিতি টের পান। প্রাস বিচলিত স্বরে বলেন, “কি বলছ দাদা, বুঝতে পারলাম না তো !”

এবার মাধ্যমের ভূমিকা গুরুত্ব হারায়। মাধ্যমকে মাধ্যম মাত্র করে সারদা মুহূর্তে বলে, “খোকন বল, মা বলছে কখনো তো কিছু চায় নি মা, বাড়ির বড়বোঁ, একটা ভিক্ষে চাইছে—”

রামকালী ধারণা করেন, এ আর কিছু নয়, রাস্তার দ্বিতীয়পক্ষ-ঘটিত নাটক। নির্ঘাত সপত্নী-অসহিষ্ণু এই মেয়েটি সতীনকে তার পিজ্বালয়ে পাঠানোর প্রস্তাব করতে এসেছে। বিরূপ চিত্তে গন্তীর হাস্যে বলেন, “ভিক্ষেটা কি, সেটা না জানলে তো সাদা কাগজে দস্তগত করা যায় না বড় বোঁমা! দেবার ক্ষমতা যদি আমার না থাকে !”

“খোকা বল, আপনি ইচ্ছে করলেই হয়।”

রামকালী যদিও রাস্তার বোঁয়ের এই অসমসাহসিকতায় স্তম্ভিত হন, তবু ঈষৎ চমৎকৃতও হন। হঠাৎ একটা অতি অসমসাহসী মেয়ের কথা মনে পড়ে গিয়ে মনটা শিথিল হয়ে যায়। বলেন, “মাকে বল দাদাভাই, ইচ্ছে করবার মত হলে অবশ্যই করব।”

“খোকা বল, আপনি তীর্থে যাচ্ছেন আমার মাকে সঙ্গে নিন।”

এ আবার কি কথা !

এ যে রামকালীর ধারণার অগোচর, স্বপ্নের অগোচর। এই কথা বলতে এসেছে রাস্তার বোঁ! মেয়েটা পাগল নাকি? তবে নাকি নিতান্তই হাস্যকর অলীক কথা, তাই ঈষৎ কৌতূকের স্বরে বলেন, “তোমার মাকে নিয়ে যাই এত সাধ্য কি আমার আছে দাদাভাই? তুমি বড় হও, মাকে নিয়ে যাবে।”

“মেজঠাকুন্দা, মা বলছে তামাশা করে উড়িয়ে দিলে হবে না, মা সত্যি ভিক্ষে চাইতে এসেছে।”

রামকালী আর মাধ্যমকে গ্রাহ্য করেন না, বলেন, “বড় বৌমা, তোমার প্রার্থনাটা যে বড় অসম্ভব। আমি পুরুষমাত্ৰ, কোথায উঠব, কোথায থাকব, কিভাবে ঘুরব—”

“মেজঠাকুন্দা, মা বলছে, মা কষ্ট করতে হারবে না। তোমার রান্না-করা বাসন-মাছা এর জন্তেও তো একটা লোক চাই। মা সব করে দেবে।”

“দাদাভাই, তোমার মা ছেলেমানুষ, সবটা বুঝতে পারছেন না। সম্ভব হলে আমাকে ছুবার বলতে হত না। তোমার মাকে বল, বাড়ির বড়বৌ বলে আমার কাছে একটা আবদার করলেন, রাখতে পারছি না, এটা আমারও কষ্ট। আমি তার বদলে তাঁর নামে খাসে কুড়ি বিঘে ধানজমি লেখাপড়া করে দেব। তার আদায় থেকে উনি যা খুশি করতে পারবেন। আর তুমি যখন বড় হবে—”

“খোকা বল বাবা, বিষয়-সম্পত্তিতে মার কোন দরকার নেই।”

খাসে কুড়ি বিঘে ধানজমি!

এতেও একটু প্রলোভিত হল না মেয়েটা? আশ্চর্য তো! সত্যি বলতে কি, এ সংকল্প রামকালীর সহসা আজকেব নয়। কিছুদিন থেকেই ভাবছিলেন তিনি, এই ধরনের একটা কিছু করবেন। ওই মেয়েটাকে তিনি যতই সাধারণ হিংসুটে মেয়েছেলে ভেবে আছেন, ওর সম্পর্কে কোথায যেন একটু অপরাধবোধ তাঁকে হৃদয়ের গভীর স্তরে পীড়িত করত। তাই ভাবতেন ক্ষতিপূরণার্থে—

কিন্তু মেয়েটা বলে কি? বিষয়-সম্পত্তিতে তার দরকার নেই?

একটু চূপ করে থেকে বলেন, “তবে আর কি করব বল দাদাভাই! যাতে লোকে নিন্দে করতে পারে এমন কাজ কি করে করা যায়!”

“মেজঠাকুন্দা, তুমি তো লোকনিন্দেকে ডরাও না?”

“লোকনিন্দেকে ডরাই না!”

রামকালী যেন হঠাৎ অদ্ভুত অজানা একটা রহস্যের রাজ্যের সামনে এসে দাঁড়িয়েছেন। এরা সব রামকালীকে ভাবে কী? রামকালী সম্পর্কে, রামকালীর অপরিচিত যে একটা জগৎ আছে, তাদের ধারণাটা কি? একটা কোঁতুকের বিন্মরে ঝল্লবাক রামকালী আজ একটু বেশী কথাই বলে কৈলেছেন।

“লোকনিন্দকে ডরাই না একথা কে বলে দাদু ? ডরাই বৈকি । সত্যি নিন্দ্রের কাজ করলে—” রামকালীও কথা সমাপ্ত করতে করতে ভাবেন—শেষ করতে গিয়ে থামেন । এই অবসরে একক্ষণের নম্র আর মুহূ চাপা কণ্ঠস্বরটা প্রায় স্পষ্ট হয়ে ওঠে, “খোকা বল, আপনার যদি একটা দুঃখিনী মেয়ে থাকত, তাকে তীর্থে নিয়ে গেলে লোকে নিন্দ্র করত ?”

রামকালী স্তব্ধ হয়ে যান ।

অনেকক্ষণ চুপ করে থেকে বলেন, “আচ্ছা দাদু, তোমরা ভেতরে যাও । আমাকে একটু ভাবতে দাও ।”

হ্যাঁ, ভাববেন রামকালী । অনেক কিছু ভাববেন । এইটুকু মেয়েটা কুড়ি বিঘে ধানজমির মোহ ত্যাগ করে তীর্থে যেতে চায় কোন্ মানসিক অবস্থায় তা ভাববেন, আর ভাববেন মোক্ষদাকে সঙ্গে নিয়ে রাস্তর বৌয়ের প্রার্থনাটা পূরণ করা যায় কিনা ! মোক্ষদার হাত ভেঙেছে, পা-টা তো মজবুত আছে । তার জীবনেও তো কখনো কিছু হয়নি । এ কর্তব্যটা করা উচিত ছিল রামকালীর ।

রান্না-ভাঁড়ার ঘরের জীবগুলো সম্পর্কে এত বেশী করে কখনও ভাবেন নি রামকালী ।

একটা মেয়ে তাঁকে মাঝে মাঝেই ভাবাত । অনেকদিন সে রামকালীর কাছ থেকে বিচ্ছিন্ন হয়ে আছে । আশ্চর্য হয়ে ভাবছেন রামকালী, কতদিন তার কথা ভাবি নি !

সে পাছে ভাবে বলে রামকালীর অস্থখের খবর দেওয়া হয় নি । কিন্তু তীর্থযাত্রার খবর ! সেটাও কি না দিলে চলবে ?

## ॥ উনত্রিশ ॥

জর জর !

পক্ষকাল কাটল ।

উত্তরোত্তর বাড়ছে বৈ কমছে না । ক্রমশঃ বিকার ধরল । হাত মুঠো করে আফালন করছে রোগী, বিছানায় তেড়ে তেড়ে উঠছে । দু-তুটো লোক দুদিকে ঠায় বসে আছে রোগীকে বিছানায় চেপে ধরে রাখতে ।

আর একজন তো অবিরত পানাপুকুরের ঠাণ্ডা জল এনে কলসী কলসী চালছে রোগীর মাথায় । কবিরাজ এসে গুণ্ধু দিচ্ছেন বটে, কিন্তু যেভাবে মুখ প্যাঁচা করে আস্তে আস্তে ঘাড় নাড়ছেন, তাতে গুণ্ধু সম্পর্কে ভরসা বোধ করছে না কেউ ।

এদিকে বাড়িতে রথ-দোলের ভিড় ।

পাড়ার লোকের যেন খেয়ে ঘুমিয়ে স্বস্তি নেই । তারা প্রতি মুহূর্তে চরম মুহূর্তের অপেক্ষায় হুমডি খেয়ে পড়ে আছে । নাটকের শেষ দৃশ্যটা পাছে ফসকায় ! অবিশ্বি অহিতৈষী কেউ নয় । সকলেই নিরীহ নবকুমারকে ভালবাসে । তেমন তেমন কেউ ওর নামে পূজো মানত করেছে, “গা শেতল” হবার আবদার নিয়ে গঙ্গাজলের ঘড়ার মধ্যে পাঁচ কড়া কড়ি ফেলে রেখেছে, আর ওলাইচণ্ডীতলা থেকে নিত্য মায়ের চরণামৃত এনে যোগান দিচ্ছে ।

বাঁড়ুঘা-গিন্নীর ওই সবেধন নীলমণিটুকুর প্রাণের জগ্ন উদ্বেগ, উৎকর্ষার আর অন্ত নেই লোকের । তবু আশা যখন ছাড়তেই হচ্ছে, বিশেষ নাট্য-মুহূর্তটিকে ছাড়বে কেন ?

অতএব নিজের নিজের সংসারের রান্না-খাওয়া সংক্ষিপ্ত করে এ বাড়ির হাজারেটা বজায় রাখছে সবাই । তা ছাড়া প্রায় প্রত্যেকেই তো এক-একজন অভিজ্ঞ চিকিৎসক ! সে চিকিৎসা-বিদ্যা কাজে লাগাবার যখন সুযোগ পাওয়া গেছে, কাজে লাগাবে না ?

প্রকৃতপক্ষে এখন কবিরাজী চিকিৎসা বাতিল হয়ে গেছে, পাড়ার গিন্নীদের চিকিৎসাই চলছে । গতকাল হুটু স্যাকরার মার ব্যবস্থাপনায় পেটে পচা পুকুরের শ্যাওলার প্রলেপ দেওয়া হচ্ছিল । কারণ হুটুর মার এক ভাস্করপোর নাকি ঠিক এই অবস্থায় ওই দাওয়াই অব্যর্থ হয়েছিল ।

না হবেই বা কেন ?



কথা বললে “মুড়ি আর ভুঁড়ি।” ছোটোর মধ্যে দূরত্ব বেশ খানিকটা থাকলেও সম্বন্ধ যে অবিচ্ছেদ্য। একজনকে ঠাণ্ডা করতে পারলেই আর এক জন ঠাণ্ডা হতে বাধ্য। তাই পেটে ঠাণ্ডার প্রলেপ চাপিয়ে চাপিয়ে তাকে ঠাণ্ডা করে আনবার চেষ্টা চলছিল—মাথায চড়ে-ওঠা রক্তকে চড চড করে নামিয়ে আনতে।

কিন্তু ছুটির মার কপাল। অত বড় অব্যর্থ প্রয়োগটাও বিফল হল। রোগী চিহ্নিনাথ মাথা ঘষটাতে শুরু করল।

আজ তাই হরি ঘোষালের গিন্নী দাশ্যাই চলেছে। গাঘের তাপ “খান দিলে খৈ ফুটছে,” তাই ঘোষাল-গিন্নী বিধান দিচ্ছেন সপসপে করে ভেজানো লাকড়ায় রোগীকে আঠেপুঠে মুড়ে তাব উপর জোর জোর করে পাখার যাতাস লাগাতে। সেই বাতাসে ঝাকড়া শুকিয়ে উঠলেই আবার তাতে জলের আছড়া।

রোগী জ্ঞানশূন্য, অতএব সেবিকারা বাকদিন্যাসে ভয়শূন্য। ঠিক এই অবস্থায় আব এঠে এই লক্ষণে কার জানাশোনা কটি রোগীর স্বর্গপ্রাপ্তি ঘটেছে শবট হিঁসেবনিকাশের সঙ্গে সঙ্গে পাখা চলছিল উদ্দাম বেগে। নীলাধর বঁড়ুয়্য অনেকক্ষণ বসে থাকতে থাকতে হঠাৎ “বুক কেমন করছে” বলে পাশের ঘরে গিয়ে শুয়েছেন, সদ তাঁর চোখেমুখে জল দিচ্ছে, এমন সময় এলোকেশীর গলায় মরাকান্না উঠল।

যাঁরা খোদ রোগীর ঘরে বসে তাঁরা বঝলেন, “মাগী আর পারছে না, চেপে থেকে থেকে বুক ফেটে যাচ্ছে।”

যাঁরা এ বাড়ির বাইরে আছেন, তাঁরা উঠি তো পড়ি, পড়ি তো মরি করে ছুটে এলেন। নীলাধর “যাঃ সন্ধানশ হয়ে গেল” বলে চোঁকি থেকে মডমডিয়ে নামতে গিয়ে ছড়মুড়িয়ে পড়ে গেলেন, আর সদ তাঁকে তোলায় পরিবর্তে চলে গেল ও-ঘরে, তবে একটু দাঁড়িয়েই চলে এসে সাঙুনা দিতে বসল মামাকে।

এলোকেশীর কাছে যাওয়া কর্তব্য ছিল, কিন্তু কোন্ কর্তব্যটা করবে। সে তো আর চতুর্ভুজা নয় ?

এলোকেশী ঢেঁকিঘরে বসে কাঁদছেন।

সমাগতা মহিলারা সেইখানেই জমায়েত হলেন এবং এই হঠাৎ-কারার কারণ অবগত হয়ে গালে হাত দিয়ে বসে পড়লেন।

কয়েকজন এ কথাও বললেন, “পায়ের ধুলো দাও নব্বুর মা, তোমার একটু

পায়ের ধুলো দাও, মাথায় ঠেকাই, যদি তাতে তোমার মতন সহস্রশক্তি জন্মায়। ওই দজ্জাল বৌ নিষে এই অবধি ঘর করছ তুমি !”

জর্নেকা আক্ষেপ করে বলেন, “আমি ভাবছিলাম আজ ভরসদ্ব্যেয তোমার বৌকে নিষে চণ্ডীতলায় গিয়ে মাঘের পায়ে তার শাঁখা-সিঁদুর জমা দিয়ে ‘এয়োং বাঁধা রাখা’র মানুতি করে আনব। তোমার তো মাথার ঠিক সেই, পাঁচজনে না দেখলে চলবে কেন? কিন্তু যে বৌ তোমার, বলতে তো ভরসা হচ্ছে না !”

অপরী ফিসফিস করে, “বলো না দিদি বলো না। আমি বলি নি ভেবেছ? ‘হাত বাঁধা’র কথা বলেছিলাম। কিন্তু সহর কাছে নাকি বলেছে নবুর বৌ, আমি ডান হাতের বদলে বাঁ হাতে ভাত খেলে আমার স্বামীর পরমায়ু ফিরবে এ কথা আমি বিশ্বাস করি না। উচিতমত ওষুধ না পড়লে কি অস্থখ সারে?”

“জ্যা! এই কথা বলেছে?”

“তাই তো বলল সহর। বলল, ওই নিয়ে আর বৌকে পেড়াপিড়ি করতে যেরো না খুড়ি, মাহুঘের মান-মর্ঘেদা তো রাখতে জানে না। হয়তো তোমার মুখের ওপরই ‘না’ বলে বসবে।”

“সাধে কি আর বলছি, নবুর মার পাদোদক খেতে হয়!”

কথাটা এলোকেশীর কানে যায়। তিনি বুকটা আর একবার চাপড়ে, আর একবার সেই চিরপরিচিত স্থরের কারাটি কেঁদে ওঠেন।

“ওরে নবু রে—ওরে আমার সোনার গোপাল রে, তুই থাকতেই তোর বৌ আমাকে কী পায়ে দলছে ছাখ রে!”

স্বারা রোগীর সেবা করছিলেন, তাঁরা সেবা ফেলে ছুটে আসেন।

হলটা কি?

এই দুঃসময়ে “পাহাড়” বৌ কী না কি করে বলল!

তা সে যা করে বসেছে তা চরম!

শাণ্ডীর মুখের ওপর বলেছে, “মাহুঘটাকে দশজনে মিলে কুপিয়ে কুপিয়ে না কেটে, একেবারে মা চণ্ডীর কাছে বলি দিয়ে দিলেই হত! মাহুঘটাও উদ্ধার পেত, দশজনেরও খাটুনি কমত!”

স্বামীর কথা নিয়ে যে বৌ এমনি করে গলা তুলে শাণ্ডীর সঙ্গে কথা বলতে পারে, সে বৌ তা হলে না পারে কি!

“কোঁটিয়ে বিদেয় করে দাও, 'কোঁটিয়ে বিদেয় করে দাও—” চাটুয্যে-গিন্নী দৃপ্তকণ্ঠে বলেন, “ওই ডাকাতের আওতাতে আওতাতেই ছেলে তোমার তুষ হয়ে গেছে নবুর মা! নইলে অমন ডবকা ছেলে, হঠাৎ এমন পিচেশ পাওয়া রোগেই বা ধরবে কেন?”

“তবু আমার নবু ওই বৌ-অস্ত-প্রাণ চাটুয্যে-দিদি। বৌয়ের ভয়ে কঁটা।”

চুটে অবস্থার মধ্যে সামঞ্জস্য না থাকলেও কথাটা বলেন এলোকেশী।

“তা ভগবান তেজ ভাঙছেন! অবিশ্ব তোমার মাথায়ও মৃগুর মারছেন! কিন্তু ওই তো বিধাতার বিধান। একের পাপে আরের দণ্ড। তবু এও বলব, ওর দুঃখে শেয়াল-কুকুর কাঁদবে! পথের শত্রুর 'আহা' করে যাবে!”

এঁরা অধিকাংশই এলোকেশীর খাতক। গোপনে হুদী কারবাব করে থাকেন এলোকেশী। ওঁদের অনেকেরই সোনাটা রূপোটা এলোকেশীর সিন্দুকে পচছে।

অবশ্য পাড়ায় স্পষ্টবক্তা স্মারদর্শী একেবারে নেই তা নয়। কিন্তু তেমনদের সঙ্গে এলোকেশী ভাব 'চটিয়ে' রেখেছেন। তবু নবকুমারের 'মরণ-বীচন' অস্থখ শুনে দেখতে আসছেন তাঁরা, স্নায়্য কথা দু-একটা বলেও যাচ্ছেন।

যেমন ভজুর পিসি বলে গেছিলেন, “হ্যাঁ গা, বৌয়ের বাপের বাড়ি খবর দিয়েছ?”

এলোকেশী বাঁকা মুখে জবাব দিয়েছিলেন, “কেন, সেখানে খবর দিয়ে আবার কি হবে?”

“ওমা, তাদের হল গে জামাই! মুখের ওপর বলছি না, তবে ভগবানের মারের ওপর তো কথা নেই! একটা এদিক-ওদিক কিছু হয়ে গেলে জবাবটা কি দেবে?”

“জবাব!”

এলোকেশী মনোকণ্ঠে ভুলে উদ্দীপ্ত হয়ে উঠেছিলেন, “কেন আমি কি তাদের উঠানে বাস করি? আমি কি তাদের জমিদারির প্রজা? আমি কি তাদের খাতক? আমি কি কাঠগড়ার আসামী? যে জবাবদিহি দিতে হবে! কি বলব, এখন আমার দুঃসময় চলছে, তাই! নইলে তোমায় উচিত কথা শুনিবে দিতাম কানেত-ঠাকুরঝি!”

সনতের জেঠী একদিন বলেছিলেন, “নবুর খণ্ডর তো শুনেছি নামকরা কবরেজ, জামাইয়ের অস্থখের খবর দিচ্ছ না কেন?”

এলোকেশী গম্ভীর কণ্ঠে জবাব দিয়েছিলেন, “আমার তো দশটা পাইক-পেয়াদা নেই দিদি, যে ছট বলতে খবর দেব। বলে ছেলের ব্যামোতেই চোখে সরষে ফুল দেখছি। বেশ তো, তোমরা পাঁচজন আছ, খবর দাও না। বলে পাঠাও, ‘এস তুমি। তোমার জামাইয়ের উচিত চিকিচ্ছে করে যাও’।”

এরপর আর কে কথা কইবে?

কিন্তু এলোকেশী কি সত্যিই এত মন্দ যে, নিজের ছেলের কল্যাণ-অকল্যাণ দেখেন না?

না, তা নয়।

আসলে এলোকেশী এ বিশ্বাস রাখেন না বৌয়ের বাপ ধন্বন্তরী! তা ছাড়া এটাও মনের মধ্যে কাজ করছে, যদি সত্যিই তা হয়, বৌয়ের বাপের গুণপনাতেই যদি তাঁর ছেলে সেরে ওঠে, সে অপমানের জালা এলোকেশী জুড়োবেন কিসে?

আর বৌও কি তা হলে আরও সাপের পাঁচ পা দেখবে না? ছেলের প্রাণের অল্প শত সহস্রবার তেত্রিশ কোটি দেবতার চরণে মাথা খুঁড়ছেন এলোকেশী, কিন্তু বৌয়ের তেজ-দর্পটা কিছু খর্ব হোক, এটাও প্রার্থনা। ছোটোর সামঞ্জস্য বিধান হয় না, কারণ ‘মরা স্বামী’ বেঁচে উঠলে তো দবদবার আর শেষ থাকে না মেয়েমানুষের। তেমন হলে বড় কেউ মায়ের পুণ্যবলের কথা তোলে না, তোলে পরিবারের এয়োত্তর জোরের কথা!

আবার সেই ‘বেঁচে ওঠাটা’ই যদি বৌয়ের নিজের বাপের গৌরবের হয়? উঃ, রক্ষে করো! নবু তার নিজের বাপের পুণ্যে ভরবে। নিত্য একশ আট তুলসী দেওয়া কি ব্যর্থ হবে!

হায়! এলোকেশীর ছেলের একশ বছর পরমাণু হয়ে যদি বৌয়েব হাড়ির হাল হওয়া সম্ভব হত! তা হবার উপায় নেই। এলোকেশীর প্রাণের পুতুলই যে বৌয়ের অহঙ্কারের মাটি।

কিন্তু সত্য এ নাটকের কোন্ অঙ্কে?

সে কি একবারও স্বামীসেবার পুণ্যার্জন করে না?

নাঃ, সে পুণ্যঅর্জনের সৌভাগ্য তার হয় না। কারণ গুরুজনদের সামনে গিয়ে তো আর সে বরের গায়ে-পায়ে হাত বুলোতে বসবে না। ঘরে ঢুকবেই বা কোন্ লজ্জায় !

রাত্রে ? সে তো খণ্ডর-শাশুড়ী দুজনে ছেলেকে বুক দিয়ে আগলে পড়ে থাকেন। আর সত্ৰ তাঁদের খিদমদগারি করে। সেখানে সত্য কে ?

তা ছাড়া তার কোলে বাচ্চা ছেলে। ছ মাসও হয় নি। আর তার গলাতেই সংসার।

স্বামীসেবার একটি অংশ তার ভাগে আছে। সেটা হচ্ছে ঔষধের অল্পপান প্রস্তুত। বহুবিধ জিনিস নিয়ে ছ্যাচা, বাটা, গুঁড়ানো, সেদ্ধকবা ইত্যাদিতে অনেকটা সময় ব্যয় হয় তার।

কবরেজ আবার ঔষধে ফল হচ্ছে না দেখে অনিরতই অল্পপানের ক্রটি আবিষ্কার করছেন। তেজী সত্য এসব সময় শুকনো চোখে ঠায় ঝাড়া থাকে। শূ রান্নাঘরের কোণে যখন একা মুখ নিচু করে কাঙ করে, আর রাত্রে যখন ছেলে দুটো ঘুমিয়ে পড়ে, তখন বাঁধমুক্ত করে অশ্রুব সাগরকে।

নবকুমার যদি সত্যিই না বাঁচে !

তোলপাড় হয়ে ওঠে আকাশ পাতাল পৃথিবী। যে মাহুঘটা সত্যর মনের জগতে একটা অবোধ অজ্ঞান নাবালকের দরে গণ্য ছিল, সে যে তার এত বড় আশ্রয় এ কথা এখন টের পেল সত্য ! যখন সে মাহুঘটা যেতে বসেছে !

সত্য কেন তাকে কেবল বকেই এসেছে ? কেন শুধুই ভালবাসে নি ? কেন কেবল হেসে কথা বলে নি ?

ঠাকুর, ওকে এবারের মত বাঁচিয়ে দাও, সত্য ওকে শুধু ভালবাসবে। ও বোকামি করুক, ভীকতা করুক, ছেলেমানুষি করুক, কোন দোষ ধরবে না সত্য।

কিন্তু ও কি বাঁচবে !

মাকে অবহেলা করেছিল সত্য, মা বাঁচেন নি। আর স্বামীকে অবহেলা করে পার পাবে !

তখন না হয় বুদ্ধি ছিল না, মা কী বস্তু বোধ জন্মায় নি। কিন্তু এখন ? এখন কী জবাব আছে ?

সারারাত্ত জেগে ঠায় বসে থাকে সত্য, কান খাড়া করে। হঠাৎ বুঝি

কোন সময় সেই ভয়ঙ্কর শব্দটা ওঠে। মাঝে মাঝে পা টিপে টিপে গিয়ে এ-জানলা ও-জানলা করে মরে। কিন্তু ব্যর্থ হয়ে ফিরে আসে। রাস্তিরে কুণ্ডীর ঘরের জানলা কে খুলে রাখবে? একে তো “সাম্প্রিপাতিক জরবিকার”— হাওয়া লাগলেই বিপদ। তা ছাড়া রাস্তিরে জানলা খোলা দেখলে অপদেবতার উকি মারবে না? “হাওয়া বাতাস” লাগবে না? আর, ভাবতে বুক কাঁপলেও না ভেবে উপায় নেই, পথ খোলা দেখলে যমদূত ঢুকে পড়বে না? এলোকেশী কি সেই আসার পথ খোলা রাখবেন?

অতএব সত্য কানকে তীক্ষ্ণ থেকে তীক্ষ্ণতর করে তোলে।

কিন্তু এতেই কি সত্যের সকল কর্তব্য শেষ হয়ে গেল? আর কোন করণীয় নেই তার স্বামীর সম্পর্কে? ওরা মা বাপ, তা ঠিক। কিন্তু ওঁরা যদি অবোধ হন? তবে সত্যই বা কি কম অবোধ! এক মাস হতে চলল জ্বর চলছে নবকুমারের, দিন দিন বাড়ছে বৈ কমছে না, অথচ উচিতমত একটা ওষুধ পড়ল না তার পেটে!

আর সত্য নিশ্চেষ্ট হয়ে বসে আছে!

সত্যের ভগবান কি এর পরও ক্ষমা করবেন সত্যকে?

এলোকেশীর সেই কান্নার পর এলোকেশীকে সাশ্বনা দিচ্ছিলেন মহিলারা। “কখনো কোন দোষ করো নি, ঘাট করো নি, কারুর অহিত করো নি, পুত্রশোকের জ্বালা তোমার কেন দেবে ভগবান?”

আবার স্ব-পরামর্শও দিচ্ছিলেন পরক্ষণে। “বলতে নেই, ছেলের যদি কিছু হয় নবুর মা, তো তুমি এক দোর দিয়ে ছেলেকে বিসর্জন দেবে, আর দোর দিয়ে ওই হারামজাদীকে গলাধাক্কা দিয়ে বার করে দেবে। যে বৌ শাণ্ডীকে অত বড় কথা বলে—”

“ও বাতাসীর মা, শুধু কি ওই কথা বলেছে! বলি তবে শোন। রাতে বাইরে বাব বলে হঠাৎ দোর খুলে দেখি ঝপ্ করে কে ছুরোয়ের কাছ থেকে সরে গেল। ভয়ে হাঁকপাক করে চৈচিয়ে উঠেছি। ‘কে কে বলে’ চৈচিয়ে উঠে দেখি না আমারই অবতার! রাগের চোটে মুখ দিয়ে কু-কথা বেরিয়ে গেল, বললাম, দোরের গোড়ায় কী করছিলি রে হারামজাদী? তুু না তাক? বলল কি জান!—‘ছেলে মিত্যাশয্যে, তবু তোমার জিভের ধার কমে না? কেমন মা তুমি?’”

শ্রোত্রী মহিলা সঙ্গে সঙ্গে সবলে নিজের গালে ঠাই ঠাই করে ছুটো চড়

কমিয়ে বলে ওঠেন, “ওমা আমি কোথায় যাব ! ও নবুর মা, সে বৌয়ের মুখ তুমি নাথি দিয়ে ভেঙে দিলে না ?”

এই শাস্তিমূলক ব্যবস্থার জবাবে “উদারচরিতানাম” নবুর মা কী বলতেন কে জানে, সহসা অল্প এক বড় এসে লাগল। দেখা গেল গোয়ালের পাশের দরজা ঠেলে ঢুকে নাপিত-বৌ চুপি চুপি রান্নাঘরের দিকে এগোচ্ছে। অর্থাৎ সশর সন্ধানে যাচ্ছে।

বৌয়ের সঙ্গে নাপিত-বৌয়ের কিসের শলা ! মুহাম্মান এলোকেশী গলা তুলে ধাক দিলেন, “ওদিকে কোথায় যাওয়া হচ্ছে ?”

চতুর নাপিত-বৌ বুরুল ধরা পড়েছে। অতএব মিছে কথা বলে চাপা না দিয়ে এদিকে এসে চুপি চুপি বলে, “বৌমা যে আমার তেনার বাপের কাছে পাঠিয়েছিল গো, তার বার্তাটা দিতে—”

কথা শেষ করতে পারে না সে। এলোকেশী রুদ্ধশ্বাসে বলেন, “কার কাছে পাঠিয়েছিল ?”

“ওনার বাপের কাছে গো। ভারী মস্ত কবরেজ তো ! পত্নর লিখে আমার হাত দে পাঠিয়েছিল, জামাইয়ের বিস্তান্ত জানিয়ে। এসে চিকিচ্ছে করতে—”

“তুই সে-কথা আমার না জানিয়ে, স্বাধীনে চলে গিয়েছিলি ?”

নাপিত-বৌ নরম হবার মেয়ে নয়। যেই দেখলে ধমকের পথ ধরেছে গিন্নী, সেও সতেজে বলে, “স্বাধীন পরাধীন বুঝি নে ! বৌ-টো সোয়ামীর ভাবনার ডকড়াচ্ছে দেখে মায়া হল—”

“মায়া ! মায়া হল ? তুই আর ভূতের কাছে মামদোবাজী করতে আসিস না নাপতে-বৌ ! বিনি মজুরিতে তুই পরের জন্তে একটা হাই তুলিস না, আর তুই যাবি মায়ায় পড়ে—”

“বিনি মজুরিতে, তা তো বলি নি—” নাপিত-বৌ বেজার মুখে বলে, “তা কহলে আমার চলবেই বা কেন ? নেযা মজুরি দিয়েছে। গিয়েছি—”

“দিয়েছে ! বৌ তাকে নেযা মজুরি দিয়েছে ?” এলোকেশী ক্ষেপে ওঠেন, “সে কোথায় পাবে শুনি ? তা হলে সে আমার বাস্তু থেকে চুরি করতে শিক্ষে করছে ! আর তুই তার মন্ত্রী হয়ে—”

সহসা পিছনে বজ্রপাত হয়।

এতগুলো গিন্নী সম্বন্ধে অবহিত মাত্র না হয়ে সত্য বলে ওঠে, “নিচু ঘরের

মতন কথা বোলো না। নাপিত খড়ীকে আমি রাহাখরচ বলে আমার মল জোড়াটা দিবেছি।”

মল জোড়াটা! পাথর হয়ে যান মহিলারা।

শান্তুড়ীকে না বলে-কয়ে গায়ের গহনা দানছত্র! মুহুমুঁছ মুছাঁ গেলেও বোধ করি এই প্রবল আঘাতের বেগ রোধ হবে না।

এত বড় দুঃসাহস কেউ কল্পনাও করতে পারেন না।

এলােকেশী বুকে হাত চাপড়ে বলে ওঠেন, “ছাথ, তোমরা ছাথ! দেখে বল আমার ধরে কাঁটা মারবে কিনা, বৌকে আমি নিন্দে করি বলে! ওরে বাবা রে, আমি কী করব রে—”

সত্য সেদিকে দৃকপাত না করে নাপিত-বোয়ের দিকে তাকিয়ে শান্তভাবে বলে, “বাবা কি চণ্ডীমণ্ডে ছিলেন?”

“ওমা শোন কথা!” নাপিত-বৌ গালে হাত দিয়ে বলে, “তিনি আবার কই? তেনার হাতে নাকি কোন্ মরণ-বাঁচন রুগী, তাকে ফেলে আসতে পারল না। ওম্বু পাঠিয়ে দেছে। এসেছে তোমার বড় ভাই—তার হাতেই ওম্বু আর তোমার নামে পস্তর আছে।...ওমা ও কি ও কি, বৌ যে পড়ে গেল গো! ওমা ই কী কাও!”

প্রবল একটা কোলাহল উঠল ঝাঁঝ হারিয়ে ফেলা সেই ছড়িয়ে পড়া নদীটুকু ঘিরে।

“ভিরমি লেগেছে...ভিরমি!...ভিরমি না ভিটকিলেমি...মস্ত বড় একটা অপকন্ম করে ফেলে এখন ধরা পড়ে—।”

নদীকে ঘিরে চেউ ওঠে অসংখ্য।

দীক্ষাশুক নিপাতে তিন দিন অশৌচ শাস্ত্রীয় বিধি।

বিষ্ণুরাম রামকালীর তথাকথিত মন্ত্রদীক্ষার গুরু ছিলেন না, আর রামকালীও ওই ধরনের শাস্ত্রীয় বিধি যে ঠিক অক্ষরে অক্ষরে পালন করেন তা নয়। তবু বিষ্ণুরামের মৃত্যুর পরের দিন রামকালী সমস্ত কাজকর্ম পূজাপাঠ পরিত্যাগ করে স্তব্ধ হয়ে বসে ছিলেন বারমহলে।

তিন দিন ঔষধরুপী নারায়ণে হস্তক্ষেপ করবেন না, শাস্ত্রপাঠ ইত্যাদি করবেন না, অন্নগ্রহণ করবেন না।

বিগত কয়েকদিন রোগীর বাড়িতেদিনে রাত্রে যমের সঙ্গে যুদ্ধ করে পরাজিত



হয়ে ফিরে এসেছেন। মুখে সেই পরাজয়ের কালি-মাখা ছাপ। চিন্তা করছেন এই অবস্থায় জামাতা-গৃহে যাওয়ার কোন অর্থ হয় না। কারণ চিকিৎসা করা থেকে যখন বিরত থাকতে হবে। ঔষধ এখন স্পর্শও করবেন না। মনে করছেন শাগামী পরন্তু স্নানস্ত্রিয় পর—

চিন্তায় বাধা পড়ল।

দেখলেন তাঁর পালকি ফিরছে। অর্থাৎ হয় রাস্তা, নয় রাস্তার খবর। রাস্তাকে বলে দিয়েছিলেন, সত্য উদ্ভিগ্ন হয়ে খবরটা দিয়েছে বটে, তবে যথার্থই রোগ কঠিন কিনা সেটা রাস্তা অসুধাবন করে শীঘ্রমধ্যে হয় নিজের ফিরে আসবে, নয় পালকি পাঠিয়ে দিয়ে ঘটনার গুরুত্ব জানিয়ে দেবে।

ঔষধ কল্পিত বন্ধে অপেক্ষা করেন রামকালী, পালকি শূন্য না পূর্ণ দেখা পর্যন্ত।

না, শূন্য নয়।

রাস্তা নামছে। যাক ঔষধ রক্ষা করেছেন। রাস্তা এসে নতমুখে প্রণাম করতে উত্তত হতেই রামকালী পিছিয়ে গিয়ে বলেন, “থাক থাক. এ সময় প্রণাম নিষেধ। কি রকম দেখলে?”

রাস্তা আস্তে আস্তে মাথা নেড়ে বলে, “ভাল নয়।”

ভাল নয়!

সহসা রামকালীর মনশব্দে একটা মূর্তি ভেসে ওঠে। নিরাভরণ স্তম্ভ মূর্তি। শিউরে ওঠেন রামকালী, নিস্তেজ স্বরে বলেন, “ঔষধটায় ফল হল না?”

“ঔষধ প্রয়োগ করা হয়নি—” রাস্তা জলদগন্তীর স্বরে বলে, “সত্য ফেরত দিয়েছে।”

“ফেরত দিয়েছে?”

সত্য রামকালীর ঔষধ ফেরত দিয়েছে! রাস্তা ওই দিশেহারী মুখের দিকে না তাকিয়েই হাতের পেটিকাটি আস্তে নামিয়ে রেখে বলে, “হ্যাঁ। আপনার পত্র নেয নি, পড়ে নি।”

রামকালী ব্যাকুলভাবে বলেন, “তোমার সঙ্গে দেখা করতে দেয় নি?”

“না না, তা দিয়েছে। সত্যও অসুস্থ ছিল। আমি গিয়েছি মাত্র, ঠিক সেই সময় হঠাৎ অর্চৈতন্য হয়ে পড়েছিল নাকি। পরে সুস্থ হয়ে আমার সঙ্গে দেখা করে বলল, বাবার যখন আসা সম্ভব হল না, চিঠি থাক বড়শা, ও

আর পড়ে কি করব। আর ওষুধও তুমি ফিরিয়ে নিয়ে যাও। আমার অদৃষ্টে যা আছে তাই হবে। যদি সতীমায়ের কন্ঠে চই, সেই পুণ্যই আমার শাখা লোহা বঙ্কর হ'বে থাকবে।”

জীবনে বোধ করি এই প্রথম রামকালী হতবাক হয়ে থাকিবে থাকেন, কথা খুঁজে পান না। এরপর কি আর ‘স্নান-শুদ্ধ’ হয়ে যাত্রা করবেন রামকালী, সত্যের কথা অবোধের কথা ভেবে?

তা সেই অবোধ সত্য তে; তাহলে একথাও বলে বসতে পারে, “আবার তুমি এলে কেন বাবা, তোমার ওষুধ যখন খাওয়াচ্ছি না।”

## ॥ ত্রিশ ॥

এ তল্লাটে এ ইতিহাস এই প্রথম।

সাধেব ডাক্তার ডাকার ইতিহাস।

ভবতোষ মাস্টার, নিতাইচরণ আর নীলাম্বর বাঁড়ুয়ের কুলমজানি পুত্রবৌ, এই তেরোম্পর্শের যোগে এ ইতিহাসের সৃষ্টি। খবর শুনে যে যেখানে ছিল সে সেখানেই দাঁড়িয়ে পড়ল, যে যে বয়সে ছিল সে সেই বয়সেই রয়ে গেল।

বাঁড়ুয়ের লক্ষীছাড়া রণচণী বৌয়ের গুণপনা জানতে কারও বাকী ছিল না, শুধু ভেবে পেত না বৌকে ওরা এখনো ঠাই কেন দিচ্ছে। গলাধাক্কা দিয়ে ভাড়িয়ে কেন দিচ্ছে না।

বলাবলি করেছে সবাই, ভেতরে কোনও রহস্য আছে...বাপের এক মেয়ে তো! আর বড়মাস্তুর বাপ! নির্ধাত বাপ কোন কভার করে বিয়ে দিয়েছে।... বৌকে বাপের বাড়ি খেদিয়ে দিলে বোধ করি সেই বামুন ‘বত্তি’র বিষয়সম্পত্তি-গুলো নবা পাবে না। তা নয় তো, সমস্তা সমাধানের সব চেয়ে সোজা উপায়টা ত্যাগ করে বাঁড়ু ঘোগিনী গালাগালি শূলোশূলি বুক-চাপড়াচাপড়ির ঘুরপথ ধরে মনের ঝাল মেটাষ কেন।

বৌ বিদেশ করে দেওয়ার নাটকটা বার বার ঠিক জমে ওঠার মুহূর্তেই ভেঙে গিয়ে গিয়ে ইদানীং সবাই হতাশ হয়ে গিয়েছিল। এবং নিত্য নতুন

একটা চেউয়ের যোগানদার হিসাবে সত্যকে বেশ এক রকমের পছন্দই করতে শুরু করেছিল।

আলোচনার একটা বড় খোরাক, আপন আপন ঘরের বৌ-ঝিকে হাশিকা দেবার সুবিধার্থে একটা কুদৃষ্টান্ত, এটাও একটা লাভের অঙ্ক বৈকি।

কিন্তু নবুর জরবিকারে পড়া অবধি, নবুর বৌয়ের সমালোচনার উপযুক্ত ভাষাও আর খুঁজে পাচ্ছিল না কেউ। বেদে পুরাণে, যাত্রা নাটকে এমন জাঁহাজ মেয়েমানুষ তো কেউ কখনো দেখে নি, শোনে নি।

কাজেই ভাষাও সৃষ্টি হয় নি ওর জন্তে।

তবু এত দূর বৃথি কেউ দুঃস্বপ্নেও কল্পনা করে নি। বৌ নাকি নবুর বন্ধু নিতাইয়ের সঙ্গে আড়ালে দেখাসাক্ষাৎ করে গলার দশভরির হারগাছা বিক্রী করিয়ে, ভবতোষ মাস্টারকে দিয়ে ব্যবস্থা করে কলকাতা থেকে সায়েব ডাক্তার আনিয়েছে!

আবার ভবতোষ মাস্টারের সঙ্গেও কথা করেছে!

সায়েব ডাক্তারের চিকিৎসাখ নবু বাঁচুক আর মরুক সেটা এখন চিন্তনীয় বিষয় নয়, চিন্তনীয় হচ্ছে—বাঁড়ুয্যে সম্পর্কে অতঃপর কিংকর্তব্য!

ব্যাপারটা তো আর এখন গিন্নীদের এলাকায় নিবন্ধ নেই, সমাজের মাথার মনি পুরুষদের মাথা টলিয়েছে। নবুর বৌ শাওড়ীর সঙ্গে গলা তুলে কৌদল করে, খস্তরের সামনে কথা করে বসে, অথবা দজ্জালজনোচিত আরও বহুবিধ অকাণ্ড করে, এ তাঁরা এতাবৎ গৃহিণী মারফৎ শুনে এনেছেন, কিন্তু তাতে বৌটা সম্পর্কে বিরক্ত হওয়া ছাড়া আর কিছু করার ছিল না।

কিন্তু এখন আর “মেয়েলী কাণ্ড” বলে উড়িয়ে দেওয়া চলে না। এখন জাত যাওয়ার প্রশ্ন উঠেছে। হতে পারে বাঁড়ুয্যে-কর্তা সমাজের মাথা, কিন্তু মাথা বলেই তো আর সবাইয়ের মাথা হাতে কাটবার আবদার চলে না?

‘বাগদিনী হোয়াচ’টা হাসাহাসির মধ্যে দিয়ে একরকম মেনে নেওয়া হয়েছে, আর ওটা এমন সৃষ্টিছাড়া নতুনও কিছু কথা নয়, কিন্তু ঘরে দোরে যদি শায়েব ঢোকে, ঘরের বৌ যদি পরপুরুষের সঙ্গে কথা কয়, সেটা মেনে নেবে সমাজ এত নখদস্তহীন হয়ে যায় নি!

চণ্ডীমণ্ডপে বৈঠক বসে, এবং পাঁচ মাথা এক হয়ে এই স্থিরীকৃত হয়,

প্রথমে নীলাধর বাঁড়ুঘ্যেকে চাপ দেওয়া হবে পুতুবোকে ত্যাগ করবার জ্ঞে তারপর যদি সে তাতে রাজী না হয়, বা না পেরে ওঠে, অবশ্যই পতিত করবে হবে নীলাধরকে ।

সমাজে বাস করা তো আর ছেলেখেলা নয় । ওই মুমূর্' রোগীটা সত্যি যদি সায়েব ডাক্তারের ঔষুধ খেয়ে বাঁচে, বাঁচতেও পারে, ওই লালমুখোদের ঔষুধে ভেলকি খেলে শোনা যায়, ঈশ্বর করুন বাঁচুকই, ওকে একটা অঙ্গ-প্রায়শ্চিত্ত করিয়ে মহাপ্রসাদ খাওয়াতেই হবে ।

আর ওই ভবতোষ মাস্টারটা !

ওটাকে জলাবিছুটি দিয়ে গ্রামের বার করে দেবার কথা, কিন্তু শয়তানটা ডাক্তারের সঙ্গেই গট্ গট্ করে গাড়িতে গিয়ে উঠে কলকাতায় লম্বা দিল ।

ঘোড়ার গাড়িতে চড়ে এসেছে ডাক্তারের সঙ্গে !

তা ওর আর বাস ওঠাবার প্রশ্ন কোথায়, নিজেই তো প্রায় বাস উঠিয়ে কলকাতায় গিয়ে বাসা বেঁধেছে । পিসিটা আছে, তাই কালেকশ্বিনে আসে ।

আসামী বলতে হাজির শুধু নিতাইটা ।

তা আপাতত ওকেও খুঁজে পাওয়া যাচ্ছে না । সায়েব ডাক্তাররূপী আশুনটি ল্যাজে বেঁধে এনে লঙ্কাকাণ্ড ঘটিয়ে সরে পড়েছে ।

এখন আশুনের কাজ আশুন করছে ।

আগে ঘুণাক্ষরে কেউ টের পায় নি ।

কোন ফাঁকে যে এসব যোগাযোগ করেছে সত্য, ঈশ্বর জানেন ! গ্রামে এত জোড়া চোখের ওপর দিয়ে ভালুমতীর খেল দেখিয়ে দিল !

লোকে দেখল গ্রামের পথে ঘোড়ার গাড়ি ।

নীলাধর দেখলেন সে গাড়ি তাঁর দরজায় থামল । আর তা থেকে নামল এক বাঘা সায়েব ।

বুকের রক্ত হিম হয়ে গেল নীলাধরের । সন্দেহ নেই এ গাড়ি কালেক্টরের বা ম্যাজিস্ট্রারের, নিশ্চয় কোন শত্রু নীলাধরের নামে কিছু লাগিয়ে-ভাঙিয়ে এসেছে, আর সেই বাবদ হাতকড়া এসেছে নীলাধরের অন্তে ।

কেন আসবে, কি সূত্রে আসা সম্ভব, এসব কথা ভাববার ক্ষমতা থাকে না নীলাম্বরের, খেয়াল থাকে না সঙ্গে সঙ্গে কে নামছে দেখবার! হাঁউ-মাউ করে গিয়ে প্রায় আছড়ে পড়েন তিনি সায়েবের সামনে।

ওদিকে পাড়ায় ঘরে ঘরে বেতার-বার্তা। নীলাম্বরের দরজায় ঘোড়ার গাড়ি থেকে সায়েব!

আইন-আদালত ছাড়া চট করে কারুর মগজে কিছু আসে না, এবং সকলে একবার করে জানলা একটু ফাঁক করে ঝাঞ্চে আর বলাবলি করতে থাকে, “একেই বলে বিপদ একা আসে না! ওদিকে ছেলে লুপছে, এদিকে এই কাণ্ড!”

নীলাম্বরের বাড়িতেও উঁকি-ঝুঁকি চলতে থাকে।

কিন্তু সহসা একজনের চোখে পড়ল সায়েবের গলায় নল ঝুলছে।

“ডাক্তার...ডাক্তারি নল ঝুলছে গলায়!” একটা চাপা উত্তেজনা ছড়িয়ে পড়ল চারদিকে।

ডাক্তার! সায়েব ডাক্তার এনেছে নবুর জন্তে! তলে তলে এই চালাকি খেলেছে নীলাম্বর, অথচ কারুর সঙ্গে কোন পরামর্শ নেই?

এ যেন প্রতিবেশীর গালে আচম্কা একটা থাপ্পড় বসিয়ে দেওয়া! আবার সায়েবের পায়ে ধরে কঁাদতে বসেছে!

হ্যাঁ, প্রায় পায়েই পড়েছিলেন নীলাম্বর, “ও সায়েব, আমি কিছু জানি না, আমি কোনও দোষে দুশী নয়। ঘরে আমার ছেলে মরছে—”

সায়েব যে ভারী গলায় আশ্বাস দিল, “ভয় না আছে। রোগী ভাল হইয়া যাবে—” তাও তাঁর কানে ঢুকল না।

কানে ঢুকল ভবতোষ মাস্টারের কথা।

“এ কী, এ রকম করছেন কেন? কলকাতা থেকে ডাক্তার এসেছেন, নবকুমারের চিকিৎসার জন্ত!”

নীলাম্বর তাকিয়ে দেখলেন।

নিতাইকেও দেখলেন।

মূর্ত্তে অল্পভব করলেন, কোথাও একটা কিছু ষড়যন্ত্র ঘটেছে। তার সঙ্গে সঙ্গেই সেই ষড়যন্ত্রের নারিকি হিসাবে সত্যর চেহারাটাই চোখের উপর ভেসে উঠল।

কিন্তু কি করে কী হল?

তা সে যাই করে হোক, এখন টু শব্দ চলবে না। বলির পাঠার মত কাঁপতে কাঁপতে ভবতোষ মাস্টারের সঙ্গে সঙ্গে নিজের ঘরে চোরের মত ঢুকলেন নীলাধর।

সত্য নিশ্চল প্রসন্ন-প্রতিমার মত দাঁড়িয়ে ছিল সেই রুগীর মাথার কাছে বাগানের দিকের জানলায়। কপাটটা এমন ভাবে আঁদ কবে রেখেছিল, যাতে সে নিজে ঘরের মাহুঘদের দেখতে পায়, ঘরের মাহুঘরা তাকে দেখতে পায় না।

ভবতোষ মাস্টারের সঙ্গে সঙ্গে যখন তার চাইতে প্রায় হাতখানেক লম্বা দশাসই গডন লাল টকটকে মাহুঘটা ঘরে ঢুকল, কেন কে জানে বুকটা কেঁপে উঠল সত্যবতীর। তার পর হঠাৎ দু চোখ ভর জল উপচে এল।

দৃশ্যতঃ হাতজোড় করল না, মনে মনে নম্র প্রণামে বলল, “বাবা, তোমার আশ্পদাওলা অব্যাহা মেয়েটাকে মাপ করো। দুয়ে থেকে আশীর্বাদ করো যেন তার হাতের নোয়া সিঁথের সিঁদুর বজায় থাকে।...বুঝেছি তোমার বুকে দাগা দিয়েছি, কিন্তু আমি তো তোমারই মেয়ে। তেজ বল, অহঙ্কার বল, তোমার স্বভাব থেকেই তোমার মেয়েতে বর্তেছে।”

তারপর মা’র মুখখানা মনে করতে চেষ্টা করল। বলল, “মা, তোমার নামে দিব্যি গেলে বাবার গুণ্ড ফেরত দিবেছি, তোমার নামে যেন কলঙ্ক না পড়ে।”

কালী দুর্গা চণ্ডী শিব, এত সব জানে না সত্য, জীবনের সাক্ষাৎ দেবতার কাছেই বার বার আশীর্বাদ প্রার্থনা করে।

সায়ের ডাক্তারের গুণ্ড ধ্বংসরী হোক !

আবার তার চির কৌতূহলী চিন্তা ওই ভয়ঙ্কর গম্ভীর মুহূর্তেও হঠাৎ অজ্ঞানতে কখন নেহাৎ ছেলেমাহুঘের মত কৌতূহলী হয়ে ওঠে। বিস্মিত পুলকে দৃষ্টি বিক্ষারিত করে দেখে ডাক্তার কিভাবে রোগীর বুক পিঠে নল বসালে, আর সেই নলের ছটো মুখ নিজের কানে ঢুকিয়ে গম্ভীর মুখে বসে আছে।

একটু পরে শুনতে পেল, ভারী ভারী একটা গলা উচ্চারণ করছে, “ভয় না আছে। ভাল হয়ে যাবে।”

শ্রদ্ধকে দেবতা ভাবলে কি পাশ হয় ?

তার পর রঙ্গমঞ্চের সমারোহ মিটল।

যারা ডাক্তারকে নিয়ে এসেছিল, তারা তার সঙ্গেই সরে পড়ল। আর উদ্বৃত্ত এজ্র হাতে নিয়ে দু-দুটো মানুষ নিশ্চেতনের মত নিষ্ক্রিয় হয়ে বসে রইলেন।

বাড়ুয়ে আর বাড়ুয়ে-গিন্নী।

মাটির পুতুলের মত বসে আছেন দুজনে। বুঝতে পারছেন না, এই অবস্থার ঠিক কোন্ পথে চলা বুদ্ধিমানের কাজ হবে।

না, বজ্র বোধ করি ঠুঁদের মাথায় পড়েছে।

নব্বুর কথা ভুলে গেছেন গুরা।

অপেক্ষাকৃত সচেতন ছিল সহু।

দে চলে যাবার আগে নিতাইকে হাতছানি দিয়ে ডেকে, ডাক্তার কি কি নির্দেশ দিয়ে গেল তা ভাল করে বুঝিয়ে দিয়ে যেতে বলেছিল। এবং সেই ফাঁকেই ঝপ করে বলে বসেছিল, “টাকা কে দিল রে? মাস্টার?”

নিতাই মাথা চুলকে বলে, “না, মানে ইয়ে—ব্যাপারটা কি জান সহুদি, বোঁঠান হঠাৎ সেদিন ঘাটের পথে ডেকে কেঁদে পড়ে—”

সহু খামিয়ে দেয়, ঈষৎ কঠিন স্বরে বলে, “বোঁ যার-তার কাছে কেঁদে পড়বার মেয়ে নয়। ভগিতা রেখে সত্যি কথাটা বল! ঝপ করে বল!”

নিতাই অতএব সত্যি কথাই বলে।

ঘাটের পথে নিতাইয়ের হাতে গলার হার খুলে দিয়ে বলেছে সত্য, আমার যেমন স্বামী, তোমারও তেমনি বন্ধু। সেই বুঝে কাজ করবে। কলকাতায় গিয়ে এই হার বিক্রি করে সায়েব ডাক্তার নিয়ে এস। ওপর হাতের তাগা-জোড়াটাও খুলে দিতে চাইছিল, নিতাই নিবৃত্ত করেছে।

রোগীর ঘরে কেউ নেই।

সত্য আস্তে আস্তে এসে বিছানায় কাছে দাঁড়িয়েছিল, সহু ঢুকতে এসে ফিরে গেল। মনে মনে বলল, “বাঁচে যদি তো তোর পুণোই বাঁচবে বোঁ! বেহুলা মরা স্বামী নিয়ে স্বর্গ পর্যন্ত ধাওয়া করেছিল, সাবিত্রী যমরাজের পেছনে ছুটেছিল। যুগে যুগে তারা সকলের পূজো পাচ্ছে।”

একটু পরে আবার যেতে গিয়ে শুনতে পেল বোঁ শাশুড়ীর কাছে এসে নরম গলায় বলছে, “সায়েব ডাক্তারের ওষুধ তো তোমরা সর্বদা ছুঁতে পারবে না, রোগীর ভারটাই বরং আমাকে দিয়ে ঝাঝঝাঝটা তুমি—”

এলোকেশী নড়েচড়ে শুকনো গলায় বলে ওঠেন, “তা এখন তুমি যা বলবে তাই শিরোধার্য করতে হবে। মহারাণী ভিক্টোরিয়ার নিচেই তুমি! তা রান্নাঘরের ভার না হয় বাদী নিল, তোমার ছেলের ভার কে নেবে?”

সত্য আরও নম্র গলায় বলে, “ঠাকুরঝির কাছেই তো বেশী থাকে ওরা।”

“থাকে বলে গলায় চাপাতে হবে?”

জগতে সবই সম্ভব। সতুর দিকে টেনেও কথা বলেন এলোকেশী! সত্বে পরবর্তী কথা শোনার জন্তে চুপ করে দাঁড়িয়ে থাকে। আবার শুনতে পায় বোয়ের আরও নরম গলা, “ঠাকুরঝি তো ওদের প্রাণতুল্য দেখেন। গলায় চাপা ভাববেন কেন মা?”

কিন্তু সত্যর এই নরম গলাটা কেন সত্বে চোখে জল এনে দেয়! কেন যেন মনে হয় সত্যর গলায় এই নরম স্বর একেবারে মানাশ না। ওর সেই জোরালো গলাটাই ভাল। অনেক ভাল।

## ॥ একত্রিশ ॥

সায়ের ডাক্তারের হাতযশে, কি সত্যর শাঁখা-লোহার পুণ্যে, অথবা নবকুমারের নিজেরই পরমায়ুর জোরে বেঁচে গিয়েছিল নবকুমার। কিন্তু ভিতরে ভিতরে কেন কে জানে সত্যকে সে নিজের জীবনদাত্রী বলেই ভাবতে অভ্যস্ত হয়ে গিয়েছে সেই থেকে।

অতএব সে জীবনটা নিয়ে সত্য যা করতে পারে করুক। যে দেশে অসুখ করলেই সায়ের ডাক্তার পাওয়া যায়, যত্নভয় বলে বিভীষিকাটাই থাকে না, সত্য যদি নবকুমারকে সেই দেশে নিয়ে গিয়ে প্রতিষ্ঠিত করতে চায়, সেই চাওয়াটাকে আর হাত্যকর অবাস্তব বলে উড়িয়ে দেয় না নবকুমার।

কাজেই সত্যর কাজ কিছুটা সহজে হয়ে এসেছে। হয়তো এই জগতে লোকে বলে থাকে ‘ভগবান যা করেন মঙ্গলের জন্তে’। নবকুমারের এই মারাত্মক রোগটাও শেষ অবধি সত্যর জীবনে, অন্ততঃ সত্যর মতে, পরম



যঙ্গল ডেকে এনেছে। ছেলেদের ‘মানুষ’ করতে চাষ সত্য, মানুষের মত মানুষ। আর সে মানুষ হতে তলে জগৎটাকে দেখতে হয়।

অবশ্য তার পরও কি আর কাঠখড় পোড়াতে হয় নি? অনেক হয়েছে। অবশেষে আস্তে আস্তে মেঘ কেটে সূর্যকিরণের আভাস দেখা যাচ্ছে।

ভবতোষ মাগটারের চেষ্টায় নিতাই আর নবকুমারের এক-একটা চাকরি যোগাড় হয়েছে কলকাতায়। নিতাইয়ের রেলি ব্রাদার্সে, নবকুমারের সরকারী দপ্তরে।

অতএব ওদের এখন এক পা রথে এক পা পথে। নবকুমার অবশ্য মাথাপের কাছে নিজে প্রস্তাব বরে নি, করতে পারে নি, সত্যবেই বলতে হয়েছে। ‘বে কথা বন্ধ করেছেন তাঁরা ছেলে নৌ দুজনের সঙ্গে।

এলোকেশী আজকাল খাওয়া শোওয়া ব্যতীত বাড়িতে থাকেন না বললেই হয়। আর নীলাম্বর সন্ধ্যার দিকে হরিসভায় যেতে শুরু করেছেন।

কিছুদিন আগে পর্যন্ত সত্ সত্যর উপব একটু খাপ্পা ছিল। কিন্তু সত্যর সাযেব ডাক্তার ডাকা-রূপ অসাধ্য সাধনের পর থেকে সত্ও যেন কেমন মহিমান্বিত!

মাঝে মাঝে নিজের জীবনের খাতাটাও বুঝি উঠে দেখতে শুরু করেছে আজকাল সত্। সত্ যদি ওই রকম নির্ভীক হতে পারত! পারলে হয়তো সত্ জীবনটা এমন বরবাদ হতে যেত না। হয়তো বিপথগামী স্বামীকে সুপথে টেনে এনে স্থখে সংসার করতে পারত। কিন্তু সত্যর মত বলার শক্তি সত্ নেই। সত্যর মত বলতে জানে না সত্, ‘মনে-জ্ঞানে যে কাজে দোষ দেখব না, পাপ দেখব না, সে কাজে নিন্দের ভয় করব কেন? নিন্দে স্তখ্যাতির ভয়ে হাত-পা গুটিয়ে বসে থাকটাও তো এক রকম স্বার্থপরতা। কিসে লোকে আমায় নিন্দে করবে, আর কিসে আমার স্তখ্যাতি করবে এই চিন্তায় যদি স্বামী-পুত্রের ভালটি পর্যন্ত না দেখি সেটা তো ঘোর স্বার্থপর কাজ।’

সত্ উঠে পড়ে লেগে স্বামীকে শোধরাতে পারত, তা পারে নি সত্, ভয় খেয়েছে। সত্ মামার বাড়িতে এসে অকারণ মামা-মামীকে বাঘের মত ভয় করে মরেছে। ছায়-অজ্ঞায় কথাটি কখনো বলতে পারে নি। সত্ ভীতু।

সত্য সাহসী ।

তাই সত্য আজ ভোবার বোলা জল থেকে মুক্ত হয়ে সাগরে তরী ভাসাতে গেল ।

পাড়াপড়শীর ঘরে সত্যর বয়সী যেসব বৌ ঝি আছে, তাদের মধ্যেও সত্য একটা আলোড়ন এনেছে বৈকি । তাদের দিনরাত্রির চিন্তার অনেকখানি দখল করে রেখেছে সত্য ।

কী আশ্চর্য !

কী বিস্ময় !

কী অলৌকিক !

ঠিক তাদেরই মত একটা মেয়েমাহুস স্বামীপুত্র নিয়ে কলকাতার ‘বাসা’য় যাচ্ছে ! আর কিসের কবল থেকে ? না এলোকেশীর মত ভয়ঙ্করীর কবল থেকে । ওদের স্বামীরা এখন কিছুদিন যাবৎ দাম্পত্যস্বথের মাধুর্য থেকে বঞ্চিত । কারণ সেই নিভৃত নির্জনে তাদের স্ত্রীরা এখন অনবরত নবকুমারের সাহস ও প্রেমের দৃষ্টান্ত দেখাচ্ছে ।

হতভাগ্য স্বামীরা নবকুমারকে ‘স্নেহ’, ‘মেয়েমাহুসের বশ’ ইত্যাদি বিশেষণে ভূষিত করেও বিশেষ স্তুতি করতে পারছে না ।

তবে বৌগুলোর অসুবিধে এই—সত্যর সঙ্গে একবার নির্জনে দেখা করে স্বামীদের স্নেহ করে তোলাবার মস্তুরটা শিখে নেবে এ উপায় নেই । বাঁড়ুয়ে-গিন্নীর বৌয়ের সঙ্গে মেশার ব্যাপারে তাদের প্রতি কড়া নিষেধ আছে, আর ‘ঘাটে’ আসার সময় শান্তুড়ী পিসশান্তুড়ী কি বড় ননদ, নিদেনপক্ষে একটা পুঁচকে ননদও পাহারাদার থাকে ।

অতএব মস্তুর শেখা হয় না ।

অবশ্য ওপরওলাদের স্তনিয়ে তারা সত্যকে ছিছিকার দেয় । যে মেয়েমাহুস বুড়ো খন্তুর-শান্তুড়ীর সেবারূপ মহৎ কর্ণে জলাঞ্জলি দিয়ে ছেলেদের ‘ভাল ইস্কুলে পড়াব’ ছুতো করে ‘বাসা’য় যায়, সে মেয়েমাহুসকে শত ধিক দেবে না আর মেয়েমাহুসরা ?

কিন্তু দিক ।

সত্যর কানে এসব আসেও না ।

এলেও সত্যর ‘কানের ভিতর দিয়া মরমে’ পশে না । সে তখন শুধু যাবার প্রস্তুতিসাধনে বৃত্তবতী ।

এই সময় কথাটা একদিন পাড়ল সত্য।

হাতো সেটাকেও ওই প্রস্তুতি হিসেবেই ধরেছে সে। অথবা এক অনিশ্চিতের পথে পা বাড়ানোর আগে জন্মের শোধ জন্মভূমিকে দেখবার বাসনা 'গাকে প্রবলভাবে পেয়ে বসে। কারণটা যাই হোক, কথাটা পাড়ে সত্য, "যাবার আগে একবার গুণানে ঘুরে আসব।"

'ঘুরে আসতে ইচ্ছে করছে' অথবা 'ঘুরে আসলে ভাল হয়' কি 'ঘুরে গাশা কর্তব্য,' এসব ভাষার ধার দিয়ে যায় নি সত্য।

'ঘুরে আসব!'

তার মানে ব্যাপারটা স্থির সিদ্ধান্তের কোঠায়। এখন ব্রহ্মার ব্যাটা বিষু এলেও সে সিদ্ধান্তের রদ হবে এ আশা নেই কারো।

এলোকেশী বিরস মুখে বলেন, "যাবে ভাল কথা। তা আমাকে বলতে এলে কেন? শুধোচ্ছ? নাকি অল্পমতি নিচ্ছ?"

হ্যাঁ, কথা আবার কইছেন এলোকেশী বোয়ের সঙ্গে। তার কারণ কৃপা কণ্ঠ্যই তাঁর রোগ। মুখ বুজে হৃদয় থাকা তাঁর কোষ্ঠীতে নেই। 'কথা বন্ধ করব' ভেবেও করে ফেলেন।

সত্য তার বড় বড় চোখ দুটো একবার তুলে তাকিয়ে দেখে বলে, "নাঃ, সে মিথ্যে রঙ্গর দরকার দেখি না। যাব যখন মনস্থ করেছি, যাওয়ার ব্যবস্থাই করতে হবে। জানানটা দিলাম, ঠাকুরকে বলবেন পঞ্জিকাটা একবার দেখে দিতে।"

এলোকেশী স্ব-স্বভাবে এসে পড়েন।

.. ভেঙিয়ে উঠে বলেন, "বাপ উদ্দিশ করে না। বাপের বাড়ি যাবে কোন্ সুবাদে?"

"বাপকে একবার পেন্নাম করতেই যাব।" সত্য আকাশের দিকে তাকিয়ে উদাস মুখে বলে, "মা-বাপেরই কর্তব্য আছে, সন্তানের নেই?"

"তা বেশ, কোর্তব্য করো। যেও বাপকে পেন্নাম করতে। আমার ছেলে বিনি "আভ্যানে" যাবে না তা বলে রাখছি।"

সত্য উঠে দাঁড়িয়ে বলে, "এমন এক-একটা অনাছিষ্টি কথা বল তুমি! তোমার ছেলেকে তুমি আটকাবে তো আমি এতখানি রাস্তা যাব কি পাড়ার লোকের সঙ্গে?"

"তোমার আবার সঙ্গ!"

এলোকেশী পিচ করে একটা পিচ ফেললেন। “ডাকাতে তোমায় দেখে ভয় পাবে মা!”

“পেলেই মঙ্গল।” সত্যও কথার ইতি টানে, “তবু লোকসাক্ষী একটা বেটাছেলে সঙ্গে থাকা ভাল। আর বাবাকে পেন্নাম করা তো বাবার জামাইয়েরও কাজ।”

“ইল্লিমারি টুস্কি! আরও কত শুনব! বলে, স্বাখালি কত খেলাই দেখালি! শগুর আবার কবে কার গুরুঠাকুর হল, তা তো জানি না।”

“মেয়েমানুষের যদি এত হয় তো বেটাছেলের একেবারেই বা হবে না কেন, তাও তো জানি নে মা। মা-বাপ উভয় পক্ষেই গুরুজন।” বলে এবার উঠেই যায় সত্য।

জানত এই রকমই হবে।

তাই আর অল্পমতি চাওয়ার প্রহসনটা করতে চেষ্টা করে নি।

প্রবলের জয় অবশ্যস্তাবী।

পঞ্জিকা দেখে যাত্রার দিন দেখাও হয়, এবং শুভ মুহূর্ত অনুযায়ী “যাত্রা” করে স্বামী-পুত্রকে নিয়ে পালকিতে গিয়ে ওঠেও সত্য। বিশেষ কোনও বাধা আর আসে না। হালই ছেড়ে দিয়েছে তারা।

পালকি সত্যর শগুরবাড়ির গ্রাম ছাড়ায়, পালকির দরজা সরিয়ে মুখ বাড়ায় সত্য।

নবকুমার বলে, “ঘোমটা খুলে মুখ বাড়ান্ন কেন? কে কোথায় দেখে ফেলবে!”

সত্য পুলক-কম্পিত স্বরে বলে, “দেখলেই বা! আর তো এখন আমি শগুরবাড়ির বৌ নয়!”

“বলি মেয়েছেলে তো বটে?”

“বলছি কি তা নয়? তবে মুখে তো লেখা নেই বৌ কি ঝি? দেখো না ওখানে গিয়ে কিরকম গাছকোমর বেঁধে দস্তিবিস্তি করে বেড়াই!”

বড় ছেলে ‘তুড়ু’র এসব আলোচনা হৃদয়ঙ্গম হবার বয়স হয়েছে। সে সহসা বলে ওঠে, “ব্যাঃ! তুই আবার গাছকোমর বাঁধবি কি?”

“আবার তুই!” সত্য ভীত ভংসনায় বলে ওঠে, “কত দিন বলেছি মাকে তুই বলতে নেই। তুমি বলতে হয়। তবু—”

সহসা কথার মাঝখানে হেসে ওঠে নবকুমার, “হয়েছে। খুব শাসন হয়েছে। বড় একটা মানুষ ও, তাই স্বশিক্ষে দেওয়া হচ্ছে। আমি তো বুড়ো বয়স অবধি মাকে তুই বলেছি।”

সত্যর মুখ কঠিন হয়ে ওঠে। বলে, “তুমি যা যা করেছিলে বুড়ো বয়স অবধি, তার দৃষ্টান্ত তুমি অল্প সময় ছেলের কানে ঢেলো। আমি যখন একটা শিক্ষাদীক্ষা দিতে আসব, তখন তার ওপর ঝাঁপিয়ে পড়ে বাগড়া দিতে এসো না।”

“বাবাঃ! কী হল? কিসে যে কি হয় তোমার বোঝা দায়!”

নবকুমার বোঝে একটু বেকায়দা হয়ে গেছে। ক্ষণপূর্বের সেই পুলকোচ্ছল লাবণ্যময়ী মূর্তি অন্তর্হিত হয়ে গেল ওই কাঠিন্যের আড়ালে। তাই আপসের স্বর ধরে সে। সত্যি সত্যবতীর ওই চাপলা, ওই লাবণ্য, ওই আহ্লাদে আলো হয়ে ওঠা মুখ কী অপূর্ব! কিন্তু বড় ক্ষণস্থায়ী। মুহূর্তে মেঘে ঢাকা পড়ে যায়।

আর যায় নবকুমারেরই বোকামিতে। অথচ নবকুমার কিছুতেই বুঝতে পারে না কিসে কি হয়ে যায়, কিসে কি হয়ে যেতে পারে।

সত্যবতীর নাগাল কোনদিনই কি পাবে সে?

কিন্তু সত্যর মুখের মেঘ কাটাতে পেরেছে নবকুমারের আশ্রয়।

তুড়ু ইত্যবসরে মায়ের কোল ঘেঁষে বসে বলছে, “মামার বাড়ি গিয়ে ভাল ছেলে হতে হয়, না মা? না না, সব বাড়িতেই ভাল ছেলে হতে হয়। শুধু মামার বাড়ি গিয়ে আরো বেশী বেশী ভাল হতে হয়। তা আমি তো সেসব জানিই, কিন্তু ওই খোকা বোকাটা? কিছু জানে না, মামার বাড়ি গিয়ে শুধু অ্যা-অ্যা করে কাঁদবে।”

ছেলের ওই অ্যা-অ্যা ভঙ্গীতে হেসে ফেলেছে সত্য।

না, অন্তত এই পঞ্চটুকুতে তেমন ভয় নেই নবকুমারের। মেঘ স্থায়ী হবে না। বৃষ্টি গতির মধ্যেই আছে এক অপূর্ব পুলকের স্বাদ। তাই মুহূর্তে মুহূর্তে কিশোরীর মত উচ্ছ্বসিত হয়ে উঠছে সত্য।

“ওগো দেখ দেখ, ওই মাঠে কী কালো গরুটা! ঠিক যেন গয়র পাখর-বাটি।...তুড়ু দেখ্ দেখ্, ওই পুকুরটায় কত পদ্ম ফুটেছে! ছোটবেলায় আমরা ওই পদ্ম গাদা গাদা তুলতাম।...মামার বাড়ি চল, দেখাব তোকে সেই পুকুর।

...আচ্ছা হ্যাঁগো, ওই গাছটা কি বল তো? ঠিক ধরতে পারছি না। পাতা-গুলো বেশ কেমন নতুন ধরনের।...ওমা ওমা, কী চমৎকার বুনো ফুল বুনো ফুল গন্ধ এল! ঠিক আমাদের ওখানের মতন!”

নিজের খুশিতে নিজের সঙ্গেই কথা বলে চলেছে সত্য, স্বামী-পুত্র উপলক্ষ মাত্র।

নবকুমার হাঁ করে চেয়ে থাকে সেই মুখের দিকে।

এতদিন ঘর করছে, দু-দুটো ছেলের বাপ হল, এমন প্রকাশ্য দিনের আলোয় এত স্পষ্ট করে কবে এমনভাবে তাকিয়ে থাকতে পেরেছে তার লাভণ্যময়ী স্ত্রীর মুখের দিকে!

“বাসা”য় যাওয়ার ভয়টা একটু কমে এসেছে, এখন বরং একটু একটু রোমাঞ্চময় উন্মাদনা। সেখানে গুরুজনের রক্তচক্ষুর ভয় নেই, নেই পাড়াপড়শীর গুরুভয়।

শুধু নবকুমার আর সত্য!

চাকরির ভয়টা খুব জোর আছে। তবে ভবতোষ মংসীর প্রচুর ভরসা দিখেছেন। বলেছেন, নবকুমার যা ইংরিজি জানে, তার সিকি ইংরিজি শিখেও সাহেবের অফিসে কাজ করছে কত লোক। নবকুমার ঢুকতে না ঢুকতে ‘সাহেবের’ নেকনজরে পড়ে যাবে নির্ঘাত। আরো বলেছেন, গ্রামে পড়ে থেকে জমিজমার উপস্থানে জীবন কাটানোর ইচ্ছেটা এয়ুগে অচল ইচ্ছে।

কলকাতায় গিয়ে দুটো কামিজ করাতে হবে, আর একজোড়া সূ-জুতো। এ নইলে তো আর অফিসে যাওয়া যাবে না।

ভবতোষ তাদের জন্মে একটা বাসাও ঠিক করে রেখেছেন নাকি! নিজে তিনি মেসে থাকেন, কিন্তু নবকুমারের তো তা চলবে না। সে যখন ‘ফ্যামিলি’ নিয়ে যাচ্ছে। নিতাইটার মন্দ কপাল। ওর বৌকে বাসায় আনতে পারবে না। নিতাইয়ের মামা বলেছেন, বৌ কলকাতার বাসায় গেলে তার হাতে আর তাঁদের খাওয়া চলবে না।

এত বড় শাস্তির ভয় তুচ্ছ করে বরের সঙ্গে বাসায় যাবে এত সাহস নাকি নিতাইয়ের বৌয়ের নেই।

অতএব নিতাইকেও নবকুমারের হাঁড়িতে জায়গা দিতে হবে। বৌটাকে যদি আনতে পারত নিতাই! বেশ দুটো বোঁতে থাকত একসঙ্গে। হোক

বামুন-কাথেত, কেউ কারুর ভাতের হাঁড়ি নাড়তে না যাক, দুজনে একত্রে বসা, গল্প করা, চুল বীধা, পান সাজা, এসব তো করতে পারত।

তা হবার জো নেই।

বেচারী নিতাইটাকে তাদেরই একটু যত্ন-আত্তি করতে হবে।

ভবতোষ বলেছেন খুব খাসা বাড়ি। তিন-চারখানা ঘর, মস্ত দরদালান। রান্নাঘর, ভাঁড়ারঘর, উঠোন, কুণ্ডোতলা। জলের কলও নাকি আছে। বাড়ির ভেতরে নয়, দরজার কাছে। থাক। তার জল খেয়ে জাতজন্ম না খোয়ানোই ভাল। কুয়োর জল যখন আছে।

সে যা হয় হবে।

প্রধান কথা ভাড়া। বড়ই গায়ে লাগবে। বাপের কাছে থেকে তো আর টাকা চাইতে যাবে না নবকুমার!

কিন্তু ভবতোষ বলেছেন, কলকাতায় ও-রকম বাড়ি দশ টাকাতেও সহজে মেলে না, নেহাত বাড়িটা ভবতোষের এক বন্ধুর বাড়ি বলেই ঝাট টাকার পাওয়া যাচ্ছে।

হোক।

নবকুমার তো তেমনি মাইনেও পাচ্ছে আটান্ন টাকা! এত বড় মোটা মাইনের চাকরের পক্ষে ওতে কাতর হওয়া ঠিক নয়।

যাক তাই হোক।

তা বলে নিতাইয়ের প্রস্তাব সে নেবে না। নিতাই বলেছে, ভাড়ার ভাগ দেবে। না, ছিঃ! নবকুমারের এত বন্ধু নিতাই, তাই কখনো নেওয়া যায়?

কিন্তু কে জানে সেখানে সত্যর মেজাজ কেমন থাকবে! এখানে তো ক্ষণে কষ্টে ক্ষণে তুষ্টি, সেখানে যতই হোক নিতাই একটা পর ছেলে! সত্য যদি তার সামনে মেজাজ দেখায়!

নাঃ, তা বোধ হয় করবে না।

সেদিকে সভ্য আছে।

এখন কবে সেই দিনটি আসে! যবে সেই অজানা অচেনা দরদালানে বসে দুই বন্ধু অফিসের 'ভাত' খাবে! আর সত্য এলোচুল হুলিয়ে কোমরে কাপড় জড়িয়ে ছুটোছুটি করে রান্না করবে! পরিবেশন করবে!

এই সমস্তই সম্ভব হবে সত্যর শক্তিতে।

বিগলিত প্রেমে সত্যর দিকে তাকিয়ে দেখে নবকুমার ।

কিন্তু সত্যর তখন দৃষ্টি লক্ষ্যভেদী, নাসারক্ত স্ফীত, সমস্ত চেতনা একাগ্র ।  
সহসা টেঁচিয়ে ওঠে সে, “ওই তো, ওই তো, অটা-দাদাদের বাড়ির চিলেকোঠা,  
ওই গাঙ্গুলী-কাকাদের উঠানে বাজপড়া নারকোল গাছটা—ও বেহারারা,  
ডান দিকে ডান দিকে—”

পথ দেখিয়ে দেওয়ার ভার সে নিজে নিয়েছে ।

পালকি নামাতেই একটা বিরাট চাঞ্চল্যের ঢেউ উঠেছিল, তার পর জানা  
হতেই আকাশ থেকে পড়ল সবাই । না বলা না কওয়া এমন করে মেয়ে কেন  
উপস্থিত ? এমন তো হবার কথা নয় !

কি মূর্তি নিয়ে নামছে ?

কে ফেলে দিয়ে যেতে এসেছে ?

ওগো না গো না !

ষট্‌ঋষ্ময়ী রাজরাণীর বেশে এসেছে সে কার্তিক-গণেশের হাত ধরে,  
ভোলানাথকে সঙ্গে করে !

মন কেমন করছিল তাই দেখতে এসেছে বাপকে, বাপের বাড়ির সবাইকে ।  
এসেছে জন্মভূমিকে দেখতে ।

বারবাড়ির কলরোল মিটিয়ে অন্ধরমহলের দিকে এগোল সত্য, চারিদিকে  
বিলাস্ত দৃষ্টি মেলে ।

আর যেই ভেত্তর-বাড়ির উঠানে পা কেলল, তুমুল একটা কান্নার রোল  
উঠল ।

বিলাপধ্বনি মিশ্রিত রোল ।

আলাদা করে বোঝবার উপায় নেই গলা কার । একতান বাদন । বাড়ির  
সকলের সঙ্গে পাড়ার মহিলারাও যোগ দিয়েছেন অনেকে ।

কিন্তু নতুন কার জন্তে বিলাপ ? ভুবনেশ্বরীর ঘটনা তো অনেক দিনের  
হয়ে গেছে ।

না, বিশেষ কারও জন্তে বিলাপ নয়, আর সচ শোকের কাতরতাও নয় ।  
খানিকটা সত্যর আবির্ভাবে আনন্দাশ্রু, আর বাকীটা সত্যর এই দীর্ঘ  
অনুপস্থিতিকালের মধ্যে সংসারে যা যা শোকাবহ ঘটনা ঘটেছে, তারই  
ফিরিস্তি জানিয়ে নতুন করে বিলাপ-ক্রন্দন ।



এই ক্রন্দনরোলের মাঝখানে দিশেহারা সত্য ছেলে দুটোর হাত ধরে উঠানের একধারেই দাঁড়িয়ে থাকে, আর বারবাড়িতে নবকুমার উদ্ভাস্ত দৃষ্টি মেলে উৎকর্ণ হয়ে বসে থাকে। সামনে খুন্সর বসে, কিন্তু তাঁকে প্রব্ধ করবে এত বৃকের পাটা নবকুমারের নেই। সেই যে প্রণাম করে ঘাড় হেঁট করে বসেছে, বসেই আছে।

তা ছাড়া তিনি ভো—দেখা যাচ্ছে নিবিষ্কার। বাড়ির মধ্যে এত বড় ক্রন্দনরোল যখন গুঁকে তিলমাত্র বিচলিত করতে পারছে না, তখন ব্যাপারটার গুরুত্ব নেই বলেই মনে হচ্ছে।

নবকুমারও পাড়াগাঁয়েই ছেলে। মেয়ে খুন্সরবাড়ির থেকে এলে কারাকারি ঘটনা তার একেবারে অজানা নয়, তাই ক্রমশঃ সে নিশ্চিত হয়, আর রোলটাও খাল্লে আলে ফিকে হযে আসে।

ঈশং নড়েচড়ে রামকালীই কথা বলেন।

“কখন বেরিয়েছ?”

“আজ্ঞে—!”

নবকুমার চমকে তাকায।

রামকালী তাকিয়ে দেখেন। একটি স্বাস্থ্যবান সুকান্তি পুরুষের দেহে এখনো যেন একখানা লাজুক কিশোরের মুখ। স্বন্দর সুকুমার, কিন্তু বুদ্ধির ছাপ খুঁজে পাওয়া যায় না। মনে মনে মুহু আক্ষেপের হাসি হাসেন। একে স্নেহ করা যায়, ভরসা করা যায় না। হয়তো এই জন্তেই ভগবান সত্যকে অমন দৃঢ় মজবুত করে গড়েছেন, ও লতার মত আশ্রয় চাইবে না, বনস্পতির মত আশ্রয় দেবে।

একটা নিঃখাস পড়ল।

মনে করলেন সত্যর কপালে চির হুঃখ। রামকালীর মেয়ে রামকালীর ললাটলিপিই পেয়েছে। কত হুঃখী রামকালী! কত সুখী ছিল ভুবনেশ্বরী!

আগে স্বপ্নেও কল্পনা করেন নি রামকালী এমন করে কখনো ভাববেন। নিজেই কখনো হুঃখীর কোটায় ফেলবেন।

নবকুমারের ওই তটস্থ স্বরের “আজ্ঞে” শুনে রামকালী মুহু হেসে আর একবার বললেন, “কতক্ষণ বেরিয়েছ?”

“আজ্ঞে, সেই প্রাতঃকালে দুটো ফেনাভাত খেয়েই—”

কথাটা বলেই বোধ করি নিজের বেকুবিটা বুঝতে পারে নবকুমার, 'প্রাতঃকাল'কে আরও মোক্ষম করে বোঝাবার জগ্রে ওই ফেনাভাতের প্রসঙ্গটা না স্থানলেই হত। প্রাতঃকালই যথেষ্ট ছিল। কিন্তু মুখের কথা হাতের টিল!

রামকালী ব্যস্ত হয়ে বলেন, "সে কি! এতটা সময় লেগেছে? তা হলে তো—না না, আর বসে থাকি নয়। শীঘ্র হাতমুখ ধুয়ে—"

নবকুমার এবার কিঞ্চিৎ স্পষ্ট গলায় বলে, "না না, ব্যস্ত হবেন না। পথে পালকি নামিয়ে আহার হয়েছে। সঙ্গে জলপান ছিল।"

"তা হোক। বেলা পড়ে এসেছে। ওরে কে আছিল?"

একসঙ্গে অনেকগুলো নানা বয়সের ছেলে এসে দাঁড়ায়। অর্থাৎ এরা আশেপাশে উকিনুঁকি মারছিল, শুধু সামনে আসতে ভরসা পাচ্ছিল না।

রামকালী বলেন, "অন্দরে গিয়ে বল গে, বাবাজীর হাতমুখ ধোয়ার ব্যবস্থা করতে।"

'হাতমুখ ধোয়াটা' একটা সাঙ্কেতিক শব্দ। মূল অর্থ জলখাবারের ব্যবস্থা করা। ওরা দু-একজন ব্যস্ত হয়ে চলে যায়, দু-একজন দাঁড়িয়ে থাকে। আর কে একজন খপ করে বলে বসে, "জামাইবাবুর কী মজা! কেমন কলকাতার বাসায় গিয়ে থাকবে!"

রামকালী ঈষৎ চমকে ওঠেন।

ভাবেন, এটা আবার কি কথা!

সত্য তো ঘোমটা ঢাকা অবস্থায় একটা প্রণাম করেই ভেতর চলে গেছে, নবকুমারের সামনে বাপের সঙ্গে কথা বলে নি, তা ছাড়া ছিল পাড়াপড়শীর হুল্লোড়।

নবকুমার মেয়েদের মত লজ্জার ভান করে বসে আছে। রামকালী ঈষৎ কৌতুকের স্বরে বলেন, "কলকাতার বাসার কথা কি বলছে?"

প্রশ্নটা নবকুমারকে।

নবকুমার উত্তর না দিয়ে পারে না। তাই আন্তে আন্তে বলে, "হ্যাঁ, সেই রকমই স্থির হয়েছে।"

"তুনে স্বামী হচ্ছি। এখন কলকাতার উন্নতির নানাবিধ পন্থা হয়েছে। কোনও কর্মের চেষ্টা হয়েছে নাকি?"

"আজ্ঞে হ্যাঁ। মাস্টার মশাই একটা চাকরির ব্যবস্থা করে দিয়েছেন।"

রামকালীর জামাতা। তাই কর্তব্যবোধেই প্রশ্ন করেন রামকালী,  
“কোথায় ?”

“ইয়ে, আ-মাজে সরকারী দপ্তরে।”

“স্বথের কথা। তা কোথায় থাকবার ঠিক করেছ ? মেসে ?”

“আজে না। বাসায়। মাস্টার মশাই বাসাও ঠিক করে দিয়েছেন।”

রামকালী অবশ্য বেতন কত তা জিজ্ঞেস করেন না, শুধু সামান্য চিন্তিত  
স্বরে বলেন, “তা হলে তো পাচকের ব্যবস্থা করতে হবে। একা বাসা  
নিয়ে—”

নবকুমার আর বেশীকণ লজ্জা বজায় রাখতে পারে না, পুলক গোপনের  
উচ্ছ্বাসিত আভা মুখে মেখে বলে ওঠে, “পাচকের দরকার হবে না। তুডু-  
খোকার মা, ইয়ে, আপনার মেয়েই তো যাচ্ছে !”

“আমার মেয়ে ! সত্য ! সত্য কলকাতার বাসায় যাচ্ছে !”

নবকুমার ধতমত খেয়ে চুপ করে যায়। বুঝতে পারে না রামকালীর এই  
স্বরটা ঠিক কোন্ ভাবব্যঞ্জক। একটু যেন বিচলিত মনে হল না ?

ই্যা, কিঞ্চিত বিচলিত হয়েছেন রামকালী।

অনেকদিন আগের একদিনের কথা মনে পড়ে গেছে।

বালিকামূর্তি নিয়ে সত্য ভেসে উঠেছে চোখের সামনে। আর তার সামনে  
ভেসে উঠেছে আর একখানা ভয়ব্যাকুল মুখ। সেই মুখের সামনে আজুল তুলে  
বলে সত্য, “তোমার যে এত ভয় কিসের মা ! এই তুমি দেশে নিও,  
কলকাতায় আমি যাব, যাব, যাব !”

সত্য তার প্রতিজ্ঞা রাখছে, কিন্তু তা দেশে গর্বে আনন্দে বিশ্বয়ে পুলকে কে  
মুগ্ধ হবে ?

নিঃশ্বাস গোপন করে বললেন, “সাহস করতে পারছ স্বথের বিষয়। তা  
তোমার মাতাপিতার ব্যবস্থা ?”

“দিদি আছে। পড়শীরা আছে।”

“হু ! তা গুরা আপত্তি করলেন না ?”

এবার আর নিজেকে সংবরণ করা দুঃসাধ্য হয়ে ওঠে নবকুমারের। প্রায়  
একগাল হেসে কেলে বলে, “আপত্তি কি আর তাঁরা না করেছেন ! কিন্তু  
আপত্তি টিকলে তো ? ‘এ’ ধুরো ধরল ছেলেদের ভাল ইস্কুলে পড়ানো চাই।  
বুদ্ধির রাজা তো !”

ওর ওই উদ্ভাসিত মুখের দিকে তাকিয়ে সহসা ওর ওপর ভারী একটা স্নেহ  
অনুভব করলেন রামকালী। অন্দরে পাঠিয়ে দিলেন নবকুমারকে।

অন্দরের অবস্থা তখন হাশুমুখর। সত্যর ছেলেদের নিয়ে ঠাট্টা-আমোদ  
চলছে দিদিমা-সম্পর্কীয়াদের। সত্যকে ঘিরে বসেছে বাকী সবাই।

রান্নর নতুন বৌ, শিবজয়ার আইবুড়ো নাতনীরা, রান্নর দুই ভ্রাতৃবো  
আর ভাগ্নী দুটো এবং পড়শীবাড়ির নবীনা-প্রবীণার দল। মোক্ষদার বেনী  
কথা বলার ক্ষমতা আর নেই, তবু আসরের একপাশে বসে আছে দেওয়ালে  
ঠেস দিয়ে। শুধু সারদা এ আসরে অল্পপস্থিত। সারদার মরবার সময়  
নেই।

তার ঔদাসীন্ত্রের কাছে সত্যর নতুনত্ব, অপূর্বত্ব, বৈচিত্র্যের বহুমুখিত্ব, সব  
কিছুই পরাস্ত যেনেছে।

কিন্তু আর সবাই তো সারদা নয়, তাই প্রশ্নের উত্তর দিতে দিতে নিজে  
আর কাউকে কোনও প্রশ্ন করবার সময় পাচ্ছে না সত্য। অথচ সে তো  
নিজেকে দেখাতে আসেনি, সবাইকে দেখতে এসেছে।

কিন্তু কোতুহল যে সকলেরই অদম্য। দু-দুটো ছেলে হয়ে গেল, তারা  
ভাগরটি হল, যোগাযোগ তো নেই। ওরা অবিশ্বি ছেলেদের অন্তপ্রাশনে  
বলে পাঠিয়েছিল, কিন্তু রামকালী তো তখন ভীর্থে য়রছেন। তবে ফিরে এসে  
তো কই—?

কিন্তু এত দিন কেন আসে নি সত্য আর এখন এমনই হট করে এল কেন,  
এ প্রশ্ন চাপা পড়ে গেল। এখন প্রশ্ন কলকাতার বাসা! সেইখানেই সহস্র  
কোতুহলের প্রশ্ন। কে সাহস দিল সত্যকে? কে দেখবে সেখানে সত্যকে?  
খণ্ডর-শান্তড়ী বেঁচে থাকতে বরের সঙ্গে বাসায় যাবার পরিকল্পনাটা তার মাথায়  
এলোই বা কি করে, আর তাঁদের অনুমতিই বা পেল কোন্ অলৌকিক সাধনার  
জ্বারে?

তা ছাড়া—

গেলে জাত যাবে কিনা, স্নেছর জল খেতে হবে কিনা, জুতো মোজা  
পরতে হবে কিনা, বরের সঙ্গে “ল্যাণ্ডো ফেটিং” চড়ে গড়ের মাঠে হাওয়া  
খেতে বেতে বাধ্য হতে হবে কিনা, ইত্যাদি বহুবিধ খাপছাড়া প্রশ্ন তো  
আছেই।

অনেক প্রশ্নের উত্তর দিয়ে দিয়ে ক্লাস্ত সত্য একসময় বলে ওঠে, “বাব্বাঃ ! নিজের পাঁচালীই গাইলাম এই অবধি, তোমাদের খবরাখবর কিছু শুনেতে দাও ?”

মোক্ষদা ক্লাস্ত আঁর্ত কণ্ঠে বলে ওঠেন, “আমাদের আবার খবর ! যারা মরে নি তারা এখনো বিধাতার অন্নজল ধ্বংসচ্ছে এই খবর ।”

“বাব্বাঃ, ও কি কথা !”

“ঠিক কথাই বলেছি সত্য। চিন্টাকাল তোকে ‘মুখ’ করেছি. ভেবেছি হাড়ির হাল হবে তোর। এখন দেখছি তুইই টেক্সা মারলি ! তুইই দেখালি ! বেশ করেছিল এ মতলব করেছিল। এখন সবাই বলছে ইংরিজি বিত্তের জঘঞ্জরকার। ছেলে দুটোকে যদি কলকেতায় ইংরিজি ইস্কুলে দিতে পারিস—”

শিবজায়া সম্প্রতি বিধবা হয়েছেন এবং কিছুক্ষণ আগে গগনভেদী চিংকার করে সত্যকে বৃষ্টিয়েছেন, সত্যর মা পরম পুণ্যবতী ছিল, মরে পুণ্যের পরাকর্ষী দেখিয়ে গেছে এবং জগতে যে যেখানে শাঁখা নোয়ার গোরব নিয়ে এখনো টিকে আছে, তারা যেন এইবেলা সেই গোরব বজায় থাকতে পৃথিবী থেকে সরে পড়ে। এখন শিবজায়া মুখে কাপড় ঢাকা দিবে শুয়েছিলেন পোড়ামুখ কাউকে দেখাবেন না বলে।

কিন্তু চির-প্রতিদ্বন্দ্বিনী মোক্ষদার এই বাক্য শুনেই তাঁর নির্বেদ ভঙ্গ হল। মুখের কাপড় সরিয়ে বলে উঠলেন, “বললে ভাল ছোট্টাকুরঝি ! জন্ম গেল ছেলে খেয়ে আজ বলছে ডান ! বলি একাল সেকাল সবাইয়ের বাংলা ‘সমসক্রান্ত’র চলল, বেশী বিদ্যান হল তো ফার্সি, আর এখন ওই মেলেছ ভাষা না শিখলে আর—”

“ফার্সিটাও মেলেছ ভাষা সেজবো !”

“ওমা শোন কথা ! জন্মকাল ‘ফার্সি’র কথা শুনে এলাম, কই কখনো তো শুনি নি মেলেছ ভাষা !”

সত্য এবার কথা বলে, “থাক পিস্ঠাকুমা. ওসব জাত থাকা জাত যাওয়ার গল্পো। ও তোমার যা যাবার সে যাবেই। তা কে কথতে পারবে ? ও কথা ছাড়ে। তোমার এমন হাল হল কি করে তাই বল ? এত তীর্থধর্ম করে হাওয়া বদল করে এসেছ, শরীর তো ভাল হবার কথা !”

“আর ভাল !”

মোক্ষদা জিভে একটা শব্দ করেন। “আমার ভাল একেবারে সেই যমরাজ এলে তবে। বর তো কখনো চোখে দেখি নি, ওই যম বরের চতুর্দোলাতে চড়েই যাব। তবে একালে ভাল আর কজন আছে? এই সেবারও যে গাঁ দেখেছিস সে আর নেই। মাহুষের দেবদ্বিজে ভক্তি যাচ্ছে, গুরুলক্ষু জ্ঞান যাচ্ছে, মাহুষ মনিশ্বত্ব সব ঘুচেছে। দেখবি, ঘুরে ঘুরে দেখবি তো? দেখিস স্মৃথ পাবি না।”

দিন সাতেক থাকার পর ফিরতি পথে অনবরত সেই কথাই ভাবতে ভাবতে চলে সত্য। ভাবে আর মনে মনে বলে, “দেখেছি পিস্ঠাকুমা, দেখে বুঝেছি তোমার কথাই ঠিক। স্মৃথ পেলাম না। সেই আগের গাঁ আর নেই। নেই আগের স্মৃথ আনন্দ তৃপ্তি।”

এবারও ছেলেবেলাকার খেলার জায়গাগুলোয় গিয়ে গিয়ে বসে দেখেছে সত্য, চেষ্টা করেছে আগের দিনের স্মৃথ বাঁধতে, কিন্তু পারে নি। শেষ পর্যন্ত সেটা হাত্যকর হয়ে উঠেছে। ছেলেদের দেখাবে বলে ফট করে একদিন গাছে চড়তে গিয়েছিল, ছেলেরাই এমন হাঁ হাঁ করে উঠল যে নেমে আসতে হল। সেই সঁাতারের পীঠস্থান বড় দীঘিতে গিয়ে সঁাতার দিয়েছে, স্মৃথ পায় নি। নোনা আতা আর নোড় কুড়োতে গিয়ে কেমন যেন পাগলামি মনে হয়েছে, তবু কুড়িয়ে এনে ছেঁচে আচার করবে বলে রেখে দিয়ে ফেলে রেখেছে। বুঝেছে স্মৃথ পাবে না ওতে।

স্মৃথ তো সবটা নিয়ে।

সেই সবটা, সম্পূর্ণটা, অথওটা কোথায়? কোথায় সেই আগের সঙ্গী-সঙ্গিনীরা?

আর কোনখানে স্মৃথ পাবে সত্য? এর মাঝখানে কোথায় খুঁজে পাবে রামকালী চাটুয্যের সেই মাঠবেডানো দস্তি মেরেটাকে? যাকে খুঁজে পাবার জন্তে এত তোড়জোড় করে আসা?

আর সেই মেয়েটার মা, তার ছায়াও কি থাকতে নেই? সব ধূয়ে মুছে পরিষ্কার হয়ে গেছে?

বদলে গেছে।

সব বদলে গেছে।

সত্যর সেই চেনা জগৎটি অদৃশ্য হয়ে গেছে। নিশ্চিহ্ন হয়ে গেছে সত্যর আসনটি। সত্যর জন্মভূমির মাটিতে সত্য এখন আগন্তুক, বহিরাগত। এখন এখানে চোখের সামনে অশ্রুয় ঘটতে দেখলেও চূপ করে যেতে হয়, মনে হয়, থাক! দু'দিনের জন্তে এসে আর—বেপরোয়া দুঃসাহসে বলতে পারা যায় না, 'এ বাপু তোমাদের অশ্রায়ই।'

নইলে এ ক'দিনে দেখলেও তো কম নয়। অনেক অশ্রায় ঘটনা ঘটছে এখন সংসারে। তার কারণ বাবাই যেন কেমন একটু উদাসীন হয়ে গেছেন। আগে পাড়ার ছেলেদের এতটুকু বেচাল করবার জো ছিল না, এখন বাড়ির ছেলেরাও গুর সামনেই যা ভয় করে, আড়ালে সমীহর বালাই নেই।

পাড়াতেই কত দেখল।

জটাদার বৌ এখন গলা তুলে শান্তুড়ীর সঙ্গে ঝগড়া করে। আর জটাদা নাকি বোয়ের কাছে জোড়হস্ত। সত্যর মামাবাড়িতে ভাইয়ে ভাইয়ে হাঁড়ি ভিন্ন হাষে গেছে। দু'বাড়িতে দু'দিন নেমস্তন্ন খেতে হয়েছে সত্যকে। তুষ্টি গয়লা পক্ষাঘাত হয়ে বিছানায় পড়ে, তুষ্টির বৌ কেঁদে কেঁদে লোকের দোর-দোর ঘুরছে, কিন্তু কেউ আর গুর কাছে ঘি-দুধ নেওয়ার গা করছে না, টালবাহানা করে অশ্রুর কাছে নিচ্ছে। বলে কিনা, "তুষ্টির বোয়ের পাতা দই? মুখে করা যায় না। তুষ্টির বৌ আবার ঘি তৈরি করতে শিখল কবে?"

জিনিস একটু যদি নীরেসই হয়, তা বলে চিরদিনের লোকটার দুঃখ-কষ্টর সময় দেখবে না? মানুষ আর জন্তু-জানোয়ারে তবে তফাৎ কি?

লুকিয়ে দুটো টাকা দিয়ে এসেছিল সত্য তুষ্টিকে, তুষ্টির চোখ দিয়ে জল পড়েছিল। বলেছিল, "বাগের মতন মনটি। কবরেজ মশাই আছেন, তাই এখনো বেঁচে আছি।"

কুমোর-জেরঠা, কামার-খুড়ো, ধোপাপিসি কারুর সঙ্গে দেখা করতে বাকি রাখা নি সত্য, কিন্তু আগের মতন কেউ সহাস্তে বলে নি, "এসেছিস? আর বোস।"

আসন পেতে দিয়ে বলেছে, "আসুন দিদিঠাকুরন, বসুন।"

আশ্চর্য, একসঙ্গে সবাই কি করে বদলে গেল?

বদলায় নি শুধু গ্রামটা। বদলায় নি গাছপালা মাঠ বন দীঘি পুকুর। এরাই শুধু উচ্ছ্বসিত আনন্দে স্বাগত জানিয়েছে, মাথা নেড়ে নেড়ে, কোলাহল

করে। আবার বিদায়কালে তারাই বিষন্ন বিধুর দৃষ্টি মেলে মৌন বেদনার মত তাকিয়ে থেকেছে।

এরাই শুধু বদলায় নি।

কিন্তু ওদের কাছে আর কতটুকু আশ্রয়? আশ্রয় চায় হৃদয়ের কাছে, প্রাণোত্তাপের কাছে। কোথায় সেই উত্তাপ? সকলেই ভাল করে যত্ন করেছে আর বলেছে, “ওরে বাবা, দু দিনের জন্তে এসেছ!” কেউ বলে নি, “তুই যে আমাদের চিরদিনের!”

সত্যর মা বেঁচে থাকলে কি অল্প রকম হত না? মার কাছে কি সত্যর সেই শৈশবটি সোনার কোটায় তোলা থাকত না? সত্য এসে দাঁড়ালে মা সেই কোটোটি খুলে ধরে হাসিমুখে বলত না, “এই দেখ! কিছু হারায় নি তোর। সব আছে। আমি তুলে রেখেছি।”

তা হলে হয়তো সত্যর সেই পুতুলের বাক্সটাকেও এসে দেখতে পেত সত্য। মা বলত, “এই দেখ, তোর হাতের কাপড় পরানো এই তোর ‘বড়বৌ মেজবৌ ন’বৌ, সেবারে এসে যেমন রেখে গিয়েছিলি তেমনই আছে।”

হ্যাঁ, ঠাকুমার শ্রাদ্ধে এসে সেবার নিজের ফেলে যাওয়া পুতুলবাক্স সাজিয়েছিল সত্য, তারপর তো তার নিজেরই জীবনের মধ্যে এল পুতুল ভেঙে যাওয়ার ঘটনা।...মাটির পুতুলের কথা আর কে ভেবেছে!

সত্য হষত মার ছেলেমানুষিতে হাসত। তবু স্ব্থ পেত। ‘মা না থাকলে বাপের বাড়ি এসে স্ব্থ নেই।’ নিঃশ্বাস ফেল ভাবল সত্য। অত বড় সংসারের মধ্যে সেই মানুষটাকে, অনেকের মধ্যে একজন মাত্র ছাড়া আর তো কোনদিন কিছু ভাবে নি। হঠাৎ আজ ধরা পড়েছে সেই একজন ছাড়া সমস্ত ‘অনেকই’ অর্ধহীন।

তবু ওরই মধ্যে পিসঠাকুমার কাছে হৃদয় বসলে প্রাণটা ঠাণ্ডা হত! কিন্তু সেই দোর্দণ্ডপ্রতাপ মানুষটার এত দুঃবস্থা হয়েছে যে দেখলে প্রাণটা কাটে।

সত্য বলেছিল, “অতিরিক্ত খেটেখেটেই তুমি এমনি করে দেহ ভেঙেছ পিসঠাকুমা! তোমার সেই শরীর-স্বাস্থ্য, এই ক’বছরে এমনি হয়েছে?”

মোকদ্দা যিক্কারের হাসি হেসে বলেছেন, “অতিরিক্ত যদি না খাটব তো সেই জ্বরের মত আঁকাড়া গতির নিরে করতাম কি বল? ভেতরের জ্বতই রাতদিন ছুটিয়ে মারত!”



“আর এখন যে সেই ভূত তোমাকেই জীর্ণ করে ফেলল !”

“মরুক গে। যে কদিন পৃথিবীর অরাজকের বরাত আছে গড়িয়ে গড়িয়ে গাচবই। তার পর যে পারবে সে মুখে এক হুডো আঙুন দিয়ে চিতেয় তুলে দেবে। যার ছেদ্দার আসবে সে এক মুঠো পিণ্ডি দেবে। যার জন্তে একটা দিন অশৌচ পালবার কেউ নেই, তার আবার বাঁচা-মরা !”

সত্য ব্যথিত হয়ে বলেছিল, “বাবাই তোমার সব করবে পিস্টাকুমা !”

মোক্ষদা উদাস কণ্ঠে বলেছিলেন, “তা অবিশ্বাস করবেন। রামকালী মহৎ মাতৃময়, হৃষিকো মাঘের মতন করেই পিসির ছেরাদ্দ করবেন, তবু মনে মনে তো জানবেন যা করছি বাহুল্য করছি, ভিক্ষে দিচ্ছি।”

আশ্চর্য !

মোক্ষদাকে দেখে আগে কি কেউ কখনো ঘূণাক্রমেও ভাবতে পেরেছে, এ সংসার মোক্ষদার নিজের নয় ? এখানে মোক্ষদার জন্তে তেরান্তির অশৌচ পালবার মতও কেউ নেই ? মোক্ষদা মরলে যে তার মুখে আঙুন দেবে, পিণ্ডি দেবে, সে দয়া করেই দেবে ? মোক্ষদার প্রাণ্য পাণ্ডনা বলে দেবে না ?

অত দাপট তবে কোন্ ‘ভিত্তে’র ওপর খাড়া ছিল ? নাকি কোথাও কোনও ভিত্ত ছিল না বলেই, ফোপবা দাপটটা অত বড় করে তুলে ধরতেন মোক্ষদা ? জানতেন হাতুটা একটু শিথিল হলেই, মুহূর্তে ভূমিসাৎ হয়ে যাবে ফাঁকা ইমারত !

ভাবতে ভাবতে—

ছেলে ছটোকে একটু কাছে টেনে নিয়ে বসল সত্য। এরাই জোর, এরাই ইমারতের ভিত।

সারদাকে বুঝতে পারে নি সত্য।

নাগালই পায় নি সারদার।

অবিশ্বাসি সারদাই সর্বদা খাইয়েছে, মাথিয়েছে, যত্ন করেছে। সত্য ছেলেবেলায় যা যা খেতে ভালবাসত সেগুলি মনে করে রেখে দিয়েছে, হেসে হেসে বলেছে, “বুঝলি তুডু, তোর দাদামশাইয়ের সংসারে এ হেন জিনিস মজুত থাকতে তোর মার কচি পছন্দ ছিল পুঁইমেটুলি ভাজা, শশাপাতার বড়া, ভেতো পুঁটির টক।”

কিন্তু সত্য যখন বলতে গিয়েছিল, “যাই বল বৌ, খুব মহড়টা দেখিয়েছ তুমি। নতুন বৌ বলছিল, তুমি একপ্রকার দেবী—” তখন কেমন কঠিন হয়ে উঠেছিল সায়দা। ভয়ানক তীক্ষ্ণ একটা হাসি হেসে বলেছিল, “তোমার তো বুদ্ধি-সুদ্ধি আছে ঠাকুরঝি, পরের মুখে ঝাল খাচ্ছ কেন?”

বুদ্ধি-সুদ্ধি যথেষ্ট পরিমাণ থাকা সত্ত্বেও কথাটার নিহিতার্থ ঠিক ধরতে পারে নি সত্য। আর সবদাই লক্ষ্য করেছে, পুর্বনো অন্তরঙ্গতার দরজা কিছুতেই খুলতে রাজী নয় সায়দা।

আর বড়দা ?

তার সঙ্গে তো কথাই কইতে ইচ্ছে হয় নি সত্যার। বড়দা যে ওই গিন্নী-বাগ্নি সায়দার স্বামী, অত বড় ছুটো ছেলের বাপ, তা যেন খেয়ালেই নেই বড়দার। যেন নতুন বোয়ের নতুন বর। তার কথা নিয়েই সত্যার সঙ্গে হাসি-ঠাট্টা ফণ্ডি-নণ্ডি। ছিঃ!

কাবো সঙ্গেই যেন কথা কয়ে স্তখ হয় নি।

অবিশ্র বিদায়কালে সকলেই ব্যাকুলতা দেখিয়েছে, চোখের জল ফেলেছে, আবার কবে দেখা হবে বলে হা-হতাশ করেছে। কেউ কেউ ডাক ছেড়েও কেঁদেছেন, কিন্তু সত্যার নিজেই যেন ভেতরের শিকড় ছিঁড়ে গেছে। তাই নিজেও সে চোখের জল ফেললেও যে প্রাণ নিয়ে এসেছিল সে প্রাণটা নিয়ে ফিরেছে না।

রামকালী তো চিরদিন সকলেরই দূরের মানুষ, শুধু দুঃসাহসী সত্যাই পারত সেই দূরত্বের বর্ম ভাঙতে। কিন্তু সে দুঃসাহসিক আবদার সত্য নিজেই আর করতে পারে নি। সময়ও পায় নি। সর্বদা নবকুমারকেই কাছে কাছে রেখেছেন রামকালী। আর সত্যকে টেনেছে মেয়েমহলে। তবে নবকুমারকে যে রামকালী ভালবেসেছেন ওইটাই পরম তৃপ্তি।

আসার সময় বাপকে প্রণাম করে স্বামীর উপস্থিতি ভুলে রুদ্ধকণ্ঠে বলে উঠেছিল, “তুমি তোমার এই দুঃসাহসী আশ্পদাওলা মেয়েকে ক্ষমা করেছে বাবা সেই সাহসেই বলছি, আমি তোমার এক সন্তান, যেন সময়কালে সেবায়ত্নে অধিকার পাই।”

রামকালীর গলাটা কি একটু কেঁপে উঠেছিল ?

চারিদিকের হা-হতাশের শব্দে সেটা ধরতে পারে নি সত্য। শু

কথাটাই শুনতে পেয়েছিল। মেয়ের মাথাটা ধরে একটু নাড়া দিয়ে বলে উঠেছিলেন রামকালী, “চিরকালের পাকা বুড়ী! বাবার জন্তে তো খুব স্বেব্যবস্থা দিচ্ছিস! সেবার পাত্র হবই বা কেন রে?”

এ কথার আর উত্তর দিতে পারে নি সত্য, সেই গভীর একটু শ্বেহম্পর্শে নেতর থেকে উথলে কান্না এসেছিল তার। কঁাদতে কঁাদতে আর কান্না চাপতে চাপতে পালকিতে উঠেছিল।

পালকিতে উঠেও তাই কথা কহিতে পারে নি অনেকক্ষণ।

হঠাৎ একসময় নবকুমার বলে উঠল, “তোমার বাবা আমাদের এই তুচ্ছ জগতের মানুষ নয়।”

চকিত হয়ে স্বামীর দিকে তাকাল সত্য।

বাতাস লেগে লেগে ততক্ষণে গালের জলের ধারাটা শুকিয়ে উঠেছে, চোখটা জল শুকিয়ে ভারী ধমধমে হয়ে রয়েছে।

নবকুমার আবার বলল, “সেকালের রাজা-রাজড়াদের সব যেমন ভাব ছিল তেমনি ভাব। ভয়ও যত করে ভক্তিও তত আসে। এমন বাপ পাওয়া পরম পুণ্য।”

সত্যর মুখের কাছে একবার আসে, “তবু তুমি দেখছ ভাঙা রাসের ঠাকুর! আগের মানুষকে যদি দেখতে! এখন মন ভেঙেছে, শরীর ভেঙেছে!” কিন্তু এই বেদনা-বিধুর চিন্তে অত কথা বলতে ইচ্ছে হয় না। শুধু আন্তে বলে, “মা থাকতে তো দেখলে না! মাকেও দেখলে না! এই আক্ষেপটা রয়ে গেল।”

মনে মনে বলে, দেখ, কেন আমি বাপের গরবে গরবিনী!

কিন্তু তবু মেয়েসন্তান।

বাপের সে গরব শুধু মনের মধ্যে তুলে রাখবার। সে গৌরবে অধিকার নেই, ভোগের দাবী নেই। ছেড়ে চলে যেতে হয়েছে, ছেড়ে থাকতে হবে। সেই গৌরবের ছায়ায় বসে জীবনকে ধন্য করবার উপায় নেই; জীবনকে নিয়ন্ত্রণ করবার পথ নেই। ভগবান! কেন এই পোড়া সমাজ গড়েছিলে?

সমাজের ব্যাপারে ভগবানকেই দোষ দেয় সত্য। তার পর বাইরের যৌন প্রকৃতির দিকে তাকিয়ে তাকিয়ে মনে মনে বলে, “বিদেশ নিচ্ছি তোমাদের কাছে। হয়তো বা জন্মের শোধ। পা বাড়াচ্ছি অকুলের দিকে।

এখন দেখি জিতি কি হারি ! রামকালী চাটুয্যের মেয়ে, যদি হারেও, তবু হার মানবে না ।”

বাকুইপুর ফিরে এসেই কলকাতায় যাওয়ার তে'ড়জোড় । যাত্রাকালে মা বাপ কেউই কথা বললেন না, ঠিক যাত্রাকালে তো বাড়ি থেকে বেরিয়েই গেলেন, যা কিছু করলো সছ ।

কিন্তু আশ্চর্য, নবকুমার যেন এই বিরাট লোকসানটাকে আর লোকসান বলে মনে করছে না । রামকালীকে দেখে এসে পর্যন্ত ‘বাপ’ সম্পর্কে যে একটা উঁচু ধারণা তার জন্মেছে, তার সঙ্গে নীলাধরের এই মেয়েলী সংকীর্ণতা যেন বড় বেশী দৃষ্টিকটু লাগলো তার । ইচ্ছে হচ্ছিল মা-বাপের এই দুর্ব্যবহারের প্রসঙ্গ নিয়ে সত্যর সঙ্গে কিছু আলোচনা অর্থাৎ নিন্দাবাদ করে, কিন্তু সত্যর ভয়েই সাহস করল না । এগিয়ে চলল নতুন জীবনের দিকে ।

## ॥ বক্রিশ ॥

এ এক আশ্চর্য সকাল !

যেন এই সকালের আকাশের কোন লুকনো পৃষ্ঠপটে নিথর হয়ে আছে অনেক রহস্য, অনেক আনন্দ, অনেক ভয় । সেই রহস্য আস্তে আস্তে উন্মোচিত হবে, সেই আনন্দ ধীরে ধীরে প্রসন্ন হাসি হাসবে, অথচ সেই ভয় মুঠোয় চেপে রাখবে সমস্ত সস্তাকে । তাই উচ্ছ্বাসিত হতে বাধবে, উল্লসিত হতে বাধবে, যতটা জুটছে তার সবটা গ্রহণ করতে বাধবে ।

এই আশ্চর্য নতুন সকাল সেই অজানিতের ইশারা নিয়ে তাকিয়ে রইল সত্যবতীর মুখোমুখি ।

সত্যবতী অবাচ হয়ে তাকিয়ে রইল তার মুখের দিকে । ভাবল, “আকাশটা কি লুকম অল্লরুকম !”

অথচ সত্য বে এইমাত্র এই স্বপ্ন-শহরের মাটিতে পা ফেলল, আর তার

আকাশে চোখ মেলল তাও নয়। গভাকাল বিকেলে এসে উঠেছে সে পাথুরেঘাটার এই একতলা বাসাবাড়িটায়।

তবু ভোর সকালে ঘুম ভেঙে ঘর থেকে বেরিয়ে এসে বেশ খানিকক্ষণ দাওয়ায় দাঁড়িয়ে রইল সত্য বিমূঢ়ের মত।

মনে পড়ল না, ঠিক এই মুহূর্তে গুর কোন কাজ আছে।

যে জীবনটা অভ্যস্ত ছিল, তার কাজগুলো যেন নিজেরাই সজীব হয়ে পর পর সামনে এসে দাঁড়াত, কিন্তু চিরপরিচিত গণ্ডির সেই নিত্য কাজগুলো ঝাপসা হয়ে গেছে। এলোকেশীর হাতের কাটা খাল দিঘে আর ভোগা ভাসবে না সত্যর। এবার সত্যকে নিজে হাতে খাল কাটতে হবে।

কোথায় যেন ভোরের পাখীর ডাকছিল, সত্যর মনে হল ওরা আর কি নি গ্যানন্দপুর থেকে উড়ে উড়ে সত্যর সন্ধান করতে এসেছে, না বাকুইপুরের কোন এক অজানা গাছের ডালে বসে সত্যকে ডাক দিচ্ছে! বলছে, “সত্য, তুমি ভুল করতে বসেছ! ঝাখ, বিবেচনা কর, এখনও হয়তো সময় আছে ফেরবার।”

সত্য কি সত্যই ভুল করল?

নইলে বুকের ভেতরটায় এমন ভয়-ভয় করছে কেন? কেন নিজেকে কেমন যেন অসহায় লাগছে?

দাঁড়িয়ে থাকতে বল পাচ্ছে না সত্য, তাই বসে পড়ল দাওয়ার ধারে। ভাবল হঠাৎ ঘুম ভেঙে উঠে এসে বোধ হয় মাথাটা হালকা লাগছে। একটুকণ বসে নিশে স্নান করতে গেলেই হবে। আজকের দিনটা পর্যন্ত ইচ্ছেমত, কাল থেকে নবকুমার কাজে লাগবে।

পাড়াগাঁয়ের ‘কাছারী-বাড়ি’র চাকরি নয়, এ একেবারে কলকাতা শহরের অফিসের চাকরি। ভাত দিতে এক পলক এদিক ওদিক করলে চলবে না। সত্যকে শুনিরে শুনিরে এলোকেশীর এক বান্ধবী অবহিত করিয়ে দিয়েছিলেন, “বুঝবেন ঠালা! স্বাধীন সংসার করার মজা বুঝবেন। ‘আপিসের ভাত’ যে কী বস্ত্র জানেন না তো! দেখে এসেছিলাম সেবার কালীঘাটে আমার পিসতুতো ভেয়েদের বাড়ি গিয়ে। একটা মাহুঘের ভাত যোগাতে তিন-তিনটে বৌ হিমসিম খেয়ে যাচ্ছে। তোমার বৌ অবিশ্রি করিৎকস্মা,

তবে শাউভী-ননদের তলায় তলায় কাজ, আর এক হাতে 'হরিদ্বার গঙ্গাসাগর'—অনেক তফাৎ !”

এলোকেশী বলেছিলেন, “পারবে। বুকের পাটার জোরেই পারবে। তবে খোঁষার হতে আমার ছেলেটারই হবে। বাছা আমার জগতের কিছু জানে না, তাকে গলায় গামছা বেঁধে নিয়ে গিয়ে গাড়িতে জুততে গেল। যাক—ভগবান দেখছেন !”

বান্ধবী বলেছিলেন, “তা তো সত্যি। যে অগ্নাই পথে সূখ করতে যাবে, তার 'বচার ভগবান অবিশ্বাসি করবেন। সংসার করা মানে তো আর মাছের ল্যাজা ভাত খাওয়া নয়, তার অনেক হাঁপা। কথাতেই আছে—একলা ঘরে চতুর্ভুজে খেতে বড় সূখ, মারতে এলে ধরতে নেই ওইটাই যা দুখ।”

এর পর আলোচনার মাধ্যমে ভবিষ্যৎবাণী করা হয়েছিল, “ঠালা বুঝলেই নবুর বৌ পালিয়ে আসতে পথ পাবেন না !”

সত্য সেদিন মনে মনে তাচ্ছিল্যের হাসি হেসেছিল। কিন্তু আজ সত্য একটু যেন ভয় পাচ্ছে। ভাবছে এই শহরকে আমি বুঝতে পারব তো ? আপনার করতে পারব তো ? এ শহর আমাদের “আয়” বলে কাছে টানবে তো ? এখানে আমাদের নিষ্পরের মত, বেচারীর মত থাকতে হবে না তো ?

না ‘আপিসের ভাত’কে ভয় সত্যার, ভয় করে না ‘এক হাত’কে। সত্যার ভয় অপরিচয়ের ভয়।...

“মা !”

বড় ধোকা তুড়ু এসে দাঁড়িয়েছে পিছনে। নীলাধর নাম দিয়েছিলেন ‘তুড়ুক সোয়ার’, সেই থেকে তুড়ু। ভাল নাম সাধন। প্রথম সন্তানটি নষ্ট হয়ে গেছে, তাই এটি সাধনার ধন। অতএব সেই ঘোঁষা নাম।

তুড়ুর কোলা ফোলা চোখে অগাধ বিষ্ময়।

সত্য ‘গাভাতাড়ি মুখ ফিরিয়ে বলে, “উঠে পড়েছিস ! ভাই ওঠে নি ?”

“না।”

“আর তোদের বাবা ?”

“না।”

“তা উঠবেন কেন ? আয়েসটি যে নবাবী ! কাল থেকে বুঝবেন মজা !”

আলিখি ভেঙে উঠে দাঁড়ায় সত্য ।

কী বোকার মত বসেছিল এতক্ষণ ! কী ভাবছিল আবোলতাবোল ! নতুন জায়গায় সব ব্যাবস্থা করে নিতে কম তো দেবি হবে না !

গতকাল সন্ধ্যায় রান্না হয় নি ।

ভবতোষ মাস্টার ঘর-দোর দেখিয়ে শুনিয়ে ওদের বসিয়ে রেখে বলেছিলেন, “তুমি তা হলে এদের সামলে-হুমলে নিয়ে বসো নবকুমার, বৌমাকে বোলা বোলা থাকতে প্রদীপ জালানোর ব্যাবস্থা করে ফেলতে, নতুন জায়গা । আমি তোমাদের জগে কিছু খাার নিয়ে আসছি । এখন আর রান্নাবান্নায় কাজ নেই—”

সত্য ঘরের ভিতর থেকে দরজার শিকল নেড়েছিল ।

নবকুমার সোঁদিক থেকে ঘুরে এসে হাত কচলে বলেছিল, “আপনি আবার গুণা কষ্ট করবেন কেন ? ইয়ে মানে—যাহোক করে দুটো ভাত ফুটিয়ে নেবে যখন ।”

ভবতোষ মাস্টার একবার সেই দরজার দিকে দৃষ্টিপাত করে সরাসরি অন্তরালবর্তিনীকেই উদ্দেশ করে বলে উঠেছিলেন, “যাহোক করে করতেও অনেক ল্যাটা বোমা, কাল সকাল থেকেই একেবরে নতুন করে পত্তন করো । কাল আমি একটা বাসনমাজার ঠিকে-ঝি যোগাড় করে নিয়ে আসব । আজ গাভাব থেকে পুরা-তরকারি মিস্ট্র এনে...”

নবকুমার হসাস বলে উঠেছিল, “বাজারের পুরী-তরকারি ? কলকাতায় পা দিতে দিতেই জাতটা খোঁয়াব ?”

হেসে উঠেছিলেন ভবতোষ মাস্টার ।

বলেছিলেন, “নাঃ ! তুমি একেবারে মান্ধাতার আমলেই আছ নবকুমার । সাতটা খোঁয়াছ কিসে ? আমি কি স্নেছ হোটেলের খানা এনে খাওয়াতে চাইছি তোমায় ? দেশে তোমরা ময়রার ঘরের জিলিপি মেটাই ফুলুরি বেগুনি খাও না ? এও সেই ময়রার দোকানের ।”

নবকুমার মাথা চুলকেছিল...

“ইয়ে মানে, ওই তরকারি-টরকারি বলছিলেন তাই বলছি । একটা দিনের জগে কেন আর...”

ভবতোষ মাস্টার জোর দিয়ে বলেছিলেন’ “শুধু একটা দিন কেন, এমন

অনেক দিনই হতে পারে নবকুমার। বৌমা একা মাহুস। শরীর-অশরীর আছে। কোনদিন যদি ভাতব ছাড়ি নামাতে না পারলে! তা ছাড়া জলপাবাব বলে কথা আছে। কলকাতায় এত হরেক খাবার, খাবে না ছেলে-পুলে? তোমায় তো আমি দোকানের ভাত খেতে বলছি না। তবে যদি বৌমাব তেমন আপত্তি থাকে ..”

আর একবার শেকল ন'ড উঠেছিল।

নবকুমার যুবে এসে বলোচ্ছিল, “না, ইয়ে মানে ওদিকে আপত্তির কিছু নেই। বলছে, আপনি যা বলবেন তাই শিরোধার্য। আপনি হিতৈষী বন্ধু গুণ। আপনার...”

“হয়েছে হয়েছে। অত ভাল ভাল কথা বেশা খরচ করবার দরকার নেই নবকুমার। তোমরা খেয়েদেয়ে একটু স্নহ হও, আমি দেখে বাসায় যাই।”

নিজের পয়সায় একরাশ খাবার এনেছিলেন ভবতোষ মাস্টার। পুরী তরকারি চমচম রাবড়ি। গাজা পানও এনেছিলেন। বিহ্বল হয়ে গিয়েছিল ছোট ছেলে দুটো। কাঁ সোনার দেশে এলো তাবা।

নিতাইয়ের সঙ্গে একসঙ্গে থাকবার ব্যবস্থা হয়েছে, কিন্তু এদের সঙ্গে একসঙ্গে এসে উঠতে পারে নি নিতাই। কদিন পরে আসবে। রাত্রে তাই একবার প্রস্তাব করেছিলেন ভবতোষ, “একা ভয় পাবে না তো নবকুমার? নতুন জায়গা। বল তো যে কদিন না নিতাই আসে, রাতে আমি তোমাদের পাহারা দিই?”

নবকুমার হাতে চাঁদ পাচ্ছিল।

কিন্তু সে চাঁদ মুঠোয় ধৈতে দিল না সত্য। শেকল নেড়ে জানাল, মাস্টার মশাইয়ের কষ্ট পাবার দরকার নেই, দরজার হুকো লাগিয়ে বেশ থাকবে তারা।

ভবতোষ চলে গিয়েছিলেন।

আর চলে যাবার পর সত্যকে এক হাত নিয়েছিল নবকুমার। চিরকাল যেটা বলে সেটা বলেই বসেছিল।

“সব তাতেই দুঃসাহস প্রকাশ! ভগবান যে কেন তোমাকে বেটাছেলে না করে মেয়েছেলে গড়েছিল তাই ভাবি!”

সত্যর মুখ কঠিন হয়ে ওঠে নি। সত্য হেসে কেলেছিল। গলা খুলে। নিজের এই খোলা হাসির শব্দ নিজের কানেই অপরিচিত ঠেকেছিল সত্যর।



তবু খোলা গলাতেই বলেছিল, “ভাবনার কি আছে? তোমাকে তো ভগবান স্টেটছেল করে গড়েছে। অশ্বব পিতোশ কবলে চলবে কেন? পরো মাস তো অপরে করলে না? তবে? গোড়া থেকেই মনের জোর করে পায়ে দাঁড়াবার চেষ্টা করা উচিত।”

সন্ধার অন্ধকারে মিটমিটে প্রদীপের ছায়ায় এ বল খুঁজে পেয়েছিল সত্য, আর সকালের শীরেবন্ধরবে আলোয় ঢুল হয়ে পড়বে?

না, পড়বে না। সত্য হাটল সোমবে জড়িয়ে নেমে পড়েছে কাছে। নেমে পড়ল নতুন জীবনসংগ্রামে।

এ সংসার সত্যব নিজেই। নিজেব ছাঁচে, নিজেব ভাবে, নিজের স্বপ্নে একে গড়ে তুলবে সত্য।

ভ্রাতোয় বাবার ধরনের সব দুইয়ে মুছয়ে বামাঘরে উল্লু পাতিয়ে রেখেছিলেন। আনিয়ে রেখেছিলেন ঘুঁটে কয়লা। কাল মশুমারের মাধ্যমে কয়লার উল্লু জ্বালার পদ্ধতিটাও শিখিয়ে দিয়ে গেছেন সত্যকে। সেই পদ্ধতিতে উল্লুনে আগুন দিতে দিতে হঠাৎ ভারি অর্ধক লাগল সত্যর। যে ভাবে ইচ্ছে কাজ করতে পারে সত্য, কেউ কোথাও চোখ দেবার নেই, ছল ধবধব কি খুঁত ধরবার নেই। এ কী অদ্ভুত অল্পভূতি!

এ কী অপূর্ব স্থখ!

এই স্থখটার ধারণা নিয়েই তো মুক্তির লড়াই করে নি সত্য। ও শুধু চেয়েছিল তেমন দেশে চলে আসতে, যেখানে রোগে ডাক্তার আছে, ছেলেদের জগ্গ ভাল ইস্কুল আছে, পুস্কদের জগ্গে কাজ আছে।

নিজের জগ্গে ভাল কি আছে, সে কথা ভেবে দেখে নি সত্য। শুধু জেনেছিল দুন্দে আছে, দিকার আছে। এখন দেখছে আরো অনেক আছে। স্বাধীনতার স্থখ মানে তা হলে এই? মাথার ওপর সবদা উত্তত খাঁড়ার বদলে অনেক উঁচুতে আলোককরক আকাশ থাকা?

শহরের মেয়েরা যে কেন সিংহয়-বুদ্ধিতে অনেক উঁচু, তার মানে বুঝতে পারে সত্য। যারা এত পাচ্ছে, তারা তার প্রতিদান দেবে বৈকি!

হঠাৎ একটু স্তব্ধ হয়ে গেল সত্য।

সেও তো অনেক পাবে, তার বদলে দিতে পারবো তো কিছু।

রামাঘর থেকে বেরোতে গিয়ে খতমত খেয়ে ফের ঘরে ঢুকে পড়তে হল

সত্যকে। ভবতোষ উঠোনে দাঁড়িয়ে। ‘উঠোন’ বলতে সত্যর পরিচিত জিনিস নয়। শান-বাধানে চারচাঁকো থানিকটা জায়গা মাত্র। পাড়াগায়ে একে চাতাল বলে।

সে যাই হোক, ভবতোষ সেখানে দাঁড়িয়ে গলাখাঁকারি দিলেন, তার পর বললেন, “নবকুমার আছ নাকি?”

“বাবা ঘুমুচ্ছে।”

সাদা দিল থোকা।

ভবতোষ গলা চড়ালেন, “এখনো ঘুমুচ্ছে? কাল থেকে যে দশটার অফিস যেতে হবে। আমি এই একজন লোক ঠিক করে আনলাম, মেয়েলোক। থোক’, তোমাব মাকেই তা হলে বল, কথাসত্য কয়ে নিতে। আমি অবশু মোটামুটি বলে নিয়ে এসেছি। বাসন মাজা, ঘর মোছা, ছাড়া কাপড় কাচা, কয়লা ভাঙা, উছুন বরানো, মশলা পেয়া এই সব করতে হবে। মাইনে মাসে বারো আনা, জলপানি চার আনা। তবে মাথায় মাখতে তেল একটু দিতে হবে। চান না করলে তো আর মশলা পেয়া চলবে না!”

নবকুমারের সাদা পাওয়া যায় না। ঘরের মধ্যে বিহ্বল সত্য এই সকালেও ঘামতে থাকে।

সব কাজই যদি ঝি করবে, সত্য তা হলে কী করবে?

শুধু বাসন মাজার জগ্গেই হলে তো হত।

ভবতোষ সঙ্গের স্ত্রীলোকটিকে উদ্দেশ্য করে বলেন, “কই গো বাছা, এগিয়ে এস। ওই ওদিকে মা রয়েছেন, তাঁব সঙ্গেরই বলা-কওয়া করে নাও। এগন থেকেই লেগে যাও তা হলে। এই তো রাতের শকড়ি ঘটটাটি পড়ে রয়েছে।”

আর বেশাঙ্গণ লজ্জাপতির ভূমিকার মতো নিজেকে আবদ্ধ রাখা সম্ভব হল না সত্যর। মাথায় কাপড়টা টেনে দরজার কাছে এসে দাঁড়িয়ে নম্র গলায় বলে ফেলল, “এত সন্দের জগ্গে বলাব দরকার ছিল না। ঘরের কাজ নিজেই চালিয়ে নিতে পারব—”

ভবতোষ প্রথমটা একটু খতমত খেলেন, কারণ সত্য এসে কথা বলবে, আশা করেন নি। তারপর সামলে উঠে বললেন, “কেন? লোক যেক্ষেত্রে রাখাই হচ্ছে, সবই করবে। এমানতে শুধু বাসন মাজলেও তো আট আনার কম রাজী হচ্ছে না। আর গণ্ডা চারেক পয়সা দিলেই—”

“পয়সার জন্তে না—” সত্য এবার প্রায় স্পষ্ট গলায় বলে ওঠে, “নিজের অব্যাস খারাপের জন্তে বলছি। সব কাজ লোক দিয়ে করালে আয়েস এসে যাবে। সময়ই বা কাটবে কিসে?”

ভবতোষ মিনিটখানেক ঠাঁ করে তাকিয়ে থাকেন। কথাটা সদয়ঙ্গম করতে এ সময়টুকু লেগে যায় তাঁর।

শুশুরবাড়িতে খেটে খেটে হাড়কালি-কবা কোন মেয়ে যে বাসায় এসে “আয়েস” করতে চায় না, এ তাঁর অভিনব মনে হল। ছাত্র নবকুমারের স্ত্রীটি সম্পর্কে অবশ্য তিনি বরাবরই একটু সমীহভাবাপন্ন, তবু আজ যেন তার সম্পর্কে আরও বেশী অবহিত হলেন।

হয়তো বা কিঞ্চিৎ অভিভূতও।

তার পর ধীরস্বরে বললেন, “মেয়েছেলেদের জন্তে আরো অনেক ভাল ভাল কাজ আছে বোমা, তাতেও সময় কাটবে। তা ছাড়া অবকাশকালে ঘরে বসে বসে লেখাপড়ার চর্চা করলেও—”

কথা শেষ হল না, নবকুমার বেরিয়ে এল ঘর থেকে চোখ রগড়াতে রগড়াতে। তটস্থ হয়ে বলল, “মান্টার মশাই আবার সকালবেলাই কষ্ট করে—”

“না কষ্ট আর কি! এই কাজের লোক ঠিক করে আনলাম। দেখিয়ে শুনিয়ে দাও একে। এবার একটা গোয়াল ঠিক করে দিতে পারলেই সব ব্যবস্থা হয়ে যায়।”

“আপনি আর কত কষ্ট করবেন?”

সত্য বলে ওঠে।

আর সঙ্গে সঙ্গে চমকে ওঠে নবকুমার।

দরজার শেকল নাড়া পর্যায়টা কখন পার হল! এভাবে স্পষ্টাস্পষ্টি কথা! অদ্যক কাণ্ড!

ভবতোষ বলেন, “আমাকে যদি তোমরা পর ভাবে নবকুমার, তবেই কুষ্ঠা বোধ করবে। আমি কিন্তু তোমাদের পর ভাবছি না।”

“না না, সে কি? পর মানে?”

নবকুমার কথার খেই হারায়। এবং বোধ করি “আপন” ভাবার প্রমাণ দেখাতেই তাড়াতাড়ি বলে ওঠে, “আমি তো এই ভাবছিলাম আপনার সঙ্গে হাটটা ঘুরে আসি। কোন কোন বারে হাট বসে এখানে?”

ভবতোষ হাসেন।

বলেন, “কলকাতায় রোজই হাট।”

“ওঃ! প্রত্যেক দিন বাজার বসে?”

“তা বসে। একটা নয়, অনেক বাজার। তা আজ আর তোমাকে যেতে হবে না, নামিই ব্যবস্থা করছি। তুমি বব বাড়ির কাছে, মানে কি স্থপিত্তে অস্থপিত্তে—”

“বাড়ির কাছে কিছু আটকাবে না—” সত্যর ধীর গম্ভীর কণ্ঠস্বর ধ্বনিত হয়। তার পর ঘরের মধ্যে থেকে একটা ধামা দার করে এনে নবকুমারের সামনে নামিষে দিয়ে চলে যায় সত্য।

এমনি করেই আরম্ভ হয় সত্যর শহরের সংসার।

নিজের সংসার।

কদিন পরে নিতাই আসে।

নবকুমার বলে, “ওকে আর তোমাব লজ্জা করলে চলবে না। একসঙ্গে খাকা, ভাইয়ের মত, বাড়িতে আর দ্বিতীয় মেয়েছেলে নেই, ভাত বেড়ে দেবে তুমি—”

সত্য মূহু হেসে বলে, “অত বলবার কি আছে? আমাকে কি তোমার খুব লজ্জাবতী মনে হয়?”

“আহা, ইয়ে তা নয়। মানে লজ্জা আর কোথা? মাস্টার মশাইয়ের সঙ্গেই তো তুমি দ্বিতীয় কথাটখা চালাচ্ছ...বুঝলি নিতাই, প্রথম দিন আমি তো তাজ্জব! যাই ভাগ্যিস মা নেই সামনে? খুব সাহসী, বুঝলি? মাস্টার মশাইয়ের সঙ্গে কথা বলতে আমরাই তো—”

নিতাই এক নজর সত্যর দিকে দৃষ্টিপাত করে বলে, “বৌঠানকে এতদিন দেখেও চিনতে পারলে না নব? তোমার আমার মাটি দিয়ে গড়া উনি নন। তোমার অনেক ভাগ্য তাই...”

হঠাৎ ওদের চমকে দিয়ে হেসে ওঠে সত্য, “নাও, নাওয়া-খাওয়া শিকেয় তুলে এখন ছুই বন্ধুতে ভাগ্যবিচার শুরু হয়ে গেল। আচ্ছা ঠাকুরপো, তুমিই বল, মাস্টার মানে হল গিয়ে গুরু, কেমন কিনা? তা গুরুকে লজ্জা করলে চলবে কেন? ভক্তি করব, ছেদা করব, মাগ্ন করব, ভয়-লজ্জা করব কেন? তুমি তো ওনার কাছে ইংরিজি পড়ব ঠিক করেছি।

“কা বললে ?”

নবকুমার জ্যা-মুক্ত ধনুকের মত ছিটকে ওঠে, “কি শিখবে ?”

“বললাম তো ।”

“পাগলামি করো না । বেশী বাড়াবাড়ি ঠিক নয় । যা রয় সয় তাই ভাল । কলকাতায় এসেছ, বাসার সংসার করছ, এ পর্যন্ত একরকম, তা বলে—”

“তা ইংরিজি শিখব বলেছি টে । তো গাউন পরে হোটেলে খানা খেতে যাব বলি নি ?” কোঁতুকের হাসিতে জোড়া ভূৎ নেচে ওঠে সত্যর, উৎফুল্ল মুখ লাগ হয়ে ওঠে, নিতাইয়ের দিকে সরাসরি তাকিয়েই বলে, “তোমার বন্ধুর সপ্নতাত্ত্বই ভয় ! ঘরে বসে বসে বই পড়ে যদি একটু জ্ঞান-বিদ্যে অর্জন করা যায়, তাতে দোবটা কি বল তো ? নাকি মেলেছ অক্ষর ছুঁলেও জাত যাবে ?”

নবকুমার গম্ভীর ভাবে বলে, “তা একরকম তাই বৈকি । যতই হোক হিন্দুর মেয়ে ।”

“আর নিজের হিন্দুর ছেলে নও ?”

“বেটাছেলের কথা আলাদা ।”

“আলাদার কিছু নেই । ধর্মের কাছে সব সমান । আর যদি জাত যাওয়ার কথাই বল—” আর একবার কোঁতুকের আলো ফুটে ওঠে সত্যর মুখে, “সে তা হলে অনেক দিনই গেছে ।”

“অ্যা !”

“অ্যা !”

যুগপৎ দুই বন্ধুরই মুখবির ইঁ হয়েই থেকে যায় বুজতে ভুলে ।

সত্য মূঢ় মূঢ় হাসতেই থাকে ।

একটু চৈতন্য লাভ করে নবকুমার বলে, “ইংরিজি পড়েছ তুমি ?”

“সামান্য সামান্য । নিজের চেষ্টায় যা হয় । তোমার বই দুটো তো ছিল ঘরে ।”

“তাঙ্কন !”

।নিতাইয়ের কণ্ঠ থেকে শুধু এইটুকু স্বর নির্গত হয় ।

“কিগো ঠাকুরপো, আমার হাতে চলবে তো ? নাকি জাত যাওয়ার হাতে থাকে না ?”

কথা নেই বার্তা নেই সহসা নিতাই এক হাশ্বকর কাজ করে বসে ।

প্রশ্নের উত্তর না দিয়ে হুমড়ি খেয়ে পড়ে সত্যর পায়ের কাছে সাষ্টাঙ্গে এক প্রণাম করে।

সত্য অবশ্য এর জগ্গে প্রস্তুত ছিল না। ছু পা পিছিয়ে যায়। তার পর ধীরস্বরে বলে, “যাক ঠাকুরপো, গুরুজন বলে মানলে তাহলে? বেশ। নাও এবার বাধ্যতা কব। তোমার তো এখনো দুদিন ছুটি, চান করে খেয়ে ভাইপোদের নিয়ে ইস্কুলে ভর্তি করতে যাও দিকিন। কদিন এসেছে, কেবল খেয়ে খেলিয়ে বেড়াচ্ছে। যার জগ্গে এত কাণ্ড করে কলকাতায় আসা—”

## ॥ তেত্রিশ ॥

কালের খাতায় কয়েকখানা পাতা ডান দিক থেকে বাঁ দিকে চলে আসে, গড়িয়ে যায় অনেকগুলি দিন।

অনভাস্ত জীবন প্রায়-খাতস্থ হয়ে এসেছে নবকুমারের। গতিতে বেশ খানিকটা ক্ষিপ্ততার সঞ্চার হয়েছে, বাড়িতে অফিসের গল্প করতে শিখেছে, অফিস যাওয়ার সময় কোঁটো ভর্তি পান, আর পানের সঙ্গে দোক্তা নিতে শিখেছে।

ইতিমধ্যে ছেলেরা স্কুলে কয়েকবার ক্লাস বদলেছে, আর সত্যবতীর একবাব বাসা বদলেছে।

বাসা বদলাবার অবশ্য অতি সূক্ষ্ম গোপন একটা ইতিহাস আছে, সে ইতিহাস শুধু সত্যবতীর আর ভবতোষ মাস্টারের মধ্যেই নিবন্ধ।

বেশ চলছিল সংসার।

তাড়াহুড়ো করে স্বামীর আর স্বামীর বন্ধুর অফিসের ভাত রাঁধছিল সত্য। পান সাজছিল ছু কোঁটো করে। তারা বেরোতে না বেরোতে ছেলের নাওয়া খাওয়া নিয়ে ব্যস্ত হচ্ছিল, “হুর্গা হুর্গা” উচ্চারণ করে ছেলের স্কুলে পাঠাচ্ছিল, তারপর সারাদিনের অবসরে সংসারের বাকী কাজগুলো সেরে তুলে মন দিয়ে শিখছিল লেখাপড়া। বাংলা ইংরাজী দুই-ই।

বইয়ের যোগানদার ভবতোষ, পাঠশিক্ষকও ভবতোষ। নিয়মিত নয়, মাঝে মাঝে দুক্লহ জায়গাগুলো বুঝে নিত সত্য। ঘরের মধ্যে উঁচু চৌকিতে বসতেন মান্টার, চোকির সামনে মাটিতে সত্যর ছুই ছেলে বসত মাহুরে নিজেদের বই খাতা নিয়ে, আর সত্য মাহুর থেকে কিছুটা দূরত্ব বজায় রেখে মেজেয় বসত মাথায় কাপড় টেনে।

কিন্তু কথা চিরদিনই স্পষ্ট সত্যর।

তাই দূরত্ব সত্ত্বেও তার প্রশ্ন বুঝতে অসুবিধে হত না ভবতোষের।

এই পড়াশোনার মাঝখানে হঠাৎ একদিন সত্য বলে বসল, “আমাদের জগ্গে অনেক তো করলেন আপনি, আর একটু কষ্ট করতে হবে।”

ভবতোষ বিচলিত হয়ে বললেন, “কষ্ট কিসের, কষ্ট মানে?”

“কষ্ট তো বটেই। এযাবৎ অনেক কষ্ট করলেন। সে যা হোক, আপনি পিতৃতুল্য, আমি আপনার মেয়ের মত, তাই ‘কিন্তু’ আমি হচ্ছি না—”

সত্যর বড় ছেলে লক্ষ্য করল, হঠাৎ যেন মাস্টার মশাইয়ের মুখটা কেমন বদলে গেল। কি রকম যেন ভয়-পাওয়া ভয়-পাওয়া মুখ হয়ে গেল।

সত্যর অবশু মাথায় ঘোমটা, মুখ নীচু।

ভবতোষ অস্ফুটে কি যেন বললেন। সত্য পরিষ্কার গলায় উত্তর দিল, “হ্যাঁ সেই কথাই বলছি—‘কিন্তু’ আমি হচ্ছি না। আপনি কায়েত ঠাকুরপোর জগ্গে অল্প একটা ব্যবস্থা করে দিন। এখানে তো শুনিছ মেস-ঘর না কি যেন আছে, মাথাপিছু খাই-খরচা দিয়ে বেটাছেলেরা এক জোট হয়ে থেকে আপিস-কাছারি করে।”

কায়েত ঠাকুরপো অর্থে নিতাই।

সামনে শুধু “ঠাকুরপো” বললেও আড়ালে তার সম্পর্কে অপরকে বোঝাতে “কায়েত ঠাকুরপো” বলেই উল্লেখ করে সত্যবতী। কিন্তু সেটা কেবলমাত্র বোঝাতেই।

নবকুমারের সঙ্গে তো ঠিক ভাইয়ের মতই ছিল সে এ বাড়িতে, আর নেহাত “ভাতে”র ছোঁয়াটা বাদে অত বামুন-কায়েতের ভেদাভেদও ছিল না সত্যর কাছে। খুব সৌহার্দ্যই তো ছিল।

হঠাৎ কি হল?

ভবতোষ তাই অশ্রুমনস্ক ভাবে বললেন, “সে তো আছে।”

“হ্যাঁ, সেই কথাই বলছি। ওনার থাকার জগ্গে ব্যবস্থা একটা আপনাকে নিযাসই করতে হবে।”

ভবতোষ মাথা চুলকে বলেন, “তা না হয় দিলাম, কিন্তু হঠাৎ? মানে সে কিছু বলেছে? ইয়ে এখানে থাকবে না বলে—”

“না, তিনি কিছু বলেন নি—”, সত্য্য দৃঢ় গলায় বলে, “আমিই বলছি। আর এটা আপনাকে করতেই হবে।”

ভবতোষ মুহূর্ত কয়েক চূপ করে থেকে আশ্তে বলেন, “তুমি যখন বলছ বোমা, অবশ্যই গ্যায় কোন কারণ আছে। তবু মানে বুঝতে পারছি না বলে কেমন যেন চিন্তায় পড়ছি!”

এবার আর উত্তর এল না সত্য্যর দিক থেকে।

ভবতোষ উঠে দাঁড়ালেন।

তার পর বললেন, “নবকুমারেরও এই মত তো?”

সত্য্য বলল, “ঘর-সংসারের স্মবিধে-অস্মবিধেয় বেটাছেলের মতামত চলে না। ব্যবস্থা হয়ে গেলে বললেই হবে।”

ভবতোষ বুঝলেন। বুঝলেন কোন একটা গোলমালে ব্যাপার ঘটেছে। কিন্তু নিতাই ছেলেটা তো—হল কী!

আচ্ছা হঠাৎ বলা-কওয়া নেই, নিতাইকে তিনি বলবেন কি করে, “ওহে তোমার জগ্গে মেসের ঘর যোগাড় করেছি, কাল থেকে থাকো গে যাও সেখানে।”

সে কথা বলেও ফেললেন।

“নিতাইকে আগে একটু না জানালে—”

“হ্যাঁ, সে একটা চিন্তা বটে। কিন্তু কি আর হবে? বলতেই যখন হবে, সে ব্যবস্থা আমিই করব।”

ভবতোষ অগত্যাই বিদায় নিলেন।

বড় ছেলে বলল, “কাকাবাবু কেন এখানে থাকবেন না মা?”

সত্য্য গম্ভীর ভাবে বলল, “ছেলেমানুষ সব কথায় থাকতে নেই খোঁকা। যখন যা হবে দেখতেই পাবে। কেন, কি বিস্তারিত ভাবে বসো না।”

তা তারা শুধু দেখতেই পেল।

দেখল বাবা কোথায় যেন পালিয়ে থাকল, মা চূপচাপ মরজা ধরে দাঁড়িয়ে



বইল, আর নিতাইকাকা নিজের তোরঙ্গ আর লিছানা নিয়ে আস্তে আস্তে একটা ভাড়াটে ঘোড়ার গাড়িতে গিয়ে উঠল।

পরিষ্কৃতিটা এমন খমখমে যে, একটিও প্রশ্ন করতে সাহস হল না তাদের।

তা সাহস প্রথমটায় নবকুমারেরও হয় নি। তাই সে সকাল থেকে পালিয়ে বেড়াচ্ছিল। অনেক রাতে বাড়ি ফিরে প্রায় চোরের মত চুপি চুপি তাকিয়ে দেখল নিতাইয়ের ঘরটার দিকে। দেখল দবজায় শেকল তোলা।

বুকটা ধক্ করে উঠল।

মনে হল তার “অন্তর” নামক জায়গাটাতে যেন অর্মান একটা শেকল তোলা দবজা দাঁড়িয়ে রয়েছে মুখ গম্ভীর করে। সে দরজা আর বুকি কোনদিন খুলবে না। সেই দক্ষ ঘরের মধ্যে রয়ে গেল নবকুমারের অনেকখানিটা স্বপ্ন, অনেকখানিটা আনন্দ।

ঈশ্বর জানেন সত্যার হঠাৎ কেন এই খেয়াল।

নিতাইয়ের কোন ব্যবহারে যে সে রাগ করেছে তাও তো মনে হচ্ছে না। নিজের চক্ষে কাল দেখেছে নবকুমার, বাম্বাঘরে নিতাইয়ের ভাত বাড়তে বসে টপটপ কবে চোখের জল পড়ছে সত্যার। আর এও লক্ষ্য করেছে নিতাই যা যা খেতে ভালবাসে, সেই সবই আজ কদিন ধরে রাখছে সে।

তবে ?

হাসেসটা মিলছে কোন্‌খানে ?

তবে কি খরচপত্রের কথা নিয়ে মাথা ঘামাচ্ছে সত্যার ?

কিন্তু তাতেই বা প্রশ্নের উত্তর কোথায় ? নিতাই তো সংসার খরচের ভাগ না দিয়ে ছাড়ে না।

গোলকর্ধাধার মধ্যে কাটাতে হয়েছে নবকুমারকে।

সত্যাকে প্রশ্ন করে সন্তুষ্ট জোটে নি। সে বলেছে, “এ তো ভাল ব্যবস্থাই হচ্ছে। দু বেলা বাড়ি ভাতটা পেলে ঠাকুরপোর আর বৌ এনে বাসা করার চেষ্টা থাকবে না।”

নবকুমার খেঁজে উঠে বলেছিল, “ওর পরিবারের কথা ও বুঝবে। সে চেষ্টা যে করতাই হবে তার কোন মানে আছে ? গাঁ-হুদু গোঁ কি তোমার মতন বাসায় আসার জন্তে পা তুলে বসে আছে ?”

সত্যার অবশ্য এ কথায় মর্মান্বিত হয়ে নিখর হয়ে যায় নি। প্রথম প্রথম যেমন হত। কারণ যে কোন বিষয়ে সামান্যতম অস্ববিধে বা অপছন্দ হলেই

সত্যর “শাসায় আসার” বাসনা নিয়ে খোঁটা দেওয়ার অভ্যাস নবকুমারের গোড়া থেকেই। বহুবিধ স্বচ্ছন্দ্য-স্বথের আশ্বাদ পেলেও এবং বহুবার মনে মনে সত্যকে তারিফ করলেও, ওটা যেন ওর একটা মূদ্রাদোষের মতই।

প্রথম প্রথম সত্য অভিমানে পাথর হয়ে যেত। আর সেই পাথর মূর্তি অসহ্য হওয়ায় শেষ অবধি নবকুমারকেই মিটমাট করতে হত। বলতে হত, “ঘাট হয়েছে বাবা, শতেকদার ঘাট হয়েছে। এই নাক মলছি, কান মলছি, আর যদি ও কথা মুখে আনি। ঠাট্টার কথা বুঝতে পার না, এই এক আশ্চর্যি!”

তা “ঠাট্টা” বলেই বুঝিয়ে বুঝিয়ে ক্রমশঃ জিনিসটাকে গা-সহ্য করে এনেছিল নবকুমার। এখন এমন হয়েছে যে ওই খোঁটাটাকে আর গ্রাহ্যের মধ্যই আনে না সত্য। সেদিনও তাই আনে নি।

শুধু জুকুটি করে বলেছিল, “পা তুলে আছে কি নেই, সেটা তো যতক্ষণ না অন্তর্ধামী হচ্ছ টের পাবে না। তবে মাহুঘের সংসারেও নেখ্য হিসেব একটা আছে। বিয়েটা করে লোকে ঘরকন্না করবার জগ্গেই।”

আরো খানিক বাক্যব্যয় করেছিল নবকুমার। অনেকটা একতরফা। তবু তার মনে আশা ছিল শেষ পর্যন্ত নিতাইয়ের যাওয়ার কথাটা হাওয়ায় ভাসবে। কিন্তু দেখল ক্রমশঃই সেটা পাকতে থাকল।

কেউই কিছু বলে না, তবু যেন কোথায় কি হতে থাকে! খেতে বসে দু বন্ধুতে কথাও হয় না তা নয়। কিন্তু সে যেন কেমন শুকনো-শুকনো আঠাছাড়া। অথচ নিতাইকে স্পষ্টাঙ্গী জিজ্ঞেস করতেও সাহসে কুলোয় না।

সত্যকেও না।

কিন্তু আজ এই দুঃখের আবেগে ওর সাহস জেগে উঠল। ওখান থেকে তাড়াতাড়ি সরে এসে ত্রিপুরার বলে ফেলল, “বিনি দোষে নিরপরাধ মাহুসটাকে বাড়ি থেকে বিদেয় করে দিতে মনটা একবার, কাঁদলও না? ধছি মেয়েমাহুস বটে!”

সত্য তখন প্রদীপের সামনে হেঁটমুণ্ডে বসে একখানা বইয়ের পাতা ওল্টাচ্ছিল, স্বামীর এই মন্তব্যে একবার মাত্র মাথাটা তুলল, তার পর নীরবেই আবার মাথা নীচু করল।

নবকুমারের তখন ভিতরে আলোড়ন চলেছে, তাই সবই ধারাপ লাগছে।

অতএব ওই বইয়ের পাতা ওঁটানোতেও গা জলে গেল তার। বলল, “মা যা বলে ঠিকই বলে। মেয়েছেলের অধিক নিষ্ঠে সর্বনাশের মূল।”

সত্য চট করে বইটা মুড়ে ফেলে উঠে পাড়িয়ে বলল, “মাতৃবাক্য অবিশ্রুই বেদবাক্য। অতএব আমিই বসে বসে তোমাব সর্বনাশ সাধন করছি। তা তার তো আর চারা নেই। বিচ্ছেটা তো আর ঘটাবাটি নয় যে, অহুবিধে ঘটানুহু বলে সরিয়ে রাখব। কিন্তু ‘বিনাদোষ’ কিনা, আব মনটা কাঁদছে কিনা, সে সংবাদ তুমি সঠিক পেয়েছ?”

“মন! হু! পামাণেও বরং প্রাণ আছে, তোমার মধ্যে নেই।”

বন্ধুকে যে নবকুমার কতখানিটা ভালবাসে তা সত্যের অজানা নয়, তাই এত বড় দোবারোপেও বিচলিত হয় না সে। বোঝে, রাগে ছুখে বলে ফেলেছে। আব সেটাই তো স্বভাব নবকুমারের। রাগের মাথায় কড়া কথা বলে বসে, আর বাগ ভাঙলে খোশামোদ কবতে বসে।

তাই সত্য অবিচলিত ভাবে বলে, “তা পাষণাই যখন, তখন মন কাঁদার কথা উঠছে কেন? তবে ‘বিনাদোষ’, এ কথা ভাববার হেতু? যে মানুহ ঐকব নামে কলঙ্ক দিতে পারে, তাকে আমি অন্ততঃ নিরপরাধী বলতে পারব

ঐকব নামে!

নবকুমার স্তম্ভিত ভাবে বলে, “তার মানে?”

“মানে তোমায় বোঝাতে পারব না। মেয়েমানুষের বাড়ী পেট-আলগা মানুহ তুমি, এখনি জগৎসংসার সকল বাত্মা জেনে ফেলবে। তবে এই বিশ্বাসটুকু বেখা আমার ওপর, হুথায় কাজ আমাকে দিয়ে হবে না। অবিবচনার গাছও না।”

না, এর বেশী নবকুমার জানতে পারে নি।

পারবার কথাও নয়।

বৃদ্ধি দিয়ে বুঝে ফেলবে এত ক্ষমতা তার নেই। আর সত্য তো হাত জোড়াবে বলেছে, “আমায় আর কিছু জিজ্ঞেস করো না। আমি সে কথা মুখে জানতে পারব না।”

না, সত্যিই পারবে না।

মুখে আনবার কথা নয়।

তবু নিতাই একদিন মুখে এনেছিল। ভুলতোষ মাস্টার সত্যকে পড়া দিয়ে চলে যাওয়া মাত্র বলে উঠেছিল, “সম্পর্কটা মাস্টার বানিয়েছে ভাল। গুণ-শিখা! কিন্তু যতক্ষণ পড়া বুঝায় ততক্ষণ তো গুণ বসে বসে শিষ্যকে চোখ দিয়ে গিলতে থাকে।”

সত্য তাঁর স্বরে বলেছিল, “ঠাকুরপো!”

“তা রাগ করলে আর কি হবে? যা হক কথা তাই বলছি। মাস্টার মশাইয়ের রাত-চরিত্রের আমার আর আজকাল ভাল মনে হয় না। ছুতোয়-নাতায় হরঘাড় এ পায় আসার বহর দেখে বুঝতে পারেন না? নিছক পিত্তে করতে আসা নয়, কারণটা অর্থ। আমি এই ভবিষ্যৎবাণী করছি, সময়ে সাবধান না হলে ওই মাস্টার হতে একদিন বিপদ আসবে।”

সত্য কতিন গলায় প্রশ্ন করেছিল, “কথাই যদি তুললে ঠাকুরপো তো বলি— সে বিপদ যে তোমার দ্বারাই আসবে না তার নিশ্চয়তা কি?”

“আমার দ্বারা! আমার দ্বারা মানে?”

নিতাই সিঁদুরে-আমের মত লালচে হয়ে ওঠে।

কিন্তু সত্য কঠোর।

“মানে ঘরে গিয়ে বোঝা গে। জিজ্ঞেস করো গে আপনার মনকে। কে কাকে চোখ দিয়ে গিলছে, সে খবর তোমার চোখে পড়ে কেমন করে তাই তোমায় শুধোই আমি!”

“পড়বে না?”

নিতাই উত্তেজিত হয়, “নবর মতন কানা মানুষ ছাড়া সবাইয়ের চোখেই পড়ে।”

“নিজে চোখ না ফেললে পড়ে না, এই আমারও সাদা বাংলা। কিন্তু এমন মন্দ কথা যখন তোমার মনে উঠতে পারে ঠাকুরপো, তখন আমার মনে হয় আর একত্র থাকা ঠিক নয়।”

“ঠিক নয়!” নিতাই অবাক হয়ে বলে, “একত্র থাকা ঠিক নয়?”

“না।”

নিতাই হুঁসে উঠে বলেছিল, “আমাকে সরালেই তোমাদের বিপদ সরবে?”

“বিপদ।”

সত্য সহসা হেসে উঠেছিল, “আমার আবার বিপদ কিসের? আঙুনে

যদি কেউ হাত দিতে আসে ঠাকুরপো, বিপদটা আগুনের হয়, না হাতের হয় ?  
বামায়ণ মহাভারতের কাহিনীও কি কখনো শোন নি ? সতীনারীর উপাখ্যান ?  
তামায় যে সরে যেতে বলছি, সে তোমারই ভালর জগ্গে ।”

নিতাই আর সোনও কথা খুঁজে না পেয়ে বলেছিল, “চমৎকার ! বিচারটা ভাল ।”

সত্য বলেছিল, “এখন তুমি নানা কারণেই অন্ধ ঠাকুরপো, তাই জ্ঞানগমিয়া  
নেই। পরে বুঝবে। তবে এ সম্পর্কে অধিক কথায় আর কাজ নেই।  
দুকথা হচ্ছে ছারপোকাকার বংশ, একটা থেকে একশোটা ছানা জন্মায়। ওকে  
মূলেই ধ্বংস করে দেওয়া বুদ্ধির কাজ ।”

তারপর সেই ভবতোষ মাস্টারের কাছে মেশ খুঁজে দেওয়ার প্রস্তাব।

কিন্তু নিতাইয়ের অনুরোধ কি বাস্তবিকই অমূলক ?

নিছক অমূলক বললে ভুল বলা হবে।

ভবতোষ মাস্টারের চোখের শ্রদ্ধা সমাহ আর স্নেহভরা মুগ্ধ বিহ্বল দৃষ্টি যে  
খান্নহার হলে সত্যবতীর আনত মুখের দিকে তাকিয়ে থাকে, এ কি সত্যবতীর  
অনুভবের মধ্যে ধরা পড়ে না ?

পড়ে। পাথরের দেবতাও ভক্তের নিবেদন বোঝে।

তবু সত্যবতী গ্রাহ্য করে না। সত্যবতী বোঝে এ দৃষ্টির মধ্যে অনিষ্টের  
আশঙ্কা নেই। সত্যবতী জানে এ দৃষ্টি সত্যবতীর কেশাগ্রেরও ক্ষতি করতে  
পারবে না। যেমন পারবে না নিতাইয়ের ঈর্ষাকাতর জ্বালাভরা দৃষ্টি। ছোটোকেই  
সমান অগ্রাহ্য করেছিল সত্যবতী। কিন্তু নিতাইয়ের এই স্পষ্টাঙ্গটি জ্বালা-প্রকাশে  
বিবেচনার পথ নিল সে। কে জানে কোনদিন যদি নির্বোধ নবকুমারের কানে  
তুলে বসে নিতাই এই নীচ সন্দেহের কথাটা !

যদি মাস্টার মশায়ের কানে ওঠে ?

ছি ছি !

উনি স্নেহ করেন।

উনি গুরু।

উনি নিজেও জানেন না, এর মধ্যে কোন দোষ আছে। তাই গুরু নিজেরও  
কিছু ক্ষতি হচ্ছে না।

কিন্তু নিতাইয়ের কথা স্বতন্ত্র। নিতাইয়ের মধ্যে যা আছে, সেটা নির্ভেজাল  
শ্রদ্ধা নয়।

সে আপনি আপনার ক্ষতি করতে পারে।

তার জন্তে ব্যবস্থার দরকার।

তাই নবকুমারের কাছে দৃঢ়স্বরে বলতে পারে সত্যবর্তী, “আমার দ্বাৰা কোন অবিবেচনার কাজ হবে না, কোন ছোট কাজ হবে না, এ বিশ্বাস রেখো।”

নিতাই চলে যেতেই নবকুমার বলতে শুরু করল, “বাড়িটা যেন গিলে খেতে আসছে।” বলতে লাগল, “চার-চারখানা ঘরে দরকার কি?”

ওই শেকল-বন্ধ ঘরটা যে ওর বৃকে শেলের মত বিঁধছে সেটা বুঝতে পারে সত্য। তাই একদিন নরম গলায় বলে, “আর একটা বাসা দেখলে হয় না?”

“কেন, আর একটা বাসার কি দরকার!”

নবকুমার খাপ্পা হয়ে ওঠে।

“দরকার আর কি, একটু হাওয়া বদল। তা ছাড়া এ বাসার ভাড়াটাও তো কম নয়। এদিকে বাজার দিন দিন অগ্নিমূল্য হচ্ছে। ওদিকে ছেলের বইখাতা ইস্কুলের মাইনে বাড়ছে।”

“তা সে তো তোমার পক্ষে ভালই। একটা মাহুঘ দু বেলা দু মুঠো ভাতের বদলে একমুঠো করে টাকা ধরে দিচ্ছিল—”

সত্য বিনাবাক্যে উঠে গিয়েছিল। আর মনে মনে প্রতিজ্ঞা করেছিল, ঠিক আছে, আর নবকুমারকেও বলা নয়, ভবতোষ মান্দীরকে অহুরোধ জানানো নয়, নিজেই হাল ধরবে সে। ঝিকে দিয়ে বাসা যোগাড় করবে। ঝি পাঁচবাড়ি ঘোরে, অনেক সন্ধান রাখে।

তা সত্যর হিসেবে ভুল হয় নি।

মুক্তারামবাবু স্ট্রিটের এ বাসা ঝি পঞ্চুর মা-ই যোগাড় করে দিয়েছে। বাড়িওলারা মস্ত বড়লোক, বনেদী ঘর। আগে যখন আরো বোলবোলাও ছিল, তখন আমলা-গোমস্তাদের জন্তেই ছোট ছোট অনেক বাসা বানিয়ে দিয়েছিল। এখন কর্মচারীর সংখ্যা কম, তাই দু-পাঁচখানা বাসায় ভাড়া বসিয়েছে।

তারই একখানার সন্ধান এনে দিল পঞ্চুর মা। নবকুমার বাসা দেখে এসে সন্তোষ প্রকাশ না করে পারল না। কারণ ছোট হলেও বাসাটা ভাল।

রাত্তার ধারে। ভবতোস মান্টার ক্ষুন্নস্বরে বললেন, “বাসা বদলের দরকার ছিল, আমায় জানাও নি তো নবকুমার?”

নবকুমার ‘বাড়ির মধোর’ শিক্ষায় শিক্ষিত হয়ে বলল, “আজ্ঞে আপনার ওপর আর কত বোঝা চাপাব? আমাদের জন্তে তো আপনার কাজের অন্ত নেই। এটা যখন ঝাঁক দ্বারা হয়ে গেল—”

“আমার বাসা থেকে একটু দূর হয়ে গেল, এই আর কি।”

ভবতোষ নিঃশ্বাস ফেললেন।

তবু বাসা বদল হল।

আর সত্য আর একটু স্বাধীন হয়ে উঠল। ফি-হাত মান্টার মশাইয়ের মুখাপেক্ষিতার অভ্যাসটা কাটাতে শুরু করল।

তবে এ বাড়ির একটা অহুনিধে, বাড়িওলারা ধনী হলেও জাতে ছোট। কাজেই বামুন-ভক্তিটা প্রবল। যখন তখন পালাপাষণ হলেই বামুনবাড়ি সিধে পাঠায় তারা, বামুনের মেয়ের জন্তে পান সুপুরি মিষ্টি, লালপাড় শাড়ীর উপঢৌকন পাঠায়।

ফেরত দেওয়াও চলে না, কেবল নেওয়াও লজ্জার।

নবকুমার অবশ্য লজ্জার বলে না। বলে “এতে তোমার এত কিঙ্ক কিসের? কথায় আছে লাখ টাকায় বামুন ভিথিরি। তা ছাড়া ওরা হল গে সোনার বেনে। বামুনকে দান করে পুণ্যসঞ্চয় করছে।”

“তা হোক।” সত্য ঝঙ্কার দেয়। “আমরা তো আর পরিবর্তে কিছু দিতে পারছি না? নিতে আমার মাথা কাটা যায়।”

“তোমার সবই উল্টো। বলি পরিবর্তে তো তুমি আশীর্বাদ দিচ্ছ।”

“আশীর্বাদ!

হি হি করে হেসে ওঠে সত্য। “আমার আশীর্বাদের অপেক্ষাতেই যে ছিল এত দিন। আর ওদের ওই রাজ্যিপাট আমার আশীর্বাদেই হয়েছে। যাই বল, এ একটা বিপদ হয়েছে।”

“লোকের যা প্রার্থনার, তোমার তাতেই বিপদ, আর লোকের যাতে ভয়, তোমার তাতেই আহ্লাদ, এই তো দেখলাম চিরটাকাল। কোন্ বিধাতা যে গড়েছিল তোমায় তাই ভাবি।”

এই ধরনের কথা প্রায়ই হয়।

আবার মাঝে মাঝে পঞ্চুর মা বলে, “বড় বাড়ির গিন্নী পেরায় আমাকে

বলে, ‘হ্যাঁ লা, সবাই আমার সঙ্গে দেখা করতে আসে, কই সাত নম্বর বাসার গিন্নী তো কই আসে না একদিনও?’ আমি বলি, ‘ও রাণীমা, গিন্নী কোথায়? সে নেহাত ছেলেমানুষ বোঁটি।’ তা যাই বল বাপু, তোমার এক-আধদিন যাওয়া কৌতব্য। সকল প্রেজারাই যখন যায়—”

সকল প্রেজারাই যখন যায়—

সত্য দপ্ করে জলে উঠে বলে, “তা আমি তো আর ওনাদের প্রজা নেই পঞ্চুর মা। ভাড়া দিই, থাকি।”

“তা সে একই কথা।” পঞ্চুর মা বিগলিত স্বরে বলে, “খাজনা দিলে প্রজা, ভাড়া দিলে ভাড়াটে। গিন্নীর যেন একটু গোসা-গোসা ভাব দেখলাম, তাই বলছি। মানে বড়মানুষ তো? রাতদিন তোয়াজ পাচ্ছে, তাতেই অজ্বার ভাব। মনে করে সাত নম্বর কেন তোয়াজ করে গেল না? একদিন গেলেই ও গোসাটা কাটে।”

“আমার সময় কোথা?”

সত্য গম্ভীর ভাবে বলে।

“ওমা শোন কথা।” পঞ্চুর মা বিস্ময় রাখবার জায়গা পায় না। “এই গলির এপার ওপার, এটুকু একবার যেতে তোমার সময় হবে না? তা হলে বলি বৌদিদি, অজ্বার তোমারও কম নয়।”

“তা হলে বুঝেছিস?” হেসে ফেলে সত্য।

“বুঝেছি। বুঝেই আছি। তবে কিনা তোমার হিতের জগই বলছি। জলে যখন বাস, কুমীরের সঙ্গে ভাব রাখাই ভাল।”

“দেখ্ পঞ্চুর মা, ওসব তোয়াজ করা-টরা আমাকে দিয়ে হবে না। তা সে কুমীরের কামড় খেতে হয় তাও ভাল।”

“আহা-হা, তা কেন! কামড়ের কথা হচ্ছে না। তোমরা হলে গে জগতের সেরা, উঁচু বামুন। তোমাদের মাগির কাছে কি আর পয়সার মাগি? তবে কিনা কালটা কলি, এই আর কি। কলিকালে পয়সাই মোক্ষ। নইলে এই এগারো নম্বর বাসার চক্কোত্তি-গিন্নী অমন করে দস্ত-গিন্নীর পায়ে তেল দেয়?”

“বাক পঞ্চুর মা, ওসব কথা তুলিস নে। আমার মেজাজ ধারাপ হয়ে যায়। বড়মানুষের বাড়ি যাওয়া আমার পোষাবে না, এই হচ্ছে সাদা বাংলা। তা তাতে এখানের বাস ওঠাতে হয় তাও ভাল।”



পঞ্চুর মা মানুষটা ভাল। লাগানে-ভাঙানে নয়। আর শোব করি সত্যার এই তেজস্বিতাকে সে সম্বাহ করে। তাই গিয়ে বড় বাড়ির গিন্নীর কানে তোলে না কথাটা। নইলে ও বাড়িতে তো তার নিত্য গতয়াত।

কারণ ঝি-খেটে খেলেও পঞ্চুর মা মালির মেয়ে। তার পোনঝি ওই বড় বাড়িতে ফুলের যোগানদার, বোনঝির সেখানে অশেষ প্রতিপত্তি। পঞ্চুর মা সেই স্ববাদে দৈনিক জলপানিটা বরাদ্দ করে নিয়েছে ও বাড়িতে।

আর রাজ্যের ঝি আর মালিনী তাঁতিনী নিয়েই তো আসর গিন্নীর।

তাই সে ভাবে, একটা দিন গেলে যদি বড় বাড়ির গিন্নীর মনটা প্রসন্ন হয়, গেলেই বা। কিন্তু সত্য উড়িয়ে দেয়।

বলে, “বড়মামুষের বাড়ির চৌকাঠ ডিঙোতে আছে? বাপ!”

তবু সত্যকে একদিন বড় বাড়ির চৌকাঠ ডিঙোতে হল।

ওদের রাঁধুনা বামনী আর গিন্নীর খাস ঝি এসে কর্তার নাতির ‘মুখে-ভাতে’র নিমন্ত্রণ করে গেল। নতুন কাঁসার রেকাবিতে চাবজোড়া সন্দেশ, আর নতুন পেতলের ঘটতে সেরটাক তেল দাওয়ায় নামিয়ে দিয়ে বলল, “নাতির মুখের পেসাদ, নেমস্তন্ন করে গেলাম। বাড়িসুদ্ধ সব যাওয়া চাই। বাড়িতে যেন উছুন না জলে।”

সত্য মূহু গম্ভীর ভাবে বলে, “কবে অন্নপ্রাশন?”

“এই তোমার গে পরশু।”

সত্য আরও গম্ভীর ভাবে বলে, “তবে? ছুটির দিন তো না? বাবুকে দশটায় আপিস খেতে হয়। উছুন না জ্বালালে চলবে কেন? অত সকাল সকাল তো আর যন্ত্রিপাড়িতে ভাত মিলবে না?”

“তা জানি না।” রাঁধুনী খরখরে গলায় বলে ওঠে, “পাড়াব কারুর ঘবে উছুনের খোঁয়া উঠতে দেখলে গিন্নী আর রক্ষ রাখবে না, এই হচ্ছে সংবাদ।”

“তা হলে বাবুকে সেদিন পাস্তা খেতে হবে!”

সত্য নিশ্চল দাঁড়িয়ে বলে।

আর রাঁধুনী বামনী গালে হাত দিয়ে ‘থ’ হয়ে যায়। তারপর খরখরিয়ে বলে ওঠে, “ওমা এ যে সর্বনেশে মেয়ে গো! রাণীমা তো ঠিকই বলেছে, ‘আর সকল বাড়ি শুধু ঝি গেলেই বোধ হয় হত, সাত নম্বরে বামুনদি তুমি সক্ষে যেও। ওনার বড় দেমাক, কি জানি যদি শুদ্ধুরের মুখের নেমস্তন্ন না নেন।’”

“তা ভাল ! চোখে না দেখেও মানুষ চিনতে পারেন। তোমাদের রাণীমা তো খুব গুণী !”

রাঁধুনী বোধ করি কথাটার নিহিতার্থ হৃদয়ঙ্গম করতে না পেরেই বলে, “গুণী, সে কথা আর বলতে ! একবার কেন একশোবার। গেলেই জানতে পারবে। কী দয়া-দাক্ষিণ্য! আর রূপও তেমনি! যেন জগদ্ধাত্রী প্রতিমা !”

গিন্নীর খাসদাসী সঙ্গে।

কাজেই জানা কথা এই যে স্ততিগান একেবারে ব্যর্থ হবে না।

সত্য বলে, “তা দাঁড়াও। ষটিটা রেকাবটা নিয়ে যাও।”

শুনে ষি বামনী দুজনেই হেসে ওঠে। “ওমা! বলে কি গো? নিয়ে যাব কি গো? ও তো সামাজিক বিলোনোর জন্তে। একেবারে ব্যাপারীদের কাছে বায়না দিয়ে এক মাপের এক গড়নের অমন হাজারখানেক আনানো হয়েছে। এসব বুঝি দেখনি কখনো?”

সত্য আর দ্বিধা না করে জিনিস দুটো ঘরে উঠিয়ে রাখে। ওই হাসির শব্দ যেন ছুরির মত দাঁধতে থাকে।

দেখবে না কেন?

রামকালী চাটুয্যের মেয়ে সত্য অনেক কিছুই দেখেছে। বাসন বিলোনোও দেখেছে বৈকি। কিন্তু সেটা কখন কিভাবে বিলানো হয় তা তার জানা ছিল না।

ভাবল, কি জালা!

যদি বা পাঁচ টাকায় এমন মনের মত বাসাটি পাওয়া গেল, তার সঙ্গে জুটল এই পিঁপড়ের কামড়!

এতদিন ওদের বাড়িতে না গিয়ে চলেছে, আর চলল না দেখা যাচ্ছে। সামাজিক নেমস্তন্ন বলে কথা।

গাড়ি-পালকির পথ নয়, তবু এসব কাজে পালকিতে চেপে যাওয়াই রেওয়াজ। পঞ্চুর মা বলে, “আমি এই বাসন কথানা মেজে কেলে বাসা থেকে কাচা কাপড় পরে আসছি বৌদিদি, তুমি সাজগোজ করে নাও তত্ত্বক্ষণ, আর খোকাদেরও পোশাক-আশাক পরিয়ে—”

“খোকারা তো এখন ইস্কুলে চলল।”

বলল সত্যবতী।

“ওমা, সি কি কথা! নেমস্তন্ন খাবে না ওরা?”

“ইস্কুল কামাই করে?”

পঞ্চুর মা অবাক হয়ে বলে, “একদিন তোমার ইস্কুল কামাইটা এমন মারাত্মক হল বৌদিদি? পাড়াস্কন্ধু ছেলে কেউ আজ ইস্কুলে যাবে নাকি? বলে বিশ দিন থেকে দিন গুনছে সবাই। বড়মানুষের বাড়ির নেমস্তন্ন, কত ভালমন্দ সামগ্রীর আয়োজন, বারো মেসে সংসারে তোমার গে সেসব চোখেও দেখতে পায় না কেউ—”

সত্য ঈষৎ কঠিন স্বরে বলে, “তা বারো মাস যখন দেখতে পায় না, একদিন পেয়েই বা কি রাজ্যলাভ হবে? তুই বাসা থেকে ঘুরে আয়, আমি একাই যাব।”

“জানি নে বাবা! তোমার মতিগতি কেমন! বলি ছেলেরা না গেলে মাথা পিছু ছাঁদাটাও তো বেবাক লোকসান।”

“লাভ-লোকসানের হিসেব তোর সঙ্গে করতে বসতে পারছি না পঞ্চুর মা, কাজ সেরে বাসা থেকে ঘুরে আয়।”

পঞ্চুর মা তথাপি হাল ছাড়ে না।

বলে, “তা বৌদিদি, খোকারা ইস্কুল থেকে ফিরেও যেতে পারে। খ্যাঁট তো তোমার গে এই দুপুর থেকে সার সন্ধ্যে অবধি চলবে।”

“তুই খামবি?”

বলে ধমক দিয়ে সরে যায় সত্য।

নবকুমার কোটের পকেটে পানের কৌটোটা ভরে নিতে নিতে বলে, “ছেলেদের নিয়ে গেলেই পারতে!”

“কেন?”

“কেন আবার কি! নেমস্তন্ন—”

“নাঃ, বড়লোকের বাড়ি না যাওয়াই ভাল। ছেলেবুদ্দি ছেলেমন, অত জাঁকজমক দেখে এসে শেষে নিজেদের তুচ্ছ মনে করতে শিখবে।”

“তোমার যত সব উদ্ভট কথা। মাথাতে আসেই যে কি করে! বাক, যাবে একটা টাকা নিয়ে যেও। সামাজিক আশীর্বাদটা দিতে হবে তো?”

সত্যর জোড়া কুর নেচে ওঠে।

কৌতুকের হাসিতে মুখ উজ্জ্বল দেখায়।

“একটা টাকা! ধুং! এতদিন ধরে এত সিধে শাস্তি কাপড়চোপড় পেয়ে আসছি, যদি তার শোধ দেবার সুযোগ পাচ্ছি, টাকা দিয়ে সারব কেন?”

“তবে কী দেবে? গিনির মালা?”

নবকুমারও রহস্য করে।

“গিনির মালা? না। বেআন্দাজী কিছু করতে যাব না। এইটে দেব।”

সত্য তোরঙ্গ খুলে একটা জিনিস বার কবে। মুঠোয় চেপে রহস্যভরে বলে, “হাত গুনে বল, কি এটা?”

“হাত গুনে জানি না। আপিসের বেলা হয়ে যাচ্ছে। দেখাবে তো দেখাও।”

সত্য মুঠো খুলে ধরে।

আর ঝকমক করে ওঠে সোনার জলুস।

কড়িহার একগাছ।

ভরি পাঁচেকের কম নয়।

নবকুমার হেসে ফেলে বলে, “ইস, তা আর নয়! প্রাণ ধরে পারবে?”

“নিশ্চয়। আমার প্রাণ অত হালকা নয়।”

“পাগলামি করো না।”

“পাগলামি নয়, সত্যিই দেব।”

“ওই অতবড় সোনার হারছড়া দিয়ে দেবে? বড়মাতুষের সঙ্গে পাল্লা দেওয়ার সাধ?”

“পাল্লা নয়।” সত্য গম্ভীর ভাবে বলে, “মান-সম্মান রক্ষে। বলে কিনা প্রজ্ঞা!”

“ওদের কাছে তোমার মান? ওরা হল গে লাধপতি।”

“তাতে আমার কি?”

এবার নবকুমার নোবে, রহস্য নয়, সত্যি। ক্রুদ্ধ হয়ে ওঠে।

বলে, সবনাশা বুদ্ধি না হলে এমন কাণ্ড কেউ করতে যায় না।\* বলে, একটা টাকায় যেখানে মেটে, সেখানে এতবড় একগাছা সোনার হার। এ

শুধু বন্ধ পাগলেই করে। তা ছাড়া উড়নচণ্ডে হয়ে সোনাদানা নষ্ট কববাব অধিকারই বা দিয়েছে কে সত্যকে? এলোকেশী যদি টের পান, রক্ষে বাখবেন?

সত্য গম্ভীর ভাবে বলে, “এ তো তোমার মায়ের জিনিস নয়!”

“নয় মানে। তোমার বাবা যেকালে সালস্বারা কত্তে দান কবেছে—”

“এ আমার বিয়ের সময়ের জিনিস নয়। সেসব তোমার মা সঙ্গে দেনও নি। এপারে নিত্যেনন্দপুরে যেতে ছোট খোকাব নাম করে পিসঠাকুমা দিয়েছেন।”

“দিয়েছেন বলেই বিলোতে হবে? না না, ওসব বদখেয়াল ছাড়।”

“তা হলে আমার যাওয়া হয় না।”

“যাওয়া হয় না! চমৎকার! বলি এত যদি টেকা দেওয়ার শখ, নিজের জন্যেও তাহলে হীরে মুক্তা জরি বেনারসী যোগাড় করো?”

“তা কেন?”

সত্য দৃঢ়ভাবে বলে, “বামুনের মেয়ের শাখা আর লালপাড় শাড়ীই মস্ত আভরণ!”

তা শেষ পর্যন্ত সেই মস্ত আভরণেই সজ্জিত হয়ে ও বাড়িতে গিয়ে হাজির হল সত্য পঞ্চুর মার সঙ্গে। একখানা নতুন কাঁসার রেকাবিতে সেই কড়িহার-ছড়া আর একটু ধানতুবো নিয়ে।

‘নৌকতা’র বহর দেখে পঞ্চুর মাও তাজ্জব হয়ে গেছিল। গালে হাত দিয়ে বলেছিল, “ই্যাগো নৌদিদি, বড় বড় কুটুমবাড়ি থেকেও তো দুটো একটা টাকাই দেয়। আর তোমার মতন এই পাড়াপড়শী প্রেজারা চারগুণা কি জোর আটগুণা পয়সা। একটা টাকা হল তো খুব বেশী হল। আর তুমি—”

“হোক হোক, চল্ তুই।”

“ছেলে কোন্ ঘরে?”

সত্য শুধোল একজনকে।

সন্তবত সে দাসী। কারণ পঞ্চুর মা তাড়াতাড়ি আগবাড়িয়ে এসে একগাল হেসে বলে, “এই যে সুখদার পিসি! নিয়ে এলাম আমাদের নৌদিদিকে। সাত নম্বরের বাড়ির—”

“ওঃ !”

স্বধদার পিসি ভুরু ইশারায় দিকনির্দেশ করে বলে, “ওই উদিককার দালানে বসাও গে !”

“বসবে বসবে ! তা অগ্রে খোকাবাবুকে আশীর্বাদ করে—”

স্বধদার পিসির এতক্ষণে বোধ করি হাতের জিনিসটার প্রতি নজর পড়ে। ঈষৎ বিস্ময় এবং সমীহ মিশ্রিত স্বরে বলে, “তা তবে ওপরতলায় নে যাও। মোক্ষদার কাছে আছে ছেলে।”

মোক্ষদা এ বাড়ির খোদ বি।

গিন্নীর পরের পদটাই তার।

বাড়ির বৌ-বিরি পর্যন্ত তার ভয়ে তটস্থ। আর অগ্র বিদের তো সে দণ্ড-মুণ্ডের কর্তা। মোক্ষদার জিমাতেই আছে ছেলে। কারণ ছেলের সর্বাঙ্গে আজ গয়না।

ছাড়া মাথা, সর্বাঙ্গে অষ্ট অলঙ্কার, আর সলুমা-চুমকির-কাজ-করা ভেলভেটের পোশাকের জ্বালা, হাঁ হাঁ করে কাঁদছিল ছেলেটা—

“মুখ দেখানি”র খালা সামনে নিয়ে ক্রন্দনরত ছেলেটাকে কোলে চেপে ধরে বসেছিল মোক্ষদা কালো মোষের মত চেহারাখানি নিয়ে।

পঞ্চরু মার সঙ্গে সত্যকে দেখেই বাঙখাঁই গলায় বলে ওঠে, “এই বুঝি তোর মনিব পঞ্চরু মা ? যাক, পা’র ধুলো পড়ল তা হলে ?”

সত্যর ভুরু কঁচকে ওঠে।

তবু সে ধীরভাবে এগিয়ে গিয়ে ধানতুর্বো নিয়ে ছেলের মাথায় দিয়ে হার সমেত রেকাবিটা নামিয়ে দেয় মুখ-দেখানির খালার কাছে। যে খালায় টাকার চাইতে আধুলি, ও আধুলির চাইতে সিকির সংখ্যাই বেশী।

সঙ্গে সঙ্গে ভুরু কঁচকে ওঠে মোক্ষদাবও।

“এটা কি পঞ্চরু মা ?”

পঞ্চরু মা তটস্থ ভাবে বলে, “এই খোকাবাবুর আশীর্বাদী মোক্ষদাদি ! বৌদি বলে একটা টাকা নিয়ে গিয়ে আর কি হবে পঞ্চরু মা ? বড়মামুয়ের বাড়ি, ছুমুদুরে পাগু-অর্ধি—তাই—”

“বাজে বাজে বকছিল কেন মিথ্যে ?”

ভীত স্বরে ধমকে ওঠে সত্যবতী।

ভীত, তবে শূন্য।

মোক্ষদা একবার সত্যর আপাদমস্তক দেখে নেয়, একবার হারছড়া হাতে তুলে ঘুরিয়ে ফিরিয়ে অস্থব্ব করে। তারপর বিরস স্বরে বলে, “এ হার তুমি উঠিয়ে নিয়ে যাও গো সাত নম্বরের গিম্মী। এদের ঘরের ছেলেপেলে গিণ্টর গয়না পরে না।”

গিণ্টর গয়না !

পঞ্চুর মার বুকটা বসে যায়।

নির্বোধ ছুঁড়ির নিব্বুদ্ধি দেখে এ পর্যন্ত সে মনে মনে হাসছিল। ভাবছিল শহুরে বড়মানুষ তো দেখে নি কখনো, তাই তরাসে বেআন্দাজী একটা নৌকতা করে বসেছে। তা বসুক। পঞ্চুর মার মুখটা বড় হবে বোনঝির মনিববাড়িতে।

কিন্তু এ কী !

এ যে মুখে চুনকালি !

ছি ছি, ই কি মুখুয়ামি ! তুই এই দস্তবাড়িতে নিয়ে এলি গিণ্টর গয়না !

প্রায় হতস্তব্ব হয়েই তাকিয়ে থাকে সে। কিন্তু ততক্ষণে উত্তর দিয়েছে সত্য। তীক্ষ্ণ তীব্র মুহু।

“তুমি বুঝি এখানে নতুন কাজে ঢুকেছ ?”

“নতুন ? আমি নতুন কাজে ঢুকেছি ?” মোক্ষদা আশুনের মতন গনগনিষ্মে ওঠে, “ওমা আমার কে গো ! তুমি আজ নতুন পদাঙ্গন করেছ বলে মোক্ষদাও নতুন হয়ে গেল ! এই বাড়িতে কাজ করতে করতে চুল পাকালাম। বলি এ প্রশ্ন যে ?”

“প্রশ্ন তুমিই করালে বাছা ! এতদিন এদের ঘরে কাজ করছ, সোনা চেনো না ?”

মোক্ষদা কালো মুখ আরও কালি করে বলে, “তোমার কথাবাত্তা তো বড় চ্যাটাং চ্যাটাং ! যা পঞ্চুর মা, বড় রাণীমার কাছে নে যা ! সেখানে মুখটায় একটু লাগাম রেখে কথা কোয়ো গো ভালমানুষের মেয়ে। সে আর দাসীবাদীর এজলাশ নয়।”

পঞ্চুর মা খানিক এগিয়ে ফিসফিস করে বলে, “মোক্ষদার বড় দাপট মা ! ওকে একটু তোয়াজ করে কথা কইতে হয়। ঘাই, দেখি আমার বুনঝিটা কোথায়। তাকে সঙ্গে পেলে বুকে একটু ভরসা পাই। খাস মালিনী তো সে। এই বিরাট বাড়ির যত মেয়েছেলে সবার খোঁপার জন্ত রোজ বরাদ্দর

ফুলের সাজ, রকমারি মালা, জরির ফুল, রাংতার চাঁদতারা, সব ওই আমাব বুনঝি...অ শৈল, কই, কই কোথা লো—”

পঞ্চুর মা রূপ করে এগিয়ে যায়।

আর সত্যবতী দালানের একটা খামের কাছে দাঁড়িয়ে দেখতে থাকে তাকিয়ে তাকিয়ে বাড়িব বাহার, কাককার্য, সাজসজ্জা।

দালানের ছাতটা কী উঁচু।

যেন কোথায় খামতে-হবে ভুলে গিয়ে যথেষ্ট উঠে গেছে উপর দিকে। সেই ছাদের নীচে ঝুলছে প্রকাণ্ড প্রকাণ্ড ঝাড়লগ্নন, সত্য গুনে ফেলল, চকমিলানো দালানের চাব কোণায় চাবটে, আব মাঝামাঝি একটা করে, সবস্বন্ধ আটটা ঝাড়।

আগাগোড়া দালান খেতপাথরে মোড়া, শুধু কিনারায় কিনারায় কালো পাড়। খামের মাঝখানে প্রতিটি খিলেনেব মাথা থেকে ঝুলছে নানা মাপের পাখীর খাঁচা, পাখীর দাঁড়। হরেক রকমের পাখী। আশ্চর্য! এত পাখী কেন? এত পাখী পুষে কি হয়?

দালানের কোণে কোণে একটা করে পাথরের নগ্ন নারীমূর্তি। সত্য তাদের দিকে তাকিয়ে চোখটা তাড়াতাড়ি ফিরিয়ে নিল। ভাবল, মাগো মেয়েগুলোকে দেখে মনে হচ্ছে যেন জলজ্যাস্ত! তার পর মনে মনে ফিক করে একটু হেসে ভাবল, বেচারীরা বোধ হয় রক্তমাংসেরই ছিল, হাজার লোকের চোখের সামনে অমন করে দাঁড়িয়ে থাকতে হওয়ায় লজ্জায় পাথর হয়ে গেছে।

বাইরে থেকে বাড়ির ভিতরের এতটা শোভা-সৌন্দর্য ঠিক বোঝা যায় না। ভিতরে ঢুকলে দেখে তাজ্জব বনতে হয়। ছেলেবেলায় বাবার কাছে নবাব-বাড়ির অনেক গল্প শুনেছে সত্য, তার অসীম কোঁতুহলী চিত্তের অসংখ্য প্রশ্ন-শরাস্বাতে রামকালীকে বলতেই হত অনেক কিছু বিশদ করে। দস্তদের অস্তঃপুরে এসে সত্যর সেই ছেলেবেলায় শোনা নবাববাড়ির কথা মনে পড়ল। শোনা গল্পের সঙ্গে মনের রং আর কল্পনা মিশিয়ে নিয়ে এই ধরনের ছবিই এঁকে রেখেছিল সত্য তার ধারণার জগতে।

তাই ভাবল, বাবা, এ যে দেখছি একেবারে নবাবী কাণ্ড!

“এস গো বোঁদ্বিদি”, উর্ধ্বশ্বাসে ছুটে এল পঞ্চুর মা, “এই সময় চল। এখন একটু ভিড় কম আছে।”



সত্য আস্তে বলে, “কাজের বাড়ি তো, কিন্তু এত বড় দালানে মানুষজনের চিহ্ন নেই কেন রে পঞ্চুর মা! বাড়ির গিন্নীটিন্গীই বা কোথায়?”

“ওমা শোন কথা!” পঞ্চুর মা বিশ্বয়ের চরম অভিব্যক্তি স্বরূপ গালে হাত দেয়।...

“কি হল? মুচ্ছে গেলি যে!”

“তা মুচ্ছে যাওয়ার মতন কথাই যে বললে বৌদিদি। এ কী তোমার আমার মতন গরীবগুরবোর ঘর যে, নাতির অন্নপাশনে ঠাকমা কোমর বেঁধে কাজ করে বেড়াবে? এ বাড়ির গিন্নীবা নীচের তলায় নাবে নাকি?”

“নীচের তলায় নামে না?” সত্য হেসে ফেলে বলে, “কেন পায়ে বাত বুঝি?”

“বকো না বৌদিদি! হাসিও না। নীচের তলায় নামবার ওনাদের দবকার? বাহান গগা দাসীবাঁদি মোতায়েন নেই? তা ছাড়া তোমার গে সংসারে কত অবীরে লেখনা প্রতিপালিত হচ্ছে, তারাই সংসারের কন্না কবছে। আর সরকার মশাই তো আছেনই। অবিশ্তি একেবারে নাবে না তা নয়, নাবে। পাল-পাকবনে ঠাকুরদালানে আসে। তা তার জন্তে মালাদা সিঁড়ি আছে ভেতর-ঘর দিয়ে। ইদিকটা হল গে, না সদর না অন্দর, দুইয়ের মাঝখান। মানুষজনের কথা বলছ? সে তোমার গিয়ে ঠিকি বড় নেই। ভিড় দেখতে চাও তো দেখ গে যাও ভেতরবাড়ির উঠানে দালানে।... এ তো আর চালা বেঁধে ভিয়েন বসানো নয়, পেরকাও পেরকাও টানা লম্বা পাকা ভিয়েন-ঘর। তার ছেঁচতলায় মেছুনীরা বসেছে মাছ কুটতে। ভগবান জানেন কত মণ মাছ, তবে সে যা বাঁটি, দেখে ভিরমি লেগে যায়। মন্দ ছেলেরা পেরথমে শাজা মুড়ো খণ্ড করে বাগিয়ে দিয়েছে, তারপর মেছুনীরা বসেছে ‘খামি’ করতে। দেখাব, সবই দেখাব তোমায় ঘুরিয়ে ঘুরিয়ে। আমি ঠগলর মাসী বলে আমায় কেউ কিছু বলে না। আর বলবেই না কেন? আমি বলব, আমার মনিব গো। গা-ঘরের মানুষ, এত সব সাহেবী কতা, শহরে কাণ্ড তো কখনো দেখে নি, তাই—”

কথা হচ্ছিল এ-হদ্দ ও-হদ্দ দালানটা পার হতে হতে। তিন মুড়ো পার হয়ে তবে একেবারে শেষ মুড়োয় সিঁড়ি, সিঁড়ির কাছ বরাবর এসে পৌছেও ছিল, হঠাৎ দাঁড়িয়ে পড়ে তীব্র তীব্র অথচ চাপা গলায় বলে ওঠে সত্য, ‘পঞ্চুর মা!’

“কী হল গো?”

পঞ্চুর মা খতমত।

“দেখ, কথা যখন কইতে জানিস না, হুন্সি-দীর্ঘি জ্ঞান যখন নেই, তখন মেলা কতকগুলো কথা কইতে আন্সি নে।”

“ওমা! কথার ভুল আবাব কখন হল?”

“সে জ্ঞান থাকলে তো বুঝবি। তা তোকে এই পষ্ট কথায় সাবধান করে দিচ্ছি, আমাকে নিয়ে মিছে-কতকগুলো বকবক করবি না। যা কবতে এসেছিস তাই কর।”

“বাব্বাঃ! ধন্নি মেজাজ। মেজাজে তুমিও তো দেখছি রাজরাজড়ার থেকে কিছু কম যাও না। এদের এসব ঘরবাড়ি, বোটকখানা আর বাবুদের ঐশ্ব্যিয়ার দব্দবা এই কলকেতা শহরে একদিন এমন রাষ্ট্র ছিল যে স্তনতে পাই নাকি খাস নিলিতী সাহেবরা হুকু দেখতে আসত। আর তুমি কিনা—”

“হ্যাঁ, আমি ওই রকমই! ও বাবা, এ কে?”

“ও বাবা, এ কে?” বলেই হঠাৎ থেমে দাঁড়ায় সত্য, তার পরই ঈষৎ এগিয়ে গিয়ে নিরীক্ষণ করে দেখে অমুচস্বরে হেসে উঠে বলে, “দেখ কাণ্ড! কে বলবে সত্যি সেপাই নয়?”

পঞ্চুর মা এবার একটু গোরব অনুভব করে, অজ্জারি মাছুষটা হয়েছে তা হলে জ্ঞপ! স্বীকার পেয়েছে যে অবাক হয়েছে!

সিঁড়িতে উঠতে যেতেই ঠিক পাশে বন্দুক কাঁধে যে সেপাইটা খাড়া দাঁড়িয়ে আছে বীরের ভঙ্গীতে, প্রথম দিন সেটাকে দেখে পঞ্চুর মাও ঘাবড়ে গিয়ে দশ পা পিছিয়ে এসে দুগ্গা নাম’ জপ করতে শুরু করেছিল। দেখে ঠৈলর কি হাসি! সে রকম হাসি পঞ্চুর মার হাসতে ইচ্ছে করছে, তবে নেহাৎ নাকি মাছুষটা বেথাপ্পা মেজাজী, তাই সাহস হয় না। শুধু একটু মুচকি হেসেই ক্ষান্ত হয়ে বলে, “ওই দেখ, যত দেখবে তত আশ্চর্য্য হবে। এনাদের এক কুটুমবাড়ি তব্ব নে গেছিলুম, তা সে বলসে বিশ্বেস করবে না, তাদের বাগানে কোয়ারার ধারে এমন একটা ঝেয়েছেলের মূর্তি বসানো আছে যে দেখে লজ্জায় জিত কেটে ছুটে পালাতে হয়। আমি বলে উঠেছিলুম পযাস্ত, ‘মরণ মাগীর! এই বারবাড়িতে এমন বে-বস্তর হয়ে নাইতে এসেছে কেন?’ ষেতপাধরে গড়া তো, আমি ইনতাম করেছিলুম বোধ হয় তোমার গে মেম-বাইজীটাইজী হবে। তা আমার কথা স্তনে এ

বাড়ির এক দাসী হাসতে হাসতে হাতের বারকোশখানাই কেলে দিল। পথের ওপর মেঠাই গড়াগড়ি।”

সত্য এই হাসির নাটকে অংশগ্রহণ করে না, ঈষৎ কঠিন গলায় বলে, “তা সেরকম মূর্তির অভাব তো এখানেও নেই। দেখে লজ্জায় জিভ কাটতে হয়েছে তো আমাকেও। তা এই বুঝি শহুরে বড়মানুষদের বাড়ির বাহার? কচি পছন্দকে বলিহারি যাই! পয়সা থাকে দেব-দেবীর মূর্তি গড়িয়ে প্রতিষ্ঠা কর না! তা নয় যত অসভ্যতা! বাপ-সেটায় মায়ে-পোয়ে একসঙ্গে আনাগোনা করতে হয় না এখন দিয়ে? দেখে লজ্জা লাগে না?”

পঞ্চুর মা সত্যবতীর এই অবোধ নীতিজ্ঞানের মন্তব্যে একটি অবহেলা-মিশ্রিত পবিত্রপির হাসি হেসে বলে, “তা এসব তো আর হেঁজিপেঁজির ঘরের কাণ্ড নয়! এ তোমার গিয়ে বিলেত থেকে সায়েব কারিগর এসে গড়েছে। এর মানময্যোদা আলাদা।”

“তাই বুঝি? তা বেশ। মানময্যোদার নিদর্শনটা দেখলাম ভাল। এখন ৮ দিকি, দায় সেরে ফিরতে পারলে বাঁচি।”

সিঁড়িতে উঠতে উঠতে পঞ্চুর মা ফিস ফিস করে বলে, “বলে তুমি শুনবে না বোধ হয়, তবু আমার কন্তব্য আমি করি, বলে রাখি তোমায়, যতই তুমি বামুনের মেয়ে হও, গিন্নীকে একটু মান-সম্মান দিও। জোড়হস্ত দেখাই অব্যেস তো ওনাদের, বেতিক্ষেরম দেখলে চটে যাবে।

সত্য আর একবার থমকে দাঁড়ায়, তেমনি তীক্ষ্ণ কণ্ঠে বলে, “তবে দেখিয়ে দে জোড়হস্তটা কেমন ভাবে করতে হবে। শুধু জোড়হস্ত? না গলবস্তুর চাই? ধল্লি বটে পয়সার মহিমা! বলি এত যে ওদের স্তোত্রপাঠ করিস, নিজের অবস্থা কিছু ফিরেছে তাতে? বাসন মেজে তো খাস। জোড়হস্ত করবি ভগবানের কাছে, করবি মানুষের মতন মানুষের কাছে, পয়সার কাছে করতে বাস কেন মরতে?”

সত্য বুদ্ধিমতী, তবু সত্য নেহাতই নিবোধ। যে মরার কথা সে বলেছে, সে মরা কি একা পঞ্চুর মার? কে না যায় সেই মরণে মরতে? কে না চায় সেই মৃত্যুসাগরে ডুবতে?

নইলে চক্রবর্তী-গিন্নী কেন দস্ত-গিন্নীকে অবিরত তেল দেয়? দস্তরা যে সোনার বেনে, আর সোনার বেনেরা যে ‘জল অচল’ এ কথা কি জানে না চক্রবর্তী-গিন্নী?

সত্য যখন সিঁড়ি ভেঙে উঠে গিয়ে বড়গিন্নীর ঘরের দরজায় এসে দাঁড়াল তখন চক্রবর্তী-গিন্নী বিগলিত বিনয়ে, মুখের চেহারায় জোড়হাতের ভঙ্গী ফুটিয়ে বলছিলেন, “তাই তো বলছি মা, তোমার মতন এমন উঁচু নজর কটা লোকের আছে?...ঘরে তাই বলাবলি করি, হ্যাঁ, দরাজ প্রাণটা এনেছিল বটে দত্তদের গিন্নী!”

সত্য এসে দাঁড়াতেই কথায় ছেদ পড়ল। ঘরের মধ্যে যারা ছিলেন তাঁদের সকলের চোখ পড়ল তার উপর। মোসাহেবের স্ত্রীলিঙ্গ কি আমার জানা নেই, যদি কিছু থাকে তো এঁরা দত্ত-গিন্নীর তাই। সেই সন্ধ্যা বেলা থেকে অর্থাৎ যখন থেকে দত্ত-গিন্নী ‘সভা’ করে জাঁকিয়ে বসেছেন, তখন থেকে এঁরা তাঁকে ঘিরে বসে আছেন এবং চাটুবাক্যের প্রতিযোগিতা চালাচ্ছেন।

কাজে-কর্মের দিনে এইভাবেই গুছিয়ে বসেন দত্ত-গিন্নী, অথবা বসেন আরও সব বড়লোকের গিন্নীরা, এই ধরনের চাটুকারণী পরিবৃত্তা হয়ে। নিমন্ত্রিত যারা আসেন, তাঁরা পাতে বসবার আগে একে একে দুইয়ে দুইয়ে এসে দেখা করে যান। ওরা মানুষ বুঝে ওজন করে কথা বলেন।

এখানেও আজ চলছিল সেই পব।

সত্য এসে দাঁড়াল সেই পবের পাবনী যোগাতে।

সমস্ত দৃশ্যটার ওপর চোখ বুলিয়ে নিল সত্য।

দেখল প্রকাণ্ড চারচোকো ঘর, তার মেজেটা শতরঞ্জ লেখার ছকের মত চোকো চোকো সাদা-কালো পাথরে মোড়া। সমস্ত দেয়ালটায় একটা কালচে সবুজ রং, আর নীচে থেকে হাততিনেক উঁচুতে টানা লতা একটা পাঁচরঙা রঙের নকশার পাড় ঝাঁকা। ঘরের মধ্যেও ছাতের নীচে ঝাড়লগুন। জানদা-দরজাগুলো যৎপরোনাস্তি চওড়া আর উঁচু, তাতে পাখী-খড়খড়ির পাল্লা, আর তার পিঠ-পিঠ ফিকে নীল-রঙা কাঁচের শার্সি পাল্লা।

দেয়ালের ধারে ধারে সাজানো মেহগনী কাঠের আলমারি টেবিল, স্ট্যাণ্ড দেওয়া প্রকাণ্ড দাঁড়া আরশি, দাঁড়ানো ঘড়ি। আলমারির সামনে টেবিলের ওপর দেওয়ালের ব্র্যাকেটে নানাবিধ পুতুল খেলনা টাইমপিস ফুলদানি, উঁচুতে দেওয়ালের গায়ে অয়েল পেন্টিং।

এত বড় ঘরটা আগাগোড়া জিনিসে জিনিসে বোঝাই। ঘরের ঠিক মাঝ-খানটায় একটা মস্ত চোকো পালক, পাকরের গাধটা প্রায় হাতখানেক পুরু, একখানা ধপধপে সাদা চাদর তাতে টান টান করে পেতে গদির তলায়

তলায় গৌজা। সেই পালঙ্কের উপর চারিদিকে গির্দে তাকিয়া সাজিয়ে শ্বেত হস্তীর মত বিপুল বপুখানি নিয়ে বসে আছেন দত্তবাড়ির বড়গিন্নী।

বড়গিন্নী যে বিধবা সেকথা জানা ছিল না সত্যবতীর, কিন্তু এ কেমন বিধবা? সত্যর মনের মধ্যে প্রশ্নের প্রাবল্য। এ কি রকম সাজসজ্জা? বড়গিন্নীর পরনে দর্শকের দৃষ্ট-পীড়াকারী অতি মিহি চন্দ্রকোণার খানধুতি, তার আঁচলে বড় খোলোয় চাবি, সামনের চুল “আলবোট” ফ্যাশান, পিছনে একটি বাড়ির মত থোঁপা।

বড়গিন্নীর নীচের হাত শূণ্য ফাঁকা, কিন্তু উপর হাতে বোধ করি নিরেট সোনার মোটা মোটা প্লেন তাগা। গলায় গোছা করা গোট হার। কোলের কাছে রূপোর ডাবরে ডাবরভর্তি সাজা পান।

পালঙ্কের ধারে দাঁড়িয়ে বাজুর ওপর থেকে হাত বাড়িয়ে দাসী বা কোনও আশ্রিতা একখানি ঝালরদার পাখা ছুলিয়ে ছুলিয়ে বাতাস করছে। পালঙ্কের নীচে পায়ের কাছে একখানা জলচৌকির উপর সোনার মত ঝকঝকে একটা বড় পেতলের পিকদানি, আশেপাশে চাটুকারিণীর দল। অবস্থা সম্পর্কে এবং মর্যাদা হিসেবে কেউ পালঙ্কের উপরেই বড়গিন্নীর গা ঘেঁষে বসেছেন, কেউ আলগোছে একটুখানি বসেছেন পালঙ্কের কিনারায়, কেউ কেউ বা পালঙ্ক ঘিরে আশেপাশে দাঁড়িয়ে। তাদের মধ্যে সধবা আছে, বিধবা আছে, বয়স্ক আছে, তরুণী আছে।

শূণ্য প্রকোষ্ঠের উপরভাগে বাহতে মোটা সোনার তাগা ভারী বিসদৃশ লাগল সত্যর, আর বিসদৃশ লাগল বিধবা মাহুঘের এরকম পানের ডাবর কোলে করে খাটগদিতে বসে থাকা। ইতিপূর্বে কোন বিধবাকে কখনো খাটগদিতে বসে থাকতে দেখেনি সত্য।

মনটা হঠাৎ কেমন বিমুখ হয়ে গেল। ভাবতে চেষ্টা করল বটে, মরুক গে, এই যদি কলকাতা শহরের চালচলন হয়, আমার কি? কিন্তু চেষ্টাটা ফলবতী হল না। মন সেই মোটা তাগা পরা ছোট ছেলেদের পাশবাগিশের মত মোটা মোটা গাড়া হাত দুখানার দিকে তাকিয়ে সিঁটিয়ে রইল।

বড়গিন্নী চোখের কেমন একটা ইশারা করলেন, সঙ্গে সঙ্গে দ্রুতভঙ্গিতে একজন জলচৌকিতে বসানো সেই পিকদানিটা উঠিয়ে নিয়ে তাঁর মুখের কাছে ধরল। বড়গিন্নী পিচ করে একটু পিক ফেলে বললেন, “কে এসে দাঁড়াল ব্যা? চিনতে পাচ্ছি না তো?”

এগিয়ে এল পঞ্চর মা, বলে উঠল, “ওই যে আপনার সাত নম্বর বাড়ির—”

“অ। তাই বলি চিনতে পারছি না কেন? আসে নি তো কখনো? তা এসো বাছা, একটু এগিয়ে এসো।...পায়ের ধুলো দাও খানিকটা।”

“পায়ের ধুলো” নামক জিনিসটা যে নিজে থেকে দেওয়া যায় এ হেন অভিনব কথা সত্য জীবনে এই প্রথম শুনল। তার জানার জগতে জানা আছে ওটা যার নেবার ইচ্ছে হয়, সে এসে মুণ্ডু হেঁট করে আহরণ করে নেয়।

কিংকর্তব্য বুঝতে না পেরে চূপ করে দাঁড়িয়ে থাকে।

“কই গো দাও?”

জর্নেকা ‘ধামাধারিণী’ তীব্রকণ্ঠে বলে ওঠেন, “পা’র তলা থেকে এক ফোঁটা ধুলো নিয়ে এনার মাথায় দিয়ে দাও।”

সত্য গম্ভীর ভাবে বলল, “পায়ে ধুলো নেই।”

পায়ে ধুলো নেই!

এইটা একটা কথা হল?

তা ছাড়া দত্তগিন্নীর প্রার্থিত বস্তু, তাও সোনা নয় দানা নয়, নেহাতই তুচ্ছ বস্তু! সেই বস্তুর প্রার্থনা যে এভাবে অগ্রাহ্য করা যায়, এ তো অভাবনীয় কথা!

দত্তগিন্নী গালে হাত দিয়ে কোনরকমে বিস্ময় এবং অবহেলার ভাব কমিয়ে ফেলে ব্যঙ্গহাসি হেসে বললেন, “সেই যে বলে না, অভাগা যতপি চায়, সাগর শুকায়ে যায়, আমার ভাগ্যে যে দেখছি তাই হল! এক ফোঁটা পদরজও দুর্লভ হল!”

সত্য অবাক হয়ে তাকিয়ে দেখে সেই আকার-অবয়ব-বর্জিত মেদপিণ্ডের মুখের দিকে। এই মাংসের তালের মধ্যে থেকে বয়স উদ্ধার করা কঠিন, কিন্তু যিনি পোত্রের অন্নপ্রাশন দিতে বসেছেন, নেহাৎ কিছু ছেলেমানুষ তিনি নন, কোন্ না সত্যর সঙ্গীদিমার বয়সী! সত্যর সঙ্গে এ আবার কোন্ ধরনের রসিকতা তাঁর?

‘ঝড়ের আগে এঁটো পাত, সদৃশ একটি মহিলা বলে ওঠেন, “মানুষ বুঝে কথা কইতে হয় বাছা! কইবার আগে তাকিয়ে দেখতে হয় কারে কি বলছি!”

বলা বাহুল্য সত্য নীরব।

শুধু তার প্রকৃতি অল্পযায়ী চোয়ালের পেশীগুলো দৃঢ় আর টন হয়ে ওঠে।

“সোনার হার দিয়ে নৌকতা করেছ, তুমিই না?”

এবার সত্য মুখ ধোলে।

নরম গলায় বলে, “নৌকতা বলছেন কেন? খোঁকাকে যৎসামান্য কিছু আশীর্বাদী বৈ তো নয়।”

“তা সে যাই হোক,” দত্তগিন্নী অসঙ্কট স্বরে বলেন, “ও হার তোমাকে ফিরে নিয়ে যেতে হবে।”

নিয়ে যেতে হবে।

সত্য অবাধ হয়ে বলে, “ছেলেকে দেওয়া জিনিস কী করণ নিয়ে গিয়ে?”

“কী করবে সে তোমার বিবেচনা। তবে পেরজার দানের সোনা আমরা নিই না।”

আবার সেই “প্রজা”।

সত্যর সমস্ত শরীরের মধ্যে যেন একটা বিছাৎপ্রবাহ বয়ে যায়, তবু সে কষ্টে আত্মসংবরণ করে বলে, “তা হলে দেখছি আপনাদের এই সব প্রজা-পাঠকদের নেমন্তন্ন করাটাই ভুল, নৌকতা না দিয়ে কে আর কোন্ কাজে যায় বলুন? তা ছাড়া ব্রাহ্মণে কি আশীর্বাদী ফিরিয়ে নিতে পারে?”

ব্রাহ্মণ।

দত্তগিন্নী একটু মলিন হয়।

“ওমা! এ যে দেখছি কাঠ-কাঠ কথা!” দত্তগিন্নী বলেন, “পোড়ারমুখী মোক্ষদা তো তা হলে ঠিকই বলেছে। যাক, তুমিই তা হলে জিতলে। অতিথি নারায়ণ, যা বলবে শুনতেই হবে। তবে কাজটা ভাল হয় নি তোমার। বামুনের মেয়ে তুমি, তোমাদের পায়ের ধুলো আমাদের শিরোভূষণ, বলব না তোমায় আমি কিছ, শুধু এইটুকু বলব, পুঁটিমাছও মাছ, রুইমাছও মাছ, তবু কে আর তাদের এক সমান বলবে বল? যাক বলেছি তো অতিথি নারায়ণ! ওরে স্ববাস, একে সঙ্কে করে বামুনের পাতার ঘরে বসিয়ে দিগে যা।”

অর্থাৎ এখানেই বাক্য ইতি।

সত্য ধীরে ধীরে সরে আসে আর হঠাৎ মনে হয় তার—কোথায় যেন তার একটা হার হল

সত্য কি থাকে ন?

চলে যাবে ?

বলবে শরীর ধারাপ ?

কিন্তু কিছু বলার আগেই দত্তগিন্নী ফের কথা বলেন, “তোমার ছেলেকে আনো নি ?”

“না।”

“কেন ? সপ্তষ্ট্র নেমস্তন্ন হয়েছিল না ?”

সত্যর জোড়া ভুরু চিরঅভ্যাসমত কুঁচকে ওঠে, আর গলায় ফিরে আসে মুহু কঠিন স্বর। সেই স্বরে উত্তর দেয়, “না, নেমস্তন্নয় আপনার ত্রুটি কিছু হয় নি। তবে সপ্তষ্ট্রর এসে মাথা মুড়োবার সময় না হলে আর উপায় কি। যাক্ আমি তো এসেছি, তাতেই হবে। কথাতেই আছে শিরে জল ঢাললে সর্বাঙ্গে পড়ে।”

ঘরে যারা উপস্থিত ছিল তারা সাত নম্বর বাড়ির ভাড়াটের এ হেন স্পর্ধায়ুক্ত কথায় বিশ্বয়ে হতবাক হয়ে যায়, এবং ভাবলেশশূন্য মেদপিণ্ডেও কঠিন একটা ভাবের খেলা কোটে। তা তিনিও দত্তবাড়ির বড়গিন্নী। তাই নিজেকে সামলে নিয়ে বলেন, “বামুনদির কথার তো খুব বাঁধুনী ? নেকাপড়া জানা বুঝি ? ভাল ভাল। দেখি নি তো এর আগে, দেখে বড় আমোদ পেলুম। তা যাক্, খেও ভাল করে। আর ছেলেদের ছাঁদাটা নিয়ে যেও।”

সত্য চলে যাচ্ছিল সেই স্বেদাস না কে তার সঙ্গে, হঠাৎ মুখ ফিরিয়ে দাঁড়িয়ে পড়ে তীক্ষ্ণ একটু হাসির সঙ্গে বলে, “আমি পাড়াগাঁয়ের মেয়ে, শহবে রীতির কিছু জানি নে। নেমস্তন্ন করে ডেকে এনে অপমান করাই বুঝি কলকেশ্বরের চাল ?”

“ওমা শোনো কথা !”

দত্তগিন্নীর দুখের মত সাদা মুখখানায়ও হঠাৎ কালি মেড়ে যায়, আমতা আমতা করে বলেন, “তোমরা হলে গে কুলের কুলীন, সব বামুনের সেরা বামুন, যাকে বলে জাত সাপ। তোমাদের অপমানিত করবে, এত সাধি কার আছে বল তাই বামুনদি ? যদি দোষত্রুটি কিছু হয়ে থাকে—নিজগুণে মার্জনা করে আমাব ধোকাকে একটু আশীর্বাদ করে যাও।”

সত্য স্থির স্বরে বলে, “আশীর্বাদ তো অবিরতই করব। কিন্তু আমাকে একটু শ্লিগ্গির ছেড়ে দিতে হবে, ভাড়া আছে।”



শুধু-বাড়ি বামুনের খাওয়া।

দিনতুপুরে মোটা মোটা খানকতক লুচি, আলুনি খানিকটা কুমড়োর ঘাঁট আর আলুনি বেগুনভাজা। অবশ্য হরেকরকম মিষ্টি আছে, আছে দই স্বীর।

তা কোনটাই সত্যর কাছে আকর্ষণীয় নয়। তবু খেয়ে দায় সেরে নিয়ে তাড়াতাড়ি পঞ্চুর মার সন্ধান করে। কিন্তু কোথায় পঞ্চুর মা? সে তখন “চপের” আসরে গিয়ে বসেছে। তিনতলার ওপর প্রকাণ্ড হলে সে আসর বসেছে। নাতির ভাতে “চপ-কীত্তন” দিয়েছেন দত্তগিনী।

মানদা ঢপি এসেছে।

স্বার নাকীস্বরে টেনে টেনে কী একটা গানের গোড়াবাধুনি শুরু করছে।

পঞ্চুর মার তল্লাস করতে এসে দাঁড়ায় তার বোনঝি শৈল।

ময়লা রং, কালো ফিতেপাড় শাড়ি পরনে, সাদা ধবধবে সফ্র সিঁথির ছু পাশে পাতাকাটা চুল, সর্বাঙ্গ নিরাভরণ তবু মনে হয় মেয়েটা খুব সেজেছে তো! এটা মনে হয় হয়তো মাজাঘষা গড়নের জন্তে, হয়তো বা পানেরাঙা ঠোঁটের জন্তে।

শৈল বার্তা শুনে অবাক হয়ে বলে, “ওমা চলে যাবে কী গো? চপ শুনবে না?”

“না।”

“কী আশ্চর্য্য। শোনবার লেগে লোকে মরে যায়, আর তোমার এত অগেরাছি? মনে ভাবছ বুঝি শুনলেই প্যালা দিতে হবে? তা তুমি দিলেও পার না দিলেও পার, ওটা হচ্ছে ইচ্ছেসাপেক্ষ।”

“তুমি পঞ্চুর মাকে ডেকে দেবে?”

“ও বাবা! দিচ্ছি দিচ্ছি। মাসি তাই বলছিল বটে—”

“শোন তোমার মাসিকে বল একবারে যেন একখানা পালকি ডেকে তবে আসে!”

“পালকি! ও বাবা!”

শৈল পানেরাঙা ঠোঁটের একটা অপরূপ ভঙ্গি করে ওদিকে এগিয়ে যায়।

তীব্র তীক্ষ্ণ সরু গলায় গানের আওয়াজ এ বাড়ি থেকেও শোনা যাচ্ছে। শুধু এ বাড়ি কেন, দূরে অদূরে বোধ করি পাড়ার সব বাড়ি থেকেই শোনা যাচ্ছে। সুরের জগ্গে যত না হোক, গলার জগ্গেই 'মানদা ঢপি' বিখ্যাত। তীক্ষ্ণ শানানো গলা, গলায় সেই সুর—গান থামাব পরেও বাতাসের গায়ে বনবনিয়ে আছড়ায়।

সত্য কখনও ঢপ্কেত্তন শোনে নি।

ছেলেবেলায় সেজঠাকুরদার সঙ্গে কখনো কখনো হরিসভায় কেত্তনগান শুনতে যেত, সে অল্পকম। তার গানের থেকে অনেক জোরালো ছিল খোল করতালের জগবাম্প। আরও ছোটয় বাবার সঙ্গে একবার যেন হালিশহরে না কোথায় নৌকো করে গিয়েছিল কালীকীর্তন শুনতে, আবছা মনে পড়ে। আর কবে কোথায় ?

বারুইপুরে পানের চাষ অনেক আছে বটে, গানের চাষ নেই।

আজ যদি মেজাজটা অমন না বিগড়ে যেত, দু'দণ্ড বসে গান শুনে আসত সত্য, কিন্তু হল না শোনা। যাচ্ছেতাই হয়ে গেল মন মাথা।

নিজের বাড়ির দাওয়ায় দাঁড়িয়ে একটু শোনবার চেষ্টা করল, তা সে ওই সুরের একটা রেশ ছাড়া কিছুই কানে এল না। একটুকু দাঁড়িয়ে নিঃশ্বাস ফেলে সরে এল সত্য। এ নিঃশ্বাস গান শুনতে না পাওয়ার জগ্গ অবশ্য নয়, কারণ অগ্ন।

জগতে পয়সার প্রাধিক্য দেখে আর পয়সার গরম দেখে মনটা উদাস হয়ে যাচ্ছে তার। কী আশ্চর্য এই কলকাতা শহর ? গুণের নয়, বিত্তবুদ্ধির নয়, মাহুষ মনিয়ত্বর নয়, শুধু মাত্র পয়সার জয়জয়কার। এই শহরকে সেই শৈশবকাল থেকে কত ভক্তি কত সমাহর চোখে দেখে এসেছে যে সত্য।

খানিকটা উদাস-উদাস হয়ে বসে থেকে সত্য আবার ভাবল, তা একটা মাত্র সংসার দেখে, একটা মাহুষের আচার-আচারণ দেখেই বা আমি এমন আশা-ছাড়া হচ্ছি কেন ? এত বড় বিরাট পুরীতে কত মাহুষ, কত হালচাল। এই শহরেই 'রাজা রামমোহন ছিলেন, বিত্তেসাগর আছেন, বঙ্কিমচন্দ্র আছেন, শিব্রীশি ঠাকুরবাড়ির মহর্ষি দেবেন্দ্রনাথ ঠাকুর আছেন, আরও কত সব আছেন। ঋতবোধ মাস্টার তাঁদের সব জীবনকথা, মহিমার কথা কত শুনিয়েছেন সত্যকে, সে সব ভুলে গিয়ে সত্য কিনা ওই দত্তগিন্নাকে দিয়ে কলকাতার বিচার করছে ?

মনটা বেড়ে ফেলে উঠল। আজ পঞ্চুর মা আসবে না, তার কাজগুলো সব করে নিতে হবে।

তা একটু না গুছিয়ে নিতেই তুড়ু আর খোকা ইন্সুল থেকে ফিরল হুমদাম করে।

“মা! ভীষণ নেমস্তন্ন খেলে তো?”

সমস্বরে বলে উঠল দুজনে।

সত্য হেসে ফেলে বলে, “হ্যাঁ! শুধু ভীষণ? একেবারে বিভীষণ! নে নে, ইন্সুলের জামাকাপড়ে সর্বজয় করিস নে। মুখ-হাত ধো।”

“খাবার আছে? খাবার? মগা-মেঠাই, খাজাগজা, ছানাবড়া, অমৃতি? ভাবতে ভাবতে আসছি আমরা—”

ওদের কণ্ঠে অসহিষ্ণুতা দেদীপ্যমান।

সত্যর মনটা একটু মায়্যা-মায়্যা হয়ে আসে, এই দেখ ছোট ছেলেদের কাণ্ড! সারাদিন পড়া লেখা ফেল্ করে মগা-মেঠাইয়ের চিন্তা করছে। কিন্তু মায়্যাকে প্রশয় দিলে চলবে না এখন। তাই সবিস্ময় ভাব দেখিয়ে বলে, “ওমা স্বপ্ন দেখছিস নাকি? ওসব আবার আমি কোথায় পাব?”

ওরা কিন্তু এ সবিস্ময়কে আমল দিল না, মার হাত ধরে ঝুলে পড়ে হৈ-হৈ করে উঠল। “ইস তাই বৈকি! চালাকি হচ্ছে! ও বাড়ি থেকে ছাঁদা আনো নি বুঝি?”

ছাঁদা!

সত্যর মায়্যা-মায়্যা মুখটা কঠিন হয়ে ওঠে, তীক্ষ্ণ প্রশ্ন করে, “ছাঁদার কথা কে বলেছে?”

“বাঃ, বাবা তো আপিস যাবার সময় বলল, তোদের মা কত ছাঁদা আনবে দেখিস।”

“ভুলে বলেছেন। নয় তো ঠাট্টা করেছেন।”

সত্য বলে।

কিন্তু তুড়ুর মন এখন আক্ষেপ-উদ্বেল। সে বলে, “তুমি শুধু শুধু আমাদের ইন্সুলে পাঠালে, কেউ বুঝি আজ ইন্সুলে গেছে? পাড়ার ওরা দিব্যি পেট ঠেসে খেলো আবার জনাজনতি ছাঁদা আনল। আর আমরা হুঁউউ—ঘোল রকম নাকি মিটি করেছে ওরা—”

সত্য গম্ভীর ভাবে বলে, “সেটা আবার কি করে জানলি, আপিস যাবার সময় তাও বুঝি বলা হয়েছে?”

“না, সে কথা বাবা কি করে জানবে? বলেছে পঞ্চুর মা।”

“ও তা আজ দেখছি তোদের মাথার মধ্যে শুধু ওই ছাঁদার গল্পই ঘুরছে। ছাংলার মতন আবার ছাঁদা আনব কি, যাঃ। চল, বাড়িতে যা আছে তাই দিই গে।”

তুড়ু বয়সে বড় হলে কি হয়, খোকার থেকে সে ছাঁদা। তাই সে সহসা বলে ওঠে, “চাই না আমি ও মুড়ি-মুড়কি আর নাড়ু খেতে! পঞ্চুর মা ঠিকই বলেছে—”

হঠাৎ নিজের কথায় নিজেই শিউরে উঠে চূপ করে যায় সে।

কিন্তু চূপ করিয়ে রাখবার মেয়ে সত্য নম্ব। সে তীব্র জেরায় কী বলেছে পঞ্চুর মা তা আদায় করতে চেষ্টা করে। আর তুড়ু কাঠ হয়ে গেলেও খোকা বলে বসে, “পঞ্চুর মা বলেছে, একদিন ইন্সুল কামাই হলে কী এত রাজ্যি লোপাট হয়? অমন ভোজটা থেকে ছেলে দুটোকে বঞ্চিত করল। মা না রান্ধুসী—”

“কী! কী বললি? বল, বল আর একবাব।”

সত্য যেন দিশেহারা হয়ে গেছে। সত্য নিজের কানকে বিশ্বাস করতে পারছে না। এই হল শেষটা! এই রকম হচ্ছে তার ছেলেরা? এর জগ্নে এত কাণ্ড করে দেশ থেকে চলে এসেছে সত্য?

তার যে একান্ত বাসনা ছিল তার ছেলেরা সভ্য হবে মার্জিত হবে।

সত্যই কি তবে অসভ্য হবে, অমার্জিত হবে? মারলে ছেলেদের?

না, সত্য ছেলেদের মারে নি।

শুধু একবার সেই তীব্র প্রশ্ন করে চূপ করে গেছে। চূপ করে বসে আছে। ছেলেরা যে মুড়ি-মুড়কিও খায় নি, তা আর তার মনেও নেই। ও শুধু ভাবছে ঘরে পরে বিপদ, কার আওতা থেকে তবে রক্ষা করবে ছেলেদের?

খানিক পরে নবকুমার এল।

আড়চোখে একবার দেখে নিল সত্যর জলদগম্ভীর মুখটা, তার পর ইশারায় খোকাকে ডেকে বাইরে নিয়ে গিয়ে প্রশ্ন করল, কী হয়েছে সত্যর।

হ্যাঁ, বেগতিক দেখলে এই রকমই ওদের প্রশ্ন করে জেনে নেয় নবকুমার।

নেয় খোঁকার কাছে বেশী, জানে তুড়ুটা বোকা, গুছিয়ে বিশদ বলতে সে পারেও না।

কারণ শুনে নবকুমার বুঝতে পারে না, এই তুচ্ছ ব্যাপারে এত বিচলিত হবার কি হল সত্যর।

ছেলেরা তো আর মাকে রাক্ষুসী বলে নি? বলেছে পঞ্চুর মা।

তাই ঘরে ঢুকে কাঠহাসি হেসে বলে, “কি, আবার কি হল?”

সত্য সেই ভাবেই বসে থাকে, কথা বলে না।

নবকুমার বলে, “বাবা রে, চিরটা দিন এক রকমে গেল! তোমার ‘কাঠ-কঠিন’ স্বভাবের গুণেই পঞ্চুর মা ও কথা বলেছে। তা সেইটুকু বলেছে বলে এত শাস্তিও করতে হয় ছেলে দুটোকে? ইস্কুল থেকে নাচতে নাচতে আসছে বড়মামুষের বাড়ির ভালমন্দ দুটো খাবে বলে, তার বদলে কিনা উপোসের সাজা! ধন্নি বটে!”

উপোসের সাজা! মানে? ওঃ, তাই তো! ছেলেদের খেতে দেওয়া হয় নি।

মুহূর্তে মনটা ভিতরে ভিতরে দ্রব হয়ে গিয়ে “হায় হায়” করে ওঠে। ছেলেদের খেতে না দিয়ে বসে আছে সে? রাগের চোটে খেয়ালই হয় নি? ইস! পঞ্চুর মা দেখছি নেহাত ভুল বলেও নি। কচি ছেলে ওরা, ওদের আর ভালমন্দ বোধ কতটুকু? ওদের বাপ বুড়ো মিনসেই যদি বড়মামুষের বাড়ির খাবারের মোহময় ছবি এঁকে ওদের সামনে ধরে? রাগটা কমে গিয়ে “হায়, হায়” এলেও মুখে হারে না সত্য। গম্ভীর মুখে বলে, “তা সামান্য দুটো মুড়ি-নাড়ু নাই বা দিলাম, মঙা-মেঠাই খাজাগজার গল্প করগে না ছেলেদের কাছে, খুব পেট ভরবে।”

কথা কয়েছে। বাঁচা গেল।

নবকুমারের ভয়টা অনেক ভাঙে।

সত্য যখন মুখ খুলেছে, বুঝতে হবে অবস্থা একেবারে মারাত্মক নয়।

কথা না কয়ে চোয়ালের হাড় শক্ত করে নিঃশব্দে বসে থাকাতাতেই বড় ভয় নবকুমারের। অক্ষিসে নবকুমারের কর্মদক্ষতা আর বুদ্ধিমত্তার এত স্তন্যম, নিয়বর্তীরা এত ভয়-ভক্তি করে তাকে, সেখানে নিজেকে তো “বেশ একজন” মনে হয়, কিন্তু বাড়িতে এলেই যে কী হয়! সেই চির অসহায়তা।

তবু আজ এখন সত্য মুখ খুলেছে।

তাই নবকুমারও সাহসে ভর করে বলে, “আগ ধিদের কাহিল হয়ে গেছে একেবারে। আপিস ইস্কুল থেকে ফিরে ধিদে যা জোর লাগে জানি তো!”

অর্থাৎ এই স্বযোগে নিজের কথাটাও ঢুকিয়ে দিল নবকুমার।

আর রাগ নিয়ে বসে থাকা চলে না। সত্য উঠে পড়ে।

নবকুমারও আর বেশী সময় নেই বুকে তাড়াতাড়ি বলে ওঠে, “রাগ তো দেখালে এত, বলি ছাঁদায় এত ঘেমা কিসের? ছাঁদা আবার কে না আনে? কেন, তোমার বাপের বাড়ির দেশে ছাঁদার চল নেই বুঝি? আমরা তো বাবা ছেলেবেলায় ওই ছাঁদাটার আশাতেই নেমন্তন্ন যেতাম। ছোট পেটে কতই আর খেতে পারতাম বল? বাড়িতে এসে পরদিন সকালে সেই ছাঁদার সরা খুলে—”

“থাক, হয়েছে, গল্প রাখ—মুখ ধোও গে” বলে সত্য উঠে যায়। মনটা হঠাৎ যেন নরম হয়ে গেল। সত্য এতে রাগের কি ছিল? তাদের ছেলেবেলায় তারাও তো—! কেন ‘চল’ থাকবে না তার বাপের বাড়ির দেশে? তাদের বাড়ির কাজকর্মেই তো কত সরা সাজানো, মালসা সাজানো, হাঁড়ি সাজানো দেখেছে, লোকে খাওয়াদাওয়ার পর নিয়ে গেছে। রামকালী নিজে দাঁড়িয়ে তদারক করেছেন, মাথা পিছু ঠিকমত যাচ্ছে কিনা। সন্দের বিটা মুনিষটা রাখালটা পর্যন্ত বাদ যেত না। আবার সত্যরাও পিস্টাকুমার সঙ্গে যখন এ-বাড়ি ও-বাড়ি নেমন্তন্ন গেছে, তারা দ্বিয়েছে, নেওয়া হত না তা তো নয়।

আর একটা উৎসব ছিল বিশেষ আকর্ষণীয়। সেটা হচ্ছে আটকোড়ে। গ্রামে কারও বাড়িতে ছেলে জন্মালেই আটদিনের মাথায় ডাক পড়ত অপর বাড়ির কুচো ছেলেদের কুলো পিটোতে। সে সন্মানটা অবশ্য শুধুই ছেলেদের।

তবে খই-মুড়কি আটভাজার সম্ভার থেকে মেয়েরা বঞ্চিত হত না। আঁট-সাঁট করে বেড়াবিহুনি বাঁধা, কোমরে ডুরেশাড়ির আঁচল জড়ানো, পাড়া সচকিত করে মল বাজিয়ে যাওয়া নিজের সেই চেহারারটা যেন চোখের ওপর দেখতে পেল সত্য।

ফিরত সেই ডুরেশাড়ির আঁচলটা কোঁশলে ‘কোঁচড়ে’ পরিণত করে, তাতে খাজা গজা আটভাজার বোকাই দ্বিয়ে। তার মধ্যে কেউ-কেউ বা

আবার আটটা করে পয়সা মিশিয়ে রাখত, বাড়ি এসে কি মহোলাসে সেই পয়সা খোঁজার ধুম।

কই, নিজেকে বা অপরকে তো তখন হ্যাংলা মনে হত না? কেন হত না? আজই বা কেন—

স্বামী-পুত্রের খাবার গোছাতে গোছাতে কারণটা ভাবল সত্য, নির্ণয়ও করল একটা। ওদের খেতে দিয়ে উপস্থাপিত করল সেই কথাটা।

“বলছিলে আমাদের নিত্যানন্দপুরে ছাঁদার চল ছিল কিনা? থাকবে না কেন, খুবই ছিল। তবে কথাটা হচ্ছে—সেই দেওয়ার মধ্যে নেমন্তম-কত্তার অহঙ্কারটা ফুটে উঠত না। বরং যেন দিতে পেরেই বেতাখ। তাই যারা নিত, তাদের মধ্যে ‘মান অপমান’ ঘুলোত না। এই তোমার দত্তবাড়ির বাপু সবতাতেই যেন অহঙ্কার। একখানি একখানা তিজেলে বাহান্ন প্রস্থ মিষ্টি সাজিয়ে রেখেছিল তো আসনের পাশে, তা সেটা মানুষ পালকিতে তুলিয়ে দেবে তো? তা নয় বাড়ির লোকেরা কে কোথায় ঠিক নেই, কাকশু পরিবেদনা, একটা দাসীমতন মেয়েমানুষ ভাঙা কাঁসি গলায় চেঁচিয়ে উঠল, ‘ওগো বামুন মেয়ে, তোমার ছাঁদা পড়ে রইল যে!’ দেখ তো অভদ্যতা? নেব আমি হাতে তুলে?”

সত্য স্বামী-পুত্রের মনে সেই বাহান্ন রকম কী প্রতিক্রিয়া সৃষ্টি করল কে জানে, তবে নবকুমারকে স্ত্রীর কথায় “তা সত্যি” বলে সায় দিতেই হল। তার পর কথাটা সে নিজেই পাড়ল, “তা পর—সত্যিই সেই সোনার হারছড়াটা দিয়ে এলে নাকি?”

“তা সত্যি দেব না তো কি মিথ্যে দেব? দেব বলে নিয়ে গেলাম—”

নবকুমার আক্ষেপ-নিঃশ্বাস গোপন করে উদাসভাবে বলে, “তোমার জিনিস তুমি ফেলে দিতে পার, বিলোতে পার, সে কথা না, তবে পাড়ার দু-একজনকে শুধিয়েছি সকালে, কেউ আধুলিটা কেউ সিকিটা দিয়েছে, টাকার উর্ধ্ব কেউ ওঠে নি।”

সত্য এ প্রসঙ্গে যবনিকাপাত করে দিতে বলে, “যাক্ গে বাপু, কচি ছেলেকে দেওয়া জিনিসের কথা নিয়ে কচকচানিতে কাজ নেই, ছাড়ান দাও ও কথায়। এবারে পুরুষ বেটাছেলের মতন একটা কাজ কর দিকি? একখানা বাসা খোঁজ।”

“বাসা? আবার বাসা খুঁজব? বদলাবে এ বাসা?”

“তাই তো স্থির করেছি।”

মনে করেছি নয়, ইচ্ছে করেছি নয়, সংকল্প করেছিও নয়, একেবারে স্থির করেছি।

নবকুমার মনে মনে নিজের হার নিশ্চিত জেনেও লড়াইয়ে নামে, “তা স্থির করবে বৈকি, মাথাটাই অস্থির যে। তাই নিত্য নতুন স্থির করা। বলি এই ভাড়ায় এমন বাসা আর পাবে? দত্তদের নাকি নেহাত পয়সায় দৃকপাত নেই, তাই বাসাগুলো এত সস্তায় ছেড়েছে! অপর কেউ হলে এর দেড়া দাম হাঁকত। ওসব কু-মতলব ছাড়।”

সত্যর সেই জোড়া ভুকুর নীচের গভীর কালো চোখ জোড়া সহসা একটি কোঁতুক-রসাত্মিত বিদ্যুৎকটাক্ষে ঝিলিক মেয়ে ওঠে, “সত্য বামনী কবে তার মতলব ছেড়েছে?”

নবকুমার সেই মুখের দিকে হাঁ করে তাকিয়ে থাকে। সত্যর হাসিটা দুর্লভ বলেই কি এত অপূর্ব?

না, এ অপবাদ নবকুমার দিতে পারে না—সত্য বামনী কখন তার মতলব ছেড়েছে! শুধু নবকুমারই বুঝতে পারে না, অকারণ হুস্থ শরীর ব্যস্ত করে কী স্থখ পায় সত্য।

সঙ্গে সঙ্গে হাঁ করে তাকিয়ে থাকা চোখ ফিরিয়ে নিয়ে বেজার মুখে বলে নবকুমার, “কেন, এ বাসা আবার কি অপরাধ করল?”

“সে তোমাকে বললে তুমি বুঝবে না।”

“না, আমি তো কিছুই বুঝব না। যত বোঝার কত্তা তুমি। বাসা-ফাসা বদলানো হবে না। বারে বারে এক কেত্তন! পাখী-পক্ষী নাকি, যে রাতদিন বাসা বদলাবো? হবে না বলে দিচ্ছি—ব্যাস।”

“তা বেশ, হবে না। সত্যি, কর্তার কথাই বজায় থাক।”

বলে সত্য উঠে যায়।

এ বাসা বদলানোর ইচ্ছে যে সত্যরই খুব আছে তা নয়। বাড়িটা সব দিক দিয়ে সুবিধের। কিন্তু ওই মাথার ওপর প্রভু নিয়ে “প্রজা” হয়ে থাকাটাই তার বরদাস্ত হচ্ছে না। আর মজাটাও দেখ, নিজের বাড়িতে নিজের মতন থাকবে তা নয়, ঝিটা এবাড়ি ওবাড়ি করে যন্ত্রণা ঘটতে থাকবে। ওকে ছাড়িয়ে দিলেও কতকটা স্বরাহা হয় বটে, কিন্তু সেটাও ঠিক মনের সঙ্গে খাপ



খায় না। মাহুঘটা ছুঁপাজী নয়। উপকারীও আছে। দোমের মধ্যে হচ্ছে অবোধ। আর অবোধ বলেই অতিরিক্ত কথা কয়। সেই কথার জালাতেই ছেলে দুটোর কুশিক্ষা জন্মাচ্ছে।

তা সেই কথাই বলে ছাড়িয়ে দিতে হবে পঞ্চুর মাকে। বলতে হবে, “আমার ছেলের যদি তুমি শেখাও ‘মা নয়, রান্ধুসী’, তা হলে তোমায় কি কবে রাখি বল তো বাছা? সামনের মাস থেকে অল্প কাজ দেখ।”

সেই কথাই ঠিক করে মনে মনে।

এবাড়ি ওবাড়ি আনাগোনার কথা তুলে আর খেলো হবে না। আঙ্গুক কাল সকালে।

কিন্তু কাল সকাল অবধি অপেক্ষা করতে হল না সত্যকে, সেই সন্ধ্যাতেই এসে হাজির হল পঞ্চুর মা, সম্পূর্ণ অপ্রত্যাশিত এক বার্তা নিয়ে।

এ কী!

এ কোন বিপদ অপেক্ষা করছিল সত্যর জন্তে?

সন্ধ্যার আগে দুপুঙ্কের কথাটা তা হলে বলে নিতে হয়।

দত্তগিন্নী পিচ্ করে পিক্ ফেলে বলেন, “হ্যাঁলা পঞ্চার মা, তোর মনিবগিন্নী বয়সে তো কাঁচা, ওর এত অঙ্কার কিসের বল্ দিকিনি?”

দত্তগিন্নীর চির মোসাহেব “ভাগ্নে-বোঁ” হি হি করে হেসে উঠে বলে, “ওই কাঁচা বয়সেরই অহঙ্কার গো মামী! নইলে অহঙ্কার করবার আর কিছু তো দেখছি না।”

দত্তগিন্নী ভারীমুখে বললেন, “উছ, এ বাপু বয়সের দেমাক নয় এ হচ্ছে ষভাবের দেমাক। সংসারে ওর আর কে আছে রে পঞ্চার মা?”

পঞ্চুর মা এ বাড়িতে কোনদিনই “পঞ্চার মা” বৈ পঞ্চুর মা শোনে না, তাই ওই আগ্রাহের ভঙ্গী তার গা-সহা। অতএব বিনয়ে বিগলিত হয়েই সে উত্তর দেয়, “আর কে? ওই উনি, ওনার সোয়ামী, আর দুটো সাত-আট বছরের খোকা।”

“অঃ! তাই! কথাতেই আছে, মেঘা খেয়ে রোদ হয় তার বড় চড়চড়ানি, আর বোঁ হয়ে গিন্নী হয় তার বড় ফড়ফড়ানি। তা শান্তুড়ীমাগী বুঝি মরছে?”

পঞ্চার মা কোঁতুকের ভঙ্গীতে বলে, “বালাই ষাট! মরবে কেন? শান্তুড়ী

আছে খস্তুর আছে, আছে সবই। দেশ-গেরামে আছে। উনি বাসায় এসেছেন স্বামীপুত্রুর নিয়ে। সোয়ামী সাহেবের আপিসে চাকরি করে।”

“বটে! তাই তো বলি! তাতেই তেজে মটমট! দেশ কোথা?”

“কোথা কি বিভ্রান্ত কে শুবোনে মা?” পঞ্চুর মা মনে মনে সত্যর প্রতি স্নেহ-শীল এবং সমীহপরায়ণ হলেও, নিতান্তই দত্তগিন্নীর স্ত্রী হতে মনিবের প্রতি অগ্রাহ্য দেখিয়ে বলে, “গপপো করবার সময় আছে তেনার? ঘরের কাজ মিটল তো বই কেতাব মুখে দিয়ে বসল—”

বই কেতাব!

ঘরের মধ্যে একটা ব্যঙ্গহাসির ঢেউ খেলে যায়। “তাই নাকি? ওরে পঞ্চর মা, তুই যে দেখচি খুব ভাল বাড়িতে চাকরি ধরেছিন। দেখিস বাপু, গিন্নীর হাওয়া লেগে তুই হৃদ পণ্ডিতনী হয়ে যাস নি।”

পঞ্চুর মা হেসে বলে, “তা পারলে গিন্নী আমাকেও বই ধরায়। বাব্বা, ছেলে দুটোকে ‘পড়া পড়া’ করে যা দিক্ করে। তবু ওই ছেলে দুটোই যা গপপোগাছা করে আমার সঙ্গে। ওদের মুখেই শুনেছি, বাকুইপুর না কোথায় যেন দেশ, ঠাকুমা আছে ঠাকুদা আছে পিসি আছে আর মামার বাড়ি সেই ‘তিরবেণী’র কাছ নিত্যেনন্দপুর না কি যেন। দাদামশায় কবরেজ খুঁ বড়মাস্থ—”

সহসা ঘরের মধ্যর একটা মাস্থের মুখটা কেমন উদ্ভ্রান্তের মত হয়ে যায়, দেয়ালের কোলে একখানা পেতলের চৌকিতে, পাতিয়ে পাতিয়ে পান সাজছিল সে, কাজ করা হাতটা তার খেমে যায়। হাঁ করে তাকিয়ে থাকে পঞ্চুর মার মুখের দিকে, কানে যায় না দত্তগিন্নীর মস্তব্য।

“বড়মাস্থের কি” বলেই এত দেমাক সাত নম্বর বাড়ির গিন্নীর—সেই মস্তব্যট করেন দত্তগিন্নী।

পঞ্চুর মাও মস্তব্য দিয়ে পরিসমাপ্তি করে, “সেই তো!”

“শুনলাম নাকি ছাঁদার হাঁড়ি ছোঁয় নি—,” ভাগ্নে-বোঁ নিভন্ত আঙুনে কাঠ ফেলে, “চপ শোনে নি!”

“সেই কথাই তো বলে মরছি—বোঁদিদি—।” পঞ্চুর মা অক্ষিপ করে, “এত এত নোকের সময় হল, আর তোর সময় হল না? পাড়ার সকল ছেলে ঘরে বসে রইল, তোর ছেলেদেরই ইঙ্কলের মাগ্নি এত হল। ছেলে দুটোর জন্তে মরছি করকরিয়ে—”

“তা যাস, হাঁড়িখানা নয় তুইই নিয়ে যাস। দিস গিয়ে ছোঁড়াদের।”

বলেন অপর এক মহিলা।

কিন্তু পানসাজুনি বিধবাটির কানে বুঝি এসবের বিন্দুবিসর্গও যায় না। সে তেমনি হাঁ করে তাকিয়ে থাকে পঞ্চুর মার মুখপানে, আর কি বলে সে সেই আশায়।

পঞ্চুর মা কিন্তু আর কথা বাড়ায় না। সত্যর বিরুদ্ধে কথা বলতে তার বিবেক তেমন সায় দিচ্ছে না, তবে নেহাৎ নাকি এ ঘরে এখন পালের হাওয়া উঠেটা দিকে তাই। বড়মাহুষের কথার ধামা তো ধরতেই হবে। তা ছাড়া সত্যর ওপর তার আজ সত্যিই বড় রাগ হয়েছে।

সে কোথায় ভেবে রেখেছিল সত্যকে নিয়ে এসে বড়লোকের বাড়ির জাঁকজমক দেখাবে, আর তার বোনঝি শৈলর যে এ বাড়িতে কতখানি মানমর্দা তা বুঝিয়ে ছাড়বে। একটা মাগ্নিমানের মাসী পিসি হওয়াও তো কম গৌরবের নয়।

মাগ্নিমান বৈকি।

দত্তগিন্নীর মেজছেলের সঙ্গে শৈলর দহরম-মহরম তো আর রাখা-ঢাকা নেই। মেজবাবুর উপর শৈলর আধিপত্য একেবারে প্রকাশ্য ব্যাপার। মেজবোঁটাকে টিটু রাখতে দত্তগিন্নী এ আঙুনে রীতিমতই ইন্ধন দিয়ে চলেন। শৈলর জন্তে গন্ধতেল গন্ধসাবান সরবরাহ হয় দত্তগিন্নীর নিজের ভাঁড়ার থেকে। শৈলর জন্তে পানে খাবার সব চেয়ে দামী ‘কিমা’ আসে গিন্নীর খরচে। শৈলর ফিতেপেড়ে শান্তিপুরী হাফশাড়ির যোগানদার অবশ্য মেজবাবু স্বয়ং, তবে একটু ময়লা কি ছেঁড়া চোখে পড়লেই দত্তগিন্নী “গ্যান্দারী বেজারমুখী” মেজবোঁটাকে শুনিয়ে শুনিয়ে শৈলকে বলেন, “হ্যাঁলা, কাপড় এত ময়লা কেন? নেই বুঝি? বলতে পারিস নে তোর মেজদাদাবাবুকে?”

এতজন থাকতে মেজদাদাবাবুকেই কেন, সে প্রশ্নটা অবশ্য উছ থাকে।

তা এসব রন্ধরসের গপ্পো অবশ্য পঞ্চুর মার মনিবনীর সঙ্গে করার জো নেই, কিন্তু শৈলর দখলছিটা তো দেখানো যেত? তা হল না কিছই।

মরুক গে।

যার যেমন বুদ্ধি।

বুদ্ধির দোষেই ঠকে মাহুষ। বোঁদিদি যে এত বুদ্ধিমতী, তা কই জিততে-

পারল কই, হেরেই তো মলো। নিজে ভাল করে খেলি না, স্বামীপুত্রকে খেতে দিলি না, গান শুনলি না, সব দিকেই ঠকলি। ধুন্তোর।

মনঃশুঙ্গ পঞ্চুর মা পানসাজুনির দিকে এগিয়ে এসে বলে, “দাও বামুনদি, ছুটো বেশ মচমচে করে পান দাও দিকি খাই—”

ছুটো পান তাড়াতাড়ি সেজে কম্পিত হাতে সে-ছুটো পঞ্চুর মার হাতে তুলে দিয়ে পানসাজুনি বামুনদি চাপা নীচু গলায় বলে, “কই তোর মনিবনীকে তো আমায় দেখালি না?”

“ওমা শোন কথা! ক’দণ্ড থাকল তিনি? এল হুঁয়ার চলে গেল বৈ তো না।”

“তোদের কথাবার্তা শুনে একটু কোঁতুহল হচ্ছে। বলি এত তেজদস্ত শুনছি—দেখাবি না একবার?”

“আর দেখানো। বৌদি কি আর এমুখে হবে? আর এ বাড়িতে আসবে? তবে যদি তুমি—”

বামুনদি আরও মূছ গলায় বলে, “তবে তাই চল না, দেখে আসি।”

“ওমা! হঠাৎ আমার মনিবের ওপর এমন নেকনজর কেন গো বামুনদি?”

“আস্তে! এঙ্কুনি গিন্নীর কানে উঠবে আর ‘না’ করে বসবে।”

“বেশ, সন্ধ্যার পর নিয়ে যাব।”

যাবার মুখটায় কিন্তু বামুনদিদি কেমন যেন বিচলিত হয়, আগ্রহটা যেন ঝিমিয়ে আসে তার। বলে, “থাক গে পঞ্চুর মা—কাজ নেই।”

“ওমা কেন? ত্যাখন অত ‘মন’ করলে!”

“হ্যাঁ, ঝাঁকের মাথায় তখন বলেছিলাম বটে, তা বলি কি, গেলে আবার এ গিন্নীর যদি গোসা হয়?”

“শোন কথা! কে টের পাচ্ছে? তোমার আমার মতন চুনোপুঁটির খবর রাখতে ওনাদের দায় পড়েছে! কাজের বাড়িতে নানান গোলমাল, ষাটটা নতুন রাঁধুনী চাকরানী ধাটছে, ফাঁকি দেবার এই তো সুযোগ।”

“না ভাবছি—গিয়েই বা কি হবে! শুনছি নাকি দেমাকী, রাঁধুনী পানসাজুনির সঙ্গে যদি কথা না কয়।”

“ওমা না না, তা তুমি ভেবো না বামুনদি—” পঞ্চুর মা অভয় দেয়, “তাকে

যদি কেউ ঘাঁটাতে না যায়, সেও কিছু বলবে না। বাড়িতে অতিথি এলে বরং আদর-আভ্যানেই করবে, রাঁধুণী চাকরানী বিচার করবে না। এই তো সেদিন তাঁতিনী মাগী গেছিল, তাকে কত যত্ন করে বসাল, তেঁটার জল দিল পান দিল। কাপড় অবিশ্রি নিল না, বলল দরকার নেও, তবে দূর-ছাই তো করল না।”

অনেক অগ্রপঞ্চাতের পর শেষ অববি অগ্রেরই জয় হয়।

পেঁজা তুরতুরে সিঙ্কের চাদরখানা গায়ে জড়িয়ে সন্ধ্যার দিকে খিড়কির দরজা খুলে পঞ্চুর মার সঙ্গে রাস্তায় নামল পানসাজুনি বামুনমেয়ে।

বামুনের মেয়ে একদা কাজের দরবার নিয়ে এসেছিল দত্তবাড়িতে। নেহাৎ ঝি-চাকরানীর কাজ তো দেওয়া যায় না তাকে, তাই এই কাজের ভার। অবশ্য ‘পান সাজা’ কথাটা শুনেতে যত হালকা, এ বাড়িতে সে ব্যাপারটা তত হালকা নয়। দৈনিক অস্তুত হাজার তিনেক পান তাকে সাজতে হয়। তহপয়রু স্পুরিও কেটে নিতে হয়। তাছাড়া সব পান ঠিক এক ধরনের সাজলে চলে না, তার আবার শ্রেণাবিভাগ আছে। কারুর কারুর মিঠাপানের খিলি বরাদ্দ, কারুর কারুর জায়ফল দারচিনি জৈত্রি কাবাবচিনি এলাচ কপূর সম্বলিত রাজকীয় পান, কারো বা দোকলা খাওয়া মুখের রুচি অনুযায়ী শুধু খয়ের স্পুরি। আবার স্পুরিরও মিহি মোটা নানান প্রস্থ। এই সব পানের নৈবেদ্য সাজিয়ে যার যার ঘরের বাটায় রেখে আসতে হয় গোলাপজলে ভিজানো ঝাকড়া চাপা দিয়ে।

এছাড়া সরকার গোমস্তা লোকজন, অতিথি ফকির, ‘আস্থস্তি যাউস্তি’, আশ্রিত অভ্যাগতদের জন্তে মোটা বাংলা পানের ব্যবস্থা আছে। সমস্ত ওই বামুন মেয়ের ঘাড়ে। শুধু পান নিয়েই সারাটা দিন তার প্রাণ যায়-যায়। তার ওপর আবার বাড়িতে যাজ্ঞ হলে তো কথাই নেই। সেও তো আছে যখন তখন। বিয়ে, সাধ, মুখেভাত এসব বাদেও বাড়ির হরেক রকম মেয়েমানুষের হরেক রকম ‘বস্ত সারা’ও তো সারা বছর। লোকজন খাওয়া লেগেই আছে। দত্তগিন্নীর ছোটজা অনন্ত-চতুর্দশীর বস্ত সারল, তিন-চারশ লোক খেল। পতিপুত্রহারা বিধবা, তবু কমতি কিছু হল না। বড়গিন্নী উপারমনা, বললেন, “তা হোক। ওর কেউ না থাক, আমি যখন আছি আমিই ওর সব করাব। ইহকালটা তো বরখাই গেল, পরকালটা বজায় থাক।”

ছোটগিন্নী অবশ্য বেইমান।

আড়ালে আড়ালে বলে বেড়ায়, “আমার বুঝি ভাগ নেই দত্তদের বিবয়-সম্পত্তিতে? বানের জলে ভেসে এসেছি বুঝি আমি? কাঠ হাত করে চুকি নি আমি এদের উটোনে? গাঁটছড়া বেঁধে সঙ্গে করে নিয়ে আসে নি এদেরই একজন?” তাকে উল্লুনিও দেয় কেউ কেউ।

কিন্তু সে নেহাতই আড়ালে। বড়গিল্লীর সামনে সবাই ঠাণ্ডা।

কিন্তু সে যাক।

পথ চলতে চলতে বামুনমেয়ের সঙ্গে নিম্নোক্ত কথাবার্তা হয় পঞ্চুর মার, “যতই হোক তুমি হলে স্বজাতি, তোমায় সমেহা দেখাবে।”

স্বজাতি অলম্ব সত্যপতীর। কারণ সেও বামুন।

বামুনমেয়ে কিন্তু এ আশ্বাসে উল্লসিত হয় না। উদাসভাষে বলে, “সোনারবনের অন্ন খাওয়া বামুন আবার বামুন! তুইও যেমন পঞ্চার মা। তোর ‘বামুনদি বামুনদি’ করিস তাই, নিজেকে বামুনের মেয়ে বলে পরিচয় দিতে আমার ইচ্ছে করে না। নেহাৎ নাকি কাজ করতে এসে শূদ্র বললে পাছে পা টিপতে, ছাড়া কাপড় কাচতে, এঁটো বাসন মাজতে বলে, তাই ওই পরিচয় দেওয়া।”

“তা কেন বামুনদি, তোমার আচার-আচরণ তো সদ বামুনের মতনই। নইলে রাঁধুনী ফুটনোফুটনী ভাঁড়ারদিউনি আরও যে-সব বামনী ধনী আছেন, তাঁদের আচার-কেতা তো আর পঞ্চুর মার অবিদিত নেই? ঘেঁচার মা তো সেদিন লুকিয়ে গরম মাছতাজা খেতে গিয়ে জিতে কাঁটা ফুটিয়ে হাতেনাতে ধরা পড়ল, তাই কি মাগীর হায়া আছে? আসল কথা কি জান বামুনদি, স্বভাব-চরিত্রটি যতক্ষণ ভাল আছে, ত্যাতোক্ষণ কক্ষনো সে আচারবিচার ছাড়বে না। আচার-অনাচার ত্যাগ করলেই বুঝবে মতিগতি বিগড়েছে। ধম্ম-কম্ম আচার-আচরণ হচ্ছে নদীর বাঁধ, বাঁধ যদি একবার ভাঙে—”

বাসনমাজা ঝি পঞ্চুর মার এই জীবনদর্শনের ব্যাখ্যার শেষাংশটা আপাততঃ মূলতুণী থাকে। সত্যবতার দরজায় এসে পড়েছে ছুজনেই। পঞ্চুর মা শানানো গলায় ডাক পাড়ে, “কই গো বৌদিদি, কোথায়? একবার বেরিয়ে এসো গো। নতুন মাছ এয়েছে তোমায় দশন করতে।”

## ॥ চৌত্রিশ ॥

অনেকদিন নিতাইয়ের সঙ্গে দেখা-সাক্ষাৎ নেই, ছাতাটা হাতে নিয়ে রোদের মধ্যে পেরিয়ে পড়ে নবকুমার। আজ ছুটির দিনে বাসায় আছে নিশ্চয়। নিতাই চলে যাবার পর প্রথম প্রথম নিতাইয়ের সামনে মুখ তুলে দাঁড়াতে লজ্জা করত, নিজেকে ভারী অপরাধী মনে হত, কিন্তু সময়ে সবই সয়। সেই লজ্জা একটু একটু করে কমেছে। সত্যবতীই বার বার ঠেলে ঠেলে পাঠিয়েছে নেমস্তন্ন করতে। আর অবাধ কাণ্ড, দিব্যি সহজভাবে নিতাইয়ের সঙ্গে কথা কয়েছে সত্য, নিতাই যা যা ভালবাসে, মনে মনে করে রেঁধেছে, অমুরোধ উপরোধ করে খাইয়েছে।

এই সব অসমসাহসিক কাণ্ডগুলো কী করেই যে করে সত্য! যাক, আজ নবকুমার নিজেই যাচ্ছে। আজ বাড়িতে মন বসল না। সেই যে পরশ সন্ধ্যাবেলা পঙ্কু মা কোথা থেকে একটা বিধবা মেয়েছেলে নিয়ে এসে বকবক করল, তার পর থেকেই সত্য যেন কেমন হয়ে গেছে। কথা নেই বার্তা নেই, ছেলেদের সঙ্গে হাসিখুশি নেই, যেন কোন্ জগতে বাস করছে।

কথাটা সত্যি—পরশ থেকে সত্য এক ধাঁধার জগতে বাস করছে।

কাকে নিয়ে এল পঙ্কুর মা? শুধু দস্তবাড়ির পানসাজুনি? তাহলে কি জন্মেই বা এল সে?

সত্যকে দর্শন করার বাসনা এমন প্রবল হবার হেতু কি তার? তা তাই যদি হয়, মন খুলে কথাই বা কইল কই? কেমন চেপে চেপে রেখে রেখে কথা, থেমে থেমে নিঃশ্বাস, ভেতরে যেন কত কি!

ওকে কি সত্য আগে কোথাও দেখেছে? সত্যর খুব একটা চেনা মাহুষের মতন কি দেখতে ও? কিন্তু সে মাহুষটার তো এমন পোড়ামূর্তি ছিল না। ওর নিয়তি কি শেষ অবধি আশুন হয়ে ওকে বলসা-পোড়া করে ছেড়েছে?

হু'জনের মতোই যেন উত্তাল চেউ, কিন্তু কেউই নিজে থেকে এগিয়ে এসে খপ করে হাত ধরে বলে উঠল না, “তুমি সেই না?”

পঙ্কুর মা খন খন করে বলে উঠেছিল, “কই গো বামুনদি, এত আগ্রহ করে এলে, অধচ বাক্যি-ওক্যি নেই কেন?”

সেই বামুনদি আস্তে বলেছিল, “কথা কইতে তো আসি নি, দেখতে এসেছি।”

গলার শব্দটা কি সত্যর শোনা নয় ?

যেন অনেক সাগরের ওপারে অনেক যুগের আগে সত্য এই স্বর শুনেছে। তবু বলতে পারা যায় নি, “আমার চোখকে তুমি ফাঁকি দিতে পারবে না গো, আমি বড় ধুরন্ধর মেয়ে।”

বাধা অনেক।

“হয় কি নয়, নয় কি হয়”-এর আলো-অঁধারির বাধা, সমাজ-সামাজিকের বাধা, অবস্থার তারতম্যের বাধা, সর্বোপরি পঙ্কুর মার উপস্থিতির বাধা, সেটাই হয়েছিল বোধ করি সব থেকে বড় বাধা। হঠাৎ একলা দুজনে মুখোমুখি দাঁড়ালে হয়তো অল্প বাধাগুলো মুহূর্তে খসে পড়ত, হয়তো দ্বিধামাত্র না করে বগ করে বলে ফেলা যেত, “শেষ অবধি তা হলে এই হাল হয়েছে? বেশ ভাল! স্মৃতিটা ঝরলে ভাল।” আগে হলেও বলতো, অনেক যুগ আগে ছেলেমানুষ ছিল সত্য, এখন তা নেই।

তাই সে সব হল না। খানিক পরে পঙ্কুর মা হাই তুলে বলল, “চল তা হলে বামুনদি, তোমাকে ছুয়োর অবধি এগিয়ে দিয়ে আমি ঘরে যাই। সারাটা দিন রপটানি গেছে, চোখে ভেঙে ঘুম আসছে।”

“চল।” বলে উঠে পড়ছিল সে। বলে নি, “আর একটু থাকি না!”

সত্য বলে নি, “আর একটু বসো না।”

সেই অবধি বিমনা হয়ে রয়েছে সত্য।

নবকুমার বলেছিল, “পঙ্কুর মার সঙ্গে ওই মাগীটা কে এসেছিল? কেন—”

কথা শেষ করতে পারে নি, তীব্র স্বর খামিয়ে দিয়েছিল তাকে। “ছেলেপেলের সামনে অভিব্যির মত কথা কও কেন?” বলেছিল সত্য। আর তদবধিই যেন সত্য চিন্তামগ্ন।

ছুটির সকালটা দু-দুও রান্নাঘরের দোরে বসে গল্প করতে কত ভাল লাগে। মনমেজাজ ভাল থাকলে সত্য অপূর্ব! সত্যি বলতে—মনমেজাজ ভাল না। স্বাকলেও কী যে এক আকর্ষণ! নবকুমারকে যেন দড়ি দিয়ে বেঁধে রাখে। নেহাত অক্ষিসের সময়টুকু ছাড়া বাড়ি থেকে বেরোতেই ইচ্ছে করে না। তুড়ু-খোকার পড়াটড়াগুলো একটু দেখতে হয়, কারণ মাস্টার মশাই আজকাল নিয়মিত আসেন না। কিন্তু ওই ছাই কর্তব্য কর্ম-চর্ম তেমন ভাল লাগে না, এক যা বাজার করাটা একটু ভাল লাগে। বাদে ইচ্ছে



হয় হুজনে মুখোমুখি বসে থাকি। তা হবার জো নেই। সত্যি, সংসার করাটা এত ভারী করে তোলার দরকারটাই বা কি? হাসলাম গল্প করলাম খেলাম ঘুমোলাম চুকে গেল তা নয়—রাতদিন “দশের একজন” হবার সাধনা কর, ছেলেদের “মাহুঘের মতন মাহুঘ” করে তোলবার চেষ্টা কর, মান-মর্মেদা রইল কি গেল তাই ভেবে মাথা খারাপ কর, কেন রে বাবা? গাঁ-ভুঁই ছেড়ে বাসায় এসে তা হলে লাভটা কি হল? আমোদ-আহ্লাদে থাকা যাবে বলেই না আসা?

এই যে সেদিন শুনল আপিসের বন্ধু রামরতনবাবু তার পরিবারকে নিয়ে নাকি থিয়েটার দেখতে গেছিল। “নিমাই সন্ন্যাস” পালা। রামরতনের পরিবার নাকি দেখতে দেখতে কেঁদে বুক ভাসিয়েছে, বাড়ি এসে তিনদিন ধরে কেঁদে মরেছে। নবকুমার সত্যকে ধরে পড়েছিল দেখতে যাবার জন্তে, গেল না।

বলল কিনা, “এখন মাসের শেষ—হাতের টানাটানি। থিয়েটার যেতে তো পয়সা লাগবে। তা ছাড়া তুড়ু-খোকাকে নিয়ে সমিঞ্চে। ওদের দেখবে কে রাত অবধি?”

ওদের নিয়ে যাবার কথা তো উড়িয়েই দিল। ছেলেদের ঘোড়দোড়ের খেলা দেখাতে নিয়ে যেতে চেয়েছিল নবকুমার, তাও বারণ!

কেন যে সত্য এ রকম!

এক যুগ ধরে মনকে এই প্রলই করে চলেছে নবকুমার।

আজ কপালটাই অভাগিয়ার।

নিতাইয়ের সঙ্গে দেখা হল না। কোথায় গেছে। তার মেসের এক ভদ্রলোক বললেন, “জানি না মশাই, মাহুঘের সঙ্গে তো মিশতেই চান না নিতাইবাবু। ভাবগতিকও তেমন ভাল ঠেকে না আমাদের। চোখে না দেখলে কারুর নামে অপবাদ দিতে নেই, গুঁর পাশের সীটের হারাণবাবু যা বলেছেন তাই বলছি—স্বভাবচরিত্র ভাল নেই নিতাইবাবুর।”

“অ্যাঁ! কী বললেন!”

প্রায় মাটিতেই বসে পড়ে নবকুমার।

এ কী সর্বনেশে সংবাদ!

ভদ্রলোক বললেন, “আপনার বিশেষ বন্ধু বুঝি? তবে তো আপনাকে কথাটা বলা আমার ভুল হয়েছে। তবে একরকম ভালও। দেখুন আপনি যদি

বুঝিয়ে-হুঝিয়ে সুপথে আনতে পারেন। অবশিষ্ট ও পথ থেকে ফেরানো বড় শক্ত কথা।”

মনেব মধ্যে একটা দাক্ষণ যন্ত্রণা নিয়ে ভবতোষ মাস্টারের কাছে যায় নবকুমার। বোধ করি এই প্রথম সে সত্যের নির্দেশ ব্যতীতই একটা কাজ কবে ফেলে।

মাস্টার একখানা বই সামনে রেখে উপুড় হয়ে পড়ে তা থেকে খাতায় কি সব লিখে নিচ্ছিলেন, নবকুমার কাছের গোড়ায় বসে পড়ে বিনা ভূমিকায় বলে ফেলে, “ভয়ানক একটা বিপদে পড়ে আপনাব কাছে এসেছি মাস্টার মশাই।”

মাস্টার চমকে ওঠেন।

কী হল ?

কাকব অসুখবিসুখ নয় তো ?

সত্যবতী ফেন গালতে পুড়ে যায় নি তো ? উঠোনে আছাড় খেয়ে পড়ে যায় নি তো ? চকিত হয়ে বলেন, “বসো বসো, আগে একটু স্থির হও। ব্যাপারটা কি ?”

“ব্যাপারটা গুরুতব। নিতাইয়ের চরিত্রশেষ ঘটেছে।”

“কী ঘটেছে নিতাইয়ের ?”

মোঁকের মাথায় কথাটা বলে ফেলেই লজ্জা পায় নবকুমার। এবার মাথাটা চুলকে নীচু গলায় বলে, “আজ্ঞে, আজ গিয়েছিলাম নিতাইয়ের মেসে, তা দেখা হল না। একজন বলল, নিতাই কোথায় যায় কোথায় না যায় ঠিক নেই, আর—আর তার স্বভাবদোষ ঘটেছে।”

ভবতোষ মিনিটখানেক চুপ করে থেকে বলেন, “লোকটা নিতাইয়ের শত্রুটর নয় তো ?”

“আজ্ঞে না না। সেরকম কিছু না।”

“তবে তো সত্যিই বিপদ!” ভবতোষ নিজের মনে বিড়বিড় করে বলেন, “এই রকম একটা ভয়ই আমার ছিল।”

নবকুমার বলে, “আজ্ঞে কী বলছেন ?”

“নাঃ। তোমায় কিছু বলি নি।”

“আপনি একবার তার সঙ্গে দেখা করে বোঝান মাস্টার মশাই।”

“বোঝাব ?”

ভবতোষ হাসে।

“এসব ক্ষেত্রে মাস্টারের বৃষ্ কখনো কাজে লাগে না নব !”

“কিন্তু একটা তো কিছু করতে হবে মাস্টার মশাই।”

চিরনিশ্বেজ নবকুমারের এই ব্যাকুলতা মনকে স্পর্শ করে ভবতোষের। তিনি স্নেহাঙ্গী গলায় বলেন, “আচ্ছা আমি চেষ্টা করব। তবে কি জান—”

“আজ্ঞে কি বলছেন ?”

“বলছি—মানে বলছিলাম কি, আমার বলার চাইতে অনেক বেশী কাজ হবে যদি বোমা একবার—”

বোমা !

নবকুমার বিমূঢ় নির্বোধ গলায় বলে, “কার কথা বলছেন ? ইয়ে তুডুর মা ?”

“ই্যা তাই বলছি। উনি যদি একবার নিতাইকে দিবি-দিলেশা দিয়ে বলতে পারেন, হয়তো কাজ হতে পারে।”

নবকুমার তেমনি গলাতেই বলে, “আপনি বললে কাজ হবে না, হবে ওর কথায় ?”

ভবতোষের মুখে রহস্তের জালে আবৃত স্বন্দ একটু হাসির রেখা ফুটে ওঠে। ধীরে বলেন, “হলে ওঁর কথাতেই হবে। নচেৎ—”

“তবে তাই বলতে বলব।” বলে বিমূঢ় নবকুমার উঠে দাঁড়ায়। তবে মাস্টারের প্রস্তাবটা তার হৃদয়ঙ্গম হয় না। আর সত্যি বলতে কি ভালও খুব লাগে না। ভাল লাগে না নিতাইয়ের সামনে সত্যকে উপস্থাপিত করার কথাটা। যতই বন্ধু হোক নিতাই, তার যখন স্বভাব খারাপ হয়েছে তখন বিশ্বাস কি ? কে জানে মদ-টদও ধরেছে কিনা। মাতাল চরিত্রহীন, এদের কাছে থেকে ‘মেয়েছেলেনের’ শতহস্ত দূরে থাকা উচিত।

নবকুমারের বাপ নীলম্বর ষাঁড়ুয়্যে নামক ব্যক্তিটিও যে ওইসব অপরাধে অপরাধী এবং চিরদিন তিনি সমাজের মাথার ওপর বাস করে আসছেন, সেটা অবশ্য মনে পড়ে না নবকুমারের।

নিতাইয়ের এই অধঃপতনের খবরটা এবং ভবতোষ মাস্টারের ওই অনাস্বষ্টি প্রস্তাবটা কিভাবে সত্যর কাছে কেলবে, আর সত্য সেটা কিভাবে নেবে ভাবতে ভাবতে বাড়ি ফেরে।

বেলাও হয়ে গেছে ঢের। সত্য হাঁড়ি নিয়ে বসে আছে। ক্ষত এসে দরজাটায় ধাক্কা দিতে যায় নবকুমার, কিন্তু ধাক্কার আগেই, হাত ঠেকাতেই খুলে যায় সেটা। তার মানে আগল দেওয়া ছিল না।

কী কাণ্ড! ভরতুপুরে দোরটা খুলে রেখেছে! বলবে বলে ব্যস্ত হয়ে ঢুকেই দু-পা পিছিয়ে আসে।

নাওয়ার খুঁটির কাছে সত্য একজনের হাত ধরে দাঁড়িয়ে।

### ॥ পঁয়ত্রিশ ॥

না, হাত ধরার অপরাধে জাত যাবে না, পুরুষ নয় মেয়েমানুষ। বিহ্বল-দৃষ্টি এক বিধবা। শীর্ণ দেহ পোড়া রং। নবকুমারও বিহ্বল দৃষ্টিতে তাকিয়ে থেকে শুনে পায়, সত্য তার নিজস্ব সবল ভঙ্গীতে বলছে, “হাতে যখন পেয়েছি, আর ছাড়ি? মেয়ে নিয়ে চলে এস তুমি আমার কাছে। আমার যদি দুবেলা দুমুঠো জোটে, তোমারও একবেলা একমুঠো জুটবে। আমার ছেলে দুটো যদি খেতে পরতে পায়, তোমার মেয়েটাও পাবে।”

শুনে গায়ের রক্ত হিম হয়ে যায় নবকুমারের। এসব আবার কি কথা? কে এ? কোথায় এর মেয়ে? সত্যর সঙ্গে কী সম্পর্ক এর? আবার হঠাৎ সেই হিম হয়ে যাওয়া রক্ত উত্তপ্ত হয়ে উঠল। পুরুষের রক্ত!

নবকুমারে সঙ্গে একবার পরামর্শ পর্যন্ত না করে দু-দুটো মানুষকে ধেতে পরতে দেবার ভরসা দিয়ে বাড়িতে জায়গা দিতে চাইছে সত্য! এতই বা সাহস কেন মেয়েমানুষের? নবকুমার কিছু বলে না বলে বড্ড বাড় বেড়ে গেছে।

নবকুমারের চিরদিনের প্রাণের বন্ধু নিতাই, বিনি অপরাধে তাকে বাড়ি থেকে সরিয়ে দেওয়া হল। যার জন্তে মনের দুঃখে, ঘেমায়, অভিমানে স্বভাবটাই ধারাপ করে ফেলল ছেলেটা। নবকুমারের সঙ্গে এক বাড়িতে থাকলে কখনই এসব ঘটত না। মেসে কত রকম কুসঙ্গ!

নবকুমারের চোখে জল এসে গেল। তার পর ভাবল, এখন কিনা কে কোথাকার একটা মাগী, নবকুমার যাকে সাতজন্মেও চোখে দেখে নি, তাকে বাড়িতে প্রতিষ্ঠা করবার ষড়যন্ত্র আঁটা হচ্ছে।

চালাকি !

চলবে না, এসব চলবে না। নবকুমার সাক জবাব দিয়ে দিবে—নবকুমারের বাড়িতে এসব চালাকি চলবে না।

নির্ঘাৎ সত্যর বাপের বাড়ির দেশের লোক। তাই এত ভালবাসা। সত্যি বলতে একটা ঈর্ষাও অহুভব করে নবকুমার। নবকুমারের সম্পূর্ণ অর্পরিচিত জগতের কাউকে যে সত্য মনে জায়গা দেবে এ অসম্ভব। হোক না সে মেয়েমানুষ জন্মও !

মনের কথা যে মন ছাড়া আর কেউ জানতে পারে না, এ বাঁচোয়াতেই পৃথিবী টিকে আছে। নইলে পৃথিবী তার সমাজ সভ্যতা শিক্ষা সংস্কৃতি সব কিছুই নিয়ে কোন্‌কালে রসাতলের অতল তলায় তলিয়ে যেত।

মনের কথা অন্তরে টের পায় না।

নিতান্ত মনের মানুষটিও না।

এই আনন্দেই যথেষ্ট নেচে বেড়াচ্ছে মানুষ, যত পারে বড় বড় কথা বলছে। আর স্নেহ প্রেম ভালবাসার মহিমা দেখাচ্ছে। তা এ রহস্যটা মানুষ নিজেও খেয়াল করে না, এই যা মজা।

নবকুমারও খেয়াল করে না, বিধাতার কাছে এ কত বড় পাওয়া পেয়ে বসে আছে সে। মনে মনে তাই শুধু সত্যকেই বাক্যবাণে বিদ্ধ করে না, বিধাতাপুরুষকেও করে। করে বিধাতা নবকুমারকে পুরুষ আর সত্যকে মেয়ে করেছেন বলে। সহ হচ্ছে না। এই হাত ধরা দৃশ্য আর সহ হচ্ছে না।

গলা ঝাড়ার শব্দ করল নবকুমার।

এতক্ষণ সত্য নিজের ঝাঁকে ছিল, খেয়াল করে নি আর, আর একজন তো দরজার দিকে পিঠ করে দাঁড়িয়ে। গলার শব্দে উভয়েই সচকিত হল। বিধবাটি একটু সরে গেল।

আর সত্য ধরা হাতটা ছেড়ে দিয়ে হাত তুলে মাথার কাপড়টা টানল।

বুদ্ধিমতী সত্য অবশ্য তক্ষুনি হৈ-হৈ করে আবির্ভূতা মহিলার পরিচয় দিতে এল না স্বামীর কাছে। তা ছাড়া লজ্জা-শরম বলেও কথা আছে। গুরুজনদের সামনে বরের সঙ্গে কথা বলা চল না। তাই মাথার কাপড়টা টেনে গলা নামিয়ে আঁস্তে বলল, “চল বোঁ, ও ঘরে গিয়ে বসবে চল।”

নবকুমার ভেবেছিল যা বলবে গলা চড়িয়ে বলবে, যাতে ওই মেয়ে-মাহুঘটার কানে পৌঁছয়। যাতে সে বুঝতে পারে বাড়ির প্রকৃত কর্তা কে। আর এও বুঝতে পারে বুধা আশায় প্রলুব্ধ হয়ে কোনও লাভ নেই তার। সত্য ছেলেমাহুঘ, না বুঝেবুঝে কি না বলেছে, সেটা ধোপে টিকল না। এ সবই আশা করছিল নবকুমার।

কিন্তু গলা চড়ল না।

শুধু চড়ল না নয়, প্রায় বাকশূন্যই হল না। একটা গম্গমে রাগ-রাগ ভাব নিয়ে চান করে এসে খেতে বসল।

ভাতের খালা ধরে দিতে দিতে সত্য প্রশ্ন করে, “এত বেলা অবধি গিয়েছিলাম কোথায়?”

নবকুমার পাতের উপর হুস্ করে সমস্ত ডালটা একসঙ্গে ঢেলে কেলে ভাত মাখতে মাখতে গম্ভীর গলায় বলল, “যেখানেই যাই না, তোমার কাছে তার কৈকিয়ৎ দিতে হবে নাকি?”

“শোন কথা! কী কথার কী উত্তর! কৈকিয়ৎ দিতে হবে, এ কথা কে বলেছে? নাইতে খেতে বেলা গড়িয়ে গেল, তাই শুধাচ্ছি।”

“না, শুধোতে হবে না।” ভেমনি গলাতে চালায়ে যায় নবকুমার, “শুধোবার কোনও এক্তিয়ার নেই তোমার। কি জন্তে শুধোবে? তুমি আমার মেনে চল? তাই আমি তোমায় মেনে চলব?”

সত্য অবাক হয়ে বলে, “রোদের তাতে হঠাৎ মাথাটা গরম হয়ে গেল নাকি? কী বকছ আবোল-তাবোল?”

“আবোল-তাবোল! আবোল-তাবোল বকছি আমি? আর নিজে যখন বলা নেই কওয়া নেই—”

গলা চড়াবার ব্যর্থ চেষ্টায় ‘বিষম’ পায় নবকুমার।

অগত্যাই তখন সত্যর চিকিৎসাধীন হতে হয় সত্যর বীরগুরু স্বামীকে। জল-বাতাস, মাথায় হুঁ! ধাতস্ব হতে সময় লাগে।

আর ধাতস্ব হওয়া মাত্রই সত্য নিঃশব্দে বলে, “সংসারে আর দুজন মাহুঘ বাড়ল, একটু জানিয়ে রাখছি তোমায়। নইলে যেমন মতিবুদ্ধি তোমার, হঠাৎ হৈ-চৈ লাগাবে—কে এর, কোথা থেকে এল?”

নবকুমার বলতে পারত, “তা সে কথা তো জিজ্ঞাস করবই আমি।

সত্যিই তো—কে এরা, কোথা থেকে এল ? কেন এল ? আর আমিই বা খামোকা দুটো মানুষকে সংসারে জায়গা দিতে যাব কিসের জন্তে ?”

বলতে পারল না।

সেই বিষম খাওয়া ধরা গলায় যা বলল সেটা হচ্ছে এই, “তা আমাকে জানাবার কি আছে ? তুমি যা ভালো বুঝবে—”

কার গলা ?

নবকুমারের ?

নবকুমার এ কথা বলল কেন ?

এতক্ষণ ধরে এই কথাটা বলবার জন্তেই কি “মহলা” দিচ্ছিল নবকুমার মনে মনে ?

সেই সেদিন পঞ্চর মার সঙ্গে একবারের জন্তে দেখা করে গিয়ে পর্যন্ত দস্তবাড়ির “পানসাজুনি”র প্রাণটা যে কেন দেয়ালে মাথা কুটতে চাইছিল তা ভগবানই জানেন। আর তার সাক্ষীও শুধু তিনিই।

তাই আবার যখন এদিন সে দিনহুপুরে পঞ্চর মাকে ধরে বসল, “চুপি চুপি আর একবার আমায় নিয়ে যাবি ?” তখন পঞ্চর মা হাঁ হয়ে গেল।

বলল, “হ্যাঁগা, সেদিন তো কথাই কইলে না ! আবার আজ যাবে বলছ মানে ?”

“কি জানি পঞ্চর মা, মনটা কেমন টানছে। আমার একটা ছোট বোন ছিল, অনেকটা তেমনি দেখতে—”

পঞ্চর মা বোধ করি একটা তবু মানে পেয়ে আশ্বস্ত হয়। তবে এ প্রশ্ন তোলে—দিন হুপুরে চুপি-চুপিটা সম্ভব কি করে ?

সে বুদ্ধি পানসাজুনিই দিয়েছে। কালীতলায় যাবার নাম করে বেরিয়ে পড়া। ঠনঠনের মা কালী জাগ্রত কালী, তাঁর কাছে সময়-অসময় যান্নও সবাই।...দূরও বেশী নয়, এই তো একটু গেলেই।

দেবীদর্শনেই এসেছিল পানসাজুনি বামুনদিদি। আর সে দর্শন তার মিলেছিল।

তারপর তো সেই নবকুমারের প্রবেশ !

শঙ্করী বলে, “ঠাকুরঝি বলে ডাকবার মুখ নেই, তবু বলতে বড় সাধ যাচ্ছে

তাই বলছি, “মিথ্যে ছেলেমানুষি করো না ভাই সত্য ঠাকুরঝি, তুমি যা বলছ তা হবার নয়।”

“হবার নয়?”

সত্য জোরালো গলায় বলে, “কিন্তু কেন হবার নয়, সেই কথাটাই আমায় বোঝাও কাটোয়ার বোঁ! ভুল-ভ্রান্তি মানুষেই করে, তা বলে কন্ঠিনকালে আর সে ভুল শোধরাতে পাবে না সে?”

“শোধরাব বললেই হল? সমাজ সে আবদার শুনবে?” শঙ্করী নিঃশ্বাস ফেলে বলে, “মেয়েমানুষ যে মাটির পাত্রের ঠাকুরঝি, ও তো ছুঁৎ গেলেই গেল।”

“মেয়েমানুষ যে মাটির পাত্রের, এ কথা বুঝি বিখ্যাতপুরুষ তার গায়ে দেগে দিয়ে ধরাভূমিতে পাঠিয়েছিল?” সত্য তীক্ষ্ণ স্বরে বলে, “আর বেটাছেলেকে সোনার বাসন বলে ছাপ মেরে পাঠিয়েছিল? তাই তাদের বেলা যা করুক, তাই বাহবা? হ্যাঁ, অম্মাই তুমি করেছিলে সত্যি, খুবই করেছিলে। তুমি বয়সে বড়, গুরুজন সম্পর্ক, বলাটা আমার শোভা পায় না, তবু না বলেও পারছি না, যা করেছিলে তা মহাপাতক। তখন জ্ঞান-বুদ্ধি ছিল না, পুরো বুঝতে পারি নি, কিসের জন্তে কি! কিন্তু পরে তো বুঝেছি। বুঝে মিথ্যে বলব না মনে মনে তোমায় নোড়া দিয়ে হেঁচেছি আমি। শুধু মহাপাতক বলেই নয়, বাবার মতন মান্নিমান মানুষের উঁচু মাথাটা যে তুমি হেঁট করে দিয়েছিলে, সেই ঘেম্নার জ্বালায় তোমায় শতেক ধিক দিয়েছি। তবে এও তো সত্যি, অতি পাতকেরও প্রাচিস্তির আছে। যেমন মহাপাতক করেছ তুমি, তার মহা প্রাচিস্তিরই করেছ। তুমানলে জ্বলে জ্বলে থাক্ হয়েছ।”

“সত্য ঠাকুরঝি!”

শঙ্করী আবেগ-কম্পিত স্বরে বলে, “মান্যে ছোট্টর কথা বলি না, তবে তুমি আমার চেয়ে বয়সে আদেক, তাই পায়ের ধুলো নিলাম না তোমার। কিন্তু জিজ্ঞেস করি, রাতদিন যে আমি তুমানলে জ্বলছি, এ তুমি কেমন করে টের পেলে?”

“শোন কথা! এর আবার টের পাবার কি আছে? প্রোত্যক্ষ দেখতে পাচ্ছি না? দিষ্টহীন তো নই? তুমানলে যে জ্বলছ, সে সাক্ষী দিচ্ছে তোমার ওই পোড়াকার্ট দেহ। কী সোনার বর্ণ রং ছিল, কী মোমে গড়া দেহ ছিল তোমার, সেটা তো আর ভুলি নি! তা থাক, রূপ গেছে বালাই গেছে,



থাকলে আর কী ধুয়ে জল খেতে ? ওই রূপই কাল হয়ে দংশন করেছে তোমায় গেছে যাক, কিন্তু শরীর স্বাস্থ্যটা তো দেখতে হবে ? গলায় দড়ি দিয়ে ঝুলে এহকালের বালাইটা ঘোচাও নি যখন ?”

শঙ্করী কাতর কণ্ঠে বলে, “সেই ইচ্ছে কি আর হয় নি ঠাকুরঝি ? রাতদিন সে ইচ্ছে হয়েছে, কিন্তু পারি নি। ওই পেটের জঞ্জালটাই পায়ের বেড়ি হয়েছে। আমিই মহাপাতকী, ওর আর অপরাধ কি ! ত্রিজগতে কেউ নেই ওর, মরে ওকে কোথায় ভাসিয়ে দিয়ে যাবো ?”

সত্য বন্ধার দিয়ে বলে, “যাক সে স্মৃতিটুকু যে হয়েছিল তাও মঙ্গল ! একে তো এই পাতকের বোঝা, তার উপর আবার আপ্তঘাতী মরণের পাপ। নরকেও গাই হত না। যাক গে মরুক গে, গতশু শোচনা নাস্তি। এখন সোজা কথা হচ্ছে—এতাবৎ যা করেছে, এখন আমার চোখে যখন ধরা পড়েছে, আর তোমার শৃঙ্গুরের দাস্ত্রবিস্তি করা চলবে না।”

শঙ্করী বিষন্ন হাসি হেসে বলে, “বয়েস হয়েছে, ছেলেপুলের মা হয়েছে, তবু স্বভাবটি তোমার দেখছি ঠিক তেমনি ডাকাবুকো আছে সত্য-ঠাকুরঝি। কিন্তু জগৎকে চিনতেও বাকী আছে। আমায় ঘরে ঠাই দিলে তোমাকে কি আর কেউ ঘরে ঠাই দেবে ?”

হঠাৎ সত্যার মুখটা উজ্জ্বল হয়ে ওঠে। একটু মুখ টিপে হাসে সে। তার পর বলে, “কে ঘরে ঠাই দেবে না ? তোমার ননদাই ?”

“বালাই ঘাট। তা বলছি না। তিনি তোমায় চিরকাল রাজরাণী, মাথাব মণি করে রাখুন। এই সমাজের কথা বলছি। জানাজানি হয়ে গেলে—”

“জানাজানি হয়ে যাবার আবার কি আছে কাটোয়ার বোঁ। আমি কি লুকোছাপি করব ? আমি তো ঠিক করছি আজই বাবাকে পত্তর দেব। বাবা এই কাজ করেছে আমি, এখন আমায় মারতে হয় মার, কাটতে হয় কাট আর বাখতে হয় রাখ !”

“বাবা” শব্দটা শুনেই শঙ্করী সহসা দু হাত জোড় করে কপালে ঠেকায়।

সেই “বাবা” নামক মানুষটার উদ্দেশ্যে কি ? না ভগবানের উদ্দেশ্যে ?

বোধ করি ভগবানের উদ্দেশ্যে।

সাহস করে সেই বাড়ি, সেই মানুষগুলো, সর্বোপরি সেই দৃশ্যমূর্তি দেবোপম ব্যক্তিটি সম্পর্কে কোনও প্রশ্নই করতে সাহস ছিল না শঙ্করীর। ভয়, লজ্জা,

অপরাধের সন্কোচ, এসব তো আছেই, তার ওপর এক আশঙ্কার আভাস। যদি প্রশ্ন করতে গিয়ে শোনে, মাহুঘটা নেই? সে বড় ভয়ঙ্কর!

কিন্তু সত্য বলছে, “বাবাকে পত্র লিখব।” তাই কপালে হাত ঠেকিয়েছে শঙ্করী।

আতঙ্কটা যাবার সঙ্গে সঙ্গে ভয় লঙ্কা সন্কোচ সবই যেন একটু সরে দাঁড়ায়। যেন শঙ্করীর অবস্থা দেখে দয়া হয়েছে ওদের।

তাই শঙ্করী ঈশ্বর ইতস্ততঃ করে বলেই ফেলে, “মামাঠাকুরের শরীরগতিক মঙ্গল?”

শরীরগতিক!

সত্য নিঃশ্বাস ফেলে বলে, “খুব ভাল নয়, তবে মাহুঘটাকে তো জান? ভাঙব তবু মচকাব না। নইলে মা মারা যাওয়ার পর থেকে ভেতরে ভেতরে দেহ ভেঙে গেছে। কলকাতায় আসার আগে দেখা করে এলাম তো।”

মা মারা যাওয়া!

শঙ্করী ভাবে, এ ‘মা’ রামকালীরই মা, দীনতারিণী। ভাবে তা তিনি মরবেন এটা তো আশ্চর্য্যও নয়, হুঃখেরও নয়, তবে নাকি রামকালী হৃদয়বান পুরুষ, মাতৃশোককে মর্ষণ দিয়েছেন। তবু বলে, “তিনি জ্ঞানবান মাহুঘ, তিনি এত কাতর হয়েছেন? তা বড়দ্বিদিমা মারা গেছেন কতদিন হল?”

“বড়দ্বিদিমা!”

সত্য ভুরু কুঁচকে বলে, “ঠাকুরমার কথা শুধোচ্ছ? ঠাকুরমা মারা গেছেন এই ক’বছর যেন হল। আমি আমার মার কথা বলছি। মা তো চলে গেছেন—”

সত্য চুপ করে যায়।

গলার কম্পন কেউ ধরে ফেলবে, এতে সত্যর বড় লঙ্কা।

শঙ্করী স্তম্ভিত দৃষ্টিতে তাকিয়ে বলে, “মেজমামীমা মারা গেছেন?”

সত্য নীরব।

সত্য নতদৃষ্টি।

অনেকক্ষণ পরে শঙ্করী একটা পরিতাপের নিঃশ্বাস ফেলে বলে, “কতদিন হল?”

“এই আমার বড় ধোকা তখন আঁতুড়ে।”

আন্তে আন্তে উদ্বেলিত নিঃশ্বাস শান্ত হয়ে যায়। ক্রমশঃ ধীরে ধীরে কখন

সে নিঃশ্বাস ফেলার ধাপ থেকে গল্প করার অবস্থায় এসে পৌঁছে গেছে ওরা, তা ওঁদের নিজেদেরই খেয়াল থাকে না।

অতীত স্মৃতির রোমস্থানের সময়ের জ্ঞান হারায় বুঝি।

শঙ্করী প্রশ্নকর্ত্রী।

সত্য উত্তরদাত্রী।

শঙ্করী যেন গভীর সমুদ্রে হাতড়ে হাতড়ে কী এক হারানো মানিক খুঁজতে চাইছে, আর সত্য যেন শঙ্করীর সেই প্রশ্নের হাতড়ানির মধ্যে দিয়ে ফিরে পাচ্ছে তার হারানো শৈশবকে।

নিত্যানন্দপুরের রামকালী কবরেজের অস্তঃপুরটা না একদা সশস্ত্র-প্রহরী-বেষ্টিত অঙ্কার কারাগারের মত লাগত শঙ্করীর ?

তবে আজ সেই অস্তঃপুরটা আলোকোজ্জ্বল স্বর্গের মতো মনে হচ্ছে কেন তার ?

সেই স্বর্গকে স্বেচ্ছায় হারিয়েছে শঙ্করী। ভাঙা মাটির বাসনের মত হেলায় পথের ধূলোয় আছড়ে ফেলে গিয়েছে শয়তানের চলনার স্বর্গে !

অনেক কথা অনেক নিঃশ্বাস।

ভাগী হয়ে উঠেছে বাতাস।

তবু আবার একটা গভীর নিঃশ্বাস ফেলে বলে সত্য, “আজ তুমি ওই দস্তবাড়ির পানসাজুনিগিরি করছ কাটোয়ার বোঁ, কিন্তু এর থেকে হাজার গুণ মর্যাদা ছিল, যদি তুমি কবরেজবাড়ির উঠোনটা বেঁটিয়েও যেতে।”

“মতিচ্ছন্ন! পূর্বজন্মের মহাপাতক! আর কিছু বলার নেই আমার।”

“যাই হোক, তুমি আর দ্বিধা করো না বোঁ, মেয়ে নিয়ে একবস্ত্রে চলে এস। পেটের ভেতরের অন্ন তো আর এক কথায় ধুয়ে মুছে সাফ হবে না, তবে পরনের ওই সব পতিত বস্ত্র পরিত্যাগ দিতে হবে। ও ত্যাগ না দিলে গলদ আর দূর হতে চাইবে না। সে যাক, মেয়ে কত বড়টা হল ?”

“কত বড়? মানে বয়েসের কথা বলছ ?”

শঙ্করীর চোখের ছায়ায় যেন একটু ধূসর শূণ্যতা। সে শূণ্যতার স্পর্শ তার কণ্ঠে এসে লাগে।

“বয়েস? তোমার কাছে আর লুকোছাপা করব না ঠাকুরঝি, পষ্টই বলছি— বয়েস চোঁদ উত্তরে গেছে এই মাষে।”

“মাঘে। তা হলে তো পনেরই। পনের চলছে।” সত্য বিমূঢ় ভাবে বলে, “বিয়ে?”

“বিয়ে!” শঙ্করী ফুক ব্যঙ্গমিশ্রিত একটু হাসে। এ ব্যঙ্গ ভাগ্যকে। এ ক্ষোভ সত্যর প্রসূতে।

সত্য একটু চূপ করে থেকে বলে, “তা যাদের সংসারে আছ, তারা কিছু বলে না? তাদের কি জবাব দাও?”

শঙ্করী তেমন একটু হেসে বলে, “সে জবাব আগে থেকেই ঠিক করে রেখেছিলাম। বলেছি পাঁচ বছরে বিয়ে, সাত বছরে বিধবা, ঞ্ছুরবাড়ি চক্ষে দেখে নি—”

সত্য ইতিমধ্যে শিউরে উঠেছে।

“বল কি বোঁ, কী সবনেশে মা ভূমি! আইবুড়ো মেয়েটাকে ‘বিধবা’ বলে পরিচয় দিয়েছ? সমগ্র পৃথিবীতে এমন কথা কেউ কখনো শুনেছে? বলি এই কাণ্ডটা যে করে রেখেছ, আজন্ম তো তাকে আলোচাল কাঁচকলা গিলতে হচ্ছে?”

“তা হচ্ছে বৈকি। আমারও যা তারও তাই। তার বেশী জুটেছেই বা কোথা থেকে ঠাকুরবি?”

সত্য পরিতপ্ত স্বরে বলে, “তা যেন হল। কিন্তু এর পর ওর বিয়ে দেবে কি করে?”

শঙ্করী নিঃশ্বাস ফেলে বলে, “সে পরিচয় না দিলেই কি বিয়ে দিতে পারতাম ঠাকুরবি? বাপ-ঠাকুরদার পরিচয়হীন মেয়েকে কে বোঁ বলে ঘরে তুলবে?”

সত্য ভুরু কুঁচকে বসে থাকে কিছুক্ষণ, তার পর বলে, “তা সেই নগেন না কে, যার সঙ্গে বিয়ে তোমার হয়েছিল বললে—”

“ফাকি, ফাকি, সব ফাকি বুঝলে ঠাকুরবি, সেই নরকের কীট পাগিষ্ঠ শয়তান ফাকি দিয়ে আমাকে—” রুদ্ধকণ্ঠ পরিকার করে বলে শঙ্করী, “কী বলব ঠাকুরবি, ওই ভোগায় না পড়লে কি ডর্মতি হত আমার? বলল, কলকাতায় এখন বিধবা বিয়ের চল হয়েছে। কত অল্পবয়সী বিধবা দিবি আবার স্বখে-স্বচ্ছন্দে ঘর করছে। সেই ভোগায় ভুলে পাতালের সিঁড়িতে পা ফেললাম।”

সত্য বিরসমুখে বলে, “তা হলে বিয়ে করে নি?”

“না, সে মিথ্যে বলব না, করেছিল। বিধবা বিয়ে দিতে রাজী হয় এমন পুরুত ডেকে আশ্রি নারায়ণ সাক্ষী করে ঠাট একটা দেখিয়েছিল। কিন্তু সেই বিয়েকে যদি সে মনেপ্রাণে সত্যি বলে মানত, তা হলে কি পেটে সন্তান এসেছে শুনেই আমাকে ছেঁড়া কাপড়ের মতন ফেলে চলে যেত?”

“তা যাক।” সত্য একটা আশ্বস্তির নিঃশ্বাস ফেলে, “তার চরিত্রের উপযুক্ত কাজই সে করেছে। কিন্তু তুমি তো একপ্রকার ধর্মে খাঁটি আছ। আর তোমার মেয়েকেও অধর্মের সন্তান বলা চলে না। বিধবার বিয়ে আমার চোখে অশিষ্ট ভাল ঠেকে না, তবে মন্দের ভাল। বড় বড় পণ্ডিতেরা যখন শাস্ত্র পড়ে বুঝেবুঝে বিধান দিয়ে রেখেছেন, তখন একেবারে তো উড়িয়ে দেওয়া যায় না। তাঁদের চেয়ে আমি পণ্ডিত নই। তবু বলব কাটোয়ার বৌ, মেয়ের এই মিথ্যে বিধবা পরিচয়টা তোমার দেওয়া উচিত হয় নি। তার কাছেও তো একটা জবাব আছে? সে যখন বড় হবে, পাচজনের বিয়েখাওয়া গয়নাকাপড় ঘরবর দেখবে, তখন তার প্রাণের ভেতরটি কেমন করবে? তখন তোমায় একদিন শুধাবে না, ‘মা, মা হয়ে তুমি আমার এই করলে’—”

শঙ্করী কথার মাঝখানেই উদাস গভীর স্বরে বলে, “সে জিজ্ঞেসের গোড়াও মেরে রেখেছি ঠাকুরঝি। তাকেও ওই কথাই বুঝিয়ে রেখেছি। বলেছি পাঁচ বছর বয়সের ঘটনা, তোর স্মরণে নেই।”

“রৌ!”

আবেগ-কম্পিত স্বরে শুধু এই একাক্ষর শব্দটুকু উচ্চারণ করে সত্য।

শঙ্করী সত্যর সেই ক্ষুদ্র বিস্মিত আহত মুখের দিকে তাকিয়ে বলে, “তা তুমি আমায় শতক ঝাঁটা মারতে পার ঠাকুরঝি, কিন্তু এ ছাড়া আর কোনও উপায় আমি দেখতে পাই নি। বলতে পারি আমি মা নই রাক্ষুসী, কিন্তু তবু তো সেই দুদিনে গর্ভহৃদ্য গলায় ডুবে মরতে পারি নি? আর ওর জন্মেই দোর দোর ঘুরেছি, হাজার লাখি ঝাঁটা খেয়েছি, মান-অপমান জলাঞ্জলি দিয়েছি, আর আজ সোনারবেনের দাসত্ব করে ভাত খাচ্ছি। কিন্তু বাড়ি ভাল নয়। লোকে বলে অন্নদাতার নিন্দে করতে নেই, তবু না বলে উপায় নেই, সোমন্ত মেয়ে নিয়ে ও বাড়িতে থাকা কাঁটা হয়ে থাকে। শুধু মেয়েটাকে যদি তুমি—” চুপ করে যায় শঙ্করী।

অনেকক্ষণ নীরবতার পর সত্য আশ্বস্তে বলে, “নাম কি রেখেছ?”

“নাম!” শঙ্করীর কণ্ঠে যেন অপরাধের স্বর বাজে, “দু মাস বয়েস থেকে, হাসিটা লম্বীছাড়ির এত মন-কাড়া ছিল যে, নাম রেখে বসেছিলাম স্বপ্নশিনী!”

তা অপরাধের স্বর আসাই স্বাভাবিক, ওই হত্যভাগ্য মেয়েটার নাম ‘মলিনা’ কি ‘অশ্রমতী’ নিদেনপক্ষে ‘ছায়া’ কি ‘দাসী’ এমনি একটা কিছু হলেই যেন শোভা পেত।

কিন্তু সত্য সে খোঁটা দিল না। সত্য বলল, “তা মন্দ নয়। সে যাক, বাড়ি যখন অমন বলছ, আর তো থাকা ঠিক নয়। মেয়ে নিয়ে অবিলম্বে চলে এস।”

“হ্যাঁ, বাড়ি ওদের অমনি!” নবকুমারের কাছে বসে সত্য চাপা তীব্র স্বরে বলে, “ভদ্ররঘরের মেয়ের এসব কথা মুখে আনলেও পাপ, তবে অবস্থাটা তোমায় পষ্ট করে খুলে না বললেও তো বুঝবে না তুমি। ওই রূপের ডালি মেয়ে নিয়ে কী কাঁটা হয়ে থাকে বোঁ বুঝে দেখ। বলে, নীচের তলায় স্বান্নাঝাড়ির কাছে একখানা ছোট্ট ঘর আছে, তাতে নাকি কাঠ-ঘুঁটে থাকত, সেই ঘর পরিষ্কার করে মায়ের-ঝিয়ে আঁছে। কেন? না পাছে কারুর চোখে পড়ে যায়! দিনান্তে একবার নাইতে খেতে ঘর থেকে বেরোতে দেয় মেয়েকে, তাও নিজের কড়া পাহারায়। আইবুড়ো মেয়েটাকে ‘বিধবা’ পল্লিচয় দিয়ে রেখে দিয়েছে। ভাব কষ্ট!”

নবকুমার কিন্তু বেশী বিচলিত হয় না, বরং নিতান্ত ব্যাজার মুখে বলে, “তা সে ঝার কথা সে বুঝবে, তোমার এত আগ বাড়াবার দরকার কি? শুধু গল্পীব দুঃখী অবীরে বিধবা ভাজ হত তার মানে ছিল। এসব কি? না না, এসব কেছা-কেলেঙ্কারি আমার বাড়িতে ঢোকানো চলবে না। বাসাতেই নয় এসেছি, তা বলে তো বেওয়ারিশ নই আমি। মা শুনলে আর আমার মুখ দেখবে, না তোমার হাতে জল থাকে?”

সত্য স্থিরকণ্ঠে বলে, “বলার আমার অনেক কথা ছিল, কিন্তু বলব না সে সব। শুধু বলছি, আমি যদি তাঁদের মত করাতে পারি?”

“হ্যাঁ, মত করাতে পার!” নবকুমার বলে ওঠে, “এ তোমার কাছা-আলগা নবকুমার বাঁড়ুয্যে কিনা, যে তোমার কথায় উঠবে বসবে! সে বড় শক্ত ধাটি!”

স্বভাৱতঃ কৰে বলে, “নিজের মুখে নিজের ব্যাখ্যানটা আর নাই করলে। বেশ, ওনাঙ্গের মতটা পেলেই তো হল?”

“তা তোমাকে বিশ্বাস নেই। তুমি যা ডাকাত, হয়তো স্বপ্ন-শাস্ত্রী গলায় গামছা মোড়া দিয়ে মত আদায় করবে। কিন্তু এত ঝামেলাব দরকার কি শুনি? আমি বলে দিচ্ছি—আমার সংসারে ওসব চলবে না—”

সত্য সহসা ক্রান্ত হয়ে ত্যাগ করে উদাস মুখে বলে, “বেশ তাই ভাল। সেই কথাই বলে দেব ভাজকে। বলব, না বোঁ, এ সংসারে তোমার ঠাই হবে না, ভুল করে ভেবেছিলাম, সংসারটা বুঝি আমার, তা মস্ত একটা হাতুড়ির ঘায়ে ভুলটা ভেঙেছে। চোখ ফুটে গেছে। ভালই হল, শিক্ষা হয়ে গেল।”

নবকুমার বসে পড়ে।

নবকুমার চোখে সর্ষেফুল দেখে।

নবকুমার সমস্ত বীরত্ব ত্যাগ করে ওই সেই চিরমুখস্থ কথাটা বলে বসে, “হল তো! অমনি রাগ হয়ে গেল? রাগের কথা কিছু বলি নি আমি। শুধু বলছি মুখে থাকতে ভুতের কীল খাওয়া কেন?”

সত্যর মুখের কাঠিন্ত কিছুটা হ্রাস হয়।

সত্য স্থির স্বরে বলে, “আর একদিন তোমার এ প্রশ্নের উত্তর দিয়েছিলাম, আজ আবার দিচ্ছি, কীল খাওয়া কেন জানি? মাহুস জাতটা ‘মাহুস’ বলে। গরু-গাধা পাখী-পক্ষী নয় বলে।”

“আর ওই যে আবার একটা মেয়ে রয়েছে—”

“রয়েছে সে কথা তো হয়েছে গেছে।”

“সেও মায়ের মত হবে কি না—”

“যাতে না হয়, সেই চেষ্টাই করতে হবে।”

সত্য উঠে যায় দৃঢ় সংকল্পের মুখ নিয়ে।

স্বহাসিনী!

ডাকনাম স্বহাস

হ্যাঁ, বয়সের সঙ্গে সঙ্গে রূপের ডালিই হচ্ছে। শরীরী বাস্তুহারা কৈশোর মূর্তি যেন ওর মধ্যে এসে পুনর্বাঁসন করেছে। এত চুংখ-খান্কা, এত লাজ্জনা-গজনা, মায়ের এত কড়া শাসন, তবু কলায় কলায় ভরে উঠছে দেহ। পনের কলা ভর ভর, আর একটা কলা হুঁটুই সম্পূর্ণ।

মেয়ের মুখ দেখে শঙ্করীর বুক ভরে ওঠে। মেয়ের রূপ দেখে শঙ্করীর বুক কেঁপে ওঠে। তাই কখনো মেয়েকে কোলে নিয়ে কাঁদে, কখনো মেয়েকে দাঁতে পেষে।

মেয়েকে দাঁতে পেষা তো নয়, নিজেকেই জাঁতায় পেষা। কিন্তু করবে কি শঙ্করী, তার যে বেড়া আশুন!

যেদিন সত্য হাত ধরে বসল—সে রাত্রে মেয়েকে যাচ্ছেতাই করল শঙ্করী। বলল, “তবে আন খানিক বিষ আন, তুইও খা, অংমিও খাই। সকল জ্বাল জুড়োক। সকল সমস্ত মিটুক।”

কথাটা এই, মার মারফত সত্যর প্রস্তাব শুনে স্নহাস একেবারে বেঁকে বসেছে। ওসব অনাস্থটির মধ্যে যেতে রাজী নয় সে। অনেক হাঁড়ির হালের শেষে, অনেক ঘাটের জল পার করে এতদিনে যদি পায়ের তলায় একটু মাটি মিলেছে, যার তুল্য নেই রাজবাড়িতে আশ্রয় জুটে গেছে, এখন আবার অনিশ্চিতের সমুদ্রে ঝাঁপ দিতে যাবার কী দরকার?

আপনার লোক!

তিনকূলে কেউ ছিল না, একমুঠো পোড়ামুড়ি নিয়ে কেউ এগিয়ে আসে নি, এখন হঠাৎ ভুঁই ফুঁড়ে আপনার লোক গজাল। হতে পারে কোন এক সময় দেশের লোক ছিল, কিন্তু তাতে কি চারখানা হাত-পা বেরোচ্ছে? হঠাৎ তাঁর এত দরদ উঠলে ওঠবার কারণটাই বা কি? আর কিছুই নয়, বিনি মাইনের দাসীরাম্বুনী পেয়ে যাবার আশ্বাস। ভেবেছে দুটো দরদের কথা কয়ে একবার বাড়িতে গুরে ফেলতে পারলে হয়।……শঙ্করী যেমন বোকা তাই বুঝতে পারে না, এর পর একূল ওকূল হুকূল যাবে।

হ্যাঁ, প্রথমটায় এত কথাই বলেছিল স্নহাস। এত কথাই বলতে পারে সে। অবিশ্বি আর কারকে নয়, শুধু মাকেই। মায়ের ওপর দাপটের অবধি নেই। জন্মাবধি যত দুঃখ-কষ্ট অভাব-অসুবিধে পেয়েছে, চিরদিন তার ঝাস ঝেড়েছে মায়ের ওপর।

তবু তো সম্পূর্ণ ইতিহাস জানে না। সত্যি ইতিহাস জানে না। জানে—গর্তে নিয়ে বিধবা বলে সে সন্তানকে ‘অপয়া’ বলে দূর দূর করেছিল বাড়ির লোক তাই শঙ্করী দুঃখে অভিমানে মেয়ে নিয়ে পথে বেরিয়েছিল।

সেইটাই অভিযোগ স্নহাসের।



মার অবিমুগ্ধকারিতাতেই যে তাদের এই হাঁড়ির হাল সে বিষয়ে সন্দেহ নাস্তি।

যাক, সে ঘাহোক হয়ে গেছে।

এখন আবার এ কী!

মায়ে ঝিয়ে তর্ক বাধে।

শঙ্করী যাচ্ছেতাই করে মেয়েকে।

এবং স্নহাস সতেজে বলে, “ঠিক আছে। আমি যখন এতই পাথর তোমার গলার, সে পাথর সরিয়ে দিয়ে যাব।”

## ॥ ছত্রিশ ॥

কথায় আছে মাটি বোবা।

কিন্তু কলকাতার মাটি বোধ করি কথা কয়। বোধ করি তার মূল বনেদে অনন্তকালের সহস্রস্তরের ঐতিহ্য নেই বলেই প্রকৃতিতে তার উঠতি বয়সের মেয়ের চপলতা আর মুখরতা। সেই মুখরতার ঝাপটায় সে মুককে বাচাল করে তুলতে পারে। তাই কলকাতার বাসিন্দারা কিছু না শিখেও পণ্ডিত, কিছু না বুকেও বোদ্ধা।

সত্য বলে, এ নাকি শুধু কলকাতার হাওয়ারই নয়, কলের জলেরও গুণ।

তা হতেও পারে।

আদি অস্তকাল তো লোকে পৃথিবীর গহ্বর থেকেই আঁচলা ভরে নিয়ে তৃষ্ণা নিবারণ করেছে, জীবনযাত্রার প্রয়োজন মিটিয়েছে। যেখানে সে গহ্বর আছে ভাল, যেখানে নেই সেখানে কোদাল চালিয়ে গহ্বর খুঁড়েছে। তার পর তার কাছে এসেছে ষট নিয়ে কলসী নিয়ে, ভরে নিয়ে গেছে অসময়ের জন্তে। কে কবে মাটির নীচে নল চালিয়ে জলকে হাতের মুঠোয় মুঠোয় পৌঁছে দিয়ে তাকে হুকুমের চাকর বানিয়ে ফেলবার কল গড়তে শিখেছিল? শেখে নি।...কলকাতা শিখে ফেলেছে। জল হেন দুর্লভ বস্তু কল মোচড় দিলেই তাকে আদায় করছে। এ কী কম তাৎপৰ্য!

এ জলের বিশেষ গুণ শরীরে বর্তাবে বৈকি। আর কিছু না হোক, কলের জলটা সাহসের যোগানদার।

‘নইলে আর নবকুমারের সাহস হয় ভবতোষ মাস্টারকে মুখের ওপর বলতে, “আমরা আপনাকে ত্যাগ করলাম মাস্টার মশাই। ভবিষ্যতে আপনি আর আমাদের বাড়িতে মাথা গলাতে আসবেন না।”

বলেছে সে খবরটা নবকুমার নিজেই গিয়ে পৌঁছে দিল নিতাইকে। বলল, “রেখে ঢেকে বললাম না বুঝলি? আচ্ছা করে শুনিয়ে দিলাম। যখন মাগ্নের ছিলেন তখন মাগ্ন করেছি, এখন উনি যদি মাগ্নের মর্যাদা নিজে ঘুচিয়ে গালে মুখে চুনকালি লেপেন, মাগ্ন রাখবার দায় আমার নয়। এই বুড়ো বয়সে উনি যদি ধর্ম খোয়াতে পারেন, মাগ্নুষের ছেদা-ভক্তি-ভালবাসা সবই খোয়াতে হবে। ছি ছি, কি করে যে এ দুর্মতি হল মাস্টারের, ভেবে কুল-কিনারা পাচ্ছি না। বিদেশবিভূঁই জায়গায় একটা অভিভাবকের মত ছিলেন সেটা ঘুচল।”

নিতাই একটু পরিতৃপ্তির হাসি হেসে বলে, “সম্পর্ক আর রাখবি না তা হলে?”

“ক্ষেপেছি। উনি তো ‘পতিত’! পতিতের সঙ্গে আবার সম্পর্ক কি?”

না, নিতাইকে “পতিত” বলে ত্যাগ করে নি নবকুমার। প্রতিদিন ওর মেসে ধনী দিয়ে যায়, আর হাতেপায়ে ধরে বলে, এবং শেষ অবধি ভবতোষ মাস্টারের পরামর্শমত সত্যকে দিয়ে বলিয়ে সুরাহার পথে এনেছে তাকে।

অবিশ্রি সেও হয়ে গেল অনেকদিন। নবকুমারের বড় ছেলে, যার ভাল নাম নাকি সাধনকুমার, সে তখন কোথ ক্লাসে পড়ত, আর এখন সে এনট্রেন্স পাসের পড়া পড়ছে। সত্য বলেছে জলপানি নেওয়া চাই। বলেছে জলপানি নিয়ে পার্স করতে না পারলে সত্যর জীবনের সাধনাই মিথ্যে।

গাঁয়ের ছেলেরা পাঁচ মাইল রাস্তা ভেঙে জেলা ইন্সুলে পড়ে পড়ে যেটুকু করছে, সত্যর সাধনকুমারও যদি এতখানি স্বেযোগ স্ববিধে পেয়েও সেইটুকু কবে, কি হল এই যুদ্ধ আর বলক্ষয়ে?

অবিশ্রি শুধু জলপানি পাওয়াটাই শেষ কথা নয়। মাগ্নুষের মত মাগ্নুষ হতে হবে সত্যর :ছেলেদের। কিন্তু লেখাপড়ায় মুখোজ্জলটা তো ত্রয় প্রথম সোপান।

তা ছেলেটা মুখ রাখবে বলে মনে হয়। অন্ততঃ ওর মাস্টার তো

তাই বলে, নগদ মাস মাস দশ-দশটা টাকা দিয়ে যে মাস্টারকে পুষছে নবকুমার।

কিন্তু নবকুমারের মাস্টার যে এভাবে নবকুমারের মুখ পোড়াবেন, এ কথা কে কবে ভেবেছিল?

স্বস্তি জিনিসটা কি এতই দুর্লভ!

সেই কতদিন তো গেল নিতাইয়ের দুর্মতির মানিতে। কত হাটাহাটি করতে হয়েছে তার মেসে, কত কাকুতিমিনতি করতে হয়েছে তার কাছে, হেসে উড়িয়েছে নিতাই। জালাভরা তিক্ত হাসি। বলেছে, “আমাদের মতন একটা অথগে অবগের জন্তে আবার ভাবনা! রইলাম কি উচ্ছন্ন গেলাম, ত্রিভুবনের কার কি এসে গেল তাতে? বেশ আছি। খাচ্ছিদাচ্ছি রঙিন নেশা নিয়ে পড়ে আছি। তোমরা বাবা গুড্ বয়, দামী মাল, জগতে তোমাদের দরকার আছে, তোমরা ভাল হও গে।”

কিন্তু এই এক জায়গায় নবকুমার হালছাড়া হয় নি, দৃঢ় থেকেছে। নিতাইকে সুপথে আনতেই হবে।

শেষ পর্যন্ত ভবতোম মাস্টারের নির্দেশমত সত্যর কাছেই নিতাইকে টেনে এনে হাজির করেছিল নবকুমার। বলেছিল, “নাও এবার মোকাবিলা কব ছাওরের সঙ্গে। বোঝাও সংসারে ওর দাম আছে কি নেই?”

সত্যর তখন শঙ্করীর ব্যাপারে মনপ্রাণ ভাল নয়, তাই থমথমে মুখে বলেছিল, “দাম আছে কি নেই সে কথা আমি বোঝাব?”

নবকুমার মাথা চুলকে বলে, “ও তো তাই বলছে। মানে, বলছে ও উচ্ছন্ন গেলে কারুর কিছু এসে যাবে না।”

হঠাৎ স্পষ্ট করে চোখ তুলে তাকিয়েছিল সত্য নিতাইয়ের দিকে, বলেছিল, “কারুর কিছু এসে যাবে না, সেটা জেনে ফেলেছ? সবজাস্তা তুমি?”

নিতাই সেই দৃষ্টির সামনে মাথা নীচু করেছিল।

সত্য তীব্রস্বরে বলে উঠেছিল, “আমি বলছি, আমার এসে যাবে। মানবে সে কথা?”

নবকুমার এই তীব্রতার মানে খুঁজে পায় নি, ঘাবড়ে গিয়েছিল। ওর ধারণা ছিল, সত্য কাকুতিমিনতি করবে, দিব্যিদিলেশা দেবে। কিন্তু কই! তেমন তো দেখা গেল না।

ধমকই কি দিল?

মনে হচ্ছে না তা, অথচ কথাটা যে জোরালো তাতে সন্দেহ নেই। আবার তেমনি জোরালো সুরেই বলল সত্য, “আমি বলছি তোমায় ভালো হতে হবে, সত্য-ভব্য ভদ্রলোক হতে হবে। মাল্লুষ যে বনের জঙ্ঘ-জানোয়ার নয় সেটা মনে রাখতে হবে। আপিসে ছুটি নাও দশ দিন, দেশে যাও, বৌ নিয়ে এস। আমি এখানে বাসার ব্যবস্থা করে রাখছি।”

বৌ!

বাসা!

নিতাই আস্তে আস্তে মাথা নাড়ে।

“সে অসম্ভব।”

“অসম্ভব! কেন, অসম্ভবটা কিসে?”

“বাড়িতে রাজী হবে না।”

“কে রাজী হবে না? তোমার বৌ?”

সত্যর স্বর তীব্র।

“না, মানে একরকম তাই। নিতাই মলিন স্ববে বলে, “মামা-মামী রাজী হবে না, কাজে কাজেই সেও—”

“কাজে কাজেই সেও? এ তো দেখি আচ্ছা স্বার্থপর মেয়ে!”

স্বার্থপর!

নিতাই আকাশ থেকে পড়ে।

যেখানে পরার্থপরতার চরম পরাকাষ্ঠা, সেখানে কিনা স্বার্থপরতার অপবাদ!

“আপনার কথাটা ঠিক বুঝতে পারলাম না বোর্ঠান।”

সঙ্গে সঙ্গে নবকুমারও বলে, “তাই তো! এ কথাটা তোমার আবোল-তাবোল হ’ল বড় বৌ।”

“বুদ্ধি খরচ করলে বুঝতে আবোল-তাবোল নয়। বলি ওপরওয়ালাদের গোড়ে গোড় যে দেবে বৌ, সে কি ছেদায়, না ভালবাসায়? বোঝাও তুমি আমায়। স্বামীর থেকে বেশী ভালবাসে তাদের? স্বামীর কাছে থেকে স্বামীকে রেঁখেবেড়ে খাইয়ে যত্ন করে যে পরিতৃপ্তি পাবে, তার থেকে বেশী পরিতৃপ্তি পাচ্ছে তেনাদের যত্ন করে? হক্ কথা বল?”

প্রশ্নটা নিতাইকেই, তবে উত্তর দেয় নবকুমার।

বলে, “আহা এটা আবার কথা নাকি ? বাসায় আসতে চাইলে লোকনিন্দে নেই ? পাঁচজনে মন্দ বলবে না ? তোমার মতন—”

“হ্যাঁ, আমার মতন ডাকাত আর কে আছে ! সে যাক, অনেক দিনেব পুরনো কথা গুটা। বলি পাঁচজনে আমায় একটু মন্দ বলবে এই ভয়ে স্বামী হেন বস্তুকে ভাসিয়ে দেব, হোটেলের ভাতে ছেড়ে দিয়ে শরীর স্বাস্থ্য ষোচাব তার, উচ্ছন্নতার পথে যেতে দেব তাকে, এটা স্বার্থপরতা নয় ? পাঁচজনে মন্দ বললে কি আমার গায়ে ফোসকা পড়বে ? কাজটা যে মন্দ নয়, সেটা আমার অন্তরাগ্না বুঝবে না ? সে তো আবার বাঁজা মানুষ। কি নিয়ে আছে শুনি ? উদয়ান্ত জগতের যাবতীয় গুঁচা কাজ নিয়ে পড়ে আছে, তার বিনিময়ে লোকে স্তুখ্যাতি করছে, এই কি একটা মনিস্থির জীবন ? আমি তোমায় বলছি ঠাকুরপো, যদি নিজের হিত চাও, বৌকে নিজের কাছে এনে রাখ। বাসা আমি দেখছি।”

হঠাৎ আরও একদিনের মত নিতাই একটা কাজ করে বসে। হেঁট হয়ে সত্যার দুই পায়ে হাত দিয়ে সে মাথায় হাত ঠেকিয়ে বলে, “নিজের হিত অহিত আমি বুঝি না বৌঠান, বুঝি শুধু আপনাকে। আপনি যদি ছকুম করেন, তা হলেই—”

“হ্যাঁ, ছকুমই করছি আমি।” সত্য দৃঢ় স্বরে বলে, “ছকুম করছি মানুষের মত ঘব-সংসার কর, অলীক স্বপ্ন নিয়ে মাথা ঘামিও না।”

নিতাই চলে যায়।

সত্য চলে যায় নিজের কাজে। নবকুমার বোকার মত দাঁড়িয়ে থাকে ফ্যালফেলিয়ে। প্রকৃত ঘটনা যে কি ঘটল, তা যেন অনুধাবন করতে পারছে না। অথচ ওর চোখের ওপরই এমন একটা কিছু ঘটল, যেটা ঠিক সচরাচরের নয় এ বোধ আসছে। সত্য আর নিতাই যেন উর্জু ফার্সি অল্প আর এক ভাষায় কথা বলল।

অথচ সত্যকে এখন জিজ্ঞেস করে ব্যস্ত করাও চলে না। শঙ্করীর কীর্তিতে সত্য নিতাস্তই মনমরা এখন।

সত্যি, শঙ্করী যে সত্যার সঙ্গে এত বড় শত্রুতা সাধবে, এ কি সত্য স্বপ্নেও ভেবেছিল ? এ যেন পূর্বজন্মের শত্রুতার ঋণশোধ করে গেল শঙ্করী !

নইলে চিরদিনই হারিয়ে যাওয়া মানুষটা, একদিনের তরে মনের কোণেও যাকে আনে নি, সে হঠাৎ এমন আচমকা দেখাই বা দেবে কেন, চেনাই বা করবে কেন ?

কত স্থখে কাটাছিল সত্য, হঠাৎ যেন শঙ্করী তার সেই স্থখের প্রাণে একটা ছুরির আঁচড় টেনে ক্ষত করে দিয়ে গেল।

সেই যে গল্পে আছে কবর থেকে প্রেতাঙ্গা উঠে এসে মানুষকে বসুন্ধা দেয়, সেই প্রেতাঙ্গার মতই করল শঙ্করী।

কী করেছিল সত্য তার কাছে যে এইভাবে দাগা দিয়ে গেল সত্যকে ?

বাবাকে চিঠি লিখেছিল সত্য, শঙ্করীকে পাওয়ার খবর জানিয়ে, বাবা কি বলেন না বলেন জানতে। সে চিঠির জবাব আসার আগেই নতুন খবর ঘটাল শঙ্করী।

ছ দিনও তর সইল না তার ?

এ যেন সত্যিই সত্যকে ধরল আর ধারালো অন্তরধানা শানিয়ে তুলে বসিয়ে দিল সত্যর বুকুর মাঝখানে !

এই দীর্ঘকাল ধরে শত লাজন। আর শত ধিকারের ভাত খেয়ে খেয়ে যে প্রাণটাকে পুষে রেখেছিল শঙ্করী, একটা দিন সত্যর কাছে ভালবাসার ভাত খেয়ে হেলায় বিসর্জন দিলে সেই প্রাণটাকে ?

এর চাইতে ভয়ঙ্কর নিষ্ঠুরতা আর কি আছে ?

খবরটা শুনেই সত্য মাথায় হাত দিয়ে বসে পড়ে সেই কথাই বলেছিল, “জানি, জানতাম। চিরকালে পাষণ! মেয়েমানুষ এত বড় নিষ্ঠুর, উঃ!”

তার পর ডাক ছেড়ে বলে উঠেছিল, “ওগো বৌ, কৃষ্ণে আমার সঙ্গে দেখা হয়েছিল তোমার, কৃষ্ণে আমি বলেছিলাম তোমার মেয়েটার ভাব নেব। কেন মরতে বললাম গো! না বললে তো তুমি এমনভাবে দায়মুক্ত হতে পারতে না!”

তা কথাটা তো ভুল নয়, স্রহাসের দায়েই তো এষাবৎকাল অত বড় মানির জীবন বয়ে বেড়াচ্ছিল শঙ্করী।

সে দায় থেকে মুক্ত হল বলেই তো—

নাকি শুধু সাময়িক উত্তেজনার ফল? মেয়ে বধন মায়ের সঙ্গে কোঁদল

করে বলে বসেছিল, “আমি যখন এতই গলার পাথর তোমার, সে পাথর সরিয়ে দিয়ে যাব—” তখন কি শঙ্করীর মুখে একটা ক্রুদ্ধ আকোশের তীব্র হাসি ফুটে উঠেছিল? ভেবেছিল কি, “বটে! চিরকাল আমিই শুধু জন্ম হব তোমার কাছে? পাপের প্রাচিতির আর হচ্ছে না তোমার? জন্মাবধি জন্ম করে রেখেছ তুমি আমাকে, আবার মরে জন্ম করতে চাও? আচ্ছা দেখ এবার কে কাকে জন্ম করে!”

কে জানে কোন্ কথটা সত্যি।

ঠাণ্ডা মাথায় ভেবেচিন্তে দীর্ঘকালের পরিকল্পনাকে রূপ দিয়েছিল শঙ্করী, নাকি ক্ষণিক মুহূর্তের অসতর্কতায় কূলে এসে ওঠা নৌকোখানাকে ডুবিয়ে বসেছিল?

না, প্রকৃত কথা কেউ জানে না।

আত্মহত্যা করবার আগে যে একটু লিপে রেখে যেতে হয় “আমার মরার জন্তে কেউ দায়ী নয়—” সেটুকুও জানত না শঙ্করী। অথবা সে রেওয়াজ তখনও চালু হয় নি।

লিপিতে ওরা শেখে নি বলেই হয়তো চালু হয় নি।

চালু হয় নি, তাই রাত পোন্নাতেই দস্তদের বাড়ির অন্দরে হৈ-হৈ উঠল। রাতে রান্নাঘরের পাশের ঘরে আড়ায় দড়ি বেঁধে ঝুলে মরেছে পানসাজুনি বামুনদিদি।

ওমা কেন গো!

কী দুঃখে!

এই যে কাল আহ্লাদের সাগরে ভাসছিল, দেশের লোকের সন্ধান খবর পেয়ে, তাঁদের কাছে আদরের ভাত খেয়ে। চাকরি ছেড়ে দিয়ে চলে যাবই তো বলেছিল, বলেছিল, “দেশের লোক, চিরকালের চেনা-জানা, ছাড়ছে না, মেয়েটার হৃদয় ভার নেবে বলেছে, এ স্বেযোগ ছাড়তে পারব, না মা। অনেক দিন তো দাশুবিত্তি করলাম।”

কালীতলায় নাকি পরিচয় হয়েছিল।

কিন্তু মাহুঘটা আর কেউ না, দস্তদের সাত নম্বর বাড়ির সেই অহঙ্কারী ভাড়াটে।

তার কাছেই আশ্রয়ের আশ্বাস পেয়েছিল সে।

চলেই যেত।

তবে দিনক্ষণের ছুতো দেখিয়ে বলেছিল, “চৈৎ পোষ ভাদ্র এ তিনটে মাসে পোষা বেড়ালটাকেও বিদেয় দিতে নেই মা, দিলে গেরস্বর অকল্যাণ। এতদিন নেমক খেলাম, অকল্যাণ করব না তোমার। এ মাসটা আব যাব না।”

হঠাৎ সংবুদ্ধি কি করে বিনষ্ট হল শঙ্করীর? কি কবে বিস্মৃত হল সে নিমকের ঋণ!

তাই অদিনে অক্ষণে গেরস্বর অকল্যাণ ঘটিয়ে চিরদিনের মত বিদেয় হয়ে গেল?

হৈ-হৈ হল।

তবে নাকি বড়মাল্লুষেব অন্দব, আর দীনদুঃখী চাকরাণী বিধবার প্রাণ। তাই সে হৈ-হৈ ফুটল আর মরল। থানা পুলিশ তো দূরের কথা, বৈঠকখানার কর্তারাও সবাই টের পেলেন কি না পেলেন। অস্তুতঃ টের পেয়েছেন এ লক্ষণ প্রকাশ পেল না তাঁদের আচরণে।

গড়গড়ার একটানা শব্দটার একবার হয়তো একটু ছন্দপতন হল, গলা থেকে একবার হয়তো একটু হুকার উঠল, তার বেশী নয়।

দস্তদের খিড়কির দরজা দিয়ে বার হয়ে গেল শঙ্করীর মৃতদেহ। নিজের দরজায় কাঠ হয়ে দাঁড়িয়ে দাঁড়িয়ে দেখল সত্য। যখন চলে গেল, চোখছাড়া হয়ে গেল, হাত দুটো একবার তুলে নমস্কার করে মনে মনে বলল, “এত পতনেও ভেতরে ভেতরে তুমি খাড়া তেজী ছিলে বোঁ, বুঝতে পারছি। তাই ছোট ননদের করণার আশ্রয়ে থাকতে আর রইলে না। সবাই শুধোচ্ছে— ‘কারণ, কারণ!’ হাড়ে হাড়ে বুঝছি আমিই কারণ। কি করব, আমার নিয়তি! ভগবান যাকে যার নিমিত্ত করেন!”

ঠিক এই সময়ে ও-বাড়ি থেকে একজন দাসী ডাকতে এল সত্যকে, “বড় গিন্নীমা ডাকতেছে।”

সত্য দ্বিরুক্তি করল না।

হয়তো এই ডাকটির প্রতীক্ষাই করছিল।

অবশ্য ডেকে ওকে সন্দেহ ধাওয়াবেন দস্তগিন্দী, এমন আশী করবারও হেতু ছিল না। তবে এটাও ভাবে নি সত্য। ভাবে নি ন ভূতো ন ভবিষ্যতি করে গাল পাড়বেন তিনি তাঁর সাত নম্বরের প্রজার বোঁকে। একবার যেন



পুলিসেরও ভয় দেখালেন, কারণ দশেধর্মে সাক্ষী দেবে, সত্যের পরামর্শতেই হঠাৎ পালসিধে ভালমানুষটা কেমন বিগড়ে গেছিল।

“তুমিই ওর মৃত্যুর কারণ। নইলে বেশ তো ছিল এযাবৎ!”

বললো দত্তগিন্নী।

সত্য মাথা নীচু করে সব অভিযোগ মেনে নিয়ে শুধু বলল, “যা হবার তা তো হয়েই গেল, মেয়েটাকে আমায় দিন।”

“তোমায় দেব? মেয়েটাকে?”

অমন একটা রূপবতী উঠতি বয়সের মেয়েকে অমনি এক কথায় বিলিয়ে দেবেন, এত বোকা নন দত্তগিন্নী! ও জিনিস হল হাতের একটা হাতিয়ার। ওকে দিয়ে সময়ে অসময়ে কত কাজ হাসিল হতে পারে, কত কাজে লাগতে পারে। তাই হুকুঁচকে বলেন তিনি, “তোমায় দেব মানে? তুমি কি ওর অছি? আমার সংসারেই থাকবে ও। যেমন ওর মা ছিল।”

সত্য মুখ তুলে প্রশ্ন করে, “পানসাজুনি চাকরানী হয়ে?”

দত্তগিন্নী কালিমুখে কঠিন গলায় বলেন, “তা চাকরানীর মেয়ে চাকরানী হবে না তো কি রাজরানী হবে? তবে কি না আমাদের ঘরের পুরুষ বেটা-ছেলেদের দয়ার শরীল, নজরে পড়তে পারলে তাও হওয়া আশ্চর্য নয়।”

এই বিবাক্ত ছলটা যে দত্তগিন্নী জেনে বুঝে ইচ্ছে করে ফোটালেন, তাতে সাব সন্দেহ কি! আসল কথা শঙ্করীর মরণটার জন্ম আগাগোড়া সত্যকে দায়ী করে দসে আছেন তিনি, কি না জানি মস্তুর কানে দিল, আর জলজ্যাস্ত ভাল বিটা টার কপূরের মত উপে গেল! এর ওপর আবার তার মেয়েটাকে দাবি করতে আসছে!

ওরে আমার কে রে!

তোমার অহঙ্কার ভাঙবার দিন এবার এসেছে আমার। বুঝেছি তোমার ভেতরের শাঁস। ওই স্ত্রহাসের মা তোমার ‘দেশের লোক’! কোন্ না আত্মীয়ই! তুমিও তবে সেই পদেরই লোক। মুখে অহঙ্কার দেখিয়ে আমার সঙ্গ টেকা?

সত্যবতী\* দত্তগিন্নীর মনের কথাটা বোধ করি মুখের ভাষা থেকেই আবিষ্কার করে ফেলে। তাই বিচলিত হব না প্রতিজ্ঞা করেই বলে, “তা হলে তো স্ত্রবিধেই। আপনাদের ঘরের পুরুষদের যখন এত দয়ার শরীর,

তখন আর ওর কী গতি হবে ভেবে কাতর হই কেন? সদগতিই হবে মনে হচ্ছে।”

দত্তগিন্নী ভুরু কুঁচকে বলেন, “কী বললে?”

“ওই তো বললাম।”

“সদগতির কথা কি বললে?”

“ওই তো বললাম, যদি বুঝতে না পেরে থাকেন, তবে বোঝাতে পারব না, পরে বুঝবেন। আচ্ছা তা হলে যেতে অনুমতি দিন।”

দত্তগিন্নী আবার নিজমূর্তি ধরলেন। বললেন, “তোমায় আমি পুলিশে দিতে পারি জান? বলতে পারি, আমার লোক তোমার প্ররোচনায় মরেছে?”

সত্য মুহু হেসে বলে, “তবে সেই চেষ্টাই করুন। কিন্তু আপাততঃ আপনাদের কোনও দাসী কি ছোট ছেলেকে আমার সঙ্গে দিন, দেখিয়ে দেবে কোথায় আপনাদের বৈঠকখানা।”

“বৈঠকখানা দেখিয়ে দেবে? বৈঠকখানায় যাবে তুমি? তোমার মতলবখান কি তাই বল তো?”

“দয়ার মানুষদের কাছে একটু ভিক্ষে চাইব। বামূনের মেয়ের তাতে দোষ নেই।”

“এ তো আচ্ছা জাঁহাজ মাগী!” দত্তগিন্নী তেড়ে খাট থেকে উঠে দুম ডুম করে মাটিতে নেমে আসেন, বলেন, “তোমার রীতি-নীতি তো ভাল দেখছি না! বৈঠকখানা বাড়িতে গিয়ে পুরুষদের কাছে কী ছলা-কলা করতে যাবে শুনি? বলি একটু লাজ লাগবে না?”

সত্যর মাথার কাপড়টা খসে পড়েছিল, সত্যর মুখটা লাল হয়ে উঠেছিল, ছুটোকেই সংবরণ করে সত্য শাস্ত স্বরে বলে, “লজ্জার কি আছে? শুদ্ধুর মাত্রেই ব্রাহ্মণকন্ঠার সম্মানতুল্য। সম্মানের কাছে মায়ের ‘লজ্জা’র কথাটা উঠবে কেন?”

তারপর কিসে কি হল দত্তগিন্নীর অজ্ঞাত।

তবে সুহাসিনীকে সত্যর সংসারেই ভর্তি করে দিতে হল তাঁকে।

মেজকর্তা অর্থাৎ মেজ ছাওর চটি কট কটাতে কটাতে অল্পরে ঢুকে এসে আদেশ দিলেন, “ওই বামনী-মাগীর মেয়েটাকে সাত নম্বর বাড়িতে চালান করে দাও গে বড়বোঁ, মেয়েটা নাকি ওদের দেশের লোক।”

শৌ-মরা ছাওর, বলতে গেলে বড়গিন্নীর হাতের মুঠোর সম্পত্তি, তাই ভ্রতঙ্গী  
এর প্রশ্ন করেন তিনি, “কে কার দেশের লোক, সে খবর তোমার কানে আসে  
কথা থেকে ?”

“আসে কোথা থেকে ! শোন কথা ! কানে গিয়ে ঢেলে দিয়ে এলে আসবে  
! ? ওই বাঁড়ুয়োর পরিবার তো নিজে গিয়ে বলল—”

“বলল ! তোমার সঙ্গে কথা কয়ে বলল !”

“আহা পষ্টাপষ্ট কথা কয়ে কি আর বলল ? একটা চাকরানীকে দিয়ে  
লাল—”

“আর তুমি অমনি সোন্দর মুখ দেখে গলে গলে ! ধগ্গ বটে ! এসব অন্দর-  
হলের কথায় তোমার থাকবার দরকার নেই মেজবাবু। পুরুষ-মজানি মেয়ে-  
মুখকে কি করে শায়েস্তা করতে হয় আমার জানা আছে।”

মেজবাবু বিচলিত হলেন।

“আঃ, কী যা-তা বলছ ? ভদ্রঘরের মেয়েছেলে, বলতে গেলে আমার মেয়ের  
য়সী, এসব কি কথা ! ছি ছি !”

বড়গিন্নী চাপা ক্রুদ্ধ কণ্ঠে বলেন, “ইল্লি মারি গুরু গোসাই ! কত  
লাই জানো ! মেয়ের বইসী মেয়েমামুষ আর কখনো দেখি নি আমি।  
নাও যাও, যেখানের মামুষ সেখানে যাও। স্বহাসকে আমি কোথাও পাঠাব না,  
গাস।”

মেজকর্তা নিরুপায় ভঙ্গীতে বলেন, “কিন্তু আমি যে কথা দিয়েছি। আমার  
কথাটার একটা দাম আছে তো ?”

“ওঃ। আর আমার কথার দাম নেই, কেমন ?”

“কী মুশকিল ! সে কথা কে বলছে—,” মেজকর্তা কুট-কৌশল ধরেন, “আমি  
বলছি ও তোমার যখন বিনি চেষ্টায় আপদ বিদেয় হচ্ছে হতে দাও। জানই তো  
গলায় দড়ি মড়ার সদগতি হয় না ? আর পৃথিবীতে যার প্রতি বেশী টান ছিল,  
তার ধারে কাছে ঘুরে ঘুরে আসে। ওই মেয়েটা তো ওর একটাই সন্তান,  
অবিভ্রিই তিন ছিল খুব।”

বড়গিন্নী শিউরে রামনাম করে উঠলেন।

খব !

খব বললে আর কতটুকু বলা হয় ? সন্তানে এত আকর্ষণ দত্তগিন্নী অন্ততঃ  
দেখেন নি কখনো।

যাক আর কাঠ-খড় পোড়াতে হ'ল না, ওই এক মশালেই কার্যসিদ্ধি হয়ে গেল মেজবাবুর।

স্বহাসিনী শত অনিচ্ছে নিয়ে সত্যর সংসারে এসে উঠল।

অনিচ্ছে সকলেবই।

নবকুমারের তো ষোল আনাই অনিচ্ছে, সত্যরও আগের সেই বেশ একটি মধুর কর্তব্যের আনন্দ রইল না আর। নেহাতই নীরস কর্তব্যের দায়ে ঘবে আনল তাকে। বাক্যকন্ড হয়েছিল শঙ্করীর কাছে তাই।

তা এসব তো সেই বছর চারেক আগের কথা।

এখন তো বেথুন স্থলে তিন ক্লাস পড়া-হয়ে গেল স্বহাসিনীর।

স্থলে স্ববিধের জগ্গেই হোক আর দত্তবাড়ির আওতা-মুক্ত হতেই হোক, মুক্তারাম বাবু স্ট্রীটের সেই বাড়ি ছেড়ে বাগবাজারে উঠে এসেছিল সত্য। এ বাড়িতে ভাড়া বেশী, অস্ববিধে ঢের, তবে পরম লাভ গঙ্গা খুব নিকটে। নিত, গঙ্গান্নানের পুণা অর্জন হয়।

আর ?

আরও একটা আকর্ষণ আছে, যে খবর নবকুমারের অজ্ঞাত। নবকুমারের অজ্ঞানিতেই দুপুরবেলা একটা জায়গায় আনাগোনা শুরু করেছে সত্য।

যাক সে তো নবকুমারের অজ্ঞানিতেই, তার জগ্গে নবকুমারের স্বখ-দুঃখ নেই, মোটামুটি স্থখেই তো থাকবার কথা তার। কারণ বাড়ির ভাড়া যেমন বেড়েছে, তেমনি অফিসের মাইনেও তার বেড়েছে অনেক। ছেলে দুটি প্রত্যেক বছর ফাস্ট সেকেণ্ড হয়ে ক্লাসে উঠেছে, একজন পাস দিয়েছে। সত্যব অটুট স্বাস্থ্য আব অপরিসীম কর্মক্ষমতা সংসারটিকে একখানি নিটোল মুক্তাব মৃত করে রেখেছে।

দেশের বাড়িতে মা-বাপও আছেন ভাল।

নিতাইটারও মতিগতি ফিরেছে বলা চলে। আর কি চাইবার আছে ?

ছিল না।

চাইবার আর কিছু ছিল না, কিন্তু হঠাৎ ভয়ানক লোকসান ঘটে গেল।

হ্যাঁ, হঠাৎই। আর যা হয়েছে তার চারা নেই।

বিনা মেঘে বজ্রাঘাত ঘটেছে নবকুমারের, ষোলো স্থখে বিবাদ।

ভবতোষ মাস্টার ব্রাহ্মধর্ম গ্রহণ করেছেন  
'পত্তিত' হয়েছেন !

## ॥ সাঁইত্রিশ ॥

দেশের বাড়িতে আর এক চেহারা ছিল ভাবিনীর। সারাদিন গাধার মত খাটুনি, সারারাত মোষের মত ঘুম। সাত চড়ে মুখে 'রা' নেই। মামাশ্বশুরবাড়ির তামস্তু প্রাণীকে ঘমের মত ভয়।

কলকাতার বাসায় আসার আগে, এতখানি ব্যয়স পর্যন্ত নিতাইয়ের সঙ্গে কটা কথা বলেছে তাব বোঁ, বোধ করি হাতে গুনে বলতে পারে নিতাই। শুধু সেই অনেকদিন আগে যখন একবার বাসায় আসার কথা উঠেছিল, তখনই যা বোঁয়ের একটু স্পষ্ট গলা শুনেতে পেয়েছিল নিতাই।

বোঁ বলেছিল, “গলায় দাড়ি আমার! লোকলজ্জা ভাসিয়ে গালে মুখে চুনকালি মেখে বাসায় যাব তোমার সঙ্গে?”

আশেপাশে কোনোখান থেকে যে ‘আড়িপাতা’র লীলা চলেছে, এ জ্ঞান টনটনে থাকার দরুনই বোধ হয় বোঁয়ের এই উচ্চ কণ্ঠ।

শুনে নিতাইয়ের চুন মুখ আরো চুন হয়ে গিয়েছিল।

পরদিন মামী বলেছিল, “কি রে নিতাই, পরিবারকে বাসায় নিয়ে যাবি নাকি, তোর ওই পেরাণের বন্ধুটার মতন?”

নিতাই উড়িয়ে দিয়ে বলেছিল, “কী যে বল! ক্ষেপেছ?”

মামী বলেছিল, “ছাখো বাপু, ভবিষ্যতে আমায় ছুষো না। বোঁমাকে আমি বলেছিলাম, মনের বাসনা মনে চেপে এথেনে পড়ে থাকার দরকার নেই, যাবে তো যাও। তা আবাগীর বেটি বলে কি, ‘তোমাদের পা আঁকড়ে পড়ে থাকব, দেখি আমায় কে নিয়ে যেতে পারে তোমাদের আচ্ছন্ন খেয়ে’।”

মামীর কণ্ঠে পরিতৃপ্তির স্বর বরে পড়েছিল।

আর নিতাই তার ধর্মপত্নীর ধর্মজ্ঞানের পরিচয়ে পরিতৃপ্ত হয়েই কলকাতার এসে নবকুমারের সংসারে ভর্তি হয়েছিল।

কিন্তু সে তো সেই গোড়ার দিকের কথা।

তারপর তো কত জল গড়াল, কত জল ঘোলাল। নিতাইয়ের দশ দশা ঘটল। এবং অবশেষে বন্ধুপত্নীর নির্দেশে অথবা আদেশে আবার সেই পুরনো প্রস্তাব নিয়ে দেশে গেল।

ভেবেছিল বেশ একটু লড়তে হবে।

কিন্তু আশ্চর্যের বিষয়, এবারে বিনায়ুদ্ধেই রাজ্য দখল হয়ে গেল। ঈশ্বর জানেন কে কোথায় কি কলকাঠি নেড়েছিল, তবে নিতাইয়ের বলার আগেই মামী বললেন, “কতকাল আর ‘মেছে’র ভাত খাদি, বোমাকে এবার নিয়ে যা।”

মামাও তাই বললেন।

এবং দেখা গেল বোঁ বিনাবাক্যে হুড়হুড় করে নিতাইয়ের পদাঙ্ক অলুসরণ করল। তার গালে যে চুনকালি পড়েছে, এমন মনে হল না ভাবগতিক দেখে।

তাহলে ব্যাপারটা এই—

নিতাইয়ের চরিত্র-চ্যুতির খবর দেশ পর্যন্ত পৌঁছেছিল। কারণ নিন্দে আর মন্দ খবরের পাখা থাকে। আর সে পাখা অনেক ‘অশ্বশক্তি’ সম্বলিত।

শুনে অবধি বোঁ ধরাশয্যা নিয়েছিল, আর অভিভাবকরা চিন্তাশ্রিত হয়ে স্থির করছিলেন, ষাঁটি আগলাতে সেনাপতি পাঠানো প্রয়োজন। আর ইতিমধ্যে তো গ্রামের বেশ কয়েকটা বোঁ-ই গ্রাম ছেড়েছে। মামীর নিজের বাপের বাড়ির গ্রাম থেকেই চার-চারটে বোঁ জামালপুরে চলে গেছে। এখানের একটা গেছে কাঁচড়াপাড়ায়, একটা সাহেবগঞ্জে। “রেলের চাকরি” হয়েই ছোঁড়াগুলো সাপের পাঁচ পা দেখেছে, লজ্জাসরমের মাথা খেয়ে বোঁ নিয়ে বাসায় যাচ্ছে।

অতএব নিতাইয়ের বোঁ যদি কলকাতায় যায়ই, জাতিপাত হবে না। তা ছাড়া নেহাৎ অগন্ধার দেশও নয় যখন। বরং কালীঘাটের কালীমাত! বিঘ্নমান।

জমি আপনাই প্রস্তুত হয়ে ছিল।

তবে নিতাই এত জানত না। নিতাই এক কথায় মত পেয়ে অবাক হয়েছিল।

কিন্তু সে আর কতটুকু?

এখন নিতাইকে মুহুর্তে মুহুর্তে অবাক করছে ভাবিনী।

সে যেন আর এক মূর্তি পরিগ্রহ করেছে।

নিতাই কি স্বপ্নেও ভেবেছিল ভাবিনীর এত 'মুখ' আছে ?

কিন্তু ভাবিনীকেও দোষ দেওয়া যায় না।

প্রথম কথা, সে এসেছে, বাঁটি রক্ষা করতে, বরকে শায়ের্ত্তা করার ব্রত নিয়ে। দ্বিতীয় কথা, এই এতদিনের বিবাহিত জীবনে 'মুখ'কে অবিরত চূপ করিয়েই রেখে এসেছে ভাবিনী, তা সে ভয়েই হোক আর সূখ্যাতি কিনতেই হোক। সেই রাখার একটা প্রতিক্রিয়া তো দেখা দেবেই।

তৃতীয় কথা হচ্ছে, এখন আর সে মুখকে চূপ করিয়ে রাখার কোনও প্রয়োজন নেই। স্ত্রী-এবং এই দীর্ঘকালের রুদ্ধ জল বাঁধ ভেঙে প্রবল কল্লোলে নিজেকে বিস্তার করতে শুরু করেছে।

উঠতে বসতে নিতাই বাক্যবাণে জরজর।

অখচ উন্টে চড়ে ওঠবার মুখ তার নেই, কোথায় যেন হার হয়েছে তার। বোঝা যায় না হারটা কোথায়, অখচ কী এক লজ্জা মাথা তুলতে দেয় না।

আবার সব থেকে মর্শাস্তিক এই যেখানে নিতাইয়ের পূজার বেদী হৃদয়ের নৈবেদ্য, ঠিক সেইখানেই যেন ভাবিনীর যত আক্রোশ। সত্যবতীর নামে জলে ওঠে সে। অখচ কেন এই অগ্নিদাহ, হৃদয়ক্ষয় হয় না নিতাইয়ের। মানুষ জাতটা কি এতই অকৃতজ্ঞ!

নিতাই ভাবে, কার দ্বায় 'বাসা'য় আসতে পেলি তুই? কে তোর জন্তে সংসার গুছিয়ে রেখেছিল? কে তোর স্বামীকে বিপথ থেকে স্থপথে আনল? এত স্বাধীনতা এত বাবুয়ানা থাকত কোথায় তোর যদি সত্যবতী না স্থপারিশ করত? ধান সেক করতে করতে, ক্ষার কাচতে কাচতে আর ঢেঁকিতে 'পাড়' দিতে দিতেই তো জীবন কাটছিল, আর তাই কাটত।

তা তার জন্তে কৃতজ্ঞতার বালাই মান্তর নেই। জানে না নাকি! নিতাই তো কলকাতার বাসায় পা দিয়েই বলেছিল, "এই যে গিল্পেপনার স্বাধীনতাটি পেলো, এর কারণ স্বরূপ হচ্ছে সেই মানুষটি। বোঁঠান না হুকুম করলে কোন্ শালা এত ঝামেলা পোহাতে যেত।"

ভাবিনীর যে 'মুখ' বলে একটা বস্তু আছে, সেই দিনই যেন হঠাৎ একটু আভাস পেয়েছিল নিতাই। ঝপ করে বলে উঠেছিল ভাবিনী, "সত্য শহরে বাসা করলে বুঝি কথা-বাত্তা এমন চোয়াড়ে হয়!"

তা ইদানীং কথাবার্তা একটু অসভ্য হয়ে গিয়েছিল নিতাইয়ের। যে

সঙ্গের যে ফল! যে 'বন্ধু' তাকে উচ্ছ্বের পথের পথ চেনাছিল, সে নিজে যে দরের, তার গতিবিধিও তেমনি দরের ঘরে। কাজেই কথাবার্তা চালচলনে একটু প্রভাব পড়বেই, না পড়ে যাবে কোথায় ?

নিতাই 'শালা' শব্দটা উচ্চারণ করেই ঈষৎ লঙ্কিত হয়েছিল, ভাবিনীর মস্তব্যো আরো দমে গিয়ে বলল, "এ্যাই দেখো। বাসায় পা দিতে না দিতেই যে গিন্নী স্ব শুরু করলে!"

সেদিন ওইটুকুর ওপর দিয়েই গিয়েছিল।

কিন্তু "দিনে দিনে কলা চাঁদ বেড়ে যায়।" এখন বোল কলায় বিকশিত হয়ে উঠেছে ভাবিনী।

আজ সকালেই হলে গেল একচোট।

রাত থেকে মাথাটা টিপটিপ করে সর্দিজ্বর মত হয়েছিল নিতাইয়ের, বশেছিল ভাতও খাব না, অফিসও যাব না। শুনে একটু প্রসন্নই হয়েছিল ভাবিনী। বাজা মাহুঘ, সারাটা দিন একাই কাটে, এ তবু বাড়িতে থাকবে লোকটা। চোরের রাত্রিবাস, একটা দিন একটা দিনই! ছুটির দিনগুলো তো নিতাইয়ের কাটছে আজকাল এক নতুন নেশায়। ঠিক নতুনও নয়, পুরনো নেশা ঝালানো। দেশে-গ্রামে তো ওই ছিল একমাত্র আনন্দ। মাছধরা ধরেছে আজকাল নিতাই আর নবকুমার কি রবিবার।

অফিসের সহকর্মীদের মধ্যে অনেকেরই একটু এদিক সেদিক বাড়ি বাগান পুকুর আছে, তারা নেমস্তম্ব করে মাছ ধরতে। অতএব শনিবার দুপুর থেকেই ছিপ হুইল বঁড়িশি 'চার' নিয়ে ব্যস্ততা পড়ে যায় ছু বাড়িতে।

সে যাক।

আজ রবিবার নয়, তাই খুশি হল ভাবিনী। আর শহরের বাসায় কম কাজ করে করে আয়েসী হয়ে যাওয়া মনে ভাবল, যাক, তাহলে আজ রাঁধবই না। ও যেমন ভাতের বদলে মুড়ি চিঁড়ে খেয়ে থাকবে, আমিও তাই থাকব। তবে আজ তিথিটা ভাল নয়, দশমী। এয়োৎ রন্ধে করতে একটু মাছ মুখে দেওয়া দরকার। তা রাতে সে লক্ষণটুকু পাললেই হবে। কলসীতে কৈ মাছ জি্যানো আছে।

সেই মন নিয়েই খানিক বেলায় আধসেলাই কাঁথাখানা আর ছুঁচহুতো পেড়ে নিয়ে বসেছিল ভাবিনী। নিতাই ঘরে শুয়ে পা নাচাচ্ছিল। হঠাৎ উঠে এসে জিজ্ঞাসা, "এ কী, রান্না না চড়িয়ে কাঁথা পেড়ে বসেছ বে?"



ভাবিনী মুখ কুঁচকে বলে, “তুমিই যখন ঝাচ্ছ না, তখন আর নিজের জগ্নে কে আবার হাঁড়ি নাড়ে !”

নিতাই অবাক হয়ে বলে, “তার মানে ? আমি খাব না বলে তুমিও হরি মটর ? ছি ছি, এ আবার একটা কথা নাকি ? খাবে কি ?”

ভাবিনী একটা উচ্চাঙ্গের দার্শনিক ভঙ্গী করে বলে, “মেয়েমানুষের আবার খাওয়া ! ও তোমার সঙ্গে দুটো খই-মুড়ি খেলেই হবে !”

“এ্যাই ঠাথো ! চুলোই জ্বালবে না ?”

“দরকার তো দেখছি না কিছু—”

নিতাই ইতস্ততঃ করে বলে, “তবে আর কথা কি ! নইলে ভাবছিলাম—”

“কি ভাবছিলে ?”

“নাঃ থাক !”

ভাবিনী কাঁথা সরিয়ে রেখে বলে, “থাকবেই বা কেন ? বলই না ?”

নিতাই বলে, “না, মানে বলছিলাম কি—তেমন কিছু জ্বর তো হয় নি, আলু-মরিচের দম দিয়ে দুখানা গরম গরম রুটি খেলে মন্দ হত না।”

রুটি !

রুটি শুনেই ভাবিনীর মাথায় বজ্রাঘাত হয়। রুটি কথাটাই শুনেছে এযাবৎ, হাতে করে গড়ে নি কখনো। তাদের গায়ে-ঘরে ও বস্তুর চলনই নেই। ভাত খাও ভাত, না খাও মুড়ি আছে চিড়ে আছে, খই বাতাসা ফুলুরি কলাইসিদ্ধ আছে, যেমন যার শরীরের অবস্থা বুঝে ‘সেবা’ কর। রুটির কথা ওঠে না !

কলকাতায় এসে নিতাই এই শহরে চালটি শিখেছে। আর একদিন অমনি সন্ধ্যাবেলা ফিরে বলে বসেছিল, “দেহটা কেমন ম্যাজম্যাজ করছে, দুখানা রুটি গড়ো না। আটা নিয়েই এসেছি একেবারে।”

সেদিন একটু অনৃতভাষণ করতে হয়েছিল ভবানীকে। স্বামীর কাছে মিথ্যা বলার পাপের জগ্ন অলক্ষ্যে একবার নাকটা কানটা মলে নিয়ে বলেছিল, “ও হরি ! তা কি জানি ছাই ! ভাত তো চড়িয়ে ফেলেছি।”

নিতাই অবশ্য রান্নাঘর খানাতল্লাস করতে যায় নি, “তবে থাক তবে থাক” বলে আটার ঠোঙাটা নামিয়ে রেখেছিল। সেই ঠোঙাসুদ্ধ আটা মজুত আছে নিতাইয়ের জানা, কাজেই বাসনটা প্রকাশ করে ফেলে, অগ্ন চিন্তায় পড়ে না।

কিন্তু ভাবিনীর মাথার যে দুশ্চিন্তার পাহাড় চাপল।

“রুটি গড়তে পারব না” বলাটাও যেমন কঠিন, “রুটি গড়তে জানি না” বলাটাও তেমন কঠিন।

তবু শেষ চেষ্টা করে সে।

বলে, “দিনতুপুরে শুকনো রুটি আর কেন থাকে তবে? বরং একটু খিচুড়ি চড়িয়ে দিই, তাই গরম গরম—”

“না না, খিচুড়ি না,” নিতাই ভাবিনীর আশার মূলে কুঠারাঘাত করে, “অন্ন দ্রব্যটা থাক, ওতে শরীর রসস্থ হয়। রুটিটা নেহাৎ শুকনো না কর, গাওয়া ঘি একটু মাখিও। মেলা করে না, ওই খান বারো-চোন্দো। অন্নহারই ওষুধ!”

অগত্যই আটার ঠোঙা নিয়ে রান্নাঘরে ঢুকতে হয় ভাবিনীকে ভাগ্যকে দিক্কার দিতে দিতে। কোথায় আজ কাঁথাখানা মিটিয়ে ফেলবে আশা করছিল, আশা করছিল উল্লনের দায়ে ধরা পড়বে না, সে জায়গায় কিনা একেবারে মাথায় আকাশ!

বলা বাহুল্য, রুটির ব্যাপারে ভাবিনীর প্রচেষ্টা সাফল্যমণ্ডিত হল না।

কারণ প্রথমেই প্রয়োজনতিরিক্ত জল ঢেলে আটাটাকে প্রায় “শির্শা”তে পরিণত করে ফেলেছিল সে। তার পর যদিও ছিঁড়েখুঁড়ে বহুকোণবিশিষ্ট খানকয়েক আটার চাকলা বানাল হিমসিম খেয়ে, তাদের উল্লনে কেলে তুলতে তুলতে পুড়ে উঠল প্রায় সবগুলোই। অথচ আবার গঠন-সৌকুমার্যে জায়গায় কাঁচাও বর্তমান।

ওদিকে দুপুর গড়িয়ে যায়।

নিতাই অহুমান করে, নিজের জন্তেও রুটি করছে ভাবিনী। আর সে রুটির সংখ্যা অহুমান করে মনে মনে একটু হেসে ধৈর্য ধরে বসে থাকে।

কিন্তু ধৈর্যেরও তো একটা সীমা আছে। পেটের মধ্যে যে সাড়া উঠেছে।

বার বার সাড়া দিয়ে উসখুস করে অবশেষে রান্নাঘরের দরজাতেই এসে দাঁড়ায় নিতাই, “কী এত নশো-পঞ্চাশ ব্যঞ্জন রাখছ? বললাম যে শুধু দুখানা রুটি আর আলু-মরিচের দম হলেই হবে—”

ভাবিনী আজও মনে মনে নাক-কান মলে বলে, “ওমা তাই কি আবার খেতে পারে মানুষ? একটু সোনাযুগের ডাল চড়াচ্ছি—”

“এ্যাই ছাখো ! আবার ওই সব ! তাই এত দেরি হচ্ছে ! দরকার নেই দরকার নেই, ওই যা হয়েছে তাই দিয়ে দাও !”

দিয়ে তো দেবে, কিন্তু আলু-মরিচের দম কই ?

আলু তো এখনও ঝুড়িতে ।

অগত্যাই হাটে হাঁড়ি ভাঙতে হয় ভাবিনীকে । সবটা নয়, হাঁড়িব কানাটা । বলতে হয়, “একটু অপেক্ষা কর, দেরি আছে ।”

নিতাই ছটফট করে আর বলতে থাকে, “ও না হয় পরেই হবে । শুধু গুড়-কুটিও মন্দ না ।”

অতএব শুধু গুড়-কুটিই ধরে দিতে হয় ভাবিনীকে স্বামীর পাতের গোড়ায় ।

আর জোর ফিদের মুখে সেই গুড়ের ডেলা এবং আটার পিণ্ডি দর্শনে নিতাইয়ের সমস্ত রক্তকণিকা মুহূর্তের মধ্যে অগ্নিকণিকায় পরিণত হয়ে “মার মার” করে ওঠে ।

খালাটা ধরে দিয়েই ছুতো করে রান্নাঘরে ঢুকে পড়েছিল ভাবিনী । হঠাৎ খালা-আছড়ানোর বন্ বন্ শব্দে চমকে বেরিয়ে এসে দাঁড়িয়ে পড়ল । এতটা আশঙ্কা ছিল না তার । কিন্তু দেখল খালাটা অদূরে নিক্ষিপ্ত ।

সব কথানা কুটি একসঙ্গে তাল করে হাতে চটকে নিতাই চেঁচাচ্ছে, “কী হয়েছে কী এ ? আমার ছেরান্দর পিণ্ডি ! বলি তুখানা কুটি গড়বারও যদি ক্ষমতা না থাকে, বল নি কেন আগে ? কোন্ শালা বেকুব খেতে চাইত তা হলে ? আমার যেমন মুখামি ! বাজার থেকে দু আনার পুরী-তরকারি কিনে এনে খেলেই চুকে যেত । তা নয়, সাধ করে কুটি খেতে চাইলাম আমার কর্মিষ্ঠি পরিবারের কাছে । হুঁ ! বোঝা উচিত ছিল এসব সভ্য কাজ সবাইয়ের জগ্রে নয় । সেই যে বলে—‘বাপের জন্মে নেইকো চাষ, ধানকে বলে দুর্বোঁধাস !’ এ হচ্ছে তাই । তা শহরে যখন এসেছ, সভ্য কাজ একটু শিখতে হবে বৈকি । তোমার ধান সেদ্ধ টেকে কোটার মতিমা তো চলবে না এইখানে । তাই পরামর্শ দিই—একবার আধবার বোঁঠানের কাছে গিয়ে মানুষের মতন কাজ-কর্ম শিখে এসো দু-একখানা—”

বড্ড বেশী ষিদের মাথায় বড্ড বেশী আশাভঙ্গ হয়েছে বোধ করি মেজাজের ওপর রাশ রাখতে পারে নি নিতাই । কিন্তু সকলেরই ধৈর্যের সীমা আছে ।

বিশেষ অপ্রতিভ হয়ে গিয়েছিল বলেই এতগুলো কথা নীরবে শুনেছিল ভাবিনী, মাহুশটার খিদের মাথায় উত্তর-প্রত্যুত্তর করবে নাই ভাবছিল, এবং মনে মনে আঁচ করছিল রাগটা একটু নরম হলে বরং তুতিয়েপাতিয়ে চারটি খই দুধ—

কিন্তু শেষরক্ষা হল না।

শেষ টানটা আর সহিতে পারল না যন্ত্রের তার।

ছিঁড়ে পড়ল বন্বনিয়ে।

পড়বেই।

তোমার গায়ে আমার পায়ের আঁগাটা একটু ঠেকে গেছে বলে তুমি আমায় কষে লাথালে আমি সহিব? তোমার গোয়ালে আমার তামাকের কাঠকয়লাখানা ছিটকে পড়েছে বলে আমার ঘরে তুমি আগুন দেবে আর আমি চূপ করে থাকব?.....তোমার বাগানে আমার ছাগলটা একবার মুখ লাগিয়েছে বলে গরুর পাল ঢুকিয়ে আমার তাবৎ বাগান তুমি মুড়াবে, আমি ফ্যাল ফ্যাল করে তাকিয়ে থাকব?

ইয়ার্কি নাকি?

মাহুশ মানে পাথর নয়।

তাই শেষরক্ষে হল না। নিতাইয়ের কথাটা শেষ হবার আগেই ভাবিনীও ধরে-রে” করে তেড়ে এল।

“কী! কী বললে? আর একবার বল তো শুনি? তোমার পেয়ারের নৌঠানের কাছে আমি যাব রান্না শিখতে? বলি আর কত অপমান তুলে রেখেছ আমার জন্মে? যা রেখেছ একসঙ্গে বার কর। একেবারে বৃকে ভরে নিয়ে মা-গন্ধার কোলে আশ্রয় নিই গে!—রেখে এস, আজ আমায় রেখে এস বারুইপুরে। এত অপমান সয়ে থাকতে পারব না, এই বলে দিলাম সাদা বাংলা—ওগো মাগো, এই স্থখ করাতে তুমি আমায় শহরে এনেছিলে? ঝাড়ু মারি আমি অমন স্থখের মাথায়! ভাবছিলাম দোষ হয়ে গেছে, ষাট মানব, চুকে যাবে গাটা, তার আর ডালপালা গজাবে না। ওমা এ যে দেখি খামেই না! শক্তের ভক্ত আর নরমের যম তুমি, কেমন? উঠতে বসতে নড়তে চড়তে খালি ‘বোঁঠান আর বোঁঠান’। বলি এতই যদি মস্তুরপ্ত করে রেখেছিলো বোঁঠান, তো আমাকে আবার আনতে গেছলে কেন? লোকের কাছে মুখ রাখতে? শাক দিয়ে মাছ ঢাকতে? তোমার—”

আবার শেষ ঘাটে ধাক্কা !

আবার কথার উপর হাতুড়ি !

নিতাই আসন থেকে দাঁড়িয়ে উঠে গলা কাটিয়ে বলে, “কী বললি ?”

“জ্যা! ‘তুই’! ‘তুই’ বললে তুমি আমাকে হাড়ি-কাওয়ার মতন? এও বোধ হয় শহুরে সভ্যতা?” ভাবিনী ধেই ধেই করে করে ওঠে, “তোমায় আমি কড়ে আঙ্গুলের ছেদা করি না, বুঝলে? কানা কড়ার না। দুশ্চরিত্র স্বামী আবার স্বামী? হুঁ! আমি যাব সেই মায়াবিনী ডাকিনীর কাছে শিক্ষে করতে! গলায় দেনার দড়ি জুটবে না আমার? যাও, তুমি যাও দু-বেলা তার পাদোদক খাও গে—”

নিতাই সহসা গম্ভীর হয়ে যায়। হাত দুখানা আড়াআড়ি করে বুকের ওপর রেখে বার দুই পায়চারি করে হঠাৎ দাঁড়িয়ে পড়ে বলে, “পাদোদক যদি জোটে তো শুধু ‘ধাবো’ কেন, মাথায় মেখে বতাব। তবে এই তোমার মতন মেয়েমানুষেরও সেটা করা উচিত। বিশ বছর তাঁর পায়ের কাছে বসে শিক্ষে করলে, আর দুবেলা পা-ধোয়া জল খেলে যদি তাঁর কড়ে আঙ্গুলের নখের যুগিয়াও হও!”

নিতাই চরম অভিব্যক্তিতে তাঁর হৃদয়ের শ্রদ্ধা প্রকাশ করতে পারে, কিন্তু জীর পক্ষে যে পরস্পরী প্রতি এ শ্রদ্ধাপ্রকাশ কাটাঘায়ে মূনের তুল্য তাতে তো আর সন্দেহ নেই। অতএব এর পর ভাবিনী যদি কোমরে কাপড় জড়ায়, তাকে দোষ দেওয়া যায় না। ভাবিনী জীবনাবধি যা দেখেছে তাই শিখেছে। ‘দেখা’র উর্ধ্বে শেখবার মত অনুভূতি কটা মেয়েমানুষের থাকে?

তা ছাড়া যে মেয়েমানুষ যতই নীরেট হোক নির্বোধ হোক, স্বামীর মন পেলাম কিনা বুঝতে বাধে না তার। আর সে মনের অধীশ্বরী যদি আর কেউ থাকে, তাকে চিনতেও দেয় হয় না। কলকাতার মাটিতে পা দিয়েই তাকে চিনেছে ভাবিনী। সেই জ্বালাকর সত্যটা বুঝে ফেলেছে।

এই ভয়ঙ্কর জ্বালা ভাবিনী মহান উদারতায় সহ করে যাবে, এ তো আর হয় না।

অতএব কোমরে কাপড় জড়িয়ে কী যেন একটা ছড়া আউড়ে ছিটকে কাছে সরে আসে ভাবিনী।

“বটে! বটে! কড়ে আঙ্গুলের যুগিয়া! চরিত্রহীন পুরুষের উপযুক্ত কথাই বলেছ! পরের ইত্তিরীর সবই মিষ্টি? বাদের! বলি তোমার প্রাণের

নিধি বোঁঠানের সব 'খেলা' জান? ও কথা তুলি না, তুলতে পিরবিত্তি হয় না তাই বলি না। তুললেই তো পুরুষের মুখ বুক সব খুলে যাবে। বা দেখবে তাই সূচক্ষে দেখবে। নইলে জেনেছি অনেকদিন। এইবার তোমায় জানাই— স্বামীকে লুকিয়ে রোজ ভরতুপুরে বিবিটি সেজে কোথায় যান গিন্নী, জান সে কথা?"

“স্বামীকে লুকিয়ে মানে?”

নিতাই যেন দুর্বল পক্ষ হয়ে পড়ে। অতএব সবল পক্ষ ভাবিনী কুটিল হেসে বলে, “লুকিয়ে মানে লুকিয়ে! ঝি মাগীই বলেছে আমার ঝিকে, ছেলেদেরকে শেখানো আছে 'বলিস নে'।”

নিতাই বিশ্বাস করতে পারে না সত্যবতীর পক্ষে লুকোচুরি সম্ভব। তাই সগর্জনে বলে, “বিশ্বাস করি না।”

“ওঃ, তাই নাকি? এইটুকুই বিশ্বাস কর না? আর শুনলে না জানি কি বলবে!...বলি তোমাদের ওই জাতধর্ম খোয়ানো মাস্টারটার সঙ্গে তলে তলে কত দহরম মহরম তা জান! তোমার সঙ্গে তো বেস্তুধর্মের আপিসে পর্যন্ত যাওয়া হয়েছিল। বলি নি এতদিন, ওর কথা তোমার কাছে কইতে ঘেন্না হয়, তাই বলি নি। আমি বলছি ও মেয়েমানুষ একদিন—”

“ধবরদার!”

নিতাই তীব্র চীৎকারে এগিয়ে আসে, “মিথ্যাবাদী! মিছিমিছি করে আর কিছু বলতে যাস তো জিত খসে পড়বে। চূপ, একেবারে চূপ!”

দিশেহারা দেখায় নিতাইকে।

একে তো দুটো অপবাদই ভয়ানক মারাত্মক, অথচ এমনই সর্বদেশে সত্যগন্ধী মত যে একেবারে উড়িয়ে দিতেও বৃকে বল আসে না। ততুপরি আবার সেই ভবতোষ মাস্টার। মাস্টার জাতধর্ম খুইয়ে বেস্ত হয়েছিল, নিতাইয়ের হাড়ে বাতাস লেগেছিল। ভেবেছিল অস্তুতঃ নবকুমারের বাড়িতে আসা-যাওয়ার পথে তারা কাঁটা পড়ল।

কিন্তু এ কী কথা শোনা যায় মছরার মুখে? দিশেহারাই হয়ে যায় নিতাই।

এই সুযোগে ভাবিনী কোমরের আঁচলটা আর একটু শক্ত করে।

“বলি গানের জোরে চূপ করিয়ে রাখলেই তো আর সত্যিটা মিথ্যায় হয়ে যাবে না? আমি এই তোমায় বলে রাখছি, ওই তোমার পেয়ারের বোঁঠান

বেস্ত হবে হবে হবে। ওই যে একটা বুড়ো খিলী মেয়ে পুষেছে, মিছে করে বলে ভাইঝি, ভগবান জানেন বেধবা না আইবুড়ি, বয়সের তো গাছপাথর নেই, সেটাকে তো আর হিঁদুর সংসারে গছাতে পারবে না? তাই বেস্ত হয়ে তার—”

“তুমি চূপ করবে?”

ভাবিনী মুখে একটা আঙ্গুল ঠেকিয়ে ভেড়িয়ে উঠে বলে, “তবে এই করলাম। কিন্তু আমি চূপ করলেই তো আর জগৎ চূপ করে থাকবে না? জানতে সবই পারবে।”

চূপ সত্যিই তখন করেছিল ভাবিনী।

বোধ করি অন্নাত অভুক্ত স্বামীকে পরাজিত শক্রপক্ষের মতই দেখতে লেগেছিল বলে অন্ন সংবরণ করেছিল।

কিন্তু নিতাই ছট কটিয়ে বেড়িয়েছিল পাগলের মত।

বৌঠানের দ্বারা এসব সম্ভব?

নুকোচুরি, অভিসার, ব্রাহ্মসমাজে যাতায়াত, ভবতোষের সঙ্গে চূপি চূপি মেলামেশা! ভাবিনীর অভিযোগ যদি সত্যিই হয়, তা হলে তো ধর্ম মিথ্যে, ভগবান মিথ্যে, জগতে যা কিছু বস্তু আছে সবই মিথ্যে।

অস্থস্থ শরীর, না-স্নান, না-আহার আরও উদ্ভ্রান্তি আনছিল। ভাবিনী একসময় এসে পায়ের ধরে মাপ চেয়ে দুটো নারকেলনাড়ু আর এক ঘটি জল নিয়ে সেধেছিল, গলা দিয়ে নামাতে পারে নি নিতাই, “পরে হবে—” বলে সরিয়ে রেখে বালিশে মাথা ঘষতে ঘষতে অবশেষে একসময় ঘুমিয়েও পড়েছিল।

ওবেলা ঘটেছিল এসব।

ঘুম ভাঙল পড়ন্ত বেলায় নবকুমারের ডাকে।

নবকুমার ব্যস্তসমস্ত হয়ে ঠেলা মেরে প্রশ্ন করছে, “নিতাই নিতাই, তোদের নৌঠান এসেছে এ বাড়িতে?”

ধড়মড়িয়ে উঠে বসে নিতাই।

উপবাসক্লিষ্ট শরীরে মাথাটা ঝিমঝিম করে ওঠে, প্রশ্নের কথাটা চর্চ করে হৃদয়ঙ্গম হয় না। তাই উত্তরের বদলে নিজেই সে প্রশ্ন করে, “কি? কে এসেছে?”

“আরে বাবা তোর বৌঠান ছাড়া আর কে? আর কাকে খুঁজে বেড়াব

আমি ? ভেতরে গিয়ে একবার খবর নিয়ে আয় দিকি, বৌমার কাছে বেড়াতে এসেছে কিনা ?”

নিতাই হতচকিত দৃষ্টি মেলে আন্তে মাথা নাড়ে ।

“কী মুশকিল ! বসে বসে হাত গুনছিস কেন ? তুই তো ঘুমোচ্ছিলি মদারাম ! ইত্যবসরে এসেছে কিনা—”

এতক্ষণে বড়সড় একটা কথা বলে নিতাই ভেবেচিন্তে, “কেন বাড়িতে নেই ?”

“এই দেখ ! থাকবে যদি তো আমি ছুটে এসে হামলা করাছি কেন ? ওঠ, তুই একবার—”

অগত্যাই উঠতে হয় নিতাইকে ।

এবং বাড়িতে তৃতীয় ব্যক্তি না থাকার অস্ববিধেটা হঠাৎ এখন ম্পষ্ট করে উপলব্ধি করে নিতাই ।

ভিতরে গিয়ে ওই প্রশ্নটা এখন করতে হবে ভাবিনীকেই । নিতাইয়ের মুখ থেকেই বার করতে হবে, “বৌঠান এসেছেন ?”

উত্তরটা যা আসবে সে তো নিতাইয়ের জানাই । নেহাৎ নবকুমারের নির্দেশেই ওঠা । নইলে সত্যবতী এসেছে, আর নিতাই টের পায় নি ? ঘুমিয়েছিল বৈ তো মরে ছিল না ?

খানকয়েক বাড়ির ব্যবধানেই দুটো বাড়ি । আসা-যাওয়া তো আছেই । ভাবিনী আসার পর তার স্ববিধে অস্ববিধে দেখতে প্রথম প্রথম খুবই এসেছে সত্য, কিন্তু ভাবিনীর অনাগ্রহেই যাওয়াটা আসাটা কমিয়ে ফেলেছে ।

কিন্তু সে সব আসা বেন্দীর ভাগই নিতাইয়ের অল্পপস্থিতিতে । উপস্থিতিতে দৈবাৎ । আজই কি আর হঠাৎ সেই সৌভাগ্য—

নবকুমারের অধীরতায় উঠে গেল নিতাই । ভিতরে গিয়ে এদিক ওদিক ঘুরে চলে এসে মাথা নাড়ল ।

মান খুইয়ে জিজ্ঞেস আর করতে হল না ।

দেখল ভাবিনী একা বসে সন্ধ্যার অন্ধকার তুচ্ছ করে সেই কাঁথাখানাই সেলাই করছে । ভরসন্ধ্যায় যে ছুঁচুহুতো হাতে করতে নেই, এ শিক্ষাও যেন বিন্দুত হয়ে গেছে ভাবিনী ।

“কী হবে নিতাই ?” নবকুমার প্রায় ‘ভাঁক’ করে কেঁদে ফেলে ।

নিতাই শুকমুখে বলে, “আর কোথাও গেছেন হয়তো !”



“আর কোথায় যাবে ? একা আর কোথায় যাবে ?” নবকুমার কাতর ভাবে বলে, “কপালক্রমে ঠিক এই সময় তুড়ু খোকা দুদিনের জন্তে ওদের ঠাকুমা-ঠাকুন্দাকে দেখতে বারুইপুর গেছে—”

“একা গেছে ?” চমকে ওঠে নিতাই ।

“না না । আমাদের অবনী যাচ্ছিল দেশে—ভাবলাম ওদের তো ছুটি রয়েছে, যাক দুদিন । দেশভিটে কিছুই তো চিনলা না ! কী করে জানব এই ফাঁকে এই বিপদ হবে !”

নিতাই আরও শুককণ্ঠে বলে, “তোমার সঙ্গে কোনও বচসা-টচসা হয় নি তো ? মানে গঙ্গার দিকেটিকে—”

“না না । সে সব কিছু নয় নিতাই । তবে আমাকে না জানিয়ে তো তুড়ুর মা কোথাও—”

আবেগের মুখে এসেছিল নিতাইয়ের, “তা তিনি যান । শুনেছি সে খবর—”

কিন্তু আবেগকে প্রশমিত করে । আস্তে আস্তে অগ্নি কথা বলে, “সেই যে মেয়েটা—মানে স্নহাস আর কি—সে নেই ?”

“সে তো ইস্কুল থেকে এসে পর্যন্ত না দেখে ভাবনা করছে । বিটাও কিছু জানে না । কী হবে নিতাই ?”

কী হবে, কী হচ্ছে, কী হতে চলেছে, তার কি কিছুই জানে নিতাই ? তার শূন্য মস্তিষ্কে যেন সহস্র বোলতা শনশনিয়ে ওঠে । মাথার ভার ষাড় বহন করতে রাজী হয় না । বালিশে ধপ করে মাথাটা ফেলে ভাঙা গলায় বলে ওঠে নিতাই, “আমি তো কিছুই বুঝতে পারছি না ।”

কিন্তু আর একজন তো স’ই বুঝতে পেরে কেলেছে ।

নিতাইয়ের ওই একবার নিঃশব্দে অস্তঃপুরে পাক খেয়ে আসার পরমুহূর্ত্তেই কাঁথা ফেলে উঠে এসেছে ভাবিনী ।

দরজার ফাঁকে চোখ কান রেখে আড়ি পেতে এপিঠের কথাবার্তা শুনেছে, এবং শুনেই সমস্ত রহস্য হৃদয়ঙ্গম করে কেলেছে ।

এতটা বদ বিচ্ছিন্নি মেয়েমানুষের জন্তে দু-দুটো দস্তিপুরুষ যে এরকম মজি হয়ে পড়বে, এও তো অসহ ! চোখে দেখাই শক্ত !

ওই অসহ ব্যাপারটা আর বেশীকণ বরদাস্ত করতে পারে না ভাবিনী, ঠনঠনিয়ে দরজার শেকলটা নেড়ে দেয় ।

সেই ঠনঠনানির মধ্যে যেন কোনও রহস্যবাহীর ইশারা ।

ছেলের বোঁ যেমনই হোক, নাতি বড় জিনিস । বংশধর, সর্বৈশ্বর, নাড়িতে নাড়িতে বাঁধন । ছেলে দুটো আসা অবধি এলোকেশী যেন উথলে বেড়াচ্ছেন । অবিষ্টি সন্ধে সন্ধে বোঁয়ের নিন্দেরও বিরাম নেই । ‘যে ছোটলোকের বেটা’ তাঁকে এই পরম বস্তু থেকে বঞ্চিত করে রেখেছে, তার যে কখনো ভাল হবে না, এ বিষয়ে শেষ রায় দিয়ে এলোকেশী নাতিদের যত্নে তৎপর হয়ে বেড়াচ্ছেন । কারণ এবার ওরা একা এসেছে । কোন-কোনবার পূজায় আসে, বাপের সন্ধে তিন-চারটে দিন মাত্র থাকে, বিশেষ হাতে পান না । না, সত্য আর আসে নি । এলোকেশী আর তার মুখ দেখতে চান না, সেটা বড় গলায় জানিয়ে দিয়েছেন । ছেলেদের পৈতে দিয়ে গেছে ভিটেয় এসে, তাও নবকুমার একা । দুই ছেলের একসঙ্গে মাথা মুড়িয়ে দিয়েছে । ক্লপণস্বভাব নীলাশ্বরের বাড়িতে সমারোহময় কাজের ধরনও নেই । নবকুমার শেষে নি ।

আর সত্য? তার যদি বা কোন সাধ থেকেও থাকে, এলোকেশীর কথা ভেবে সে ভুলে রেখেছে । সমারোহ করতে গেলেই তো তাঁদের সন্ধে যোগাযোগ করতে হবে । এ বরং কদিন ঝিকে রান্তিরে থাকতে বললেই বেশ থাকতে পারবে সত্য । তাই থেকেছে ।

তারি তো মনিষ্টি সাধন সরল, তুড়ু খোকা ছাড়া পোশাকী নামে যাদের আজ পর্যন্ত কেউ ডাকে নি, বড় একেবারে খাইয়ে, তবু তাদের জন্তে পুকুরে জাল ফেলা হচ্ছে, টাটকা চিঁড়ে কোটানো হচ্ছে, পিঠে পায়ের, নাড়ু, পাটিসাপটা গোকুলপিঠে, ক্ষীরতক্তি ইত্যাদি করে যতরকম জানা আছে এলোকেশীর, একটু ভুল বলা হল—যত রকম বানাতে জানা আছে সদুর, সব চলছে একধার থেকে ।

নাকে নল ছেঁচে যাচ্ছে সদুর ।

নীলাশ্বর অবশ্য এক-আধবার বলছেন, “ওরে তোদের পেট-টেট ভাল আছে তো? দেখিস, দিনকাল ভাল নয় । শেষে আবার কলকাতায় কিরলে তোদের মা না বলে ঠাকুরমার কাছে আদর খেয়ে পেটের রোগ খরিয়ে এনেছে ।”

কিন্তু এলোকেশী সে কথায় কর্ণপাত মাত্র করছেন না ।

নাতিদের অসুখ এবং বোয়ের 'কথা' শোনানো সম্পর্কে তাঁর মনে লেশমাত্রও ভয় আছে বলে মনে হচ্ছে না। বরং ঝঙ্কার দিয়ে বলে উঠেছেন, "তুমি খাম তো! অসুখই বা হতে যাবে কেন? বালাই যাট! আমি কি পচা পাস্তো খাওয়াচ্ছি নাতিদের? অসুখ যদি হয় তো বলতে হবে যে ওদের গর্ভধারিণীর গুণেই হয়েছে। শহরে গিয়ে শহরে চাল ধরেছেন, ছেলে দুটোকে আধপেটা খাইয়ে খাইয়ে পেট মেরে রেখেছেন। সারা দিনমানে একবার বৈ দুবার ভাত নয়!...আর নবুকে আমার আমি তিনবার করে ভাত দিতাম। সকালবেলা কী খাচ্ছে ছেলেরা, না গজা জিলিপি তিলকুট! দোকান থেকে কিনে আনিয়ে রাখে। কেনা খাবারে ছেলেপিলের পেট ভরে? কেন সকালে একবার দুটো কেনাভাত দিতে হাতে পোকা পড়ে?...ইঙ্কল থেকে এসে খাবার কি? না পরোটা। খিদের সময় ময়লা? দেখলে চোখ ফেটে জল আসে না ছেলেদের? ...নবু আমার একদিন যদি ইঙ্কল থেকে এসে মাছভাতের বদলে অল্প কিছু দেখেছে তো ছুঁড়ে ফেলে দিয়ে কেঁদেছে!"

সহু এক-আধবার বলতে চেষ্টা করেছিল, "তা নবুর ছেলেদেরও যে কান্না আসে, তা বলেছে ওরা তোমাকে?"

এলোকেশী সে কথাও উড়িয়েছেন।

বলেছেন, "বলবে আর কোন্ সাহসে? যে খাওয়ারী মা, ভয়ে তার বিপক্ষ কথা একটা বলতে পারে? বড়টাকে খুঁচিয়ে খুঁচিয়ে যদিবা দু-একটা পেটের কথা টেনে বার করছি, ছোটটা একেবারে তুখোড় পাকা। জানে কথা প্রেকাশ পেয়ে গেলে মা আর আমার কাছে পাঠাবে না, তাই—"

"আহা প্রকাশেরই বা আছে কি? বৌ তো আর বাসায় গিয়ে চুরি-ডাকাতি করছে না?"

"চুরি-ডাকাতি না করুক, অনেক কাণ্ডই তো করছে। কোথাকার একটা অথন্তে-অবন্তে ছুঁড়িকে তো পুষছে, তাকে পয়সা খরচ করে ইঙ্কলে দিয়েছে, বই খাতা কিনে দিচ্ছে, সে তো গেল। নিজেকে নাকি রোজ দুকুরে কোথায় গিয়ে গিয়ে মেয়ে পড়াচ্ছে। বিগ্বেবতী লীলাবতী! বলি চুরি-ডাকাতির চেয়ে কমটাই বা কি হল তা হলে? বাবার জন্মে শুনেছিস কেউ এ কথা? ভদ্রঘরের বৌ যায় গুরুমশাইগিরি করতে?"

নীলাস্বরও অবশ্য এ সংবাদে ছিটকে উঠেছিলেন, গাল দিয়ে নবকুমারের পিতৃশ্রদ্ধ ষটিয়ে সংকল্প ঘোষণা করেছিলেন, নিজেকে গিয়ে খড়ম পেটা করে

ছেলে বোকে গায়ে ফিরিয়ে নিয়ে আসবেন, পরে সে সংকল্প ত্যাগ করেছেন। বলেছেন, “নাঃ, গায়ে এনে আর দরকার নেই! জাত যা যাবার তা তো গেছেই, ও বোঁয়ের হাতের ভাত তো আর থাকি না আমরা, মিথ্যে আর ধরা-বাঁধার দরকার কি? এ বরং বাইরে বাইরে আছে, এখানে আনলেই তো পাড়া জানাজানি। ঘোমটা দিয়ে কোণে বসে থাকবার বোঁ যখন নয়, তখন চোখের আড়ালে থাকাই মঙ্গল। বরং ছেলে দুটোকে যদি হাত করতে পার সেই চেষ্টা দেখ। আথেরে বুড়া-বুড়ীকে দেখবার একটা লোক তো চাই!”

এলোকেশী গলা খাটো করে মুচকি হেসে উত্তর দিয়েছিলেন, “সে চেষ্টার কল্প করছি মনে করছ? মায়ের ওপর মন বিষ করে তোলবার জন্তে, মায়ের যত গুণাগুণ সবই ব্যক্ত করছি। তবে মায়াবিনীর যে মহামন্তর জানা! ছেলেরা মাতৃভক্তিতে ডগমগ। মন্তর নইলে আমার নিজের পেটের ছেলেটা অমন পর হয়ে যায়?”

সাধন সরল অবশ্ব ভেতরের এত কথা জানে না, তারা প্রাণভরে ছুটির আনন্দ উপভোগ করছে। কলকাতার ধরা-বাঁধা জীবনের বাইরে এসে, শৈশবের লীলাভূমি ফিরে পেয়ে, মাঝে মাঝে সত্যিই মায়ের ওপর রাগ হচ্ছে তাদের। মার জেদের জন্তেই যে কলকাতায় বাস, সেটা সবিস্তারে এবং স-নির্দেয় শুনছে তো উঠতে বসতে।

তবে সত্বে আশা কথা কয়।

অবশ্ব মামীর সামনে তত নয়, কারণ এলোকেশীর রণরঙ্গিনী মূর্তিকে সে বড় ডরায়। রাতের খাওয়ান সময় একলা পায় ভাইপোদের, এলোকেশী সন্ধ্যার মধ্যে বিছানা নেন। সত্বে ভাত বেড়ে দিয়ে কাছে বসে গল্প করে। বলে, “ঠাকুরমার কথায় তো মাকে দুঃখিস, বলি মা যাই টেনে হিঁচড়ে নিয়ে গেছল তাই না এই বয়সে এতটা পড়া করেছিস, ভাল ভাল করে পাস করছিস। এখানে থাকলে হত এসব? দেখছিস তো এখানে তোদের বইসী ছেলেদের। কেউ এরই মধ্যে পড়া ছেড়ে দিয়ে মাছ ধরছে অরে তামাক খাচ্ছে, কেউবা একটা কেলাসে তিন-চার বছর ঘষটাচ্ছে। না সত্যতা, না ভব্যতা। বামূনের ঘরের ছেলেটা আর চাষার ঘরের ছেলেটার তফাত বোঝবার উপায় নেই।”

সাধন ঠাকুরমার মুখের বচন ঝেড়ে বলে, “তা এত এত দিন, এত এত যুগ

ধরে লোকে তো দেশগাঁয়েই থেকেছে ? তারা কি আর মানুষ নয় ? মায়ের বাবাও তো পাড়াগাঁয়ের ছেলে ?”

“তোদের দাদামশাইয়ের কথা বলছিস ? তাঁর কথা বাদ দে। তিনি হলেন হাজারে একটা। তবে তিনি কি আর তোর এই ঠাকুন্দের মতন বন্ধজলা ? তিনি হলেন নদীর মতন। শুধু পাড়াগাঁয়ে কেন ? শহর-বাজারেই তাঁর অনেকদিন পর্যন্ত কেটেছে। তা হ্যাঁ রে—মামার বাড়ি যাস-টাস না ?”

“না তো !”

“যাস না ? আমি বলি, এখন তোর মা স্বাধীন হয়েছে, হয়তো—”

হঠাৎ সরল ফট করে বলে বসে, “মা আবার একলা একলা কি স্বাধীন হল ? আমাদের দেশের কেউই তো স্বাধীন নয়, ভারতবর্ষটাই তো পরাধীন !”

সহু কথাটা চট করে অমুখাবন করতে পারে না, বলে, “ভারতবর্ষটা কি বললি ?”

“পরাধীন, পরাধীন ! গোরা সাহেবরা রাজা নয় ?”

সহু সবিস্ময়ে প্রশ্ন করে, “ওমা ! শোন কথা, ওদের রাজ্য ওরা রাজা হবে না ?”

“বাঃ, ওদের রাজ্য কি করে হবে ? ওরা কি আমাদের এ দেশের লোক ?”

“তা ওরা তো রাজার জাত ? তা ছাড়া ওরা সমুদ্রের ওপার থেকে এসে তোদের কত ভাল করছে !”

“ভাল করছে না হাতী ! অনেক লোকসানই করেছে বরং। আর মা বলেন, যে যার নিজের দেশের মালিক হবে এই নিয়ম। যারা পরের দেশে এসে লোভ করে সেখানে শেকড় গেড়ে বসেছে, তাদের—”

সহু অবাক হয়ে বলে, “এই সব কথা বলে তোদের মা ? তা হলে তো দেখছি মামী ষা বলে মিথ্যে নয় ! মাথারই দোষ। কিন্তু ওসব কথা বলতে নেই রে খোকা, সাহেবরাই তোদের বাপের অন্নদাতা !”

অন্নদাতা কথাটার সম্যক অর্থ বুঝতে না পেরেই বোধ করি সরল উত্তর দেয় অল্প পথে, “মা তো সাহেবদের নিন্দে করেন না, শুধু বলেন, সব ছেলেরই মনে এই চিন্তা নিয়ে মানুষ হওয়া দরকার, পৃথিবীর মধ্যে মাথা উঁচু করে পাড়াতে হবে। তা দেশটাই যাদের পরাধীন, তারা আর মাথা উঁচু করবে কি করে ?”

সহু হতাশ নিশ্বাস ফেলে বলে, “কি জানি বাবা, ওসব কথার মর্ম বুঝি না। তোর মায়ের চিরদিনই চোটপাট কথা, উদ্ভুটে বিদঘুটে চিন্তা। এত দেশ থাকতে কিনা সাহেব বাঙালী নিয়ে মাথা ঘামানো, কে রাজা কে প্রজা তার ভাবনা! আজন্ম পরাধীনতায় কাটল, স্বাধীনতা কাকে বলে তাই জানলাম না। তার মর্ম বুঝবো কি ছাই! মাহুস পরাধীন হয় তাই জানি, দেশের আবার স্বাধীন পরাধীন? যাক গে মরুগ গে ওসব কথা, তোর মা নাকি গুরুমশাইগিরি করতে যায় রে?”

সাধন সরল দুই ভাই একবার মুখ-চাওয়াচাওয়ি করে, তার পর সরলই সহসা সবেগে বলে ওঠে, “তা বল না দাদা, ভয়টা কি? মা তো বলেছেন, লুকোচুরি মিথ্যে কথা, এর বাড়া পাপ নেই। তবে বাবাকে বলতে মানা, বাবা পাছে মাকে যেতে নিষেধ করেন। নিষেধ করলে তো মুশকিল। অথচ মাস্টার মশাই বলেছেন—”

সহু চোখ কঁচুকে বলে, “মাস্টার মশাই কে?”

“বাঃ, মাস্টার মশাই কে জান না? ভবতোষবাবু। বাবাকে যিনি—”

“বুঝেছি, বুঝেছি! তা সে না ব্রহ্মজ্ঞানী হয়ে গেছে?”

সাধন ভয়ে ভয়ে মাথা কাত করে।

“তার সঙ্গে বৌ কথা কয়?”

সাধন ততোধিক নম্রতায় আর একবার মাথা কাত করে।

“ব্রহ্মজ্ঞানী হয়ে যাবার পরও তোদের বাড়িতে আসে সে?”

“না, বাড়িতে আসে না—,” সরল গম্ভীর ভাবে বলে, “বাবা তো তাঁর মান রাখেন নি, বাড়িতে ঢুকতে বারণ করেছেন। তাই মা বলেন, ‘বেশ আমিই তাঁর বাড়ি যাব। মাস্টার মশাই কত উপকারী—”

সহু গালে হাত দিয়ে বলে, “তোমার কথা শুনে আমি তাঙ্কব হয়ে যাচ্ছি তুড়, ইচ্ছে হচ্ছে গিয়ে দেখে আসি তোদের মার আর দুখানা হাত-পা বেরিয়েছে কিনা। ষা জিভুবনে কেউ শোনে নি, সেই সব ঘটনা ঘটছে সে? কিন্তু এও বলি, এককালে মাস্টার উপকার করেছে বলে এখন জাতধর্ম নষ্ট করার পরও কি দরকাব তাঁর কাছে যাবার?”

যে কথা মনে আনাও পাপ, হঠাৎ তেমনি একটা সন্দেহ দংশন করে ওঠে সহুকে। তাই এই প্রশ্ন।

কিন্তু সাধন ততক্ষণে সহুস্তর দিয়েছে।

“পাঠশালা তো মাষ্টার মশাই-ই বানিয়েছে। বুড়ো বুড়ো গিন্নীরা অ আ ক খ শিখতে আসে। মাষ্টার মশাই বলে, দিনভোর গালগল্প করে, তাস খেলে খার কৌদল করে—নয়তো বা ঘুমিয়ে নষ্ট করার চাইতে কত ভাল কাজ লেখাপড়া শেখা, তাই ‘সবমঙ্গলা তলা’য় দুপুরবেলায় ওই পাঠশালা খুলে দিয়েছে। তোমাদের মতন বড়রাও পড়তে আসে।”

সহু একটা নিশ্বাস ফেলে বলে, “এজন্মে যদি কখনো মরি, তবে আবার তোদের ওই কলকাতায় জন্মাব, আর তোর মার ইস্কুলে পড়ব।”

“তা এখনই তো পড়তে পার?”

“পারব! সেই একেবারে যখন চিতায় শোব! নে, ভাত কটা যে পাতে পড়েই আছে।”

“খাচ্ছি! বাবা, রাতদিন যা খাচ্ছি—আর পেটে ধরছে না।”

“তবে থাক, জোর করে খাস নে।”

সাধন সহুর সেই হঠাৎ স্থির হয়ে যাওয়া মুখটার দিকে একটুক্ষণ তাকিয়ে থেকে আন্তে বলে, “পিসি, তুমি চল না আমাদের সঙ্গে—”

“আমি?” সহু হঠাৎ চড়ে উঠে বলে, “আমি কলকাতায় যাই আর এই বুড়োবুড়ী দুটো না খেয়ে মরুক!”

“আহা চিরকাল কি? দু-একদিনের জন্তে বেড়াতে—”

“থাক বাবা। তুই যেতে বললি এই ঢের, বেড়াতে আর এজন্মে কোথাও যাচ্ছি না, যাব তো চিরকালের মতন সেই যমরাজের বাড়িতে। তবে বড় হয়েছিস তুই, চুপি চুপি একটা যদি কাজ করতে পারিস। কাউকে কিছু বলতে পাবি না। যে বলবে সে আমার মরা মুখ দেখবে—”

“আহা কি কাজ তাই বল না?”

“বলছি—তোদের ওই বাগবাজারেই, তাই বলছি। ওখানের একটা বাসার ঠিকানায় একখানা চিঠি দেব, পৌঁছে দিতে পারবি?”

সাধন মহোৎসাহে বলে, “কেন পারব না, কত নম্বর বল?”

“লেখা আছে দেব। কিন্তু—শোন কেউ যেন না জানতে পারে।”

“জানতে না পারে? কেন বল তো পিসি?”

“পরে বলব।”

## । আটত্রিশ ।

হারিয়ে যাওয়া সত্য যখন বাড়ি কিরল, তখন সন্ধ্যে হয় হয়। একটা ভাড়াটে ঘোড়ার গাড়ি থেকে নামল সত্য, সঙ্গে একটি গিল্লীবান্নি বিধবা।

“তুমি একটু দাঁড়াও বাছা, গাড়োয়ানকে আগে বিদেয় করি—”, বলে সত্য ভিতরে ঢুকে আসে। স্হাস তখন এ-জানালা ও জানালা করে ছটকটিয়ে বেড়াচ্ছে, নবকুমার নিতাইয়ের বাড়ি থেকে ফেরে নি।

সত্যকে দেখেই স্হাস প্রায় চোঁচিয়ে ওঠে, “পিসিমা!” সে স্বরে অভিযোগ।

সত্য বাস্তবকণ্ঠে বলে, “হবে, জবাবদিহি হবে, এখন গঙ্গাজলে হাত ধুয়ে আমাব ওই হাতবান্ন থেকে চার আনা পয়সা বার করে দে দিকি, গাড়ির কাপড়ে আব বান্নটা হোঁব না।”

আঁচলের গিঁট খুলে চাবিটা ফেলে দেয় সত্য স্হাসের সামনে।

স্হাস স্বল্পভাষিনী, নেহাৎ অস্থির হয়েই চোঁচিয়ে উঠেছিল। আর কথা বলে না, নিঃশব্দে আদেশ পালন করে। শুধু অলক্ষ্যে বার বার দেখে নেয় সত্যকে। রহস্যময়ী সত্যকে।

গাড়ির ভাড়া দিয়ে গাড়োয়ানকে বিদেয় করে সত্য সেই মেয়েমানুষটিকে বলে, “নাও বসো, হাতেমুখে একটু জল দাও, একটু মিষ্টিমুখ কর, তবে বেও।”

মেয়েমানুষটি হুটুচিতে বলে, “আবার মিষ্টি কেন মা? তোমার ঘরদোর দেখলাম চিনে গেলাম, এই ঢেব। তোমার মিষ্টি কথাই ‘মিষ্টি’ মা, শুনলে শরীর শীতল হয়।”

“তা হোক, তুমি আমার জগ্গে এতটি করলে, একটু মিষ্টিজল না ঝাইয়ে ছাড়া না।” বলে সত্য কট করে গায়ের সিঙ্কের চাদরটা রেখে কলের ঘরে ঢুকে কাপড়টা সেমিজটা কেচে ফেলে ভিজ্জে কাপড়েই ভাঁড়ার থেকে দুটো নারকেলনাড়ু বার করে এক ঘটি জল দিয়ে খেতে দেয়।

মেয়েমানুষটি বিদায় নিলে সত্য শুকনো কাপড় পরে ঘরে এসে বসে স্হাসকে উদ্দেশ্য করে বলে, “তার পর? আমার নামে হলিয়া বেরিয়ে গেছে লোখ হয়?”

স্হাস অগ্গদিকে ঘাড় কিরিয়ে বলে, “হলিয়া আবার কি? পিসেমশাই অস্থির হয়ে বেরিয়ে গেলেন, এই পর্যন্ত।”



“এই একদিনেই তোর পিসের কাছে আমার সব কাঁতি ফাঁস হয়ে গেল দেখছি—” সত্য বলে, “পাঠশালার খবরটা এযাবৎ চেপেচুপে ছিলাম—”

স্বহাস বোধ কবি আজকের সুযোগে তার মনের সন্দেহটা প্রকাশ করে বসে। মুখ তুলে ঝপ্ করে বলে ফেলে, “তা চাপাচাপিই কি ভাল? এদিকে তো তোমরা নিজেরাই বল স্বামী মেয়েমানুষের দেবতা।”

সত্যর মুখে আসছিল বলে, “তোর যে দেখি স্বামী না হতেই স্বামী-ভক্তি!” কিন্তু সামলে নেয়। কে জানে মেয়েটার কপালে “স্বামী” আছে কিনা। নিকপায় বুদ্ধিহীন মা তো কুমারী মেয়েকে বিধবা পরিচয় দিয়ে তার ভবিষ্যতের পায়ে কুড়ুল মেরে রেখে গেছে। এই রূপের ভালি মেয়ে, সভা নম্র, লেখাপড়ায় কত চাড়া, এ মেয়েকে যে স্বামী পেত, সে তো গুহৃত!

কিন্তু হয়তো দুঃখিনীর ভাগ্য দুঃখেই যাবে। তবু মনে স্থির করে রেখেছে সত্য, শেষ অবধি লড়বে মেয়েটার জন্তে। তাই না ব্রহ্মজ্ঞানীদের সম্পর্কে ঐহিক্য সত্যর, তাদের সঙ্গে চেনাজানার বাসনা।

ব্রহ্মজ্ঞানীরা নাকি খুব উদার।

বাগবিধবা মেয়ের বিয়েতে নিন্দেও নেই তাদের। সত্য প্রথমে ভেবেছিল সত্য ঘটনা প্রকাশ করে দেবে স্বহাসের কাছে।

কুমারী পরিচয়েই স্থুলে ভর্তি করে দেবে তাকে, কিন্তু সাতপাঁচ ভেবে সে ইচ্ছে স্থগিত রাখতে হয়েছে। প্রথম তো এত বড় আইবুড়ো মেয়ের কৈফিয়ত অনেক, জাত যাওয়ার প্রশ্নও আছে। তা সে হয়তো সত্য তার শায়ভাষণের জোরে একরকম করে মানিয়ে নিত, “গরীবের মেয়ের বিয়ে দিয়ে দিতে পারে না সমাজ, জাতটা নিয়ে নিতে পাবে? এ তর্ক তুলত। কিন্তু বাধা অগ্নিদিকেও।

এত বড় নিষ্ঠুর সত্য প্রকাশ হয়ে পড়লে মাকে কী ভাববে স্বহাস? কোন দিনই কি প্রাণ থেকে ক্ষমা করতে পারবে মাকে? যখন শুনবে কেবলমাত্র নিজের সুবিধার্থে মা তার কপালে দুর্ভাগ্যের ছাপ দেগে রেখে দিয়েছে, আজন্মকাল ষাওয়াপরা থেকে বঞ্চিত করে রেখেছে, মা কি নিতান্ত ছোট হয়ে যাবে না তার চোখে? স্বার্থপরতার নির্মমতায়? সে যে মরার ওপর খাড়ার ষা।

আর যদি মাকে সে দেবীর আসনে বেদীতে বসিয়ে রেখে থাকে, বিশ্বাসের

ভালবাসার ভক্তির নড়চড় না হয়, তা হলে হয়তো বা সত্যকেই সন্দেহ করে বসবে। ভাববে সত্যই এখন তার বিয়ের স্ববিধে কর্তে—

এই সব সাতপাঁচ ভেবেছে সত্য স্বহাসের সম্পর্কে। ভেবেছে, থাক, আরও একটু জ্ঞানবুদ্ধি বাড়ুক। সত্যিমিথ্যে বোরবার চোখ হোক। তখন দেখা যাবে।

তাই এখন ওদিক দিয়ে না গিয়ে সত্য দোষ মেনে নেওয়ার ভঙ্গীতে বলে, “স্বামী দেবতা এ কথা শুধু আমরা কেন, ত্রিজগতের সবাই বলে। কিন্তু দেবতার অসন্তোষ ঘটানোও তো দোষের রে! আমি পাঠশালা খুলে গুরুমশাইগিরি করছি শুনলে, তোর পিসে অসন্তোষের পরাকাষ্ঠা করবে বৈ তো না? অনর্থক রাগিয়ে দিয়ে লাভ? তাকেই মনে যস্তনা দেওয়া। আর না বুঝেবুঝে ছম করে যদি বারণ করে একটা দিব্যাদিশেষা দিয়ে বসে ভাতেও তো বিপদ!”

স্বহাস একটু চূপ করে থেকে আস্তে আস্তে বলে, “তা পিসেমশাই যাতে রাগ করতে পারেন, সে কাজ তোমার না করাই উচিত।”

সত্য স্বহাসের এই সন্ধিবেচনার কথায় খুশি হয়, তবে সত্য মনে মনে একটু হাসে। ভাবে তাই যদি উচিত হত, তুই কোথায় থাকতিস বাপু? এত কথা ভাববার মত বুদ্ধিই বা পেতিস কোথা থেকে? কম লড়ালড়ি করতে হয়েছে ওর সঙ্গে তোর জন্তে? তোকে কাছে রাখা নিয়ে তো বটেই, তা ছাড়া ইঙ্কলে ভর্তি করা নিয়ে?

সাহেবী ইঙ্কলে পড়ালে মেয়েকে, সে মেয়ের হাতের জল খাওয়া চলবে না, এ বলেও নিবৃত্ত করতে চেয়েছে নবকুমার। তবু সত্য ব্যাপারটা ষটিয়ে তুলেছে।

মনে পড়ে গেল সত্যর সেই কথাটা এই ‘উচিত অহুচিতের’ প্রসঙ্গে। মুখেও আসছিল, সামলে নিল, মূহু হেসে বলল, “তুই তো দেখছি অনেক শিখে ফেলেছিস! হ্যাঁ, বলেছিস ঠিক, উচিত নয়। কিন্তু দেখ, সব নিয়ম সব ক্ষেত্রে খাটে না। কত স্বামী হরিনামে অসন্তুষ্ট হয়, হরিনাম শুনলে জ্বলে ওঠে, তা বলে তার প্তী করবে না হরিনাম? তবে আবার তার কানের কাছে খোল্ পিটিয়ে নাম সংকীর্তন করাও ভাল নয়। আসল কথা, যে কাজটা করতে যাচ্ছ, আগে দেখবে সে কাজ ভাল কি মন্দ, সেই বিবেচনাটুকু রাখতে হবে, তার পর যতটা পারা যায় কাউকে না চটিয়ে সে কাজকে সামলে নিয়ে

উদ্ধার করা। যারা পছন্দ করে না তাদেরকে অগ্রাহ্য করাও হল না, কাজটাও হল।”

স্বহাসকে কি একেবারে বড় দলে ধেলেছে সত্য? তাই তার কাছে এত কৈফিয়ত? অথবা স্বহাসকে উপলক্ষ করে সত্য নিজের মনকেই কৈফিয়ত দিচ্ছে? স্বামীর সঙ্গে লুকোচুরি করতে, ভিতরে ভিতরে যে সূক্ষ্ম বিবেকের পীড়ন অনুভব করে সে, এ কৈফিয়ত তার জন্তে?

স্বহাস অবশ্য নিজেকে বড়ই ভাবে, পুরো একটা মানুষই ভাবে, তাই সত্যর কৈফিয়ত শুনেও আবার মতামত ব্যক্ত করতে সাহসী হয়। আর সত্যর কাছে আর যাই হোক সাহসী হতে বাধা নেই। তাই আন্তে বলে, “আমার তো মনে হয় হরিনামটা ভাল কাজ, সেটা বুঝিয়ে দিয়ে—”

সত্য হেসে ওঠে।

বলে, “কম বয়সে আমিও তোর মত করেই ভাবতাম স্বহাস, সব কিছু নিয়ে লড়াই করতাম, তরু করে অপরকে বুঝিয়ে ছাড়বার চেষ্টা করতাম, কিন্তু এখন বয়সে বুদ্ধি বাড়ার সঙ্গে সঙ্গে এইটা বুঝেছি অবিরত লড়াইয়ে কেবল শক্তিশাল্য। কাজের জন্তে যে শক্তি থাকা দরকার, সে শক্তির অনেকটা যদি তর্কেই খরচ করে ফেলি, তবে কাজটায় যে বিমিয়ে যাব। তাই যাতে সাপও মরে লাঠি না ভাঙে, সেই পথই ধরি। তবে ওই যা বললাম ক্ষেত্রবিশেষে। আর সেই ‘বিশেষ’টা চেনবার চোখ চাই বুঝলি? ‘মেয়েমানুষ কি মানুষ নয়, বলে অনেক তরু করেছি, কিন্তু দেখছি ক্রমশঃ সে তরু সমুদ্রে বালির বাঁধ। এই আমাদের পোড়া দেশে মেয়েমানুষ হওয়ার অনেক জালা বুঝলি? একটা সং কাজ করতে যাও, তাও পায়ে পায়ে বাধা। মাস্টার মশাই বলেন, অন্নদানের চেয়েও বড় পুণ্য বিত্যানানে। মানুষে আর জন্তু-জানোয়ারে যে শকাৎ সে তো ওই বিত্তে থেকেই! নইলে প্রাণী মান্তরেই তো খায়, ঘুমায়, হানা পাড়ে। মানুষ থেকে কীটপতঙ্গ পর্যন্ত। তা সেই বিত্তে বস্তুটা যার মধ্যে এতটুকুও আছে, তার উচিত আর একজনকে সে বিত্তের ভাগ দেওয়া। এ জিনিষ তো দানে কমে না, বরং বাড়ে। কিন্তু এসব কথা কজন বুঝতে চায় বল! চায় না।...আগে ভাবতাম, যা ঠিক, তা সবাইকে বুঝিয়ে ছাড়ব। বুঝিয়ে সোজা করব, কিন্তু এখন বুঝতে শিখেছি সে চেষ্টা হচ্ছে হাত দিয়ে হাতী মাথা, আকাশের তারা গোন। তার চেয়ে নিজের বিবেচনায় যা ঠিক বলে বুঝব, করে যাব একমনে। একদিন না একদিন

বুঝবে লোকে ঠিক কি ভুল। যারা বিরক্ত হয়েছে, অপছন্দ করেছে, তারাই মেনে নেবে।”

অনেকগুলো কথা একসঙ্গে বলে সত্য একটু চুপ করে জিরিয়ে নেয়। সূহাস সেই অবসরে চট করে উঠে গিয়ে এক ঘটি মিশ্রীর পানি এনে সত্যর মুখের সামনে ধরে।

সত্যর ভেতরটা বোধ করি এমনি একটা শাতল পানীয় চাইছিল। কোন কালে বাড়ি থেকে বেরিয়েছে। বিনাবাক্যে ঢকঢক করে মিশ্রীর জলটা খেয়ে নিয়ে মুহূ হেসে বলে, “মনের কথা টেনে নিয়ে তেষ্ঠার জল দিতে শিখেছিল, আর ভোব শেখবার কিছু বাকী নেই সূহাস। জগৎ-সংসারে শুধু এইটুকু শিকার সম্বল থাকলেই যথেষ্ট।”

সূহাস লজ্জার মাথা হেঁট করে।

সত্য তাকিয়ে দেখে।

রূপে শুধে যেন আলো করা মেয়েটা! কিন্তু, কিন্তু, শুধু কি ছিল এমনি?

সত্যর মনে পড়ে প্রথম দিনকার কথা। কী উদ্ভূত অনমন, ভেতর-চাপা, মুখ-গোঁজা গোঁছের স্বভাব ছিল সূহাসের। প্রতিনিয়ত তাকে নিয়ে অস্ববিধের পড়তে হয়েছে সত্যকে। নেহাৎ যে সত্য নিজেকে সামলে থেকেছে, সে শুধু মেয়েটা সস্ত্র মাতৃহারা বলে। আর তার ওপর মায়ের মৃত্যুটা বড় মর্মান্তিক, বড় আকস্মিক বলে।

ক্রমশঃ সূহাসের প্রকৃতিতে এসেছে নম্রতা, সভ্যতা, কোমলতা। দস্তবাড়ির দরুন বহুবিধ বদভ্যাস, যা সত্যকে পীড়িত করত, বিরক্ত করত, সেগুলো অস্তহিত হল আস্তে আস্তে, একটা মেয়ের মত মেয়ে হয়ে উঠল সূহাস।

তবে স্বভাবটা একটু গম্ভীর, চাপা।

হৃদয়-বৃত্তির বহিঃপ্রকাশটা কম। আনন্দ-বেদনা, সুখ-দুঃখ, খুশী-অখুশী বোঝা যায় না কট করে, বোঝা যায় না শ্রদ্ধা ক্রতজ্ঞতা স্নেহ। তাই আজ হৃদয়-বৃত্তির এই প্রকাশটুকুতে বড় বেশী পরিতৃপ্ত হয় সত্য।

সূহাসের ওই লজ্জানত মুখের দিকে তাকিয়ে বলে, “তা আমার এত দেরি হল কেন, তা তো জিজ্ঞেস করলি না কই?”

সূহাস মুহূ হেসে বলে, “জিজ্ঞেস করতে যাব কেন? বলবার হল, তুমি নিজেই বলবে।”

“বলবার হলে ? শোন কথা !” সত্য বলে, “বলবার নয়, এমন কাজ তোর পিসি করে বেড়ায় বুঝি ?”

“বাঃ, তাই বলেছি নাকি ? বলেছি—”

তা স্হাসের আর কথার শেষটা বলা হল না, উঠোনের দরজা ঠেলে দুই মূর্তিমান ঢুকলেন। নবকুমার আর নিতাই।

দুজনের মুখ থেকেই একটা করে সম্বোধন বেরোল।

“বড়বোঁ !”

“বোঁঠান ?”

সত্য মাথার কাপড়টা একটু টেনে উঠে দাঁড়ায়।

নবকুমার বসে পড়ে।

বসে পড়ে বলে, “কী ব্যাপার তোমার বড়বোঁ ? ভরহুপুরে রোজ তুমি যাও কোথায় ? আজই বা এতক্ষণ ছিলে কোথায় ? তোমার এসব রীতনীত তো ভালো ঠেকছে না আমার ?”

সত্য এক মুহূর্ত নবকুমারের সেই বিপর্যস্ত মূর্তির দিকে তাকিয়ে, একটু মুখ টিপে হেসে বলে, “তাই বুঝি ? আমার রীতনীত আর ভাল ঠেকছে না তোমার ?”

হাসি।

সত্য হাসছে।

তার মানে, হয় তার মনে কোনও অপরাধ-বোধ নেই, নয় সে পাকা ঘুষু। নিতাইয়ের জ্ঞান থাকে না যে সে হাঁ করে সেই চাপা হাসিতে উজ্জ্বল অর্ধাবগুষ্ঠিত মুখের দিকে তাকিয়ে আছে এবং রীতিনীতির দিক দিয়ে সেটাও খুব শোভন নয়।

নবকুমার কিন্তু এখন বিহ্বল নয়। এই এতক্ষণার উদ্বেগ অশান্তি দুশ্চিন্তা সব কিছুর যন্ত্রণা তার রাগের বাঁজ হয়ে ফুটে ওঠে। সত্যর হাসিটা তাতে ইন্ধন যোগায়। তাই এবার তেড়ে দাঁড়িয়ে উঠে বলে, “না, ঠেকছে না। আমার মনে হচ্ছে তোমার মতিবুদ্ধি মন্দপথে যাচ্ছে।”

শুধু নবকুমার থাকলে সত্য দপ্ করে উঠত কিনা কে জানে, কিন্তু এখন সঙ্গ নিতাই। ওর সামনে রেগে উঠলে মান থাকে না। তাই সত্য তেমনি ভাবেই বলে, “তা তোমার যখন মনে হচ্ছে, তখন অবিশ্রিই তার একটা গায্য কারণ আছে। বিজ্ঞ বিচক্ষণ পুরুষ তুমি। তা হলে এখন এই দুই

পরিবারকে নিয়ে কি করবে বল? বনবাস? অগ্নিপরীক্ষা? না কেটে গদ্য বিসর্জন?”

এ কী হুসহ স্পর্ধা! নবকুমারের মুখে কথা যোগায় না।

নিতাই এতক্ষণে কথা বলে।

বলে, “কিন্তু বৌঠান, আপনি যে আমাদের ধাঁধায় ফেলে মজা দেখছেন, তারও তো একটা বিহিত চাই। এই আজ বিকেল থেকে ও হতভাগার কাঁ গোয়ে! আর আমিও আজ এই সমগ্র দিনটা না খাওয়া, না দাওয়া, তার ওপর বোয়ের কাছে মুখ হেঁট—”

“ওমা! ধাঁধায় যে তুমিই আমাকে ফেলছ ঠাকুরপো! তোমার খাওয়া-দাওয়াতেই বা আমি হস্তারক হলাম কি করে? আর বোয়ের কাছে মুখ হেঁট হবার দায়ীকই বা হলাম কেন? কিছু তো বুঝতে পারছি না। মুখ তো দেখছি কড়ি হয়ে গেছে!”

বেচারি নিতাই, উপোস সে একেবারে সহ করতে পারে না, সেই উপোস আজ সারাদিন, তার উপর এত রকম কথাবার্তা, সর্বোপরি এই স্নেহবাণী, তার চোখের প্লায় দুর্বল হয়ে বিশ্বাসঘাতকতা করে বসে। আর সেই বিশ্বাসঘাতকতার লজ্জাটা ঢাকতে সে তার বোয়ের কাছে হেঁট হয়ে যাওয়া মাথাটা আর একবার হেঁট করে।

“না, এই দুটি বুড়ো খোকা হয়েছেন সমান,” সত্য এবার ব্যঙ্গের রূপ ছেড়ে সদয় রূপে আসে, “এই অবস্থার জন্মেই আমাকেও বুড়ো বয়সে ছলচাতুরী ধরে মরতে হচ্ছে।...কিন্তু তার আগে ঠাকুরপো, কিছু খাও দিকি, মনে হচ্ছে বোয়ের সঙ্গে ঝগড়া করে হরিমটর চালিয়েছ আজ।...স্বাস, আগে তোর ছোট পিসেমশাইকে একটু কিছু খেতে দে তো—”

“না না, আমার কিছু লাগবে না—”, বলে প্রতিবাদ করে ওঠে নিতাই।

সত্য মুহূহে বলে, “লাগবে কি না লাগবে সে কি তুমি বুঝবে?”

স্বাস বিনাবাক্যে দুখানি ঝকঝকে কাঁসার রেকাবে দুই পিসের জন্মেই খাবার এনে ধরে দেয়। বাড়িতে মজুত খাবার যা হয়, দুটি নারকেলনাড়ু “খানচারেক জিবেগজা, আর একবাটি মুড়ি।

হঠাৎ নিতাইয়ের ভারী হুঃখ হয়। তার ধনেও তো এমন কিছু অপ্রতুল নেই, অথচ এমন পরিপাটিত্ব কোন সময় চোখে পড়ে না। এই যে নবকুমার মাঝে মাঝে যায়, কই নিতাইয়ের বৌ তো কোনদিন এ

গেলাস জল এগিয়ে দেয় না? খিদে দুর্দমনীয় হলেও, হাত বাড়িয়ে নিতে ইচ্ছে হচ্ছে না যেন!

নবকুমারও ভারী মুখে বলে, “আমার খাবার দরকার নেই।”

সত্য গম্ভীর ভাবে বলে, “তোমাদের দরকারে তো খেতে বলা হচ্ছে না, আমার দরকারেই বলা হচ্ছে। খাও, আমি বসে বসে আমার অপরাধের দ্বানবন্দী দিচ্ছি।”

অগত্যাই দুজনকে হাত বাড়াতে হয়।

সত্য বলে, “রোজ কোথায় যাই, সে বিত্তান্ত সুহাস জানে, ছেলেরা জানে, জান না শুধু তুমি। জানাব তোমাকে, তবে তার আগে কথা দিতে হবে, যে কাজ করছি নিষেধ করবে না।”

“বাঃ! এ যে সাদা কাগজে সই—,” নবকুমার বলে, “কাজটা ভাল কি মন্দ না জেনে—”

সত্য এক মুহূর্ত চুপ করে থেকে শান্ত স্থির গলায় বলে, “তাকাও আমার দিকে। দু বন্ধু আছ, দুজনেই তাকাও, পষ্ট তাকিয়ে বল, আমি একটা মন্দ কাজ করছি, এ সন্দেহ সত্যি আছে তোমাদের মনে? বল—তবে আমি তোমাদের কথার উত্তর দেব।”

বলা বাহুল্য দু বন্ধুর কেউই চোপ তুলে তাকায় না, বরং দুজোড়া চোখ একেবারে নতমুখী হয়ে যায়।

সত্য একটু অপেক্ষা করে বলে, “বুরলাম। শোন, রোজ দুপুরে আমি পাঠশালা পড়াতে যাই।”

নবকুমার এবার চোখ তোলে।

চমকে! শিউরে!

নিতাইও প্রায় তাই! বলে, “পড়াতে!”

“হ্যাঁ, পড়াতে। সর্বমঙ্গলাতলায় রোজ দুপুরে মেয়েমহলের একটা আড্ডা হয়। গিন্নী, মাঝবয়সী। বোঁ বি আছে দু-একজন। সাধ করে কেউ বা মায়ের ফুল বিষ্টিপত্তর বেছে রাখেন, কেউ বা মালা গাঁথেন, একজন আছেন মুখে মুখে পুরাণ-কাহিনী রামায়ণ-মহাভারতের কাহিনী বলেন, পাঁচজনে শোনে। আবার গালগল্পও খুব চলে। এটা দেশে মাস্টার মশাইয়ের মাথায় এসে গেল—”

আবার মাস্টার মশাই!

নবকুমারের মুখটা বিকৃত হয়ে ওঠে। সত্য সেটা দেখেও দেখল না, বলতে লাগল, “মাথায় এসে গেল এই মেয়েমানুষদের নিয়ে একটা পাঠশালা খুললে কেমন হয়, বৃথা গালগল্পে সময় নষ্ট না করে—খুলে দিলেন ‘সর্বমঙ্গলা বিছাপীঠ’! আমায় ধরলেন পড়াতে। বললেন, ‘গুরুকে এবার গুরুদক্ষিণা দাও, পড়াও এদের।’ দেখলাম কাজটা পুণ্যের, বললাম, ‘বেশ।’”

“বললাম বেশ!” নবকুমার চঞ্চল হয়ে বলে ওঠে, “আমাকে একবার শুধোবারও দরকার নেই?”

“আহা, সে অপরাধ তো একশোবার স্বীকার করছি, কিন্তু তুমি যদি ‘দুর্ম’ করে দিবি দিয়ে বসতে? সে স্টেলে তো আর করা হত না? তাই মা সর্বমঙ্গলার নাম করে লেগে গেলাম।...বই খাতা শেলেট সব মাস্টার মশাইয়ের ধরচ।”

“তোমার এত বিঘ্নে যে মাস্টারি করতে এগোও—”

নবকুমারের এই ব্যঙ্গোক্তিতে সত্য মুহূ হেসে বলে, “মাস্টারি করা তো সত্য বামনীর জন্মগত পেশা গো, আজন্ম তো মাস্টারি করেই এলাম। স্বভাবের দোষেই এগিয়ে পড়লাম। আর বিঘ্নে? সে ওই পড়াতে পড়াতেই এগোবে। যতটুকু পারি ততটুকুই করে যাব।”

নিতাই আন্তে আন্তে বলে, “বয়সওলা মেয়েরা পড়ায় মন দিচ্ছে?”

“খুব খুব! দু-একজন বাদে শিখেও কেলেছে চটপট! দেখলে বুঝতে, নিজেরা রামায়ণ-মহাভারত পুরাণকাহিনী পড়বার জন্তে কী আগ্রহ! দেখে মনে হয় জীবন সার্থক হচ্ছে আমার।”

নবকুমারের মুখ তথাপি হালকা হয় না। বলে, “মাস্টার মশাই যে ধর্মের মাথায় ঝাড়ু মেরে বেম্ব হয়েছে, সে কথা নিশ্চয় জানে না ওরা?”

“জানবে না কেন? তবে তোমার মতন সবাই অত গোঁড়া নয়। মাস্টার মশাইয়ের হাতে ভাত তো খেতে যাচ্ছে না কেউ। আর ধর্মের ‘মাথায় ঝাড়ু মারাই বা বলছ কেন? ব্রাহ্মধর্মও হিন্দুধর্ম। কান দিয়ে শোন না তো কিছু? এই যে আজ অত বড় ব্রাহ্মসমাজের চাই কেশব সেনের বাড়ি পরমহংস এসেছিলেন—”

“কী কী! কোথায় কে এসেছিলেন?”

নবকুমার কাছা খুলে দাঁড়িয়ে ওঠে।

“পরমহংসদেব,—বলি তাঁর নামটাও কি শোন নি কখনো?”



“শুনব না কেন?” বেজার মুখে বলে নবকুমার, “দক্ষিণেশ্বরে দেখেও তো এসেছি সেবার আপিসের বন্ধুদের সঙ্গে। তা তিনি—”

“হ্যাঁ, তিনি। কেশব সেনের বাড়িতে এসেছিলেন। সেই দেখতেই তো আজ আমার এত দেরি, আর তোমাদের কাছে সব ফাঁস!”

নবকুমার স্তম্ভিত দৃষ্টিতে কিছুক্ষণ তাকিয়ে থেকে বলে, “তোমাকে আর কিছু বলবার নেই আমার বড়বোঁ, তুমি আমার নাগালের উর্ধ্বে চলে যাচ্ছ। কিন্তু কেশববাবুর বাড়ি গেলে কি করে?”

“কি করে আবার? একা নাকি? আরও কত মেয়েমানুষ গেল। দল করে শেয়ারের ঘোড়ার গাড়ি ভাড়া করে—যেখানে দল, সেখানেই বল। কত চমৎকার গান হল, প্রাণ যেন ছুড়িয়ে গেল।”

“বুক কাঁপল না?”

“বুক কাঁপবে কেন? সত্য অর্থাৎ দৃষ্টিতে বলে, “এই যে মেয়েমানুষেরা তাঁর ঘেঁষা যায়, যোগে গল্পাচ্ছান করতে যায়, দেবস্থানে মেলা দেখতে যায়, সাধুসন্নিসাী দর্শনে যায়, কই বুক কাঁপার কথা ওঠে না!...এসব জায়গায় মাঝে মাঝে যেও গো, তা হলে দিষ্টটা খুলবে।”

“আমরা যাব? হঁ!” নবকুমার বলে, “আমরা ‘স্কুদুর প্রাণী, আমাদের অত সাহস কোথা?”

সত্য উঠে পড়ে বলে, “নিজেকে চব্বিশ ঘণ্টা ‘স্কুদুর প্রাণী,’ স্কুদুর প্রাণী’ ভাবলেই মনটা স্কুদুর হয়ে যায়। স্কুদুরই বা ভাবতে যাব কেন? সব মানুষের মধ্যেই ভগবান আছেন, এটা মানো তো? সেই ভগবানের জোরেই জোর। সেই ক্ষেত্রে সবাই বড়।”

নিতাই সন্তর্পণে একটা নিশ্বাস কেলে।

তার বোঁকে সে বোঁঠানের কাছে আসতে বলে। সাতজন্য পার করে এসেও নিতাইয়ের বোঁয়ের সাধা হবে এসব চিন্তা করতে?...নবকুমার ঠিকই বলেছে সত্য যেন তাদের নাগালের উর্ধ্বে চলে যাচ্ছে।

নবকুমার তাই টেনে নামাতে চেষ্টা করে, “তা সে যাই বেশববাড়ি থেকে এসে কাপড়-চোপড় ছেড়েছ? মাথায় একটু গল্পাঙ্গীবাসের করেছ?”

ঠে এই

সত্য মুহূ হেসে বলে, “সেটা করেছি বাড়ির জন্তে নয়, গাড়ি গাড়ির কাপড়ে কোনকালেই থাকি না। ভেবেচিন্তে বুঝি এ

আনলে এতক্ষণে ?...যাক্, ছেলেরা কবে আসবে ? ওরা নেই, বাড়ি ফাঁকা ফাঁকা ঠেকছে—”

নবকুমার বেজার মুখে বলে, “তোমার আবার ফাঁকা ঠেকা ! তোমার মনপ্রাণ তো সব তত্ত্বজ্ঞানে ঠাসা। সেখানে আবার স্বামী-পুস্তুরের জায়গা কোথা ? বেশ বুঝছি তোমার বাপের মতই কাষ্ট-কঠিন হয়ে যাবে তুমি—”

সত্য শাস্ত্র গলায় বলে, “বাবার মতন ? বাবার চরণের নখের এক কণা হতে পারলেও ধন্য মনে করব নিজেকে ।...কিন্তু আজ আবার এ কথা কেন ? নিজে মুখেই তো বলেছিলে, ‘বাবা মানুষ নয় দেবতা’।”

“সে কথা এখনও বলছি। কিন্তু দেবতাকে দূরে থেকে পুষ্পাঞ্জলি দেওয়াই ভাল, নিয়ে ঘর করায় কোন সুবিধে নেই।”

সত্য হেসে ফেলে বলে, “দেখ ঠাকুরপো, তোমার বন্ধুর কত উন্নতি হয়েছে ! কত বাক্য শিখেছেন !”

আর নিতাই এতক্ষণে কিঞ্চিৎ ধাতস্থ হয়ে বলে, “না শিখলে তো শাস্ত্ররই মিথ্যে বোঠান। সদগুণ বলে কথা—”

কথার মাঝখানে হঠাৎ স্তব্ধ পাতালের ঘর থেকে এসে বলে, “কে যেন আসছেন মনে হচ্ছে।”

পাতালের ওই ঘরের দুটো জানলাই রাস্তামুখো, স্তব্ধ খুব সম্ভব সেখানেই দাঁড়িয়েছিল।

এরা স্তব্ধ হয়ে বলে, “কে ? কে আসছেন ?”

“চিনি না। বড়ো মতন, কিন্তু খুব লম্বা,—কর্সা—সোজা—”

লম্বা ! কর্সা ! সোজা—

সত্যর বুকটা ছাঁৎ করে ওঠে ! আর পরক্ষণেই সেই ছাঁৎ করা বুকটা হিম করে দিয়ে উঠানের ওদার থেকে একটি মুহূ গম্ভীর ভারী গলায় প্রশ্ন ধ্বনিত হয়, “বাড়িতে কে আছেন ?”

“বাবা !”

কিন্তু সত্য বিদ্যুৎগতিতে ঘর থেকে বেরিয়ে আসে। তারও আগে নিতাই পশ্চিমহাঙ্গুড়, পিছনে নবকুমার। আর ততক্ষণে সেই মুহূ গম্ভীর ভারী গলায়

“কীকটি প্রশ্ন উচ্চারিত হয়, “এইটাই কি নবকুমার বন্দ্যোপাধ্যায়ের নবব

“পল্ল ! বাবা গো ! তুমি !”

সত্য প্রণামের মাথাটা না তুলেই বলতে থাকে, “আমার যে সত্যি বলে বিশ্বাস হচ্ছে না—”

“তবে স্বপ্নই ভাব।” বলে মৃদু হেসে রামকালী দাঁড়ায় ওঠেন।

নবকুমার নিতাই হুজনেই প্রণাম করে। আর মনে মনে ভাবে, অনেক দিন বাঁচবেন ইনি। ঠিক যে মুহূর্তে ওঁর কথা হচ্ছিল, সেই মুহূর্তেই এমন আকস্মিক এসে পড়া—

আবেগের উজ্জ্বল প্রাণমিত হতে এবং কুশল বিনিময় হতে কিছুক্ষণ যায়। তার পর আসার কারণ ব্যক্ত করেন রামকালী। তিনি কাশীবাসের সংকল্প করেছেন, তাই শেষ একবার সত্যকে দেখতে এসেছেন।

কাশীবাস!

সত্য ভেঙে পড়ে বলে, “বাবা! এই সংকল্প করেছে তুমি? তাই এই হতভাগা মেয়েটাকে দেখা দিতে এসেছ? আমি যে কিছু জানি না বাবা, তাহলে সব ফেলে ছুটে চলে যেতাম তোমার কাছে!”

রামকালীর এই আকস্মিক আবির্ভাবে সত্য যেন তার চির-অভ্যন্ত স্থিরতা হারিয়ে ফেলতে বসেছে।

একে তো অপ্রত্যাশিত আনন্দের আবেগ, তার সঙ্গে অন্তর্নিহিত এক চিন্তা—তাদের এই বাসাবাড়িতে বাবা জলগ্রহণ করবেন কিনা। জলও তো কলের জল। যদি এ জল না খান, না হয় গঙ্গাজলেরই ব্যবস্থা করবে, কিন্তু বাসাবাড়ির দোষ খণ্ডাবার উপায় কি?

গেরস্তবাড়িতে গুরু আসা দেখেছে সত্য, সেভাবে করতে পারে, কিন্তু বাবা কি সেই অতি যত্ন অতি সেবা নেবেন? এই সব চিন্তার সঙ্গে উপচে উঠছে এক অব্যক্ত বিচ্ছেদ-ব্যাকুলতা।

বাবাকে সে নিত্য দেখেছে না সত্যি, কিন্তু জানে বাবা রয়েছেন, সত্যর সেই চির-পরিচিত পরিবেশের মাঝখানে বাবার চিরঅভ্যন্ত জীবনে।

কিন্তু কাশীবাস!

সে যে চিরবিরহের সমতুল্য। এ তো এক প্রকার মৃত্যু। কাশীবাসের সংকল্প মানেই সংসার থেকে মুখ কিরোনো। সাতপাঁচ চিন্তায় সত্যর কণ্ঠে এই আবেগ, এই আকুলতা!

রামকালী বোঝেন।

তাই রামকালী এই অস্থিরতাকে ঈষৎ প্রশয়ের দৃষ্টিতে দেখেন। আর মেয়ের কথার উত্তরে মুহূ হেসে বলেন, “তুমি যাও নি, আমিই তোমার কাছে এলাম। একই কাজ হল।”

প্রণামান্তে নিতাই চলে গিয়েছিল, নবকুমার সত্যর কথা বলার সুবিধের জন্তে একটু তফাতে গিয়ে বসেছে। সত্য তাই স-আক্ষেপে বলে, “দুই কি আর এক হল বাবা? সে আমি বাপের মেয়ে বাপের কাছে গিয়ে পড়তাম, আগের ছোটটি হয়ে যেতাম। যা প্রাণ চায় বলতাম। আর এ তুমি কুটুম-বাড়ি এসেছ, আমি পরেব স্বরের বৌ, আমার প্রতিপদে বাধা। কী বা বলব, কী বা কইব!”

নবকুমার তফাতে বসলেও, এত তফাতে নয় যে সত্যর বাক্যাবলী তার কর্ণগোচরিত হতে কোনও বাধা হচ্ছে। সে সহসা নৈব্যক্তিক স্বগতোক্তি করে ওঠে, “হায় ভগবান! প্রতিপদে বাধা! পা আরো অবোধ হলে কী যে হত!”

রামকালী সচকিত হয়ে বললেন, “কী বললে বাবাজী?”

নবকুমার গম্ভীর গলায় বলে, “না, এমন কিছু নয়। তবে নাকি আপনার মেয়ে আক্ষেপ করছেন, প্রতিপদে বাধা, তাই বলছিলাম। আপনাদের নিত্যানন্দপুরে এমন কোন্ মেয়েটা আছে, আর আমাদের বাঃইপুরে এমন কোন্ বৌটা আছে, যে আপনার মেয়ের সমতুল্য স্বাধীন, তাই বরং জিজ্ঞেস করুন।”

রামকালী অমূভব করেন নালিশের স্বর।

তাই মুহূ হাসেন।

বলেন, “তা যদি হয় সেটা তো ভালই। আমার মেয়ে যে ‘বীকের কৈ’ হবার জন্তে জন্মায় নি, সে আমি তার শৈশবকালেই বুঝছি।”

সত্য আর বাপের উপস্থিতি স্বামীর উপস্থিতি ইত্যাদি মানতে পারে না, ঘোমটাটা আর একটু টেনে বলে, “আচ্ছা বাবা, তুমি এই তেতেপুড়ে এসেছ, এ সময় নালিশ কোরেন্দ করতে বসটা খুব ভাল হচ্ছে? থাকবে তো দু’চার দিন, পরে যত খুশি—”

“ওরে বাবা! দু’চার দিন কি রে? একটা দিনের জন্তে চলে এলাম। কাল যাবো।”

“একটা দিন! বাবা মাস্তুর একটা দিনের জন্তে এলে তুমি?” সত্য কেঁদে কেলে, “তোমার সঙ্গে যে আমার অনেক কথা—”

হ্যাঁ, বাবার সঙ্গে সত্যর অনেক কথা।

কতদিন ভেবেছে চিঠি লিখে সব বলে বাবাকে, প্রশ্ন করে—কোনটা ঠিক, কোনটা ভুল, কিন্তু লিখতে গিয়ে দেখেছে অগাধ কথা। এত কথা কি চিঠিতে লেখা যায়? তা ছাড়া উত্তর-প্রত্যুত্তরের মধ্যে বক্তব্য বোঝানো যায়, শুধু এত রক্ষা পেশ করা যেন টেকসিয়ত নাশিল করা।

বাবা যদি উত্তরে লেখেন, এত কথা আমায় লেখার উদ্দেশ্য কি?

অথচ ব্রাহ্মধর্ম কি, কোন একজন চিরহিতৈষী গুরুজন যদি হঠাৎ ব্রাহ্মধর্ম নিয়ে বসেন, তাঁকে ত্যাগ করাই সমীচীন কিনা, “গেরস্তম্বের মেয়ে, অথবা গেরস্তম্বের নৌ”, এই অপরাধে জগৎ-সংসারের সকল প্রকার কাজ থেকে তাদের বঞ্চিত হওয়াই বিধি কিনা, স্বামী যদি হিতাহিতে অন্ধ হন, মেয়েমানুষের সেই অন্ধপথেই চলা নিয়ম কিনা, এমন অনেক প্রশ্ন তো আছেই, সবোপরি প্রশ্ন শঙ্করীর মেয়ের প্রশ্ন। শঙ্করীর কথা বলে যখন বাবাকে চিঠি লিখেছিল, তখন রামকালী উত্তর দিয়েছিলেন, ‘যে যত বড় অপরাধেই অপরাধী হোক, সে যদি অমৃতপ্ত হয়ে থাকে, তাকে ক্ষমা করাই কর্তব্য। তা ছাড়া তোমার বিবেচনার ওপর আমার আস্থা আছে।’

সুহাস সম্পর্কে কোন্ সিদ্ধান্ত গ্রহণ করবে, এ একবার বাবাকে জিজ্ঞাস করবার তার বিশেষ ইচ্ছে।

কিন্তু বাবা কি না একদিন মাত্র থাকবেন?

তার মানেই সত্যর এই বাসাবাড়িতে তিনি ষাওয়া-মাথা করবেন না। হয়তো কলমুল আর গন্ধাজল খেয়েই একটা বেলা কাটিয়ে দেবেন। সত্যর আর পিতৃসেবার পুণ্য হবে না। এত সব উচ্ছ্বাস মনের মধ্যে আলোড়িত হতেই চোখের জল বাঁধ মানে না।

রামকালী আস্তে তার মাথায় একটু স্পর্শ রেখে বলেন, “একটা দিনই কি কম হল রে? কত কথা বলবি, বল না?”

“আর কথা। আমার তো শুধু উপ্চে উপ্চে কান্নাই আসছে বাবা।”

আঁচল ভিজে জ্বজ্ববে হয়ে ওঠে সত্যর।

অনেকক্ষণ পরে প্রশমিত হয় সে কান্না। কথাও হয়। যত কিছু বলার ছিল সব বলে কেলে সত্য, তার চিরদিনের ধ্বংসারার কাছে।

রামকালী নবকুমারকে মৃদু ভৎসনা করেন। বলেন, “সে কি মাস্টার মশাই তোমার চিরহিতৈষী, তাঁকে ত্যাগ করবে কি? তাঁর ধর্ম বিশ্বাস তাঁর কাছে। এই যে আমি, আমি শান্ত কি নৈষ্কল্য, এইটা বিবেচনা করে দেখতে যাবে তোমরা? -না দেখবে—বাবা? গুরু, শিক্ষক এঁরাও তেমনই পিতৃতুল্য। তা ছাড়া তিনি তো তাঁর ধর্মবিশ্বাস তোমার ওপর চাপাতে আসছেন না? তোমার কোনো অনিষ্ট আসছে না তা থেকে? তবে?”

সত্যর ওই পাঠশালায় পড়ানো শুনে রামকালী কিছুক্ষণ চুপ করে থেকে আস্তে আস্তে একটি নিশ্বাস ফেললেন। তার পর বললেন, “সত্য, তোর মাকে তোর মনে পড়ে?”

“মাকে মনে পড়ে না? কী বলছ বাবা?” আবার সত্যর চোখ উপচে ওঠে।

“না, তাই বলছি। তোর মা থাকলে, একথা শুনে ভয় পেত, বুঝলি? নির্ধাত ভয় পেত। আবার আড়ালে বলতো, আমি জানি ও আমার ক্ষণজন্মা মেয়ে।”

উত্তর পেয়ে যায় সত্য। তার কাজ ভুল কি ঠিক জেনে যায়।

শুধু স্নহাসকে নিয়ে কিছুক্ষণ আলোচনা চলল। কিছুটা বাদ-প্রতিবাদও বুঝি। তখনও সত্য স্নহাসকে সামনে আনে নি রামকালীর।

রামকালী বলতে চাইছিলেন, বিয়ের চেষ্টার প্রয়োজন কি? বেশ তো লেখাপড়া শিখছে ভাল কথা। নিজের জীবিকা নিজে অর্জন করতে পারে, সেটা মঙ্গল। কলকাতায় তো আজকাল এ রকম হচ্ছে। বিদ্যুৎ মেয়েরা গৃহশিক্ষয়িত্রী হয়ে অথবা মেয়েস্কুলে পড়িয়ে উপার্জন করছে।

“কিন্তু বাবা—”, সত্য বলে, “মা-টা তো চিরদুঃখিনী হয়ে দুঃখে-দুঃখেই মরল। মেয়েটাও কোনদিন ঘর-সংসারের মুখ দেখবে না?”

“মা-বাপের প্রায়শ্চিত্ত তো সম্ভাবনকেই করতে হয় সত্য।”

“আর যদি হচ্ছে করে কেউ ওকে বিয়ে করতে চায়?”

রামকালী মাথা নেড়ে বলেন, “কে চাইবে? একে তো জন্মের গোড়াতেই অত বড় গলদ, তার ওপর মেয়ের যথেষ্ট ব্যয়স হয়ে গেছে, বিধবা কি কুমারী তারও নিশ্চয়তা নেই—”

সত্য তখন নিজের গোপন ইচ্ছে ব্যক্ত করে। মেয়েটাকে যদি ব্রাহ্মধর্ম

গহণ করিয়ে ব্রাহ্মসমাজের কোনও সমাজ-সংস্কারক পরহিতৈষী যুবকের হাতে তুলে দেওয়া যায়! স্নানসের যোগ্য বয়সের অবিবাহিত ছেলে ও সমাজে পাওয়া যায়।

রামকালী যেন এ প্রস্তাব সমর্থন করেন না। তুচ্ছ একটা মেয়েব বিয়ে বিয়ে কবে এত কাণ্ডর দরকার কি, এই যেন তাঁর মত। তাই সহসা গম্ভীর হয়ে গিয়ে বললেন, “যদি জিজ্ঞেসই করছ তো তা হলে বলি, একটা খুঁতওলা বংশের ধারা বাড়িয়ে চলে লাভ কি?”

“লাভ ওই মেয়েটার সংসাব। মেয়ে বলেই কি ‘তুচ্ছ’ বাবা? একটা মানুষের জীবন তো?”

“মানুষের জীবন শুধু ভোগেই সার্থক নয় সত্য, ত্যাগেও সার্থকতা আছে। ও তো জানে ও বিধবা, বালবিধবাব যেমন ভাবে জীবন কাটে—”

“কী ভাবে আর তাদের কাটে বাবা?” সত্য হতাশ নিশ্বাস ফেলে বলে, “চিরতুঃখেই কাটে। পিসঠাকুমার মতন আর ক’জন হয়? তাও তিনিও মনের দায় শুচিবাই করে বিশ্বস্বল্প লোককে অতিষ্ঠ করেছেন—”

রামকালী সহসা স্তব্ধ হয়ে যান। যেন মোক্ষদাকে চোখের ওপর দেখতে পান। পূর্বের সেই স্ববর্ণনা তীব্র দীপ্তময়ীকেও দেখেন, আর তার পিছনে— কাহার পিছনে ছায়ার মত, সূর্যের পিছনে রাত্নর মত, বর্তমানের রোগজীর্ণ মোক্ষদার প্রভাত্যাকেও দেখতে পান। যে মোক্ষদা এখন ভীমরতী হয়ে যা-তা করে বেড়াচ্ছেন। লুকিয়ে চুরিয়ে খাবার জন্তে নাকি সর্বদা হেঁক হেঁক করে বেড়ান তিনি, “দেখ্ তোমর, না দেখ্ মোর” নীতিতে মুঠো কবে মাছভাজা নিয়ে মুখে পুরে বসে থাকেন।

আর সারদা রাতদিন গালমন্দ করে টেনে টেনে নিয়ে গিয়ে পুকুরে চুবিয়ে খানে।

একথা তবু জানে না সত্য।

সত্য সেই শুচিবাইটাই জানে।

রামকালী একটু চুপ করে থেকে বলেন, “দেখ। তেমন পরোপকারী ভাল ছেলে যদি পাও।”

“তোমার আশীর্বাদ না পেলে, এত বড় কাজ করতে ভয় খাচ্ছি বাবা। তুমি মন খুলে সাহা দিয়ে যাও—”

রামকালী একটু হেসে বলেন, “মন কি ঘরের জানলা-দরজা সত্য, যে

গায়ের জোরে খোলাবি ? তবে—আশীর্বাদ আমি করছি। তোর কাজে ভগবান সহায়।”

সত্যর আশঙ্কাই ঠিক।

রামকালী সামান্য কিছু ফলমূল গ্রহণ করেন, এবং জানান পরদিনও তাঁব পূর্ণিমার ব্রত।

“এই বুঝেই তা হলে তুমি এসেছ বাবা?” সত্য কঁাদ কঁাদ হয়ে বলে, “আমি তোমার এমন অধম মেয়ে যে জীবনে একদিন রেঁধে ভাত দিতে পারলাম না।”

রামকালী সহসা একটি গভীর নিশ্বাস ফেলে বলেন, “জীবনের কথা কি এখুনি বলে শেষ করে ফেলা যায় সত্য? জীবনের পরিণতি গুহাব অন্ধকারে।”

তার পর বলেন, “এত কথা হল, কই সে মেয়েটাকে তো দেখলাম না?”

“কি জানি বাবা, কি লজ্জা ঢুকেছে তার মনে, চৌকিতে পড়ে কঁাদছে।”

কঁাদছে! রামকালী একটু চকিত হন।

আর কিছু বলেন না।

কিন্তু পরদিন সকালে যখন স্নান-আফিক সেবে বসেছেন, তখন স্নান-মাথা নীচু করে এসে আস্তে আস্তে প্রণাম করে রামকালীকে।

পূব জানলা দিয়ে সকালের আলো এসে মেয়েটার মুখে পড়ে যেন তাকে একটা স্নিগ্ধ কৌমার্যের দ্যুতিতে স্নান করিয়ে দিয়েছে। আর নম্র অথচ দৃঢ় মুখেব রেখায় একটি প্রত্যয়ের আভা। পাতলা ঋজু দীর্ঘ দেহের গড়নেও সেই প্রত্যয়ের দৃঢ়তা।

রামকালী বুঝি এমনটি আশা করেন নি।

রামকালী যেন বিচলিত হন।...হঠাৎ বহুদিন পূর্বের একটা কথা মনে পড়ে যায় তাঁর। মনে পড়ে যায়, পুকুরঘাটের ধারে বসে থাকা একটা বিধবা মূর্তি। কেমন সেই মূর্তি রামকালী কি দেখেছিলেন?

মাথায় হাত ঠেকিয়ে আশীর্বাদ করেন রামকালী।

তার পর গম্ভীর শাস্ত গলায় বলেন, “সত্য, এ যে তপস্বিনী উমা।”

সত্য হাসি হাসি মুখে স্নানসের মুখের দিকে তাকায়। এ প্রশংসা যে তারই! স্নান যে তার হাতে গড়া প্রতিমা।



কচি নয়, শিশু নয়, পনেরো বছরের ধাড়ী মেয়েটাকে কাছে এনেছিল সত্য, তার বহুবিধ অশিক্ষা কুশিক্ষা আর চরিত্রগত বহু দোষের সমষ্টি সমেত।

এই ক'বছরে মাত্র ভেঙেচুরে গড়েছে সেই মেয়েকে।

অবশ্য প্রকৃতির নিয়মে তার নিজের ভিতরেও একটা প্রবল ভাঙাগড়ার কাণ্ড চলেছে। মায়ের ওই আকস্মিক বীভৎস মৃত্যু, এবং তার পরবর্তীকালে মায়ের জীবন-ইতিহাস জানাব ফলে সেই বিরাট ওলট-পালটটা সংঘটিত হয়েছিল।

তার পর এসেছে স্নহাসের নবজন্মের পালা!

কোথায় দত্তদের বাড়ির সেই দিলাসিতায় আবিল অশুচি আবহাওয়া, আব কোথায় সত্যর দৃঢ় চরিত্রের দুঃস্বপ্ন! তা ছাড়া স্কুলের জীবন! সে যেন স্বর্গেব জগৎ!

স্নহাসের প্রকৃতিই শুধু বদলায় নি, আকৃতিও বদলেছে। যেমন বাচাল মেয়েটা মিতভামিনী হয়ে গেছে, তেমনি হঠাৎ লম্বা হয়ে গিয়ে, গোলগাল পৃষ্ঠদেহ মেয়েটা হয়ে উঠেছে বেতের ডগার মত ছিপছিপে লম্বা পাতলা। একটু বৃদ্ধি কুশই।

যে কুশতাকে দেখে তপস্বিনী উমার তুলনা মনে পড়েছে রামকালীর।

সত্য হাসি হাসি মুখে বলে, “পর পর দু বছর ফাস্ট হল—”

“সত্যি নাকি!”

বলেন রামকালী।

স্নহাস বোধ করি লজ্জা পেল। মূঢ় কুষ্ঠিত একটু হাসি হেসে বলল, “দাদুব নাতিদের ফাস্ট হওয়ার খবর তোলা থাকল, আর—”

তোলা নেই।

সেকথা শুনেছে রামকালী। নবকুমার বলেছে। নাতিদের সঙ্গে দেখা হল না বলে দুঃখ প্রকাশও করেছে। রামকালী বলেছেন, “তা সত্যি, দেখি নি অনেক দিন। জলপানি পেয়েছে শুনে খুশি হলাম।”

এসব গত রাজের কথা।

স্নহাস জানে। স্নহাস নিজের লজ্জা ঢাকতে তাড়াতাড়ি ওদের কথা তোলে।

রামকালী মূঢ় হেসে বলেন, “নাতির ফাস্ট হওয়া আহলাদের কথা, কিন্তু নতুন কথা নয় দিদি, নাতনীর ফাস্ট হওয়াটাই নতুন কথা।... আশীর্বাদ করি স্নহাী হও, সৌভাগ্যবতী হও!”

সত্যর দিকে ফিরে বলেন, “মন খুলেই আশীর্বাদ করলাম রে!”

সত্যর চোখ আবার ভলে ভরে আসে।

বাবার কথাবার্তার বরন বদলে গেছে। চিরদিনের সেই দূরত্ব বজায় রাখা মাপা-ভোপা কণার জায়গায় এখন খেন নিকটের স্বর।

সংসার থেকে মুখ ফিরাবার কালে কি সহসা সংসারের প্রতি মমত্ব বোধ করছেন রামকালী?

নাকি তাঁর এই সৃষ্টিছাড়া সংসার-ছাড়া মেয়েটাব কার্যকলাপ তাঁকে বিচলিত করেছে?

যাত্রাকাল যত নিকটবর্তী হয়, সত্যর গলার শব্দ তত ভার হয়ে আসে। “থেকে যাও” বলে অহুরোধ করারই বা পথ কোথা? এখানে একমুঠো ভাত খাবার অহুরোধ চলবে না। যেতেই দিতে হবে।

ছোট ছোট কথা, ছোট ছোট নিশ্বাস।

“কবরেজী কি ছেড়ে দেবে বাবা?”

“ছেড়ে দেব? না, ছেড়ে দেব কেন সত্য? ওই দিগেটুকু দিয়ে যতটুকু যার উপকার হয়—তবে পেশাটা ছেড়ে দেব।”

অর্থাৎ “দক্ষিণা”টা বাদ।

“খুব কষ্ট করে থাকবে না তো বাবা?”

“বিশ্বনাথের খাসমহলে কষ্ট কিরে পাগলী!”

“শরীর-অশরীরে এই বেয়াড়া অব্যাব্য মেয়েটা একটু খবর পাবে তো বাবা?”

“সে বাপু এখন বাক্যদত্ত হতে পারছি না।”

“সে জানি। সে কি আর জানতে বাকী আছে আমার!”

নবকুমার পায়ের ধুলো নিয়ে বলে, “কবে যাত্রা?”

“এই সামনের অষ্টমী তিথিতে নৌকা ছাড়বে।”

“নৌকো!” নবকুমার সাহসে ভর করে বলে, “কেন এখন তো রেলগাড়ি চলছে—”

“চলছে! নৌকোও তো চলে এসেছে।” রামকালী হাসেন, “সে তো চলৎশক্তি হারায় নি!”

“ওতে একদিনে পৌঁছে যেতে—,” সত্য এগিয়ে এসে বলে।

রামকালী মুহূ হাসেন, “অত তাড়াতাড়িই বা কী? মুমূর্ষু রোগী দেখতে তো যাচ্ছি না? তীর্থের পথটাই তীর্থ, পথটাকে চোখ বুজে অতিক্রম করে লাভ কি! এ একেবারে মা গঙ্গার কোলে চড়ে বসবো, কোলে কোলে চলে যাব।”

“বাবা ঠিকানা?”

“ঠিকানা? সে কি আমি এখান থেকে ঠিক করে যাচ্ছি রে?”

“গিয়ে পৌঁছানো খবরে জানাবে তা হলে?”

“এই দেখ! এ মেয়ের কেবল সত্যবন্দী করিয়ে নেবার ফন্দী!”

“হবেই তো। যেমন নাম রেখেছ!”

একেবারে যাবার সময়, রামকালী সহসা বেনিয়ানের পকেট থেকে দুখানি পাকানো কাগজ বার করে বললেন, “এই নাও, এই দুটি জিনিস রাখো।”

“কী এ?”

সত্য হাত পাতে না, চমকে তাকায়।

রামকালী বলেন, “একখানি তোমার জন্মপত্রিকা। আমার কাছে ছিল এযাবৎ—”

“ও আমি নিয়ে কি করব বাবা?”

“থাক। থাক। ভাল। আর এইটা—,” রামকালী একটু ধামেন, “দেশের বিষয়-আশয় যা কিছু বংশের ছেলেদেরই থাকল। ত্রিবেণীতে আলাদা কিছু লাখরাজ জমি ছিল, সেটা তোমার নামে—”

“না বাবা না,” সত্য কৈদে ওঠে, “ও আমি চাই না। আমি তোমার মেয়ে-সন্তান, গুধু স্নেহের অধিকারী—”

“তা এটুকু সেই স্নেহেরই চিহ্ন ধরে নাও।”

“বাবা গো, চিহ্ন দিয়ে স্নেহ বুঝবো তোমার? না বাবা, দরকার নেই আমার।”

সত্য হাতও পাতে না, চোখের আঁচলও নামায় না।

এত কান্না বোধ করি সারা জীবনে কঁাদে নি সত্য। মা মরতেও নয়।

রামকালী মুখটা ফিরিয়ে আশ্বস্ত করে নেন নিজেকে, তার পর নবকুমারের দিকে বাড়িয়ে দিয়ে বলেন, “রাখো।”

নবকুমার সত্যর এই বাড়াবাড়িতে চাঞ্চল্য বোধ করছিল।

শাবছিল, ছেলে নেই, মেয়ের তো সবই পাবার কথা। বলে মহারাগী

ভিক্টোরিয়া রাজ্যটাই পেলেন। সে সব কিছুই না, মুষ্টিভিক্ষের উপহাস, তাও মেয়ে নিচ্ছেন না! অতএব নবকুমারের হাত বাড়াতে দেরি হয় না।

রামকালী পালকিতে ওঠেন।

আপাতত পালকিতেই চড়লেন। কলকাতার বিশিষ্ট কয়েকটি দেবস্থান দেখবেন, তার পর নোকোয় উঠবেন। রেলটা পছন্দ করেন না রামকালী। বললেন, “তেন্ন তাড়া না থাকলে দরকার কি?”

পালকিটা যতদূর দেখা যায় দরজায় দাঁড়িয়ে দেখে সত্য। তার পব বাড়িব মনো তুকে এসে বসে পড়ে। অনেকক্ষণ পরে চোখ মুছে নিশ্বাস ফেলে বলে, “নেহাত নিকপায় যদি না হতাম, ঠিক আমি বাবার সঙ্গে চলে যেতাম!”

নবকুমার বলে, “তা নিকপায় আর কি? ক’টা দিন নয় স্নহাস চালিয়ে দিত, গেলেই পারতে! যে দুদিন না কাশী যান উনি, থেকে আসতে! বললে না তো?”

সত্য আর একটা লজ্জা আর ক্ষোভ মেশানো নিশ্বাস ফেলে বলে, “সংসাব চালানোর কথা নয়। অন্ম কথা। শরীরের অবস্থাই মনে হচ্ছে আমার ভাল নয়! জানি না বুড়ে বয়সে আবার রূপালে কী গেরো আছে—”

নবকুমার কিছুক্ষণ ঠাঁ করে তাকিয়ে থাকে সত্যর সেই লজ্জা-বিস্কন্ধ বিপন্ন মুখের দিকে, খবরটা হৃদয়ঙ্গম করতে তার কিছুক্ষণ লাগে। তারপর অকস্মাৎ এক অপ্রত্যাশিত পুলকে রোমাঞ্চিত হয়ে ওঠে সে।

ওঃ ভগবান।

এইবার তাহলে সত্যব পায়ে একটু ছেকল পড়বে। এই ছেকল পড়ার কথাটাই সবচেয়ে আগে মনে পড়ে নবকুমারের। আর তাতেই আহ্লাদ উথলে ওঠে। হঠাৎ সত্যর একটা হাত চেপে ধরে বলে, “সত্যি?”

আস্তে হাতটা ছাড়িয়ে নিয়ে সত্য বলে, “আহ্লাদে নাচবার কিছু নেই।”

## ॥ উনচল্লিশ ॥

ভরা দুপুর।

নৌকো মারগন্ডায়।

দাঁড়টানার একটানা একটা শব্দ ছাড়া আর কোন শব্দ নেই। শুধু খানিক খানিক সময় অন্তর দাঁড়ি-মাঝিদের এক-একটা দুর্বোধ্য হুকার স্তব্ধ প্রকৃতিকে যেন চমকে চমকে দিচ্ছে।

নৌকোর আশেপাশে, দাঁড়ের ধাক্কায়ে ভেঙে পড়া জলের বৃত্তরেখা, দূরে টেউ-খেলানো জলের রেশম চিকন গায়ে বাতাসের মূহু কাঁপন।

সেই টেউ-খেলানো ঘি-রঙা রেশমী ওড়নার গায়ে হীরেকুচি বোদের উজ্জ্বল সমারোহ।

রামকালী সেই সমারোহের দিকে তাকিয়ে স্তব্ধ হয়ে বসেছিলেন।

ভরহুগুরের অচঞ্চল গঙ্গা, নৌকোর গতি মূহু-মহুর, তাই ভিতরে আলোড়ন নেই।

কিন্তু মনের ভিতরে ?

যে মন ওই স্তব্ধ দেহহুর্গের মধ্যে চিরদিন সমাহিত থেকেছে ?

না, আলোড়ন নয়, শুধু যেন সেই চিরসমাহিত মনটাকে আজ একটু মুক্তি দিয়ে ফেলেছেন রামকালী। ছেড়ে দিয়েছেন ইচ্ছেমত ঘুরে বেড়াবার জগতে।

এই আটমটি বছর ধরে যে দীর্ঘ প্রাস্তরটা পার হয়ে এলেন রামকালী সেই প্রাস্তরের এ-প্রাস্ত থেকে ও-প্রাস্ত অবধি পাক খেয়ে বেড়াচ্ছে সেই হঠাৎ ছাড়া পাওয়া মনটা।

এর আগে কোন দিন এমন করে স্মৃতি-রোমন্বন করেন নি রামকালী। আজ করছেন। হয়তো বা অজ্ঞাতসারেই করছেন।

আজ সংসারের কাছ থেকে বিদায় নিয়েছেন রামকালী, পিঠা কিরিয়েছেন তার দিকে। কিন্তু বিদায় গ্রহণের প্রাক্কালে কত ব্যবস্থা, কত হিসেবনিকেশ, কত নির্দেশ, কত বন্দোবস্ত।

গ্রামে যে টৌলটি স্থাপন করেছেন, যে দুঃস্থ বিছাখী কজনের প্রতিপালনের ভার গ্রহণ করেছেন, একজন কবিরাজ বসিয়ে যে দাতব্য কবিরাজধানীটি প্রতিষ্ঠা করেছেন, গ্রীষ্মের দিনের জন্ম যে জলসত্রটি খুলেছেন, সেগুলি যাতে বন্ধ হয়ে না

যায়, তার জন্ম উচিতমত নিষ্কর জমি দানপত্র করে দিয়ে আসতে হল। যে কজন দুঃস্থ পণ্ডিত বৃত্তি পেয়ে আসছিলেন, তাঁদের বৃত্তি বজায় রাখার জন্মও জমির ব্যবস্থা করতে হল। তাছাড়া বরাবর গ্রামের কন্যাশ্রমগ্রস্ত দরিদ্র পিতা, অদীরা অসহায় বিধবা, রুগ্ন অপটু পুরুষের, অথবা মাতৃপিতৃহীন শিশুর এ রকম আশ্রয়স্থল ছিলেন রামকালী।

দূর দূর জায়গা থেকেও লোক এসে হাত পেতেছে রামকালীর কাছে।

এসব লোক যাতে একেবারে না বঞ্চিত হয়, একেবারে না বিতাড়িত হয়, তার জন্মও রাস্তাকে নির্দেশ দেওয়া হয়েছে, একথানা বড় তালুকের মাধ্যমে।

অবশ্য রাস্তা যদি নিয়ম বজায় না রাখে, রাস্তা যদি সে তালুকের উপস্থিত আশ্রমস্থ করে করবার কিছু নেই। কারণ এটা একটা অনিয়মিত ব্যাপার।

তবু রাস্তাকেই ভার দিয়ে আসতে হল। রাস্তা ছাড়া আর কে মাছুষ হল? নেড়ুটার তো উদ্দেশ্যই পাওয়া গেল না প্রায়। ঠিকানা না জানিয়ে ছ'একটা চিঠি দিয়েছিল কবে কবে যেন। তাতেই জানা আছে, মরে নি বেঁচে আছে। রাস্তার আর তাইগুলো তো অমনিষ্টি। সেজকাকার দুই ছেলে কুচুটের রাজা। রাস্তার বড় ছেলেটা বাবুর শিরোমণি হয়ে উঠেছে। হচ্ছে সারদার দোষেই কতকটা।

সারদা যেন স্বামীর সঙ্গে রেবারেধি করে ছেলেকে 'বাবু' করে ভুলতে বন্ধপরিষ্কার। সব কথায় বলে, 'ও পারবে না।'

ওই একটা মেয়ে। অদ্ভুত উন্টোপান্টা।

রামকালী নিশ্বাস কেলে ভাবলেন, ওর বিধাতা কি ওকে কতকগুলো উন্টোপান্টা জিনিস দিয়েই তৈরী করেছিলেন, নাকি জীবনটা ওর উন্টো শ্রোতের মুখে পড়ল বলেই?

রামকালী ওর হৃদিস পান না।

কখনো ওর ভারসহ কর্মনিষ্ঠা, ওর অসাধারণ নৈপুণ্য, ওর অগাধ সহিষ্ণুতা দেখে তাক লেগে যায়, কখনো ওর বিশ্বয়কর নির্লিপ্ততা, দৃষ্টিকটু ঔদাসীন্য় দেখে স্তব্ব হতে হয়।

দুর্গোৎসবের সমস্ত ভার সারদা একা মাথায় তুলে নিতে ভয় পান না, দিয়েও নিশ্চিন্ত হন রামকালী। কিন্তু এবারে হঠাৎ সারদা শাস্ত ঘোষণায় জানিয়ে দিল খুড়োঠাকুর যেন এ ভার আর কারো উপর স্থান্ত করেন।

কেন?

‘কেন’র কিছু নেই।

বাড়িতে তো আরো লোক আছে।

গ্রামের কজন বয়স্ক ব্রাহ্মণ-কন্ঠাকে ডেকে রামকালী জানিয়েছিলেন বড় বৌমার শরীর অসুস্থ, অতএব তাঁরা যদি—

তা তাঁরা এসেছিলেন, তুলেও দিয়েছিলেন পূজো।

কিন্তু অনেক সন্ধ্যাসীতে গাজন নষ্ট।

‘পুরোহিত পূজায় বসে হাতের কাছে উপকরণগুলি ঠিকমত না পেয়ে রেগে আগুন।

তবু রামকালী যেন সারদার উপর রাগ করতে পারেন না। পারেন না অগ্রাহ্য করতে। অসুস্থ করেন, সারদার মধ্যে ‘বস্তু’ ছিল, কিন্তু ভাগ্যের প্রতিকূলতায় সেটা খণ্ড খণ্ড হয়ে গেছে।

ভাগ্যের প্রতিকূলতায় ♀

এইখানেই কোথায় যেন একটা খোঁচ। অনেকবার ভেবেছেন রামকালী, ভাগ্য ছাড়া আর কি? মানুষ তো নিমিত্ত মাত্র, কিন্তু সে বিশ্বাসে অটুট থাকতে পারেন নি।

যাক, তবু সকলের যথাসাধ্য স্বেচ্ছা করে এসেছেন রামকালী, এখন যার যা নিয়তি। তথাপি অনেকগুলো মুখ যেন হতাশ দৃষ্টি মেলে তাকাচ্ছে রামকালীর দিকে। যেন বলছে...ফেলে চলে গেলে আমাদের?...সত্যি!...কই যাবে এ কথা তো বল নি কোনদিন? আমরা যে বড় নিশ্চিন্ত ছিলাম।

এই মুখগুলোর মধ্যে সারদার মুখটা বড় স্পষ্ট, সারদার চোখটা বড় তীব্র। হতাশা নয়, যেন সে দৃষ্টিতে অভিযোগ।

কিন্তু অনেক বছর আগে আর একবার যখন সংসার ত্যাগ করেছিলেন রামকালী?

তখন কি একবারও পিছনপানে তাকিয়েছিলেন? নাঃ। কী হালকা, বন্ধনহীন মন নিয়ে সেই যাওয়া।

বৈরাগ্যের কারণটা নিতান্তই স্থূল ছিল সত্যি, বাপের খড়ম থেকে সে বৈরাগ্যের উদ্ভব। রাগ দ্বেষ অভিমান ক্ষোভ সব মিলিয়ে তীব্র একটা অসুস্থতা যেন ঠেলে ধরেন বার করে দিচ্ছেছিল সেই কিশোর বালককে, যাকে এখন যেন চোখের সামনে দেখতে পাচ্ছেন রামকালী।

ছেলেটা একখানা নৌকোর পাটাতনের মধ্যে ঢুকে বসে রইল সারাটা দিন, কেউ তেমন লক্ষ্য করল না, একসময় ছেড়ে দিল নৌকো। ছেলেটা রইল ঝাপটি মেয়ে।

তার পর অনেকক্ষণের পর ধরা পড়ল।

তখন নৌকো অনেক এগিয়েছে।

রামকালী দেখছেন, মাঝি-মাল্লারা জেরা করছে ছেলেটাকে। ছেলেটা স্বচ্ছন্দে উত্তর দিচ্ছে—তার কেউ কোথাও নেই, গরীব ব্রাহ্মণসন্তান, ভাড়া-টাকা দিতে পারবে না, নৌকো যেখানে যাবে, সেখান পর্যন্ত যদি তাকে দয়া কবে নিয়ে যার তারা।

অবস্থা বুঝে মমতাবশতই হোক অথবা দেবকান্তি রূপ দেখেই হোক ছেলেটাকে তারা সমাদর করে নিয়ে গিয়েছিল মুকহ্লাবাদ অবধি।

সেখানে মিলে গেল গোবিন্দ গুপ্তের আশ্রয়।

সে যেন ঈশ্বরের প্রত্যক্ষ আশীর্বাদের মত।

সেই নিতাস্তই কিশোর ছেলেটার মনে হয়েছিল পৃথিবীটা এত বড়। ভগবান এত দয়ালু। অথবা ইনিই ভগবান? পুরাণ উপপুরাণের গল্পের মত ছদ্মবেশ ধরে রামকালীকে কৃপা করতে এসেছেন?

গন্ধার ঘাটেই বসেছিল ছেলেটা।

কবিরাজ স্নানে এসেছিলেন।

ধমকে দাঁড়িয়ে পড়ে বললেন, “চিনছি না তো তোমাকে? কাদের ছেলে বাবা?”

এখন ভেবে হাসি পাচ্ছে, রামকালী স্বচ্ছন্দে বলেছিলেন, “তোমার সে খোঁজে দরকার কি?”

“দরকার কিছু আছে বৈকি!” গোবিন্দ গুপ্ত একটু হেসে বলেছিলেন, “কাদের ছেলে, কেন একা ঘুরে বেড়াচ্ছ, রীত-চরিত্তিরই বা কেমন এসব না জানলে চলবে কেন?”

“চলবে না?”

“না! ভিনগায়ের ছেলেকে বিশ্বাস কি?”

পরে জেনেছিলেন রামকালী, ওটা একটা চালাকি। রাগিয়ে দিয়ে পরিচয় আদায়ের চেষ্টা। কিন্তু সেদিন সেই ছেলেটার কথা বোঝবার ক্ষমতা ছিল না। সেই তাই ক্রুদ্ধ গলায় বলে উঠেছিল, “বিশ্বাস করতে কে পারে



দরছে তোমায়? আমার ইচ্ছে আমি বসে আছি। ঘাট কি তোমার কেনা?”

সেই সৌম্যদর্শন প্রৌঢ় ছেলেটার কথায় বেশ কৌতুক অন্তর্ভবন করেছিলেন তাতে সন্দেহ নেই। এবং ইচ্ছে করেই খানিকক্ষণ ধরে বাদবিতণ্ডা চালিয়েছিলেন মজা উপভোগ করতে।

তার পর কেমন করেই যেন সন্ধি হয়ে গেল। আর কেমন করেই যেন ছেলেটা গাশ্রয় পেয়ে গেল তাঁর কাছে।

কিন্তু শুধুই কি আশ্রয়?

নিঃসন্তান দম্পতির হৃদয় উজাড় করা ভালবাসাব অধিকারী হয় নি সেই মুখর ছেলেটা?

আস্তে আস্তে সেই মুখরতা চপলতা সব অন্তর্হিত হয়ে স্থির শাস্ত মেধাবী একটি চাত্রে পরিণত হল সে। আন শুধু স্নেহেরই নয়, তাদের যথাসর্বস্বেরই উত্তরাধিকারী হয়ে উঠল।

আশ্চর্য! তবু এক দিনের জগ্নে নিজে হাতে রেঁধে খাওয়ান নি কবিরাজ-গৃহিণী। অন্য এক ব্রাহ্মণবাড়িতে খাওয়ার ব্যবস্থা করে দিয়েছিলেন।

সমস্ত দৃশ্যগুলো যেন হঠাৎ চোখের উপর জলজ্বলিয়ে উঠছে।

রামকালী আবদার করছেন, জেদ করছেন, “আমি তো তোমাদের জাতেরই হয়ে গেছি” বলে যুক্তি খাড়া করছেন, কবিরাজ-গৃহিণী হাসিভরা মুখ আর চোখভরা জল নিয়ে বলছেন, “পাগলা ছেলে, তাই কখনো হয়?”

“তোমাদের তো পৈতে আছে—”

বলেছিলেন রামকালী।

গোবিন্দ গুপ্ত হেসেছিলেন, “আছে, তা সত্যি। তবে কি জানিস? সুবেরই তো জাত থাকে? কেউটে গোখরো আর টোঁড়া বোড়া যেমন এক নয়, তেমনি তোর পৈতে আর আমার পৈতে এক নয়। তোকে তো আমার দত্তক নিতে ইচ্ছে করে, কিন্তু নিই না। কখন কি অপরাধ ঘটে কে জানে।”

স্নেহের সঙ্গে শ্রদ্ধার এক আশ্চর্য সংমিশ্রণ।

রামকালী প্রথমে বলেছিলেন, “আমার কেউ কোথাও নেই।”

তারপর ধীরে ধীরে সবই প্রকাশ পেয়ে গিয়েছিল।

গোবিন্দ গুপ্ত বলতেন, “দেখ, তোর মা-বাপকে খবর না দেওয়া আমাদের পক্ষে মহাপাপ হচ্ছে, তুই নিষেধ করিস না, আমি কোন প্রকারে খবর দিই।”

রামকালী বলতেন, “কেন? আমি বুঝি তোমার চক্ষুশূল হচ্ছি এবার? বেশ, পুণ্ড্র ভরা করে খবর দাও তুমি, দেখবে আবার পাখী ফুড়ুং!”

কবিরাজ-গৃহিণী ঘাট্ ঘাট্ করে শিউরে উঠতেন। বলতেন, “তুমিই না পাপ-পাপ করে ব্যস্ত হচ্ছ কেন বাপু? ওর মা-বাপ, ও বুঝবে। ছেলেব প্রাণ যদি ‘মা’ বলে না কাঁদে, বুঝতে হবে মায়ের প্রাণে কোথাও ঘাটতি আছে।”

“মায়ের প্রাণে কি ঘাটতি থাকে বড়বৌ-?”

কবিরাজ বলতেন সহাস্ত্রে।

রামকালী চড়ে উঠতেন। বলতেন, “আছে। খুব আছে। আমাকে মা দু-চক্ষে দেখতে পারে না। নইলে পিসি যখন শাসন করে, তখন ইচ্ছে করে করে আমার নামে আরো লাগায়?”

“সে বোধ হয় নন্দের ভয়ে।”

“ই:, ভারী আমার ভয়! মায়ার চেয়ে ভয় বড় হল।”

পরে অনেক সময় ভেবেছেন রামকালী, সত্যি, মার জন্তে তো একটুও মন-কেমন করত না তাঁর। বরং কবিরাজ-গৃহিণী যখন অস্থির পড়তেন আর শেষে যখন মারা পড়লেন, লুকিয়ে লুকিয়ে কেঁদে কেঁদে শিরঃপীড়া জন্মে গিয়েছিল।

কেন এমন হয়েছিল?

রামকালী নির্ভর?

না তার মা-বাপই স্নেহহীন?

বাপের সম্পর্কে এক কথায় রায় দিব্যে দিলেও মায়ের সম্পর্কে সে রায় দিতে একটু বাধতো। হয়তো বিবেকেই বাধতো।

কিন্তু জীবনের এই শেষপ্রান্তে এসে যখন জীবনটাকে ওই ফেলে আসা গন্ধার শ্রোতের মতই সম্পূর্ণ আর স্পষ্ট দেখতে পাচ্ছেন, তখন রামকালী নিশ্বাস ফেলে ভাবলেন, জালবাসা জীবনে সেই একবারই লাভ করেছিলেন।

সেই এক প্রৌঢ় সম্পত্তির কাছে।

সারা জীবনে অনেক পেয়েছেন রামকালী, শ্রদ্ধা সমীহ ভয় ভক্তি, ভালবাসা পান নি। সবাই তাঁকে দূরে রেখেছে, দূরে থেকে প্রণাম জানিয়েছেন।

রামকালীর নিজেই দোষ।

দুরত্বের গণ্ডি নিজেই রচনা করেছেন তিনি। ইচ্ছে করে নয়, স্বভাবে।

কোনদিন কি ভাবতে পেরেছেন তিনি, গ্রামের কোনো কাজকর্মে তিনি ঋদ্ধগণভোক্ত্রনের সারিতে পাত পেতে বসেছেন? ভাবতে পেরেছেন তিনি কোথাও 'দান' নিচ্ছেন?...কারো চণ্ডীমণ্ডপে বসে গালগল্প করছেন? তাস-পাশা খেলছেন?

ভাবলে হাসি পাবে কি, ভাবতেই পারেন নি।

অথচ গ্রামেব অনেক কুলীন সন্তানই এমনি সাধারণের ভূমিকায় জীবন কাটাচ্ছেন।

কৌলীণ্ডটার সত্যাকার বাস তবে কোথায়?

কিন্তু আজ সংসারকে পরিত্যাগ করে যাবার সময় হঠাৎ মনে হচ্ছে রামকালীর, সারা জীবন বিজয়ীর ভূমিকা নিয়ে কাটালাম, কিন্তু সত্যি কি বিজয়া হতে পেরে ছ?

তা হলে কেন মনে হচ্ছে, ভয়ানক একটা লোকসানকে টেনে এনেছেন তিনি মাবাজীবন ধরে?

লোকসানটা কী? পরাভবটা কোথায়?

লোকসানেব কথা ভাবতে অপ্রাসঙ্গিক একটা কথা মনে এল রামকালীর। কিংবা অপ্রাসঙ্গিক নয়।

সত্য বড় আক্ষেপ করে বলেছিল, "এই খেদ রয়ে গেল বাবা, তোমায় একদিন বেঁধে থাওয়াতে পারলুম না!"

আচ্ছা কতটুকু ক্ষতি হত রামকালীর, যদি সত্যার এই খেদটুকু না বাখতেন? নিয়মের সেই সামান্ততম হানির লোকসানটাই কী মস্ত একটা লোকসান হত?

রামকালী তাঁর জীবনে যে বস্তুকে পরম মূল্য দিয়ে এসেছেন, সত্যিই কি সেটাই মূল্যের শেষ কথা?

যদি তাই হয়, তবে কেন বার বার ভুবনেধরী অন্তত এক বিজয়িনীর হাসি হেসে চোখের সামনে এসে দাঁড়ায়?

কেন বলে, জীবনে তো অনেক পেলো, পাওয়ার গোরবে পৃথিবীর দিনে তাকিয়ে দেখ নি, কিন্তু আদল ঘরটাই যে ফাঁকা পড়ে রইল তোমার, সে হিসেব কবেছ কোন দিন? কর্তব্যই করলে চিবকাল, ভালবাসতে পাবলে কাউকে?

মনের মব্যে ডুব দিয়েছেন বামকালী।

ভালবাসা? কার জন্তে সঞ্চিত থেকেছে?

সত্যর মুখ ছাড়া আর কোনও মুখ চোখ ভেসে উঠছে না।

আর সব যেন 'জীবন'র প্রতি ককণা।

সত্য আছে হৃদয়ের নিভূতে অনেকখানি জায়গা দখল করে। কিন্তু সেটুকু কি সত্যকে কোনদিন জানতে দিয়েছেন 'রামকালী'? জানানো দুর্বলতা ভেবে অনবরত বালি চাপা দিয়ে আসেন নি কি?

হঠাৎ 'তুর্গা তুর্গা' করে উঠলেন রামকালী। ছেড়ে দেওয়া মনকে ফেন বেঁধে ফেললেন। বললেন, "ওহে মুন্সের পৌছবে কখন নাগাদ?"

মাকি বলল, "আজ্ঞে কর্তা, এই তো এসে পড়লাম বলে—"

"গাছা ভাল। কষ্টহারিনীর ঘাটে নৌকো বাঁধবে।"

## ॥ চল্লিশ ॥

সাধন সরল পিসির কাছে দেওয়া প্রতিশ্রুতি ভঙ্গ করে নি, তবু সবই প্রকাশ হয়ে পড়ল। প্রকাশ হয়ে পড়ল সতুর দীনত', আর তার ভাইপোদেব মিথ কথা।

কাঁচা পাকা চুল, বেঁটে খাটো শক্ত সমর্থ চেহারার যে ভদ্রলোকটিব বাস খাঁজে খাঁজে সেদিন পিসির দেওয়া চিঠিখানা পেশকরে এসেছিল ওরা, সেই ভদ্রলোক তার পবের রবিবারের সকালে এদের এখানে এসে হাজির হলেন।

এ হেন সম্ভাবনার কথা স্বপ্নেও মনে আসে নি ওদের। অবশ্য সেদিন ব্রহ্ম শক্তি পলায়নপর ছেলে দুটোকে প্রায় জোর করে দাঁড় করিয়ে তাদের নাম বি, দেশ কোথায়, কলকাতার বাসা কোন্ রাস্তায়, ইত্যাদি পুঙ্খানুপুঙ্খ জেনে নিয়েছিলেন ভদ্রলোক, তথাপি সেটোকে নিছক কৌতূহল

চাড়া কিছু ভাবে নি এরা দুই ভাই। সন্দেহমাত্র কবে নি, ভদ্রলোক দু-দিন না যেতেই “কৈ গো খোকারা,” বলে এসে হানা দেবেন।

এ যেন বিনা মেঘে বজ্রাঘাত।

ভয়ে প্রাণ উড়ে গেল ওদের।

সভয়ে পরস্পর মুখ চাওয়াচাওয়ি করল দু'ভাই, তারপর সরল নিঃশব্দে দুটো হাত উন্টে এমন একটা বেপরোয়া ভঙ্গী করল, যার অর্থ দাঁড়ায়—“তা আমাদের কি দোষ? আমরা তো ওনাকে আসতে বলি নি, পিসি বারণ কবে দিয়েছিল তাই না—”

কিন্তু—

এটাও বিনা শব্দে শুধু চোখের ইশারায় উচ্চারিত হল, কিন্তু আমবা সেদিন মিছে কথা বলেছি। মা যখন বলল, ইঙ্কল থেকে ফিরতে দেরি কেন, এখন বলেছি ইঙ্কলে বল খেলা ছিল।

কিন্তু এত সব ভাববিনিময় মুহূর্তেই ঘটল, কারণ ইত্যবসবেই ভদ্রলোক বাড়িব চোকাঠ ডিঙিয়ে উঠোনে এসে দাঁড়িয়ে বাজুখাই গলায় পুনঃপ্রশ্ন কবেছেন, “খোকারা বাড়ি নেই নাকি?” এবং সত্যবতী মাথার কাপড় টেনে বাম্বাঘর থেকে পেরিয়ে এসে স্পষ্ট গলায় উচ্চারণ করেছে, “তুড়ু, দেখ তো কে। জিজ্ঞেস কর কাকে চান।”

তুড়ুকে আর কষ্ট করে জিজ্ঞেস করতে হল না, যার কানে যাবার স্বচ্ছন্দেই গেল। আর তিনি সহাস্ত্রে এগিয়ে এসে উত্তর দিলেন, “ননদাই গো ননদাই, আপনি হচ্ছেন খালাজ ঠাকরন।”

শুনে সত্যবতী হাঁ!

এইমাত্র নবকুমার বাজারে গেল, আর এখন এই ঝামেলা! কে জানে শাকটা কে! কোন বদবুদ্ধি লোক না বাসা ভুল করে—সেই কথাটাই বলে সত্যবতী, ছেলেদের মাধ্যম মাত্র করে, “তুড়ু বল, আপনি বোধ হয় বাসা ভুল কবেছেন—”

“বাসা ভুল!”

ভদ্রলোক হেসে উঠলেন, “মুকুন্দ মুখ্যে এত কাঁচা ছেলে নয় যে উচিতমত তল্লাস না করে কারুর অন্দরে ঢুকে পড়বে। দম্ভুরমত পাড়ার লোককে শুধিয়ে শঠিক জেনে তবে ঢুকেছি। বলি তুমি বারুইপুরের নীলাম্বর বাঁড়ুঘোর ব্যাটা নবকুমার বাঁড়ুঘোর পরিবার নয়? অস্বীকার কর?”

বলে আপন রসিকতায় হেঁ হেঁ করে টেনে টেনে হাসতে থাকেন।

কথার ভাষা এং ভঙ্গিমা এমনি অমার্জিত যে, রাগে আপাদমস্তক জ্বলে যায় সত্যবতীর। নিঃসন্দেহ যে কোন বদলোক, নামটা পরিচয়টা সংগ্রহ করে বাড়ি ঢুকে পড়ে ভয় দেখাতে চায়।

চাক। সত্য বামনীকে চেনে না।

দৃঢ় আর বিরক্ত স্বরে বলে ওঠে সত্যবতী, “তুড়ু বল, পাড়া-পড়নীকে শুধিয়ে কারুর নাম পরিচয় জানা এমন কিছু কঠিন কাজ নয়। আমরা ও নামে কাউকে চিনি না, উনি যেতে পারেন।”

কিন্তু মুকুন্দ মুখ্যে এত সহজে অপমানিত হন না। হাশ্বকর্ষ বজায় রেখেই বলেন, “চেন না তা সত্যি। জানার স্বেযোগ আর ঘটল কই? তোমার নন্দ ঠাকরণ তো আমাকে ত্যাগ দিয়ে নিশ্চিন্দ আছেন। তা এতদিন পরে বিস্মরণ রাজার স্মরণ হল কেন, সেই কথা শুধোতেই আসা। কিন্তু খোকারা, তোমরা একেবারে চুপটি মেরে মুখটি সেলাই করে বসে আছ যে? সেদিন অত আলাপ পরিচয় হল, চিঠি পৌঁছে দিলে, আর আজ যেন চিনতেই পারছ না। মাকে বুরি বল নি? তাই উনি ‘সোবে’ করছেন লোকটা গুণ্ডা বদমাশ।”

এতক্ষণ তাই-ই ভাবছিল বটে সত্যবতী, কিন্তু ভদ্রলোকের শেষ কথাটায় যেন অকুল সমুদ্রে পড়ে।

এসব কি কথা!

বিন্দুবিসর্গও তো বুঝতে পারছে না সত্যবতী। নিজের ছেলেদের মুখে দিকে তাকিয়ে দেখল। সেখানে স্পষ্ট অপরাধীর ছাপ! কাঁ এ?

লোকটা কি বারুইপুরের কেউ?

তুড়ু খোকা যখন দেশে গিয়েছিল তখন দেখেছে এখন চিনতে পারছে না? কিন্তু “চিঠি” কিসের? ভগবান জানেন বাবা! একেই তো স্বপ্ন-বাড়িতে সত্যর নাম জাঁহাবাজ বোঁ, আবার এককাঠি বাড়ল বোধ হয় সে বদনাম। ছেলে দুটো যেভাবে শুকনো মুখে দাঁড়িয়ে আছে, তাতে সন্দেহ নেই ঘটেছে কিছু।

কিন্তু তথাপি মুখে হারে না সত্য। দৃঢ় হলেও একটু নরম স্বরে বলে, “খোকা বল, বাড়ির পুরুষজন এখন বাড়ি নেই, আপনি একটু ঘুরে আসুন। যা বলবার তাঁকেই বলবেন।”

মুকুন্দ মুখ্যে এবার একটু গভীর হন। বলেন, “বলবার আমার কিছুই ছিল না। তবে আপনার নন্দ ঠাকরন শ্রীমতী সৌদামিনী দেবী হঠাৎ তাঁর ত্যাগ দেওয়া স্বামীকে একথানা পত্র কেন দিলেন, তারই তন্ময় করতে—”

“ঠাকুরকি পত্র দিয়েছেন! আপনাকে! মানে আপনি—”

“যাক এতক্ষণে চিনলে? বাবা, কোথায় ভেবেছিলাম শালার বাড়িতে এসে একটু জামাই-আদর পাব, তা নয়—”

“কিন্তু ঠাকুরকি চিঠি লিখেছেন!” সত্য আরক্ত মুখে বলে, “আমার বিশ্বাস হচ্ছে না—অসম্ভব।”

মুকুন্দ মুখ্যে কথাটার অর্থ ধরেন। বলেন, “আহা, নিজে হাতে কি আর লিখেছে? কাউকে ধরে লিখিয়েছে নিশ্চয়। এই তো তোমার এই খোকারাই দিয়ে এল পরশুদিনকে—”

“আমার খোকারা? পরশুদিনকে?”

সত্যবতীও বিচলিত হয়।

বিচলিত স্বরে বলে “তুডু! খোকা!”

তুডু-খোকাকার নত বদন, যে বদনে অপরাধের কালিমা।

সত্য যেন একটু অসহায়তা অনুভব করে, আর এই প্রথম বোধ করি নবকুমারের অনুপস্থিতিতে কাতরতা বোধ করে। মুকুন্দ মুখ্যের চোখে সত্যর এই বিচলিত ভাবটা ধরা পড়তে দেয় হয় না। এবং ব্যাপারটা অনুধাবন করতেও দেয় হয় না। ছেলেমানুষদের যা হোক বুঝিয়ে চিঠিটা সৌদামিনী চুপিচুপিই পাঠিয়েছে। আগে এটা বুঝলে মুকুন্দ মুখ্যে অল্পভাবে নিজেকে উপস্থাপিত করতেন। ছেলে দুটো খতমত খেয়ে যাচ্ছে, যাবেই তো, মা জননীটি যে খাওয়ারনী তা তো সোঝাই যাচ্ছে। বাবা, যেন পুলিশের ধমক!

কিন্তু মুকুন্দও পুলিশের বাবা।

আটঘাটটি বেধে তবে এসেছে। চিঠিটা সঙ্গে এনেছে। তবে ভদ্রলোকের ধারণায় একটু ভুল ছিল। ভেবেছিলেন সৌদামিনী নিশ্চয় কলকাতায় ভাইয়ের গসায় এসেছে, আর ভাইপোদের সেটুকু চেপে যেতে বলেছে। নইলে সাতজন্মে যে কখনো কোন বার্তা দিল না, সে কেন হঠাৎ..., কিন্তু ধারণাটা ভুল তা তো সোঝাই যাচ্ছে। সৌদামিনী এখানে নেই।

সত্য, তবে কেন হঠাৎ—?

সে চিন্তা যাক। ফতুয়ার পকেট থেকে সৌদামিনীর সেই গোপনতম

দুর্বলতার ইতিহাসটুকু বার করে মেলে ধরেন মুকুন্দ মুখ্যে দাওয়ার ধারে মেজেয়। আর দেখে এক মুহূর্তেই চিনে ফেলে সত্য—হাতের লেখাটা তারই বড় ছেলের। অর্থাৎ তুডুকে দিয়েই লিখিয়েছে সৌদামিনী।

সমস্ত ঘটনাটা স্পষ্ট হয়ে যেতে দেরি হয় না আর। দিনের আলোর মত স্পষ্ট হয়ে ওঠে। শুধু নিজের ছেলেদের এই দুর্বোধ্য আচরণটা অন্ধকারেই থেকে যায়। সত্যবতীকে বিন্দুবিসর্গ না জানিয়ে এত সব কাণ্ড করবার সাহস কি করে হল ওদের ?

পড়ে থাকা চিঠিখানাতে চোখ ফেলা মাত্রই পাঠোদ্ধার হয়ে গেছে, কারণ অক্ষরের ছাঁদ আর তার প্রতিটি টান, প্রতিটি বাঁক তো সত্যবতীর মুখস্থ।

না, প্রেমপত্র নয়, ভাইপোকে দিয়ে লেখানোর আপত্তির কিছু নেই। সৌদামিনী লিখেছে—

পরম পূজনীয় শ্রীচরণকমলেষু—

বহুকালাবধি আপনার কোনো সংবাদাদি জানি না, আপনিও সংবাদ নেন :না অধীনা জীবিত কি মৃত। আমার কথা থাক, আপনার সংবাদ পাইতে ইচ্ছা হয়। আমার ভ্রাতা নবকুমার কলিকাতায় বাসা করিয়া আছে, তাহার সহিত সাক্ষাৎ হইলে জানিতে পারি। ইহার। নবকুমার ভাইজীবনের পুত্র সাধনকুমার ও সরলকুমার। পত্রদানের ধৃষ্টতা মার্জনা করিবেন।

অধিক কি লিখিব। ভগবানের নিকট নিয়ত আপনার কুশল প্রার্থনা করি।

শতকোটি প্রণামান্তে

চরণের দাসী

শ্রীমতী সৌদামিনী দেবী।

পাঠোদ্ধার করে যেন শুরু হয়ে যায় সত্য। এই সৌদামিনী দেবী কোন সৌদামিনী ? সেই তাদের সহৃদী ? সেই সহৃদী নিয়ত ভগবানের কাছে সেই লোকটার কুশল প্রার্থনা করে ? এই বেঁটে-খাটো ষাটমুণ্ডরে গড়নের আধবুড়ো লোকটার ?

এও কি সম্ভব ?

সৌদামিনী বিধবা নয় এইটুকু মাত্র জানা যেত ভাত খেতে বসার সময়। হেঁসেলের ভাতটা নিয়ে বসত সে মামীর সঙ্গে, ভাই-বোয়ের সঙ্গে, মাছের ভাগটা নিয়ে। এই বা।



তা ছাড়া আর কখনো কোনদিন কোন সময় তো টের পাওয়া যেত না সত্বর স্বামী আছে। আশ্চর্য! আশ্চর্য! মানুষ কী অদ্ভুত জীব গো! শুধু মনে থাকাই নয়, স্বামীর সংবাদের জ্ঞান উতলা হয় সে! এতই হয় যে মান-মর্যাদা জলাঞ্জলি দিয়ে “চবণের দাসী” সাঙ্করিত চিঠি পাঠায়!

এ কী দীনতা!

এ কী দুর্বলতা!

বয়সকালে চিরদিন স্থির থেকে এখন এই ভাঁটা-পড়া বয়সে এমনই অস্থির হল যে মান-অপমান জ্ঞান হারাল?

সৌদামিনীর এই পদস্থলন যেন সত্যবতীর মাথাটা লুটিয়ে দিল।

পদস্থলন!

হ্যাঁ, পদস্থলনই মনে হল সত্যবতীর। আর অকস্মাৎ তার বড় একটা ঘা না হয় তাই হল, দুই চোখ জলে ভরে উঠল।

তবু কষ্টে নিজেকে সামলে মাথার কাপড়টা আর একটু বাড়িয়ে সত্য বড় ননদাইয়ের পায়ের ধুলো নিয়ে শাস্ত স্বরে বলে, “মনে কিছু করবেন না, চেনা-জানা তো নেই কখনো। দাওয়ায় উঠে বসুন। তিনি বাজারে গেছেন, এসে পড়বেন এখনই।”

গুরুজনদের সামনে “উনি” বলাটা অশোভন, তাই “তিনি” বলে সত্যবতী।

অবশ্য তাতে বুঝতে অসুবিধে হয় না, সংসার করে ঋহু হয়ে যাওয়া মুকুন্দ মুখোয়র। এতক্ষণে তিনি শালার্বোয়ের আচরণে খ্রীত হন এবং প্রণতাকে “থাক থাক” করে সৌভ্রগ দেখিয়ে গর্বিত ভঙ্গীতে উঠে গিয়ে দাওয়ায় পাতা জলচোকিতে জাঁকিয়ে বসেন।

সত্যবতীর চোখের ইশারায় ছেলেরাও তাদের নবলক পিসেমশাইকে প্রণাম করে এবং চোখের ইশারাতেই তামাক সেজে আনতে যায় সরল। যদিও নবকুমার তামাক খায় না, তবুও তামাকের পাটটা বাড়িতে রেখেছে সত্যবতী অতিথি-অভ্যাগতের জ্ঞান।

আপ্যায়ন করতে হবে বৈকি!

পিতৃঋণ মাতৃঋণ দেবঋণ গুরুঋণ তো অলক্ষ্য জগতের, আর তার শোধের কথা তো কথার কথা। আসলে কুটুম্ব ঋণের তুল্য ঋণ নেই, আর তার শোধটা

নিভাত্তই প্রত্যক্ষ বাস্তব। দুর্লভ্য নীতিকে লঙ্ঘন করলে সত্য, লোকটা কুটুন্সনামের অযোগ্য বলে ?

তা পারে না।

এখন আর পারে না।

এ সেদিনের সেই কিশোরী সত্যবতী নয়, একদা যে খুশুরকে অপবিত্র জ্ঞান করে তাব পূজার গোছ করে দিতে অস্বীকৃত হয়েছিল। এ সত্যবতীর অনেক বাস্তববুদ্ধি হয়েছে। এখনকার সত্য জানে কতকগুলো ব্যাপারকে মনের সঙ্গে রফা করতে না পারলেও, বাইরে খানিকটা রফা করে নিতে হয়। নইলে সামাজিকতা অভদ্রতা ইত্যাদির দায়ে পড়তে হয়। সংসার যখন করতে বসেছে, সামাজিকতার দায় পোহাতে হবে বৈকি।

তাই একটা নিশ্বাস ফেলে রান্নাঘরে ঢুকে উল্লুনে চাপানো হাঁড়িটা নামিয়ে রাখে। তারপর বড়ছেলেকে হাতের ইশারায় ঘরে ডেকে তার হাতে রসগোল্লা আনবার পয়সা দিয়ে ঘরের দরজার কাছে এসে বসে। সেখান থেকে সরাসরি না হলেও, ননদাইকে অবলোকন করা যায়।

নবকুমার যতক্ষণ না ফিরছে, ততক্ষণ এই বন্ধন-যন্ত্রণা সইতেই হবে তাকে।

হুকোয় একটা সুখটান নিয়ে মুকুন্দ মুখুযো রাশভারী গলায় প্রশ্ন করেন, “কতদিন হল বাসা করে থাকে হয়েছে ?”

সত্য মুহূর্ণের বলে, “অনেক দিন। সাত-আট বছর।”

“বল কি ? তখন তো তুমি প্রায় কাঁচা যুবতী গো ! তা বড়ো-বুড়ী যে মত দিল ? নাকি মরেছে তারা ?”

সত্যর ইচ্ছে হয় মুখেব সামনে ঘরের দরজাটা বন্ধ করে দিয়ে বসে থাকে গুম্ব হয়ে। কিন্তু করে না। সংক্ষেপে বলে, “আছেন। মত না দিলে চলবে কেন ? ছেলেদের লেখাপড়া—”

“হুঁ, তা বটে। একালে তো আর পাঠশালা পড়া বিছিয়ে চলবে না। তা মাত্রের ওই দুইটি নাকি ? কুচোকাচা দেখছি নে তো !”

এ কথার আর উত্তর কি দেবে সত্য, চূপ করেই থাকে। “আর হয় নি” এটা বলতেও বুঝি কোথায় কাঁটার মত একটু বাধে। অদৃশ্য সেই কাঁটাটা বুঝি আন্তে আন্তে অবয়ব নিচ্ছে এক নিভৃত অঙ্ককারে।

মুকুন্দ কিন্তু নাছোড়, ফের বলেন, “বাগের সঙ্গে বেরিয়েছে বুঝি ?”

এ প্রশ্নের উত্তরটা সরলই দিয়ে ফেলে. “আমরা শুধু দুই ভাই।”

মুকুন্দ যে এর মধ্যে নিজের কী “ভাল” আবিষ্কার করেন কে জানে, সস্মিত মুখে বলেন, “তা ভাল। আপদের শাস্তি! এ দিবিয়া ঝাড়া-হাত-পা হয়ে যাওয়া। এখন তীর্থ কর ধর্ম কর, দস্ত্রি-বিস্ত্র করে সংসার কর, কোনো বালাই নেই। বাবাঃ, আমাব ঘরের এণ্ডি-গেণ্ডিগুলো দেখলে আমার মাথা কেমন করে। মানুষের ছাঁ তো নয়, যেন হাঁস-মুরগীর পাল।”

এবার বোঝ করি সত্য বিবক্ত হতও ভুলে যায়, চমৎকৃত হয়েই তাকিয়ে থাকে। বেটাছেলেতে যে এমন ধরনের কথা কইতে পারে এ তার জানা ছিল না। তার বাপের বাড়ির দেশে অনেককে দেখেছে সে, মেয়েলী বেটাছেলেও দেখেছে, দেখেছে নীলাঙ্গরকে, নবকুমারকে, সতার আদর্শ অন্ত্যায়ী ‘পুকখ পেটাছেলে’র রূপ কোথাও দেখে নি সত্য, কিন্তু এ কী!

গ্রামের গাইয়ামির মধ্যেও এক ধবনের শোভন-সভ্যতা আছে, এই শহুরে গৈয়েটা এক কথায় দিশ্রী কুংসিত।

অথচ দেখলে বোঝা যায় লোকটা এককালে ‘স্বপুরুষ’ বলেই গণ্য হত। একটু বেঁটে, তবে রংটি হর্তেলের মত, মুখাকৃতি দিবিয়া, কাঁচা-পাকা হলেও চুলে কেয়ারি আছে, আর সর্ব অবয়বে তোয়াজের চিহ্নটি পরিষ্কুট।

হাঁস-মুরগীর পালের সংসার হলেও, ভদ্রলোক নিজের তোয়াজটি ভালই বাগিয়ে নেন সন্দেহ নেই। সজুদির সতীনকে মনে মনে একপ্রকার ব্যঙ্গাত্মক তারিফ করে সত্য।

কিছুক্ষণ নীরবতা।

মুকুন্দ ছঁকো টানছেন, সত্য উৎকণ্ঠিত দৃষ্টতে সদরের দরজার দিকে তাকিয়ে আছে, আর বেচারি সরল মনে মনে কাঠ হয়ে চূপচাপ দাড়িয়ে আছে উগ্ধত বজ্রের নীচে প্রতীক্ষারতের মত। এই লোকটা চলে যাওয়ার পর যে তাদের বিচার হবে সে বিষয়ে সন্দেহ নাশ্রি।

প্রতীক্ষার মুহূর্ত দীর্ঘ। সত্যর মনে হয় নবকুমার যেন কতকাল বাজারে গেছে। আর তুড়ুটাও কম দেরি করছে না। ময়রার দোকান তো এই কাছেই।

নীরবতা ভঙ্গ করলেন মুকুন্দ।

বলেন, “তা তোমার ননদ ঠাকরণই বোধ হয় মামা-মামীর সেবা করছে?”

কঠে যেন একটু চাপা অসন্তোষ।

সত্য আস্তে বলে, “উনিই তো কাছে আছেন বরাবর।”

“তা থাকতেই হবে, বেটা বেটার-বৌ যখন উড়তে শিখেছে। কিন্তু স্বামীর সংসারের প্রতিও তো একটা কর্তব্য আছে? এই তো আমার ঘরে, সংসারটা একটা ‘মাহুঘ’ বিহনে ফুটোনোকোর তুল্য। দ্বিতীয় পক্ষটি তো আমার হরষড়ী আঁতুড়ঘরে ঢুকতে ওস্তাদ, বাচ্ছা-কাচ্ছাগুলোর হাড়ির হাল। এখন বড় গিন্নী এসে থাকলে সবদিকই রক্ষা হয়, আর তারও—”

বোধ করি নিতান্তই অসহ্য বিষয়ে স্তব্ধ হয়ে গিয়েছিল বলে সত্য এত-গুলো কথা-বলবার অবকাশ দিয়েছিল লোকটাকে, কিন্তু স্তব্ধতার ঘোর কাটল। আর লোকটা যে সত্ত্ব আগন্তুক এবং হিসেবমত গুরুজন, সে কথা বিস্মৃত হয়ে মূঢ় হলেও তীব্রস্বরে বলে উঠল, “আপনার অবিশ্বাস সবদিক রক্ষা হয়, বিনি মাইনেয় রাঁধুনী-চাকরানী-ঘরুনী সব পেয়ে যান, কিন্তু তাঁর কী উপকারটা হবে শুনি?”

মুকুন্দ মুখ্যো ক্ষণকালের জ্ঞান খতমত খেয়ে যান, কারণ এ হেন তীব্রতার মুখোমুখি দাঁড়াতে হবে এ কল্পনা নিশ্চয় ছিল না তাঁর, তবে আত্মস্থ হতেও দেরি লাগে না। সেই আত্মস্থ ভঙ্গীতে মূঢ় হান্তের প্রলেপ লাগিয়ে বলেন, “শালাবাবুর আমার পরিবার-ভাগ্যিটি তো দেখছি বেশ ভালই। একে রূপসী তায় বিদুষী, নাটক নভেল পড়ার অব্যাস আছে বোধ হয়? তা জিজ্ঞেসই যদি করলে তো বলি, উপকারের কিছু না হোক পরকালের কাজটাও তো হবে? মামার ঘরে দাস্ত্রবিত্তি করার চাইতে স্বামীর ঘরের দাস্ত্রবিত্তি কিছু আর অপমান্ত্রির নয়?”

সত্য উঠে দাঁড়ায়, দীর স্বরের চেষ্টা করে বলে, “মেয়েমাহুঘের কোন্টা মাস্ত্রের আর কোন্টা স্ত্রমাস্ত্রের সে জ্ঞান থাকলে আর এ কথা বলতে পারতেন না। তবে ঠাকুরঝি যে আপনাকে ত্যাগ দেয় নি, আপনিই ত্যাগ দিয়েছেন তাকে, জানা আছে আমার সে কথা। এখন সংসারে ঝিয়ের দরকার হয়েছে বলে তার পরকালের চিন্তা নিয়ে মাথা ঘামাতে এসেছেন—”

যতই দীরভাবে বলতে চেষ্টা করুক, তবু উত্তেজনায় মুখটা লাল হয়ে ওঠে সত্যর। আর এ উত্তেজনা শুধু ওই চোখের চামড়াহীন বর্বারটার নির্লজ্জতাতেই নয়, সহুর নির্লজ্জতাতেও। এই হতচ্ছাড়া লোকটাকে এসব কথা বলার সুযোগটা তো সহুই দিয়েছে।

মুকুন্দ মুখ্যো এর উত্তরে কী বলতেন অথবা সত্য কিভাবে কথা শেষ করত

কে জানে, বাধা পড়ল পিতা-পুত্রের আগমনে। সাধন এসেছে রসগোল্লা নিয়ে, সঙ্গে সঙ্গে নবকুমারও। পথে বাবার সঙ্গে দেখা হয়ে যাওয়ায় সমাচারটা জানিয়ে দিয়ে অবহিত করিয়ে এনেছে সাধন। বাবার দেখা পেয়ে যেন আশ্রিতঃ বেঁচেছে বেচারী, সরাসর মার মুখোমুখি দাঁড়াতে অস্বস্ত কিস্টুটা নিলদ্ব হলে।

নবকুমার অবশ্য গুরুজন এবং দুর্লভ কুটুম্বর সম্মান জানে। শশব্যস্তে হাতের জিনিস নামিয়ে হেঁট হয়ে পায়ের ধুলো নিয়ে সম্মিত বচনে বলে, “কী ভাগ্য আমার পায়ের ধুলো পড়ল এতদিন পরে! কতক্ষণ এসেছেন?”

সত্য তত্তক্ষণ রসগোল্লার তাঁড় নিয়ে ঘরে ঢুকে গেছে। মুকুন্দ অন্তরালবর্তিনীর কর্ণগোচর হতে পারে এমন উদাত্ত স্বরে উত্তর দেন, “তা এসেছি অনেকক্ষণ। এতক্ষণ ‘হাঁ’ হয়ে বসে তোমার বিদুষী পরিবারের লেক্চার শুনছিলাম। কলকেতারই মেয়ে বাবু? মেমের কাছে লেখাপড়া শেখা?”

লজ্জায় মাথাটা হেঁট হয়ে যায় নবকুমারের, মুখটা টকটকে হয়ে ওঠে। আর সত্যর প্রতি অপরিসীম ক্রোধে যেন হতবাক হয়ে যায়।

আম্পদ্যর কী একটা সীমা নেই? কথা বলতে জানে বলে যাকে যা ইচ্ছে বলবে? অতঃড় বড়ো ননদাই, তাও আবার চিরদিনের অদেখা, তার সঙ্গে তো কথা কইবারই কথা নয়, ঘোমটা দিয়ে ঘরের মধ্যে ঢুকে পড়বার কথা, তা নয়, এমন কথা শুনিহেছেন বসে বসে যে এই উপহাসের জুতোটি খেতে হল নবকুমারকে।

ছি ছি!

কিন্তু এখন হচ্ছে মনের রাগ মনে চাপা, কিল খেয়ে কিল চুরি। জুতোটাকে বোনাই ইয়ের রাসকতা বলে ধরে নিয়ে হেঁ হেঁ করে হাসা।

সেই হাসিই হাসতে থাকে নবকুমার এবং সত্য নিঃশব্দে রসগোল্লার রেকাবি আর জলের গ্লাসটা নামিয়ে বাজারের ধামাটা তুলে নিয়ে ঘরে চলে গেলে বোনাই নিজেই যখন রেকাবিটি হাতে উঠিয়ে ব্যঙ্গহাস্তে বলেন, “জুতো মেরে গরুদান? তা মন্দ নয়। যাক, বামুন মুচি-বাড়িতেও লুচি খেতে ছোটো—” তখনও নবকুমার সেই হেঁ হেঁ হাসি হাসতে থাকে। বরং মাত্রাটা আরো বাড়িয়ে দেয়।

অতঃপর সত্য আর বেরোয় না।

ছেলে ছোটো গুটি গুটি ঘরে ঢুকে বই নিয়ে পড়তে বসে।

নবকুমারের সঙ্গেই অনেকক্ষণ কথা চালান মুকুন্দ ।

সুহাসিনী বাড়িতে নেই, বিবিবার সকালে সে পাশেরই এক বডলোকের বোয়ের কাছে লেস বোনা শিখতে যায়। বোঁটির ছেলেমেয়ে নেই, বাড়িতে প্রচুব চাকব-দাসী, স্বামীটি বিবিবার হলেই সন্ধ্যা থেকে তাসেব আড্ডায় চলে যায়, অতএব রবিবার সকালে তো বটেই, এমনিতেও বোঁটির অফুরহ অবকাশ ।

সুহাসিনী স্বলে যাবার পথে জানলা দিয়ে ডেকে নিজেই আলাপ ববেছিল বোঁটি ।

“ওই লোকটা থাকতে থাকতে সুহাস না ফিরলেই বাঁচি,” বাস্তব কবতে করতে ভাবল সত্য। ফিরলে তো ওরই চোখেব সামনে দিয়ে ফিববে? অতি বদ্ প্রকৃতির লোক। দেখলে নিশ্চয় ওই সুহাসের কথায় সাতশ কৈফিয়ত চাইবে ।

মানুষ যে কেন এমন অসভ্য হয় !

আস্তে আস্তে অল্প ভাবনায় চলে যায় সত্য, শুধু কি অসভ্যই হয় 'হাংলাও হয় না কি? নইলে সদ্ ওই বদ্ লোকটাকে এখনো স্বামীজ্ঞান কবে বসে থাকে? শুনেছে নবকুমারের কাছে ইতিহাস। নির্যাতনের জালায় জালায় চলে গিয়েছিল সদ্, তারপর এই নির্যাতক স্বামী ঘরে সতীন-কাঁট পুঁতেছে, সে খবরও জানা। তবে? এত সন্তেও কি চিরদিন মনে মনে ও চরণের দাসী হয়ে থেকেছে সোঁদামিনী? না ওটা একটা নিয়মবন্ধের 'পাঠ মাত্র ?

হয়তো এদিকে মামীর নির্যাতনে সাময়িকভাবে কোনোদিন বৈর্যচ্যুত হয়েই, সে এ কাজটা করে বসেছে ।

কিন্তু তাই কি ?

এ তো মনে হচ্ছে বেশ পরিকল্পনার ব্যাপার। রাগের মাথায় কিছু ব: ফেলা নয়। পাড়ার কোনো ছেলেপুলেকে দিয়ে লেখালে লোক-জানার্জি হবার ভয়েই হয়তো এতদিন পারে নি। এখন নিজের ভাইপোদে দিয়ে—

সন্দেহ নেই কথাটা প্রকাশ করতে বারণ করেছে ছেলেদের। সদ্র ওপ এজন্তেও রাগ হয় সত্যর। পিসি হয়ে লুকোচুরি করার বিচ্ছেটায় হাতেখাঁ দিলে ভূমি !

এখন সত্য কি করে ওদের তিরস্কার করবে ?

সেটা কি ঠিক হবে ?

পিসিও তো গুরুজন। তার কাছে যখন কথা দিয়েছে। “সত্যরক্ষা” যে মানুষের জীবনের সারধর্ম, এ কথা সত্যই শিখিয়েছে ছেলেদের।

কিন্তু যতই যা শেখাও, তুড়ুটা ঠিক তার বাপের ধাঁচে যাচ্ছে। মেরু-দণ্ডহীন অসার। তবে নবকুমারের আবার তার ওপর মুখে তড়পানি আছে, এর সেটা নেই, এই যা! মুহু ভালমানুষ ছেলেটা। কিন্তু ভালমানুষই কি প্রার্থনীয়? ওই ‘ভাল’টা বাদ দিয়ে যেটা হয়, সেটাই যে চায় সত্য।

সবলটা হয়তো একটু অল্পরকম হবে।

\* কিন্তু সে কোন্ রকম ?

সত্যবতীর মনের মধ্যে ‘মানুষ’ের যে ছাঁচ গঠিত আছে, তার ধারে-কাছে পৌছবে ?

না, সে আশা নেই সত্যর। লেখাপড়া শিখবে, রোজগারপত্র করবে, পাচজনে “ভাল” বলবে এই পর্যন্ত। তার বেশী নয়, বৃষ্টি নিয়েছে সত্য। যদি তার বেশী হত, এতদিনে ধরা পড়ত সে দীপ্তি, সে ঔজ্জ্বল্য।

বরং সুহাসিনীর মধ্যে “বস্তু” দেখতে পায় সত্য, দেখতে পায় দীপ্তির চমক। যে সুহাসিনীর কৈশোরকাল পর্যন্ত কেটেছে এক কুশ্রী পরিস্থিতির মধ্যে। জীবনের বনেদে যার শুধুই শূন্যতা।

হয়তো সেই জন্মেই।

আলো আর অন্ধকারের পার্থক্যটা ওর কাছে তীব্র হয়ে ধরা পড়েছে। এদের কাছে সে তীব্রতা নেই। এরা তাই ঝাপসা-ঝাপসা। চোন্দ-পনের বছর বয়স হল, এখনো বোঝা যাচ্ছে না ওরা নিজেদের নিয়ে কিছু ভাবে কিনা, ভাবতে শিখেছে কিনা। কোন্টা ভালো কোন্টা মন্দ সেটা চিন্তা করে কিনা।

আশ্চর্য!

সত্যবতীর মনের মধ্যে যে ছাঁচ, সত্যবতীর গর্ভের ছাঁচ তার নাগাল পেল না।

ঈশ্বর জানেন এই সুদীর্ঘকাল পরে সত্যবতীর সন্তার মধ্যে আবার কোন্ ছাঁচ গঠিত হচ্ছে! প্রথমটা ভারী একটা বিপন্নতা বোধ করেছিল সত্য, বিপন্ন বলে মনে হয়েছিল ঘটনাটাকে, ক্রমশঃ মনটা কোমল হয়ে আসছে।

এমন কি মাঝে মাঝে ভাবতেও ইচ্ছে করছে, পাশা বদল হলে মন্দ হয় না, একটি মেয়ে হলে বেশ হয়।

আজ হঠাৎ মনে হল সত্যবতীর, যদি তা-ই হয়, কে বলতে পারে সে মেয়েই তার পিতামহীর আকৃতি আর প্রকৃতি নিয়ে অবতীর্ণ হবে কিনা।

হয়তো তাই হবে।

সত্যবতীর একাগ্র ইচ্ছার নিরন্তর তপস্যা কোনো কাজেই লাগবে না। মেয়েমানুষের এ এক অদ্ভুত নিকপায়তা। নিজের রক্ত মাংস মন বুদ্ধি আত্মা সব কিছু দিয়ে যাকে গড়ছি, জানি না সে কী হবে।

নিঃস্বাস ফেলে ভাবল, শুনেছি শাস্ত্রের আছে নরাণাং মাতুলক্রমঃ! কিন্তু মাতুল না থাকলে? দাদামশাইয়ের আত্মজই তো মাতুল? তবে? দাদামশাইয়ের কথা শাস্ত্রে লেখে নি।

চিন্তায় ছেদ পড়ল।

বাইরে সেই বাজুখাই গলা বেজে উঠল, “কই গো বাড়ি গিল্লী, অত লেকচার-টেকচার শুনিয়ে হঠাৎ একেবারে ডুব যে! অধম তাহলে এখন বিদায় নিচ্ছে। মাঝে মাঝে আসতে অনুমতি হবে তো?”

সত্য বাইরে বেরিয়ে এসে হেঁট হয়ে নমস্কার করে শাস্ত্র গলায় বলে, “আসবেন বৈকি।”

কিন্তু এতে, ওই শাস্ত্র বচনেতে কোন কাজ হল না।

মুকুন্দ বিদায় নিতে নবকুমার “রে রে” করে পড়ল।

“বলি তোমার ব্যাপারটা কী? কী সব যাচ্ছেতাই কথা বলেছ মুখুযো মশাইকে?”

“সত্য বিরক্তভাবে বলে, “যাচ্ছেতাই আবার কী বলতে যাব?”

“তা যাচ্ছেতাই ছাড়া আবার কি? উনি কিছু যেচে আসেন নি? দিদি তল্লাস করেছিল তাই—”

কথা ধামিয়ে দিয়ে সত্য বলে ওঠে, “সেই ঘেম্মাতেই গলায় দড়ি দিতে ইচ্ছে হচ্ছিল আমার।”

“তার মানে?”

“মানে ভেবো খেয়ে-দেয়ে নিশ্চিন্দ হয়ে। এখন চান কর গে।”

“ধাম! বলি দোষটা কি করেছে দিদি? স্বামী তো বটে?”



“তা তো নিশ্চয়।”

“তবে?” নবকুমার সোৎসাহে বলে, “মুখ্যোমশাই যা বললেন, তাতে বুঝলাম ঠাণ্ডা দুঃখটা। আর যাই হোক লোকটা কপট নয়। বললেন, একসময় দোষ ঘটেছিল ঢের, কুসঙ্গে পড়ে নেশাভাঙ কুকর্ম কিছুই বাকী বাধি নি ভায়া, সতী সাধবীকে লাঞ্ছনাও করেছি। কিন্তু পরে চৈতন্য হয়েছে।”

সত্য নিরীহ গলায় বলে, “হয়েছে বুঝি।”

“হয়েছে বৈকি। এখন তো ওই তামাকটুকু ছাড়া আর কোনো নেশাই নেই। তাই বলছিলেন, কত ইচ্ছে হয়েছে গিয়ে ক্ষমা চাই, মামার পায়ে ধরে চেয়ে আনি, কিন্তু লজ্জায় পারি নি। তা তোমার দিদি যেকালে আগু বাড়িয়ে লজ্জাটা ভেঙে দিল, তাতে—”

“তা বেশ তো, স্বথের কথা। দিদিকে আনিয়ে নিয়ে আবার নতুন কবে গাঁটছড়া বেঁধে পাঠিয়ে দাও। দুই সতীনে স্বথে সংসার করুন—,” বলে একটু তীক্ষ্ণ হেসে সরে যাচ্ছিল সত্য, কিন্তু মুহূর্তে ঘটে গেল এক বিপর্যয়।

নবকুমার বোধ করি কিছু না ভেবেচিন্তেই ক্ষণপূর্বে শোনা একটি কথা যথায়থ উচ্চারণ করে বসল, “তা সে সতীন-জালা আর বেশী দিন নয়। শুনলাম নাকি এ পক্ষের স্মৃতিকা ধরেছে। তবে? সে কাঁটা আর কদিন?”

মুহূর্তে যেন একটা বোমা ফেটে গেল। সত্যবতী উন্মাদের মত নিজের কপালে একটা ধাবড়া মেরে চিৎকার করে উঠল, “চূপ করবে তুমি? দয়া করে একটু চূপ করবে? যদি তা না পারো তো যে করে পারো, আমায় জন্মের শোধ কালা করে দাও।”

একার সংসারে এতদিন ধরে অরুচি আর অক্ষিধেয় না খেয়ে খেয়ে ভিতরে ভিতরে দুর্বল হয়ে যাওয়া শরীরটা এই উত্তেজনার ভার বহিতে পারল না। হুড়মুড়িয়ে পড়ে গেল।

ছেলে দুটো হাউমাউ করে জল আর পাখা আনতে ছুটল, নবকুমার ঘর থেকে একটা বালিশ এনে সত্যর লুটিয়ে পড়া মাথার তলায় গুঁজে দিতে বসল, আর এই সময় স্ত্রীসিনী ও-বাড়ি থেকে এসে পাথর হয়ে দাঁড়িয়ে পড়ল।

আজ ভারী উৎফুল্ল হয়ে আসছিল স্ত্রীসিনী, কারণ তাঁর শিক্ষা-গুরু বোর্ডি

বলেছেন, “তুমি যদি ভাই রাজী থাক তো আমার মান্দারী কর। বড়লোকের বাড়িতে কেবল খেয়েশুয়ে জীবনে যেন ঘেমা ধরে গেছে। তোমায় দেখে মনে হয়, যদি তোমার মতন বই-টাই পড়তে পারতাম, তা হলেও বা দিনটা কাটত। তা ইঙ্কলে যাওয়া তো আর জীবনে হবে না, তবু তোমাব কাছে যদি—”

মাস মাস আটটা করে টাকা দিতে চেয়েছে সে। সুহাস অবশ্য টাকার কথায় আপত্তি করেছিল, বলেছিল, “টাকা কেন ভাই? তুমি আমায় একটা দিগে শেখাচ্ছ, আমি না হয় তার বদলে তোমাকে একটা—”

কিন্তু সে হাতে ধরে কাকুতি-মিনতি করেছে। বলেছে, “আমার শখের জগে টাকা খরচ করতে তো আমার বর সর্বদা রাজী! একদিন থিয়েটার নিয়ে যেতে পচিশ-ত্রিশ টাকা খরচ করে, এও তো আমার একটা শখ? গুরুকে দক্ষিণে না দিলে বিগে হয় না।”

সুহাস রাজী হয়ে এসেছে।

উৎফুল্ল হৃদয়ে সত্যর কাছে বলতে আসছিল, “দেখ পিসিমা, বড়লোক মাড্রেই খারাপ হয় না। তাদের মধ্যেও মহৎ আছে—” কিন্তু এসেই এই দৃশ্য।

তাজাতাড়ি সবাইকে সরিয়ে দিয়ে সেবার ভারটা হাতে তুলে নিল সে। আর সেই প্রথম খবরটা জানল। আশ্চর্যত ভাবেই বলে ফেলল নবকুমার। “শরীরটায় পদার্থ নেই দেখছি। বাচ্চা-কাচ্চা হবার আগে মেয়েছেলে না ঠাকুমার কাছে যায়, তা সে গুড়ে তো বালি। বারুইপুরেই পাঠিয়ে দিতে হবে দেখছি।”

কিছুটা সময় দিশেহারা হয়ে তাকাল সুহাস। তার পর নিজের ওপর দিক্কাবে অবাক হয়ে গেল। ছি ছি, এত বড় বড়ো মাগী মেয়ে সে এমনই অবোধ! এক ঘরে একসঙ্গে, কিছু টের পায় নি? তুড়ু-খোকার চাইতে তা হলে কোন তফাৎ নেই তার। পিসিমার যে শরীরের এমন অবস্থা হয়েছে, প্রথমে তো তারই বোঝ উচিত ছিল। যত্ন-আত্তিও করা উচিত ছিল।

বুঝতে পারে নি।

সত্যর ছেলে দুটো এত বড় হয়ে গিয়েছে যে, এ ধরনের চিন্তা মাথাতেই আসে নি। তা শুধু লজ্জাই নয়, আজ সত্যর ওই চৈতন্যহীন পাংশু মুখের দিবে তাকিয়ে অজানা একটা ভয়েও বুকটা কেঁপে উঠল সুহাসের।

স্বহাসের ভাঙা ভাগ্যে যদি তার এই আশ্রয়ের ভেলা ডুবে যায়? যদি সত্যর কিছু ঘটে?

অনেকদিন পরে ছেলেপুলে হলে তো বিপদ হতে পারে শুনেছে, বুকটা কেঁপে নিখর হস্মে এল স্বহাসের। আর বোধ কার এই প্রথম উপলব্ধি করল সত্যকে কতটা ভালবাসে সে। শুধু আশ্রয়ের ভেলা বলেই নয়, ‘মানুষ’টা বন্ধোও প্রাণের আসনে বসিয়ে রেখেছে স্বহাস সত্যকে প্রতি মুহূর্তের সংস্পর্শে।

মা-ঠাকুমা নেই বলে যত্ন পাবে না সত্য? স্বহাসের কি ব্যয়স হয় নি সেবা রুববার?

## ॥ একটল্লিশ ॥

অনুতাপ-দন্ধ স্বহাসের দৃঢ় সংকল্প অবশ্য কাজে লীগল না। কারণ মাত্র একটা বেলার বেশী বিছানায় শুয়ে থাকল না সত্যবতী। স্বহাসের অল্পনয়-বিনয় এবং নবকুমারের ব্যস্ত ভৎসনাকে উপেক্ষা করে উঠে পড়ল সে। বলল, “ঠিক হয়ে গেছি বাবা। তোমরা আর তিলকে তাল করো না।”

কিন্তু এই আকস্মিক দুর্বলতার ঘটনায় গভীর একটা চিন্তা দেখা দিল সত্যবতীর মনের মধ্যে। সে চিন্তা স্বামী-পুত্রের জগ্ন নয়, ওই অনাথা মেয়েটার জগ্নেই। নিশ্চিন্ত হয়ে বসে আছে সত্য, কিন্তু যদি সত্যর একটা কিছু ঘটে, ওর কি হবে? অবিশ্বাস মরে এক্ষুণি যাবে সত্য তা নয়, তবু বলা কি যায়। বৃড়ো বয়সে আবার যখন কেঁচে-গাওুষের পালা পড়ল তখন ভয় আছে বৈকি। ছেলেদের জগ্নে ভাবনা নেই, ওরা প্রায় মানুষ হয়ে এল, নবকুমারের মা-বাপ আছে এখনও, হয়ে যাবে কোন ব্যবস্থা, ওই মেয়েটারই অজল অস্থল অবস্থা। ওই রূপের ডালি মেয়েকে এলোকেশী নিশ্চয়ই সূচক্ষে দেখবেন না। তা ছাড়া শুধু দেখার প্রশ্নই তো নয়, এতদিন নিশ্চিন্ত হয়ে বসে থাকার জগ্ন নিজেই বিকার দিল সত্য এবং পরদিন নবকুমারের কাছে একটা অসমসাহসিক আবেদন করে বসল।

সত্য মাথা ঘুরে পড়ে যাওয়ার সঙ্গে সঙ্গে নবকুমারেরও মাথা ঘুরে গিয়েছিল

এবং এই কদিন নিতান্তই বেচারার মত কিসে সত্যর সন্তোষ-বিধান হতে পারে তার চেষ্টা করছিল, কিন্তু সত্যর এই আবেদনে তার নতুন করে আবার মাথা ঘুরে গেল। অবাক হয়ে বলল, “মাস্টার মশাইয়ের বাড়ি যাবে তুমি! কেন? হঠাৎ এমন কি দরকার পড়ল?”

“আছে দরকার।”

“কিন্তু নিতাই শুনলে কি আস্ত রাখবে আমায়?”

“আস্ত রাখবে না?” সত্য মূহু একটু ব্যঙ্গহাসি হেসে বলে, “একেবারে ভেঙেই ফেলবে?”

“তা প্রায় তাই। তা ছাড়া, মানে দরকারটা কি?”

“বললাম তো আছে দরকার।”

নবকুমার নম্রতা ভোলে, ক্রুদ্ধকণ্ঠে বলে ওঠে, “ওই বেধর্মী লোকটার সঙ্গে তোমার দরকারটাই বা কি তাই শুনি?”

বলে ফেলেই অবশ্য ভয়ে কাঠ হয়ে যায়। কে জানে বাবা, এ কথাতেও সত্য অজ্ঞান হয়ে যাবে কিনা? কিন্তু না, অজ্ঞান হয়ে যায় না সত্য, শুধু মিনিটখানেক পাথরের চোখ নিয়ে স্বামীর দিকে তাকিয়ে থেকে বলে, “একটা পরামর্শ করব।”

“পরামর্শ! বাপ-পিতেমোর নাম গেল হিদে জোলার নাতি! জাতে-জাতে পরামর্শর মানুষ মিলল না, পরামর্শ করতে যাবে ওই ধর্মখোয়ানো ইয়ের সঙ্গে?”

সত্য বোধ করি রাগবে না বলেই দৃঢ়সংকল্প, তাই স্থিরভাবে বলে, “জাতেজাতে ‘মানুষ’ আর পাচ্ছি কোথা? পাখী-পক্ষীর সঙ্গে তো আর পরামর্শ হয় না? যাক গে, তুমি যখন নিয়ে যেতে পারবে না, আমি নিজেই যে করে হোক—”

“নিজেই যে করে হোক।”

“তা ছাড়া?”

নবকুমার আরো ক্রুদ্ধ গলায় বলে, “এই এক একবগু গা গৌ। যা ধরব তা করবই। বেশ এতই যদি দরকার, তাঁকেই তবে ডেকে আনব গলবস্ত্র হয়ে গিয়ে।”

“না।”

“না?”

“না-ই তো। একদিন নিজের মুখে তুমি তাঁকে এ বাড়িতে আসতে বারণ করেছ—”

“করেছি, এবার গলবস্ত্র হয়ে সে অপরাধ ক্ষয় করব।”

“ক্ষয় হয় না এমন অপরাধও তো ভগতে আছে গো? যাক্, তক্ক আমি করতে চাই না, তবে এ বাড়িতে আর পা ফেলতে বলব না তাঁকে, নিজেই গিয়ে যা পারব—”

“এই তোমার জ্ঞান একদিন দেশত্যাগী হতে হবে আমায়।”

নবকুমার মুখের চেহারায় বিরাক্তির চরম নমুনা দেখায়। কিন্তু সত্য নির্বিকার, বলে, “দেশত্যাগী হব বললেই কি হওয়া যায়? যায় না। যাক্ গো, তুমি আর ও নিয়ে মাথা খারাপ করো না। আমিই ব্যবস্থা করে নেব। তবে জানানোটা হয়ে থাকুল।”

মাথা খারাপ করতে বারণ করলেই কি আর নিজের দায়িত্ব ত্যাগ করতে পারে নবকুমার? মাথা সে খারাপ করেছেই। শেষ অবধি ভেবে হৃদিস না পেয়ে হাল ছেড়ে দেয় সে, আর ইত্যবসরে সত্য স্বাধীন অভিযান চালায়। নিজেই রওনা হয় ভবতোষের বাড়ি।

পথের সঙ্গী?

আর কেউ নয়, স্নহাস।

হ্যাঁ, স্নহাসের সঙ্গেই গিয়েছিল সত্য। স্নহাস ঠিকানাটা শুনে বলেছিল, “ওমা, এ তো আমাদের ইন্সুলের কাছেই—”

“ঠিক আছে, তবে তোতে আমাতেই যাব—”

বলেছিল সত্য, আর বোধ করি মনের নিভৃত কোণে এটুকু গুপ্ত বাসনা ছিল ভবতোষকে একবার ‘কনে’টা দেখিয়ে দিতে। ঘটকালি যখন করবেন, তখন অস্ত্রত মেয়ে কেমন তা যাতে বলতে পারেন।

এবার আর মাধ্যম নয়, সরাসরি নিজেই কথা।

ভবতোষ যেন হাঁ হয়ে গেলেন।

সত্য একটা অনাথ মেয়ে পুষেছে এ তিনি জানতেন, কিন্তু সে মেয়ে যে এমন মেয়ে আর এত বড় মেয়ে তা তাঁর ধারণার বাইরে ছিল। বিহ্বল দৃষ্টিতে কিছুক্ষণ তাকিয়ে থেকে চোখ নামিয়ে নিয়ে বললেন, “এ মেয়ের আবার পাত্তরের ভাবনা, বোঁমা?”

“সে আপনি স্নেহ করে বলছেন। দিন তবে নাতনীর একটা ব্যবস্থা করে। আপনাদের সমাজে শুনেছি অনেক উদারমন ছেলে আছে যারা বিধবা বিয়ে করতে রাজী—”

বিধবা!

ভবতোষ খতমত খান, “বিধবা! এ মেয়ে যে লক্ষ্মী-প্রতিমা বোঁমা, বিধবার মতন তো কোন লক্ষণ—”

সত্য সহসা বলে ওঠে, “তুই একবার পাশের ঘরে যা তো স্নহাস, আমার একটু কাজ আছে।”

সত্যর এই দুঃসাহসিক স্পর্ধায় স্নহাসও স্তম্ভিত হয়ে যায়। একেই তো এভাবে একটা পুরুষের বাসায় একা দুটো মেয়েছেলে আসাই ভয়ঙ্কর ঘটনা, তার ওপর কিনা “স্নহাস তুই পাশের ঘরে যা”!

প্রায় হতভম্ব হয়েই চলে যায় স্নহাস।

ভবতোষ হতভম্ব দৃষ্টিতে তাকিয়ে থাকেন এই কুলকিনারাহীন দুঃসাহসের দিকে। আর সত্য নিরুস্পন্ন মূঢ়স্বরে বলে, “এসেছি যখন, তখন আপনার কাছে ওঁর সব ইতিহাসই বলব।

হ্যাঁ, স্নহাসের সব ইতিহাসই বলেছিল সেদিন সত্য ভবতোষ মাস্টারের কাছে। স্নহাসের জন্মের আগের বৃত্তান্ত থেকে শুরু করে পরিচয়ও বাদ দেয় নি। শঙ্করীর কুলত্যাগের পর রামকালীর স্পষ্ট স্বীকারোক্তির কথাটাও এসে পড়েছিল।

সব শুনে ভবতোষ গভীর একটা নিশ্বাস ফেলে বলেছিলেন, “এখন বুঝতে পারছি বোঁমা, কোথা থেকে এ ধাতু পেয়েছ! অমন বাপ তাই—, কিন্তু কথা হচ্ছে বোঁমা, এই আমাদের নতুন সমাজকে তুমি যে রকম উদার ভাবছ, ঠিক সে রকম নয়। এর মধ্যেও দলাদলি আছে রেঘারেরি আছে, তা ছাড়াও যে মেয়ের বংশ-পরিচয় নেই, সে মেয়েকে বিবাহ করার মত মনোবলসম্পন্ন যুবক পাওয়া শক্ত।”

সত্য দৃঢ়স্বরে বলে, “শক্ত সহজ বুঝি না, চিরদিন জানি আমার কথা আপনি ফেলতে পারেন না, তাই জোর করতেই এসেছি। ওই মেয়েটার ব্যবস্থা আপনাকে করতেই হবে।”

ভবতোষ বিচলিত স্বরে বলেন, “আমি তোমার কথা ফেলতে পারব না, এ কথা তুমি জানলে কি করে বোঁমা?”

সত্য মুখ তুলে পরিকার এবং শাস্ত গলায় বলে, “এ কথা জানতে খুব বেশী কিছু লাগে না মাস্টার মশাই, আমি তো মাটি পাথর নই। কিন্তু সে কথা থাক, আপনি শুধু আমায় ভরসা দিন—”

ভবতোষ একটু হাস্তের সঙ্গে বলেন, “চেষ্টা অবিশ্রি করব বোঁমা, কিন্তু জোর করে তো বলতে পারছি না। যদি নিজেকে দিয়ে হত, তা হলে নম্র আজন্মের ব্রত ঘুচিয়ে একবার তোমার হৃদয় মেয়ের জন্তে বরসাজ সেঙ্গে নিতাম!”

সত্যও হেসে ফেলে। তারপর সর্কোতুকে বলে, “তেমন ভাগ্য ওর থাকলে তো? আমি কিন্তু বলে যাচ্ছি সব ভার আপনার ওপর রইল!”

ভবতোষ আকুলতা করেন, ভবতোষ ব্যাকুল হয়ে ওঠেন, বার বার বলতে থাকেন, “এ তুমি কি করলে বোঁমা? আমাকে এভাবে সত্যাবন্দী করে রাখলে—”

সত্য বিচলিত হয় না।

সত্য দৃঢ়স্বরে বলে, “আমি ঠিক জায়গাতেই ঠিক কথা বলছি মাস্টার মশাই, এখন আপনি আছেন এই ভরসা।”

ভবতোষ আকাশ পাতাল ভাবতে থাকেন কোথায় সেই পাত্র যার হাতে ওই সোনার প্রতিমাটিকে দেওয়া যায়, আর যে ওর সমগ্র ইতিহাস স্তনেও নিতে রাজী হয়।

ভেবে পান না।

একটা নিশ্বাস ফেলে বললেন, “এখন চট করে মাথায় আসছে না বোঁমা, দেখি। কিন্তু একটা প্রশ্ন করি, এই যে তুমি এসেছ নবকুমার জানে?”

সত্য মাথা কাত করে। অর্থাৎ “হ্যাঁ”।

“জানে! তা ভাল। কিন্তু তোমার এই ব্রাহ্মবাড়ি আসায় এবং ওই মেয়েটির বিবাহ সম্বন্ধে বা প্রস্তাব করলে তাতে তার সম্মতি আছে তো?”

সত্য ঘাড় নাড়ে। অর্থাৎ “না”।

ভবতোষ উদ্বিগ্ন কণ্ঠে বলেন, “তবে?”

“তবে আর কি? ওনার অমতেই করতে হবে।”

“কাজটা কি ভাল হবে বোঁমা?”

সত্য মুখ তুলে বলে, “কিন্তু ওই মেয়েটার আখেরের কথা না ভেবে নিশ্চিন্দ হয়ে বসে থাকাই কি ভাল হবে মাস্টার মশাই? আমার ঘরে সংসারে হয়তো একটু

মনোমালিণ্ড হবে, হয়তো খশুরবাড়ির মানুষেরা আমার মুখ দেখবে না, কিন্তু আমার সেই সামান্য লোকসানটা কি একটা মেয়ের জীবনটা বরবাদ হয়ে যাওয়ার থেকে বেশী লোকসানের হল ?”

ভবতোষ এক মুহূর্ত নির্নিমেঘে তাকিয়ে থেকে হঠাৎ ব্যাকুল রুদ্ধ কণ্ঠে বলে ওঠেন, “সন্ধ্যে হয়ে আসছে বোঁমা, তুমি বাড়ি যাও। তোমায় কথা দিচ্ছি, ওর বিয়ের ভার আমি নিলাম।”

সত্য আকাশের দিকে তাকিয়ে দেখে সন্ধ্যের চিহ্নমাত্র নেই। মাথাটা একটু নিচু করে বলে, “চিরটাকাল আপনার কাছে অগ্নায় আবদ্ধার করে আর পেয়ে সাহস বেড়ে গেছে মাস্টার মশাই, আমায় মাপ করবেন।”

“মাপ ? তোমায় আর আমি কি মাপ করব বোঁমা ? নিজেকে যদি মাপ করতে পারতাম ! সে যাক, মেয়েটি কোথায় গেল ?”

মেয়েটি ! তাই তো !

তার তো তদবধি আর কোন সাড়া নেই। সত্য ব্যস্তভাবে বেরিয়ে আসে ঘর থেকে, আর এই প্রথম খেয়াল হয় অনেকক্ষণ ধরে সে এই তৃতীয় মাহুঘহীন ঘরে একজন পুরুষের সঙ্গে নিশ্চিন্তে কথা বলছে বসে বসে।

সহাস কি বিরক্ত হল ?

পাশের ঘরে চলে যেতে বলেছে বলে অপমানিত হল ?

পাশের ঘরের দরজায় এসে দাঁড়াল সত্য, কোথায় সহাস ?

একা চলে গেল না তো ?

সহসা একটা আতঙ্কের বিদ্যুৎশিখা মাথা থেকে পা পর্যন্ত যেন শিউরে উঠল সত্যবতীর। নিশ্চয় তাই।

“কই ?”

প্রশ্ন করলেন ভবতোষ।

সত্য অস্থূটে বলল, “কই দেখছি না তো ! একা চলে গেল না তো ?”

একা !

একা চলে যাবে।

ভবতোষ সন্দেহের সুরে বললেন, “তাই কখনো হয় ? ওই কোণের ঘরটায় আছে বোধ হয়—”

“কোণের ঘরে ? ওখানে কি আছে ?”

“কিছু না। শুধু কতকগুলো—”



কথা শেষ হয় না। মুখে একঝলক আলো মেখে সুহাস সেই কোণের ঘরটা থেকে ছুটে আসে, স্বভাব-বহির্ভূত উচ্চাসে বলে ওঠে, “পিসিমা পিসিমা, দেখবে এস কত বই! উঃ, আমার আর এখান থেকে যেতে হচ্ছে করছে না।”

## ॥ বিয়াল্লিশ ॥

সময়ের বাড়া কারিগর নেই।

সময়ের “র’্যাঁদা”র নিচেয় পড়ে সব অসমানই সমান হয়ে আসে, সব এবড়ো-ধেবড়োই তেলা হয়ে যায়।

সকল সংসারের মত নিতাইয়ের সংসারেও এই লীলা চলছে বৈকি। প্রথম দিকে এক-একদিন এক-একটা ছুতোয় মনে হত, নিতাই বোধ করি এই দণ্ডে বৌকে দেশে রেখে আসবে, অথবা বৌ ভাবিনী সেই রাত্রেই আড়ায় দড়ি ঝুলিয়ে নিজে ঝুলে পড়বে। কিন্তু কার্যকালে তেমন কিছুই হল না।

ক্রমশই, বোধ করি নিজেদের অজ্ঞাতসারেই, ভাবিনী স্বাধীন সংসারের সংসার-রসে এবং নিতাই আর এক স্থূল রসে মজতে শুরু করল, অতঃপর দুজনেই পরস্পরের কাছে অপরিহার্য হয়ে উঠল।

অতএব ঋগুপ্রলয়ের সেই অবস্থাটি কোন্ ফাঁকে ফিকে হতে হতে বিলীন হয়ে গেল, দৈতো হাসি বাজার দখল করল।

এখন দেখা যাচ্ছে—নিতাইয়ের বৌ রুটি গড়তে শিখেছে, এবং নিতাই বৌকে ভয় করতে শিখেছে।

ভয় থেকেই আসে মনোরঞ্জন-চেষ্টা। ক্রমশই অহুধাবন করছে নিতাই, সত্যবতীর নিন্দাবাদটি হচ্ছে বৌয়ের মনোরঞ্জনের একটি প্রশস্ত পথ, মনোবৈকল্যের একটি প্রকৃষ্ট ঔষুধ।

অতএব সেই প্রশস্ত আর প্রকৃষ্ট উপায়টিই বেছে নিয়েছে নিতাই। না নিয়ে করবেই বা কি? পরিবারের পরকলায় জগৎকে দেখতে না শিখলে যে জগৎ হুমস হয়ে ওঠে। অন্ততঃ নিতাইদের মত নিতাস্ত গৃহগতপ্রাণ গেরস্থ জীবদের। এদের ও ছাড়া উপায় নেই।

আগুনের মালসা কোলে করে তো আর ঘর করা যায় না? আগুনে জল ছিটোতেই হয়। তদুগতপ্রাণ বশব্দ হয়ে পড়াই সেই শীতল জল।

নারীজাতি যতই অবলা কোমলা হোক, স্বক্ষেত্রে সে বাধিনী! আর ইচ্ছা পূরণের অভাব ঘটলে ফণাধরা নাগিনী হয়ে উঠতেও পিছপা নয়। শান্তিকামী পুরুষজাতি যতক্ষণ না এটা ধরতে পারে, সংঘর্ষ বাধে, যতক্ষণ মনে করে এটা মেনে নেব না, অবস্থা আয়ত্তে আনা অসম্ভব হয়। অথচ একবার বশুতা স্বীকার করলেই মিটে গেল গোল। কিসে তুষ্টি ধরতে পারলেই বিশ্বশান্তি।

অতএব এখন ভাবিনী যে কোন কারণেই মেজাজ গরম করুক অথবা বাক্যালাপ বন্ধ করুক, নিতাই এটা ওটা কথার ছলে স্বগতোক্তির সুরে সত্যবতীর প্রসঙ্গে এনে ফেলে। যে প্রসঙ্গ আর যাই হোক প্রশস্তির পর্যায়ে পড়ে না।

দু-চারবার চেষ্টার পরই কার্যসিদ্ধি হয়, মৌনব্রতধারিণী বন্ধার দিয়ে বলে ওঠে, “কেন, এখন আবার এসব কথা কেন? চিরদিনই তো শুনে আসছি তিনি গুণের গুণমণি! তাঁর পাদোদক জল খেতে পারলে তবে যদি আমাদের মত অধমদের উদ্ধার হয়!”

নিতাই সোৎসাহে কাজে এগোয়, “তা বলতে অবিশ্বি পার, এই মুখেই অনেক গুণগান করেছি বটে। কিন্তু এখন? এখন আর নয়। এখন আর তাঁকে চিনতে বাকী নেই। কি বলব তোমাকে, ওই ‘বেঙ্গল’টার সঙ্গে যা নটঘটি, দেখে দেখে চিত্তির চটে গেল। অবশ্বি—” নিতাই মুখ কৌচকায়, “সন্দেহ একটু আধটু বরাবরই ছিল, তবে সে সন্দেহকে আমল দিতাম না। বলি, না না, ছিঃ। বামুনের ঘরের মেয়ে—কিন্তু এখন তো দেখছি চোখেব চামড়াহীন বেপরোয়া! একলা ঘোড়ার গাড়ি ভাড়া করে তার বাড়ি গিয়ে গিয়ে—”

“তা তোমার বন্ধু কি কানা না বোবা?” ভাবিনী চিপ্টেন কাটে!

নিতাই মুচকে হেসে বলে, “জৈগ পুরুষ শুধু কানা বোবা কেন, বোবা কানা কানা হাবা বুদ্ধ ভেড়া সব। ক্রমশই যে অবস্থা আমার ঘটছে আর কি!”

ভাবিনীর কালো কালো ডাবর ডাবর মুখে আছলাদ রসের হাসি উছলে ওঠে। সেও মুখ টিপে বলে, “আহা লো মরি মরি! তবু যদি না রাতদিন এই বানী ধরহরি কম্প হয়ে থাকত! ভেড়াপুরুষ কেমনধারা একবার দেখতে সাধ যায়!”

সেদিন নিতাই এই কথার পিঠে বলে ওঠে, “সাধ যায় তো চল না দেখবে। ও বাড়ি তো যেতেই চাও না।”

“পরের বাড়ি গিয়ে দেখে আর কি হবে?”

ভাবিনী “গুলি” চোখে কটাক্ষ হানে।

নিতাই বলে, “তা সকল বস্তুই কি আর ঘরেই মেলে গো? তবু দৃষ্টি সার্থক করবে তো চল। শুনলাম দেশ থেকে সদ্দুদি এসেছে বোঁয়ের আঁতুড় তুলতে। দেখা হবে—”

“সদ্দুদি এসেছে? ভাবিনী গালে হাত দিয়ে বলে, “আঁতুড় কলকাতাতেই উঠবে? গিন্নী দেশে যাবেন না? এ সময়েও শাউড়ীর ধার ধারবেন না?”

“তাই তো শুনছি। বলেছেন নাকি, কেন, কলকাতায় কি আর জন্মমৃত্যু হচ্ছে না?”

“তা ভাল!”

নিতাইয়ের বোঁয়ের মুখে অন্ধকার নামে। সত্যবতীর “ধবরটা” শুনে অবধি একটা আশা ছিল কিছুদিনের মতন অন্ততঃ ওই চক্ষুশূলটা চোখছাড়া হবে। আর সেই অবসরে ভাবিনী সত্যবতীর স্বামী-পুত্ররকে নেমস্তম্ব-আমস্তম্বর ছলে খাইয়ে মাথিয়ে বশ করে ফেলে বরকে তাক লাগিয়ে দেবে।

তা না এই বার্তা!

বাসায় বসে আঁতুড় তোলাবেন।

ক্রুদ্ধকণ্ঠে বলে ওঠে ভাবিনী, “তা ভেড়া বর তাতেই রাজী তো? মা বাপের মুখে চুনকালি দিয়ে বোঁ আপনি স্বাধীন হয়ে বেটা-বেটি বিয়োবে—”

নিতাই চোখ মটকে বলে, “তা হোক! ও তো বাঁচল। পরিবারকে চোখ ছাড়া করতে হল না।”

কথাটা নিতাই অল্পমানে বলল মাত্র। প্রকৃত ঘটনা কিন্তু তা নয়।

সত্যবতীর এ প্রস্তাবে নবকুমার শিউরেই উঠেছিল এবং “অসম্ভব” বলে উড়িয়েই দিয়েছিল।

“আঁতুড় পর্বের” মত একটা ভয়ঙ্কর পব যে দেশের বাড়িতে গিয়ে না পড়লে মিটতে পারে, এ তার ধারণার বাইরে।

কিন্তু শেষ অবধি বরাবর যা হয় তাই হল। সত্যাবতীর তীক্ষ্ণ যুক্তির বাণে নবকুমারের দ্বিধা লজ্জা ভয় সব টুকরো টুকরো হয়ে গেল।

ভয়টা কিসের ?

কলকাতায় জন্ম-মৃত্যু হচ্ছে না ? ভূমিষ্ঠ শিশুর নাড়ি কাটা বাকী থাকছে ?

লজ্জা ?

লজ্জার অর্থ ?

বুড়ো বয়সে যদি আবার কেঁচেগণ্ডুষে লজ্জা না হয় তো বাসায় আঁতুড় তোলাতেই লজ্জা ?

অতএব ?

দ্বিধার প্রশ্নটা অবাস্তব।

নবকুমার অবশ্য এই ‘বুড়ো বয়সে’ কথাটায় রেগে উঠেছিল। বলেছিল, “বুড়ো বয়স বুড়ো বয়স করছ কেবলই কেন বল তো? আমার ছোট মাসীর পৌত্বুরের উপনয়ন হয়ে যাবার পর আবার একটা মেয়ে হয়েছিল—”

সত্য জলস্ত দৃষ্টিতে শুধু তাকিয়েছিল একবার, তার পর সংক্ষেপে বলেছিল, “ওসব কথা থাক, এখানেই ব্যবস্থা করতে হবে সেই কথাটাই জানিয়ে রাখলাম।”

বলা বাহুল্য মাত্র এইটুকুতেই কাজ হয় নি।

নবকুমার বিস্তর হাত-পা আছড়েছিল, বিস্তর আক্ষেপ জানিয়ে বলেছিল, “আমি ও সবে কি জানি ? এখানে কাউকে চিনি আমি ? ব্যবস্থা করতে হবে বললেই হল ?”

তার পর সত্যর একটি তীব্র মন্তব্যে সহসা চূপ করে গিয়েছিল। আর অতঃপর একদিন বুদ্ধি করে চূপি চূপি গিয়েছিল সহর বরের কাছে। শুনেছিল তার গণ্ডা তিন-চার ছেলেমেয়ে। সেগুলো নাকি কলকাতাতেই জন্মেছে, অতএব লোকটা অভিজ্ঞ।

তা অভিজ্ঞ লোকটা দরাজ ভরসা দিয়ে আশ্বস্ত করল নবকুমারকে এবং সেই সঙ্কে সত্বে আনিয়ে নেবার পরামর্শটা দিল।

দিন তিনেক ছুটি নিয়ে বারইপুরে গিয়ে সত্বে এনে ফেলল নবকুমার।

কিন্তু ষত সহজে বলা হল, কাজটা কি তত সহজে হয়েছিল ?

পাগল ? তাই কি সম্ভব ?

এলোকেশী একাধারে রাঁধুনী পরিচর্যাকারিণী এবং নিঃসঙ্গ সংসারের সঙ্গিনী সত্বকে কি এক কথায় ছাড়তে রাজী হয়েছিল ?

হারামজাদী শতেকখোয়ারী হাড়বজ্জাত বোর্টার নামে একশো গালাগালের ছড়া কেটে, বেয়াঙ্কেলে বেহায়া বোর্য়ের দাসাহুদাস ছেলেকে কি শুধু হাতে বিদায় করতে উদ্বৃত্ত হন নি ?

হয়েছিলেন ।

কিন্তু ভেস্বে দিল স্বয়ং সহ !

সে বলে বসল, “আমি যাব ।”

“তুই যাবি ?” এলোকেশী গর্জে উঠেছিলেন, “আঙ্কেলখাকী, চোখের মাথাখাকী, নেমকহারাম লক্ষ্মীছাড়ি ! তুই আমাদের একা ফেলে সেই হাড়হাবাতির পাদোদক খেতে যাবি ?”

কিন্তু সহ অনমনীয় ।

সহুর যে এত গৌ আছে, এ কথা কে কবে জানত ?

এ যেন আর এক সহ ।

সামান্য দু-চারখানা কাপড়ের সম্বল নিয়ে সহ সদরে দাঁড়িয়ে প্রস্তুত ।

আজন্ম অগন্ধার দেশে মুখ খুলে প্রাণ গেল সহুর, কাশী-গন্ধার দেশে যেতে পাবার এই সুযোগ ছাড়বে না ।

তোমাদের কল্প ? সে তো চিরকাল করে এল ! সহুর কি ছুটি নেই ? সহ যদি মরে ? তোমরা কি না খেয়ে থাকবে ?

কে সহকে এই বিদ্রোহের শক্তি দিল ঈশ্বর জানেন ।

“খ” হয়ে গেলেন এলোকেশী, হকচকিয়ে গেল নবকুমার ।

নীলাশ্বর বাঁড়ুয্যে ক্রুদ্ধগলায় বললেন, “যাচ্ছ যাও, কিন্তু আর কখনো এ ভিটেয় মাথা গলাতে এস না বলে রাখছি ।”

সহ প্রণাম করে নম্রগলায় বলল, “আচ্ছা ।”

দিশেহারা নবকুমার বলল, “ভয়ে আমার নাড়ি ছেড়ে আসছে সহুদি, থাক তোমায় যেতে হবে না । বোর্য়ের যদি পরমাণু থাকে বাঁচবে, আর যদি কপালে মৃত্যু থাকে—”

সৌদামিনী মুহূ হেসে বলল, “তোমার বোঁকে বাঁচাতে যাচ্ছি ভেবেছিস ? মোটেও না । নিজের কপালটা ফের আর একবার যাচাই করতে ইচ্ছে হয়েছে, তাই যাচ্ছি ।”

এ কথার মানে নবকুমার বুঝতে পারে নি। চোরের মত মা-বাপের সামনে থেকে পালিয়ে এসেছে।

এলোকেশী উচ্চকণ্ঠে ভগবানকে ডাক দিয়ে আদেশ করেছেন—“ভগবান, যে সর্বনাশী আজীবন আমার বৃকে কুলকাঠের আংরা জ্বলে যেখে দন্ধাল, আর বুড়ো বয়সে এই কোমরের বলটুকু পর্যন্ত কেড়ে নিয়ে মজা দেখতে বসল, তুমি তার বিচার করো। যদি ‘ন্যায়পরায়ণ’ হও তো সর্বনাশীর যেন তেরান্তির না পোহায়! তার ভরা ঘরে যেন দোর পড়ে, তার মুখের গেরাস যেন বাসি চুলোর ছাই হয়ে যায়, এহকালে পরকালে যেন তার গতি না হয়।”

সত্যবতীর আরো অনেক ভয়াবহ পরিণতির জন্য ন্যায়পরায়ণ ভগবানের কাছে আবেদন জানাতে থাকেন এলোকেশী হ্র করে ছন্দে গেঁথে।

না, কথাটাকে মিথ্যা ভাববার হেতু নেই, বাড়াবাড়ি ভাবলেও ভুল ভাবা হবে, সত্যবতীদের আমলে এলোকেশীরা নিতাস্তই বিরল ছিল না।

আর আজই কি আছে ?

নেই। শুধু হয়তো অভিশাপের বাণীগুলি সভ্য মার্জিত হুম্ব হয়েছে। তীর চিংকাবটা তীক্ষ্ণ মস্তব্যে পরিণত হয়েছে।

সে যাক, সত্যবতীর কানে এসব পৌঁছল না। বিনা নোটসে হঠাৎ সত্বর আবির্ভাবে প্রথমটা একটু বিমূঢ় হয়ে পড়েছিল সে। তার পরই অবশ্ব সামলে নিল। হাসিমাখা মুখে বলল, “যাক ভালই হল। সংসারটা একজনের হাতে তুলে দেবার লোক হল। এবার নিশ্চিন্দী হয়ে মরে বাচব।”

সত্ব ভুক কৌচকাল, “কেন মরার কি হল? রাজ্যি হুকু মেয়েমানুষ মরছে?”

সত্যবতী হাসল। “কি জানি, এবার কেবলই মনে হচ্ছে মরে যাব। কালের ষণ্টা কানে বাজছে যেন।”

তা যে ষণ্টাই কানে বাজুক, মরে অবিস্ত্রি গেল না সত্যবতী। শুধু দীর্ঘকাল যমে-মাত্বষে টানটানি চলল, শুধু সত্যবতীর সংসারে অনেক ওলটপালট কাণ্ড ষটে গেল, আর সত্যবতীর মনোজগতে অনেক বিপর্যয় ধাক্কা মেয়ে মেয়ে আরো দৃঢ় করে তুলল সত্যবতীকে।

এরই মাঝখানে সত্যবতীর নবজাত কন্যা কেবলমাত্র কান্নার জগৎ থেকে হাসির জগতেই উঁকি দিতে শিখে ফেলল।

সাধন সরল দুই ভাই কাঁচের পুতুলের মত মেয়েটাকে ‘গলার হার’ করে তুলল, আর নবকুমারের মধ্যে দেখা দিল প্রবল একটি বাৎসল্য রসের ধারা। তবু তার যেন নববধুর লজ্জা।

যদিচ মেয়ে সন্তান কানাকড়ি মাত্র, তথাপি দেখতে ইচ্ছে করে, নাড়াচাড়া করতে ইচ্ছে করে। আর স্নেহের বস্তু বলে মিষ্ট অহুভূতি আসে।

সাধন সরল তার অপরিণত বয়সের ফল। সে বয়সে বাৎসল্য রসের সৃষ্টি হয় নি। বরং সেই নবযৌবনের তীব্র আবেগের সময় ওদের আপদ বালাইয়ের মতই মনে হত।

এখন সেকাল নেই।

এখন সত্যবতী তো হাতছাড়াই। তবু এর স্মৃতি যদি আবার একটু সরসতা আসে এই আশা। যমে-মানুষে টানাটানির লড়াইয়ে মানুষই জিতেছে, তাই মেয়েকে পয়মন্ত্রও মনে হচ্ছে নবকুমারের।

মোট কথা সংসার বেশ ভালই চলেছে নবকুমারের।

কিন্তু এ বাড়িতে স্ত্রীহীন বলে যে একটা মেয়ে ছিল? সে কোথায় গেল? তাকে তো আর দেখা যায় না? সে কি তবে মারা গেছে? নাকি তার কুলত্যাগিনী মায়ের পদাঙ্ক অহুসরণ করে কুলত্যাগই করেছে?

তা নবকুমার তাই বলেছে।

প্রায় কুলত্যাগের ঝিকারই দিয়েছে তাকে। জীর্ণদেহ সত্যবতীর সামনে তীব্রকণ্ঠে সে ঝিকার ঘোষণা করতেও দ্বিধা করে নি। বলেছে, “আর যেন ওটা এ বাড়ির ছায়া না মাড়ায়। কুলত্যাগে আর ধর্মত্যাগে তকাতটা কি? না-ই বা বিয়ে হত। হিঁদুর ঘরের মেয়ে, ঠাকুর-দেবতা পূজোপাট করে জীবনটা কাটিয়ে দেওয়া যেত না? একটা বাপের বয়সী বুড়োর সঙ্গে—ছি ছি ছি!...বুঝলে তুড়ুর মা, আমড়া গাছে কখনো গাংড়া ফলে না! এই যে তুমি এতদিন গাছের গোড়ায় জল ঢাললে, এত সার দিলে, গাংড়া কি ফলল? আমড়ার ছানা আমড়াই হল।”

সত্যবতী হাত নেড়ে খামবার ইশারা করে পাশ ফিরেছিল।

এখন আর সত্য শয্যাগত নয়, তবু বেশীর ভাগ বিছানাতেই পড়ে থাকে। সত্ব এসে তার সংসারভার হতে তুলে নেওয়ায় সত্য যেন অদ্ভুত একটা

মুক্তির স্বাদে মগ্ন হয়ে আছে। সত্বে যেই বলে, “থাক থাক বৌ, তুমি আবার কেন উঠে এলে রোগা মানুষ—” অমনি সত্য গিয়ে রূপ করে শুয়ে পড়ে। আগের মত তর্ক করে না, বলে না, এখন তো ভাল আছি। শুয়ে পড়ে—

আর বেশীক্ষণ শুয়ে থাকলেই সেই দিনের অভিনীত নাটকটার দৃশ্যগুলোই তার চোখের পর্দায় ছুটোছুটি করে দেড়ায়।

গোড়া থেকে সবটাই জানে সত্য।

সত্যর জ্ঞান চৈতন্য নেই ভেবে আঁতুড়খরের দোরে বসে সত্বে আর ভাবিনী সশব্দেই আলোচনাটা চালাচ্ছিল। কিন্তু অক্ষুট চৈতন্যের মধ্যেও সত্যর মাথার মধ্যে ওদের কথাগুলো যেন হাতুড়ির ধাক্কায় ধাক্কায় ঢুকে পড়তে লেগেছিল। অথচ ওদের নিষেধ করবার ক্ষমতা হয় না। না পারে হাত নাড়তে, না পারে কথা বলতে।

আর ভাবিনী হাতমুখ নেড়ে—হ্যাঁ ভাবিনীই বক্তা, সত্বে শ্রোতা। দেশে থাকতে ভাবিনীর সাধ্য ছিল না যে পাড়ার বয়স্কাদের সঙ্গে কথা বলে। কিন্তু এখানে আলাদা, এখানে ভাবিনী ‘একজন’। তাই হাতমুখ নেড়ে কথা বলতে বাধে না, “আর বলো না বামুন-ঠাকুরঝি, দেখে দেখে আমরা ‘থ’ হয়ে গেছি। ওই একটা বেজাতক বেজন্মা আইবুড়ো খুবড়ি মেয়েকে নিয়ে নাচানাচি, কী নাচানাচি।”

“জন্মের কথা কী বললে কয়েত-বৌ?”

শিউরে উঠেছিল সত্বে।

অথবা শিউরে উঠেছিল সত্বে চিরদিনের সংস্কারে পুষ্ট রক্তকর্ণিকা।

সত্বে যে ওই মেয়েটার হাতে থাকছেদাচ্ছে গো!

সে কথাই বলে ফেলে সত্বে।

“কে না থাকছে?”

ভাবিনী ঠোট উন্টেছিল, “নারায়ণের ঘরের ভোগ স্বাঁধবার দরকার হলেও বোধ হয় গিন্নী ওই ভাইঝিকে এগিয়ে দেবেন—”

“ভাইঝি!”

সত্বে বলেছিল, “রোস দিকি, আমায় আগে বুঝতে দাও সবটা। এই তো স্তনছিলাম, বিধবা, আবার তুমি বলছ আইবুড়ো, একবার জন্মের খোঁটা শোনালে, আবার বলছ ভাইঝি, সব কেমন গোলমেলে ঠেকছে যে!”



‘অচৈতন্য’ সত্যবতীর কানে বিমের তীর বিধতে থাকে, “ভাইকি আমি বলছি না গো, উনিই ওই পরিচয় রটিয়ে রেখেছেন। যে ভাজ বারো বছরে বিধবা, তার বাইশ বছর বয়সের গর্ভে ওই রত্ন! বোঝ! মা কুলে কলঙ্ক ঘটিয়ে বাড়ি থেকে বেরিয়ে গেল, মামাখন্ডর—মানে গিয়ে তোমাদের বোয়ের বাবা, নাকি ঢাকে কাঠি দিয়ে দশজন মাগুগাণ্য লোককে ডেকে সেই নার্তা বড় গলা করে শোনাগেল। আবার ইনি এতকাল পরে সেই আন্তাকুড়ের জঞ্জালকে মাখায় করে এনে ঘরের মধ্যে দেবীপতিষ্ঠে করেছেন। কী মন্দ, ভাই, তোমাদের বামুনের ঘরের রীতনীত দেখে আমরা হাঁ। বলছিলে বিধবা? বিধবা নয় গো, খুবড়ি, আইবুড়িই। কে ওই জাতঙ্গমহীন ধবজাকে বে করবে যে বে হবে? মা মাগী লোকলজ্জায় আর মেয়ের কাছে ঘেমা ঢাকতে বলে বেড়াত, পাঁচ বছরে বে, পাঁচ বছরেই বিধবা! ইনিও সেই কথাই চালিয়ে আসছেন। আবার শুনি নাকি বেক্ষবাড়িতে বে দেনে বলে বর খুঁজছে।”

সহু কিছুক্ষণ গালে হাত দিয়ে বলে, “তা দিতেই পারে। মেয়ের ইস্কুলে পড়াচ্ছে যখন। বোয়ের শরীরে অনেক গুল ছিল, ওই বৃকের পাটাতেই সব হরে গেল। অতিরিক্ত তেজ, অতিরিক্ত আসপন্দা! নইলে কোন্ মেয়েমাতৃষের এ সাহস হয়, নন্দমার পাক তুলে নিয়ে এসে পূজ্য করে? শুনে আমি হাঁ হয়ে যাচ্ছি কায়ত-বো! রেখেছিস রেখেছিস, তার হাতে ভাত জল খাচ্ছিস কোন্ আক্কেলে? নবাটাও তো—”

“ওনার কথা আর তুলো না ঠাকুরকি! উনি একেবারে কামরূপ কামিখোর ভেড়া। নচেৎ আর এতখানিটা হয়? উনি সুদু হা সুহাস যো সুহাস। এদিকে তো মূনির মন টলে এমন রূপ! ওই কি ভাল থাকবে নাকি। দেখো কোন্ দিন কি করে বসে। মিথ্যে বলব না ভাই, ওই ভয়ে তোমাদের ভাইকে আমি সাধাপক্ষে এ বাড়িতে একা আসতে দিই নে। পুরুষ হচ্ছে মাছির জাত, ফুল থেকে উঠে পাঁচড়ায় গিয়ে বসে। ওই ছুঁড়ি—”

সহের সীমা অতিক্রম করলে বুরি বোবারও বোল্ কোটে। তাই “অজ্ঞান অচৈতন্য” সত্যবতীর মুখ থেকে সহসা ক্রুদ্ধ গর্জন বেরিয়ে আসে। বেন মুখ চেপে ধরা কোন ক্রুদ্ধ জঙ্কর আর্তনাদ।

এরা চমকে ওঠে।

“কি হল” বলে আঁতুড়ঘরের ঝিকে ডাক-পাড়াপাড়ি করতে থাকে এবং তার ঘণ্টা কয়েক পরেই সারাবাড়িতে অল্প একটা সোরগোল ওঠে।

প্রশ্ন আর বিস্ময়!

নেই?

কোথায় গেল?

শেষ কখন কে দেখেছে?

কে দেখেছে ঠিক কেউ মনে করতে পারে না। দেখছিল তো সর্বক্ষণ সবাই, হঠাৎ জলজ্যাস্ত একটা মানুষ হাওয়া হয়ে যাবে?

অথচ তাই গেল।

স্বহাসকে পাওয়া গেল না।

সত্য চোখ বুজলেই যেন সেই কথাগুলো শুনতে পায়। সত্বে আর ভাবিনীর সেই নিতাস্ত সহজ অসতর্ক উক্তি।

তার পর পট পরিবর্তন হয়।

আর এক দৃশ্য চোখে ভাসে।

যা নিয়ে পরে বহু শ্লেষাত্মক কথা শুনতে হয়েছে সত্যকে। কিন্তু নাটকের সেই অঙ্কের উপর তো সত্যের কোনও হাত ছিল না। সেটা শুধু সত্যের চোখের সামনে ঘটেছিল।

আঁতুড়ঘরের দরজায় এসে দাঁড়িয়েছিলেন ভবতোষ মাস্টার।

দরজার একটা পাল্লা ধরে ভাঙা গলায় আর্তনাদ করে উঠেছিলেন, ‘বোমা!’

সত্য চমকে তাকিয়েছিল।

অবাক হয়ে চারিদিকে তাকিয়েছিল। এখানে উনি কেন! এ অঞ্চল? এমন উদ্ভাস্ত ভাবই বা কেন ওঁর? কী বলছেন এ সব?

বুঝতে সময় লেগেছিল।

লাগবায়ই কথা।

কে ভাবতে পেরেছিল, এ বাড়ি থেকে পালিয়ে গিয়ে আশ্রয় নিতে আর জায়গা পেল না স্বহাস, নিতে গেল ভবতোষ মাস্টারের বাড়ি! জীবনে যার বাড়িতে একবার মাত্র গিয়েছে, আর জীবনে, যার সঙ্গে একবারও কথা বলে নি।

কিন্তু এবার গিয়ে কথা বলেছে।

অনেকগুলো কথা।

ভবতোষ তেমনি রুদ্ধকণ্ঠে আন্তে আন্তে উচ্চারণ করেন, “বলে কিনা—  
আপনার বাড়িতে একটা ঝিয়েরও তো দরকার হয়। সেইভাবেই থাকব  
আমি। সব কাজ করব। আপনি তো উদারধর্মী, আপনার তো আমার হাতে  
খেতে ঘেন্না করবে না! শোন দিকি কথা—তোমার ওই দেবকন্ঠার মত মেয়ে,  
তার হাতে খেতে ঘেন্না করবে!”

সেদিন সত্যর বাক্যস্ফূর্তির শক্তি ছিল। সেদিন সত্য আন্তে আন্তে বলে-  
ছিল, “আপনি তো একথা বলছেন, লোকের যে ঘেন্না করে।”

“ঘেন্না করে?”

“করে বৈকি!” সত্যবতী বালিশ থেকে ষাড়টা একটু তুলে ফুক হেসে  
বলে, “করবে না কেন? আপনি তো ওর সবই জানেন মাস্টার মশাই,  
বিশ্বস্কন্ধু লোকই ওকে ঘেন্না করবে।”

“করতে পারে,” ভবতোষ আবেগ-রুদ্ধ কণ্ঠে বলে উঠেছিলেন, “আমি তা  
হলে তোমার ওই বিশ্ব-সংসারের কেউ নই বোঁমা!”

সত্য এক লহমা অপলকে ওঁর মুখের দিকে তাকিয়ে বলেছিল, “জানি।  
আর সে মুখপুড়ীও এক নিমেষে সে কথা জেনে ফেলেছিল। তাই আঙনের  
ঝাপটা থেকে বাঁচতে ছুটে গিয়েছে আপনার কাছেই শরণ নিতে।”

“কিন্তু এক্ষেত্রে আমি কী করব?” ভবতোষ ব্যাকুল বিব্রত বিভ্রান্ত,  
“আমার বাসায় মেয়েছেলে বলতে কেউ নেই—”

“নাই বা থাকল—”

সত্য মূহূ হেসেছিল, “ও সব চালিয়ে নিতে পারবে।”

চালিয়ে নিতে পারবে?

ভবতোষ হতাশ স্বরে বলেন, “তুমিও কি তোমার ভাইবির মত পাগল  
হয়ে গেলে বোঁমা? তাকেও তো কিছুতেই বোঝ মানাতে পারলাম না।  
গাড়ি দাঁড় করিয়ে রেখে শত সাধ্যসাধনা করলাম, সেই এক কথা, ‘আপনার  
সব কাজ করে দেব, তার বদলে এক কোণায় একটু থাকতে দিন, আর  
আপনার বইগুলো পড়তে দিন। আর কিছু চাই না আমি।’ শোন  
পাগলামি!”

সত্য হঠাৎ গাঢ়স্বরে বলে, “পাগলামি কেন বলছেন মাস্টার মশাই, এর

থেকে ভাল আশ্রয় ও আর কোথায় পাবে? ওর জন্মের বিত্তান্ত শুনলে কে ওকে ছেঁদা করবে, স্নেহমমতা করবে?”

ভবতোষ আরও ব্যাকুল হয়ে বলেন, “সে সব তো বুঝলাম, ওই জন্তেই পাত্র যোগাড় করে উঠতেও পারছি না। অথচ তুমি বলেছ সব কথা খুলে বলতে। কিন্তু একটা কথা তুমি বুঝ না—”

ভবতোষ থামেন।

সত্য শাস্ত্রস্বরে বলে, “বলুন?”

“বলছি—” ভবতোষ কেসে বললেন, “আমার জন্তে ভাবি না, আমাব তিনকুলে কে বা আছে, ওর জন্তেই বলছি—যতই আমি তিনকলে বুড়া হই, লোকনিন্দের তো কস্বর হবে না তাতে! আমার বাসায় কী পরিচয়ে রাখবো ওকে?”

সত্য একটু হেসে বলে, “দাসী পরিচয়েই রাখুন।”

“তুমি বোধ করি আমায় নিয়ে মজা দেখছ বোঁমা!” ভবতোষের আক্ষেপটা যেন আছড়ে পড়ে।

আঁতুড়ের দরজায় এই দীর্ঘস্থায়ী দৃশ্য।

সহু গালে হাত দিয়ে দালানে বসে, আর নবকুমার খাঁচার বাধেব মত ছট্ফট করছে। আর দৈর্ঘ্য থাকে না। নবকুমার এগিয়ে এসে বলে, “মাস্টার মশাই, বাইরে কি আপনার গাড়ি অপেক্ষা করছে? না একখানা ডাকতে পাঠাব?”

ভবতোষ বিমূঢ় দৃষ্টি মেলে তাঁর একলা ভক্ত শিষ্যের মুখের দিকে তাকান, এবং সেই মুহূর্তে শুনতে পান সত্যবতীর ক্ষীণ কিন্তু স্পষ্ট স্বর, আদেশের সুরে উচ্চারিত হল, “থাক, গাড়ির জন্তে কারুর ব্যস্ত হতে হবে না, মাস্টার মশাইয়ের সঙ্গে আমার এখনো দুটো দরকারী কথা আছে, আর সকলের একটু ওদিকে গেলে ভাল হয়।”

আর সকলের ওদিকে গেলে ভাল হয়।

এর চাইতে সত্য কেন একখানা খান ইট মারল না নবকুমারে মাথায়? কিন্তু উপায় নেই। ডাক্তার বলে গেছে রঙ্গীর বুক হালকা, রাগ দুঃখ কোন কিছুতেই যেন বেশী উত্তেজিত না হয়।

কাজে কাজেই মনের রাগ মনে চাপা।

হ্যাঁ ডাক্তার ডাকতে হয়েছিল, আঁতুড়ঘরে ডাক্তার আসা সহ নবকুমার

সকলের জ্ঞানেই এই প্রথম। তা উপায় কি? সত্বই জোর করে আনিয়েছিল। বলেছিল, “যে কালের যে শাস্তর। তুই আর ইতস্ততঃ করিস নে নবু! কলকেতায় যখন বাসা করে আছিস, কলকেতার মতই হোক। বারুইপুরেব সেই গর্তয় গিয়ে পড়লে তো মরেই যেত, এ যদি—”

তা সেই ডাক্তারের নির্দেশেই স্নান মাথাষা বন্ধ, কাজেই একুশে যঞ্জীও মূলতুবী। একুশ দিনের আঁতুড় একত্রিশ দিনে গিয়ে ঠেকেছে।

তা ছাড়া মুশকিলই কি কম?

বাড়ির লোকের সেবা-যত্নটা তো পাচ্ছে না! সেবা বলতে সেই হাঁড়ি দাই মাতঙ্গিনী। সেয়ে উঠলে কি করে?

অথচ আঁতুড়ের দরজাতেই এই সব কাণ্ড।

“চলে যেতে হবে! ওঃ!” বলে দুমদুম করে চলে যায় নবকুমার।

ভবতোষ অপ্রতিভের একশেষ হয়ে বলেন, “আমি যাই বোমা!”

“না।”

সত্য দৃঢ়স্বরে বলে, “কথা তো শেষ হয় নি। আপনি বললেন, আমি আপনাকে নিয়ে মজা দেখছি, এই কি একটা কথা?”

“কি করব বোমা, দিশেহারা হয়ে যাচ্ছি বলেই—”

“কেন হবেন?” সত্য স্থির স্বরে বলে, “দিশে তো সামনেই রয়েছে। আপনি সেদিন ঠাট্টা করে বলেছিলেন, হুন্দরী নাতনীর জন্তে যদি আপনার মাথায় চৌপার দিতে হয় তো দেবেন। সেই ঠাট্টাটিই সত্যি করে তুলুন।”

“বোমা।”

“অস্থির হবেন না মাস্টার মশাই, আমি বলছি এই ভাল হবে।”

“এই ভাল হবে!”

“হ্যাঁ। আপনি আর স্থিধা করবেন না। বিনা পরিচয়ে একটা মেয়েছেলের থাকায় নিন্দে, আপনিই পরিচয় দিয়ে দিন ওকে। পরিচয়ের মত পরিচয়।”

“তুমি কি আমাকে আমার চিরদিনের অপরাধের শাস্তি দিতে চাও বোমা?”

ভবতোষের কণ্ঠে দৈন্তের সঙ্গে একটা জ্বালা ফুটে ওঠে বৃষ্টি।

শিষ্ট সত্যবতীর কণ্ঠে ফুটে ওঠে স্নিগ্ধ স্নেহের করুণা।

“ছি ছি, ওকথা বলছেন কেন মাস্টার মশাই। বরং বলুন এ আমার এত

কালের শিক্ষা-দীক্ষার গুরুদক্ষিণ। লেখাপড়া জানা বুদ্ধিমতী মেয়েরা আপনার শ্রিয়, এ আমার জানা, সূহাস আপনার অপছন্দের হবে না।”

ভবতোষ ক্ষুব্ধ হাশ্বে বলেন, “পছন্দ জিনিসটা শুধু বেটাছেলের একচেটে নয় বৌমা! সে এই জেঠার বয়সী বুড়োটাকে—”

“তাতে কি?”

সত্য সর্কোতুক হাশ্বে বলে, “মহাদেবও তো বুড়ো, তবু তো মেয়েরা তাঁকেই বর চেয়ে ‘বস্ত’ করে। সূহাস যদি সেকথা না জানত তো আপনার কাছেই ছুটে যেত না।”

আন্তে কর্তৃস্বর গাঢ় হয়ে আসে সত্যবতীর, “সূহাস আপনাকে ভক্তি করে, জেনে বুকেই সে আপনার আশ্রয় নিতে গেছে। আপনিই শুধু বুঝতে পারছেন না। মেয়েমানুষ মুখ ফুটে আর কত বলবে?”

“কিন্তু আমি তো ভেবে কুল পাচ্ছি না বৌমা, হঠাৎ এমন কি নতুন ঘটনা ঘটল যে—সে অমন করে ছুটে গিয়ে—”

“বলব, সব বলব। আজ আর পারছি না।”

সত্য একটু ক্লান্ত হাসি হাসে।

তবু ভবতোষ কথা বলেন।

কাতর কণ্ঠে বলেন, “এই কি তোমার শেষ রায় বৌমা? এই শাস্তিই মাথায় তুলে নিতে হবে আমাকে?”

সত্য আবার একটু কোঁতুকের হাসি হাসে, “এবার কিন্তু আমি রেগে যাব মাস্টার মশাই! আমার জামাই হওয়া বুঝি আপনার শাস্তি?”

ভবতোষ একটুকুশ চুপ করে তাকিয়ে থেকে বলেন, “তবু আমি হয়তো কোনদিনই আমাকে ক্ষমা করতে পারব না বৌমা! মনে হবে—”

“ভুল ভেবে মনে কষ্ট করবেন না। এখন কি মনে হচ্ছে জানেন? মনে হচ্ছে—”, শেষের কথাটা যেন নিজেকেই নিজে বলে সত্য, “মনে হচ্ছে, সূহাসকে বুঝি এমন মনের মত গড়তে চেষ্টা করেছি আপনার কথা ভেবেই। শুধু সে কথা নিজেই টের পাই নি এতদিন।”

## ॥ তেতাল্লিশ ॥

একেই বুঝি বলে “পরকীয়া ভাব”।

শোনা যায় ভগবানকে ভজবার এ একটা সহজ রাস্তা। মুখ্যে মশাই এই পথটাই ধরেছেন। অবশু ভগবানের ধার ধারেন না মুখ্যে মশাই, মাল্লুষ নিগেই কারবার তাঁর। তবে তাঙ্কবের কথা এই যে, মাল্লুষটাকে একদিন টিলপাটকেলের মত লাখি মেরে ছুঁড়ে ফেলে দিয়েছিলেন, এখন তার আশেপাশেই ঘুরঘুর করে বেড়াচ্ছেন।

মুখ্যে মশাই এখন নবকুমারের সংসারের প্রায় প্রতিদিনের অতিথি। বেশীর ভাগ সন্ধ্যার দিকটিতেই আসেন, সত্বর যখন সাংসারিক কাজগুলো হালকা হয়ে আসে। হ্যাঁ, সত্যবতীর সংসারের সব কাজই যেচ্ছায় নিজের কাঁধে তুলে নিয়েছে সত্ব, হয়তো বা ভগ্নশরীর সত্যর প্রতি মমতাবশে, হয়তো বা নিজস্ব অভ্যাসবশে, আর নয়তো বা এ সংসারে নিজের প্রয়োজনীয়তা স্পষ্ট প্রত্যক্ষ রাখবার বাসনা। হয়তো মনে করে—নবকুমার যেন না ভাবে “আর কেন”! সত্যকে কুটোটি ভাঙতে দিলে, নবকুমারের সত্ব সম্পর্কে সহজে আস্থা আসবে না।

তা মনের কথা মনই জানে। মোটের উপর সত্ব কলকাতাতেই রয়ে গেছে এখনো এবং এ সংসারের জুতো সেলাই থেকে চণ্ডী পাঠ সব করছে। তবু সন্ধ্যার দিকে বসে থাকবার সময় পায় সত্ব। একে তো এখানের এই শহরে সংসারের কাজ তার কাছে তৃণসম, তা ছাড়া প্রবল এক উৎসাহে রাজ্যের রান্নাটা সে বিকলেই সেরে ফেলে।

সন্ধ্যার দিকে মুখ্যে মশাই আসেন।

সত্ব মনে নবোটার লক্ষ্মী আর মুখে নবোটার আভা নিয়ে ভাইপোদের চোখ বাঁচিয়ে তামাকে ছুঁ দিতে দিতে এসে কাছে দাঁড়ায়।

এ ঘরটা সেই কোণের দিকের ছোট্ট ঘরটা, যে ঘরে স্ত্রহাস থাকত। স্ত্রহাস তার সমস্ত ব্যবহারের জিনিসগুলি ফেলে চলে গেছে। স্ত্রহাসের স্মৃতি আঁকড়ে সে ঘর তার মত করে সাজিয়ে রেখে দেবে, এত ভাবপ্রবণতা এ সংসারের নতুন ব্যবস্থাপনায় নেই। সত্য তো ঢোকেই না এ ঘরে।

সত্ব এ ঘরটায় রাজ্যের আজ্ঞেবাজ্ঞে জিনিস এনেঠেলে রেখেছিল, শুধু

স্বহাসের শোবার চৌকিটায় একটা সভ্যভব্য শতরঞ্জ বিছানো আছে। আছে তাকিয়া।

মুখ্যে মশাই প্রায় যেন চূপিচূপিই এসে সেই তাকিয়ায় কনুই ঠেসিয়ে সেই চৌকিটিতে বসেন, সহ তামাক এনে হাতে দেয়।

মুখ্যে মশাই একটু রহস্যঘন হাসি হেসে কলকে ধরা হাতটাও কাছে টেনে বলেন, “এখনও তোমার কনে-বৌয়ের লজ্জা গেল না। বসো না এখানে।”

বলা বাহুল্য “এখান”টা সেই স্বল্পপরিমার চৌকির সামান্যতম ফালিটুকু। ভারী মুখ্যে মশাই তো প্রায় বাকী সব জায়গাটাই দখল করে আসছেন। অতএব বসতে গেলে নিতান্ত ঘনিষ্ঠ হওয়া ছাড়া উপায় নেই।

তবে সহু পতিদেবতার এ অমুরোধটুকু রাখে না। “নাঃ, এই বেশ বসছি!” বলে মাটিতেই বসে চৌকির সামনে।

খুব কি গল্প করে সহু তার এতদিনের ফিরে পাওয়া বরের সঙ্গে ?

নাঃ, তা করে না।

কথা কোথায় ?

কথার বয়সই বা কোথায় ?

অনেকক্ষণ ভুড়ভুড় করে তামাক টানতে থাকেন মুখ্যে মশাই, তার পর এক সময় হয়তো বললেন, “তারপর গরীবখানায় কবে যাচ্ছ বড়বো ?”

সহু এতক্ষণ বসে বসে হাতের নখ খুঁটছিল কি আঁচলের খুঁটটা আঙুলে জড়াচ্ছিল, এ প্রশ্নে সচকিত হয়ে নড়েচড়ে বসে বলে, “এখন আর ছেড়ে দিলে তেড়ে ধরে কী হবে ? জীবনটা তো বয়েই গেল।”

মুখ্যে মশাই নিটোল বপুটি হুলিয়ে বেশ একটু হেসে নিয়ে বলেন, “ও কথা শুনছে কে গো বড়গিন্নী ? গড়নে পেটনে এখনও তো ছুকরিটি আছে। বরং আমার বাড়ির ৩টি একেবারে বুড়ীর বুড়ী তন্ত্র বুড়ী হয়ে গেছে। মাথার সামনে কপালজোড়া টাক, দাঁতগুলো ঝুলে নড়বড় করছে, হাতে পায়ে হাজা, আর গড়ন ? সে আর কী বলব তোমায়—” বিল্বী একটা মুখভঙ্গী করে কথাটা শেষ করেন মুখ্যে মশাই, “তাকিতে ঘেমা করে। আমি তাই এখনো ধরে রেখেছি, অন্য স্বামী হলে টান মেরে বাপের বাড়িতে ফেলে দিয়ে আসত।”

সহু অবশ্য সতীনের সম্পর্কে স্বামীর এই অকচিকর মন্তব্যে পুলকিত হয় না;



বরং বেজার ভাব দেখিয়ে বলে, “তা তো বলবেই এখন। তার শাঁস-মান সব খেয়ে ছোবড়াটাকে টান মেরে ফেলে দেবার কথা তোমার মুখেই শোভা পায়। মাঝে কি আর বলেছে পুরুষ প্রজ্ঞাপতির জাত !”

মুখ্যো এ অপবাদে লঙ্কিত হন না। বরং ফ্যাক্ ফ্যাক্ করে হেসে বলেন, “তা সে দোষ তবে বিধাতার। তিনি যে জাতকে ষেমন করে গড়েছেন। কিন্তু যাই বল বড়বৌ, আমিও তো এতগুলো ছেলেপেলের বাপ হয়েছি, তারপর তোমার গিয়ে দু-দুটো মেয়ের বে দিলাম, নাতির অন্নপ্রাশনে ঘটা করলাম, এ সংসারের যাবতীয় করণ-কারণ করে চলেছি, আর ওই শূয়োরের পাল পুষছি। টসকেছি একটু? রূপ-বৌবন রাখতে জানা চাই বুঝলে বড়বৌ?”

বলেই হাতটা বাড়িয়ে সহুর গালে একটি টোকা মেরে বললেন, “তা তোমাকে সে কথা শোনানো চলে না। তুমিও জান নচেন তুমিও কিছু এষাবৎ মামার সংসারে সোনার খাটে গা রূপোর খাটে পা দিয়ে বসে থাক নি! দাসীবিত্তি করতে করতে জীবন গেছে, তবু কেমন চেকনাইটি।”

সহু কি এই স্তাবকতায় ভুলবে?

সহু কি বলে উঠবে, “এই বৃড়ো বয়সে তুমি আমার মনের দিকে না তাকিয়ে শরীরে চেকনাইয়ের দিকে তাকাচ্ছ? লঙ্কা করছে না?”

কিন্তু কি করেই বা বলবে?

সহুর এই তুচ্ছ শরীরটার দিকেই বা কে কবে তাকিয়েছে? এই লোকটাই তো মারের চোটে ঘরছাড়া করেছে সহুকে। তখন তো সহুর বয়সকাল, কী অগাধ স্বাস্থ্য, আর রূপটাও ফেলনা ছিল না।

আর কত হাসি-খুশি স্বভাব ছিল।

সহু তখন বুঝত না, হয়তো বা এখনো বোঝে না, সে অগাধ স্বাস্থ্য আর রূপটাই অনিষ্টকারী হয়েছিল সহুর। হাসিটাও। সংসারে তখন মেলাই লোক—স্বাণ্ডর, ভাণ্ডর, বড় বড় ভাণ্ডে—তাদের চোখের সামনে থেকে সেই স্বাস্থ্য আর লুকিয়ে বেড়ানোর কথা মাথায় আসত না সহুর। তাই সহুর হৃদাস্ত বয়ের মাথার রক্ত টগবগ করে ফুটত।

অতএব রাতদিন যে দেহটাকে হাতের মুঠোয় পিষতে ইচ্ছে করত ডাকাতটার, সেই দেহটাকেই সে ফুটবলের মত লাথিয়ে লাথিয়ে ঘরের বার করে দিত।

সহর যে রূপ আছে স্বাস্থ্য আছে, সে কথা সহর কারো মুখে কোনদিন শোনে নি।

তারপর গঙ্গার কত জল বয়ে গেল, কত দিন রাত্রি মাস বছর পার হয়ে গেল, সহর “ঘৌবন” নামক বস্তুটা কোন খবর না দিয়েই বিদায় নিল, তবু মাজা মাজা গড়নের দেহটা সহর তেমন ভাঙে নি। এখন এক লালসাতুর লুক প্রৌঢ়ের দৃষ্টি পড়েছে সেদিকে।

এ দৃষ্টি স্বামীর দৃষ্টি নয়, পরপুরুষের দৃষ্টি। পড়ে পাওয়া চোদ্দ আনা পরস্ত্রীর মতই দেখছে আজ মুখুষ্যে তার ঘৌবনে বিতাড়িতা স্ত্রীকে।

তবু বিহ্বল হচ্ছে সৌদামিনী।

জীবনে একবারও বিহ্বলতার স্বাদ উপভোগ করতেই হতো।

কিন্তু নিজের বাড়িতে নিয়ে যেতে না পারলে জুং কোথায় সহর বরের? সন্ধ্যাবেলা নবীন নায়কের ভঙ্গী নিয়ে এসে বসে গল্পগুজব কিছুদিন বেশ ভাল লাগছিল। এখন আর শুধু তাতে মন উঠছে না। তা ছাড়া ছোটবৌটার সত্যিই বুঝি মরণদশা ঘনিয়ে এসেছে।

সময় অসময়ে বড় মেয়েটা শ্বশুরবাড়ি থেকে এসে ভাত-জল করত, কিন্তু সেও এখন আসন্নপ্রসবা। মেজটা তো এই বয়সেই মা-ষষ্ঠীর বরপুত্রী। তাদের এনে লাভ নেই।

তাই সহর কাছে অহুনয়-বিনয় চলে।

সহর কিন্তু সহজে ইয়া করে না।

বলে, “কেন, এট তো বেশ। আসছ, বসছ, চোখের দেখা দেখছি—”

মুখুষ্যে চোখ টিপে বলে, “শুধু চোখের দেখাতে কি পেট ভরে গো?”

“আর পেট ভরায় কাজ নেই।”

“তুমি তো বললে কাজ নেই। আমি যে এদিকে বছরভোর উপোসী? তা ছাড়া মাংরি বলছি বিশ্বাস কর, মাসের মধ্যে পাঁচদিন সত্যি পেটের উপোসে কাটে। লক্ষ্মীছাড়া মেয়েমাহুষটা একবার যদি ‘পারছি না’ বলে শুলো ভো কার সাধ্যি ঠঠায়। বাজার থেকে মুড়ি চিড়ে এনে ওর রাবণের পুরী পেট ভরাতে হয়।”

সহর ডুক হুঁচকে বলে, “আর নিজে?”

“নিজে? নিজের ওই বামুনের হোটেল আছে একটা পাড়ায়, সেই গতি। মগদ চার গণ্ডা পয়সা ফেলে—”

সহর মনটা কি চলে ওঠে ?

মনে হয় কি, চিরজীবনই তো ভাতের হাঁড়ি নাড়লাম, কিন্তু সার্থকের ভাত রাখলাম কই? ভাত বেড়ে স্বামী-পুত্রের পাতের সামনে ধরে দিতে পেলাম কবে?

স্বামী-পুত্রের কোলে ভাতের খাল। এগিয়ে দিতে না পারলে আর—

পুত্র? ও বাড়িতে যারা আছে, তারা কি সহর পুত্র?

তা একরকম পুত্রই বৈকি। স্বামীরই সন্তান তো। ব্রতকথায় আছে—  
“জ্ঞাতির ভাত হোক, সতীনের পুত্র হোক।”

মরলে সতীনের ছেলেও মুখে আগুন দেয়, গলায় “কাচা” নেয়। হ্যাঁ, এইসব চিন্তা সহর মাথার মধ্যে পাক দেয়, তবু সহ সহজে মুখে হারে না। বলে, “আমি এখন নব্বু সংসার ভাসিয়ে দিয়ে কোন্ মুখে—”

“আহা-হা, ওর সংসার আবার ভাসাবে কী দুঃখে? ওর কাণ্ডারী খুব ওস্তাদ। এ নেহাৎ তুমি আছ তাই ঘোড়া দেখে খোঁড়া হয়ে বসে আছে। তুমি চলে গেলে ঠিক সবই পারবে।”

তা সহ সে কথা বোঝে।

বোঝে বোয়ের এই চূপচাপ বসে থাকার যতটা শরীরের দুর্বলতার জ্ঞান, তার থেকে বেশী মনের অবসন্নতা। সেই হতচ্ছাড়া ছুঁড়িটা ঘেন প্রাণের পুতুল ছিল ওর। মেটা গেছে। তা ছাড়া নব্বু কড়া দিব্যি দেওয়ান সেখানে যেতে আসতেও পারছে না। যত শক্ত মেয়েমানুষই হোক, স্বামীর মরা “মুখ দেখার” দিব্যিটা তো আর ক্ষেত্রতে পারে না?

অমন যে একটা দোনার পুতুল মেয়ে হয়েছে, তাও ঘেন শাজাতে গোছাতে গা নেই। সহ চলে গেলে ঘাড়ে পড়লে আবার সব ঠিক হয়ে যাবে।

কিন্তু সহ?

বড় লঙ্কা! বড় লঙ্কা!

নিজের কোটে বসে তামাক সেজে দেওয়া, পায়ে হাত বুলিয়ে দেওয়া এক, আর কেশ্চ্যুত হয়ে সেই অজানা রাজ্যে গিয়ে পড়া আর এক। কেমন সেই সতীন, কেমন সেই ছেলেপুলে কে জানে!

তারা যদি সহকে সহ করতে না পারে? আবার যদি স্বামীর ঘরে গিয়ে লাহনা অপমান ষোটে?

সেদিন কথার পিঠে এ সন্দেহ প্রকাশ করে সৌদামিনী, কিন্তু মুখুষ্যের এক হুঁয়ে উড়ে যায় সে হুশিচ্ছা।

তিনি প্রবল স্বরে আশ্বাস দেন, “ছেলেমেয়ে ? তারাই তো রোজ আমায় খেয়ে ফেলছে, ‘বাবা বড়মাকে আনো, বড়মাকে আনো’ বলে। আর তোমার সতীন ? হুঃ, রাতদিন তো নিজের মরণ ডাকছে। বলে, ‘আনো একবার তোমার প্রথম পক্ষকে, তাঁর পায়ের ধুলোটা নিয়ে আর এই হতভাগাগুলোকে তাঁর হাতে তুলে দিলে মরে বাঁচি’।”

কেন কে জানে, সহুর চোখে হঠাৎ জল আসে। সে জল মুছে সহ রুদ্ধস্বরে বলে, “তোমরা পুরুষজাত বড় নিষ্ঠুর ! এতদিন ঘর করছ, প্রাণে একটু মায়া নেই ?”

“কি মুশকিল। মায়া কি করছি না ? না করি নি ? এষাবৎ কে তার এগারটা আঁতুড় তুলল, কে তার ‘তাওত’ করল ? ওকে ঘরে আনার সময় থেকেই তো যে ঘর ভেঙ্গ। মা ছোট ছেলের সংসারে থেকেছে, তার পর মরেছে। আমি চিরহুঃখী। নইলে বিয়ে করা পরিবার তুমি, তবু তোমার ওপর জোর খাটাতে পারি না, ভিথিরির মতন দয়া ভিক্ষে করি।”

“থাক থাক, আর আমার পাপ বাড়াতে হবে না।” সহ বলে, “সতীন না হয় মরে বাঁচতে চায়, কিন্তু ছেলেপেলে সৎমাকে চায় কেন ?”

“কেন আর ? বুঝ না ?” মুখুষ্যে কর্তৃস্বর করণ করেন, “একটু মাতৃস্নেহের আশায়। সময়ে দুটো ভাতজলের আশায়।”

তিল তিল জলে পাথর ক্ষয় হয়। আর এ তো আপনা থেকেই গলে থাকা বেলেমাটি। অবশেষে একদিন সহ মাথাটা নীচু করে ধরাগলায় বলে, “বেশ, বল নবুকে। আমি নিজমুখে বলতে পারব না।”

তা নবুরও বলতে বেধেছিল সত্যর কাছে। কোনরকমে খতমত খেয়ে বলে ফেলেছিল, “মুখুষ্যে মশাই ত আমায় খেয়ে ফেলছেন !”

সত্য চোখ তুলে তাকিয়েছিল শুধু।

তাতেই প্রসন্ন।

নবকুমার অতঃপর তড়বড় করে মুখুষ্যে মশাইয়ের সংসারের ‘ইাড়ির হালে’র বর্ণনা করে, কথা সমাপ্ত করেছিল একটি বিবেচনার কথা বলে।

“এমন অবস্থায় দ্বিধিকে না পাঠানো আমাদের পক্ষে গর্হিত হবে না ? মনে হবে না বড় বেন আর্ষণের মত আটকে রেখেছি দ্বিধিকে—”

সত্য শাস্ত্রভাবে উত্তর দিয়েছিল, “আটকে রাখার কথা উঠছেই বা কেন ? ওখানে যাবার জগ্গেই তো কলকাতায় এসেছেন ঠাকুরঝি।”

ওখানে যাবার জগ্গে !

নবকুমার হতবাক হয়ে গিয়েছিল। সত্যর অকৃতজ্ঞতাকে ছি ছি করে খিঙ্কার দিয়েছিল। ভেবেছিল, আর এই ঝাঁকুর তোলা, মুখে রক্ত তুলে সংসারের যাবতীয় খাটুনি খাটা, এসব কিছু না ? দিদি আগে থেকে জানত মুখ্যে মশাইয়ের সঙ্গে দেখা হবে ? তিনি অত খোশামোদ করবেন ওকে ?

কিন্তু মনের মধ্যে ঠেলাঠেলি করে ওঠ। এইসব কথাগুলো বলে উঠতে পারে নি নবকুমার। বলেছিল, “বেশ, তবে তাই বলে দিই গে। জানি তোমার একটু কষ্ট হবে—”

“আমার কষ্ট।”

সত্য বলেছিল, “আমার যে কিসে কষ্ট হয় আর না হয়, সে বোধ যদি তোমার থাকত ! থাক গে, যেতে দাও ওসব কথা, মুখ্যে মশাইকে বলে দাও একটা ভাল দিন দেখতে।”

## ॥ চুম্বানিশ ॥

জগন্নাথের রথের চাকা গড়গড়িয়ে এগিয়ে চলে, কখনো বালির গাদায় বসে যায়। বসে যাওয়া রথের রশিতে টান দিতে এগিয়ে আসে লক্ষ মাহুষের হাত। শ্রেণীহীন নির্বিচার।

মাহুষের হাতে জগন্নাথের মুক্তি।

রূপকের রূপে দেবতার রূপ।

জগন্নাথের রথ যুগের প্রতীক। যুগের চাকার গতিও কখনো উদ্দাম, কখনো মন্দ্র। সেই মন্দ্রতার মুক্তিও মাহুষের হাতে। জনগণের জাগরণে যুগের জাগরণ।

তবু বলতেই হবে যুগের দেবতা একটু শহর-ঘেঁষা। শহর দ্রুতছন্দে আবর্তিত হয়, গ্রাম ছায়াচ্ছন্ন উঠানে পড়ে শুন্মায়। “শহরে যাওয়া” স্বপ্ন

তার কাছে এসে পৌঁছয় তখন শহর সে হাওয়াকে ত্যাগ করে আর এক নতুন হাওয়ার পিছনে ছুটছে।

কিন্তু শহর আর মফঃস্বল কি কেবলমাত্র মানচিত্রের বর্গমাইলের ওপর নির্ভর-শীল? একই ঘরের মধ্যে বাস করে না কি শহর আর মফঃস্বল? জাগন্ত আর যুমন্ত? মাহুখে মাহুখে মনের গড়নে কি পার্থক্য নেই?

তা মনের গড়নেরও শহর মফঃস্বল আছে বৈকি। নইলে যুগচক্রের আবর্তনে সত্যবতী কেন এমন অধীর হয়, চঞ্চল হয়, আন্দোলিত হয়, আর নবকুমার কেন সে আবর্তন টেরও পায় না?

সত্যবতী তো ঘরে থাকে।

নবকুমার তো বাইরে ঘোরে।

নবকুমার বাইরে ঘোরে। অর্থাৎ নবকুমার বাজারে যায়, মন্দির দোকানে যায়, নিতাইয়ের বাসায় তাস খেলতে যায়, সহুর বাড়িতে তত্ত্বতল্লাস করতে যায়। এই বহির্জগৎ নবকুমারের।

কিন্তু সত্যবতীই বা এমন কি করে?

সত্যবতীও তো কুটনো কোটে, বাটনা বাটে, রান্না করে, বড়ি দেয়, মুড়ি ভাজে, আচার বানায়। শুধু অবসরকালে বই পড়ে সত্যবতী। পড়ে পত্র-পত্রিকা।

এইটুকু জানলা।

খোলা জানলা।

এই জানলাখানি সত্যকে বহির্জগতের বাণী বয়ে এনে দেয়।

এই জানলাখানি খোলা রাখার সহায়, ছোট ছেলে সরল। মায়ের সঙ্গে তার যত গল্প যত কথা। আর বই যোগাড়ের ব্যাপারে উৎসাহ যোগ আনা।

নবকুমার এ খবর রাখে না।

নবকুমার এক-একদিন তাদের আড্ডায় শোনা গল্প এনে উত্তেজিত দিক্কার তোলে, “শুনেছ কেলেকারি? মেয়েমাহুখে বিলেত যাচ্ছে! কিনা এম. এ. বি. এ. পাস করতে! বিত্তের পাহাড়ের চূড়ায় ওঠা চাই!...কালে কালে কতই হবে!...শুনেছ কাণ্ড, পিরিলি বাড়ির কোন্ বৌ নাকি—”

সত্য বলে ওঠে, “খাম, চূপ কর।”

নবকুমার বিচলিত স্বরে বলে, “বাবা:। বুড়ো হয়ে গেলাম, জীবনে কখনো মন খুলে ছুটো গল্প করতে পেলাম না!”

সত্য বলে, “কেন কর না গল্প! তোমার নাগালের উপযুক্ত গল্প কর! বাজারের দরদামের গল্প আছে, কায়েত-ঠাকুরপোর বৌ কী খাওয়াল তার গল্প আছে, আপিসের বড়বাবুর গল্প আছে……”

নবকুমার ক্রুদ্ধ গলায় বলে, “কেন দেশের দেশের কথা বলা বুঝি আমার বারণ?”

“বারণ নয়। বারণ কেন হবে? নিজে জেনে বুঝে কথা কও, তার মানে আছে, তুমি যে পরের মুখে ঝাল খাও।”

নবকুমার এবার অভিমানে ভারী হয়, “আমার জেনেও দরকার নেই, বুঝেও দরকার নেই। তুমি আর তোমার বিদ্বান ছেলেরা কথা কও গে।...আয় স্বর্ণ আমরা গল্প করি।”

স্বর্ণ? ই্যা, স্বর্ণ!

সোনার পুতুলের মত মেয়েটাকে স্বর্ণলতা নামই তো মানায়। বছর চারেকের হয়ে উঠেছে মেয়েটা, বাপের ভারী স্নয়ো হয়ে উঠেছে।

কথা কয় যেন পাখীর মত।

হাঁড়ি-কুড়ি নিয়ে রাঁধাখাড়া খেলতে শিখেছে ইতিমধ্যে। বলে, “এস বাবা ভাত খাও।” বলে, “মার মতন রান্না করতে পারি আমি। পারি না বাবা?”

নবকুমার সত্যকে শুনিয়ে শুনিয়ে বলে, “তা পেরো মা! কিন্তু মার মতন রাগী হয়ো না যেন।”

এইভাবেই চলছিল দিন, কিছুটা মন্থর ছন্দে।

সেই মন্থরতার মাঝখানে হঠাৎ একটা আলোড়ন এল একদিন। সে আলোড়ন এল সত্যর ‘ঘর পালানে বন্ধু’ নেড়ুর মূর্তি ধরে। তা নেড়ু তার বন্ধুই, দাদা আর বলেছে কবে তাকে সত্য? ছ মাসের নাকি বড় নেড়ু সত্যর থেকে। সে কথা মানে না সত্য। এখনও মানে না।

রুদ্ধকণ্ঠে শুধু বলে উঠল, “নেড়ু তুই?”

নেড়ু হেসে উঠে বললো, “বিশ্বাস হচ্ছে না? নেড়ুর ভূত মনে হচ্ছে? তা সন্দেহ মোচন করতে চিমটি কেটে ছাখ।”

“তা ভূত বললে অগ্নায় হয় না—” সত্যর রুদ্ধকণ্ঠে এবার উচ্ছ্বাস আসে, “রংটা অন্ততঃ ভূতের মত করে তুলেছিস বাবা। ইয়ারে নেড়ু, তোর সেই বেলেপানার মত রংটা কী করলি রে?”

নেড়ু হো হো হেসে ওঠে, “কী মনে হচ্ছে? বেচে খেয়েছি? তা মাঝে মাঝে যা অবস্থা যায়, ‘চুল নখ হাত পা বেচে খাই’ এমনই মতি হয়। রংটা বেচতে পারলে নিশ্চয় বেচতাম, বেচবার নয় এই যা। রোদে পুড়ে পুড়েই আর কি—”

নেড়ুর ওই কৌতুক-কথা কটির মধ্যে থেকেই নেড়ুব অবস্থাটা স্পষ্ট ধরা পড়ে যায়, আর ধরা পড়ার সঙ্গে সঙ্গেই চোখে জল এসে যায় সত্যর।

কিন্তু সে জল চোখেই আটকে বেখে সত্য সেই অতীতকালের মতই ঝঙ্কার দিয়ে ওঠে, “খুব তো ব্যাখ্যানা করছিস অবস্থার, বলি হঠাৎ এমন নিরুদ্দেশ হবার শখ হল কেন বল দিকি? এমন হাড়ির হাল করে বেড়িয়ে লাভটা কি হচ্ছে তোর?”

নেড়ুর বহু অবস্থার ছাপ পড়া কাঠ-কাঠ মুখটায় হঠাৎ একটা বিদ্যুৎদীপ্তি খেলে যায়। বিদ্যুৎ-উজ্জ্বলিত মুখে উত্তর দেয় নেড়ু, “লাভ? সে তোদের সংসারের কড়াকড়ির হিসেবে অবশ্য পড়বে না সত্য, সেটাকে বলতে পারিস ‘অদৃশ্য বস্তু’। তবে হয়েছে বৈকি লাভ। ভগবানের রাজ্য এই পৃথিবীটা যে কেমন তার কিছুটা আশ্বাস লাভ হয়েছে!”

সত্য, কি নেড়ুর এই উত্তরে চমকে ওঠে? সত্যর মুখটা কি হঠাৎ ছাইয়ের মত সাদাটে দেখায়? সহসা কি একটা বিরাত লোকসানের খবর দিয়ে গেল-কেউ সত্যকে? সত্যর মুখে তাই দিশেহারা উদ্ভ্রান্তির ছায়া?

সত্যর তাই কথা বলতে মুহূর্ত কয়েক দেয় হয়। বুঝি বড় একটা নিখাস চাপে সত্য।

পরে বলে, “পায়ে হেঁটে পৃথিবীর কতটা দেখবি শুনি?”

নেড়ু দু হাত উল্টে বিশেষ একটা ভঙ্গী করে বলে, “নাও ঠ্যালা! পৃথিবীর সব মাটি মাড়িয়ে মাড়িয়ে কি আর পৃথিবীটা দেখবার বায়না করেছে!... আসল কথা চেনা জানা সংসারের চৌহদ্দিটার বাইরে পা বাড়াতে পারলেই আর এক জগৎ, বুঝলি? তার মজাই আলাদা। সত্যি বটে তোরা সংসারী লোকেয়া বলবি হাড়ির হাল, কিন্তু আমি বাবা বলবো তোফায় কাটাচ্ছি। ‘ভোজনং যত্র তত্র, শয়নং হস্ত মন্দিরে,’ এ কি সোজা মজা? কোনদিন আহার জুটছে কোনদিন জুটছে না, কোনদিন মাথার উপর আচ্ছাদন আছে, কোনদিন গাছতলা সার।... কখনো কারো কাছে এক ষটি জল চাইলে সব ব্যাজার মুখ করে, কখনো কেউ মুখের চেহারাটা দেখেই কুখার্ত ব্রাহ্মণ বলে



অহুরোধ উপরোধ করে ডেকে নিয়ে গিয়ে তোয়াজ করে খাওয়ায়। কত লীলাখেলা পৃথিবীর! কত টঙের মাহুষ, কত সঙের বাজার!”

সত্য যেন হাঁ করে শুনতে থাকে নেড়ুর এই অভিনব অভিজ্ঞতার গল্প।... আশ্চর্য! আশ্চর্য! সেই তার চিরকুপার পাত্র বোকা নেড়ুটা হঠাৎ যেন সত্যর নাগালের বাইরে চলে গেছে।

সম্বর্পণে একটা নিশ্বাস ফেলে সত্য। আশ্বে আশ্বে বলে, “খুব ভাল লাগে না রে নেড়ু?”

নেড়ু তার রুক্ষ চুলগুলো মুঠোয় চেপে ধরে চাপতে চাপতে বলে, “ভাল লাগা মন্দ লাগা বুঝি না সত্য, একটা অন্তরকম জীবন, এই আর কি। কুমোরের চাকে গড়া হাঁড়ি-কলসীর মত এক হাঁচের না হয়ে, নিজের হাতে গড়া যা হোক একটা গড়ন পাওয়া, এই হচ্ছে কথা। তোরা বলবি, বাউগুলো লক্ষ্মীছাড়া ভবঘুরে! বলবি, ‘আহা কী কষ্ট!’ আমি মনে মনে হাসবো। ভাববো ওই বাউগুলো লক্ষ্মীছাড়া ভবঘুরে হয়ে ছাখো, বুঝবে তার রহস্য রস।”

সত্য আর একবার ঝঙ্কার দিয়ে ওঠে, “বলছিস তো খুব! বলি মেয়ে-মাহুষে পারবে তোর মতন ভবঘুরে হতে? ব্যাটাছেলে হয়ে জন্মেছিস, তাই বা খুশি করবার সুখ পেয়েছিস। বাবাও তো বাড়ি-ছাড়া হয়ে বেরিয়ে গিয়েছিলেন—”

নেড়ু আঙুল তুলে বলে, “ওই তো, ওই কথাই তো বলছি—গিয়েছিলেন তাই একটা মাহুষের মত মাহুষ হতে পেরেছেন। গাঁয়ে পড়ে থাকলে আমার বাবাটির মতন হতেন।”

“এই নেড়ু, পিতৃনিন্দে করছিস?”

“নিন্দে-ফন্দে বুঝি নে সত্য, আমার হচ্ছে হক্ কথা! যাক তুই কেমন আছিস বল?”

সত্য ঈষৎ উদাস গলায় বলে, “আমার কথা ছেড়ে দে। মেয়েমাহুষ হয়ে জন্মেছি—”

নেড়ু বলে ওঠে, “এই সেরেছে, তুইও যে দেখছি আক্ষেপ করতে শিখেছিস! আগে তো এমন ছিলি না! ‘মেয়েমাহুষ মাহুষ নয়’ একথা বললেই তো রেগে যেতিস—”

সত্য তেমনি গলায় বলে, “সে এখনো যাব। তবে তোকে দেখে যেন

আক্ষেপটার সৃষ্টি হচ্ছে ভাই! কোথায় ছিলি তুই, কী বা ছিলি! মিথ্যে বলব না, তোকে 'মাথাঘোটা' ভেবে একটু কুপার চক্কেই দেখতাম কিন্তু এখন মনে হচ্ছে তোর মাথাটাই সব চেয়ে সফল। তাই তোকে ভক্তি-ছেদ্য চোখে দেখছি।... যাক বেশী বলব না অহঙ্কার হবে। তবে এটা ঠিক, ভগবান যদি আমায় মেয়েমানুষ না গড়ে বেটাগুলো করে তৈরি করতেন, তোর মতন ঘরই ছাড়তাম। যাক হই নি এখন, ভগবানের ভুলের খেসারত দিই বসে বসে। সে তো হল, কিন্তু তুই কিভাবে আমার বাড়ির খোজ পেলি বল দিকি?"

হ্যাঁ, সেটাই কথা!

ঘরপালানে ছেলেটা এতদিন পরে হঠাৎ সত্যর বাড়ি এসে হাজির হয় কী করে?

তা হল প্রায় দৈবের আশুকল্যেই।

উত্তর প্রত্যন্তরের মধ্য দিয়ে যা বোঝা গেল তা হচ্ছে এই ঘূর্ণতে ঘূর্ণতে কলকাতায় এসেছে নেড়ু কিছুদিন হল। আর ওই ঘোরার স্মৃতিই কালীতলায় এসে বসেছিল আজ সকালে, আর দৈবক্রমে সত্য গিয়েছিল সেই ঠাকুরতলায় পূজা দিতে।

যায় এমন সত্য।

বারব্রত থাকলেই যায়।

আজ অষ্টমীর উপোস ছিল, গিয়েছিল। নেড়ু দেখতে পায়। কিন্তু পথের মাঝখানে বা মন্দিরের চাতালে তো একটা বৌমানুষকে ডেকে কথা কওয়া যায় না, তাই নেড়ু একটু দূরে দূরে থেকে সত্যর সঙ্গে সঙ্গে এসে বাড়িটা বুঝে নিয়েছিল। সত্যর সঙ্গে পাড়ার একটি গিন্নী ছিলেন। তিনি বিদায় নিতেই নেড়ু এগিয়ে গিয়েছিল, এবং মহোৎসাহে কড়া নাড়া দিয়েছিল।

সত্য সেইমাত্র পড়শী গিন্নীকে বিদায় সম্ভাষণ জানিয়ে দরজায় খিল লাগিয়ে পিছন ফিরেছে, তখনো দাঁড়ায় গুঠে নি। ভাবল সেই মহিলাই বোধ করি কিছু বলতে ভুলেছেন বা সত্যর সঙ্গে তাঁর কোনো বন্ধ চল এসেছে। নিশ্চিন্ত চিন্তেই তাই ফের খিলটা খুলেছিল সত্য, আর খুলেই খতমত খেয়ে ছুঁ পা পিছিয়ে গিয়েছিল।...

কিন্তু পিছিয়ে গিয়েই কি তাড়াতাড়ি দরজাটা বন্ধ করে দিয়েছিল সত্য? তাই দেওয়ানী তো উচিত ছিল। তা বলতেই হবে উচিত কাজ সত্য করে নি। সে যেন স্বল্প হয়ে গিয়ে সামনের মূর্তিটার দিকে দৃষ্টি নিবন্ধ করে দাঁড়িয়ে থেকেছিল।

রুক্ষ ধূসর মাথাভর্তি চুল, তা মাটে কালচে রং, শীর্ণ পেশীবহুল মুখ, আর রোগা পাকসিটে চেহারা!...দৈর্ঘ্যের তুলনায় প্রস্থটা নিতান্তই কম। আর ওই দৈর্ঘ্যের জন্তাই পরনের ধুতিটা খাটো মনে হচ্ছে। গায়ের রং-জ্বলা গলাবন্ধ কোটটাও যেন মাল্লুয়টার নোচের দিকের অনেকখানি অংশকে বাক্ত করে সহসা থেমে পড়েছে।

হাতে একটা ক্যান্সিসের পোর্টম্যান্টো, সেটাকে দোলাতে দোলাতে মুহু মুহু হাসছে লোকটা। হঠাৎ কেউ সত্যকে এই অবস্থায় দেখলে কী বলবে বা বলতে পারে, সে কথা স্মরণ মাত্র না করে হাঁ করে দাঁড়িয়েই থাকে সত্য। অতঃপর লোকটা হেসে উঠে বলে, “কী রে সত্য, চিনতে পারলি নে তা হলে?”

অথচ চিনে ফেলেছে তখন সত্য, ঠিক সেই মুহূর্তেই চিনে ফেলেছে। আর সেই আকস্মিকতার মুহূর্তে রুদ্ধকণ্ঠে উচ্চারণ করেছে, “নেড়ু তুই!”

উঠে এসে দাঁড়ায় শুছিয়ে বসে নেড়ু বলে, “যাক্ ভাগ্যি যে চিনতে পারলি, চোর-ছ্যাচোড় বলে মুখের ওপর দরজা বন্ধ করে দিলি নে, এই ঢের।”

সত্য তিরস্কারের স্বরে বলে, “তা দিলেও তুই আমায় দোষ দিতে পারাতস না নেড়ু। চেহারাখানা যা বাগিয়েছিল চোর-ছ্যাচোড়ের স্বধম! তোকে দেখে আফ্লাদ করবো, না কাঁদবো তা বুঝি না। বলে দিচ্ছি এখন থেকেই, সহজে তোর এখান থেকে যাওয়া হবে না, থাকবি আমার কাছে।”

নেড়ু হেসে ফেলে বলে, “তোর হাতের রান্না খেয়ে খেয়ে মোটা হবো?”

“হবই তো! মিথ্যে নাকি?” সত্য সতেজে বলে, “কিছুকাল খেয়ে ঘুমিয়ে স্বাস্থ্য শরীর ভাল কর। এই তালে চললে বেশীদিন আর পৃথিবী দেখে বেড়াতে হবে না।”

তা সত্যর কথাটা একেবারে অবহেলা করতে পারে নি নেড়ু। ছিল কয়েকটা দিন। ভারী খুশি খুশি মনেই ছিল। ছুবেলা খেতে বসে রান্নার প্রশংসায় পঞ্চমুখ হত আর বলতো, “নাঃ, যতদূর বুঝি বোনাই বাড়ি

থেকে আমাকে আর নড়তে দিবি না তুই সত্য। তোর এই স্বপ্ন, মোচার ষট, এঁচড়ের ডালনা, মাছের বোলার বন্ধনেই বেঁধে রেখে দিবি...” বলতো, “জামাইবাবুর আমার এখনো শরীরটি যে কী কারণে অমন নাড়ুগোপালটির মত রয়ে গেছে, তা বুঝতে পারছি।”...ছেলেদের ডেকে বলতো, “বুঝলে হে বাপধনেরা, তোমরা যে জননী রত্নটি পেয়েছ, লাখে একটি এমন মেলে না!”

সত্য মুগ্ধ বিগলিত চিন্তে ওর কথা শুনতো, চোটপাট উত্তর দিতেও ভুলে যেত মাঝে মাঝে।

বাড়ি ছেড়ে পথে পথে নেড়ুর কথার ধরনটা কী অদ্ভুত ভাবে বদলে গেছে! এ ভাষা এ স্বর নিত্যানন্দপুরের নয়। বারুইপুরেই কি এমন সহজ কৌতূকের স্বরের হালকা চালের কথা শুনেছে সত্য? অথবা কলকাতায়?

না:, শোনে নি।

সত্যর দেখা মাহুধরা সব যেন চোখের সামনে ভিড় করে আসে। কেউ চঞ্চল, কেউ গম্ভীর, কেউ ব্যস্ত, কেউ মন্থর। কেউ ভয়ঙ্কর, কেউবা হাস্যকর। এমন হাসিতে উজ্জল কৌতূকে সহজ, অথচ ভারহীন নিলিপ্ত, কই কোথায়?

নেড়ুর “কথা” শুনবে বলেই সত্য তাড়াতাড়ি হাতের কাজ সেরে নিত, সত্যর ছেলেরা আগে আগে পড়া সেরে নিত।...হ্যাঁ, সত্যর ছেলেরাও সত্যর মতই মুগ্ধ বিমোহিত। নানান দেশ-বিদেশের গল্প ফাঁদতো নেড়ু, নানান অভিজ্ঞতার। রসিয়ে রসিয়ে গল্প করতো তার।...

“ট্যাঁকে নেই পয়সা, পেটে নেই ভাত। অথচ মুখে হারছি না বুঝলি? ধর্মশালার সেই লোকটাকে জোর গলায় বলছি—‘আমি রাঁধছি না খাচ্ছি না তাতে তোমার কি হে বাপু? তোমার এই ধর্মশালায় এমন কোন লেখাপড়া আছে যে রাঁধতেই হবে, খেতেই হবে?’ লোকটা একেবারে গরুড়ের অবতার বুঝলি? হাত জোড় করে বলতো, ‘আজ্ঞে লেখাপড়া কিছু নেই, তবে আপনি ব্রাহ্মণ সম্ভান চোখের সামনে না খেয়ে পড়ে থাকবেন, দেখি কি করে? দেখছি তো আপনি রাঁধছেন না খাচ্ছেন না। বেরিয়ে গিয়ে পুরী-কচুরীও কিনে আনছেন না’—”

বললাম, “আমার ব্রত আছে।”

“তবু ব্যাটা নাছোড়বান্দা। বলে, ‘কী ব্রত’?”

আরো গম্ভীর হয়ে বলি, “সে তুমি বুঝবে না।”

“তা এমন কি ব্রত যে দুধ গঙ্গাজল এসব খেতে মানা?”

“আমি রাগ দেখিয়ে বলি, ‘অত কৈফিয়ৎ তোমায় দিতে যাব কেন হে? ঠিক আছে, চলে যাচ্ছি অত্র ধর্মশালায়।’ অথচ বুঝি কিনা, মনে মনে ভাবছি, অত কথা না শুধিয়ে এনেই দে না বাবা ছড়াখানেক মর্তমান, গোটাকতক মিষ্টি পুরুই আম, সেরটাক মালাই, আর গুণ্ডা আষ্টেক মণ্ডা—”

কথার মাঝখানেই হেসে লুটোপুটি খেত সাধন সরল। সরল হয়তো বা যোগও দিত—“গুণ্ডা বারো চমচম, এক চ্যাঙারি গরম জিলিপি...”

“তা মন্দ বলিস নি,” নেড়ু বলতো, “তখন মনে হচ্ছে বিশ্বব্রহ্মাণ্ড শেষ করি। অথচ হ্যাংলা বামুন হতে রাজী নই। তাই বলবো কি, সত্যিই সেদিন এনে হাজির করলো লোকটা বড় লোটীর এক লোটী স্কীরের মত ঘন গরম দুধ, আর ইয়া বড় বড় গোটাচারেক কদলী। বলে, ‘এ খেলে তোমার ব্রত নষ্ট হবে না—।’ আমি বুঝি কিনা, তাকে যেন কতই কৃপা করছি, এই ভাবে মেরে দিলাম সেগুলো। মারছি আর ভাবছি আরো চারটি কিছু আনলি না কেন বাবা?”

এরা হেসে ওঠে।

এ আসরে নবকুমারও এক-একদিন যোগ দিত। এই ভবঘুরে শালাটির প্রতি তারও বেশ একটু প্রীতির সঞ্চার হয়েছিল। চুপি চুপি সত্যকে বলতো, “কায়দা করে আটকে ফেলে একটা কনেটনে যোগাড় করে বিয়ে দিয়ে ফেল না? তখন দেখবে বাছাধন কেমন বাউণ্ডলে হয়ে বেড়ায়!”

সত্য বলতো, “থাক গে, বেড়াক না। একটা মাহুষ না হয় জগৎ-ছাড়া হল। সবাইকে বিয়ে করে ঘর-সংসার করতেই হবে, এমন তো কিছু লেখাপড়া নেই?”

“আহা, সন্নিসী হত তো সে এক কথা। এ যে না গেক্সা, না সংসারী!”

“তা হোক।”

নবকুমার বলতো, “তবে আর কি বলবো!” আসরে গিয়ে বলতো, “তারপর শালাবাবু, কোন্ কোন্ তীর্থ করেছ বল?”

নেডু বলতো, “তীর্থ-টীর্থ কিছু করি নি বাবা, তীর্থধর্ম নিয়ে মাথাও-  
ঝামাই নি। তবে ভ্রমণ করতে গেলেই তীর্থ। পৃথিবীর যেখানে ষত শোভা-  
সৌন্দর্যের জায়গা, সেখানেই তো মাহুষ দিব্য এক-একখানা তীর্থ বানিয়ে  
রেখেছে—”

সত্য প্রশ্ন করেছিল, “শেষ তুই কোথা থেকে ঘুরে এলি ?”

“কাশী। কাশী আগেও গিয়েছিলাম অবিশ্রি। প্রথম তো কাশীতেই ষাব।”

“কাশী ? সম্ভ্রতি কাশী গিয়েছিলি তুই ?” সত্য রুদ্ধকণ্ঠে বলে, “বাবার সঙ্গ  
দেখা করেছিলি ?”

“বাবা মানে মেজকাকা ?” নেডু আশ্চর্য হয়ে বলে, “কাশী গেছেন  
বুঝি ?”

“গেছেন কি রে নেডু! বরাবরের জন্মে গেছেন। বাবা কাশীবাসী  
হয়েছেন।”

“অ্যা! সে কি !”

“তবে আর বলছি কি !”

নেডু এই একটি মাত্র প্রসঙ্গে গম্ভীর হয়। আন্তে নিখাস ফেলে বলে, “জানি  
না তো ! জানলে খুঁজে নিয়ে দেখা করবার চেষ্টা করতাম। নিত্যানন্দপুরে  
মেজকাকা নেই, এ যেন ভাবাই ষায় না, না রে সত্য ?”

সত্য কথার জবাব দেয় না।

সত্য চোখ তোলেন না। স্ববর্ণকে কোলে চেপে বসে থাকে।

আবাব কোনো এক সময় পুণ্যির প্রসঙ্গ গুঠে।

এক বেলার জন্মে শ্রীরামপুরে পুণ্যির বাড়িও গিয়েছিল নেডু। তা এক বেলার  
বেশী থাকতে পারে নি। পুণ্যি নাকি অমন গিন্নী হয়ে গেছে যে, দেখে প্রাণ  
হাঁপিয়ে উঠেছিল নেডুর। ষতটুকু সময় ছিল নেডু, ততটুকুই কেবল তাকে  
উপদেশ দিয়েছে আর ধিক্কার দিয়েছে পুণ্যি।

“জগৎটা কতই বদলে ষাচ্ছে !” সত্য নিখাস ফেলে বলে, “ছোটবেলার  
কথা তোর মনে পড়ে না নেডু ?”

“পড়ে। পড়বে না কেন ? তবে কি জানিস সত্য, একে তো তুই মা  
বাপের এক সন্তান, তায় আবার মেজকাকা মেজখুড়ীর মত বাপ-মা! তোর  
স্মৃতিতে আমার স্মৃতিতে তফাৎ আছে। চোন্টটা ছেলেমেয়ের একটা  
আমি।”

“তা হলেই বা। তুই তো কোলের ছেলে।”

“দূর! দূর! মাহুষ না হাঁস-মুরগী!”

এ ধরনের কথায় সত্য লঙ্ঘিত হয়ে অন্য প্রসঙ্গ এনে ফেলতো। হয়তো পুণ্ডির কথাই ফের তুলতো। সেই রকম রোগা আছে পুণ্ডি, না মোটা হয়েছে? এখনো তেমনি চুলের রাশি আছে কিনা?

“চুল?”

নেডু হেসে উঠেছে। “এই এতো বড় একখানি টাক! তার ওপর এতোখানি সিন্দুর লেপা। অবিকল সেজঠাকুমা। আমি বললাম, ‘মা শেতলা, গড় করি! আর নয়!’”

সত্য হেসে ফেলে বলে, “সেই তো বোকা-হাবা ছিল তুই নেডু, এত কথা শিখলি কি করে?”

নেডু বলে, “হাওয়ায় বাতাসে! ষত মাহুষ দেখবি, তত বুদ্ধি বাড়বে।”

খুবই স্মৃতিতে ছিল নেডু।

আর সত্যি বলতে, দিন দশ-বারোতেই যেন চেহারা ফিরে যাচ্ছিল। রং কিরছিল, গড়ন ফিরছিল। হয়তো মাস দেড় দুই থাকলে দশমাসই হয়ে উঠতো রোগ লম্বা নেডু। কিন্তু থাকলো না। হঠাৎ বলে উঠলো, “আর নয় রে সত্য, তোর এখানে শেকড় গজিয়ে যাচ্ছে, এবার পলায়ন দিই।”

সত্য চমকে উঠেছিল।

সত্য বসে পড়েছিল।

“চলে যাবি?”

“এই ছাখো, চলে যাবো না তো কি, বোনাই-বাড়িতে মৌরসীপাট্টা নিয়ে বাস করতে এসেছি? না, না, আর একদিনও না।”

সত্যর কাকুতি-মিনতি, সত্যর ছেলেদের দরদস্তুর, আর নবকুমারের অহুরোধ উপরোধ, সব ঠেলে ক্যাশিশের ব্যাগটা গুছিয়ে নিয়ে পা বাড়ালো নেডু।... শুধু স্বাক্ষরকালে বললো, “দে বাবা তোর ওই নারকেলনাড়ু দিয়ে দে পুঁটলিখানেক। পচবার মাল নয়। চলবে বেশ কিছুদিন। যখনি খাবো, তোদের মনে পড়বে।”

তা শুধুই নারকেলনাড়ু নয়, চোখের জল মুছতে মুছতে একবেলার মধ্যেই অনেক কিছু বানিয়ে ফেলেছিল সত্য।...

ভিলের নাড়ু, কীরের হাঁচ, মুগের বরকি, কুচো গজা, মুড়কির মোয়া।

অবরুদ্ধ করে সব পুরে দিয়েছিল তার ব্যাগে। আর মাথার দিব্যি দিয়ে লুকিয়ে দশ টাকা হাতে গুঁজে দিয়েছিল তার।

ভবঘুরে নেড়ুরও কি চোখ দুটো ভিজে এসেছিল ?

এসেছিল কিনা চোখই জানে। তবে গলাটা যে ভিজে উঠেছিল তার, সেটা সত্য টের পেয়েছিল। টাকা কটা সেই রংচটা কোটের পকেটে রাখতে রাখতে ভিজে গলায় বলেছিল, “তুই, তাই নিলাম সত্য। আর কারো সাধ্য ছিল না যে আমাকে—”

স্বর্ণকে কোলে তুলে নিয়ে অনেক লোফালুফি করে নামিয়ে দিয়ে বিদায় নিল নেড়ু।

সত্যর বর্তমানের নিস্তরঙ্গ জীবনে নেড়ু যেন বড় একটা তরঙ্গ তুলে দিয়ে গেল।

অনেকদিন পর্যন্ত নেড়ুর প্রসঙ্গ ধনিত হতে থাকলো এ বাড়িতে।

অনেকদিন পর্যন্ত সত্য যেন আনমনা হয়ে রইল। সমবয়সী, বয়ঃ বা একটু বড়, এই ভাইটির ওপর সত্যর যে কেন বাৎসল্য স্নেহের মত এমন একটা স্নেহ জেগে উঠেছিল কে জানে! অথচ তার মাঝখানেই যেন শ্রদ্ধা, সমীহ আর ভক্তি বিমিশ্রিত একটা অপূর্ব ভাব!

নেড়ু বেচারী।

নেড়ু অবোধ।

তবু নেড়ু যেন অনেকটা উঁচুতে, সত্যর নাগালের বাইরে।

ভবঘুরে নেড়ুর জীবনদর্শন নেড়ুকে সত্যর চোখে এক মহান নাটকের মহিমাশ্চিত্ত নামকরূপে প্রতিষ্ঠিত করে রেখে গেছে।



## ॥ পঁয়তাল্লিশ ॥

কাটে দিন, কাটে রাত্রি ।

সংঘর্ষটা আজকাল কম ।

কারণ সত্যর একটা কাজ বেড়েছে, সে কাজ স্বর্ণর ! স্বর্ণর মধ্যে বৃষ্টি নিজের জীবনের সম্পূর্ণতা দেখবে সত্য । তাই ছোট্ট থেকেই তার ভাঙাচোরা খণ্ডগুলো জড়ো করে পালিশ করতে চায় সে, নক্সা কাটতে চায় তা'তে ।

এদিকে নবকুমারের প্রাণপুতুল স্বর্ণ !

অতএব স্বর্ণই এখন দুজনের মাঝখানে একটি মনোরম সেতু !

নবকুমার ডাকে, “এই শুনছো তোমার মেয়ের বাক্যি ?”

সত্য ভ্রভঙ্গা করে বলে, “তুমি শোনো !”

নবকুমার হাসে, “আমার তো—মার বাক্যি শুনতে শুনতেই জীবন ওঠাগত ! তাই না ?”

সত্য হাসে—“তোমার জামাইয়েব কপালে আবার বিধাতা কী লেখন লিখেছে দেখো !”

নবকুমার রসিকতা করে বলে, “তা সে কপালে খন্ডর ব্যাটার চাইতে কোন না এককাঠি সরেস ! মেয়েকে আবার মা মস্ত বড় বিস্তেবতী করে তুলবে ।”

তা এসব রসিকতাই ।

সংঘর্ষ নয় ।

স্বর্ণ যেন সংসারের তপ্ত বাপুকায় একটুকরো স্নিগ্ধছায়া । আচ্ছা এই ছায়া-টুকু কি মেয়ে মাজেই ?

তাই কি মেরেকে “লক্ষ্মী” বলে ? “শ্রী” বলে ? অস্তুত: স্বর্ণর স্নেহে এগুলো সফল হয়েছে । তাই সত্যর জীবনে যেন কিছুটা স্তিমিত শান্তি এসেছে ।

অবিশ্রি গুরই মধ্যে একবার—ছেলেদের কলেজে পড়া নিয়ে একবার সংঘর্ষ উঠেছিল তবে সেটা টেকে নি । নবকুমার বলেছিল, “ছেলেরা এটাল পাস কবেছে শুনে সায়েব তো মহাখুশি । বলে, “হুই ছেলে একসঙ্গে পাস করেছে ? শুভ্ । তাদের, নবকুমারবাবু, আমি থাকতে থাকতে . অফিসে ঢুকিয়ে দিয়ে বাই—”

সত্য কথার মাঝখানে বলেছিল, “পাগল !”

“পাগল ! পাগল মানে ?” নবকুমার অবাধ হয়ে গিয়েছিল। ভেবেছিল খবরটা দেওয়ার পরই সায়েবের মহাহুভবতা নিয়ে বেশ কিছুক্ষণ আলোচনা করতে পারে। তার পর অফিসের সহকর্মীরা নবকুমারের সৌভাগ্যে কতটা ঈর্ষান্বিত হবে, সে প্রশ্ন নিয়ে হাসাহাসি করবে।

কিন্তু চিরায়ত বিকৃততার নীতিতে সত্য এই সৌভাগ্য-সংবাদের উপরও অগ্রাহ্যের ঝাপটা মারে। বলে, “পাগল !”

নবকুমার বলে, “পাগল মানে ?”

“মানে, ওরা এখন চাকরি করবে না, পড়বে।”

“পড়বে! আবার কত পড়বে? আর চাকরির জঞ্জাই তো পড়া? তাই এখন হয়ে যাচ্ছে—”

সত্য একবার নবকুমারের দিকে শীতল দৃষ্টিনিক্ষেপ করে বলেছিল, “না, চাকরির জন্তে পড়া নয়, মাহুদ হওয়ার জন্তে পড়া। তাছাড়া সাধন উকিল হবে, সরল ডাক্তার।”

সাধন উকিল হবে, সরল ডাক্তার !

একেবারে চাঁদ চাওয়া বাসনা !

নবকুমার তীব্রভাবে বলে, কোথায় দুজনে দু’মুঠো টাকা ঘরে আনবে, তা নয় ঘরের কড়ি খরচা করে ওদের এখন বিস্তেদ্বিগ্গজ করে তুলতে হবে। লক্ষ্মীছাড়া বুদ্ধি আর কাকে বলে !”

“তোমায় ওদের পড়ার জন্তে এক পয়সাও খরচা করতে হবে না।”

“আমায় করতে হবে না? চমৎকার! টাকাটা তা হলে আসবে কোথা থেকে?”

সত্যবতী নিশ্চিত করে বলেছিল, “ওরা ছেলে পড়িয়ে কলেজের মাইনে যোগাড় করবে।”

সত্যবতী এই ঘোষণাটি উচ্চারণ করে কথায় পূর্ণচ্ছেদ টেনে চলে যাচ্ছিল, নবকুমার সব্যদে বলে ওঠে, “ছেলে পড়িয়ে! গলা টিপলে দুখ বেরোয়, কে ওদের মাস্টারির চাকরি দেবে?”

সত্য হঠাৎ হেসে ওঠে, “ওমা সে কি গো, আপিসে চাকরি দিতে চাইছিল—”

“সেটা ওদের মুখ দেখে নয়। আমার খাতিরে—”

“তা হলে ধরে নাও আমারও কোথাও কিছু খাতির আছে।”

“তা আশ্চর্য্য নেই,” নবকুমার সক্রোধে বলেছিল, “তুমি যে তলে তলে কী করে বেড়াও তুমিই জান! সাতটা বেটাছেলের কান কাটতে পার তুমি!”

য়েগেছিল, তবে পরাভব যে নিশ্চিত সেটাও বুঝে নিয়েছিল। শেষ চেষ্টা আক্ষেপ প্রকাশ।

“সাহেবকে যে কোন মুখে মুখ দেখাব তাই ভাবছি!”

“ভাববার কিছু নেই,” সত্য বলেছিল, “বলবে ওদের মায়ের ইচ্ছে আরো লেখাপড়া করে।”

“সে কথা বলা মানেনই বেঝোনো আমি পরিবারের কথায় চলি—”

“তা সে কথা ভাবলেও দোষ নেই,” সত্য হেসেই উঠেছিল, “ওদের সমাজে পরিবারই সর্বসর্বা। পরিবারের কথায় ওঠে বলে ওরা।”

“ও, তুমি ওদের দেশে গিয়ে ওদের সমাজ সংসার দেখে এসেছ যে—”

সত্য আর একটু হেসেছিল, “সবই কি আর চোখে দেখে তবে শিখতে হয়? চোখে না দেখে শেখা যায় না?”

অতঃপর ছেলেরা কলেজে ভর্তি হল এবং স্বর্ণ মায়ের কাছে ‘অ আ’ শিখতে শুরু করল।

সহ বেড়াতে আসে মাঝে মাঝে, দেখে গালে হাত দেয়, “এক কোঁটা মেয়েকে তুমি অক্ষর পরিচয় করাচ্ছ বৌ। পাঁচে পা না দিলে বিচ্ছে ছুঁতে আছে!”

সত্য সহ হেসে বলে, “সে ছেলেদের ছুঁতে নেই। মেয়ের আবার নিয়ম! ওকে তো আর তোমরা হাতেখড়ি দিতে দেবে না?”

“তা তোমার বুড়ো বয়েসের আফ্লাদীকে তাই দিতে বরং। তোমার তো সবই গা-জুরি।”

বলে সহ ও হেসেছে। সহ চিরদিনই হাসে, এখনও তার হাসির কামাই নেই, তবে ধরন বদলেছে।

সহর দেখে মেদের সঞ্চার হয়েছে, সহর মুখে পরিভূষ্টির মসৃণতা। সহ গল্প করে, “আমার বড় ছেলেটা, আমার সেজ মেয়েটা—,” বলে, “মেজ মেয়ে বোধ হয় খণ্ডরবাড়ি থেকে আসবে!”

সহর সতীন তা হলে সত্যিই মরেছে ?

সেই পরলোকগতার পরিত্যক্ত রাজ্যপাট নিয়েই সহর রাজা-গিরি ?

নাঃ, তা নয় ।

সহর সতীন বেঁচে আছে, বরং ভালই আছে । রোগটা একটু সেরেছে, চেহারা একটু ফিরেছে । রাতদিন বলে, “দিদি, তুমি যাই এসেছিলে তাই তরে গেলাম !” বলে, “ওই কসাইয়ের হাতে পড়ে সারা জীবনটা শুধু জলেপুড়ে মরেছি দিদি, যত্ন যে কী বস্তু তা তুমি আসার আগে কখনো জানি নি । গরীবের ঘরে মা-বাপ-মরা মেয়ে, তারা পায় করেছিল না দূর করেছিল, তুমি বোধ হয় আমার জন্মের মা ছিলে ।”

সহু হেসে বলে, “মরণ আর কি ! কাকে কি বলতে হয় তা জানিস না ? সতীনকে মা ?”

কিন্তু সতীনকে সহু সত্যিই মেয়ের অধিক যত্ন করে । যে মানুষ্টা আস্ত এত বড় একটা সংসার সহুকে ভোগ করতে দিয়েছে, তার ওপর কৃতজ্ঞ থাকবে না সহর ?

মুকুম্ভ বলেন, “কী গো, তুমি যে দেখি অসাধ্য সাধন করতে পার ! মড়াটাকে যে দিব্যি সারিয়ে তুললে !”

“মড়া কেন হবে ? তোমার অছেদা-অষস্বয় ষ্ণ ধরে যাচ্ছিল ।” বঙ্কায় দিয়ে ওঠে সহু নিজস্ব স্বভাবে, “সকনো গাছটাতেও নিয়মিত জল দিলে ফুল ধরে, বুঝলে ?”

“তা তো বুঝলাম—,” মুকুম্ভ ভারী যেন এক রহস্যের ভঙ্গীতে বলেন, “সতীনকাঁটাকে জীইয়ে তুলছ, ফিরে উণ্টে তোমায় আবার বিধবে না তো ?”

সহু বলে, “বৈধার ভয় সৌদামিনী করে না । হুঁ ! কণ্টকশয্যাতেই তো জীবন গেল ।”

মুকুম্ভ বিগলিত মুখে বলেন, “এখন তাই ভাবি কি কাজই করেছি এতকাল ! এমন একখানা ঘরণী-গৃহিণী পরিবার থাকতে—”

সহু একটু আনমনা হয় ।

বলে, “মামা-মামীর জন্তে একটু কষ্ট হয় । মামী তো গতরটি নাড়তে চাইত না, এখন হাঁড়ির হাল হচ্ছে আর কি !”

মুকুম্ভ সতেজে বলেন, “তা তাঁদের বেটা বেটার-বৌ থাকতে হাঁড়ির হাল হয় তো বলতে হবে অভাগিয়ার কপাল ! সে দায়িত্ব তোমার নয় ।”

“নয়ই বা বলি কি করে ? অসময়ে আশ্রয়দাতা তো বটে ? মামী না টানলে কোথায় ভেসে বেড়াইতাম কে বলতে পারে ?”

এ কথাগুলো মুকুন্দর গায়ে লাগে।

অতএব আরো সতেজে উত্তর দেন তিনি, “টেনেছেন তোমার দরকারে নয়, নিজের দরকারে। তা ছাড়া যার হাঁড়িতে যার ষতদিন অন্ন মাঁপা থাকে, কেউ রদ করতে পারে না, এ হচ্ছে শাস্ত্রের কথা !”

শাস্ত্রবাক্যের পর বোধ করি আর তর্কের সাহস হয় না সদূর। অথবা অনেক দুঃখের শেষের এই পাতার আশ্রয়টুকু হারাবার ভয়।

মায়া-মামীর কথা মনে পড়লে মন কেমন করে না তা নয়, কিন্তু আবার সেখানে ফিরে যাবার কথা ভাবতেও গা শিউরায়।

তা গা শিউরায় সকলেরই।

নবকুমার পর্বস্ত এখন শহর-জীবনের স্ববিধে-স্বাচ্ছন্দ্যে এমনই অভ্যস্ত হয়ে গেছে যে, দেশে যাবার নাম করে না।

কিন্তু আর এই নিশ্চিন্ত জীবন রইল না। হঠাৎ এল বিপর্যয় ! খবর এল নীলাশ্বর বাঁড়ুঘো মৃত্যুশয্যা নিয়েছেন।

খেয়ে উঠে ঘাট থেকে আঁচিয়ে ফিরছিলেন, হঠাৎ ঘাড় লটকে অজ্ঞান। কেউ বলছে সন্ধ্যাস রোগ, কেউ বলছে ভূতে পাওয়া। তবে বাঁচার আশা নেই আর।

খবর পেয়ে নবকুমার উথলে উথলে কাঁদতে থাকে এবং এষাবৎকাল যে কোনদিনই পুত্র কর্তব্য পালন করে নি, সেই কথা তুলে ইনিয়িং বিনিয়িং বিলাপ করতে থাকে। তার সঙ্গে এ আমেজটুকুও থাকে, পরিবারের প্ররোচনাতেই তার এই অকর্তব্য আর অকৃতজ্ঞতা।

সত্য একটা ছোট তোরঙ্গ কয়েকটা কাপড়চোপড় গুরে নিচ্ছিল, নবকুমারের শোক উদ্দাম হয়ে উঠেছে দেখে উঠে এল। কঠিন গলায় বলে উঠল, “তা জৈন পুরুষের তো এরকম হবেই। সে পুরুষের তুলনা ভেড়ার সঙ্গে। কেঁদে হাট বাধিয়ে আর কী হবে ? এখুনি যাতে যাওয়াটা হয় সে ব্যবস্থা কর। কাঁদবার জন্তে অনেক সময় পাবে এর পর।”

নবকুমার গলা ঝেড়ে নিয়ে বলে, “আমি তো এখুনি রওনা দিচ্ছি।”

“ভূমি একা নও, আমিও যাব।”

“তুমি! তুমি?”

“অবাক হচ্ছে কেন? কথাটা খুব আশ্চর্য লাগছে?”

“না, মানে তুমি এখন হঠাৎ যাবে কি করে? সামনে ওদের একজামিন—”

“ওদের একজামিন, ওরা দেবে। তার জন্তে আমার আটকাচ্ছে কিসে?”

“আহা, বলি ভাত-জল তো দিতে হবে ওদের?”

“সে ওরা দু-ভাইয়ে দুটো ফুটিয়ে নিতে পারবে। সব গুছিয়ে বলে দিয়েছি।”

অর্থাৎ ব্যবস্থা যা করবার সব করে ফেলেছে সত্য এই ক-বন্টার মধ্যে।

নবকুমার হাঁ-হাঁ করে ওঠে, “ওরা নিজেরা? তার মানে আর একটা বিপদ ডেকে আনা? সবভাতেই গা-জোর! তার থেকে সহৃদয় কাছে থাক কদিন—”

“না।”

“না? কেন, না কেন?”

“কেন কী বিস্তারিত এত কথা কওয়ার আমার সময় নেই এখন—”

“বেশ, কুটুমবাড়িতে যদি আপত্তি থাকে, নিতাইয়ের বৌ ভাল-তরকারি দিয়ে থাক, ওরা শুধু দুটো ভাত সের্ব করে—”

“আঃ! খাম তো তুমি। তুচ্ছ ব্যাপারকে এতখানি করে তুলো না। যে কদিন আমি না আসতে পারি, শুধু ভাতে-ভাতই খাবে, ব্যস।”

নবকুমার আবার ডুকরে ওঠে, “কদিন থাকতে হবে জান তুমি? আবার যদি ভাল-মন্দ কিছু হয়?”

“বা হবে তা হবেই! আগে থেকে ভেবে লাভ?”

এর পর সহ এল।

শুকনো মুখে বলল, “বৌ, আমিও যাই তোমাদের সঙ্গে—”

সত্য একবার সেই শুকনো মুখটার দিকে তাকাল।

ভাবল এই শুকতা কি শুধুই নিকট-আত্মীয়ের জীবনমরণ নিয়ে হুশিয়ার? নাকি অন্য কিছু?

সহ কি ভয় পাচ্ছে, এরা সহকে রোগীর সেবার জন্তে ঠেলে দেবে? ভয়

পাচ্ছে, বাইরে কেউ ঠেলা না দিলেও, ঠেলার হাত এড়াতে পারবে না সে !  
ভিতরের ঠেলায়—

সত্য কী বলল কে জানে ।

বলল, “না ঠাকুরঝি, তোমার আর এখন গিয়ে কাজ নেই । আমরাই তো  
বাচ্ছি !”

“তা হলেও আমার একটা কর্তব্য তো আছে ?”

সত্য বলে, “খাক ঠাকুরঝি, অনেক সমুদ্র পার হয়ে সবে একটু মাটি  
পেয়েছো, এখন আর নড়াচড়ায় কাজ নেই ।”

সহু অবাক হয় ।

এ ধরনের কথা সত্যর মুখে যে বড় দুর্লভ ! সহুর সতীনের ঘর করতে  
ষাওয়াটা যে সত্যর সমর্থন পায় নি, এ কি সহু বোঝে না ? তবে ?

তবেটা কী, সত্য নিজেও ভাবে ।

ভেবে ঠিক করতে পারে না, সহুর প্রতি সেই ঘৃণা আর খিকারের ভাবটা তার  
চলে গেল কী করে ? আর কবেই বা গেল ? এখন দেখছে সে জায়গায় এসেছে  
যেন কল্পনা, মমতা ।

চিরবঞ্চিত সহুর মুখের পরিতৃপ্তির ছাপটাই কি সত্যর পাথর মনকে  
পলিয়েছে ?

নাকি আজকের সহুর মাতৃমূর্তি দেখে উপলব্ধি করছে সত্য, কত বঞ্চিত  
ছিল সহু !

ভিতরের কথা ভিতরেই জানে, তবে আজকাল সত্য সহুকে মমতা করে ।  
এখনও করল ।

সত্য তার বাকুইপুর ষাওয়াটা সমর্থন করল না দেখে কৃতজ্ঞতায় চোখে  
জল এল সহুর । সেই চোখ মুছে বলল, “মামী ভাববে সহু কত বড়  
বেইমান—”

সত্য মুহূর্তে বলে, “প্রাণ উজ্জ্বল করেও কেউ কাকুর ভাবা আর বলা  
আটকাতে পারে না ঠাকুরঝি, ও নিয়ে মন খারাপ করো না । ছেলে দুটো রইল,  
একটু দেখোশুনো ।”

সহু আক্ষেপের স্বর তোলে, “দেখাশুনোর আর পথ কোথায় রাখছিস বো,  
স্বপাকের ব্যবস্থা করে বাচ্ছিস শুনছি ! কেন, পিসির কাছে দুদিন খেলে কি  
শুধুর জাত যেত ?”

হবে, বাড়িতে মায়ের কাছে থাকতে একটা বিয়ের ব্যবস্থা করতে হবে। তোমাকে সেটা জানান দিচ্ছি। মায়ের কাছেও তো রয়েসয়ে পাড়তে হবে কণাটা ?”

সত্য শান্ত গলায় বলে, “মায়ের আপিসের চাকরি, ছুটি ফুরিয়ে গেলে অধিক দিন থাকা চলে না, এ কথা কচি ছেলেটাও বোঝে, মাকেই বা বোঝাতে হবে কেন ?”

“হবে কেন! জানো না মা চিরকালে অবুঝ! তোমার দ্বারা ষড়টি হচ্ছে, ততটা বিয়ের দ্বারা হবে না সেটা তো সত্যি! কাজে কাজেই—”

“বিয়ের দ্বারা করাতে হবে কেন ?” সত্য স্থির গলায় বলে, “আমার তো আর আপিসের ছুটি ফুরায় নি ? আমি তো চলে যাচ্ছি না কোথাও ?”

আমি তো চলে যাচ্ছি না!

এ কী নির্দারণ বাণী!

নবকুমার আকাশ থেকে পড়ে।

“তুমি যাচ্ছ না ?”

“না, আমি এ ক্ষেত্রে যাব কি করে ?”

“বুঝলাম। মানলাম সেটা অকর্তব্য হবে। কিন্তু ওদিকে ? ছেলে ছুটো কতকাল হাত পুড়িয়ে থাকবে ?”

“তা ষড়কাল না তাদের ঠাঁহুঁদার রোগ সারে—”

“ও রোগ আর সেরেছে—” নবকুমার আক্ষেপে ডুকরে ওঠে, “ও কি সারবার রোগ ? এখন শুধু পড়ে পড়ে দিন গোনো।”

সত্য সামান্য হেসে বলে, “তা সে দিন তো কেউ একা বলে গোনো না, দিন গোনার সঙ্গী হতে হয় আত্মীয় বন্ধু ছেলেমেয়েকে।”

“তার মানে তুমি থাকবে ?”

“আপাতত তো যাবার কথা ভাবা চলে না।”

নবকুমার চোখে অন্ধকার দেখে।

নবকুমার যেন অকূল সমুদ্রে পড়ে।

সত্য যে এমন একটা অদ্ভুত সংকল্প করে বলে আছে, এ কথা তো স্বপ্নেও ভাবে নি সে। বরং উল্টোটাই ভেবেছিল। ভেবেছিল সত্য ফলকাতার যাবার অন্তে এক পায়ে খাড়া আছে, প্রস্তাবটা উঠতে যা দেয়।

কিন্তু এ কী!



প্রথমটা সত্যর সংকল্পকে “অবাস্তব” বলে উড়িয়ে দিতে চেষ্টা করে নবকুমার, অসম্ভব বলে অবিহিত করে, তারপর কাকুতিমিনতি করতে থাকে। ছেলেদের মুখ চাইতে বলে, নিজের টাইমের ভাতের কথা তোলে, এবং শেষ ক্ষম্ত্র হিসাবে বলে ওঠে, “আর এই যে বলেছিলে সামনের মাস থেকে সুবর্ণকে ইস্কুলে ভর্তি করে দেবে? তার কি হবে?”

“তার?” সত্য স্তির অবিচল গলায় বলে, “হবে না!”

“হবে না? শখ মিটে গেল?”

“শখ?”

সত্য কঠিন গলায় বলে, “তা শখই যদি বলছো তো বলতে হয়, কর্তব্যের কাছে শখ বড় নয়।”

নবকুমার আবার মিনতি শুরু করে। বার বার বোঝাতে থাকে, “ভালমত একটা লোকের ব্যবস্থা করে দিতে পারলে মা ঠিক চালিয়ে নিতে পারবে—”

সত্য একভাবে বলে, “তা হয় না।”

“আর আমি যদি বলি সুবর্ণকে ছেড়ে আমি থাকতে পারব না—”

“ওটা তো বাজে কথা। ‘ছেড়ে থাকতে পারব না’ বলে কোনো কথা নেই জগতে। কত কারণেই ছাড়তে হয়।”

নবকুমার কঁদো কঁদো হয়।

“স্বামীপুস্তুরকে একেবারে ভাসিয়ে দেবে তুমি? বাবার তো এখন—”

“পাগলামি করছো কেন? ধরো রোগটা যদি আমারই হত!”

অতঃপর যুক্তির পথ ত্যাগ করে—এলোমেলো পথ ধরে নবকুমার। বলে, “নবকুমারের কিংবা ছেলেদের যদি হঠাৎ অসুখ-বিসুখই করে?”

সত্য মুহূ হেসে বলে, “সে যদি করে, কপালে যদি লেখা থাকে, আমি কি আটকাতে পারবো?”

“আটকাতে না পারো সেবা করতে পারবে। সেটা?”

“কি মুশকিল! অত কথাই বা ভাবছো কেন? সহজ সুস্থ মানুষ, তিন বাপবেটার থাকবে খাবে, এত ভাবনার কি আছে? আর তেমন দরকার হয়, ঠাকুরবি তো রয়েছেন—”

নবকুমার এবার মায়বৃত্তি হয়।

প্রায় খিঁচিয়ে উঠে বলে, “তা তোমার সেই ঠাকুরবিটিই বা কলকাতায়

বসে স্থখ করবেন কেন? তিনি এসে মামার সেবা করতে পারেন না? চিরকালটা এখানে কাটল—”

সত্য বিরক্ত হয়।

“নিজের দায় অপরের ঘাড়ে চাপাব, এমন অন্ডায় ইচ্ছে কেন? ঠাকুরঝির করার কথা, না আমার করার কথা?”

নবকুমার অগ্নিশর্মা মুখে বলে, “তারও কিছু কম কর্তব্য নয়। যে মামা এতকাল ভাত-কাপড় দিয়ে পুষল—”

“খামো। নীচ কথাগুলো আর বোলো না। ভাত-কাপড়ের কথা যদি বললেই তো বলি—তার দামও উস্বল করে নেওয়া হয়েছে। পরের বাড়ি খাটলে বরং ভাত-কাপড়ের ওপর মাইনে বলে হাতে কিছু জমতো।”

চিরকালের স্পষ্টবক্তা সত্য স্পষ্ট অভিমত প্রকাশে ভয় পায় না।

কিন্তু নবকুমার যে রাগ দেখাতে পারছে না। ষতবারই ভাবছে যে একলা ফিরে যেতে হবে আর সেই বাসাবাড়িটায় নিতান্ত বাসাড়ে হয়ে কাটাতে হবে, কতকাল কে জানে, ততবারই বিশ্বভূবন অন্ধকার লাগছে তার।

এতর পরেও ভর্ক করতে ছাড়ে না সে।

খোঁটা দিয়ে বলে, এতকাল তো স্বস্তর-শাওড়ী-মুখে হতে ইচ্ছে হত না সত্যবতীর, হঠাৎ এত ছেদা উথলে উঠল কেন? বলল, আর কিছু নয়, টাইমের ভাত রেঁধে রেঁধে আলিস্তি এসে গেছে, তাই গাঁয়ের বেটাইমের সংসার ভাল লাগছে।... ভয় দেখাল, ছেলেরা বড় হয়ে উঠেছে, এখন মায়ের চোখছাড়া হয়ে বেশীদিন থাকলে স্বভাব-চরিত্র খারাপ করে বসতে পারে। আরো অনেক রকম বলতে লাগল উন্টোপাণ্টা সামঞ্জস্যহীন। তবু সত্যবতী নিজ সংকল্পে অটল।

ছেলেদের স্বভাব-চরিত্রের কথা নিয়ে আতঙ্কিত হওয়া দেখে শুধু ভুক ছুঁচকে বলল, “তেমন ছেলে যদি মাহুষ করে থাকি তো নিজের হাতে খাবারে বিষ মিশিয়ে মেরে ফেলব ছেলেকে, আর নিজে গলায় দড়ি দিয়ে ঝুলব।”

মোট কথা নবকুমারকে একাই ফিরতে হল। স্ববর্ণ “বাবা বাবা” করে পথ অবধি ছুটে কাঁদতে কাঁদতে বাড়ি ফিরল।

নীলাধরকে নিয়ে এখন সদাসর্বদা আর জীবনমরণ সমস্যা নেই, অতএব এলোকেশী পেয়ারাতলার উদ্ভূত বাদ-প্রতিবাদটির মূল রহস্য ভেদ করতে ঘর থেকে বেরিয়ে কাঁঠালতলার ঝরাপাতা পরিষ্কার করতে থাকেন। কিন্তু পোড়া বয়সের এমনি জালা, কানটা ভেঁতা হয়ে গিয়ে শক্রতা সাধে। ভাল বুঝতে দেয় না।

অগত্যাই জিজ্ঞেস করতে হয়, “অত কিসের রাগারাগি হচ্ছিল নবার সঙ্গে ?”

সত্য উত্তর দেয় না তা নয়, দেয়, বলে, “ছেলে-ছেলের বোয়ের ঘরোয়া কথা, ও আপনি শুনে কি করবেন মা ?”

আপনি !

ই্যা, কলকাতা থেকে ফিরে শান্তীকে “আপনিই” বলছে সত্য !

এলোকেশী এই “মেয়েমর্দানি” দেখে অবাক হয়েছিলেন। বলেছিলেন, “মেয়েমানুষের মুখে বৈঠকখানার বেটাছেলের মত আপনি ! আপনি-টাপনি বোলো না বাছা, শুনে গা জলে যায় !”

সত্য বলেছিল, “যা সভ্যতা সৌজন্য তা করতে দোষ কি ? বেটাছেলেরই সভ্য হতে আছে, মেয়েমানুষেরই নেই ? গুরুজনকে আপনি বলাই তো ভাল।”

একে হাড়জালানো কথা, তায় সেই আপনি ! এলোকেশী বেসামাল হন। কোমরের কাপড় গুঁজতে গুঁজতে চিৎকার করেন, “ওরে তোব ভেতরটা চিনতে আর আমার বাকী নেই। ওই আধমরা শ্বশুরকে ফেলে বাসায় ষাবার জন্তে মরছিলি কৌদল করে। বুঝি না আমি কিছু ?”

সত্য প্রায় হাসির সুরে বলে, “তা আপনি আর বুঝবেন না কেন, প্রাচীন হয়েছেন, জগতের কত দেখেছেন !”

“দেখেছি তবে তোর মতন আর ছুটো দেখি নি। আর আমার ওই ভ্যাড়াকাস্ত ছেলের মতন ছেলেও ছুটো দেখি নি। যাবে তো নিয়ে মাথায় করে !”

সত্য মুহূর্তে বলে, “না, একাই যাবেন।”

এলোকেশীর মুখে হাসির আভাস দেখা দেয়। কারণ বৌটা এদিকে যত পাজীই হোক, কাজেকর্মে যে চোকস ! ও এসে পৰ্বশু তো এলোকেশীকে কোনো দিকে তাকিয়ে দেখতে হচ্ছে না। অত বড় রুগী, এই সংসার, গরবান্ধুর, গাছপালা, হাঙ্গাম তো কম নয় !

তাছাড়া মেয়েটার ওপর মায়া পড়ে গেছে এলোকেশীর, চলে যাবে ভেবে হাত-পা আছড়ানি আসছিল। যাবে না শুনে আহ্লাদ গোপন করতে পারলেন না। ছেলে যে তাঁর চিরকালের 'পিতৃমাতৃভক্ত' সেটি সত্যর কাছে সাড়শরে ঘোষণা করে বাঙ্কবীন্দের কাছে বলে বেড়াতে লাগলেন, “যাবার জন্তে লাফিয়েছিল হারামজাদী। নবা কান করে নি। মুখে ‘নাথি’ মেয়ে একা চলে যাবে বলেছে ! সেই নিয়ে ভাই কী ঝগড়া, কী ঝগড়া ! কাক ওড়ে তো চিল পড়ে !”

সত্য .অপ্রতিবাদে শুনে যায় এসব কথা, স্থির-ধৈর্ষে আপন কাজ করে যায়।

অবশ্য সত্যর সমবয়সীও আছে কেউ কেউ পাড়ায়। তারা আগে শহরে বলে সত্যকে ঈর্ষা-বিদ্বেষ ও সমীহর দৃষ্টিতে দেখছিল, কিন্তু যখন দেখল নবকুমার চলে গেল সত্যকে রেখে, এবং সত্য ঠিক তাদেরই মতন জীবনযাত্রার মধ্যে নিতুল চলছে, তখন সাহস সঞ্চয় করে হৃদয়তা করতে এল।

অবিশ্বি তারাও নেহাত খুকীনয়, কারো দু-একটা জামাই হয়ে গেছে, কারো নাতি-নাতনী হয়েছে। সত্যর বেশী বয়সে সন্তান হয়েছে, তাও প্রথমটি নেই, দ্বিতীয় তৃতীয় দুটি ছেলে। কোলপোছা এই মেয়েটার কবে বিয়ে হবে কে জানে ! তাই সত্যর জীবনে পরিণতি আসে নি।

ওরা ওদের পরিণত বুদ্ধি নিয়ে বলে, “বাবাঃ, দাঙ্গাল শাণ্ডী ঢের দেখেছি, বৌ-কাঁটকী শাণ্ডীও দেখেছি, তোমার শাণ্ডীর মত এমন আর দেখলাম না। কী অকথা কুকথা কহিতে পারে বাবা !”

সত্য বলে, “ভীমরতির বয়সে অমন কত আজেবাজে কথা বলে মানুষ। আমরাও বুড়ো হলে অবিশ্বিই বলব। রাগ করে লাভ কি ?”

ওরা কিছুদিন পরে ‘দোমাকী’ বলে ত্যাগ করে সত্যকে।

ধীরে ধীরে মাস গড়ায়, মাস গড়াতে গড়াতে বছর। নীলাধর একই অবস্থায় আছেন, না জীবিত না মৃত। আর তার সঙ্গে আরও একটা মানুষ. নিতান্ত কর্তব্যবোধে জীবন্ত হয়ে পড়ে আছে।

নবকুমার মাঝে মাঝে ছুটি-ছাটায় আসে। ছেলেরাও আসে। কিন্তু নীলাধরের জীবদ্দশায় যে সত্যকে নিয়ে যাওয়া যাবে এ বিশ্বাস আর নেই- তাবের।

নবকুমার রায় দিয়েছে, “ভূতে পেয়েছে ওকে। ওই খিড়কির দরজায় রাত-বিরেতে যাওয়া! বেলগাছ কাঁঠালগাছ ছিষ্টি!”

সত্যি ভূতে না পেলে কেউ এমন করে নিজের মাথা নিজে খায়? নিজের পায়ে নিজে কুড়ুল মারে? সাধন-সরলও মায়ের দৃঢ়তায় অবাধ হয়ে যায়।

তা এক হিসেবে ওই ভূতে পাওয়া কথাটাই হয়তো সত্যি। যে সত্য মেয়েকে স্কুলে দেবার জন্তে মেয়ের বয়সটা অত্যন্ত: গোটাপাঁচেক হবার জন্তে একটি একটি করে দিন গুনছিল, সে হঠাৎ সে বিষয়ে এমন নিবিকার হয়ে গেল কি করে?

কিন্তু সত্যিই কি নিবিকার?

ওই একটা কারণেই কি মাঝে মাঝে কর্তব্যবোধের বন্ধন ছিন্ন করে এখান থেকে ছুটে পালিয়ে যেতে ইচ্ছে করে না সত্যবতীর?

সে তো ভেবে নিয়েছিল অবস্থাকে মানিয়ে নিয়ে চলতেই হবে। অতএব নিজেই পড়িয়ে পড়িয়ে ছোটো ক্লাসের যুগি করে তুলবে স্ববর্ণকে। কিন্তু এলোকেশী যেন ওইটিতেই বাগড়া দিতে বন্ধপরিকর।

সত্যকে মেয়ে নিয়ে পড়াতে বসতে দেগলেই রেগে জলে মরবেন তিনি, আর ছুতোয়নাভায় ডাক দিয়ে উঠিয়ে ছাড়বেন তাকে। স্ববর্ণ যদি একবার পেঙ্গিল নিয়ে বসবে তো “দূর করে দে, ফেলে দে” ইত্যাদি তীব্র মন্তব্যে দিশেহারা করে তুলবেন বেচারাকে।

ক্রমশঃ আরো চালাকি চালাচ্ছেন, স্ববর্ণ পড়তে বসলেই ডাকবেন, “স্ববর্ণ, তোর ঠাকুন্দা তোকে ডাকছে।”

স্ববর্ণ মায়ের মুখের দিকে দৃষ্টিক্ষেপ করে, সত্য চোখের আগুন চোখে চেপে বলে, “যাও। শুনে এসো।”

কিন্তু দু-এক ঘণ্টার মধ্যে আর ফেরে না মেয়ে। ফিরতে দেয় না এলোকেশী।

ঠাকুন্দার গায়ে হাত বুলোনোর কাজে তাকে নিযুক্ত করে, মেয়েমানুষের বিজে শেখা যে কতদূর গর্হিত কাজ তাই বোঝাতে চেষ্টা করেন মাতনীকে। এতেও কাজ না এগোলে সারাদুপুর তাকে নিয়ে পাড়া বেড়াতে বেরোন।

সত্য এক-আধদিন বলে, “ঠাকুরকে ফেলে আপনি বেরোন, আমি কাজে থাকি, উনি একা পড়ে থাকেন—”

এলোকেশী অপ্রতিভতা ঢাকতে বিরক্তিতা বাড়ান, “তা থাকবেন না আর কি হবে? কথাতেই আছে ‘নিত্য নেই দেয় কে? নিত্য রুগী দেখে কে?’ আর ওই মাহুঘের কাছে বসে না-বসে! কথা জড়িয়ে গেছে, রাতদিন মুখ দিয়ে নাল গড়াচ্ছে, কী কথা কইব? কী সেবা করব? আমার আর ঝুঁচিও নেই। আজন্ম জালিয়ে পুড়িয়ে খেলেন, এখন বিছানায় পড়েও জালিয়ে যাচ্ছেন। কই, যে লক্ষ্মীছাড়া মেয়েমাহুঘটা চিরটাকাল দখল করে বসে থাকল, সে এসে সেবা করতে পারছে না?”

সত্য কখনো লক্ষ্মী পেয়ে চূপ করে যায়, কখনো মূহু প্রসন্ন করে, “করতে এলে আপনি বাড়িতে ঢুকতে দেবেন?”

এলোকেশী সদস্ত চিৎকার করেন, “ঢুকতে দেব? মুড়ো খ্যাংরা নেই বাড়িতে? ভাঙা আঁশবঁটা? এই বুড়োর চোখের ওপর ঝেঁটিয়ে বিষ ঝাড়ব না? অন্ধই পড়ে গেছে, চোখ দুটো তো আছে? দেখবে প্যাট প্যাট করে।”

আর প্রসন্ন করে না সত্য। আর উত্তর দেয় না।

আড়ালে সত্য স্ববর্ণকে পড়ার জন্ম ত্যাগ করে।

স্ববর্ণ কখনো কাঁদে, কখনো সতেজ জবাব দেয়, “আমি কী করবো? ঠাকুমা যে ডাকে। পড়লে গাল দেয়। ঠাকুমা যে রাগী!”

বলে, তবু সত্য দিনে দিনে অহুভব করে, ঠাকুমার দিকেই চল নামছে মেয়ের, ঠাকুমারই ঝাণ্ডা হচ্ছে।

এ লোকসান সওয়া বৃষ্টি কঠিন হয়ে উঠছে ক্রমশঃ।

অথচ স্ববর্ণকেও দোষ দেওয়া যায় না। ঠাকুমার কাছেই যে সর্ববিধ প্রলোভনের বস্তু। ঠাকুমার সঙ্গে পাড়া বেড়ানো, ঠাকুমার সঙ্গে ঠাকুরতলায় গিয়ে বসে থাকা, ঠাকুমার কাছেই যত অপথ্য-কুপথ্য আর ঠাকুমার কাছেই যত গল্প।

শুধু রূপকথার গল্প নয়। এমনি গল্পও চলে।

এলোকেশী বলেন, “তোমার মার কি ইচ্ছে জানিস? কলকাতায় গিয়ে তোকে মেমের ইস্কুলে পড়িয়ে আপিসে চাকরি করতে পাঠাবে। বিয়ে দেবে না, গয়না কাপড় দেবে না, খালি চোখ রাঙাবে আর পড়াবে। আর যদি আমার কাছে থাকিস তো লাল টুকটুকে বয় এনে বিয়ে দেব, এত এত গয়না দেব, লাল বারানসী শাড়ি দেব। তারপর সে বিয়েতে কতো ঘটী করবো।”

উৎসুক আগ্রহে অদীর শিশু ঠাকুমার কাছে ঘেঁষে বলে, “কি গয়না দেবে ঠাকুমা ?”

এলোকেশী সোৎসাহে বলেন, “এই মাথায় মুকুট, গলায় চিক্ সাতনরী, সোনার মালা, হাতে তাগা বাজুবন্ধ মুড়কি মাহুলি, নীচের হাতের বাউটি কঙ্কন, বালা শাঁখা, পায়ে মল চরণপদ্ম—”

সুবর্ণ বিগলিত কণ্ঠে বলে, “আর খোঁপায় ফুল দেবে না ঠাকুমা ? ও বাড়ির কাকীমার মতন ?”

“হুঁ, তাও দেব। মাথায় ফুল, কানে ঢেঁড়ি মুমকো। এখন বল আমার কাছে থাকবি, না মার সঙ্গে কলকাতায় যাবি ?”

বলা বাহুল্য সুবর্ণ সতেজে বলে, “তোমার কাছেই থাকবো।”

“তোমার থাকতে দিলে তো ? মেয়ে মেয়ে নিয়ে যাবে।”

“ই! দেবে না বৈকি! যাবে বৈকি! আমি তা হলে এমন কাঁদবো, আকাশ ফেটে যাবে!”

এলোকেশী সহর্ষ চিন্তে বলে, “তা তুই পারবি। সে ছোর আছে। ওই মায়ের মেয়ে তো। মা যেমন কুকুর, তার উপযুক্ত মৃগুর হবি তুই।”

তিলে তিলে কাজ এগোয়।

দিনে দিনে পূর্ণশশী রাহুগ্রাস হতে থাকে। তা ছাড়া মাকে ঠিক একান্ত আপন হিসেবে দেখতেই বা পেল কবে সুবর্ণ ?

নিতান্ত শৈশবটা তো কেটেছে পিসির কাছে, তার পর সত্যর উদাসীনতায় বাপের কাছেই বেশী-বেশী। আবার বাপ চলে যাবার সময় বলে গেছে, “তোমার মা তোকে আমার সঙ্গে যেতে দিলে না।”

তার উপর মা মানেনই পড়া-লেখা। যে পড়া-লেখাকে ঠাকুমা বিষ দেখে। আর সুবর্ণরও কিছু মধু ঠেকে না।

অতএব মা সম্পর্কে একটু বৈরী ভাবই গড়ে উঠেছে সুবর্ণর। পরিপূরক হিসেবে ঠাকুমার প্রতি বন্ধুভাব।

সত্য এই ধ্বংসের ছবি দেখতে পায়।

তীব্র যন্ত্রণায় রাগে প্রায়ই ঘুম আসে না সত্যর। মাঝে মাঝে মনের মধ্যে এ প্রশ্নও আসে, আমি কি ভুল করেছি? নবকুমারের প্রস্তাবেই কি রাজী হওয়া উচিত ছিল তখন ?

কিন্তু কে জানতো মৃত্যু এমনভাবে কুটিল ব্যঙ্গ করবে সত্যর সঙ্গে ? কে





এতদিন যে জড় মাংসপিণ্ডটা শুধু পরমায়ু ফুরোনোর অঙ্গীবেই পৃথিবীর খানিকটা জায়গা জুড়ে থেকে ‘অঙ্গপার’ ঋণশোধ করছিল, সেই জড়পিণ্ডটা আচমকা এমন একটা মুহুর্তে তার বহু বছরের দখলীকৃত জমিটা ছেড়ে দ্বিয়ে গেল, যেটা একটা চরম মুহুর্ত।

অনেক কাটখড় পুড়িয়ে, অনেক নিন্দে কুড়িয়ে আর এলোকেশীর অনেক শাপমন্ত্রি উড়িয়ে দিয়ে সত্যবতী যখন কোন প্রকারে স্বর্গকে নবকুমারের সঙ্গে বাড়ির বার করাতে সমর্থ হয়েছে, আর ভ্রুন্ধ, ক্ষুন্ধ, কণ্ডক্ষুন্ধ নবকুমার মনে মনে প্রতিজ্ঞা করতে করতে পা বাড়িয়েছে, স্বর্গকে নিয়ে গিয়ে তার ঠাই মায়ামমতাশূণ্য হরয়হীনা পাষাণী মাঘেব নাম ভুলিয়ে ছাড়বে, ঠিক সেই সময়টা বিধাতা সেই কৌতূকের হাসিটি হাসলেন। সে হাসির ফলে এলোকেশী সহসা প্রসঙ্গ এক চিংকারে গগন বিদারণ কবে ঘর থেকে আছড়ে এসে উঠোনে পড়লেন।

এত বিকট চিংকারের মধ্য থেকে কথা জায়গাম করা শক্ত, তবে কলঙ্কোপ পারলে শুনতে পাওয়া যেত, এলোকেশী সন্তমুতকে উদ্দেশ্য করে চিংকার করছেন, “ওগো, হাতে কবে মেরে ফেলল তোমার, বেটা বেটার বোঁ হাতে করে মেরে ফেলল!”

হ্যাঁ, শেষ পর্যন্ত এই কলঙ্কই মাথায় বহতে হল সত্যবতী আর নবকুমারকে, হাতে করে মেরে ফেলেছে তারা নীলাশ্বকে। এলোকেশী আঁকাশ পাঁচটি স্নো গোঝাচ্ছেন সবাইকে, “নাতনীটা তাঁর প্রাণপাখী ছিল, সেটাকে টেনেহিঁচড়ে বাড়ির বার করে নিয়ে গেল স্বামী-স্ত্রীতে পরামর্শ করে। আর বাঁচো মানুষ? সেই বার করে নিয়ে গেল, সেই ধড়কড়িয়ে প্রাণটা বেরিয়ে গেল। ষাবে না? এত বড় দাগা বুকে সয়? রোগজীর্ণ খাঁচাখানা মনের কণ্ঠে শুঁকড়া হয়ে গেল।”

যে শুনল সে ‘ছিছিকার’ দিল শহবে ছেলে-বোয়ের হৃদয়হীনতাকে কেউ এ প্রশ্ন তুলল না, ‘মন কেমন’ করবার মত মনটা নীলাশ্বরের ছিল কোথায়?

দীর্ঘকাল ধরে বোধহান অহুত্‌তহান একটা জড় মাংসপিণ্ড মাত্র হলে পড়েছিল যে প্রাণীটা, শুধু পরমায়ু ফুরোনোর অপেক্ষায়, তার প্রাণপাখীর খবরটা এলোকেশী জানলেন কোন্ উপায়ে? নবকুমার এলে যখন ‘বাবা’ ‘বাবা’ করে সহস্র ডাক ডেকেছিল, এতটুকু চৈতন্যের স্ফরণও অস্তিত্বের

যায় নি সেই পিণ্ডটার মধ্যে। ‘সুবর্ণ চলে যাচ্ছে এই ভয়াবহ ঘটনাকে কেন্দ্র করেই কি তবে বলসে উঠল তার বোধ চৈতন্য অমুভূতি?’

না, এসব প্রশ্ন কেউ তোলে নি।

সত্যবতীর পাষাণীষটাই প্রধান হয়ে উঠেছিল।

কিন্তু সে যাক, নিশ্চয় তো সত্যবতীর সঙ্গে সাথী, সমশ্রী অন্ম। সমশ্রী এল পরে। বাপের শ্রদ্ধাশাস্তি তো নবকুমার সাধের অতিরিক্তই করল। সত্যর প্রবল প্ররোচনায় অনিচ্ছাসত্ত্বেও অনেক খরচ করতে হল তাকে। বৃষোৎসর্গ, পণ্ডিত বিদায়, শত ব্রাহ্মণকে ছত্র পাছুকা দান, অনেক কিছুই বিধান বার করেছিল সত্য। সহ এসেছিল আমার শ্রদ্ধার ঘটায় এবং একা আসে নি, বরকে আর দুই ‘ছেলে’কে সঙ্গে নিয়ে এসেছিল। সহর পাতাচাঁপা কপাল দেখে হাঁ হয়ে গিয়েছিল সবাই। তাঁ ছাড়া নিতাই, নিতায়ের বৌও এই উপলক্ষে গ্রামে ঘুরে গেল একবার। এ পর্যন্ত সবই বেশ। গোল বাধল রাজাকালে।

এখন আর সত্যবতীর এখানে থাকার কারণ নেই, অতএব যাবে। কিন্তু এলোকেশীর একা থাকার প্রশ্নটাও ফেলনা নয়। সত্যবতী প্রস্তাব তুললো, “ঠাকুরগণ্ড এবার চলুন আমাদের সঙ্গে।”

এ প্রস্তাবের খবরে সহ অবশ্র আড়ালে বলেছিল, “মু নিবুঁদ্ধির ঢেঁকি, নিয়ে যাওয়া মানে তো চিরকালের মতন নিয়ে যাওয়া। তার মানে তোর সুখের সংসারে কুলকাঠের আংরা জ্বলে দেওয়া। এতগুলো দিন তো হাড়মাস কালি করলি, স্বামীপুস্তরের হাঁড়ির হাল হল। তার পুরস্কাব হল খানিক বদনাম। আবার এখন শাউড়ীকে মাথায় করে নিয়ে যা, আর ও তোর বৃকে ভাতের হাঁড়ি বসাক!” বলেছিল সহ, কিন্তু নবকুমার হাতে চাঁদ পেল। মার যদি এত বড় একটা সুব্যবস্থা হওয়া সম্ভব হয়, আর ভাবনা কি? সত্যিই সত্যর বুদ্ধি আছে, সাহসও আছে।

কিন্তু এলোকেশী এ সুব্যবস্থায় কর্ণপাত করলেন না। তিনি আর একবার ছেলেকে ধিকার দিলেন, বাপ মরতে মরতে ভিটের সঙ্ঘ্যাপিন্দম বন্ধ করার প্রস্তাবে।

সঙ্ঘ্যাপিন্দ ? তা তার জন্মে জ্ঞাতীদের কাউকে বলে কয়ে এলে ?

গলায় দড়ি এলোকেশীর !

যাদের দেখলে বিষ গুঠে তাঁর, তাদের শরণাপন্ন হতে যাবেন ? তা

ছাড়া এই চিরকালের জায়গা ছেড়ে বৃদ্ধ বয়সে শহরে খাঁচায় দমবন্ধ হয়ে মরতে যাবেন তিনি বিবি বৌয়ের স্মৃতিধে করতে? এসব দুর্ঘটি ছাড়ুক নবকুমার।

তা হলে?

সমস্তার সমাধানটা কি?

কি আবার, রাতে আগলাতে একটা শক্তপোক্ত মেয়েলোক ঠিক করে রেখে যাক নবকুমার মায়ের জন্তে, আর মায়ের এই শোকাতাপা প্রাণ শীতল করতে মেয়েটাকে রেখে যাক। এখুনি গুকে ছিঁড়ে নিয়ে গেলে এলোকেলীও নির্ধাত পতি-পদাঙ্ক অহুসরণ করবেন।

নবকুমার মাথায় হাত দিয়ে বলল, “শুনলে কথা?”

সত্যবতী ষাট্রাকালের গোছগাছ করছিল, সে গোছ বন্ধ না রেখেই বলল, “শুনলাম বৈকি।”

“এখন উপায়?”

“উপায় আর কি! মাকে দমবন্ধ করে মেরে ফেলার ব্যবস্থা করে তো লাভ নেই? তার থেকে একটা ঝিয়ের ব্যবস্থাই কর।”

“আর স্মরণ?”

“স্মরণ আমাদের সঙ্গে যাবে।”

সংক্ষেপে রায় দেয় সত্য।

“তা তো ঘাবে, কিন্তু একেই তো বাবার জন্তে বদনামের শেষ নেই, তার ওপর আবার যদি মা সত্যিই—”

“কি? যদি মন কেমন করে মরে যান?” সত্য তীক্ষ্ণ একটু হেসে বলে, “তা হলে তো সহমরণের পুণিাই হয়ে যায়। একই অনলে দহ হয়ে উভয়ের স্মৃতি।”

“তামাশা করছ?”

“পাগল! এ কী আবার তামাশার কথা?”

“আমি কিন্তু বলতে পারব না মাকে।”

“তোমায় বলতে হবে না। যা বলবার আমিই বলবো।”

কিংকর্তব্যবিমূঢ় নবকুমার বুঝে উঠতে পারে না, এক্ষেত্রে কি করা উচিত। মা যেটা বলছেন সেটা অযৌক্তিক, বৌ যেটা বলছে সেটা অকর্তব্য। তা হলে?

অবশ্য একটা কাজ আছে নবকুমারের। চিরকালের কাজ। প্রথমে একবার সত্যর কথার প্রতিবাদ করে নেওয়া। সেটাই করে। বলে, “পিতৃহত্যার পাতক হয়েছি, আবার মাতৃহত্যার পাতক হবো?”

সত্য অবিচল।

“উপায় কি? তোমার ললাটে যদি বিধাতা এই দণ্ড লিখে থাকে, তাই হবে।”

“স্ববর্ণ তোমার একলার নয়। বাপ-ঠাকুরারও ওর ওপর দাবি-দাওয়া আছে।”

“তা অবশ্যই আছে। তবে কতখানি আছে তার ফয়সালা করতে তো আবার তোমাদের আইন-অদালত করতে হয়।”

“কী বললে? কী বললে তুমি?”

“কিছু না!” সত্য হাতের কাজে মন রেখে বলে, “যা বলাচ্ছ তাই বলতে হচ্ছে।”

“শ্বশুরের সময় তো কতব্য উত্থলে উঠেছিল, আমাকে একেবারে ধুলোর অধম করেছিলে, এখন শাশুড়ীর বেলায় এমন মারমূর্তির কারণ?”

“কারণ বোঝাতে বসি, এত ধৈর্য আমার নেই। স্ববর্ণ আমার সঙ্গে থাকবে, এই হচ্ছে কথা।”

সত্যর শেষ কথা।

অতএব এ কথার নড়চড় নেই।

তা ছাড়া ওদিকে ছেলে দুটো তালেবর হয়ে উঠেছে, আর মা-অস্ব-প্রাণ তাদের। বাপের সঙ্গে আন্দোল বনে না। কাজেই পৃষ্ঠবল সত্যরই বেশী।

কলেজ কামাই হচ্ছে বলে চলে গেল ছেলেরা, কিন্তু ঘাবার সময় বলে গেছে, মা যা বলবেন নিশ্চিত তাই যেন কবা হয়।

এ কী বেপরোয়া কথা! এ কী হুঃসাহসিক কথা! বাপ তুচ্ছ, মা প্রধান?

নবকুমার এ সমালোচনা তুলেছিল, কিন্তু সত্যর বাজ থামিয়ে দিয়েছে তাকে। সত্য বলে উঠেছিল, “আহা, ত্য ওতে রাগের কি আছে? মাতৃভক্তর বংশ, মাতৃভক্ত হবো না? কেন, মাতৃভক্তি কি খারাপ বস্তু?”

যদিচ মেয়েকে আর বোকে এই দীর্ঘকাল পরে নিয়ে যেতে পেয়ে কৃতার্থ হচ্ছে নবকুমার, তবু স্বভাববশেই এই তর্ক এই প্রতিবাদ। স্বার্থাতি শেষ

পর্যন্ত সত্যর ইচ্ছাই জয়ী হল। প্রায় দু বছর পরে আবার খণ্ডরবাড়ির চৌকাঠ ডিঙোল সত্য, স্বামীর সঙ্গে মেয়ের হাত ধরে।

পিছনে মড়াকান্না কাঁদতে লাগলেন এলোকেশী আছড়ে আছড়ে, কপালে ঘামে মেয়ে।

এবার কিন্তু গ্রামের লোক এলোকেশীর কাজকে তেমন সমর্থন করল না। বলতে লাগল, “ছেলে-বৌ নিয়ে যেতে চাইছিল গেলেই হত। কালী-গঙ্গার দেশ, কত বড় একটা তীর্থস্থান! যেতে বাধা কি ছিল? সত্যি তো আর ছেলে অফিস ছেড়ে দিয়ে বসে থাকবে না? আর বৌও চিরকাল স্বামী-পুত্রুরের সংসারকে ভাসিয়ে বসে থাকবে না। তবে? একা ঘরে কোন দিন মরে থেকে পাড়ার লোকের হাড় জ্বালাবি? তা ছাড়া ছেলেটা যাত্রা করছে, মহাশয় নিপাতের বছর পড়ল তার, মড়াকান্না কেঁদে এ কী অকল্যাণ করা?”

এযাবৎকাল এলোকেশীর সকল প্রকার আচরণ-আচরণই সমর্থনযোগ্য ছিল, এই প্রথম তাতে ভাঙন ধরলো।

কে জানে কেন? কে বলতে পারে কারণ?

এলোকেশী একা থাকায় পরোক্ষে পাড়ার লোকের ওপর কিছুটা দায়িত্ব পড়ল, তাই কি?

অথবা বেশ কিছুটা “বেওয়ারিশ” জামজমা বাগান পুকুর গাছগাছালির সুলভ লোভে বাগড়া পড়ল, তাই? ফলে ভর্তি তিনটে বাগান এলোকেশীর, মাছে ভর্তি দুটো পুকুর। তাছাড়া এদিকে ওদিকে আরো কত সব।

নাকি অত লুক্কনমনায় এলোকেশীর বান্ধবীরা? এ শুধু চিরচিরিত নিয়মের প্রভাব। বৈধব্যে স্ত্রীলোকের বাজারদর একটু পড়েই যায়। “কর্তার গিন্নী”র দামই আলাদা। কর্তা গত হলে যা কিছু জোর গলার জোর।

সে যাই হোক, মোট কথা অবস্থাটা এই।

এমনকি নিতাইয়ের বৌ পর্যন্ত নবকুমারের মুখে ওই “মড়া কান্না”র গল্প শুনে সত্যবতীর পক্ষ হল। হল হয়তো মনের অবস্থা তার হঠাৎ একটা কারণে ভয়ানক খারাপ হয়ে গেছে বলেই। শ্রদ্ধের নেমস্তম্ভ সেরে বেশ উৎফুল্ল মনেই কলকাতায় ফিরেছিল বেচারী, এসেই মাথায় বাজ! অভাবনীয় কাণ্ড!

মায়ের কোলপোছা একেবারে সব ছোট বোনটা—এই কিছুদিন আগে বিয়ে হয়েছিল, বেঘোরে প্রাণ হারিয়েছে তার আগের দিন। এসে দেখল

ভাই বসে, হাউ হাউ করে কাঁদছে। জানালো, মেরে ফেলেছে তাকে শাশুড়ীতে আর বরতে মিলে। শ্রেক মেরে ফেলেছে। মেরে ফেলে রটিয়েছে রাত্রিকালে ঘাটে যেতে আছাড় খেয়ে পড়ে মারা গেছে।

মেরে ফেলেছে! হাঁ হয়ে গেল নবকুমার।

নবকুমার আর সত্যবতী দুজনেই এসোঁছিল ভাবিনীর এই শোকতাপ শুনে। ইদানীং ভাবিনী নবকুমারের সঙ্গে একটু আড়াল রেখে একরকম কথাই কয়। এখন শোকের সময় আরো বীধ ভেঙেছে।

“মেরে ফেলল!” নবকুমার বলে তীব্র স্বরে, “এ কি মগের মূলক?”

“তা ছাড়া আর কি,” ভাবিনী চোখ মুছতে মুছতে বলে, “সকল খুনের শাস্তি আছে, দেশে বৌ খুনের তো আর শাস্তি নেই! ওই ছেলের আবার একুনি ড্যাংডেডিয়ে বিয়ে দেবে মাগী। যেতে আমাদেরই গেল। কচি বাছান বছর পেয়িয়ে এই সব দশে পা দিয়েছে ভাই, কিছু জানে না কিছু বোঝে না। আর কী ভাল মাহুষ! শুরবাড়ি ষাবার নামে সাত দিন ধরে খায় নি দায় নি শুধু কেঁদেছে। গেল আর একটা মাসও না যেতেই এই! মায়ের আমার অবস্থাটা ভাবো।”

আরো বহুবিধ আক্ষেপ করতে থাকে ভাবিনী।

বলে নিজের তার পেটে একটা জন্মায় নি। মায়ের ওই কোলপোঁছা মেয়েটাকে সম্বানতুল্যা দেখত, যেতে কিনা সেটাই গেল। শুরু হয়ে বসে স্তনছিল সত্য, সাহসনা দেবার চেষ্টা করে নি, অনেকক্ষণ পরে আশ্তে বলে, “মেরে ফেলেছে, সে কথা কে বলল? এমনি যা বলছে হতেও তো পারে?”

“ও ভাই, এ কথা কি চাপা থাকে? তাদের পাড়ার লোক এসে আমার বাবার কাছে চুপি চুপি খবর দিয়ে গেল।” ভাবিনী আর একবার ডুকরে কেঁদে ওঠে, তারা নাকি বলেছে, “একেবারে নিশংস কাণ্ড মশাই! নোঁড়া দিয়ে হেঁচে মেরে ফেলেছে, মাথা ফেটে একেবারে ছাতু!”

সত্য হঠাৎ যেন কেমন হয়ে যায়, সত্যর চোখের মধ্যে যেন উদ্ভাদ মাহুষের দৃষ্টি।

“নোঁড়া দিয়ে হেঁচে মেরে ফেলেছে!”

নবকুমার সত্যর এ পরিবর্তনে ভয় পায়, কিন্তু ভাবিনী তেমন লক্ষ্য করে না, একই ভাবে বলে, “ও দিদি, সেই নিশংস কাণ্ডই করেছে। বেটা আগে

মেরে আধমরা করেছিল, মা দেখল ‘আধমরা’ হয়ে থাকায় বিপদ, তার চেয়ে পুরো শেষ করে দিই, আর কথা বলবে না। দিলে ঠুকে। বল ভাই, এরা মাহুশ না রাক্ষস? উদ্ধরলোকের মাজে সেজে বেড়ায়, ভেতরে বাঘ সিংহী!”

ভাবিনী আবার চোখ মুছতে থাকে।

সত্য হঠাৎ চিন্তার করে ওঠে, “বসে বসে কাঁদবে, এ অত্যাচারের কোন প্রতিকার করবে না?”

ভাবিনী একটু চমকায়।

সত্যর চোখের ওই দৃষ্টি এবার ওর দৃষ্টিপথে পড়ে। কেমন খতমত খেয়ে বলে, “আর প্রতিকারের কি আছে ভাই, যা হবার তা তো হয়েই গেছে—”

“যা হবার! এই হবার ছিল?”

“তা—তা ছাড়া আর কি! শেষ বয়সে মায়ের আমার এই শাস্তি ছিল কপালে—”

“চমৎকার! আর ওদের কারুর কোনো শাস্তির দরকার নেই? ওই খুনে মা-বেটাকে ফাঁসিকাঠে ঝোলাবার চেষ্টা করবে না তোমরা?”

ভাবিনী কপালে করাঘাত করে বলে, “আর সে চেষ্টায় লাভ কি বল? পুঁটি তো আমাদের ফিরে আসবে না তাতে? মিথ্যে খানা-পুলিসের ঝামেলা।”

মিথ্যে ঝামেলা!

মিথ্যে ঝামেলা!

সত্য কঠোর গলায় বলে, “দেশে আরো হাজার হাজার পুঁটি নেই? তাদের ওপর অত্যাচার নেই?”

হাজার হাজার পুঁটি! সেটা আবার কি?

তাঙ্কব বনে যায় ভাবিনী।

সত্যকে হঠাৎ অমন পাগল দেখাচ্ছে কেন? না বুঝেই ভাবিনী ভয়ে ভয়ে বলে, “অত্যাচার তো আছেই ভাই জগৎ জুড়ে। মেয়েমানুষ তো পড়ে মার খেতেই জন্মেছে। তবে হৃদয়ের বাছাটা গেল, সেটাই বড় কষ্টের। এখনকার যে একটু বয়স হয়ে বে হচ্ছে সেটা ভাল। তোমার স্বপ্নকে যে ইস্কুলে ভর্তি করে দিয়েছ, ভাল করেছ। তবু একটু বল-বুদ্ধি হোক। আহা, পুঁটিটা আমার নিপাট ভালমাহুশ ছিল ভাই!”

হঠাৎ দাঁড়িয়ে উঠে সত্য বলল, “বাড়ি যাব।”

বাড়ি যাব !

নবকুমার এই অসভ্যতায় অবাক হয়। মাহুশটাকে দুটো সাস্তনার কথা বলা নেই কিছু না। ব্যস্ত হয়ে বলে, “ধাবে তো! একটু রও না।”

“না, বসতে পারছি না আমি। মাথার মধ্যে কেমন যাতনা হচ্ছে। কিছু মনে কোর না বৌ, শুধু একটা জিনিস চাই। তোমার ওই বোনের বরের নাম ধাম ঠিকানা আমায় দাও দিকি।”

নাম ধাম ঠিকানা!

নবকুমার চমকে এবং ধমকে বলে, “ওদের নাম ধাম ঠিকানা নিয়ে তুমি কি করবে? তোমাব কি কাজ?”

“আছে কাজ। তুমি দাও তো বৌ!”

ভাবিনী শিথিল স্ববে বলে, “নাম তো রামচরণ ঘোষ, শশুরের নাম ছিল তারচরণ—”

“থাকে কোথায়? ঠিকানা কি?”

নবকুমার আর একবার ধমক দেয়, “কী মুশকিল! তাদের ঠিকানায় তোমার কাজ কি! কড়া চিঠি লিখতে ধাবে নাকি?”

“কড়া চিঠি? তাদের? নাঃ!” সত্য একটু কঠোর কঠিন হাসি হেসে বলে, “তাদের চিঠি লিখে কি হবে? অহুতাপে খানখান হবে?”

“তবে?”

“আছে কাজ। তুমি বল বৌ।”

“ঠিকানা আর কি—,” ভাবিনী যেন একটু অনিচ্ছা সঘেষ্ট বলে, “এই তো হাওড়া পঞ্চাননতলা। চৌমাথায় কোথায় একটা অশ্বখ গাছ আছে—”

“ওসব যাক।” সত্য নবকুমারকে বলে, “তুমি যদি আর একটু বসো তো থাকো, আমি ধাচ্ছি—”

নবকুমার ব্যস্ত হয়ে বলে, “না না, আমি আর কি করবো, নিতাইও নেই, তোমরাই বসং গল্পসল্প করো, আমি ধাই।”

হঠাৎ নিজেই সে তড়বড় করে পালায়।

যেন ভয় পেয়েছে।

সত্যকে ভয় সে চিরকালই করে, তবু তার মধ্যেও কোথায় যেন একটু ভরসা ছিল। কিন্তু এই দু'বছরকাল দূরে থাকা অবধি কেমন যেন ভরসাছাড়া ভয় গ্রাস করেছে নবকুমারকে। যেন সত্যর মুখের দিকে তাকাতে



সমীহ আসে। যেন চট করে আড়াল পেয়ে হাতটা একবার চেপে ধরতে পারবে, নিজের ওপর এ আস্থা নেই।

নবকুমারের চলে যাওয়ার দিকে একটুক্ষণ কেমন একরকম তাকিয়ে থেকে আস্তে বলে সত্য, “পাড়ার লোক তো খবরটা বলে গেল, কারণটা কিছু বলল ? বৌয়ের কোন্ অপরাধে হঠাৎ মাথায় খুন চাপলো তাঁদের ?”

ভাবিনী আজ আর সত্যর প্রত্যেকটি কথার পিঠে ঠিকরে উঠছে না। বোধ করি পারছে না বলে উঠছে না। এ কথার উত্তরে আর একবার আঁচলে চোখ রগড়ে গলার স্বর নামিয়ে বলে, “অপরাধ ? সে আর কি বলবো ভাই, বলতে লজ্জা, শুনতে লজ্জা ! তোমার ‘উনি’ বসেছিলেন তাই বলতে পাচ্ছিলাম না। অপরাধের মধ্যে একটু হড়কো-হড়কো ছিল পুঁটি। তা তাই ওই তো পাকাটির মতো মেয়ে, দেখেছ তো সেবার ? বিয়ের জল গায়ে পড়েও কিছুই সারে নি। সেই মেয়ে, আর ওই দোজপক্ষের বর ! সা-জোয়ান একটা তাগড়া বেটা ছিলে, বৌ মরে ‘খাই-খাই’ অবস্থা ! তার কাছে যেতে ওর সাহস হয় ? যেতে চায় না, মাটি ধরে পড়ে থাকে, সেই নিয়ে নাকি রোজ মায়ে-বেটায় তুজনে মিলে শভেক খোয়ার, লাথি ঝাঁটা জুতো গলাধাক্কা ! তাই বলি পুঁটিটাকেও, মুখ্যর অগ্রগণ্য ! দেখাছিস তো ওদের জোর আঠারো আনা, তোর কানাকড়িরও নেই, যা বলছে তাই শোন্ ? তা নয়, মাটি ধরে উপড় হয়ে পড়ে থাকবো, কিছুতেই বরের ঘরে ঢুকব না ! পারলি লড়তে ? দুশমন রাক্ষসের রাগ চড়ে উঠল। একেই তো এক্ষেত্রে বেটাছেলেদের মাথায় আগুন জ্বলে, দিগ্বিদিক জ্ঞান থাকে না, তার ওপর আবার মা সহায় ! সোনিয় সোহাগা ! অদেষ্ট, সবই অদেষ্ট !”

“তা তো বটেই,” সত্য রুচস্বরে বলে, “সবই অদেষ্ট বৈকি ! এই হতচ্ছাড়া দেশে মেয়েমাহুষ হয়ে জন্মানোই এক দুর্দৃষ্ট ! চোখের ওপর একখানা করে গুরু পর্দা বুলিয়ে বসে থাকবো, আর অদেষ্টকে দোষ দেবো !”

ভাবিনী কঁাদতে কঁাদতে ভুরু কুঁচকে বলে, “পর্দার কথা কি বললে ?”

“কিছু বলি নি বৌ। শুধু বলছি নোড়া কি শুধু তাদেরই ছিল ! তোমাদের ঘরে ছিল না ? ছুঁড়ে মেরে মাথা ছুঁটির করে দেওয়া যেত না সেই মা-ছেলের ? আর তো মেয়ে বিধবা হবার ভয় নেই, ভয় নেই মেয়ের লাজনা হবার !”

ভাবিনী এবার একটু বিরক্তই হয়েছিল, “তোমার যে কী ছিটিছাড়া কথা

দিদি! আমরা সে কাজ করে পার পাবো? হাতে দড়া পড়বে না? বিয়ে করা পরিবারকে মারতে পারো, কাটতে পারো, ছেঁচতে পারো, কুটতে পারো, আর কাউকে করা যায়?”

“আমি হলে করতাম। ওই জামাইয়ের মাথা ইটিয়ে গুঁড়ো করে দিতাম। তারপর কাঁসিকাঠে ঝুলতে হস্ন ঝুলতাম।” সত্য আশুন মুখে বলে।

ভাবিনী আর একবার কঁদে ফেলে, “মাও আমার রাতদিন ওই কথাই বলছে দিদি, বলছে আর কঁদে মরছে। কিন্তু সত্যি তো আর তা হবার নয়? বরং আমার এক স্মৃতি পিসি মাকেই দুঃখ ছিল। বলছিল, ‘যেমন ঝাকা করে তৈরি করা, হবে না শাস্তি? বিয়ে হয়েছে বরের ঘরে যাব না! আহ্লাদ? দোজ-পক্ষের বর, শুধু তোকে পুতুল খেলনা কিনে দিতে বে’ করেছে?’ কি বলবো দিদি, নির্ধাত পিসির মতলব খারাপ। নিজের একটা বারো-ভেরো বছরের খেড়ে ধিক্কা মেয়ে আছে—”

সত্য কিন্তু ততক্ষণে যাবার জন্তে পা বাড়িয়েছে, “মাগ কর বোঁ, আর থাকতে পারছি না, মাথার মধ্যে বড় যাতনা হচ্ছে।”

ভাবিনীর এত বড় দুঃখেও সাস্থনা দেয় না সত্য দেখে ভাবিনী মনে মনে বলে, “সত্যিই বটে কাঠপ্রাণ! পরের শোক-দুঃখ দেখলে ভাবিনীর তো প্রাণ ফেটে যায়। মাহুষকে যে কতরকম করেই গড়েন ভগবান!”

### ॥ ছেচল্লিশ ॥

নিতাইয়ের বাড়ি থেকে চলে এসেছিল সত্য “মাথার মধ্যে যাতনা হচ্ছে” বলে, কিন্তু সেই যাতনা থেকে যে এমন জোর জ্বর হবে, সে কথা কে জানত?

সত্য নিজেও যখন শুয়ে পড়েছিল, তখন বুঝতে পারে নি। উঠল না, রান্না করল না দেখে সরল এসে আশ্বে কপালে হাত দিয়ে দেখল, জয়ে গা পুড়ে যাচ্ছে। আর কি যেন বলছে বিড়বিড় করে।

ভয়ে প্রাণ উড়ে গেল বেচারার, বাবাকে ডাকল।

কিন্তু বাবাই বড় ভরসাধার!

সে তো বিপদ দেখলেই মেয়েমাহুষের মত কপালে করাঘাত করে। সে ডুকরে উঠে বলল, “ছুটে গিয়ে পিসিকে ডেকে আন।”

সহু এসে মাথায় জলপটি, পায়ে গরম জলে গামছা ভিজিয়ে সেক্ ইত্যাদি প্রাথমিক চিকিৎসার ব্যবস্থা করল। এদের জন্ম দুটো ভাতে-ভাতও ফুটিয়ে দিয়ে খাইয়ে-দাইয়ে বিদায় নিল অনেক রাত্রে।

না, রাত্রে থাকল না।

সতীনের ছোট ছেলেটা নাকি ‘বড়মা’কে নইলে ঘুমোয় না। আর মুখুষ্যে মশাইয়েরও রাতে দশবার তামাক লাগে।

তবে আশ্বাস দিয়ে গেল সহু, ভোরেই আবার আসবে।

তখনো সত্য অজ্ঞান-অচৈতন্য।

নবকুমার মাথায় বাতাস দিচ্ছে।

অনেক রাত্রে হঠাৎ সত্য চোখ তাকিয়ে বলে উঠল, “শোনো, কাছে এসো, আমার গা-টা ছৌও।”

শিউরে উঠল নবকুমার, কী এ? প্রলাপের ঘোর? না আসন্ন মৃত্যুর আভাস?

“ছৌও, গা ছৌও!”

নবকুমার ভয়ে ভয়ে গায়ে একটু হাত ঠেকাল।

সত্য উত্তেজিত স্বরে বলল, “গায়ে হাত দিয়ে দিব্যি করলে কি হয় জানো তো? ...মনে রেখো। শোন—আমি যদি মরে যাই, স্তূর্ণকে তুমি সাতসকালে বিয়ে দেবে না। ...বল, বল, দিব্যি কর!”

রোগীর প্রলাপ।

এতে সায় না দিলে প্রকোপ বাড়বে। নবকুমার তাড়াতাড়ি বলে ওঠে, “হ্যাঁ হ্যাঁ, করছি।”

“বল, মুখে বল, যোলো বছর বয়েস না হলে বিয়ে দেবে না স্তূর্ণর।”

যোলো?

মেয়ের বয়েস?

যোলো বছর পর্যন্ত আইবুড়ো রেখে দেবে?

নবকুমার ভাবল, হঠাৎ এত বড় জর কেন হল সত্যর যে এতখানি ভুল বকা স্তূর্ণ করেছে!

কিন্তু কারণ যাই হোক, ঠাণ্ডা রাখতে হবে।

নবকুমার ব্যস্ত স্বরে বলে, “আচ্ছা আচ্ছা, তাই হবে।”

“তাই হবে বললে হবে না।” সত্য প্রায় তেড়ে উঠে বসে, “নিজে মুখে বল, ষোলো বছরের আগে স্ববর্ণর বিষয়ে দেব না।”

পাগলের সঙ্গে চাতুরীতে দোষ কি ?

আর প্রলাপের ঝগীর সঙ্গে পাগলের প্রভেদই বা কি ? টুক করে সত্যর গা থেকে হাতের স্পর্শটুকু তুলে নিয়ে নবকুমার বলে ওঠে, “এই তো বলছি, তোমার ইচ্ছে ব্যতীত বিষয়ে দেব না স্ববর্ণর।”

“আসল কথাটাই বললে না তুমি।” সত্য চৌচিয়ে বলে ওঠে, “আসল কথায় কান্না দিও না, স্ববর্ণকে মেরে ফেলো না। ওকে বাঁচাতে হবে, হাজার হাজার স্ববর্ণকে বাঁচাতে হবে।”

ধপ্ করে শুয়ে পড়ে সত্য।

নবকুমার পাখাটা আরো জোরে জোরে নাড়তে থাকে। হাজার হাজার স্ববর্ণ! ভগবান, এ যে ঘোর বিকার!

ভগবান এ কী করলে তুমি ?

হে মা কালী, রাতটা পোহাতে দাও, আমি নিজে গিয়ে খাঁড়া-ধোয়া-জল এনে খাইয়ে দেব।

দেশের কালীর কাছেও মানত করে বসে নবকুমার। আবার হরির লুটও মানে। কী করবে ?

নবকুমার যে শুনেছে বিকারের রক্ত মাথায় চড়লে, ভুল বকতে বকতে আর মাথা চালতে চালতে মরে যায় মাহুষ! লক্ষণ তো দেখাই দিয়েছে, রাক্তিরের মধ্যে যদি জ্বর না কমে, সেই পরিণতিই তো অনিবার্য।

মা কালীর দয়াই বলতে হবে।

খাঁড়া-ধোয়া-জল না খেয়েই জ্বর কমে গেল।

শেষ রাক্তিরের দিকেই কমে গেল। ঘামের তোড়ে বিছানার চাদর সপ্-সপিয়ে ভিজিয়ে দিয়ে জ্বর প্রায় বিদায় নিলই বলা যায়।

কিন্তু ঠাণ্ডা গায়ের রক্ত, পাঁচদিন জ্বর ছেড়ে ষাণ্ডার পরের রক্ত, ‘বিকারে’র তীব্রতা পেল কি করে ? বিকারের বেগ ? সেই তীব্রতার বেগ বিকারের বিকৃতি নিয়েই তো মাথায় চড়ে উঠল ! নইলে ত্রিভুবনে কে কবে এমন কাণ্ড শুনেছে ?

কোনো বাঙালীর মেয়ের, গেরস্ব ঘরের মেয়ের পক্ষে কখনো সম্ভব এমন ভয়ানক কাণ্ড করা ?

সত্যর চির অস্থগত এবং চির সমর্থক ছেলেরা পর্যন্ত স্তম্ভিত হয়ে 'গেল মাহের এই ধারণাতীত দুঃসাহসে ।

খিড়কির দরজা দিয়ে বেরিয়ে গিয়ে সহুকে আর তার বরকে ডেকে আনল সাধন, তথাপি নবকুমার ব্যাকুল হয়ে সরলকে বলে বসল, “বিপদে পড়লে চক্ষু-লজ্জা করতে নেই, শাস্ত্রের নির্দেশ, তুই যা বাবা, একবার মাস্টার মশাইকে ডেকে নিয়ে আয় ।”

“মাস্টার মশাইকে !”

সরল হাঁ হয়ে রইল ।

বাবা ডাকতে বলছেন তাঁর মাস্টার মশাইকে ! যার নাম করেন না, মুখ দেখেন না, স্নহাসদি পর্যন্ত যার জন্মে চিবকালের মত পর হয়ে গেছে !

নবকুমার লজ্জাকে চাপা দেয় ব্যস্ততা দিয়ে ।...“হ্যাঁ হ্যাঁ, বলছি তো তাই । বললাম না বিপদের সময় চক্ষু-লজ্জা শাস্ত্রের বারণ । তুই আমার নাম করেই ডেকে আন । বল্গে ভয়ানক গুরুতর কাণ্ড, পুলিশ এসেছে বাড়িতে । বোধ হয় তোদের মার হাতে দড়ি পড়বে, এ শুনলে আর—”

দড়িটা মার হাতে পড়বে কেন, বিপদের সময় চক্ষু-লজ্জার নিষেধটা কোন্ শাস্ত্রে আছে সে প্রশ্ন করে না সরল, কতুয়াটা গায়ে দিয়ে বেরিয়ে যায় রান্নাঘরের পিছনের দিকের দরজাটা দিয়ে ।

এই দোরটা ছিল তাই রক্ষে ।

নইলে সদর চেপে তো বসেছে বাধা এক সাহেব পুলিশ ।...কম্পিত কলেবরে নবকুমারের এগিয়ে দেওয়া চেয়ারখানায় বসে সত্যকে জিজ্ঞাসাবাদ করছে ।

হ্যাঁ, সত্যকেই প্রশ্ন করছে ।

ছোটখাটো ইংরিজি-মিশেল হাশ্বকর উচ্চারণ-সমৃদ্ধ বাংলায় । আর পাথর-বাধানো-বুক সত্য সেই প্রশ্নের উত্তর দিচ্ছে ঠায় দাঁড়িয়ে ।

সাহেব পুলিশের নামে ডাকাবুকো মুখ্যে মশাইও প্রথমে আসতে চান নি, কিন্তু সহুর একান্ত ব্যাকুলতায় আসতে বাধ্য হয়েছেন । হয়েছেন বটে, তবে সদরমুখে হন নি, পৈতে হাতে ধরে দুর্গানাম জপ করতে করতে সহুর পিছু পিছু সেই পিছন দরজা দিয়ে !

টোকা মাত্রই স্বৰ্ণ কেঁদে ওঠে, সহর হাঁটু জড়িয়ে ধরে বলে, “পিসি, মাকে ধরে নিয়ে যেতে গোরা এসেছে।”

“বালাই বাট, ছুগ্গা ছুগ্গা, ধরে নেবে কেন?” বলে মেয়েটাকে কোলে তুলে নিয়ে সহ ফিসফিসিয়ে বলে, “ঘটনাটা কি রে তুড়ু? হল কি?”

সাধন শুকনো মুখে যা বিবৃতি দেয়, তার সার অর্থ এই, সত্যবতী কান্নর সঙ্গে কোনো পরামর্শ না করে, কারুকে মা জানিয়ে পুলিশ সাহেবের কাছে একটি চিঠি পাঠিয়েছিল, কারু জবানীতে পর্যন্ত নয়, নিজের নামে। সেই চিঠির সূত্রে “এনকোয়ারিতে” এসেছে পুলিশ।

চিঠির কারণ?

কারণ অদ্ভুত। কারণ অভাবনীয়।

নিভাইয়ের বোঁ ভাবিনীর বোনের শৌচনীয় অকালমৃত্যুই নাকি কারণ।

মেয়েটাকে তার স্বামী আর শাশুড়ীতে মিলে কী রকম নৃশংসভাবে হত্যা করেছে, তা জলন্ত ভাষায় বর্ণনা করে দৃষ্ট আবেদন জানিয়েছে সত্যবতী, এই দানবীয় অত্যাচারের স্রবিচার হোক, সেই খুনী যুগলের উচিতমত শাস্তি হোক। তা যদি না হয়, বৃথাই তাঁদের ধর্মাধিকরণের নাম করে আদালত খুলে বসে থাক।

আসামীদের নাম ধাম ঠিকানা সবই জানিয়েছে সত্যবতী সেই আবেদন-পত্রে।

সব শুনে সহ নিখাস ফেলে বলে, “সেদিনের সেই বিকারেরই ঝাঁক এসব তুড়ু, দেহের রক্ত মাথায় চড়ে উঠেছিল জরের ধমকে, সেই চড়া রক্তই বুদ্ধিহুঁকি বিগড়ে দিয়েছে। নচেৎ বাঙালী গেরস্বরের মেয়ের পক্ষে এ কাজ সম্ভব? আমি তোকে নির্ধাৎ বলছি তুড়ু, তোর ওই মা একদিন মাথার শির ছিঁড়ে ‘সন্নেস রোগ’ হয়ে মরবে। চিরদিনই মেয়েমাহুষের আধারে ও একটা দস্তি পুরুষমাহুষ। তাই এই দুঃস্বপ্ন রোগ!”

সাধন আরো শুকনো মুখে বলে, “রোগই বলব, তা ছাড়া আর কি। চিরদিন এই এক রোগ, কোথায় কোন্‌খানে কে কী অন্য় করল, যেন মা’র ওপরই করেছে। সকলের জালা-যন্ত্রণা নিজের ঘাড়ে নিয়ে কেবল কষ্ট পাওয়া রোগ। বাড়ির বাসনমাজা বিটা একদিন তার ছেলেকে ‘মরে যা’ বলে গাল দিয়েছিল বলে মা তাকে শুকুনি ছাড়িয়ে দিলেন।”

“ছিষ্টছাড়া, সবই ছিষ্টছাড়া, চিরকালে ছিষ্টছাড়া। আশাধি। শুবান

রূপ গুণ সবই দিয়েছিল, কিছু সার্থক করতে পারল না। এখন আবার নাকি সুনহি সেদিন জ্বরের ঘোরে তোর বাপকে দ্বিব্য গালিয়েছে, পঁচিশ বছর বয়েস না হলে স্বর্ণর বিয়ে দেওয়া চলবে না।”

দ্বিব্যটা অবশ্য নিতান্তই হাস্কর, অতএব ও নিয়ে মাথা ঘামায় না সাধন। প্রলাপের ঘোরে কী না বলে মাল্লুষ!...তবে ওরও মনে হয়, বাস্তবিকই মাকে মা'র বিধাতা অনেক বুদ্ধিবুদ্ধি দিয়েছেন, শুধু জেদটা যদি ঈষৎ কম দিতেন!

“আপনি একটু ওদিকে যাবেন পিসেমশাই!” সাধনের এই প্রণে মুখ্যো মশাই বিচলিত স্বরে বললেন, “আমি আর কেন বড়োমাল্লুষ! এইমাত্র স্নান সেরেছি, এখনো আফ্রিক হয় নি। এখন ওই স্নেচ্ছস্পর্শে—”

“না না, হোঁবেন কেন? এমনি—”

“এই দেখ পাগল ছেলের কথা! বাক্যবিনিময় মানেই তো হোঁয়া। বাকের দ্বারা স্পর্শ, সেও বড় কম নয়। তা ছাড়া তোমরা কলেজে পড়েছ, ইংলিশ শিখেছ...”

শিখেছে।

শিখেছে সেটা সত্যি কথা।

কিন্তু এ তো লেখাপড়ার কথা নয়। সাহেব মাস্টার নয়। এ হল বিস্ত্রী একটা গোলমলে ব্যাপার। এক্ষেত্রে প্রবীণ লোকই ভাল।

কিন্তু প্রবীণ লোক দ্বিতীয়বার স্নানের ভয়ে গেলেন না। শুধু উকিঝুঁকি মেরে দেখতে লাগলেন, সত্য কিভাবে সাহেবের দিকে তাকিয়ে কথা বলছে।

হ্যাঁ, তখন সত্যই বলছে, “বলো তবে কী জন্তে আদালত খুলে বসে আছে তোমরা? সতীন্দ্রাহ করে মেয়েমাল্লুষগুলোকে পুড়িয়ে মারতো আমাদের দেশ, তোমরাই সে পাপ থেকে উদ্ধার করেছো আমাদের। তবু এখনো কিছুই হয় নি। এখনো অনেক অনেক পাপ জমানো আছে। চারগুণ ধরে জমছে এই পাপের বোঝা। এই পাপ দূর করতে পারো, তবেই বলি শাসনকর্তা সেজে বসে থাকো শোভা পাচ্ছে।...নচেৎ পরের দেশে এসে রাজগিরি কিসের? জাহাজ বোঝাই হয়ে কিরে যাও না?”

“মা!”

সাধন এগিয়ে যায় মাকে নিবৃত্ত করতে। দেখছিল “বাংলা-নবীশ” সাহেব

তার মা'র এই ওজস্বিনী বক্তৃতার সামনে পড়ে সমস্ত বাংলা জ্ঞান হারিয়ে “হোয়াট? হোয়াট?” করছে!

এই বক্তৃতার শ্রোতে দোভাষীর কাজ করতে এলে, তার এফ. এ. পড়া বিখে স্থলকূল পাবে, এ ভরসা হল না। তাই “ম” বলে ডেকে নিবৃত্ত করতে চাইলে।

কিন্তু সত্য বৃষ্টি তখন সত্যিই পরিবেশ পরিস্থিতির জ্ঞান হারিয়েছে, তাই ছেলের এই ডাকের ইশারায় কর্ণপাত না করে বলতেই থাকে, “তোমার দেশ তো তুমি মেয়েমানুষের অনেক মান, অনেক সম্মান। সেই চোখ খুলে দেখতে পাও না, এই হতভাগা দেশে মেয়েমানুষকে কী অপমানের মধ্যে, কী লাঞ্ছনার মধ্যে ফেলে রেখেছে? আইন করে বন্ধ করতে পারো না এসব? নিত্যা নিত্যা অনেক আইন তো বার করছে—”

“বড়বো!”

নবকুমার আর থাকতে পারে না, চেষ্টা করে ডেকে ওঠে, আর ঠিক এই সময় ভবতোষ মান্টার এসে দাঁড়ান সরলের সঙ্গে সঙ্গে।

চুকবার মুখেই বোধ করি সত্যর এই তীব্র ভাষা তাঁর কানে ঢুকেছে। তাই সত্যকেই উদ্দেশ্য করে শাস্ত স্বরে বলেন, “ভিন্ন দেশের লোক এসে আইন করে এদেশের সমাজের গ্লানি দূর করবে, এ আশা করো না বোমা!...দেশকেই করতে হবে।”

মান্টার মশাইকে এ বর্ণিত্তে দেখে অবাক হতে গিয়েও, সঙ্গে সরলকে দেখেই রহস্যভেদ হয়ে গেল সত্যর কাছে।

আন্তে মাথার কাপড়টা টেনে দিয়ে দূর থেকে আলগোছে একটা প্রণামের মত করে ঘরের মধ্যে ঢুকে গেল।

একটা নাকি প্রবাদ আছে, “বুক থেকে পাহাড় নামা”—ভবতোষ আসার পর নবকুমারের সেই অবস্থা। যাক বাবা, আর তার করণীয় কিছু নেই। এবার সে ঘরে ঢুকে চোকিতে শুয়ে পড়ে হাতপাখা নেড়ে হাওয়া খেতে পারে।

এখন অপেক্ষা মান্টার আর সাহেবটার বিদেয় হওয়া, তারপর একটা হেস্তনেস্ত করতেই হবে। বহু সছ করেছে সে। আর নয়। মুখ্যো মশাই এইমাত্র বলেছেন, “ঐশ্বর্য পুরুষের স্ত্রীরা এই রকম-ই হয়।” সেই বাক্য-দাহ সর্বাক্ষে জ্বালা ধরাচ্ছে।



মাস্টারের সঙ্গে কিন্তু বেশী কথা হল না সাহেবের, শুধু সত্যের প্রেরিত চিঠিটা দেখাল সাহেব এবং একটু পরেই ‘গুডবাই’ বলে বিদায় নিল সে। ভবতোষ তাকে রাত্তি পর্যন্ত পৌঁছে দিয়ে এসে, এদের উঠানে আর একবার এসে দাঁড়ালেন। তারপর শাস্ত গলায় বললেন, “তোমার মাকে বলো সাধন, সাহেব কথা দিয়ে গেছে দোষীকে খুঁজে বের করে যথোপযুক্ত শাস্তির ব্যবস্থা করবে।... আর—” মাস্টার মশাই একটু হাসলেন, “আর তোমার মাকে অনেক অভিনন্দন জানিয়ে গেছে।”

এতক্ষণে মুকুন্দ মুখুয্যের গলা নিজের কাজ করে। তিনি হঁকো হাতে দাওয়া থেকে উঠে উঠানে নেমে এসে বলেন, “শুনলাম আপনি একসময় নবকুমারের শিক্ষক ছিলেন, সে হিসাবে নমস্কার জানানো উচিত, তা জানাচ্ছি, কিন্তু ওই যে কি বললেন, সাধনের মাকে সাহেব কি দিয়ে গেছে—”

“অভিনন্দন! ইয়ে প্রশংসা—”

“হুঁ, বুঝেছি। তা প্রশংসাটা কিসের?”

ভবতোষ একবার এই গায়ে-পড়া অভব্য বুড়োটার দিকে দৃষ্টিপাত করেন, তারপর হয়তো ব্যঙ্গের খাদ মেশানো একটু পরিহাসের ধরনের হাসি হেসে বলেন, “বুঝতে তো খুব অসুবিধে হবার কথা নয়? সাহসের জন্ম প্রশংসা করেছে। অজ্ঞানের বিরুদ্ধে রুখে দাঁড়াবার সাহস কজনের থাকে বলুন?”

মুখুয্যে মুখ বিকৃত করে বলেন, “লোকের ঘরে আঙুন লাগাবার, লোকের মাথায় লাঠি বসাবার সাহসও এক রকম সাহস, তা সকলের থাকে না স্বীকার করছি। তবে সাহস মানেই প্রশংসা পাবার যোগ্য সেটা স্বীকার করবো না।”

“না করলেই বা কি করার আছে!” বলে ঈষৎ হেসে চলে যেতে যান মাস্টার। যাওয়া হয় না। নবকুমার তাড়াতাড়ি বেরিয়ে এসে বলে, “মাস্টার মশাই, চলে গেলে চলবে না, একটু জল খেয়ে যেতে হবে।”

বোধ করি বিপদতারণ মধুসূদনরূপী মাস্টার মশাইয়ের পরম উপকারের একটা প্রতিদান আবশ্যক বলে মনে করার প্রতিক্রিয়া এই প্রস্তাব।

তবে মাস্টার মশাই এ প্রস্তাবের জন্ম প্রস্তুত ছিলেন না। তাই চমকে তাকালেন আর বোধ হয় ভাবলেন, ধৃষ্টতার কেন সীমা থাকে না!

কিন্তু একদা যে ভবতোষ মাস্টার রামকালীকে তাঁর মেয়ের খসুরবাড়ির দুঃখহুর্দশা বর্ণনা করে ওজস্বিনী ভাষায় চিঠি দিয়েছিলেন, সেই ছেলেমাছুষ

ভবতোষ তো আর নেই। তারপর অনেকগুলো দিন পার হয়ে গেছে। অনেক মানসিক স্বন্দের টানা-পোড়েনে পোড়খাওয়া, আর অনেক জ্ঞান-অর্জনে পরিণত হয়ে ওঠা প্রোট ভবতোষ ভয়ানক কিছু একটা জবাব দিয়ে বসলেন না। শুধু মুহূ হেসে বলেন, “পাগল!”

“পাগল কেন? বাঃ!” ঋণী থাকবো না এই বাসনাতেই হয়তো নবকুমার আবার জেদ করে, “এই রোদে তেতেপুড়ে এলেন। আপনার বোঁমার মান-মর্যাদা রক্ষা করলেন, সে অমনি কেন ছাড়বে? আপনার বোঁমা বলছে, একটু মিষ্টিমুখ না করিয়ে ছাড়বে না আপনাকে।”

ভবতোষ আর একবার ভয়ঙ্কর ভাবে চমকালেন। বোধ করি কোনও একখানে হিসাব মিলাতে পারলেন না, কেমন অসহায় ভঙ্গীতে বললেন, “কে? কে ছাড়বে না বলছে?”

“এই যে আপনার বোঁমা!” চোখের ইশারায় ইতিমধ্যেই সাধনকে দোকানে পাঠিয়ে ফেলেছে নবকুমার, তাই বুকের বল আছে। অতএব জোর গলায় বলে, “সে এখন কলসীর জল ঢেলে আপনার জন্তে মিছরির পানা করছে—” নবকুমার ভেবেছিল এই ইশারাতেই মিছরির পানা বানানো হয়ে যাবে। কিন্তু কথা শেষ করতে হয় নি নবকুমারকে।

‘কলসীর ঠাণ্ডা জলে’র ইশারা কাজে লাগলো না। সত্যবতী বেরিয়ে এসে দৃঢ়স্বরে বললো, “মিথ্যে কেন রোদে দাঁড়িয়ে পাগলের প্রলাপ শুনেছেন মাস্টার মশাই! বাসায় যান।”

ভবতোষ সহসা একবার স্পষ্ট চোখে সত্যর মুখের দিকে তাকালেন, তারপর আন্তে আন্তে বেরিয়ে গেলেন।

ঠিক সঙ্গে সঙ্গে নবকুমার একটা কিস্তৃতকিমাকার কাজ করে বসলো। হঠাৎ দু হাতে ঠাস ঠাস করে নিজেই নিজের গালে চড়িয়ে বলে উঠলো, “আর কেন, এইবার একখানা জুতো এনে মুখে মারো! ঘোলকলা সম্পূর্ণ হোক। ওইটুকুই তো বাকী আছে। স্ত্রী পুরুষের ওইটাই বোধ হয় শেষ শাস্তি!”

সামনে সদু, সামনে মুকুন্দ মুখুয্যো, সামনে সরল, সেই মুহূর্তে সাধন সন্দেশের ঠোঁড়া হাতে নিয়ে এসে দাঁড়িয়েছে।

সত্য কি কারো দিকে তাকিয়ে দেখে?

বোধ হয় না।

সত্য নিঃশব্দে রান্নাঘরে গিয়ে ঢোকে। আর বোধ করি ফেলে ছড়িয়ে চলে যাওয়া হাতের কাঁজটা আবার গুছিয়ে তুলতে থাকে।

সহুতে সহুর স্বামীতে একটা অর্ধপূর্ণ দৃষ্টিবিনিময় হয়। তারপর সহু উৎক্লিষ্ট নবকুমারকে বসিয়ে একখানা হাতপাখা দিয়ে মাথায় বাতাস দিতে দিতে খাদে গলা নামিয়ে বলে, “আর ক্ষেপে উঠে কি করবি ভাই? এতদিনে তো সবই পরিষ্কার হয়ে গেল। চিরদিন মাথাটা একটু ‘ইয়ে’ ছিল, এখন ক্রমশঃ বৃদ্ধি পাচ্ছে। তোর কপালে ভগবান এমন তেঁতুল গুলবেন, তা কখনো ভাবি নি।”

মামীর কাছে থাকতে সহুর যেমন ধারালো পরিষ্কার কথাবার্তা ছিল, তেমন যেন আর নেই। সহু গেরস্থর গিন্নী হয়েছে। তাই গিন্নীদের মত কথা রপ্ত করেছে।

নবকুমার বলে, “এক ঘটি জল দাও, সহুদি।”

সহু তাড়াতাড়ি জল এনে হাতে দিয়ে বলে, “খা, খেয়ে এইবার মনের বল করে কবরেজ ডেকে এনে চিকিচ্ছে করা। নেহাৎ হাতেপায়ে ছেকল না পরাতে হয়, সেটা তো দেখতে হবে।”

নবকুমারের বোধ করি জল খেয়েই বল বাড়ে। সে বীরবিক্রমে বলে, “পাগল না হাতী! সব বদমাইশি! লোকের সামনে আমাকে হেয় করাই ওর একমাত্র কাজ। জীবন-ভোর তাই দেখলাম।”

হ্যাঁ, বড় হয়ে পর্যন্ত ছেলেরাও তাই দেখছে। ছেলেবেলায় মায়ের প্রতি শ্রদ্ধা ছিল সহাসুভূতি ছিল মায়ের কথা বেদবাক্য বলে ভাবতো ছেলেরা এবং বাবাকে “অন্নবৃদ্ধি” বলে মনে মনে করুণা করতো। কিন্তু বাবার ওপর করুণাটা বজায় থাকলেও, বড় হয়ে পর্যন্ত মায়ের ওপর থেকে যেন সহাসুভূতি অনেকটা চলে যাচ্ছে, বিশেষ করে বড় ছেলেটার।

সে ভাবতে থাকে—

এ কী!

প্রত্যেকটি ব্যাপারে তাল ঠুঁকে লড়াই।

শাস্তির সংসারে সেধে অশাস্তি ডেকে আনা, আর বাবাকে হেয় করা! এটা অগ্নায়।

স্বহাসকে নিয়ে কী কাণ্ডই করলেন! তবু তার পিছনেও না হয় একটা

যুক্তি আছে। মাহুঘটার একটা গতি করার দরকার ছিল। কিন্তু নিতাই কাকার শালী, যে মরে ভূত হয়ে গেছে, তার জন্তে এ কী কেলেকারি। নিজের স্বামী-পুত্রকে এইভাবে শাস্তি দিয়ে, সেই অদেখা অচেনা অপরাধীকে শাস্তি দেওয়াতে হবে ?

বাঁচবে তাতে মড়া ?

বাঁচবে না। শুধু নবকুমার আর তার ছেলের মৃত্যুতুল্য অপমান বয়ে বেড়াতে হবে। পাড়াসুদ্ধ সমস্ত লোক তা দেখলো সাহেব পুলিশ ঢুকলো তাদের বাড়িতে। সবাই জল্পনা-কল্পনা করবে না, হয়েছে কি ?

কে তাদের বোঝাতে যাবে ?

আর বোঝালেই বা কে বিশ্বাস করবে ? এরপর হয় এ পাড়ার বাস ওঠাতে হবে, নয় দু'গালে। চুনকালি মেখে আর কানে তুলো দিয়ে পথে বেরোতে হবে।...পিসী যা বলছে, তাই হয়তো সত্যি। মাথার মধ্যে কোনো গোলমালই আছে।

আশ্চর্য !

এত বুদ্ধি, এত বিদ্যে, এত কর্মদক্ষতা, তার মাঝখানে এ একটা বিটকেল বুদ্ধি ?

ছেলেবেলাকার মাকে মনে পড়ে।

কত উজ্জল, কত আনন্দময় সেই স্মৃতি ! অন্তত ছেলের কাছে সত্যর সেই উজ্জল আনন্দময়ী মূর্তিটাই ছিল।

নবকুমারের আড়ালে চুপি চুপি ছেলের সঙ্গে কত জল্পনা-কল্পনা ! ভবিষ্যতের ছবি একে কত রঙের তুলি বুলোনো ! দুই ছেলে সত্যবতীর দুই দিকপাল হবে, দেশ থেকে যত অগ্নায় অনাচার কুসংস্কার আর কু-প্রথা দূর করবার চেষ্টায় লাগবে একজন, আর একজন দেশ স্বাধীন করবার কাজে আত্মনিবেদন করবে।

তবে সকলের আগে বিচারজন।

“বিদ্বান না হলে কোনো কাজেই লাগতে পারবি না তুড়ু, কেউ তোকে পুঁছবে না। আর তা ছাড়া ভালমন্দ-বোধই বা আসবে কোথা থেকে ? তোরা জজ হবি, ম্যাজিস্ট্রেট হবি, নয়তো ডাক্তার আর মাস্টার হবি। এমন গুণ দেখাবি, লোকে বলবে, হ্যাঁ ছেলের মাহুঘ করেছে বটে !”

শিশু-মনে এই চাকচিক্যের ছবি কি মনোরম প্রভাবই বিস্তার করতো ! কিন্তু বড় হয়ে ক্রমশঃই দেখেছে মায়ের ভিতরের সেই গুঞ্জল্য যেন আগুন হয়ে উঠেছে !

দেড়-দু'বছর বারুইপুরে থেকে এসে আরো যেন বদলে গেছে মা । এই মায়ের জন্মে ভালবাসার থেকে ভয় আসে বেশী ।

ছোট ছেলেটা অবশ্য অনেকটাই মায়ের ভাবে অক্ষুপ্রাণিত । কিন্তু এই সব চৌচামেচি অশান্তিকে সে বড় ঘৃণা করে ।...সমাজের বিকৃতির বিরুদ্ধে লড়তে লড়তে মানুষ নিজে যেন বিকৃত না হয়ে যায়, সেটাও তো দেখতে হবে ।

নিতাইকাকার শালীর মৃত্যুর জন্মে মা যা করে বসলেন, তার মধ্যে সাহসের পরিচয় আছে সত্যি, কিন্তু একটু যেন দুঃসাহসই । অন্ততঃ ছেলেদের সঙ্গে তো পরামর্শ করে কাজটা করতে পারতেন । তাছাড়া সাহেবদের যদি তাড়াতেই চাই আমরা, অস্থিবেয় পড়ে ওদের সাহায্য চাইতে যাব কেন ? মার যদি সহজ অবস্থা থাকতো কথাটা জিজ্ঞেস করতো সে । কিন্তু মা এখন ক্ষেপে আছে ।

কিন্তু সত্যর ছেলেরা যা ভাবছে তা নয় । সত্য এখন আর ক্ষেপে নেই । সত্য স্তব্ধ হয়ে আছে । আর সত্য এখানকার সমস্ত কিছু বিশ্বৃত হয়ে শুধু ভাবছে, সত্যর ছেলেরাও সাহেব দেখে ভয় পেয়ে পিছনে থাকলো, এগিয়ে গিয়ে কথা বলল না, মায়ের বক্তব্যটা বুঝিয়ে এবং গুছিয়ে বলবার জন্মে মায়ের পাশে এসে দাঁড়াল না ।—যে ছেলেদের কলেজে পড়ানোর জন্মে জীবন পণ করেছিল সত্য, যে ছেলেদের উপরই জীবনের সমস্ত আশা রেখে এসেছে সত্য !

হয়তো সত্যর আশাটা একটু বড় ।

সত্য ছেলেদের ডিগ্রীটাই দেখেছে, বয়েসটা দেখেছে না । এই ব্যাপারটা ওদের বিচলিত করার পক্ষে যথেষ্ট তা বুঝেছে না ।

কিন্তু সত্যিই বুঝেছে না সত্য ?

সত্য ভেবে পাথর হয়ে যাচ্ছে, সরল কি বলে মাস্টার মশাইকে ডেকে নিয়ে এল ?

এতটুকু লজ্জা করল না ?

ওরা কী না জানে ?

দেখে নি মাস্টার মশাইকে কী অপমানিত হয়ে চলে যেতে হয়েছে এ বাড়ি থেকে ?

হঠাৎ বিপদে পড়ে গিয়ে তাঁকেই ডেকে আনার মত প্রস্তাব নবকুমারের পক্ষে সম্ভব হতে পারে, কিন্তু সত্যের গর্ভের সম্ভান স্বচ্ছন্দে সেই নির্লজ্জ কাজটা করতে পারলো কি করে ?

সত্যর মাথাটা ধুলোয় লুটিয়ে দিল সত্যর ছেলে। আর কার কাছে ?  
যেখানে সব চেয়ে সন্ত্রম ছিল সত্যর।

সত্য তবে এখন কী করবে ?

কাকে জিজ্ঞেস করবে, সারাজীবন আমি যে পথ চলে এলাম, সে পথ কি ভুল পথ ?

রান্নার কাজ শেষ হয়ে গিয়েছিল। তবু চুপ করে বসেছিল সত্য রান্নাঘরে। ডেকে খেতে দেবার উৎসাহ পাচ্ছে না।

সহু চলে গেছে, কাজেই তাকেও ডেকে খেতে দিতে বলতে পারছে না। অনেকক্ষণ পরে সুবর্ণ খেলা ফেলে ছুটে এল। বলল, “আজ বুঝি খাওয়াদাওয়া নেই? শুধু বসে বসে ‘চিন্তা’ করলেই চলবে?”

এত কথা শেখার বয়সটা নয়, তবু সারাক্ষণ ঠাকুমা এলোকেশীর সঙ্গে থেকে থেকে কথার ওস্তাদ হয়ে উঠেছে, কথা বললে বোক কার সাধি ছ-সাত বছরের মেয়ে!

অবশ্য কেবলমাত্র এলোকেশীর দোষ দেওয়াও অধর্ম। পাকা কথা, প্রচুর কথা এ তো সুবর্ণর ঐতিহ্য, অল্পক্রম!

সত্য কি ভুলে গেল সে কথা ?

তাই সত্য মেয়ের দিকে জলন্ত দৃষ্টিতে তাকিয়ে তীব্রস্বরে বলল, “কের পাকা কথা?”

সুবর্ণ মায়ের মূর্তিতে ভয় পেল। তাড়াতাড়ি বলে উঠল, “খিদে পায় না বুঝি?”

সত্যর জ্বলন্ত দৃষ্টি ঈষৎ কোমল হয়ে এল। বলল, “দ্বিচ্ছি ভাত, বাবার দাদাদের ঠাই করে দাও গো।”

হ্যাঁ, ঠাই করা কি এক ঘটি জল দেওয়া, এ সুবর্ণ শিখেছে। আরো কাজ শিখেছে, বিছানা পাতা বিছানা তোলা, তাও টেনে টেনে পারে। পারে মায়ের সঙ্গে বসে শাক বেছে দিতে।

কাছে বসিয়ে কাজ শেখাতে শেখাতে বইয়ের পৃষ্ঠাও শেখায় সত্য মেয়েকে ।  
মুখে মুখে বানান শেখায় ।

ঠাই করতে চলে গেল স্বর্ণ ।

আর ওর পথের দিকে তাকিয়ে তাকিয়ে ভাবতে লাগল সত্য, এবার কি  
তবে শেষবারের মত এই মেয়েটার উপরই সব আশা রাখবে সত্য ? সুহাসের মত  
হবে স্বর্ণ ?

সুহাসকে সত্য গড়লো, ভোগ করতে পেল না ।

অবিশি মেয়েসন্তান ভোগ্যবস্তু নয়, তবু সুহাসের যদি এমন অদ্ভুত অঘটনের  
জীবন না হত, এমন করে তো চিরদিনের মত সব সম্পর্ক ছিন্ন করে ফেলাতে হত  
না সত্যকে । সত্য তো তাকে দেখতে পেত ।

নব নব রূপে বিকশিত হত সে সত্যর চোখের উপর ।...এ আর সত্যর দেখার  
উপায় রইল না কেমন সংসার করেছে সুহাস !

স্বর্ণ সত্যর চোখের সামনে বিকশিত হবে ।

ছেলেরা শেষ অবধি বংশের ধারায় কাপুরুষই হবে । হবে স্ত্রী-বশ ।...যেমন  
ছিলেন ঠাকুর্দা নীলাধর, যেমন নবকুমার ।

নীলাধর অসৎচরিত্র, তবু স্ত্রীর ভয়ে কাঁটা । নবকুমারের তো কথাই  
নেই ।

কিস্ত ?

সত্য আজ নিজেকে বিশ্লেষণ করে দেখছে...সত্য কি নবকুমারের এই  
দশতাব পরিবর্তে উর্দেটাটা হলে সুখী হত ?...অনেকবার মনের কোণে কোণে  
আলো ফেলে ফেলে দেখেছে সত্য, হত সুখী ? সত্যর স্বামী যদি সত্যর যুক্তি  
খণ্ডন করে স্বমতে প্রতিষ্ঠিত থেকে বিপরীত ভাবে নিজেকে চালাতে পারতো,  
তাতেও সত্য সুখী হত ?

নবকুমার তা নয় ।

নবকুমার ফী কথায় তাল ঠুকে স্ত্রীর কথার প্রতিবাদ করে । কিস্ত ওই  
পর্যন্তই । নিজের কোনো মত খাড়া করতে পারে না । শেষ পর্যন্ত সত্যই  
জয়ী !

কিস্ত কেবলমাত্র জয়ী হয়েই কি সুখ ? পরাজয়েও কি সুখ নেই ? যে  
পরাজয় স্বেচ্ছায় স্বীকার করে নেওয়া যায়, তেমন পরাজয়ের স্বাদ জীবনে কখনো  
পেল না সত্য ।

তবে স্বর্ণই উঁচু হোক, মস্ত হোক। তাই ভাল, মেয়ের কাছে ছোট হবে সত্য। যেন অবাঁক হয়ে বলতে পারে, “বাবা কত বুদ্ধি তোঁর! এত কথা, এত তত্ত্ব, এত তথ্য শিখলি কি করে?”...যেন বলতে পারে, “স্বর্ণ, তুই আমার মুখ রেখেছিল!”

বাপ-ভাইকে গিয়ে যখন জানালো স্বর্ণ, ভাত বাড়ি হয়েছে, তারা যেন হাতে চাঁদ পেল। যাক, তা হলে সংসারটা আবার ছন্দে এলো। ওরা তো বসে বসে ভাবছিল আজ আর সত্য রান্নাবান্না করে নি।

এই “মূল কেন্দ্রে” বিশৃঙ্খলা ঘটলেই বড় মুশকিল।

ওরা কুতর্ভী হয়ে নিঃশব্দে এসে খেতে বসলো।

নবকুমার যে সাহেবের উপস্থিতির সময় মনে করেছিল, ওরা একবার চলে যাক, সে একবার হেস্তনেস্তটা দেখে নেবে, সে কথা আর মনে পড়ে না। তখন নিজের গালে নিজে চড়ানোর পরই সমস্ত সাহস উপে গেছে তার। এখন অবিরত সহুর কথাটাই মনে পড়ছে।

“মাখাটাই খারাপ বোঁয়ের।”

খারাপ।

নচং আচরণ এমন উশ্টোপাণ্টা হয়? যাক তার মধ্যে যেটুকু সোজা করে তাই মঙ্গল। খেতে বসতে পেয়ে ধগ্গ হল বাপ-ছেলেয়।

স্বর্ণ পাকা গিল্লীর মত বলতে লাগলো, “আর দুটি ভাত নাও না বাবা?”

তা নবকুমার আবার এখন সত্যর মন রাখতে ভাতও দুটি নিল চেয়ে। তারপর যখন ধাওয়া হয়ে গেছে, তখন সত্য এসে তার সংকল্প ঘোষণা করলো।

সহজ গলায় বললো।

বললো, “অস্থিটা হয়ে অবধি শরীরটা মোটে ভাল থাকছে না. তাই ভাবছি কানীতে বাবার কাছে গিয়ে কিছুদিন থাকবো। পশ্চিমের হাওয়ায় স্বাস্থ্য-শরীরটা একটু ভালো হতে পারে।”

নবকুমারের মনে হল, সত্য যেন হঠাৎ তাকে বর দিতে এলো।

বোধ করি মনের মধ্যে এই ধরনের একটা স্বপ্নই বাজছিল। কিছুদিন কোথাও ঘুরে আনুক সত্য। তা হলে সেও সারবে, নবকুমারও বাঁচবে।



কিন্তু এক কথায় কি করে বলা যায়—হ্যাঁ আচ্ছা, তাই যাও ।

তাই আস্তে আস্তে, ভয়ে ভয়ে বলে, “কাশীতে ? বাবার কাছে ? তাই কি সম্ভব ? তিনি একা মাছুষ, তাঁর কাছে গিয়ে কি করে থাকবে ?”

সত্য সংক্ষেপে বলে, “সে যা হয় হবে । সাধন, তুই আমায় পৌঁছে দিতে পারবি না ?”

সাধনকেই প্রশ্ন করেছিল সত্য, বড় ছেলে বলেই করেছিল । কিন্তু সাধন এ প্রশ্নের উত্তর দিতে অকূলপাথারে পড়লো । একা সে নিজের দায়িত্বে মাকে নিয়ে কাশী যাবে, এ হেন প্রস্তাবটাই যেন তার কাছে মার আর এক পাগলামি বলে মনে হল ।

ছেলের এই বিপন্ন মুখের দিকে তাকিয়ে সত্যর মুখে হঠাৎ স্বপ্ন একটি হাসির রেখা ফুটে উঠল, আর তেমনই স্বপ্নভাবে সে বলল, “পারবি না বলেই মনে হচ্ছে, তবে থাক ।”

অল্প সময় হলে এই নিয়ে হয়তো ছেলেকে তীব্র তিরস্কার করত সত্য, কিন্তু আজ আর করল না । ওইটুকু বলেই—হাতের কাজ সারতে লাগলো ।

নবকুমারের চোখে ওই স্বপ্ন হাসিটুকু ধরা পড়ার কথা নয়, কিন্তু কেন কে জানে পড়লো । আর কেন কে জানে সে এতে একটা অপমানের জ্বালা অনুভব করলো । আর সেই অনুভূতির ফলেই ফট্ করে বলে বসলো, “কেন সাধনই বা কেন, আমি পারি না ?”

“আমি নিয়ে যাবো,” এ কথা বললো না অবশ্য, বললো, “আমি পারি না ?” সত্য এবার ওদের অবাধ করে দিয়ে ভাল গলাতেই হেসে উঠল । হেসে বলল, “কী আশ্চর্য, ‘পারবে না’ এ কথা কখন বললাম ? তবে ওরা বড় হয়েছে, ওদের মায়ের ভার কিছু কিছু নেবে, এইটাই তো আশা ।”

“বড় হয়েছে, ভারী লায়েক হয়েছে !” বলে কথায় যবনিকাপাত করে অল্প এক মতলব ভাঁজতে থাকে নবকুমার ।

তবে আর একটা ঝড়ের আশঙ্কা করে । কিন্তু ঝড় ওঠে না । নবকুমার আশ্বস্ত হয়, আবার আশ্চর্যও হয় ।

সত্য কি হঠাৎ বদলে গেল ?

বড় উঠল অগ্নত্র ।

উঠল পরদিন।

স্কুল থেকে ফিরে বইখাতা নামিয়ে স্ববর্ণ ছুটে এসে হঠাৎ দু হাতে মাকে জড়িয়ে ধরে বলে ওঠে, “মা মা, আমার একটা দিদি আছে?”

স্ববর্ণর প্রশ্নের উত্তর দেওয়ার আগে সত্য গালে হাত দিয়ে বলে, “ওমা, এই আমি কাচা কাপড়টা পরলাম, আর তুই ইস্কুলের জামায় ছুঁয়ে দিলি?”

“যাগ গে, হোক গে—”, স্ববর্ণ মায়ের হাতে হাতঘষতে ঘষতে বলে, “ইস্কুল কি কিছু খারাপ জায়গা?”

কাপড়ের কাচাঘ ঘখন ঘুচেইছে, তখন আর কি করা! সত্য সন্নেহে মেয়েকে কাছে টেনে বলে, “হুর্গা হুর্গা! তাই কি বলেছি? তবে বাইরেব জামাকাপড়ে কত ধুলো-নোংরাও তো লাগে! সে যাক, দিদির কথা কি বললি?”

“সেই তো বলছি—”, স্ববর্ণ মহোৎসাহে বলে, “আমাদের ইস্কুলে একজন নতুন মাস্টারনী এসেছেন, তিনি আমার দিদি হন।”

“আঃ স্ববর্ণ! আবার ওই রকম বিচ্ছিরি করে বলছিস? কতদিন বলেছি মাস্টারনী বলবি না!”

“বাবা তো বলেন।”

গৌভরে বলে স্ববর্ণ।

“বলুন!” সত্য দৃঢ়স্বরে বলে, “ছেলেমানুষদের ওসব বলতে নেই। তোমবা কি ওঁদের মাস্টারনী বলে ডাকো?”

“ব্যাং, আমরা তো দিদি বলি! একজন নতুন দিদি এসেছেন, তিনি বললেন, তিনি আমার দিদি হন।”

সত্য অবাক হয়ে বলে, “কে রে? নাম কি?”

“নাম? নাম হচ্ছে—নাম হচ্ছে—নাম হচ্ছে সুহাস দত্ত। উনির বিয়ে হয়েছে, কিন্তু সিঁখেয় সিঁছুর নেই। একটা মেয়ে বললো, বেক্স তো, বেক্সদের সিঁছুর থাকে না—”

মেল ফ্রেন চালিয়ে যায় স্ববর্ণ।...হয়তো আরোই যেত: সত্য খামায়। রক্তিম মুখে বলে, “সুহাস দত্ত? তুই ঠিক শুনেছিস?”

“এই দেখ মা'র কাণ্ড! শুনবো না? সবাই বলছে। কী সুন্দর দেখতে! আমায় বললেন, ‘জানো আমি তোমার দিদি হই’?”

সত্য ঝঙ্ককণ্ঠে বলে, “তা তুই কি উত্তর দিলি?”

“আমি? আমি বললাম, দিদি হন তো আমাদের বাড়ি যান না কেন? তা উনি বললেন, সময় পান না। সত্যি মা? তোমার নিজের মেয়ে?— আমার মায়ের পেটের বোন?”

সত্য বিচলিত গলায় বলে, “কী বকিস বাজে? অত বড় মেয়ে আমার হতে পারে? ও আমার সম্পর্কে মেয়ে।”

“তবে যে উনি বললেন, ‘তোমার মা আমার মা’!”

“বলেছে, এই কথা বলেছে? সত্য হঠাৎ কেমন উচ্ছ্বসিত হয়ে বলে, “তাতে তুই কী বললি?”

“বললাম, আচ্ছা আজ মাকে শুধাবো—”

“দূর বোকা, ওকথা বলতে নেই। বলতে হয়—”

কিন্তু কী বলতে হয়?

সত্য নিজেই কি জানে এক্ষেত্রে কি বলতে হয়। তবু সত্য বলে, “বলতে হয়, তবে চনুন আমাদের বাড়ি। ভারি বোকা তুই!”

স্ববর্ণ লজ্জা পেয়ে বলে, “তাই বলবোই তো ভাবলাম। কিন্তু ভয় হল তোমাকে। তুমি পাছে রাগ করো।”

সত্য হঠাৎ মেয়ের হাতটা ধরে আরো কাছে টেনে কেমন একরকম হতাশ গলায় বলে, “ভয় হল? আমাকে তোমার ভয় হল? আমি কেবল রাগই করি?”

স্ববর্ণ মায়ের এই স্বর-বৈচিত্র্যে বিশেষ বিচলিত হয় না, স্বযোগ পেয়ে যাওয়ার ভঙ্গীতে অবলীলায় বলে ওঠে, “তা ভয় হয় না? ভয়ে তো কাঁটা হয়ে থাকি। বাবা একতক সবাই। তোমার মুখের পানে চাইতে প্রাণ উড়ে যায়। আবার বলা হচ্ছে, ‘আমি কেবল রাগই করি?’ রাতদিন রাগের ঠাকুর হয়েই তো আছি!”

রাগের ঠাকুর!

মেয়ের এই মনোহর নামকরণের ভঙ্গিমায়ে কি হেসে উঠল সত্য? বলে উঠল কি, “আর তুই হচ্ছিস কথার ঠাকুর!”

না, তা বলল না সত্য।

সত্য হঠাৎ স্তব্ধ হয়ে গেল।

সত্য এই অবোধ শিশুর অবাধ উজির মধ্যে যেন নিজের বহিমূর্তিটা দেখতে পেল।

ঠাকুর !

তা ঠাকুরই যদি হয় তো গাছতলায় পড়ে থাকা রুক্মিণী দীর্ঘ রৌদ্রের তাপে ঝলসানো এক শ্রীহীন শোভাহীন ভয়ঙ্করী ঠাকুর !

স্বামী-সন্তানের কাছে অভাব এই পরিচয় সত্য? ...প্রীতিকর নয়, ভীতিকর !

এলোকেশীর সঙ্গে তকাংটা কোথায় সত্য ?

নিজেকে এই পর্যায়ে তুলেছে সত্য ? স্নেহহীন সরসতাহীন পাতা-ঝরা গাছের মত ? হঠাৎ কি যে হল, ভিতরটা মোচড় দিয়ে ছ ছ করে একরাশ জল উপচে পড়ল সত্য? জোড়া ভুকর নীচে বড় বড় গভীর কালো চোখ দুটির কোল বেয়ে ।

স্বর্ণ অপ্রতিভ হয়ে গিয়ে তাকিয়ে থাকে সেইদিকে । সন্দেহ থাকে না তার, মা'র সেই বড় মেয়ের জন্তে মন-কেমন করছে !

মুহূর্তেই অবশ্য নিজেকে সামলে নেয় সত্য । কান্নাঝরা মুখে হাসির রেখা ফুটিয়ে বলে, “ওই স্নহাস দত্ত কেমন পড়ায় রে ?”

স্বর্ণ লাজুক-লাজুক মুখে বলে, “আমাদের তো পড়ান না, উঁচু কেলোসের মেয়েদের পড়ান ।”

উঁচু কেলোসের মেয়েদের পড়ায় স্নহাস !

বিধবা শঙ্করীর অবৈধ সন্তান স্নহাস এত উঁচুতে তুলতে পেরেছে নিজেকে ! কিসের জোর ? শিক্ষা, সাহস ? শঙ্করীর নিজের এ জোর থাকলে গলায় দড়ি দিয়ে মরতে হত না তাকে ।

সত্য কি নিজের সহিষ্ণুতা অসহিষ্ণুতাকে একটা সমস্তা করে তুলে তার মেয়ের এই উন্নতির পথকে কণ্টকিত করে তুলবে ? এই কচি মেয়েটাকে নিভাস্তাই বাপ-ভাইয়ের কাছে কেলে রেখে দিয়ে সত্য নিজে কাশীঘাটা করবে মন-বদলাতে ? মনের স্বাস্থ্য ফেরাতে ?

সে বদল কি এখানে থেকে একেবারেই অসম্ভব ? মনের ওপর কি সেটুকু হাত নেই সত্য? ইচ্ছে করলে কি সত্য আবার সেই অনেক দিনের আগের সত্যের মূর্তিতে কিরে যেতে পারে না ? যে সত্য হাসতে জানে, কৌতুহল করতে জানে, নতুন নতুন রান্না করে আর খাবার করে স্বামী-পুত্রকে খাওয়াতে জানে ! সত্য এই কিছুদিন আগেও মেয়েকে কত স্তব স্তোত্র পণ্ড মুখস্থ করিয়েছে, তার পড়া ধরেছে ।

কতকাল সংসারের দিকে ভাল করে তাকিয়ে দেখে নি সত্য। এই ছোট্ট সংসারের গণ্ডিটুকুর বাইরে চোখ ফেলতে গিয়ে চোখে তো শুধু জ্বালাই ধরেছে তার। সত্যর ছোট ছেলের কথাই কি তবে ঠিক? সে যে বলে, “জগতে যেমন কোটি কোটি মানুষ, তেমনি কোটি কোটি অন্ডায়, সব দিকে তাকাতে গেলে যে চোখে ধাঁধা শলেগে যাবে তোমার মা। নিজে তুমি কোনো অন্ডায় করছ কিনা সেটুকু দেখ ভাল করে”।

সেটা তা হলে ঠিকই বলে?

নবকুমার যে সত্যর আদর্শের অন্ডায়ী নয়, সে সত্যর ভাগ্য। আর হয়তো সেটা আশা করাও ভুল। নিজের গর্ভজাত সন্তান, নিজের হাতেগড়া পুতুল, তাই বা নিজের আদর্শ অন্ডায়ী হয় কই? বড় ছেলেটা তো ঠিক তার বাপের ধারাতেই চলে যাচ্ছে।

সত্যর জীবন যদি এমন ছাঁচেচালা সাধারণ না হয়ে খুব উল্টো-পাল্টা অদ্ভুত কিছু হত! স্বহাসের মত, শঙ্করার—দুর্গা দুর্গা বলে শিউরে উঠল সত্য।

আর তার চোখের সামনে হঠাৎ ভুবনেশ্বরীর মুখটা ভেসে উঠল। ঘোমটায় ঘেরা কপালে বড় করে সিঁদুরের টিপ আঁকা—ভীরু নরম মুখ।

ভুবনেশ্বরী কোনোদিন জগতের কোথায় কি অন্ডায় ঘটছে তা নিয়ে মাথা ঘামাতে যায় নি, তাল ঠুঁকে লড়তে যায় নি। ভুবনেশ্বরী সবাইকে ভয় করেছে, সবাইকে ভালবেসেছে।

মায়ের মুখটা মনে পড়তেই হঠাৎ বাবার ওপর একটা ক্ষুব্ধ অভিমানের জ্বালা অনুভব করল সত্য। যেন মায়ের ওই অকালমৃত্যুর সঙ্গে বাবার কোনো অবিচার জড়িত আছে। সাহস করে একটা দিন একটা কথা বলতে পায় নি ভুবনেশ্বরী স্বামীর মুখের ওপর।

নিতান্ত আক্ষেপের সঙ্গে মনে এল সত্যর, ভুবনেশ্বরীর মেয়ে তার শোধ তুলেছে।

সত্য কি তবে জীবনকে নতুন মোড়ে বাঁক নেওয়াবে? সত্য শুধু তার সংসার-জীবনে উজ্জ্বল হয়ে জ্বলেবে? সত্য স্বপ্নী হবার চেষ্টা করবে?

মেয়েটাকে নিতান্ত কাছে টেনে নিয়ে সত্য তার মাথার ওপর মুখ রেখে বলে, “আমি কাশী চলে গেলে তুমি কাঁদবি স্বপ্ন?”

“তুমি চলে গেলে?”

স্বর্ণ মার স্নেহস্পর্শ থেকে ঠিকরে উঠে বলে, “আমি যাবো না বুঝি ?”

“তুই ?” সত্য হতবুদ্ধি।

“তুই যাবি কি ? তুই কি করে যাবি ?”

“যে করে তুমি যাবে। আমি যাবো না তো কে যাবে ?”

“দেখ মুশকিল ! আমার সঙ্গে তোমার তুলনা ? আমার ইঙ্কুল আছে ? সেই ইঙ্কুল কামাই করে যাচ্ছি আমি ?”

স্বর্ণ গৌ-ভরে বলে, “কামাই করলে কী হয় ? বাবা তো বলে, ছোট মেয়েরা ঢের কামাই করে—”

“বলেন বুঝি ? ভাল ! কিন্তু তোমার বপেয় মত কামাই করাকে ভাল বলি না। ইঙ্কুল কামাই করা চলবে না।”

স্বর্ণ দৃষ্ট স্বরে বলে, “দেখো চলে কিনা ! আমায় ফেলে রেখে চলে গেলে কী করি আমি দেখো !”

সত্য আর রাগ করবে না।

সত্য হেসে ফেলে বলে, “চলে গেলে আর দেখবো কি করে ? তার থেকে বরং যাওয়া বন্ধ দিয়ে তুই কি করিস তাই দেখি বসে বসে !”

“ওমা ওমা মাগো—,” স্বর্ণ মাকে দু হাতে জড়িয়ে ধরে কাঁধে মুখ ঘষতে ঘষতে বলে, “তুমি কী লক্ষ্মী !”

ঠিক এই মিলন-মুহূর্তে নবকুমার এসে দাঁড়ায়, পিছনে এক দীর্ঘাকৃতি উত্তর-ভারতীয়। সাজসজ্জা দেখে চিনতে ভুল হয় না, পাণ্ডাজাতীয়।

এই।

এই নবকুমারের ভেঁজে নেওয়া মতলব। কদিন আগে শুনেছিল তার অকিসের এক ভ্রমশোকের মা পিসি ইত্যাদি জনা যোলো মহিলা দল বেঁধে গয়া কাশী মথুরা বৃন্দাবন যাচ্ছেন, পথ-সঙ্গী এই পাণ্ডাঠাকুর। তাই এঁকে নিয়ে এসেছে।

সত্যবতী মাথায় ঘোমটা টেনে গলায় আঁচলটা জড়িয়ে দূর থেকে একটি প্রণাম করে। আর নবকুমার উদাত্ত গলায় বলে, “এই যে এঁকে নিয়ে এলাম। কাশীর বিখ্যাত মানুষ ইনি—শ্রীরামেশ্বর পাণ্ডা। আমার এক বন্ধুর মা যাচ্ছেন এঁর সঙ্গে, তাই বলতে বলেছিলাম দয়া করে যদি তোমাকেও সঙ্গে নেন। তারপর তোমার বাবার ঠিকানায় ছেড়ে দেবেন তোমাকে। ইনি তাতে রাজী হয়েছেন। সামনের পূর্ণিমায় যাত্রা—”

সত্যর মাথার ঘোমটা নড়ে না, কিন্তু সত্যর গলা স্পষ্ট হয়ে ওঠে, “বুধা পাণ্ডাজীকে কষ্ট দিলে, আমি এখন আর যাচ্ছি না।”

“এখন আর যাচ্ছ না?”

“না।”

নবকুমার ঈষৎ উষ্ণস্বরে বলে, “তা আবার যখন হঠাৎ যাবার বাসনা চাপবে, তখন এঁকে পাচ্ছে কোথায়?”

“না, ঠুঁকে আর কোথায় পাবো!” সত্য মৃদু স্বরে বলে, “তুমিই নয় কষ্ট করবে তখন।”

“ওঃ, চালাকি! তা সেটা আগে বললেই হত। এভাবে দাষ্টামো করতাম না...পাণ্ডাজী আপনাকে মিছে কষ্ট দিলাম, ইনি যাবেন না।”

পাণ্ডাজী অবশ্য এই সামান্য বাধায় চট করে টলেন না, কাশীধামের মহিমা সম্পর্কে অবহিত করিয়ে দেবার জন্তে বহুবিধ বাক্যব্যয় করেন। কিন্তু সত্য বিনীত উত্তর দেয়, “বাবা টানেন নি বুঝতেই পারছি। যখন টানবেন তখন না গিয়ে উপায় থাকবে না।”

নবকুমার ক্রুদ্ধ প্রশ্ন করে, “হঠাৎ মত বদলাবার হেতু?”

সত্য এবারও বিনীত উত্তর দেয়, “স্ববর্ণটা হয়তো ছাড়বে না, সঙ্গে যেতে চাইবে, তাতে অনেক ইঞ্চুল কামাই হবে।”

নবকুমার তো চিরদিনই বিরহে কাতর, তবে হঠাৎ উল্টো স্বরে গান ধরে কেন? সত্য কাশী যাবে না শুনেই তো হাঁক ছেড়ে বাঁচবার কথা তার, তবে চটে ওঠে কেন?

তা নবকুমারেরও “মন” বলে একটা বস্তু আছে বৈকি, আর সে মনের জ্বলও আছে। সত্য কিছুদিন কাশী ঘুরে আসতে যাচ্ছে এই ঘটনাটাকে সে মনের মধ্যে বেশ একটু খাপ খাইয়ে নিয়ে বিরহকালীন অবস্থাটা ছকে নিয়েছিল, তার মধ্যে প্রধান কাজ ছিল মাকে কিছুদিনের জন্ম কলকাতায় এনে রাখা!

মনের মধ্যে কোথায় যেন একটু অপরাধ বোধের কাঁটা বিঁধে আছে নবকুমারের, বাপ-মারা গিয়ে পর্যন্ত। মা আসতে চান নি সত্যি, কিন্তু একবারের জন্তেও অন্ততঃ মাকে মহাতীর্থ কালীঘাট দর্শন করানো কর্তব্য ছিল বৈকি। যে কলকাতায় এতগুলো বছর কেটে গেল নবকুমারের, সেখানে একবারও তার মা এল না!

আগে এ চিন্তাটা এত প্রবল ছিল না, হয়েছে কিছুদিন আগে অফিসের এক বন্ধুর ধিক্কারে।

বন্ধু শুনে অবাক হয়ে গেছে, নবকুমারের মা কখনো কলকাতায় তার বাসায় আসেন নি শুনে। নবকুমারকে “স্ট্রেশন” বলে ধিক্কার দিয়েছে বন্ধু। সেই অবধি ওই চিন্তাটা পাক খাচ্ছিল তার মাথায়। আর এ কথাও পাক খাচ্ছিল, মাকে এনে স্বাধীনভাবে রাখতে হবে। বোয়ের হাত-তোলায় নয়! তা ছাড়াও আছে কিছু কিছু মতলব।

যে সব আচর-আচরগণ্ডলো মোটেই দোষণীয় নয়, অথচ সত্যর চোখে দোষণীয়, সেরকম কিছু কিছু করে নেওয়ার ইচ্ছে ছিল। সত্য থেকে গেলে তাও হয় না তাহলে। যেমন গড়গড়া খাওয়া। জগৎ ব্রহ্মাণ্ডের সবাই গড়গড়া খায়, শুধু সত্যর বরের খাওয়া চলবে না। এ কী জুলুম!

সত্যর অসাক্ষাতে অভ্যাসটা পাকা করে ফেলে যদি বলা যায় কবরেজে বলেছিল খেতে, আর এখন না খেলে পেটের মধ্যে গণ্ডগোল শুরু হয়, তা হলে ওটা কায়ম হয়ে যায়। নবকুমারের একান্ত বাসনার একান্ত কামনার ওই নেশাটি।

আরও একটা আছে।

পয়সার বাজী ধরে তাস খেলা।

তাকিয়া ঠেসান দিয়ে শুধু ওই খেলা খেলে কত লোক কত বোজগার করে নিচ্ছে, অথচ নবকুমারের ওপর খাঁড়া উচিয়ে আছে সত্যর মাথার দিক্বি!

এত বাধা-বন্ধর মধ্যে থাকতে প্রাণ হাঁকিয়ে আসে।

আচ্ছা, সত্য যখন বারুইপুরে ছিল তখন তো নবকুমার নিরঙ্কুশ স্বাধীনতায় ছিল। তখন কেন এসব সাধ মেটায় নি?

তা সেটাও মনস্তত্ত্ব।

তখন নবকুমারের মনোভাবটা অল্প রকম ছিল। তখন সদাঃসর্বদা বিরহের যন্ত্রণাটাই প্রাণকে খাঁ খাঁ করে তুলত। সত্যর অনভিপ্রেত কিছু করার ইচ্ছে হত না।

কিন্তু এখন নবকুমারের মন পাণ্টেছে। সেই পুলিশের ঘটনা থেকেই পাণ্টেছে। নবকুমার দেখেছে সত্য যেন দিন দিন শুক কাঠ হয়ে যাচ্ছে।

এখন সে যেন দেখতে পাচ্ছে পুরুষ হয়েছে সে চিরদিন পরাধীন। সত্যর



ইচ্ছে-অনিচ্ছে, সত্যর রুচি-অরুচি, সত্যর ভ্রুকুটির ভয় নবকুমারকে যেন আষ্টেপৃষ্ঠে বেঁধে রেখেছে। কেন রে বাবা, কেউ তো এমন বন্ধন-দশাগ্রস্ত নয়!

ওই যে মুখুজ্যে মশাই।

কত তাঁর বায়নাঙ্কা, কী তাঁর মেজাজ! সত্ৰুদি বৃড়ো বয়সে ঘর করতে এসেও সব কিছুর ঠেলা সামলাচ্ছে, তোয়াজ করে চলেছে। মুখুজ্যে মশাইয়ের বাড়িতেই তো তাদের জমজমাটি আসর।

সত্ৰুদি ডাবর ডাবর পান সেজে সেই আড্ডায় যোগান দিচ্ছে।...কই রাগ তো করছে না? নবকুমার ওসব ভাবতে পারে? পারে না।

এখন নবকুমারের তাই মুক্তির বাসনা জাগছিল। সত্যর আড়ালে গুরুটা করে ফেলে দেখাবে বিদ্রোহ, সে গুড়ে বালি দিল সত্য।

তাও কারণটা কি?

না, স্ববর্ণর ইস্কুল কামাই হবে।

এর চাইতে গাত্রদাহকারী কথা আর কী আছে?

পাণ্ডা চলে যেতে আর একবার মেজাজটা প্রকাশ করল নবকুমার। বলল, “বন্ধুর কাছে মুখ থাকবে না তার। কারণটা শুনলে গায়ে ধুলো দেবে তার।”

সত্য হাসলো।

বললো, “ধুলো ঝেড়ে ফেলতে জানলে লেগে থাকে না।”

তারপর নবকুমার আসল কথায় এল।

“বলি মেয়েকে বিয়েবতী করে হবেটা কি? তোমার ওপর আরো ‘দশকাঠি বাড়’ হবে, এই তো? গাঁয়ের পাঠশালে পড়েই যদি মায়ের এই মেজাজ হয়ে থাকে, কলকাতা শহরে ফ্যাসানি ইস্কুলে পড়ে মেয়ের কী হবে সে তো দিব্যচক্ষে দেখতেই পাচ্ছি।”

সত্য তবুও হাসিমুখে বলল, “তোমার যে এমন একজোড়া দিব্যচক্ষু আছে তা তো জানতাম না। তা হ্যাঁগো, ওই চক্ষুতে আরো কি কি দেখতে পাচ্ছ বল তো? আচ্ছা আমি কবে মরব বল দিকি!”

“সব কথা তামাশা করে উড়িয়ে দিলেই হয় না।” বলে রাগ করে উঠে যায় নবকুমার।

সেই রাগ-রাগ ভাবটাই বজায় থাকে।

সত্য যখন প্রতিজ্ঞা করেছে আর সে 'রাগের ঠাকুর' থাকবে না, তখন সত্যর বর উণ্টো প্রতিজ্ঞা করে বসে।

এই রাগের পালা কতদিন চলত কে জানে, হঠাৎ একদিন অপ্রত্যাশিত এক ঘটনা ঘটলো। সন্ধ্যার সময় সত্বে এক ঘটকি নিয়ে এসে হাজির। নাচতে নাচতে বললেই হয়।

“ছেলেদের বিয়ে দিবি বোঁ?”

সত্বে আকাশ থেকে পড়ল না।

সত্বে প্রতিক্ষণ এই আক্রমণের আশঙ্কায় কাঁটা হয়েই আছে। কখন না জানি কথা ওঠে? তাই সাবধানে বলল, “পড়া-লেখাটা শেষ হলেই হবে ঠাকুরবি।”

সত্বে বিরক্ত কণ্ঠে বলে, “তোমার ছেলেদের লেখাপড়া যে কোনো কালে শেষ হবে বোঁ, এ বিশ্বাস তো রাখি নে। বিয়ের বয়স তো গড়িয়ে গেল ছেলেদের। বড়টা তিন-তিনটে পাস করে বেরোলো, হাঁপ ফেলতে না ফেলতে দিলি ওকালতি পড়তে। ছোটটাও তিনটে পাসের একজামিন দিচ্ছে, বেরোতে না ধেরোতে আবার কিসে ঢুকিয়ে দিবি তুই-ই জানিস! তা মাথার চুল পাকিয়ে ফেলে টোপের মাথায় দেবে নাকি ছেলেরা?”

সত্বে মৃদু হেসে বলে, “ঠাকুরবি বড় রেগেছ মনে হচ্ছে! কিন্তু ভেবে বল, একটা আয়-উপায়ের পথ না দেখে বিয়ে দেওয়াই কি শাস্য?”

সত্বে আকাশ থেকে পড়ে।

সত্বে খিঙ্কার দিয়ে বলে, “নবকুমারের ঘরে কি ভাতের এমনি অভাব যে ছেলে উপায়ী না হলে আর ছেলের বোঁ দুটো ভাত পাবে না?” বলে, “মা হয়ে এমন নির্লজ্জ কথা বললো কি করে সত্বে?” তার পর জোর করে বলে, “ওসব মেমিয়ানা ছাড় বোঁ, এই ঘটকি ঠাকুরন এসেছেন, মন দিয়ে শোন গুঁর কথা। দুটি মেয়েই গুঁর হাতে আছে, সৎ বংশ, দেবে-থোবে ভাল, মেয়েরা দেখতে সুন্দর, একসঙ্গে লাগিয়ে দে।...আর আমার মামীবুড়ীর কথাটাও ভাব। বুড়ীর জন্মের শোধ একটা সাধ মিটুক।”

নবকুমার আর ঘরের মধ্যে বসে থাকতে পারে না। বেরিয়ে আসে। এবং সঙ্গে সঙ্গে উদাত্তকণ্ঠে বলে, “পাগলের অহুমতি নিয়ে কাজ করতে গেলে তো জগতের সব কাজ-কারবারই বন্ধ থাকে সত্বে! তুমি ঘটকি ঠাকুরনকে বল, মেয়ের বিবরণ দিতে। মেয়ে আমরা দেখব।”

সত্যর প্রতিজ্ঞা, আর সে “রাগের ঠাকুর” থাকবে না। তাই হেসে মাথার কাপড়টা একটু টেনে গলাটা একটু খাটো করে বলে, “তা হলে তো হয়েই গেল ঠাকুরঝি। স্বয়ং বাড়ির কর্তা যখন ভার নিলেন।”

সহুর সামনে ছুজনে মুখোমুখি কথা বলা শোভা পায় না, অতএব সহুর মাধ্যম।

নবকুমার বলে, “হাসি-তামাশার কথা নয় সহুদি, ছেলের বিয়ে আমি শীঘ্রই দেব। বিয়ের বয়স হওয়া কি, বিয়ের বয়স গাড়িয়ে গেল। আর সহুদি জিজ্ঞেস কর তোমাদের বোঁকে, ছেলেরা\* যে বুড়ো হাতী হয়েও এখনো এক পয়সা ঘরে আনছে না সে কি ছেলেদের দোষ? ওদের গর্ভবারিণী দিয়েছে ওদের চাকরি করতে? আমি হতভাগা যতবার চাকরির সন্ধান এনে দিয়েছি, ততবারই অগ্রাহ্য করে ঠেলে দিয়েছে। তোমাদের বোঁয়ের ছেলেরা জঙ্গ ম্যাজিস্ট্রেট উকিল ব্যারিস্টার হবে গো!”

সহু আপসের স্বরে বলে, “তা হবে না কেন রে, নবু? ভাগ্যে থাকলে ঠিকই হবে। ও সব মাসুকের ছেলেরা হয় বৈ কিছু আর আকাশ থেকে পড়ে না তারা? কিন্তু তার জন্তে বিয়ের বাধা কি? আমি ঘটকি ঠাকরনকে বলছি তাহলে বোঁ!”

সত্য নির্লিপ্ত স্বরে বলে, “তোমার ওপর আর আমি কি কথা বলব ঠাকুরঝি?”

“আহা তুই মা, তুই বলবি না?”

সত্য মুখ তুলে বলে, “আমার কথাটাই যদি জিজ্ঞেস করছ ঠাকুরঝি, আমার ইচ্ছে ছিল পাসটা হয়ে গেলে—”

এবার ঘটকি ধনধনিয়ে ওঠে, “ওমা, তোমার বেটার বোঁ এসে কি বেটার বই কাগজ ছিঁড়ে দেবে? যেমন তেমন ঘর নিয়ে কাজ আমি করি না। এরা হল ঘাটালের মুখুজ্যেগুণ্ঠি। কত বড় বনেদী ঘর, চন্দর-স্বথিয়া এদের ঘরে বি-বোঁয়ের মুখ দেখতে পায় না। এ হচ্ছে জ্ঞেয়াতি বোন।”

চন্দর-স্বথিয়া মুখ দেখতে পায় না।

সত্য একটু হেসে ফেলে বলে, “ঠাকুরঝি, ঘটক ঠাকরনকে বল, ওঁদের মেয়েদের জন্তে আরও মস্ত বনেদী ঘরের পাত্তর পাবেন, আমরা ওঁদের যুগিয়া নই। চন্দর-স্বথিয়ার মুখ দেখেছে এমন মেয়েই আমার প্রার্থনা।”

ভাই-বোন দুজনে একসঙ্গে চমকে উঠে বলে, “তার মানে?”

“মান্নে তব্বে স্পষ্ট কৰেই বলি । একটু লেখাপড়া জানা মেয়ে আমার ইচ্ছে । ইঙ্কলে পড়ে এমন মেয়ের সন্ধান যদি থাকে,—”

“কী, কী বললে ?”

নবকুমার ঠিকরে উঠে বলে, “শুধু মেয়েকে বিছোবতী করে সাধ মিটছে না, আবার বৌ আনতে হবে তাই ? কেন ? বৌ এসে তোমার ছেলের পড়া বলে দেবে ?”

ঘটক ঠাকুরন একটু টেপা-হাসি হেসে বলেন, “আহা, সে তো দেবেই গো ! পরিবারের কাছে ‘পড়া মুখস্থ’ না করে আজকের বাজারে কোন্ পুঙ্খটা আর মানুষ উত্তরাচ্ছে ? একালে পরিবারই মাস্টার । সেই মাস্টারের শিক্ষেই শিরোধার্য । তবে আমার হাতে তেমন মাস্টার মেয়ের সন্ধান নেই । এ হল একেবারে নবাবী আমলের বনেদী বংশ । এদের শিক্ষে-দীক্ষেই আলাদা । তা হলে আর কি করা ! উঠি দিদি ।”

ঘটকির সঙ্গে সঙ্গে সত্বে বিদায় নেয় ।

কারণ যদিও একটা গলিপথ পার হওয়া নিয়ে কথা, তবু সন্ধ্যার পর একা যাওয়া চলে না । আবার তবে নবুকে কি ছেলেদের পৌঁছতে যেতে হয় ! থাক ।

ওরা চলে যেতে নবকুমার ফেটে পড়ে, “বাড়িটাকে কী বানাতে চাও তুমি ? বিছোর বিন্দাবন ? ছেলেদের এত বিছোয় হবে না, আবার বৌয়েরও চাই ?”

সত্য আস্তে বলে, “টেচামেচিতে কাজ কি ? ওরা ঘরে পড়া করছে, গলা তো তোমার দোতলা কোঠায় গিয়ে পৌঁছচ্ছে । তবে এই কথাটাই বলি— আমার মতামত ইচ্ছে-বাসনার কথা যদি শুধোও তো বলব—কানা অঙ্ক বৌ আমার ইচ্ছে নয় ।”

“কানা অঙ্ক !”

নবকুমার আকাশ থেকে পড়ে ।

সত্য দৃঢ়স্বরে উত্তর দেয়, “তা বৈ আর কি ! ক-অঙ্কর যে না চিনল সে অঙ্করই সামিল ! চোখ থাকতে অঙ্ক !”

সত্যর এই রায় দেওয়ার পর খুব একটা ঝড় ওঠে বাড়িতে । রাগের সঙ্গে হাসিরও । সত্যর ওই ‘অঙ্ক’ কথাটার ব্যাখ্যাটা সবাইকে ডেকে ডেকে

শোনায় নবকুমার, এবং নিতাই নিতাইয়ের বৌ, মুখ্যে মশাই, তাঁর জীইয়ে ওঠা ছোট গিল্লী, তার বড় মেয়ে, সবাই এই নতুন ব্যাখ্যার রসে মশগুল হয়ে হাসি-ভাষাশা করে।

শুধু সতুই হঠাৎ শুরু হয়ে যায়।

আর একসময় নিখাস ফেলে বলে, “কথাটা বৌ মিথ্যে বলে নি নবু, চোখ থাকতেই অন্ধ! এই তোর সজুদিরই যদি একখানা পত্নর লেখবার জ্ঞান থাকত, তা হলে হয়তো সারাজীবনটা তার বরবাদ হয়ে যেত না।”

অতঃপর সতুই আশ্বাস দেয়, কলকাতা শহরে ইস্কুল-পাঠশালায় পড়া মেয়ে পাওয়া অসম্ভব হবে না মনে হয়। বলে, “আমি অল্প ষটকি ধরছি।”

অর্থাৎ ভাইপোর বিবাহ-তরণীর হাল সে এবার ধরবেই। দেখছে কাণ্ডারী বিহনে নৌকা বানচাল।

তুদুর কানেও অবশ্য এ আশ্বাস ঢোকে। এবং অবশ্যই সে আসার স্বপ্ন দেখতে থাকে! কারণ তার সহপাঠীদের সকলেরই বিয়ে হয়ে গেছে, হু-একজন তো ছেলের বাপ হয়ে বসে আছে। তার বিয়ের কথা উঠছে না কেন, এ কথা সে ভেবেছে মাঝে মাঝে।

তবে খোকা একা অসমসাহসিক কথা বলে বসেছে। বলেছে অবশ্য পিসির কাছে। “দাদার হচ্ছে হোক, আমায় নিয়ে টানাটানি কোর না বাবা, আমি ওসবের মধ্যে নেই।”

“নেই? তুই তবে সন্নিসী হবি নাকি?” ঝঙ্কার দিয়ে বলেছিল সতু।

খোকা সহান্তে বলেছিল, “কী যে হবো তা জানি না। সাপও হতে পারি, ব্যাঙও হতে পারি, তবে গলায় গন্ধমাদন নিয়ে যে কিছুই হওয়া যায় না, এটা দেখে দেখে শিখেছি।”

“এত তুই দেখলি কোথায়? রাতদিন তো বই মুখে পড়ে থাকিস।”

“ওই ওর মধ্যে থেকেই সব দেখছি।”

সতু অবশ্য এ কথা গ্রাহ্য করে না—

সতু ভেবে নেয়, একসঙ্গে তাড়াহড়োর দরকার নেই, ছোটো তো মান্তর ছেলে। দুবারই ষটা হবে, দাদার বিয়েটি হোক, রাঙা টুকটুকে বৌ আহুক, দেখব কেমন সন্নিসী হবার সাধ বজায় থাকে।

অতএব সেই রাঙা টুকটুকের সাধনাই করতে থাকে সতু। তবে ছেলের

বয়েস গড়িয়ে গেছে, ষেটের তেইশ বছরেরটি হয়েছে, ও ছেলের যুগিা মেয়ে নিতে হলে কোন্ না বারো। অত বড় ধাড়ী-মেয়ে সোন্দর পাওয়া শক্ত। সোন্দর মেয়ে কি পড়ে থাকে? তবু চেষ্টা করতে থাকে সত্।

তা চেষ্টায় বাবের দুধ মেলে, সাধনায় ভগবান মেলে।

পাঁচটা দেখতে দেখতে তুড়ুর বোঁও মিলল।

বারো বছর বয়েস, দেখতে ভাল, আবার লিখতে-পড়তেও জানে, মেয়ের ইস্কুলে পড়েছে তিন-তিনটে বছর।

এরপর আর সত্য আপত্তি করবে কোন্ পথ দিয়ে?

না, সত্য আপত্তি করল না, সত্য তার বড় ছেলের মন বুঝেছে। কিন্তু আপত্তি এল অল্প দিক থেকে। আপত্তি করলেন এলোকেশী।

বড় ছেলের বিয়ে ভিটে থেকেই হওয়া উচিত, এ কথা সবাই জানে। সেই সব ব্যবস্থা করতে দিন দশেকের ছুটি নিয়ে নবকুমার দেশের বাড়িতে গেল। সঙ্গে নিয়ে গেল স্ববর্ণকে। স্ববর্ণই বায়না ধরলো, ওর গরমের ছুটি পড়েছে।

সত্যর ইচ্ছে হচ্ছিল না এতদিন মেয়েটা কাছছাড়া হয়, তা ছাড়া ছুটির মধ্যে পড়া তো তাহলে গাছে উঠল। এই দশ দিন এমনি কাটবে, তারপরই তাইয়ের বিয়ে।

তবু না করাও শক্ত।

নবকুমার হয়তো বলে বসবে, “হিংসে করে তুমি ওকে একবারও ঠাকুমার কাছে যেতে দাও না।”

কাজেই হেসে মেয়েকে বলল, “যা তবে গাছের আম খেয়ে খেয়ে মোটা হয়ে আয়। দাদার বিয়েয় ষাটতে হবে মনে রাখিস।”

নবকুমার বলে, “দেখ, তোমার মেয়ের ওই ষাগরা-টাগরাগুলো দিও না, ও থাক। কাপড়-চোপড় যা আছে তাই দাও সঙ্গে।”

সত্য বুঝল পরামর্শটা সমীচীন।

নাভনীর পরনে ষাগরা দেখলে এলোকেশী রসাতল করবেন। অতএব মায়ের দরুন একখানি পুরনো নীলাধর জামদানী পরে, আর নিজের শাড়ির সম্বল-গুলি নিয়ে মহোৎসাহে বাগের সঙ্গে রওনা দিল স্ববর্ণ। আর সেটাই বোধ করি “কাল” হল।

ভিটেয় পা দিতে না দিতেই ঘটলো বিপত্তি। এলোকেশী পেই শাড়ি জড়ানো নাতনী দেখে হৈ-হৈ করে বলে উঠলেন, “বেটার বে’র তো তোড়জোড় করছিস নবা, বলি এত বড় ধিক্কা ধাড়ী মেয়ে ঘরে পুষে কেউ বেটার বে দেয়?”

আর একটি মহিলা সভা উজ্জল করে বসেছিলেন, তাঁকে ‘চিনি চিনি’ করেও চিনতে পারে না নবকুমার। তিনিও বলে ওঠেন, “কী ঘেলার কথা, এত বড় :মেয়ে নবুর? ওমা! আর নবু ছেলের বিয়ের ভাবনা ভাবছে?”

এলোকেশী অতঃপর তাঁর ছেলের বোয়ের যথেষ্টাচার এবং ছেলের ‘ভেড়ুয়া’ অবস্থা নিয়ে তীব্র আলোচনা করে বলেন, “আমি এই তোকে বলে রাখছি মুক্ত, ওই বোয়ের বুদ্ধির দোষেই এ বংশের চৌদ্দপুরুষ নরকস্থ হবে।”

নবকুমার মুছকণ্ঠ বোঝাতে চেষ্টা করে, “মেয়েটার বয়েস আর কত, আট বৈ তো নয়, গড়নটা ওর মার মত বাড়ন্ত বলেই—ছেলেরই বরং বয়স গড়িয়ে গেছে।”

দুই মহিলার প্রবল কণ্ঠ-প্রত্যাপে সে কথা দাঁড়ায় না। ওঁরা বলেন, ওই মেয়ে আট? কেউ তো আর ঘাসের বীচি খায় না! আশ্চর্যের কথা, এলোকেশীও নাতনীর জন্মকাল বিস্মৃত হন! আর নাতির বয়স তেইশ হল, সে কথা মানতে চান না।

কিছুক্ষণের পর নবকুমার টের পায় মহিলাটি নবকুমারের ‘সইমা’র কথা মুক্তকেশী। দিন কয়েকের জন্তে তিনি তাঁর সইমার কাছে এসে অবস্থান করছেন।

বেচারী স্ববর্ণ ভেবেছিল, এসেই পেয়ারা গাছে উঠবে, পুকুরে ছুটবে, পাড়া বেড়াবে, ফুল তুলবে, সে জায়গায় কিনা এইসব আলোচনা!

ধতমত দেখে দাঁড়িয়ে থাকে বেচারী।

এলোকেশী অবশেষে রায় দেন, “ছেলের বে দিচ্ছ দাও, তোড়জোড় করে মেয়ের পাত্তর খোঁজো, যাতে এক যজ্ঞিতে কাজ হয়। পাঁচজনে না ধিক্কা আইবুড়ো মেয়ে দেখে পাঁচকথা বলতে পারে।”

মুক্তকেশী মহোৎসাহে বলেন, “এ মেয়ের পাত্তরের অভাব হবে না সইমা, রূপের ডালি মেয়ে। আজ বললে কাল হবে। আমি দেখছি।”

কিন্তু এইখানে হঠাৎ এক বজ্রপাত হয়।

স্বর্ণ ঝট করে বলে ওঠে, “ইস, এক্ষুনি বিয়ে ফুলই হল! মা তাহলে বাবাকে মেয়ে ফেলবে না? আমি বলে এখন নতুন কেলাসে—”

কথা শেষ হল না।

তীব্র তীক্ষ্ণ একটা আর্তনাদ যেন ঝড়ের বেগ নিয়ে আছড়ে পড়ল স্বর্ণ ওপর।

“কী বললি? কী বললি? মা বাবাকে মেয়ে ফেলবে? ওরে নবা, একথা শোনার আগে আমার কেন মরণ হল না রে! ওরে ইস্কুলে পড়িয়ে এই বিয়ে করাছিস তোর মেয়ের? অ মুক্ত, এক ঘটি জল এনে আমার মাথায় খাবড়া। নইলে ‘বেশতেলো’ ফেটে মরে যাব। কোন কামরূপ কামিথোর ডাইনীর হাতে আমার একটা মস্তুর সন্তানকে সপে দিয়ে বসে আছি, তুই দেখ মুক্ত।”

মার এই আক্ষেপোক্তিতে দিশেহারা নবকুমার হঠাৎ আর কিছু না পেয়ে মেয়েটার গালে ঠাস করে চড় বসিয়ে দেয়।

### । সাতচল্লিশ ।

ছেলের বিয়ের জগ্ন মনটা প্রস্তুত ছিল না, কিন্তু প্রস্তুত করে ফেলার পর হঠাৎ অসুভব করল সত্য, খুব খুশি-খুশি লাগছে।

ছেলের ওই পুলক গোপন করা লাজুক-লাজুক মুখটা ভারী কোঁতুকজনক, মাঝে মাঝে বিয়ে সংক্রান্ত এক-একটা কথা ফেলে সেই পুলকটা দেখে নিচ্ছে আর মনে মনে মুখ টিপে হাসছে সত্য।

সত্যর মনের উপরে যে অনেকগুলো বয়সের ভার জমে উঠেছিল, তার থেকে কি কতকগুলো বছর ঝরে পড়ে গেল? তার ইদানীংয়ের স্তিমিত আর তিক্তস্বাদ দ্বন্দ্বগুলো যেন চাপা পড়ে যাচ্ছে। মধুর এক কোঁতুকরসে চঞ্চল হয়ে উঠছে দিনের চেহারা, রাতের চিন্তা।

বিয়ের গোছের সঙ্গে সঙ্গে এ কথাও ভাবতে শুরু করেছে সত্য, সম্পর্কে এমন কাউকে দেখতে পাচ্ছি না, যে ওদের ফুলশয্যের ঘরে আড়ি পাতবে।



সত্যর সঙ্গে সম্পর্কটা যে বড়ই সাংঘাতিক, একেবারে “মা” বলে কথা। তবু ভাবতে তাকে সত্য, তাদের বারুইপুরের বাড়ির যে ঘরটায় বরকনের ফুলশয্যা হবে, সেই ঘরের জানলা-দরজায় কোথাও একটা ছাঁদা করে রাখতে হবে। কেউ কি আর সেটা কাজে লাগাতে পারবে না? সত্যর বাপের বাড়ির অনেকেই তো আসবে। এই চিন্তাটাতেই মনটা যেন উৎসাহে উদ্বেল হয়ে উঠছে। প্রথম সন্তান যদি মেয়ে হত, হয়েও তো ছিল, থাকল না তাই, যদি থাকতো কোন্ কালে তার বিয়ে-থাওয়া হয়ে যেত, শাস্ত্রী হয়ে যেত সত্য!

কিন্তু সে ঘটনাটা ঘটে উঠতে পায় নি। এতখানি বয়সে সত্যর এই প্রথম কাজ। আর সে কাজ কন্ঠাদায় উদ্ধার নয়, ছেলের বিয়ে। ছেলের মামার বাড়ি থেকে সবাইকে না এনে ছাড়বে নাকি সত্য? কারুর কোনো ওজর আপত্তি শুনবে না।

নবকুমার যে আবার ঠিক এই সময়ে চলে গেল, তা নইলে এখনই তাকে দিয়ে নেমস্তন্ন পত্তর লিখিয়ে ফেলতো সত্য। দিন স্থির করে পাকাপাকি নেমস্তন্ন করবার আগে একখানা জানান্ চিঠি দিতে হবে বৈকি। জানানো কোথায় বিয়ে হচ্ছে, কী বৃত্তান্ত, তাছাড়া তাদের একটু প্রস্তুত করেও রাখা। ছেলের বিয়ে বলে ব্যাপার, অন্ততঃ পাঁচ-সাতদিন তো থাকতেই হবে সবাইকে।

সারদাকে তো অবিশ্রিই আসতে হবে, বড়দার দ্বিতীয় পক্ষকেও আসতে না বললে ভাল দেখাবে না। রাহুর আরো সব ভাইদেরও বিয়ে হয়েছে, তাদেরও বলা দরকার। নতুন ঠাকুমা এখনো রয়েছে সিংহের সিঁহুর দিয়ে “ভাগ্যবানি এয়োরাগী”! কিছু না পারুন, বসে বসে এয়োলক্ষণগুলো করতে পারবেন তিনি।

মায়ের জন্তে একটা নিখাস পড়ল সত্যর। গুঁদের থেকে কত ছোট ছিলেন মা, অথচ কতকাল হল হারিয়ে গেছেন! আজ যদি মা থাকতেন!

একটুকু চুপ করে বসে থেকে আবার মনে মনে ভালিকা গড়তে লাগল সত্য। ছেলেপুলের সংখ্যা যে এখন তার বাপের বাড়িতে কটি, কার কত-গুলি, সে সব সঠিক জানে না ভেবে মনে মনে লজ্জিত হল, ভাবলো এমন কৌশল করে লিখতে হবে যাতে কেউ না সত্যর সে অজ্ঞতাটি টের পায়!

তুঙ্গুর সঙ্গে ঠাট্টা-তামাশার সম্পর্কের আছে অবিশ্বি একজন। সে-জন হচ্ছে বড়দার বড় ছেলের বন্ধুর বোঁ। যার বিয়ের সময় সত্যকে নিয়ে যাবার জন্তে অনেক নলাকওয়া করেছিল রাহু।

কিন্তু সত্যর তখন অবস্থা শোচনীয়।

স্বর্ণ জন্মাবার পরের অবস্থা সেটা। প্রায় শয্যাগত সত্য বিয়েবাড়ি যাবার সাহস সঞ্চয় করে উঠতে পারে নি। তাছাড়া মনেও সে উৎসাহ ছিল না। বড়দা বড়বোঁ অবিশ্বিই সত্যর সে ক্রটি ধরবে না। সত্যকে সত্যিকার ভালবাসে ওরা।

একথা সেকথা ভাবতে ভাবতে হঠাৎ একটা অপ্ৰাসঙ্গিক কথা মনে পড়ে যাওয়ায় একা-একাই হেসে উঠল সত্য। মনে পড়ে গেল, সেই সারদার ঘরে শেকল তুলে দিয়ে জপ করার কথা।

সত্যি, কী হাঁদাই ছিল সত্য তখন!

পরে একদিন সে কথা তুলে হাসি-ঠাট্টা করেছিল সারদা। যেবার সত্য প্রথম সম্ভান হতে বাপের লাড়ি গিয়ে অনেকদিন ছিল। তখন আর সারদা বয়সের পার্থক্য ধরত না, নন্দ-ভাজ সম্পর্কটাই দেখত। সারদার কাছে অনেক ধরনের সাংসারিক গল্প শুনেছে তখন সত্য, মাঝে মাঝে তর্ক তুলেছে, মাঝে মাঝে প্রতিবাদ। সারদা বলেছে, “আচ্ছা বাবা, দেখবো পরে। তোমার এই এক-বগুণা বুনিমি কেমন বজায় রাখতে পারো! সংসার এমন জাঁতা না, মুগ মুহুর অড়র ছোলা সব এক করে পিষে ছাড়ে!”

সত্যকে কি পেঘাই করতে পেরেছে সংসার?

মাঝে মাঝে নিজেরই ভাবে সত্য।

কিন্তু এখন মনটা উষ্মেল। এখন ওসব ভাবনা দাঁড়াচ্ছে না। এখন সত্য ভাবছে, তখন নিত্যানন্দপুরের সংসারটা কী ভালোই ছিল! সে বাড়িতে এখন বাবা নেই।

না জানি কেমন সেই চেহারাটা সংসারের।

নেদুর কথা ভেবেও হুঃখ হয়, আবার কোথায় যে আছে সে এখন। সেই একবার কদিনের জন্তে এসে থেকে মায়া বাড়িয়ে দিয়ে পালিয়ে গেল। আর পাত্তা নেই। কে বলবে সেই পড়া ফাঁকি দেওয়া নিরীহ-নিরীহ ছেলেটার মধ্যে অমন একটা ঘরছাড়া খামখেয়ালি মন ছিল লুকানো!

নিত্যেনন্দপুরের খবর পায় সত্য মাঝে মাঝে বড়লাকে চিঠি লিখে। খুবই দূরে দূরে অবশ্য। বড় যখন মনটা কেমন করে তখন। রাহুর উত্তরগুলো অবশ্য সংক্ষিপ্ত, তবু খবরগুলো দেয়।

রামকালী তো চিঠি দিলে উত্তরই দেন না।

একবার শুধু লিখেছেন, “পত্র না পেলে দুঃখিত হয়ো না।” কিন্তু কেন সেই না পাওয়ার অবস্থা ঘটবে তা লেখেন নি।

সত্য বোঝে ইচ্ছে করেই আর লিখবেন না চিঠি।

মাঝামুজ্জ করছেন নিজেকে।

তবু ছেলের বিয়ে উপলক্ষে বাবাকে একবার পায়ের ধুলো দিতে আসতে বলবেই সত্য। বলবে, বাবা আপনার আশীর্বাদ না পেলে ওদের বিয়েটাই তো বৃথা।

ছেলের বিয়ে উপলক্ষ করে চিত্তসমুদ্রের অনেক নিচের ঢেউ উপরে উঠে আসছে সত্যর, অনেক ধুলোর স্তরে চাপা পড়ে যাওয়া অল্পভূতি তীব্র হয়ে সাড়া তুলছে।

একদা যে পুণ্যি সত্যর প্রাণের বন্ধু ছিল, সেই পরম মূল্যবান কথাটাও যেন ভুলতে বসেছিল সত্য। কতকাল কত যুগ যে দেখা হয় নি। অথচ বেশী দূরে থাকে না পুণ্যি, শ্রীরামপুরে তার ঋশুরবাড়ি। নৌকোয় চেপে বসতেই যা দেখি, একদণ্ডেই পৌঁছে যাওয়া যায়। সত্যও কখনো ভাবে নি যাওয়া যায়, লুণ্যিও কখনো ভাবে নি আসা যায়।

তা সত্য অবিশ্রি না ভাবতে পারে, পুণ্যির ঋশুরবাড়িটা কুটুমবাড়ি, মেলাই লোক তাদের, বিনা উপলক্ষে যাওয়ার কথা ওঠে না। কিন্তু সত্যর এই বাসাবাড়িটায় তো সে বাধা নেই? পুণ্যি তো একবার কালীদর্শনের ছুতোয় আসতে পারতো?

আসল কথা, সংসার মানুষকে চেপে গিষে ফেলে, বিশেষ করে মেয়েমানুষকে।

তার ভিতরকার যা কিছু মাধুর্য, যা কিছু কোমলতা, যা কিছু হাঁচ, সব যেন ঘষে ক্ষইয়ে ভেঁতা করে শুকিয়ে চারটি ধুলোবালি করে ছেড়ে দেয়। নইলে পুণ্যির বৈধব্য-সংবাদেও তো একবার গিয়ে দেখা করে উঠতে পারে নি সত্য।

পুণ্যিকে জানতেই হবে তুড়ুর বিয়েতে।

ঠাণ্ডা মনটা ভারী চঞ্চল হয়ে ওঠে, একটা দোয়াত কলম আর একখানা কাগজ নিয়ে পুণ্যিকে চিঠি লিখতে বসে সত্য।

‘শ্রীচরণকমলেশু’ পাঠাই দেয়, যতই হোক পিসি। তুড়ুর বিয়েব সংবাদ জানিয়ে আবেদন জানায়, পিসি যেন ছেলে, ছেলের বোঁ ও মেয়েদেব নিয়ে নিশ্চয় করে আসার ব্যবস্থা করে, সম্মতিপত্র পেলেই আনতে লোক পাঠাবে সত্য।

লোক পাঠাতে হবে বৈকি।

নইলে অতদূর কুটুম্ব আসবে কেন? সমাজ-সামাজিকতার মধ্যে ‘বন্ধুত্ব’ কথাটার কোনো মূল্য নেই।

চিঠি লেখা হলেও এখন ডাকে দেওয়া চলবে না। নবকুমার এখন অস্থিত, তাকে না দেখিয়ে এত কর্তৃত্ব ফলানো ঠিক নয়। সংসারে যতই ডাকাবুকো হোক সত্য, এসব নিয়মগুলো মানে বৈকি।

নিত্যেনন্দপুরেও নিজে সে বিশদ একখানি পত্রে সবাইকে আহ্বান জানালেও, মূল পত্রটা নবকুমারকে দিয়েই লেখাতে হবে, সেটাই ভ্যাতা।

বাড়িসুদ্ধ সকলকে ঢালা নেমস্ত্র করলেও, কাকে কাকে ‘বিশেষ’ জানাতে হবে তারও একটা তালিকা বানিয়ে ফেলে সত্য।

এসব কাজ যতটা লিখিত-পড়িতের মধ্যে হয় ততই ভাল, দৈবাৎ যদি কারো নামোল্লেখে ভুল হয়ে যায়, লজ্জার শেষ থাকবে না।

নবকুমারের দিকে আত্মীয়ের পাট নেই।

দূরসম্পর্কে কে নাকি এক পিসি আছে, আর জ্ঞাতি মামাতো ভাইয়েরা আছে। আর নতো কখনো কারো নাম শোনে নি সত্য! আর আছেন শান্তুড়ীর এক সই, তাঁকেই দেখেছে দু-একবার। পূজোয় তাঁর নামে শাড়ি যায়, পাল-পার্বণে-তদ্ব য়েতে দেখেছে।

আর কই? এলোকেশীর সব কিছুই পড়শীদের নিয়ে।

তবে একটা বড়সড় ‘ঘর’ এখন হয়েছে।

সে ঘর সত্বর।

সত্বর ‘সংসারটি’ বড় ছোট্ট নয়।

তা সে ভাবলে চলবে না। ছেলের বিয়ে-ব্যাপারটিও তো ছোট্ট নয়।

নিজের সেই বাল্য-কথা মনে পড়ে যায় সত্যর।

কত বড় বড় যন্ত্রি হত এক-একটা কাজে! ভাত পৈতে বিয়ে

তো দুবের কথা, ঠাকুমার ‘অনন্তচতুর্দশী ব্রত’ উদ্‌যাপনেই যা ঘটা হয়েছিল সেবার, উঃ !

ভাতমাছের যজ্ঞি নয়, সবই লুচিমিষ্টির ব্যাপার, তবু সে কী কাণ্ড ভিয়েন! ‘জুলি’ কেটে কেটে উন্নন বানিয়েছিল, হালুইকব ঠাকুরদের একটা ‘মেলা’ বসে গিয়েছিল। মাছের অভাব পূরণ করতে দই ক্ষীর ছানার পায়সের নদী সমুদ্র বইয়ে দিয়েছিলেন রামকালী, মিষ্টির পাহাড় বানিয়েছিলেন।

‘যজ্ঞি’ ভাবতে গেলেই সেই সব দৃশ্য চোখের উপর ভেসে ওঠে। ‘উৎসব’ মনে করতে গেলেই সেই সেকালটার ছবি ফুটে ওঠে।

তেমন ধরনের না করতে পারলে মন উঠবে না সত্যর।

একটু আধটু কথা তুলতে গিয়েছিল সত্য, নবকুমার ভয়ে চোখ কপালে তুলেছে। বলেছে, “পয়সাকড়ির জন্ম বলছি না, ভগবানের ইচ্ছেয় পয়সাকড়ির কথা ভাবি না, কিন্তু করবে কে? লোকবল কোথা? কথায় বলে—ধনবল জনবল আর মনোবল। তিনটেই দরকার। আছে তোমার তা?”

এ ধরনের কথা যে শুনতে হবে, সে আন্দাজ সত্যর ছিল, তাই তার প্রস্তুতিও ছিল। অতএব সঙ্গে সঙ্গেই উত্তর দিয়েছিল সত্য, “ধনবলই জনবলকে ডেকে আনে, আর মনোবল ওই ছুটোকেই চালায়, তা সে বস্তু তোমার না থাক আমার আছে।”

“তোমার তো সপ কথাই লম্বাচওড়া, পেল্লায় একটা যজ্ঞি ফেঁদে শেষ অবধি লোক হাসাবে আর কি!”

সত্য দৃঢ় কণ্ঠে বলেছিল, “লোকই বা হাসাবো কেন? বরাবর যেমন কাজকর্ম দেখে এসেছি, সেইভাবেই ভাবতে শিখেছি। লোক হাসবে এ কথা ভাববও না।”

সত্যিই সে কথা ভাবতেই পারে না সত্য।

যাতে না কোনো বিশৃঙ্খলা ঘটে, সেই প্রতিজ্ঞাই গ্রহণ করেছে সে।

কাজটা কলকাতায় করতে গেলে অশ্রিত্তি স্থবিধের অবধি থাকত না, কলকাতা শহরে কড়ি ফেললে অর্ধেক রাজ্রে বাঘের দুধ মেলে। কিন্তু সেই স্বথস্থবিধাময় মধুর কল্পনাটিকে সবলেই নির্বাসন দিয়েছে সত্য মন থেকে।

প্রথম ছেলের বিয়ে, বাসাবাড়ি থেকে হওয়ার কথা ভাবাও অসম্ভব। আর শুধু প্রথম ছেলেই বা কেন, ছেলে-মেয়ে কারো বিয়েই ভিটের বাইরে দেওয়া উচিত নয়। নান্দীমুখ শ্রীদ্ধ হবে, সাতপুরুষ জলপিণ্ড পাবেন, সে কাজ কি যেখানে সেখানে করতে আছে ?

তাই দেশের বাড়িটার ওপরই সব ছবি আঁকছে সত্য, সব চিন্তা রাখছে। এ ব্যাপারে সত্যর বন্ধু, উপদেষ্টা, সাহায্যকারী সব হচ্ছে হোট ছেলে সরল।

গ্রীষ্মের ছুটি চলছে, তাই স্তব্ধেও আছে। যখন তখনই সত্য ডাক পাড়ছে, “খোকা, দোয়াত কলমটা একবার পাড় তো বাবা, কটা কথা মনে এসেছে এই বেলা লিখে নে, নচেৎ ভুলে যাবে।”

সরল হাসে, “তুমি আবার ভুলে যাবে! জ্যেষ্ঠপুত্রের বিয়ে বিয়ে করে তো তোমার মাথার মধ্যে রাতদিন রেলগাড়ির ইঞ্জিন চলছে!”

সত্যও হেসে ওঠে, “তোমার বুঝি হিংসে হচ্ছে? তা তোমার বিয়ের সময়ও কম যাবো না, মাথায় জাহাজ চালাবো!”

“নমস্কার মা। দেবেই আমাব বাসনা মিটে যাচ্ছে।”

হ্যাঁ, সরলের এই রকমই কথাবার্তা।

‘গুরুজন’ বলে শিহরিত কলেবর কোনো সময়ই নয় সে। বাবার কথায় অনায়াসেই সে আড়ালে হেসে হেসে বলে, “বাড়ির কর্তার ‘রায়’ দেওয়া হয়ে গেল!” বলে, “যাক, কর্তার কর্তব্য সমাপন করা হয়ে গেছে—”

সত্য হাসি চেপে বলে, “এই পাজী ছেলে! কী কথার ছিঁরি! গুরুজন না?”

সরল সভয়ের ভান করে বলে, “কী সর্বনাশ! তাতে কোনো সন্দেহ দেখিয়েছি আমি? তবে হ্যাঁ, হাসির ব্যাপারে না হেসে থাকতে পারি না আমি।”

সরলের ষড় কথা মায়ের সঙ্গে।

রান্নাঘরে জলচৌকিতে বসে হাঁড়ি কড়া বোগ্নো যা পায় একথানা নিয়ে ‘তবলা’ ঠোকে আর গল্প করে, “বুঝলে মা, আজ বাস্তায় এক তাজ্জব গাড়ি বেরিয়েছে। গাড়িও অনাস্ফট, নামও অনাস্ফট,—‘ট্রাম গাড়ি’। ষোড়ায় টানছে। উঃ, সেই ট্রামগাড়ি দেখবার জন্তে কী ভিড়টাই হয়েছে। রাস্তার দু’ধারে কাতারে কাতারে লোক দাঁড়িয়ে পড়েছে—”

বলে, “বুঝলে মা, আজ হেদোর ধারে একটা বন্ধুর সঙ্গে কথা কইতে কইতে হয়ে গেল এক চোট! সে বলে কিনা, ‘বাঙালী জাতটার কিছু হবে না! ভগু আর হজুগে জাত একটা!’...চড়ে গেল রাগ। খুব শুনিয়ে দিলাম।”...

সত্য আগ্রহভরা মুখে বলে, “কী শোনালি?”

এবার সরল লজ্জিত হয়, হেসে ফেলে বলে, “কী আর! বললাম, জ্ঞাতের কলঙ্ক ঘোচাবার চিন্তা নেই, হেসে হেসে নিন্দে করতে লজ্জা করে না? গলায় দড়ি দাওগে। নচেৎ এই হেদোর জলে ঝাঁপ দাও গিয়ে।”

সন্ধ্যাবেলা রান্নার সময়টা হচ্ছে সত্যর আনন্দের সময়, এই সময়ই সরল এসে বসে।

সাধন বরাবরই অগ্র ধরনের। চূপচাপ মূখবোজা লাজুক। তা ছাড়া একটু বিজ্ঞ-বিজ্ঞ। রান্নাঘরে এসে বসার কথা সে ভাবতেই পারে না। এক গ্লাস জল গড়িয়ে খাবার ক্ষমতাও তার নেই। যা কিছু কাজ সরল করে। সরল সত্যর ডান হাত।

এখনও ভূমিকালিপি পূর্ববৎ, শুধু সংলাপের স্বর অগ্র।

সরল বলে, “বাবা তো শুনেছি ভেলভেটের চোগা-চাপকান-টুপি পরে বিয়ে করতে গিয়েছিলেন, দাদা কি পরে যাবে মা?”

সত্য তাড়া দেয়, “বটে রে ফাজিল কেট ছেলে, ভেলভেটের চোগা-চাপকান পরা সেই মূর্তি তুই দেখেছিস বুঝি?”

সরল বলে, “আহা, পূর্বাঙ্কেই তো বলেছি, ‘শুনেছি’!”

“কার কাছে শুনলি শুনি?”

“কেন, পিসির কাছে! পিসির কাছে তোমার ছোটবেলার কথা, বাবার ছোটবেলার কথা সব শুনেছি।”

“হঁ। পিসি তা হলে তোকে বাপের বিয়ে দেখাচ্ছে!” সত্য হাসে। তারপর বলে, “তুচ্ছ কি পরে বিয়ে করতে গেলে মানায় তুই-ই বল!”

“আমি কি বলবো? আর বললেই বা শুনেছে কে? চোগা না চাপাও, সেই বেগুনরঙা চেলির জোড় তো চাপাবেই তার ঘাড়ে? তবে? বিয়ে করা মানেই সংসাজা। বাব্বা!”

“আচ্ছা, তোকে আর বিয়ের মানে ব্যাখ্যা করতে হবে না,” সত্য তাড়া

দেয়, “মিষ্টির ফর্দটা বরং শোনা আর একবার, দেখি শুনতে কেমন লাগছে। ছাঁদার মিষ্টি আলাদা ধরেছিস তো?”

কলকাতা থেকে কারিগর যাবে, মিষ্টি তারাই করবে। আজ সরলকে পাঠিয়েছিল সত্য তাদের কাছে পাকা কথা কইতে। সরল সব সন্ধান রাখে।

সরল বাড়ি নেই, সাধন তো থেকেও নেই।

নবকুমার আর সুবর্ণ আজ ক’দিনই বাড়িছাড়া, দুপুরবেলা হঠাৎ মনটা বড় খালি-খালি লাগলো। নেহাৎ নাকি ‘ফর্দ’ লেখার উন্মাদনায় মত্ত রয়েছে ক’দিন সত্য, তাই সুবর্ণর অনুপস্থিতিটাও সয়ে গেছে। নইলে সেই কথার রাজা মেয়েটা কাছে না থাকা সত্যর পক্ষে কম শূন্যতার নয়।

দশ দিন বলে গিয়ে বারো-তেরো দিন করছে নবকুমার। এদিকে বিয়ের দিন এগিয়ে আসছে। সব সময় মানুষটা দায়িত্বজ্ঞানহীন।

খুচরো কাজ আপাততঃ হাতে কিছু নেই। বিয়ের ভোজের সুপুঁরি কাটবার তার নিয়েছে নিতাইয়ের বৌ, সত্বে বলেছে বড়ির ভার তার। এক মণ ডালের বড়ি সে দিচ্ছে রোজ কিছু কিছু করে। সলতে পাকাবে সহুর সতীন।

উৎসাহ সকলেরই।

তা ছাড়া বিয়ের কাজে সবাইয়ের সাহায্য নেওয়াই সামাজিকতা, না নেওয়াই নিন্দ। কনের বাড়ি খুব দূরে নয়। তাদের কাছ থেকেও নানা ব্যাপারে লোক আনাগোনা করছে, নমস্কারী শাড়ি ক’খানা দিতে হবে, ননদঝাঁপি কটা, এয়োডালায় কি কি দিতে হয় আপনাদের, এই সব নানা কথা।

নবকুমার কিনা এই সময় দেশে গিয়ে বসে রইল।

অভাববোধ এবং অভিমানবোধটা হঠাৎ চাড়া দিয়ে উঠে মনটা কেমন খাঁ খাঁ করে তুলেছে আজ। হঠাৎ খেয়াল হল—“ছেলের ধরটা” সাজিয়ে ফেলি।

বারইপুর থেকে ফিরে তো এই বাসা-বাড়িতেই বাস করতে হবে বৌ নিয়ে। বয়েসওলা মেয়ে, তাকে আর ‘ঘরবসতে’র অপেক্ষায় এক বছরের মত বাপের বাড়ি রাখতে ইচ্ছে নেই সত্যর। আজকাল কলকাতায় পাড়াপড়শীদের মধ্যে একটা ব্যবস্থার চল দেখেছে সত্য “ধুলোপায়ে ঘরবসত!”



অষ্টমঙ্গলার মধ্যে একবার বাপের বাড়ি থেকে ঘুরিয়ে এনে ফেরা বরকনেকে গাটছড়া বাধিয়ে দাঁড় করিয়ে বরণ করে তোলা হয়, তার নাম “বুলোপায়ে ঘরণসত”; তাতে নাকি আর বছরের মধ্যে বৌ আনতে দোষ নেই।

সত্য এ ব্যাপস্বাটি নেবে।

ছেলের তার ‘বৌ-বৌ’ মনে হয়েছে, এ বাতীটুকু মনে মনে টেব পেয়েছে সত্য।

বৌকে তাড়াতাড়াই আনতে হবে।

তা আজকে ঘরটাঠি বরণ ঠিক করে ফেলা যাক।

দোতলায় দু’খানা ঘর।

তার একটায় সাধন সরল দুই ভাই শোয়, আর একটায় সংসারের নানাবিধ জিনিস জমানো আছে। সত্য নীচের ঘরে শোয় একটা চৌকিতে স্বপ্নকে নিয়ে। আর একটা চৌকিতে নবকুমার।

যে বাসায় স্ত্রীসকল নিয়ে থেকেছে, একতলা সেই বাসাটায় ঘর ছিল কম, জায়গা ছিল স্বল্প, নবকুমার বেচারী অনেক বঞ্চিত হয়েছে। এখনকার এ ব্যবস্থা সত্যরই। মানুষটার বয়েস হচ্ছে, রাতে একা পড়ে থাকবে? এক ঘটি জলও নেতা হাতে এগিয়ে দেবার কেউ থাকবে না একা থাকলে। ছেলেদের বারো মাস স্নাত জেগে লেখাপড়া, সে ঘরে নবকুমারের অস্থবিধে। অতএব এই ব্যবস্থা। এখন আর এ ব্যবস্থা চলবে না।

এখন দোতলায় ওই জিনিসের ঘরটা খালি করে স্বপ্নকে নিয়ে সত্যকে আড়া পাড়তে হবে, সরলকে চালান করতে হবে নীচে নবকুমারের ঘরে। এ ছাড়া উপায় নেই। ছেলের বোয়ের সামনে স্বামীর সঙ্গে “এক ঘবে” শোওয়াটা ভব্যতার আইনে বাধে। অন্ততঃ সত্যর কাছে।

ছেলেদের ঘরটা সত্যর ভাল করেই সাজানো।

দেয়ালে দেয়ালে দেব-দেবীদের এবং মহাপুরুষদের ছবি, দেয়াল-আলমারিতে সারি সারি বই, এক কোণে পড়ার টেবিল, তার সামনে দুটি টুল, টেবিলে লেখাপড়ার সরঞ্জাম। বড় চওড়া চৌকিতে দুই ভায়ের বিছানা।

এ ঘরের পরিবর্তন সাধন করতে করতে মনে মনে একটু হাসে সত্য, ব্রহ্মচারী এবার সংসারী হবেন! পাশে ভাইয়ের বদলে বৌ!...

ভাবতে ভাবতে হঠাৎ একটা রোমাঞ্চ জাগে সত্যর। নেহাৎ ছেলেমানুষের

মত ভাবতে বসে, ওই লাজুক ছেলে না জানি কেমন করে বৌয়ের সঙ্গে ভাব করবে, কেমন করে বৌকে আদর করবে !

তারূপ ভাবে, এই যে একটু বয়েস হয়ে বিয়ে হওয়া, এ কত সুন্দর ! কী অদ্ভুত “কাল” ছিল সত্যাদের ! কনের বরের নামে গায়ে জব, নবেব বৌয়ের নামে কালঘাম । সত্য যখন ঘরবসতে এসেছে, তখন অবিশ্বি “ঘর-বর” পায় নি, কিন্তু যখন পেয়েছে, তখন মানসিক অবস্থা ওর থেকে উন্নত নয় । আর বিয়ে ?

মানে জেনেছে তখন তার ? ছি ছি ! সে বিয়ে যেন ছেলেমেয়েগুলোকে নিয়ে বড়দেব পুতুল খেলার সাধ মেটানো !

মস্ত মস্ত এক লোভ দেখিয়ে কাথা হয়েছে, “গোঁরীদান” “কছাদান” “পৃথিবী-দান” ! আর কিছুই নয়, মেয়েগুলোর চোখ-মুখ ফোটবার আগেই হাড়িকাঠে গলা দিয়ে রেখে দেওয়া !

সত্যর মতন এত দজ্জাল আব কটা মেয়ে হয় !

ভয়ে ভড়সড়, সর্বদা অপরাধিনী, এই তো অবস্থা সবাইয়ের ।

আবার একটু হাসি ফুটে ওঠে সত্যর মুখে । নবকুমারের মত এমন তদুৎপ্রাণ বর না হলে অবিশ্বি সত্য কি করতো কে জানে ! মনের অগোচর কিছু নেই, স্বামী সঙ্গকে ভিতরে ভিতরে অনেক অবজ্ঞা আছে সত্যর, তবু হঠাৎ আজ এই গ্রীষ্মের দীর্ঘ দুপুরে খাঁ খাঁ করা মনে সেই অবজ্ঞাত মাহুঘটার জন্তেই হঠাৎ বড্ড বেশী মন-কেমন করে উঠল তার । নবকুমার বেচারাই কি স্থখী হতে পেল ? নিজে একটু অপরাধিনীই মনে হতে থাকলো ।

সত্য যদি নেহাৎ সাধারণ একটা “সংসারসর্বস্ব” মেয়ে হত ! বেচাবা নবকুমারের জীবনটা অনেক বেশী স্থখের হত তাতে আর সন্দেহ নেই ।

এই তো আজই তো সত্য সেই বেচারার শেষ স্থখটুকুও কাড়তে বসেছে । কিছু নয়, তবু এক ঘরেও তো থাকতো, দুটো গল্পগাছার সময়ই তো রাস্তির । সত্যর মনমেজাজ ভাল থাকলেই তো নবকুমারের “আপিসের গল্প আর আপিসের বন্ধুদেব গল্প” চেগে ওঠে । সে স্থখটুকু থেকে বঞ্চিত হবে এবার ।

ছেলের বৌয়ের সামনে এক ঘরে বাসের নীতি যে দুর্নীতি, এ কথা নবকুমারকে বোঝানো শক্ত । এলোকেশী তো স্বামীর মৃত্যুকাল পর্যন্ত ঘর

আঁকড়ে থেকেছেন। সোনাটা চিরদিনই হাতছাড়া বলেই হয়তো আঁচলে গেরো নেওয়ার তত ঘটা ছিল।

অবিশি দৃষ্টান্ত আরো অনেক আছে।

একা এলোকেশীকেই দোষ দিলে উচিত হবে কেন ?

কাকার থেকে ভাইপো বড়, এ তো হামেশাই দেখা যায়। গিন্নীর কনিষ্ঠ পুত্রুটি পৌত্রুদের কাঁথা কাজলতার প্রসাদে মাছুষ হয়। ..

হয় সত্য জানে।

কিন্তু সত্যার তাতে বড় বিতৃষ্ণা।

তবু সত্য আজ নিজের বিছানাটা দোতলায় আনার কথা ভাবতে নবকুমারের জগ্রে মন কেমন করে উঠছে।...ছেলেপুলে কাছে কাছে থাকাই ভালো। তাতে মনে এসব পাগলামি চাগে না। স্বর্ণটা নেই বলেই বোধ করি এমন 'ছ ছ' করা ভাব আসছে।

যে জগ্রেই যা হোক, বাস্তবতারঙ্গ টানাটানি আর ভাল লাগল না। হাতের কাজ অসমাপ্ত রেখে জানলার ধারে এসে দাঁড়ালো সত্য।

ঝাঁ-ঝাঁ করা রোদে আকাশটা যেন ফাটছে, রাস্তার ধারের গাছটা, রাস্তার ওপারের বাড়িগুলো সেই দাহে যেন পুড়ে থাকু হচ্ছে।...পাশের বাস্তাটা দিয়ে বোধ করি কোন বাসনওলা যাচ্ছে, ঢং ঢং কাঁসর পিটিয়ে, শব্দটা ক্ষীণ থেকে প্রথর এবং প্রথর থেকে ক্ষীণ হয়ে গেলো।

দূরে কোথায় একটা গরুরগাড়ি চলেছে, তার চাকার কাঁচ-কাঁচ শব্দের সঙ্গে গরুর গলার ঘণ্টিটা বেজে চলেছে একতালে।...

আরো দূরে কোথায় ঘুঘুর ডাক স্বর প্রকৃতির গায়ে করুণ আর্তনাদের ছুরি বিঁধেছে।

ঘুঘুর ডাক কি কখনো শোনে নি সত্য ?

জীবনভোরই তো শুনেছে।

তবে হঠাৎ কেন আজ ঘুঘুর ওই কান্নাটার মত কাঁদতে ইচ্ছে করছে সত্যার ? কেন মনে হচ্ছে তার কেউ কোথাও নেই, চিরদিন সে একা, চিরদিন নিঃসঙ্গ। তার উপর কারো মায়া নেই, মমতা নেই, ভালবাসা নেই। সেই স্নেহ-ভালবাসাহীন রক্ষ মরুভূমির পথ ধরে একা সে চলছে আর চলছে।...

রোদের আঁচ আর আগুন বলসানো বাতাসের হলুকা চোখেমুখে এসে লাগছে, তবু জানলার বাইরের ওই দৃশ্যটা যেন নেশার বস্তুর মত আটকে রেখেছে সত্যকে। সে নেশার সঙ্গে মিশে রহেছে একটা বিধুর বিষন্ন বেদনা।

এ বেদনা কেন ?

এ শৃঙ্খতা কিসের ?

।বছানায় পড়ে অকারণ কান্নার মত অদ্ভুত একটা কবিত্ব করতে বসবে কি সত্য ?

হয়তো তাই করতো, হয়তো করতো না, হঠাৎ চোখে পড়লো সহু আসছে রাস্তা দিয়ে ভিজে গামছা মাথায় চাপিয়ে, পায়ের তলা বাঁচাতে প্রায় লাফিয়ে লাফিয়ে।...

একটা অশুভ আশঙ্কায় বুক কেঁপে উঠল।

এ কী! হঠাৎ এমন সময়ে কেন ?

চমকে উঠে নেশা কাটলো।

জ্ঞানলা থেকে সরে এসে দ্রুতপায়ে নেমে এল সত্য।

আর নীচে আসতেই সহু শুকনো গলায় বলে উঠলো, “এই যে বো! ছেলেরা কেউ নেই?”

সত্য মাথা নাড়লো, বসতে বলতে ভুলে গিয়ে।

সহু একটু ইতস্ততঃ করে কাছেই চৌকিটায় বসে পড়ে বলে ওঠে, “একটা খবর আছে বো, বলছি সব। আগে এক ঘটি জল দে দিকি।”

টক টক করে এক ঘটি জল শেষ করে, থেমে জিরিয়ে—অগোছালো এলোমেলো করে সহু যা বললো তার সারমর্ম এই, সত্যকে বারুইপুরে যেতে হবে।

বারুইপুরে যেতে হবে ?

সে তো জানেই সত্য, যাবেই তো! এই তো কদিন পরেই—

না না, সেই কদিন পরের কথা পরে হবে, এখন এই দণ্ডে যাওয়া দরকার। আজ হলোই ভালো হত, তবে নাকি গাড়ি-পালকির ব্যবস্থা করতে কিছু-কিঞ্চিৎ সময় তো লাগবে। অতএব কাল। আগামীকাল, একেবারে উষাকালে। মুখুজ্যে মশাই দিচ্ছেন সবই ব্যবস্থা করে, শুধু সত্যর বড়ছেলে একবার তাঁর সঙ্গে বেরোক।

খুব গুছিয়ে আর খুব হালকা করে বলতে চেষ্টা করে সহু, তবু কেমন

যেন উন্টোপান্টা লাগে কথাগুলো, আর সত্কে অদ্ভুত রকমের বোকা-বোকা দেখতে লাগে।

কী যেন রেখে-টেকে বলছে সত্, অথচ যেন উদ্ঘাটিত হয়ে পড়ছে সেই গোপন করার চেষ্টা।

সত্‌র মুখ-চোখের যে বিবর্ণতা সে শুধু এই রোদ্দুরে হেঁটে আসার বিবর্ণতা? সত্‌র গলার স্বরে যে উত্তেজনার কাঁপন, সে কি শুধু সত্যকে অভয় দেবার ব্যাকুলতায়?

হ্যাঁ, বার বার অভয় দিচ্ছে সত্ সত্যকে, “ভয় করিস নে বৌ, ভয়ের কিছু নেই।”

কিন্তু এই অভয়দানের মধ্যেই ভয়ের বাসার সন্ধান পাচ্ছে সত্য। তাই সত্যর বুকের ভিতরটা হিম হয়ে গেছে, হাত-পা বারকতক কেঁপে কেঁপে হঠাৎ বুঝি কাঁপবার ক্ষমতাটুকুও হারিয়ে অবশ হয়ে আসছে।

একবারও প্রশ্ন করে নি সত্য, শুধু বিহ্বল চোখে তাকিয়ে আছে সত্‌র মুখের দিকে। সত্ কি তবে আর বেথে-টেকে বলবে না? সহসা খুলে বলবে সব?

না সে সাহস নেই সত্‌র।

সত্ তাই শুধু ফাঁকা-ফাঁকা সাহসের কথাই বলছে, “ভাবনা করিস নে বৌ, মন উচাটন করিস নে, গিয়ে সব ভালই দেখবি। আমিও তো যাচ্ছি তোর সঙ্গে।”

সত্‌ও যাচ্ছে সত্যর সঙ্গে!

আর তবে সন্দেহের কী আছে?

সবনাশের কালো ছায়াটা চোখের সামনেই দেখতে পাচ্ছে সত্য।

এতক্ষণে সত্যর কণ্ঠ থেকে স্থলিত হয়ে পড়ে একটা শব্দ।

“ঠাকুরবি!”

এ স্বর সত্যর?

এ হালছাড়া স্বর?

এবার কি তবে সে তার হাতের হালখানা নামিয়ে রাখছে? যে হালখানাকে শব্দ মুঠোয় বাগিয়ে ধরে অনেক সমুদ্র ঠেলে এই এতখানি এল সত্য?

কিছুতেই হার মানবে না পণ করে এতদিন চলে এসে এইবার ভাগ্যের হাতে হার মানবে ?

সত্য কি ভিতরে ভিতরে এত ক্লান্ত হয়ে উঠেছিল ?

সহু বলে, “এই দেখ কাণ্ড ! তুই যে একেবারে বসে পড়লি বৌ ! তুই তো কখনও এমন নয় ? কোনো কিছুতে তো হেলিস না, দুলিস না ! আজ হঠাৎ এত ঘাবড়াচ্ছিস কেন ?”

সত্য হঠাৎ সচকিত হয়ে ওঠে ।

নিজের এ অধঃপতনে লজ্জিত হয় । কিন্তু তবু শিথিল স্বরটাকে সামলাতে পারে না । তেমনি শিথিল স্বরেই বলে, “কি জানি ঠাকুরাঝ, হঠাৎ মনটা কেমন ‘কু’ গাইছে, মনে হচ্ছে সব যেন ফুবিয়া যেতে বসলো ।”

“দুর্গা দুর্গা, ষাট ষাট !”

সহু ব্যস্ত হয়ে ষাট বানায়, “আমি তোকে বলছি বৌ, ভাল ভিন্ন মন্দ কিছু ঘটে নি । তবে অকস্মাৎ তলবটা কেন এল ভাল বুঝতে পারছি না !”

হ্যাঁ, তলব এসেছে । বারুইপুর থেকে নাকি লোক এসেছে । এসেছে সহুর কাছে । শুধু এদের সবাইকে তাড়াতাড়ি নিয়ে যেতে বলেছে সহুকে । আজ বেরোতে পারলে আজ, না পারলে কাল যত ভোরে সম্ভব ।

সত্য একটা নিশ্বাস ফেলে বলে, “পষ্ট কথা আমার মনই বলছে ঠাকুরঝি, মনে হচ্ছে যেন বিসর্জনের বাজনা শুনতে পাচ্ছি । সেবার ওর অত বড় অসুখেও এমন হয় নি আমার !”

হ্যাঁ, মনের মধ্য নবকুমারের কথাই তোলাপাড করে উঠেছে সত্যর ।

হয়তো ক্লণপূর্বকালের সেই মন-কেমনটার সঙ্গে এক আকস্মিক সংবাদের একটা যোগসূত্র ধরা পড়েছে সত্যর মনের মধ্যে ।

ধরা পড়েছে বৃষি নিজের মনের দুর্বলতাও ।

নইলে নবকুমারের জন্মে যেবার সাহেব ডাক্তার দেখিয়েছিল সত্য, সেদিনের কথাই বা হঠাৎ মনে পড়বে কেন ? সেদিন যে ‘নিশ্চিত সর্বনাশ’ জ্বেনেও লড়বার শক্তি সংগ্রহ করেছিল সত্য, সে কথাটা ভেবে আশ্চর্য লাগছে এখন তার ।

যাক, বিসর্জনের বাজনা তবে সত্যিই বাজলো এবার । সত্যর তেজ আস্পর্দী দাপট সব কিছুই যে সেই মেরুদণ্ডহীন মানুষটাকে মেরুদণ্ড করে, এ কথা কি এখন টের পেল সত্য ? যখন মানুষটা—

“ঠাকুরঝি, চলে যাচ্ছ তুমি ?”

সত্য ব্যাকুলভাবে সত্বর হাত ধবে।

সহ বিচলিত হয়।

সহ এই ভয়ানক একটা অমঙ্গল আশঙ্কায় কণ্টকিত মানুষটাকে কি ওই ভয়ঙ্কর মানসিক অবস্থা থেকে উদ্ধার করবে? বলবে—

না, বেশী কিছু বলে না সহ। শুধু সত্যর হাত থেকে হাতটা ছাড়িয়ে নিয়ে ব্যস্তভাবে বলে, “কেন অমন উতলা হচ্ছিস বৌ, আমি বলছি নবু ভাল আছে, মঙ্গলে আছে—”, বলতে বলতেই দাওয়া ছেড়ে উঠোনে নামে সহ। বলে, “যাই, আমারও তো যাত্রার গোছগাছ আছে একটু—তুইও যেমন পারিস গুছিয়ে নে। তুড়, ফিরলেই আমার ওখানে পাঠিয়ে দিস।”

সহ যেন একপ্রকার পালিয়েই যায়।

আর সত্য সত্বর সেই যাওয়ার পথের দিকে নিখর হয়ে তাকিয়ে থাকে। অনেকক্ষণ তাকিয়ে থাকে।

এবার নবকুমারকে ছেড়ে আর এক আশঙ্কা বুকটাকে করাত দিয়ে কাটছে। সত্বর শেষ কথাটা কানে বাজছে...“নবু ভাল আছে। মঙ্গলে আছে...”

তবে?

কে তবে মঙ্গলে নেই?

‘স্বর্ণ’ নামটা মনে আনতেও মন শিউরে উঠছে। তবু মনের চিন্তা কে ঠেকাতে পারে?...শতবার সরিয়ে রাখতে চেষ্টা করলেও যে, সেই ঠেলে রাখা দুশ্চিন্তাকে সহস্রবার ডেকে আনে মন।

এবার বোঝা গেছে।

স্বর্ণর ভয়ানক একটা কিছু হয়েছে, খুলে বলল না সহ।

কী সেই ভয়ানক?

খুব মারাত্মক কোনো অসুখ?

নাকি একেবারেই চরম দণ্ড দিয়ে দিয়েছেন ভগবান?

স্বর্ণ! স্বর্ণ নামটা সত্যর জীবন থেকে মুছে যাবে?

বিসর্জনের বাজনাটা সত্যিই বুঝি বাজতে থাকে সত্যর প্রতিটি রক্তকণিকায়।

তবু কিছু গোছ করতেই হয়।

ছেলেরা এলে বলতেও হয় সত্বর বার্তা ।

এবং তারা যখন পিসিমার বাড়ি ঘুরে এসে জানায় গাড়ির ব্যবস্থা হয়ে গেছে, ঘোড়ার গাড়ি এবং গোরুর গাড়ির সাহায্যে ঘণ্টা কতকের মধ্যেই পৌঁছে যাওয়া যাবে, তখন তাদের মুখের দিকে তাকাতে সাহস হবে না সত্য ।

কিন্তু শুধুই কি সত্য ?

হঠাৎ উতলা হয়ে যাওয়া, হাল ছেড়ে দেওয়া সত্য ?

সত্যর ছেলেরাই কি মুখ দেখাতে সাহস করছে মাকে ? তাদের সেই ভয়-খাওয়া কালিমাড়া শুনেনো মুখ ?

বাড়ি চাবি দিয়ে যেতেই হবে । ঘরে ঘরে চাবিগুলো লাগাতে থাকে সত্য, আর ওর মনে হতে থাকে, তার জীবনের সমস্ত দরজাগুলোও বৃষ্টি বন্ধ করে ফেলছে সে ।

এই বন্ধ দরজাগুলো খুলে খুলে আর যেন সংসার করবে না সত্য ।

সত্যর বড়ছেলের বিয়ে না ক'দিন পরে ?

সে বিয়ে কি সত্য দেখবে ?

হবে কি সে বিয়ে ?

সব যেন ঝাপসা হয়ে যাচ্ছে... অলীক মনে হচ্ছে ।

গতকালই যে সকালে নিতাইয়ের বোঁয়ের কাছ থেকে আসা কাটা হুপুঁরির গাদা বেতের ঝাঁপিতে ঢালতে ঢালতে আফ্লাদে উৎফুল্ল হয়েছে সত্য, হুপুঁরিশুলো দিব্যি সরু সরু কুচনো হয়েছে বলে, সে কুথা কি কিছুতেই এখন বিশ্বাস করতে পারা যাবে ?

অकारণে কি এমন হয় ?

হয় না ।

মন আগে থেকে টের পায় ।

আর যদি অকারণেই হবে, ওরা এমন শুরু কেন ? গাড়িতে যারা চলেছে সজে ?

সাধন, সরল, সত্ব ?

অন্ত যে কোনো দিন হলে নিশ্চয় সত্য ওদের ওই শুরুতা ভাঙিয়ে



ছাড়তে। দৃঢ় গলায় বলতো, “অত লুকোছাপা করে লাভ নেই, যা হয়েছে তা তো জানতেই পাচ্ছি, বেঁধে মোরে দরকার কি? যা হয়েছে শুনবো, শুনতে প্রস্তুত হচ্ছি—”

কিন্তু আজ পারছে না।

কাল ছুপুর থেকে সত্যর মনটা অকারণেই হঠাৎ বিকল হয়ে গেছে।

নির্দিষ্ট জায়গায় ঘোড়ার গাড়ি ছেড়ে গরুর গাড়িতে উঠতে হল। আর ঊঠে বসার পর সত্বে একবারে স্তব্ধতা ভাঙলো। সত্যকে উদ্দেশ করে নয়, ছেলেনের উদ্দেশ করে বলে উঠলো, “তোদের পিসেমশাইয়ের আসার ইচ্ছে ছিল, শুধু এই গো-গাড়ির ভয়ে পিছিয়ে গেলেন! বয়েস হয়েছে তো! আর চিরটাকাল কলকাতায়—”

শেমের কথাগুলো শুনতে পায় না সত্য।

শুধু কানে বেজে উঠেছে ‘ইচ্ছে ছিল’!

ইচ্ছে ছিল মানে কি? কর্তব্য ছিল নয়, ইচ্ছে!

কোন দৃশ্যের মুখোমুখি হবার ইচ্ছে হচ্ছিল আয়েসী আয়ত্মার্থী লোকটার!

নীরবতাই ভীতিকর।

কথাই সাহসের জন্মদাতা।

কথার পর তাই আবার কথা কইতে পারছে সত্বে, “তাছাড়া বললেন, কদিন পরেই যেকালে তুড়ুর বিয়েতে যাচ্ছি। তখন পালকিতে যাবো এ পথটা—”

তুড়ুর বিয়েতে যাচ্ছে।

কদিন পরে তুড়ুর বিয়েতে যাচ্ছি!

ওরা তা হলে সে আশা পোষণ করছে এখনও? তুড়ুর বিয়ে যথাদিনে হবে, লোকজন সবাই যাবে নেমস্তম্ভে?

সত্য এবার যেন একটু লজ্জিত হয়।

সত্য একটু বেশী বিচলিত হয়ে পড়েছে। আর সেই বিচলিত ভাবটা ধরা পড়িয়ে কেলেছে সবাইয়ের কাছে। ছি ছি, কী লজ্জা!

হয়তো সামান্য কিছু অস্বথবিস্বথ করেছে সুবর্ণর। যে লোকটা খবর দিতে এসেছিল সেই লোকটাই বোকা হাঁদা, কি বলতে কি বলছে!

তাই সত্য এবার কথা বলে।

বলে, “তুমি চলে এলে, ঠাকুরজামাইয়ের একটু অস্ববিধে হল—”

হঠাৎ সতুর মুখে একটা হাসির আলো খেলে যায়।...হাসতেও পাবছে তা হলে সতু ?

তা পারছে।

মুচকি হেসে বলছে, “তা যা বলেছিল। এখন এমন হয়েছে, উঠতে বসতে এই সতু বামনী! তাই তো বলে এলাম, এই ক’বছরেই এত! চিরটাকাল তো আমি বিহনে কাটলো।” তা উত্তুর হল, “আর সম্পর্কটা যে জন্ম-জন্মান্তব কালের। মাঝের ওই কটা দিনের ভুলভ্রান্তির জগ্রে কি আব সে বাঁধন টিপে হবে?”

সতুর ওই হাসি দেখে সত্যরও বুঝি বুকের বল বাড়ে। তাই সত্যও প্রায় হাসির মত কবে বলে, “সম্পর্ক যদি জন্মজন্মান্তরের, তা হলে তো স্বর্গে গিয়েও তোমার সতীন-জালা ঠাকুরঝি!...তার সঙ্গের তাহলে জন্মজন্মান্তবের বাঁধন। কে জানে সেখানে গিয়ে অল্প কোনে জন্মের স্বর্গলাভ হওয়া আরো চারটি সতীন এসে কাড়াকাড়ি লাগাবে কিনা।”

প্রায় হেসেই ফেলল সত্য।

জন্মজন্মান্তব শব্দটাতে কী এমন কোঁতকের খোরাক পেল সে ?

## ॥ আটচল্লিশ ॥

হিহি হিহি হিহি হিহি !

অনেকগুলো মেয়ের গলার উল্লসিত হাসি একত্র হয়ে উছলে উঠলো গ্রীষ্মের দুপুরের দাবদাহকে পরাস্ত করে।

কনেকে পাঁজাকোলা কবে ধরে তুলে ববের কোলে বসিয়ে দিতে গিয়েছিল ওরা, সেই ধাক্কা বর ধরাশায়ী হয়েছে এবং বিদ্রোহিণী কনে ওদের হাত ছাড়িয়ে ঠিকরে উঠে পালাতে গিয়ে গাঁটছড়ার টানে হুমড়ি খেয়ে পড়েছে, তাই এই হাসি উল্লসিত লহরিত।

দুটো পতনই তো বাসরের বিছানার ওপর, লাগে নি তো দুজনের একজনেরও, তবে আর হাসিতে বাধা কি? এমন একটা বিষয়েটিয়ে ছাড়া তো গলা খুলে হাসবার ছাড়পত্র মেলে না! আজকের গলায় গলা মেলানোর দরুন সঠিক ধরাও পড়ে না গলাটা নোঁয়ের না মেয়ের! অতএব এই তো স্বযোগ। যারা শুধু শাসনের ভয়ে লজ্জাশীলার ভূমিকা অভিনয় করে চলে, তারা এমন স্বযোগটা ভাল মতেই নেয়।

আজও নিচ্ছিল।

চুটিয়েই নিচ্ছিল।

স্ববিধে যখন পেয়েছে।

বকর্তার হুকুম মানতে হলে, হত না সারাদিন ধরে এমন আমোদ-আহ্লাদ। সেই কোন্ সকালে বরকনেকে বিদেয় দিতে হত। বারবেলা পড়বার আগেই নিয়ে যেতে চেয়েছিলেন তিনি। কেবলমাত্র কণ্ঠাকর্তার কাতর আবেদন আর করণ মিনতিতেই বারবেলা বাদে যাত্রা করতে রাজী হয়েছেন।

কণ্ঠাকর্তা করজোড়ে জানিয়েছেন, “বাসি বিষয়েটিয়ের নানান ঝগড়া, পেরে উঠবে না মেয়েরা, অহুগ্রহ করে এ বেলাটা—”

অতএব অহুগ্রহ করে এ বেলাটা কণ্ঠাকর্তাকে কুটুম্ব-সেবার পুণ্য অর্জন করবার স্বযোগ দিতে সসৈন্তে রয়ে গেছেন বরকর্তা। খানিকটা দূরে ঘোষেদের বৈঠকখানা বাড়িতে তাঁদের থাকার ব্যবস্থা করে দেওয়া হয়েছে, কনের বাড়ির মেয়েদের কলহাস্ত সেখানে পৌঁছবার ভয় নেই। সারাবেলাটা বাসি বাসরে বসে আমোদ-আহ্লাদ করছে মেয়েরা, বারবেলা কাটলে তখন বাসি বিয়ে। ততক্ষণে হয়তো আসল মাহুঘটা এসে যাবে। বরকনে বিদেয় দেরি হলেও ভাবনা কিছু নেই। বরের বাড়ি কলকাতায় হলেও, আপাততঃ বিয়েটা হচ্ছে এপাড় ওপাড়ায়, এ বিয়ের প্রধানা ঘটকিনীর বাড়ি থেকে। স্ববিধে যৎপরোনাস্তি।

এই ছল্লাড়কারিণীরা বেশীর ভাগই পাড়ার বৌ-ঝি। তবে নিতান্ত তরুণী নয়, কিছুটা মাঝবয়সী।

যদিও জৈষ্ঠের ঢপুর, তবু বিয়েবাড়ি বলে কথা। চেলি বালুচরী, পার্শী জামদানী, যার যা আছে পরে এসেছে এবং গলদঘর্ম হচ্ছে। যদিও একথানা করে ফুল কোঁচানো স্নতি শাড়ি এনেছে হাতে করে, খেতে বসবার সমস্ত

পরতে। তা খাওয়ার এখন বিলম্ব আছে। বরযাত্রীদের ভোগরাগ মিটলে তবে তো!

কিস্ত নিরঙ্কুশ স্বপ্ন কোথায় ?

ওদের হিহি ধ্বনিতে বিরক্তচিত্তে ক্ষ্যাস্ত ঠাকরুণ রক্তমঞ্চে এসে আবির্ভূত হন। এবং বলাই বাহুল্য মুহূর্তে সে মঞ্চে শ্মশানের নীরবতা নামে। ক্ষ্যাস্ত ঠাকরুণ সেই নীরবতার প্রতি একবার তীব্র দৃষ্টি বুলিয়ে নিয়ে বলে ওঠেন, “হাসির ঘন্টাবাণী যে হাটতলা অবধি পৌঁচুচ্ছে, একটু রয়েসয়ে আমোদ করলে ভাল হয় না ?”

নীরবতা আরও গভীর হয়।

ক্ষ্যাস্ত ঠাকরুণের এবার দৃষ্টি পড়ে মূল নায়ক-নায়িকার ওপর। একজন ধরাপড়া চোরের মত হেঁটমুণ্ড অবনতনেত্র, আর একজন রোরুগ্মমানা। কুণ্ডলী পাকানো চেলিমোড়া শরীরটা তার কান্নার উচ্ছ্বাসে কেঁপে কেঁপে উঠছে।

দৃশ্যটি অবলোকন করে ক্ষ্যাস্ত ঠাকরুণ সন্মিত মুখে বলেন, “ছুঁড়ি যে কেঁদে কেঁদে আধখানা হয়ে গেল কাল থেকে। তোরা একটু বুঝ দিচ্ছিস না! আপনারাই হাসি-ঝঙ্কার মস্ত!”

এবার নীরব মঞ্চে শব্দ ওঠে।

একটি ঝিউড়ী মেয়ে বলে ওঠে, “এ কান্না কি আর বুঝ দিলে খামে পিসি। তা’র আবার ওর—”

পিসি ঝঙ্কার দিয়ে ওঠেন, “নাও রক্ত! তোরা যে আবার মনস্বয় ধূনোর ধোঁয়া দিতে বসলি! কেঁদে কেঁদে মুখ-চোখের চেহারা বে’ খোলতাই হচ্ছে একেবারে। শ্বশুরবাড়িতে আর বৌ দেখে কেউ বলবে না সোন্দর মেয়ে। নে এবার ওঠা, মুখে-চোখে জল দেওয়া, এবার তো বারবেলা কেটে এল, বাসি বে’র তোড়জোড় কর। মেয়েজন্ম শ্বশুরবাড়ির জন্তু—”

মেয়েটা ঝিক করে হেসে ফেলে বলে, “তুমি আর বলবে না কেন পিসি? শ্বশুরবাড়ি যে কী বস্তু তা তো আর জানলে না কখনো!”

“আমি? আমার সঙ্গে তুলনা? মরণদশা দেখো ছুঁড়ি! আমার মতন অবস্থা যেন অতি বড় শত্রুরও না হয়।...নে, আদিখ্যেতা রাখ, যোগাড়ে মন দে।”

“আর একবার কড়ি খেলানো হবে না পিসি ?”

“হবে, হবেই তো! বারবেলা গেল। দেখ ততক্ষণে যদি কলকাতার মানুষরা এসে পড়ে। ছটুককারি এক বে! সবই বিচ্ছিরি। তোল তোল ছুঁড়িকে, চেলির গরমে ভিরমি না যায়।”

ক্ষ্যাস্ত ঠাকরন প্রশ্নান করেন।

মেয়েরা কনেকে টেনে সোজা করে বসাবার চেষ্টা করে, কিন্তু সফলকাম হয় না। কেঁদে প্রাণ বিসর্জন দেবে এই যেন তার গণ। বাস্তবিকই আর তাকে “সুন্দর মেয়ে” বলে চেনা সম্ভব হচ্ছে না।

কিন্তু তাতে কি!

এটা তো স্বাভাবিক ঘটনা। বিয়ের কনে কাঁদবে না?

আমোদকারিণীরা এতে বিচলিত হবে কেন? তারা আর একবার সেই ব্যর্থ চেষ্টার পুনরাভিনয় করতে বসে। জনাচারেকে মিলে তুললে আর ওই ছোট মেয়েটাকে কায়দা করতে পারবে না? ছুঁছুক না সে হাত-পা, কক্ক না দাপাদাপি, ওরা কেন স্মৃতি ছাড়বে? হিহি হিহি হিহি!

ক্ষ্যাস্ত ঠাকরনের নিষেধের সম্মানার্থে হাসিটা শুধু এবার ঈষৎ চাপা।

ওদিক থেকে তোড়জোড়ের স্বর উঠছে, “দৈ—দৈ কোথায়? যাত্রার দৈ দেখছি না তো?...কী অব্যবস্থা বাবা, কী অব্যবস্থা। ষট আছে তো পান নেই, পান আছে তো দৈ নেই...ওগো অ জ্যোষ্টি—” প্রশ্নকারিণী তুণভর্তি প্রশ্নবাণ নিয়ে নিক্ষেপ করতে করতে এগিয়ে যান, “আসল মানুষের তো দর্শন নেই, ‘কনকাঙ্গুলী’টা দেবে কে? হ্যাঁগা বাসিবিয়ের বরণ তোমাদের পানের বরণ আগে না জলের বরণ আগে?...ওমা, নতুন গামছা দিয়ে তোমরা ‘সোহাগ আঁচল’ মুটোও? কী অনাছিষ্টি বাবা! আমাদের তো হলুদে ছোপানো স্মৃতোর গোছা দিয়ে—”

কে কাকে বলে গ্রন্থান থেকেই বোঝা যায়, কারণ সবই পাড়ার লোক নিয়ে কাজ।

প্রশ্নকারিণী যে ক্ষ্যাস্ত ঠাকরনের ভাইঝি অন্ন, বুঝতে বাকী থাকে না কারো। অন্নর গলাই বুঝিয়ে ছাড়ে। ঝিউড়ি মেয়ে গলা তুলবে দৈকি, যত ইচ্ছে তুলবে।

অন্নর প্রশ্নের উত্তর আসে কোনো নারী-কণ্ঠের ভারী স্বরের মাধ্যমে।...

“আমাদের ওই গামছার খুঁটেই সোহাগ আঁচল, যে বংশের যে ধারা !...জলের বরণ আগে না পানের বরণ আগে তোর পিসিকে জিজ্ঞেস কর, সেই ঠিক বিধেন দেবে।”

সঙ্গে সঙ্গে ক্ষান্ত ঠাকরনের বাজাব কণ্ঠ বেজে ওঠে, “হ্যাঁ, চিরকাল ওই বিধেন দিয়ে এলো ক্ষান্ত বামনী ! হাত দিয়ে তো আর ‘পশু’ করবার আইন নেই। আমার কেবল গলাবাজির চাকরি। শাঁখাউলি এয়ো সোহাগীরা হাত নেড়ে স্থয়ো ! চল দেখি—”

ওদিকে খাটো গলায় কে একজন বলে ওঠে, “দেখ দেখ এয়োদের শাঁখা সিঁচুরে দিষ্ট দেওয়া দেখ ! হুগ্গা হুগ্গা, দিষ্ট তো নয়, বিষেব দিষ্ট। শনির নজর ! নিজে আজন্ম বোগ্গো বেড়ি নাড়লেন কিনা, তাই খাওয়া-পরা দেখে হিংসেয় চোখ জ্বলে মরে।”

ঝট করে উঠে যায় একজন।

বোধ করি ক্ষান্তর স্থয়ো সে। অথবা “স্থয়োগিবি” করাই তার পেশা। টাটকা টাটকা লাগিয়ে দিয়ে যদি একটা ধুক্কাব কাণ্ড ঘটানো যায়, সেটাই লাভ। কাজকর্মর বাড়িতে এমন হয়েই থাকে। বহুবিধ কথার চাষ চলে, এবং সেই চাষের ফসল রাম রাবণের পালা ডেকে আনে। সে পালায় শুধু ‘পক্ষ’ নেওয়ার অপরাধেও অনেক মান-অভিমানের গান হয়, অনেক সখী বিচ্ছেদ ঘটে যায়।

তবে এ সমস্তই মেয়েমহলের ব্যাপার। পুরুষদের কানে এসব পৌঁছায় না। পৌঁছলেও তাঁরা কান দেন না। তাঁদের কর্মক্ষেত্র অগ্নিত্র। তাঁদের কর্মক্ষেত্র ব্যাপক। কোনো একটা ঘোঁট তুলে বিয়েটা পণ্ড করা যায় কিনা সেই চিন্তায় মাথা খাটে তাঁদের।...

বিশেষ করে মেয়ের বিয়ের।

তা বলে সকলের কি আর ?

কি করে কুটুমের কাছে কন্ঠাকর্তার মুখটা থাকবে, কি করে বরষাজীদের সঙ্গে সম্ভ্রুতি সম্বন্ধ থাকবে, এর জন্তেও অনেকেই তৎপর হন। পয়ের কাজে প্রাণপাত করতে এগিয়ে আসে, এমন লোকও আছে বৈকি জগতে। নইলে আর জগৎটা এখনো টিকে আছে কিসের জোরে ?

হয়তো সংখ্যায় এরাই বেশী।

কিন্তু জলের থেকে আগুনের, স্থধার থেকে বিষের, এবং হিতের চেয়ে

অহিতের দাপটটা বেশী বলে এদের সংখ্যাই কম মনে হয়। প্রতিভার প্রাবল্য না থাকলে তো আর পাদপ্রদীপের সামনে আসা যায় না।

সে যাক। হিঁতৈত্বীর সংখ্যা যত বেশীই থাকুক, কার্যকালে কল্লেকর্তার মাথা ঘোরেই। এ বাড়ির কল্লেকর্তার মাথাও ঘুরছে, বন্বন্ব করে ঘুরছে।

কিন্তু সে মাথাঘোরার কি কেবলমাত্র কুটম্বর কাছে সম্মানরক্ষার চিন্তায়?

নাঃ! তার মাথা ঘোরার কারণ অন্য।

তা ছাড়া ভয়ের তো খানিকটা কেটেই গেছে, বরয়াজীদের মানসম্মান রক্ষা করে বিয়ে তো মিটেই গেছে, আজ বাসিবিয়ে। এই তো মেয়েরা কনেকে আঁচলে তেকে ঘিরে খিড়কিপুকুরে স্নান করিয়ে নিয়ে এল। এখন শুধু বরপক্ষকে 'নম নম' করে কনেবিদেয় করে ফেলতে পারলেই আপাততঃ ভয় যায়। অবিশি তেমন শত্রুজন থাকলে বরপক্ষের কান ভারী করে শেষরক্ষে করতে দেয় না। বরকর্তী চোখ গরম করে শুধু বর নিয়ে চলে যাবার ভ্রমকি দেখায়...হয় অনেক কিছু।

কিন্তু এক্ষেত্রে সে সব কিছুই আশঙ্কা নেই। এখানে শত্রুজনের আশঙ্কা নেই।

তবু কল্লেকর্তী সকাল থেকে হত্তে হয়ে ঘরবার করছে। ঘর থেকে দাওয়া, দাওয়া থেকে উঠান, উঠান থেকে বাড়ির বাইরে। ক্রমশঃ এগোতে এগোতে বকুলতলার মোড়।

জ্যেষ্ঠের দুপুর, রোদ যেন গিলে খেতে আসছে, ওই বকুলতলাটুকুই যা ছায়াময়। তবু আঙনের হলুকা ছিটানো বাতাস তো বইছেই। তাকে তো আর রোধ করা যায় না।

শুব্বনেশাগ্রস্তের মত দাঁড়িয়েই আছে মাল্লুঘটা, নড়ছে না। কেবল মাঝে মাঝে গলা বাড়িয়ে ডিঙি মেরে দূরের কি যেন দেখবার চেষ্টা করছে।

সন্দেহ নেই কোন কিছুই প্রতীক্ষা করছে। কিন্তু কিসের? আহ্লাদজনক কিছুই বলে তো মনে হচ্ছে না। ক্রমশঃই একটা আতঙ্কিত উদ্বেগের ছাপ ফুটে উঠছে ওর মুখে। এখন কোনো কবরেজ যদি ওর নাড়ি দেখতো তো নাড়ির চাঞ্চল্যে উদ্ভিন্ন হত।

কাঠগড়ায় এসে দাঁড়ানোর পূর্ব-মুহূর্তে কি আসামীর নাড়িতে এই চাঞ্চল্য জাগে?

কিন্তু প্রতীক্ষার তো শেষ হচ্ছে না।

ওই দূরবর্তী পথেব শেষে কী আছে? কী আসবে?

একটা লালডুরে পবা ছোট্ট মেয়ে ছুটে এসে ডাক দিল, “অ বামুনকাকা, বামুন ঠাকুমা ডাকছে তোমায়।”

বামুনকাকা বিরক্তস্বরে বলে, “কেন?”

“জানি না। বলছে যে ‘লগন’ উত্তীরনো হয়ে যাচ্ছে, এবপব কালবেলা না কি পড়ে যাবে।”

“যাক!” বলে কনের বাবা চোখটাকে তীক্ষ্ণ কবে আরো একবাব দূর প্রান্তরের ওপারে দৃষ্টিটাকে পাঠাবাব চেষ্টা কবে। এই জলন্ত মাঠেব দাবদাহেব ওপারে কি একমুঠো ধোঁয়াটে ছায়াব আভাস পাওয়া যাচ্ছে?

নাকি দৃষ্টির ভ্রম?

ভ্রম নিরসন পর্যন্ত অপেক্ষা কবা যায় না। মেয়েটা আবও একবার বলে ওঠে, “এসো তাড়াতাড়ি! ভটচার্য মশাই নাকি রাগাবাগি করছে।” ডেকে দিলে মেয়েটা আবার ছুটে ভিতরে চলে যায়। আব কেন কে জানে, সেই দিকে তাকিয়ে কনের বাবাব বুকেব মধ্যেটা লঙ্ঘাবাটাব জ্বালার মত ‘ছ-ছ’ করে জ্বলে ওঠে।

কেন?

প্রায় ওরই কাছাকাছি বয়সী নিজের সত্ত্ব উৎসর্গীকৃত বালিকা কন্যার মুখটা স্মরণ করে? আর দণ্ড দুই পরেই মেয়েটাকে বিলায় দিতে হবে? নিবাসন। দিতে হবে একটা অপরিচিত অন্তঃপুরের অন্তরালে? স্তব্ধ হয়ে যাবে তার উজ্জ্বল কলকাকলী? হয়তো বাপের কাছেও অপরিচয়ের অবগুণন টানবে?

এতে যে বিচলিত হবার কিছু নেই, এটাই যে চিরাচরিত নীতি, ওর মাও গাই করেছে, দিদিমা-ঠাকুমাও করেছে, এ যুক্তি জ্বালা কমাতে পারল না, বুকের মধ্যেটা মোচড় দিয়ে দিয়ে উঠতে লাগলো।

আবার হয়তো শুধুই কন্যা-বিবাহ-ব্যাকুল পিতৃহৃদয়ের জ্বালাটাই সব নয়, ভয়ানক একটা অপরাধবোধও বুকের ভিতবটায় খাবল মারছে বুঝি।

অপরাধ না করেও তার বোধ কেন?

‘শ্রাব্য’ কাজ করেও আতঙ্ক কেন?

লোকটা যাচ্ছেতাই রকমের ভীতু তাতে আর সন্দেহ নেই।

ভিতর থেকে আবার ছুটে আসে মেয়েটা, ভীত-ভ্রান্ত গলায় বলে, “অ বামুন



কাকা, তোমার মা যে রসাতল করছে গো! বলছে, মহাবানী না আসা অবধি কি রাজকার্য বন্ধ থাকবে?”

নাঃ, এরপর আব দাঁড়িয়ে থাকা চলে না। দ্রুতপায়েই ছুটতে হয় বামুন কাকাকে।

অথচ আর একটু দাঁড়ালেই হয়তো প্রতীক্ষারত মূর্তিটা দেখানো যেত। কারণ রুক্ষতপ্ত জলন্ত প্রান্তরের ওপার থেকে ধোঁয়া-ধোঁয়া ছায়াটা ক্রমেই এগিয়ে আসছে, একটা অবয়ব নিচ্ছে।

ওই জলন্ত অনলের প্রকোপেই গরুগুলো গড়গড়িয়ে এগিয়ে আসতে পারছে না। গাড়োয়ান যতই কটুক্তি বাক্যের সঙ্গে সঙ্গে তাদের ল্যাজমোড়া দিক তারা যেন পিছিয়েই পড়ছে!

সহু ছইয়ের ভিতর থেকে গলা বাড়িয়ে বার বার উদ্বিগ্ন গলায় বলছে, “অ ছেলে, তোমার বলদরা যে পিছনে বাড়ছে গো! আমাদের যে বড্ড তাড়া—!”

গাড়োয়ান ক্ষুব্ধ কণ্ঠে বলে, “কী করবো বলেন ঠাকুরেন, দেখছেন তো চেষ্টা তো করছি সাধ্যমত। ব্যাটারী দৌড়ছে কই? স্থূষা ঠাকুর একেবারে আশু-ন হানছে কিনা!”

ক্ষুব্ধবাক্য উচ্চারণের সঙ্গে সঙ্গেই গাড়োয়ান প্রবল একটা ‘বাড়ি’ হানে, বলদ দুটো হড়বড়িয়ে এগিয়ে যায় খানিকটা। সাধন সরল এই অত্যর্কিত আক্রমণে টাল রাখতে না পেরে কাত হয়ে যায়, আর সত্য ছইয়ের বঁশটা শক্ত করে চেপে ধরে রেখে শ্রান্ত গলায় বলে, “থাক ঠাকুরঝি, আর তাড়া দিয়ে কাজ নেই। শেষকালে কি গো-হত্যে হবে?”

সহু ‘দুর্গা দুর্গা’ করে ওঠে।

গাড়ি এবার একটু দ্রুত বেগ নেয়, পরিচিত পথের স্পর্শ পাওয়া যায়।

কিন্তু আজও এমন ঘৃণু ডাকে কেন?

সত্যর সঙ্গে হঠাৎ এমন শক্রতা সাধবার হেতু কি ওদেব?

আচ্ছা, “ঘৃণু”র ডাক না মানুষের কান্না?

অনেকগুলো নারীকণ্ঠের ‘হ-হ’ ধ্বনি না?

এ কান্নার উৎস কোন্ দিকে! গাড়ি যত বাড়ির নিকটবর্তী হচ্ছে, শব্দটা ততই স্পষ্ট হয়ে উঠছে যে!

না, সত্য আর কিছু শুনবে না, ভাববে না।

যতক্ষণ না শাসানক্ষেত্রে গিয়ে পৌঁছোচ্ছে, ততক্ষণ পর্যন্ত কানকে আব মনকে  
নিষ্ক্রিয় রাখবার সাধনা কববে।

উলু, উলু, উলু। মুহূর্হ উলু পড়ছে।

সমবেত নারীকর্থেব উলুধ্বনি বিয়েব ঘটাব অভাবটা পূর্ণ কবতে চাইছে  
যেন।

বাসিবিয়ের সবই টাটকাব উণ্টো।

বাসিবিয়ের কড়িখেলার সময় আগে বর কড়ি চালে, পবে কনে। ‘বরণ’  
আগে কনেকে করতে হয়, পবে ববকে। ববণকর্ত্রীও বদল হওয়া রীতি। যিনি  
গতকাল বিয়ের বরণকার্য সমাধা কবেছেন, তিনি আজ আর মঞ্চে নেই। নতুন  
শায়িকার সন্ধান হছে।

“কে করবে তবে? অন্ন? তা অন্নই আয় মা। একথানা চেলি-টেলি  
জড়িয়ে আয়, বরণডালাটা ধবু।...বাজুবন্ধ নেই তোর? ঝুমকোদার তাবিজ?  
না থাকে আর কারুন নে’ পবু একজোড়া। ববণ কববাব সময় তাবিজ বাজু  
পরলে শোভা ছড়ায়।”...

কে একজন সঙ্কোভে বলে ওঠে, “আহা মাগী মা কিছু দেখতে পেল না!  
কিছু করতে পেল না! মরে যাই! এখনো এসে পড়লে বাসি বরণটা কবতে  
পায়তো!...কপালে নেই!”

কপাল!

তা ‘কপাল’ ছাড়া আর কোন্ সাগরে গিয়ে আত্মসমর্পণ :করবে আক্ষেপের  
নদীরা?

‘কপালে’ গিয়েই তো সব প্রাণের পরিসমাপ্তি।

তাই ‘কপালে’র হাতে সমস্ত ঘটনাকে নিবেদন করে আক্ষেপকাবিনী অন্নর  
বাজুবন্ধের ঝুমকোর ফাঁস টেনে শক্ত করে দিতে এগিয়ে আসে।

আবাব উলু ওঠে, ক্ষুদ্রে একটা মেয়ে গিন্নীদের থেকেও প্রবল দাপটে  
শাঁখে ফুঁ দেয়, গিন্নীরা সকলে একত্রে কথা শুরু করেন, আর সহসাই  
সেই প্রবল কলকলোল ছাপিয়ে একটা রব ওঠে, “এসেছে, এসেছে, এসে  
গেছে।”

অনেকগুলো কণ্ঠ আহ্লাদের রোল তুলে গাড়ির ধারে এসে দাঁড়ায়, এতক্ষণে আসা হল?...বাবা, সকাল থেকে পথপানে চাইতে চাইতে বাড়িহৃদ লোকের চোখ ক্ষয়ে গেল! আর একটুখানি আগে এসে পড়লে ‘জামাই’ বরণটা হতো শাশুড়ীর হাত দিয়ে! যাক—তবু মন্দেই; ভালো, শেষমেঘ চোখের দেখাটাও হবে একবার!”

কে এরা?

কি বলতে চাইছে? কাকেই বা বলছে?

শেষে একটীব্বারের জন্তে “চোখে দেখার” মত করুণতম হৃথের আশ্বাসের সঙ্গে এই উৎসব-মুখরতা কি মানানসই?

সত্য কেন এমন অমঙ্গলের ভয়ে কাঁটা হয়ে আছে? চারিদিকে সবই তো মঙ্গলচিহ্ন!...দোরে মঙ্গলষট, বার-উঠোনে আলপনার ছাপ! ভিতর উঠোনে সামিয়ানা; টাঙানো, সব কিছুই প্রথর রোদে সাদা আলোয় জ্বলজ্বল করে জ্বলছে!

সব শুভ চিহ্ন!

কিন্তু কেন? সাধন তো সত্যর সঙ্গেই রয়েছে! ‘পাকা দেখা’র মত আরও কোনো ঘটনা আছে নাকি এদের কুলপ্রথায়? তারই আয়োজন প্রস্তুত?... সত্ব শুধু মজা দেখবার জন্তে এমন হড়িয়ে নিয়ে চলে এলো!

উৎকট একটু মজা।

কিন্তু উলুর শব্দগুলো এত বিস্ত্রী লাগছে কেন? যুবুর ডাকের মত কান্না কান্না! চিরকালই তো মেয়েমানুষদের এই বুনো উল্লাসধ্বনি শুনে এসেছে সত্য। খারাপ লাগে, খারাপ লেগেছে, কিন্তু শুনে বৃকের ভেতরটা এমন ফৌপরা-ফৌপরা তো লাগে নি!

সেই একটা আলোকঝলকানো মুখ কই? সত্যর আসার খবরে ব্যগ্র দুখানা পৃষ্টনিটোল কচি হাত কেন দিগ্বিদিক জ্ঞানহারী ভঙ্গীতে ছুটে এসে সত্যকে জড়িয়ে ধরছে না?

আর...আর সেই চিরপরিচিত মুখটা? যে মুখ চিরকাল বিরাগ আর অহুরাগ—এই পদস্পর্ক-বিরোধী দুটো আকর্ষণে নিজেকে অপরিহার্য করে রেখেছে সত্যর কাছে?

ঝাপসা-ঝাপসা ছায়া-ছায়া একটা অল্পভূতি নিয়ে এলোকেশীর উঠোনে এসে ঢোকে সত্য। অথবা পারে হেঁটে ঢোকেও না। অনেকগুলি মহিলা এবং বালক-বালিকার ঠেলাঠেলির ধাক্কায় এসে পৌঁছে যায়।

আর পৌঁছেই পাথরের চোখ নিয়ে দাঁড়িয়ে পড়ে।

আজন্মের দেখা বাঙ্গালী ঘরের চিরপরিচিত সেই ছবিখানা কে এঁকে রেখেছে সত্যর দেশার জন্তে? কিন্তু কে ও? কে?

বরকনে, কলাতলা, কুলো ডালা মাথায় এয়োর দল, এইসব চিরপরিচিত দৃশ্যের মাঝে কে ওই অপরিচিতা?

যার লাল চেলির ঘোমটা খসে পড়েছে নীতি-নিষেধ ভুলে?

ও মুখ কি কখনো দেখেছে সত্য? দেখেছে ওই এক জোড়া আহত পশুর চোখ?

দেখে নি, জীবনে কখনো দেখে নি! এই অপরিচয়ের আঘাতে সত্যর চোখও তাই পাথর হয়ে গেছে।

কিন্তু কানটাও একেবারে পাথর হয়ে গেল না কেন সত্যর? কেন এত সব অচেনা গলাব কথা কানে আসছে?

“নবু, নবু এখন আবার কোথায় গেলি? এতক্ষণ তুমি ‘বৌ-বৌ’ করে ঘরবার করছিলি!...কনকাল্লীর টাকটা কাকে দিলি? হাতে মুখে একটু জল দাও বৌমা, গাড়ির কাপড়টা ছেড়ে এসে মেয়ে-জামাইকে আশীর্বাদ করো!... আহা, কাল এসে পৌঁছতে পারলে না বৌমা! একটা মাস্তুর মেয়ে, বেষ্টা দেখতে পেল না! আসবেই বা কি, খবর তো পেল না সময়ে? তোমার শাউড়ী এত ছটুককারি করে দিলে বিয়েটা, বেন বিয়ে পালিয়ে যাচ্ছিল!...তা যাক বিনি খাটনিতে সোনার চাঁদ জামাই পেয়ে গেলে! ছুটিতে কেমন মানিয়েছে দেখো!...বিয়ে খাসা হয়েছে, জাজলিয়মান সংসার জানাশুনোর মধ্যে!”

সত্যর মাথার মধ্যে ইঞ্জিন চলছে—কথাগুলো ক্রমশঃ ঘরের শব্দের মত ঠনঠন করে বাজছে.....“যাই ভাগ্যিস নবুর সঙ্গে মেয়েটাকে পাঠিয়েছিলে, আর ঠিক সেই সময় তোমার শাউড়ীর সইয়ের মেয়ে মুক্ত এসেছিল বেড়াতে,

তাই না যোগাযোগ হয়ে গেল! তোমার রূপসী মেয়ে দেখে মুক্ত একেবারে গলে গেল! বলে, 'এ মেয়ে আমি বৌ না করে ছাড়ব না।' ছেলের বুকি আষাঢ় মাসে জন্মমাস, তাই এই জ্যোষ্টিতেই সেরে ফেলে বাঁচলো। তোমার শাউড়ীও তো মেয়ের আগে ছেলের বে দেওয়া নিয়ে নবুকে ন ভূতো ন ভবিষ্যতি করছিল। নব ভয়ে ভয়ে...ও কি, অ সদ্, বৌমা অমন নিশিতে পাওয়্যাব মত পিঠ ঘুরিয়ে চলে যাচ্ছে কোথায়? শরীর তো ভাল দেখাচ্ছে না, নাই বা গেল এখন ঘাটে? বাড়িতেই এক ষটি জল নিয়ে... ওমা ওমা, অ সদ্, বৌমা যে বকুলতলার দিকে চললো। ওদিকে কি?... অ নবু—ওরে অ খোকারা, খোকারা তোদের মা ফের গাড়িতে গিয়ে উঠতে চায় নাকি?"

পালিয়ে বেড়ানো নবু এতক্ষণে সমাজে দেখা দেয়। দেয় সদ্দর সামনে। ভয়ভরা গলায় বলে ওঠে, "বিয়ের কথা জানাও নি তোমাদের বৌকে?"

কে জানে কেন সদ্ হঠাৎ এখন কঠিন হয়। কঠিন: গলায় বলে, "না, জানাই নি।"

"তাই! তাই বুঝি। না বলে নিয়ে এসেই এইটি হল।"—নবকুমার রাগ-রাগ গলায় বলে, "এ কী আশ্চর্য্য! আগে এলে বিয়ের বাধা দিত তাই জানানো হয় নি, এখন না বলে নিয়ে আসার মানে? বলতে কী হয়েছিল?"

চিরদিনের সহিষ্ণু সদ্ হঠাৎ এমন অসহিষ্ণু হয়ে উঠল কেন? সদ্ যেন আরো কঠিন হচ্ছে। কঠিন আর কঠোর গলায় বলছে, "বলতে কী হয়েছিল সে বোঝবার ক্ষমতা তোর থাকলে তো বলবো? ঢের দিন ঢের অন্ন খেয়েছি তোদের, তার ঋণ শুধতে বৌকে সঙ্গে এনে পৌঁছে দিয়ে গলাম তোদের হাতে। তবে কসাইয়ের কাজটাও করি নি কেন, এ বলে আর চোখ রাঙাস নে। মুখ দেখে বুঝি আর এ ভিটেয় জলম্পর্শ করবে না ও, ফিরে যাবে। আমিও চললাম ওর সঙ্গে—"

সদ্দুও দ্রুতপায়ে বেরিয়ে যায়।

বকুলতলার দিকেই যায়।

আর বিয়ের কনেটাও একটা অদ্ভুত পরিস্থিতি ষটিয়ে বসে। হঠাৎ সেই -কলাতলাতেই বসে পড়ে বরের সামনেই হাউ হাউ করে কেঁদে ওঠে, "কেন

তোমরা এই সব করলে আমার ? মা আমায় মেরে ফেলবে !” মার পিছু পিছু যাবে তার উপায় নেই, আঁচলের সঙ্গে গাঁটছড়া বাঁধা ।

অমোঘ অচ্ছেদ্য বন্ধন ! অনন্তকালের ওপার পর্যন্ত নাকি যার ক্ষমতা :ক্ষেত্র বিস্তৃত !

সমস্ত পশ্চিম আকাশটা জুড়ে লালের সমারোহ, সেই লাল ছড়িয়ে পড়েছে মাঠে পুকুরে গাছপালায় ।

...লটকে পড়া গরু দুটো ষাসজল আর পড়ন্ত বিকেলের স্নিগ্ধ হাওয়া পেয়ে আবার সতেজ হয়ে গড়গড়িয়ে টেনে নিয়ে যাচ্ছে গাড়িখানাকে ।

আজকে সন্ধ্যার মধ্যে বামুনপাড়ার এই বড় মাঠটা পার করে নিয়ে যেতে হবে এই নির্দেশ । তারপর যদি চলা নিতান্ত অস্ববিধে হয় হাটতলার ওদিকে বিশ্রাম নিলেই হবে । ঘোড়ার গাড়ি জুটে গেলে মজল ।

অনেক দিন আগে একদিন রামকালী কবরেজ এ গ্রাম থেকে ধুলোপায়ে বিদায় নিয়েছিলেন ।

আজ রামকালী কবরেজের পিতৃভক্ত মেয়ে বাপের সেই কাজের অমুকরণ করলো ।

রামকালী কবরেজের সঙ্গে ছিল নিজের পালকি । তাঁর মেয়ের ত' নেই । তাই অনিচ্ছুক গাড়োয়ানটাকে ঘুষ দিতে হয়েছে । বা হাতটাতে তাই তার এখন শুধু শাঁখা আর লোহা । মোটা হাত্তরমুখো বালাগাছটা নেই ।

ওটাই ছিল হাতের কাছে, হাতছাড়া হয়েছে ।

কিন্তু কতই বা দাম ওটার ? সত্যকে সেই তার “অনন্তকালের বন্ধন” থেকে ছাড়িয়ে নিয়ে যাবার পক্ষে কি খুব বেশী ?

ছাড়িয়ে নিয়ে, গ্রাম ছেড়ে চলেছে সত্য ।

কিন্তু এই ছাড়িয়ে নিয়ে যাওয়াটা কি নিতান্ত সহজে হয়েছিল ?

না, তাই কি হয় ? হয় না । প্রায় গ্রামস্থল সবাই এসে গাড়িখানাকে ঘিরে ধরে নিবৃত্ত করতে চেষ্টা করেছিল বৈকি ।

সত্য তাদের কথা রাখে নি ।

সত্য শুধু শাস্ত খরে একই কথা বলেছে ।

বলেছে, “বুখা কেন কষ্ট করছেন! যে উপরোধ রাখতে পারবো না—”

শেষ পর্যন্ত এলোকেশীও এসেছিলেন। হাতজোড়ের ভঙ্গী করে বলেছিলেন, “রাখতে পারবে না মানে রাখবে না, এই তো! তা আমি এই শাস্ত্রী হয়ে তোমার কাছে হাত জোড় করে ষাট মানছি বোঁমা, অপরাধ মার্জনা করে। অগ্নাই হয়েছে আমরা, একশোবার অগ্নাই হয়েছে, স্বীকার পাচ্ছি সে কথা। বুঝতে পারি নি মেয়ে নবার নয়, একা তোমার না বুকে তাই ঠাক্‌মাগিরি করে ওর উব্‌গার করতে গিয়েছিলাম।...যাক যা হবার ত' তো হয়ে গেছে, বে' তো' আর কিরবে না, তুমি কেন আর গেরাম জানিয়ে কেলেঙ্কারটা করছো?”

সত্য স্থির হয়ে বসেছিল, সত্য নিজেকে সংহত রেখেছিল। সত্য শুধু অগ্ন দিকে মুখ ফিরিয়ে নিয়েছিল।

আর নবকুমার ?

এলোকেশীর ছেলে ?

সে কি আসে নি মান ক্ষুইয়ে মান ভাড়াতে? নবকুমার আসবে বৈকি। নবকুমার আসবে না এ কি হয়? শেষ অবধি এসেছিল। নবকুমারও প্রায় হাতজোড় করেছিল, “বা হয়ে গেছে তার তো চারা নেই, তবে কেন—”

এলোকেশীর সঙ্গে না হোক এলোকেশীর ছেলের সঙ্গে কথা বলেছিল সত্য বলেছিল, “চারা আছে কিনা সেইটাই শুধু ভাববো বসে বসে বাকী জীবনটা ধরে।”

বাকী জীবনটা ধরে।

“বাকী জীবনটা ধরে শুধু এই কথাটা ভাববে তুমি?”

সত্য সেই ক্ষুর হতাশ ভিক্ষুক চোখ দুটোর দিকে তাকিয়েছিল নিজের পাথর হয়ে যাওয়া চোখ দুটো দিয়ে।

তাকিয়ে থেকে কেমন একটা অল্পভূতিহীন গলায় বলেছিল, “বাকী জীবনটুকু কি খুব বেশী হল? অনেকগুলো জন্ম ধরে ভাবলেই কি সে ভাবনার শেষ হবে? উত্তর পাওয়া যাবে?”

নবকুমার হতাশ গলায় বলেছিল, “তোমার সব কথার মানে আমি কোন কালেই বুঝতে পারি না, এসবও বুঝতে পারছি না, কিন্তু একটা কথা ডিক্‌সেস করি স্বর্ণই তোমার সব? তুডু খোকা এরা কেউ নয়?”

“কে কতখানি, সেটাও তো ভেবে বার করতে হবে।”

“চিরদিনই দেখলাম মায়া মমতা তোমার কাছে কিছুই নয়। জেদটাই বড়। তবু মিনতি কবে বলছি এই একবারের জন্যে অন্ততঃ সে জেদ ছাড়া আমার মুখ চেয়ে।”

“আমায় মাপ করো।”

সত্য মাথাব কাপড়টা একটু টেনে নিয়েছিল।

নবকুমার কান্নায় ভেঙে পড়েছিল।

কোঁচাব খুঁট তুলে চোখ মুছেছিল।

কিন্তু সত্য তো চিরদিনই নিষ্ঠুর। “আর আমি “রাগের ঠাকুর থাকবো” না প্রতিজ্ঞা করলেই কি স্বভাবটা বদলাতে পারবে ?

সত্য তাই নবকুমারের মুখ থেকে চোখ না নামিয়েই বলে, “তিরিশ বছর ধরে তো তোমার মুখ চেয়ে এলাম, শেষটায় একবার নিজের দিকে চাইবাব ইচ্ছে হয়েছে।”

“তোমার স্ববর্ণকে একবার আশীর্বাদও করে যাবে না ?”

সত্য কি বিদ্যাতের আঘাত পেল ?

সত্যর মা ভুবনেশ্বরী একবার ঠিক এই বকম একটা প্রশ্নে বিদ্যাতের মত কেঁপে উঠেছিল না ? সেই তার শেষ দিনে ?

সত্য এবার নবকুমারের চোখ থেকে চোখ সবিয়ে নেয়। ধীর গলায় বলে, “চিরকালের মতন চলে যাচ্ছি, বিদেয়কালে আর কেন মুখ দিয়ে কচু কথা বাব কবাত্তে চাও ?”

গাড়ি প্রায় এগোতে শুরু করে, তবু নবকুমার সঙ্গে সঙ্গে এগোয়, “তোমার বাবা এত বিচক্ষণ ব্যক্তি, তিনিও তোমাকে আট বছরে গৌরীদান করেছিলেন, সে কথা তো কই মনে করছো না ?”

হঠাৎ সত্যর সেই পাথরের চোখে আশ্চর্য বলসে উঠেছিল।

“মনে কবছি না, এ কথা কে বলেছে তোমায় ? জীবনভোর মনে করে আসছি। আর এবার বাবার কাছেই গিয়ে তার উত্তর চাইব।”

নবকুমার তবু গাড়ির বাঁশ চেপে ধরে আছে। “তোমায় আমি কথা দিচ্ছি তুড়ুর মা, তুমি যদি বল, কুটুমবাড়ির সঙ্গে একটা বিরোধ ঘটিলে স্ববর্ণকে আবার তোমার কাছেই ফিরিয়ে এনে দেব—”

সত্য হঠাৎ একটা কাজ করে বসে। এই খোলা মাঠে এর ওর সামনে হাতটা বাড়িয়ে নবকুমারের সেই গাড়ির বাঁশ চেপে ধরা হাতটা চেপে ধরে।



উদ্ভাস্ত গলায় বলে ওঠে, “সত্যি বলছো? ফিরিয়ে এনে দেবে? এই পুতুল খেলার-  
বিয়েটা মুছে ফিরিয়ে দেবে আমার সেই স্ববর্ণকে?”

সহু গাড়ির ছইয়ের মধ্যে বসেছিল।

চুপ করেই বসেছিল এতক্ষণ।

এবার আন্তে বলে, “মুছে ফেলব বললেই কি মুছে ফেলা যায় বো? এ কি মুছে  
ফেলার জিনিস? নারায়ণ সাক্ষার বিয়ে—”

সত্য নবকুমারের হাতটা ছেড়ে দেয়। কেমন এক রকমের হাসি হেসে বলে,  
“সব বিয়েতেই নারায়ণ এসে দাঁড়ান কিনা, সব গাঁটছড়াই জন্ম-জন্মান্তরের বাঁধন  
কিনা, এই প্রশ্ন নিয়ে বাবার কাছে যাচ্ছি ঠাকুরঝি।”

সহু নবকুমারের দিকে তাকিয়ে শাস্ত গলায় বলে, “সে প্রশ্নের উত্তরও তো  
একজন্মে মিলবে না।...তুই আর কেন দেরি করিস নবু? তুই বাড়ি যা, কাজের  
পাহাড় পড়ে আছে তোর। আর দেরি করলে চেষ্টা করে আর কুটুমের সঙ্গে  
বিরোধ বাধাতে হবে না।”

তবু শেষ চেষ্টা করে নবকুমার।

ফিরে যেতে গিয়েও বলে, “আমি অপরাধী, আমায় শাস্তি দাও, তুডু তো কোন  
অপরাধ করে নি? ওর বিয়েটা দেখবে না?”

“নাই বা দেখলাম, দূর থেকে আশীর্বাদ করবো!”

আর এগোনো যাচ্ছে না।

সব মিনতি ব্যর্থ করে দিয়ে গাড়িটা যাচ্ছে এগিয়ে।

সব অল্পভূতির আলোড়ন ওঠে, আর সেটা ফেটে বেরিয়ে পড়ে, “জানি।  
জানতাম কথা থাকবে না। কারুর উপরোধ রাখবার পাত্র তুমি নও। কিন্তু এই  
বলে রাখছি, কেউ তোমায় ঘাড়ে করে কাশী পৌঁছতে যাবে না।”

সত্য কি তবে বাঁচলো?

শেষ মুহুর্তে হেসে চলে যাবার পথ পেয়ে? সেই বাঁচার গলায় তাই ওর সেই  
পরিচিত ভঙ্গীতে হেসে উঠলো, “ওমা আমি তা বলতেই বা যাবো কেন? ঘাড়  
থেকেই যখন নেবে যাচ্ছি চিরকালের মত! কারুর ঘাড়ে না চড়ে শুধু নিজের পা  
দুখানার ভরসায় মা বসুমতীর মাটি হোঁয়া যায় কিনা, সেটাও তো আমার আর  
এক প্রশ্ন।”

গাড়িকে দাঁড় করিয়ে রাখতে পারছে না গাড়ির চালক, গরুগুলো  
এগোতে চায়। নবকুমার যেতে গিয়ে ফিরে এসে হঠাৎ লাফিয়ে সেই গাড়ির

মধ্যে উড়ে পড়ে ক্ষিপ্তকণ্ঠে বলে উঠে, “এই জগ্গেই বলে মেয়েমানুষের বিবয়-সম্পত্তি থাকতে নেই। বাপের দলিলের ভরসা রয়েছে তাই স্বামীর অন্ন ত্যাগ দিয়ে চলে যাবার সাহস। মেয়েমানুষের এত সাহস ভাল নয়। এই আমি বলে দিচ্ছি, অশেষ দুঃখ আছে তোমার কপালে। স্বামী হয়ে এই অভিশাপ দিচ্ছি তোমায় আমি।”

এ অভিশাপ যে নিতান্তই ক্রোধ, ক্ষোভ, হতাশা, অপমান, লোকলজ্জ আর অপরাধবোধ থেকে উদ্ভূত, তা বুঝতে পারে বৈকি সত্যবতী, তাই নিজে সে এত বড় অভিশাপেও বিচলিত হয় না। বরং প্রায় হেসে কেলোই বলে, “তাই তো দিয়ে আসছো তোমরা আবহমান কাল থেকে। স্বামী হয়ে, বাপ হয়ে, ভাই হয়ে, ছেলে হয়ে। ওটা নতুন নয়। অভিশাপেরই জীবন আমাদের। তবে ওই যে দলিলের কথা বললে, জেনো ওই ছেঁড় কাগজটার কথা আমার মনেও ছিল না। মনেই যখন করিয়ে দিলে তে বলি, বাবার দেওয়া বস্তু ফেলে দেওয়া বাবার অপমান। সাধন সরল যদি মানুষ হয়, ওরা যেন ওই বিষয়টুকু থেকে ওই ত্রিবেণীতে মেয়েদের একটা ইচ্ছা ধুলে দেয়।...আর...আর নাম দেয় যেন ‘ভুবনেশ্বরী বিদ্যালয়’।...একটু খামো’— বলে সত্য আঁচলটা গলায় জড়িয়ে স্বামীকে একটা প্রশ্নাম করে বলে, ‘জীবনভোর অনেক অকথা-কুকথা বলেছি তোমায়, অনেক জ্বালাতন করেছি : পার তো মাপ করো।’

সদু মৃদু ধমকের সঙ্গে বলে, “নবু বাড়ি যা। বৌর পিছু পিছু ছুটে এসে কোন লাভ নেই। ওর নাগাল তুই কোন দিনই ধরতে পারিস নি, আজও পারবি না। শুধু এইটুকুই বলতে ইচ্ছে করছে, মুখ্যই না হয় হয়েছিল, কিন্তু ‘মমতা’ বস্তুটা কি এক কণাও থাকতে নেই রে? মাতৃ-আজ্ঞায় মেয়ে পার করতে বসবার সময় বৌর মুখটা একবার মনে পড়ল না? তিরিশ বছর একত্র ঘর করলি, বনের পশুপক্ষীর প্রতি যে মায়া জন্মায় তা জন্মায় নি তোর?”

নবকুমার নীপ্তকণ্ঠে বলে, “এই বললে তুমি সদুদি? ওর কথা আমার মনে পড়ে নি? অবস্থাটা বুঝেছ আমার? দশচক্রে ভগবান ভূত হয়ে—”

“নবু নেবে যা। মেয়ে জামাই এখনো ষরে, কুটুম্ব কেপে বসে আছে, অনেক :কাজকর্তব্য আছে, সেখানে না গেলে চলবে না। মেয়েটার কথা ভাব।”

“মেয়েটা। আমি মেয়েটার কথা ভাববো।”...নবকুমার পাগলের মত করে, “স্নেহময়ী মা যে তাব বৃকে মৃগুর মেরে রেখে এল সেটা তো কই ভাবছ না? এই যে সে কাঠ হয়ে দাঁড়িয়ে রইল, আর মা তার দিকে দৃষ্টিমাত্র না দিয়ে ঠিকরে চলে এল, বৃক কেটে গেল না তার? তার কোনো অপরাধ আছে?”

সত্যবতী আর কথা বলে না, শ্রান্তভাবে ছইয়ের ধারের বাঁশে মাথাটা ঠেকিয়ে চোখ বৃজে বসে থাকে। সত্ব এবার দৃঢ়ভাবে বলে, “নবু, তুই নাববি?”

নেমে পড়ে নবকুমার।

পিছন দিকে না তাকিয়ে হন হন করে হেঁটে যায় কোঁচার খুঁটে চোখ মুছতে মুছতে।

গাড়ি এগোতে থাকে।

মাঠ পার হয়ে হাটতলায় এসে পৌঁছালো বলে। এখানে ঘোড়ার গাড়ি মিলবে। সরল দেখবে তার ব্যবস্থা। সাধন মার প্রতি বিরক্তিবশতঃ আসে নিঃসঙ্গে।...বাবা যত বড় গর্হিত কাজ করে থাকুন, মার নির্লজ্জ কেলেকারিও তার কাছে অধিক অসহ্য!...

গরুর গাড়ির মেয়াদ ফুরিয়ে আসছে, আকাশের দিক থেকে তাই চোখ কেব্রাতে ইচ্ছে করছে না। সমস্ত পশ্চিম আকাশটা জুড়ে লালের সোনা!...

আকাশের ওপারে কি সত্যই আছে আর এক জগৎ? তারা ওখানে কারো চিত্তা জ্বলেছে?...এ তারই অগ্নি-আলো?

নাকি আশুন নয়, শুধু রং?

সেখানের কোনো নববধু তার লাল চেলিখানা মেলে দিয়েছে শেষ ব্রোদুরে!...

একসময় সত্ব এণ্টা নিঃশ্বাস ফেলে বলে, “বিয়ে হয়েছে বলেই সব আশা ফুরিয়ে যাবে বৌ? একেবারে ত্যাগ দিয়ে চলে আসবে তুমি স্ববর্গকে? তুমিও তো বিয়ের পরই এতখানিটা হয়েছে!”

সত্য সত্বর মৃথের দিকে তাকিয়ে দেখে। উত্তর না দিয়ে পারে না। আশু বলে, “আমি যে কতখানিটা হয়েছি ঠাকুরবি, তার প্রমাণ তো এই দেখছো!”

“এ তো মানুষের বিশ্বাসঘাতকতা বো! এ নিয়ে বিচার চলে না।  
স্ববর্ণকে মানুষ করে তোলার যে বড় আশা ছিল তোমার।”

সত্য আকাশের দিকে চোখ ফেলে। সেখানে কি স্ববর্ণর মুখট  
ধোঁজে?...স্ববর্ণকে কি দেখতে পায় সত্য? তাই অমন আচ্ছন্নের মত ব  
“স্ববর্ণ যদি মানুষ হবার মালমশলা নিয়ে ভয়ে থাকে ঠাকুরবি, হ  
মানুষ!...নিজের জোরেই হবে! তার মাকে বুঝবে! নইলে ওর বা  
মতন ভাবতে বসবে, মা ওর মতা নিষ্ঠুর!...সে ভাবনা বন্ধ করি এ উপায় আম  
হাতে নেই।”

“কিন্তু বো, তালুই মশাই সংসার ত্যাগ করে কাশীবাসী হয়েছেন, তাঁর ও  
আবার এই অশান্তির বোকা চাপানোই কি ঠিক হবে তোমার?”

সত্য এবার যেন তার নিজস্ব দৃঢ় ভঙ্গীতে ফিরে আসে। নিজস্ব ধরনে ব  
“না ঠাকুরবি, সে অন্ডায় আমি করবই বা কেন? বাবার বোকা হবো কেন  
তারপর একটু হেসে বলে, “অনেকদিন আগে স্ববর্ণ যখন জন্মায় নি, পাঠশা  
খুলে পড়ানো-পড়ানো খেলা করতাম, মনে আছে তোমার ঠাকুরবি? আব  
দেখবো সে খেলা ভুলে গেছি না মনে আছে?...একটা মেয়েমানুষের ভাতকা  
চলে যাবে না তাতে?”

“নিজের পেট নিজে চালাবি বো? এই সাহস নিয়ে স্বর ছাড়ছিস?”  
একটা নিঃশ্বাস ফেলে বলে, “পায়ের ধুলো নেবার সম্পর্ক নয় বো, তবু নিতে ই  
হচ্ছে। কিন্তু তখন যে বললি কাশীতে—”

“হ্যাঁ, যাবো কাশীতে বাবার কাছে। সারাজীবন ধরে অনেক প্রশ্ন জরি  
রেখেছি, আগে তার উত্তর চাইতে যাবো।”

সহসা স্তব্ধতা নামে। গাড়ি ধীরে ধীরে হাটতলায় এসে থামে। গ  
গাড়ির পথ শেষ হয়?